

ՎԱՄԱՆԱԿԱԿԻՅ ՊԱՏՄՈՒԹԻՒՆ

1868-1878

ԺԱՄԱՆԱԿԱԿԻՑ ՊԱՏՄՈՒԹԻՒՆ

1868-1878

Մ Ա Ս Ն Գ .

Գ Ր Ե Ց

Հ . Մ Ի Ն Ա Ս Վ . Ն Ո Ւ Ր Ի Խ Ա Ն

Ի ՄԽԻԹԱՐԵԱՆ ՈՒԽՏԷՆ



Վ Ե Ն Ե Տ Ի Կ

Ի Տ Պ Ա Ր Ա Ն Ի Ս Բ Բ Ո Ց Ն Ղ Ա Զ Ա Ր Ո Ւ

1907

Ծ Ա Ն Ո Ի Ց Ո Ի Մ Ն

Դեռ երկու օր առաջ Հոովմայ պալատան մը առջեւ անցնելու ժամանակ, փողոց Լոմբարդիա, թիւ 45, նկատեցի ճակատին վրայ քանդակուած. « Historia magistra vitæ » . (Պատմութիւն վարդապետ կենաց) : Հետաքրքրութիւն չ'ըրի հարցնելու, որ այդ բնակութիւնը ո՞ւմ կը պատկանէր. արդեօք հոն կը բնակէ՞ր կամ բնակած էր Պատմութեան սիրող մը, ուսուցիչ մը : Ինձ տպաւորութիւն ըրաւ միայն հանդիսապէս հազարերորդ անգամ մ'ալ հաստատութիւնը՝ որ պատմութիւնն է կենաց Ուսուցիչը. որ ազգք և անհատք ստիպուած են անկէ քաղելու հասարակաց և առանձնական կենաց շատ մը վարդապետութիւնք և խրատք. որով և անհրաժեշտ անոր հոգացումը և զարգացումը :

Այդ նպատակը միշտ մնացն առջեւ յնչեցած եմ, սոյն ժամանակակից Պատմութեան նախկին երկու մասերը հրատարակած ժամանակս. և նոյն զգացումը ինձ առաջնորդած է գրելու նաեւ այս ~~երկրորդը~~ : Այդ պատճառաւ մանաւանդ, ջանացած եմ դիւրամատչելի ընել իր ոճովը ամեն կարգ ընթերցողաց : Եւ դիպաց սեղմ յիշատակութենէն աւելի, ընձ ~~միանգամայն~~ գիրք մը

ընթերցանութեան: Արդէն պատմուած դէպքերուն մերձաւորութիւնը, անոնց հետաքրքիր կերպարանքը՝ շատ տեսակէտներով, բռնադատեցին զիս միւս հատորներուն սահմանէն աւելի ընդլայնումն տալ պատմուածներուն:

Գիտեմ կանխապէս որ շատ դիտողութիւններ և դատողութիւններ պիտի ունենամ և պիտի ստանամ աշխարհարար գրութեանս տեսակին վրայ: Աղոնք առաջին անգամ պիտի չ'ըլլան: Շատ անգամ ընդունած եմ արդէն նամակներ: Բայց դժբաղդարար թէ բարեբաղդարար, չեմ գիտեր, յետին կամ յետիններէն մէկն եմ այն 'Կարոցին որ կ'ուզէր զաշխարհարարը կարելի եղածին չափ մօտեցնել զբարար հարուստ և գեղեցիկ լեզուին. որով ինքն ալ ճոխանայ և զարդարուի, և ունենայ այն դիւրին ձեւերը, որոնք իրեն կը պակսին:

Դարձեալ որչափ զբարարի մօտենանք, այնչափ Հայքս մէկզմէկ կը հասկնանք. մինչ կը բաժնէ զմեզ աշխարհարարը: Այս գաղափարական դրօշին և համոզման ներքեւ զինուորեցայ և ի նոյնը ամփոփուած կ'ուզեմ թաղուիլ. և անյոյս չեմ ապագայի մասին:

Այս Հատորը սակայն ունի սեպհական տարբերութիւն մը միւսերէն: Մինչ նախնապէս, ոչ ըստ իմ համոզմանս, ինչպէս ծանուցած էի Երկրորդ հատորին սկիզբը, բռնադատուած էի Վանքիս մէջ առաւելագոյն սովորութիւն եղած տառադարձութիւնը գործածելու. այս անգամ կարելի եղաւ թօթափել այդ կանխակալ կարծիքը և բռնել դիւրին և ճշգրտագոյն դրութիւնը, թէ ոչ ճշգրիտը: Որով թէ յանկարծ պատահին անուններ ըստ հին տառադարձութեան և կամ ո՛չ միակերպութիւնք, անոնք աչքէ վրիպած են և հետեւանք շարունակաբար ի վանս

չգտնուելու տպագրութեան և սրբագրութեան ժամանակ:

Ջարմանալի դարձեալ երեւամ թերեւս, որ մինչ Ազգաց ոմանց և մանաւանդ Արեւելեան Ազգաց մասերը կը հասցնեմ մինչեւ ցամա 1878, Եւրոպիոյ մեծ Ազգաց պատմութիւնքը չեն անցնիր 1872էն անդին, և կը պակսին շատ մը փոքր համարուած ազգերու պատմութիւնք, յորս շատ հրահանգիչ դէպքեր և օրէնքներ տեղի ունեցած են. և որք ամենամեծ կարեւորութիւն ունին մայրկային մտաւորական յառաջադիմութեան պատմութեան մէջ, — Խնձ անկարելի եղաւ զամենն ալ յիշատակել հատորի մը մէջ, որ շատ ստուար պիտի ըլլար: Որով պահեցի զանոնք Չորրորդ հատորի մը, որուն հրատարակութիւնը կը համարիմ չյապաղի, թէ իմ կամքէս անկախ պատճառք չխափանեն զայն:

Հոպօ 1 Յուլիս 1907.



Գ Լ ՈՒ Խ Ա.

ՊՐՈՒՍԻԱ ԵՒ ԳԵՐՄԱՆԻԱ ՍԱԳՈՎԱՅԷՆՆԵՐ ՎԵՐՋՐ

1. Պրուսիոյ խօսարանը Սագովայէ վերջը. — 2. Յաղթական բանակին դարձն ի Բէռլին. — 3. Գերմանիոյ Գաշնակցական Սահմանադրութիւնը. — Բիւմարք՝ Ասենսպպիր Գաշնակցութեան. — 4. Կոման Բիւմարք և Նապոլէոն Գ. — Խնդիր Լիւքսեմբուրկի. — 5. Պրուսիա կը հակառակի Լիւքսեմբուրկի Գաղղիոյ միացման. — Չէզոքացումն Լիւքսեմբուրկի. — 6. Գերմանական Գաշնակցութիւն և Նապոլէոն Գ. — Տեսակցութիւն երկու կայսերաց ի Սալցբուրկ. — 7. Մաքսային բնդհանուր Գերմանական Գաշնակցութիւն. — 8. Հարաւային զատուոց միութեան փափաքներ. — Բատեն:

1. — Գուլիէլմոս Թագաւորը Նիքոլսբուրկի Գաշնախօսութեանէն վերջը, պատերազմի դաշտէն դարձաւ ի Բէռլին (ձգտտոս Աին, որպէս զի անձամբ բանայ նորընտիր երեսփոխանական խօսարանը:

Պրուսիոյ խօսարանը Սագովայէ վերջը. 1866.

Մայրաքաղաքը իրեն հռանդուն և շքեղ ընդունելութիւն մը բրաւ: Հասաւ ի Բէռլին երեկոյեան ժամը 10ին, կառքին մէջ ունենալով զթագաժառանգ իշխանը և զկոման Բիւմարք, զինուորական և քաղաքագիտական երկու յաղթողներով: Քաղաքը ցորեկուան պէս ամեն կողմ լուսաւորուած էր և ամեն կողմ կը լսուէին հայրենասիրական երգեր: Ժողովուրդը զանազան անգամ

փորձեց քակելու կառքին ձիերը որպէս զի ինքը տանի իւր թագաւորը: Ուրախութիւնը ընդհանուր էր առանց կրօնական և կուսակցական խտրութեանց: (Սգոստոս 5) ի խօսարանի բացման օրը, աստուածային պաշտամունք կատարուեցան թէ նորադանդից և թէ կաթօլիկաց եկեղեցիներու մէջ և կէսօրուրնէ քիչ առաջ 350 երեսփոխանք երեք անգամ եռանդագին ծափահարութեամբք ընդունեցան զԳուլիէլմոս թագաւորը Սպիտակ սրահին մէջ:

Բովանդակ Գերմանիա և բովանդակ Լւերոպա հետաքրքրութեամբ կը սպասէր լսելու Պրուսիոյ խօսքը իր զինուց շառաչաւոր յաղթութենէն վերջը Աւստրիոյ դէմ: Արդէն ընտրութիւնքը պատերազմին յաջող ժամանակ կատարուած ըլլալով, նպաստաւոր եղբր էին վարչութեան և չկային ընդդիմակաց ծայրայեղ կուսակցութեանց ազդեցիկ ճարտասաններէն գլխաւորք: Գուլիէլմոս նախ գոհութիւն մատոյց Աստուծոյ որ օգնեք էր, այսպիսի շքեղ յաղթութեամբք վանելու Պրուսիոյ սահմաններէն սպառնացող թշնամին որով հարթուեք էր Գերմանիոյ կազմակերպութեան ճանապարհը. յիշեց քաջ մարտիկները որոնք կեանքերնին զոհեք էին հայրենեաց դատին համար. աւելցուց որ վստահ էր կարելու միջոցներ շնորհուելուն ազգային փոխառութեանց կարգադրութեան համար և ապահով էր որ ներկայ պարագայք պիտի օգնէին՝ վարչութեան և խօսարանին մէջ համաձայնութիւն հաստատելու, և « պիտի դադրէին նախորդ տարածայնութիւնք զրամական խնդրոց նկատմամբ » որով և կարելի պիտի ըլլար « ընդարձակելով վարչութեան սահմանքը, կազմակերպել դաշնակցական բանակ մը ընդ հրամանատարութեամբ Պրուսիոյ . և այս ծանրարեոնութեան պիտի մասնակցէին համօրէն դաշնակիցք »:

Յայտնի է այսպիսի բանախօսութիւն մը ունեցաւ իր մեծ և ոգեւորիչ տպաւորութիւնը: Անհամար ծափահարութիւնք ողջունեցին վերջը և թագաւորը մեկնեցաւ երեսփոխանաց և ամբոխին կեցցէներուն մէջ: Երեսփո-

խանական ժողովը հաճութեամբ տեսաւ որ Պրուսիա իր նոր, բարձր դրից մէջ չէր կրնար ասկէ վերջը պարզ աւատական և կամ զինուորական վարչութիւն մը մնալ . և որպէս զի կարենայ ունենալ իր փափագած ընդլայնումը, հարկ էր սահմանադրական և դաշնակցական կազմութիւնը բարգաւաճեցնել: Բայց և պէտք էր մոռնալ անցեալ առտնին տժգոհութիւնները, պէտք էր աչք զոցել նախկին պաշտօնարանին, խօսարանին արձակուրդի ժամանակ, անհրաման բրած փոխառութեանց՝ կրարով՝ նախկին խօսարանին նախագահը և Բիսմարքի անհաշտ հակառակորդը, իմանալով որ հաշտութեան մը համար ընդ վարչութիւն և ընդ խօսարան, Արքունեաց փափաքն էր որ ինքը ընտրութենէ հրաժարի, ծանոյց որ ինքը չէր ուզեր վերընտրուիլ: Այս եւս յաջողութիւն մ'էր Բիսմարքի. և յետ կրկին բուէարկութեանց ընտրուեցաւ Ֆորքէնփէք 17() բուէիւր:

Պսակի ճատին պատասխանին առթիւ, յուզուեցաւ մեծապէս անհրաման փոխառութեանց խնդիրը: Բիսմարքի ինքնագլուխ և արհամարհոտ դրութեան հակառակող երեսփոխանը, այս առթիւ թափեցին իրենց սրտից մէջ բարդած ընդդիմութիւնը: Այսու հանգերձ այս նիւթոյն ըննութեան համար հաստատուած Թանձնաժողովոյն բանախօսը, հոչականունն Վիրխով, ինքը եւս ոչ կուսակից Բիսմարքի, կուսակցութեանց հաշտեցուցիչ ընթացք մը առաջարկեց: Այսպէս Պսակի ճատին պատասխանը կազմուեցաւ առ թագաւորն, հաւատարմութեան և անցելոյն մոռացութեան բառերով. ունենալով զիմացնին գերմանական ամենամեծ խնդիրներ: Սակայն քիչ վերջը խօսարանը չուզեց տալ Ելեմտից պաշտօնէին խնդրած 3() միլիոն թալէրը և միայն 3() միլիոն պնդեց տալ. հարկ եղաւ որ Բիսմարք,

1. Նախկին պաշտօնարանը պատերազմին ժամանակ, առանց խօսարանական քուէարկութեան, ինչպէս որչնք է Ելեմտից համար, այլ և այլ անգամներով 11,200,000 թալէրի փոխառութիւն բրած էր:

գրեթէ հիւանդ, դիմէ խօսարան և եւրոպական կնճիռներու և ապագայ վտանգներու վախերով ստանայ խնդրուած վաթսուն միլիոնը: Այդ ազդեցութեան ներքեւ քուէարկուեցան Ելեւստից միւս բոլոր յօդուածներն ալ, որովք կրնար Պրուսիա պահել իր ստացած զինուորական բարձրութիւնը և ըստ այնմ խօսիլ և մտիկ ընել տալ:

2. — Սեպտեմբեր 21ին և 22ին յաղթական բանակը հանդիսաւոր մուտք ըրաւ ի Բէռլին: Բանակին կը յառաջէր Գուլիէլմոս թագաւորը, շքեղ սպայակուտէ մը շրջապատուած, յետոյ կու գային բազմազան կարգ կարգ զինուորութիւնք, որոց այնքան քաջածներուն և զոհողութեանց վարձք, գրեթէ այն օրուան ժողովրդեան ընդունելութիւնն էր միայն: Աւելորդ կը համարիմ նկարագրել բազմազգի հանդէսները, գիշերուան լուսավառութիւնները և հասարակաց ինչոյքները: Նոյն օրը ընդհանուր ներուժն շնորհուեցաւ բոլոր քաղաքական և տպագրական յանցաւորաց. ծանուցուեցաւ որ Հոկտեմբեր 1ին պիտի սկսէր Պրուսիոյ բարեփոխեալ սահմանադրութիւնը և օրէնքով մը պիտի միացուէին Պրուսիոյ նոր ստացուած գաւառները¹: Այսպէս վերջացած կը համարուէր 1866ի պատերազմը, որ իր ամենամեծ արդիւնքներովն հանդերձ արտաքին և ներքին, պատճառեց շատ մը առտնին ցաւեր և աղէտներ: Այնքան յաղթութիւնք և այնքան փառքեր չէին կրցած և չէին կրնար մոռցնել տալ ժողովրդեան կրող մասին համեմատարար եղած մեծ զոհողութիւնները, սիրելեաց կորուստները և կսկիծները. և դրամական չնչին նպաստներ չէի՞ր կարող այրիացեալ, որբացեալ տան մը մէջ մտցնել ուրախ և անդորր կեանքը: Ճշմարտութիւնը պէտք չէ ծածկել. պատերազմին աղետալի ծանրութիւնը ընդերկար կրեց պրուսիացի աղքատ դասակարգը, իրեն համար նշանակութիւն չունէր որ Պրուսիա գերմանական

Բանակին գար
մը ի Բէռլին:

✱

1. Տես Հատոր Բ. ԳԼ. ԿԲ.

կազմակերպութեան գլուխ կ'անցնէր: Միայն կրեց լռելեայն ազնուավայել համակամութեամբ և իրեն բերան եզող ընկերավար տրիրունք և կամ ընկերվարական լրագիրք կոռեցան օրինական հանդարտ ոճով ընդդէմ Թիամարքի քաղաքականութեան և զինուորականութեան: Յետինքս որոց գլուխ էին Թիամարք, Ռուն, Մոլթքէ, Հերուարթ, Շթայնմէյ, Պրքէլ ֆոն Պալքէնշտայն, իւրենց գոհութեան գագաթնակէտն հասած էին, որովհետեւ կը տեսնէին զՊրուսիա զինուորական առաջին ազգը. և թէ Թիամարքի մնար՝ այդ խիստ զինուորականութիւնը կ'ուզէր մտցնել նոյն իսկ պրուսիական աշխարհավարութեան մէջ:

Պրուսիական զինուց այսքան փայլուն արդիւնքը, բնական է իր մեծ տպաւորութիւնը պիտի ունենար բոլոր աշխարհի վրայ և ամեն ազգ յայտնի և գաղտ պիտի սկսէր ուսումնասիրել պրուսիական ռազմագիտութիւնը և նախնական կրթութիւնը: Ըստ այսմ հարկ չկար երկար տարիներ զինուց ներքեւ անցնել. ամեն քաղաքացի զինուոր էր հարկ եղած ժամանակ, որովհետեւ նախնապէս վարժարանաց մէջ աստիճանաբար ստացեր էր զինուորական կրթութիւնը: Յետոյ մղուեցան հրազինուց ուսումնասիրութիւնը և նոր պէտքերու համեմատ հնարուեցան նոր գիւտեր, զորս ապարդիւն ընելու համար հարկ եղաւ հակառակ նոր գործիքներ խորհիլ: Այն ատեն առաջնակարգ սկզբունք մը դարձաւ որ. « Եթէ կ'ուզես խաղաղութիւն, պատերազմի պատրաստուէ՛ »: Պատերազմի ելեմուտք Լւրոպիոյ ամեն կողմ անհամեմատ կերպով սկսան բարդուիլ Սաղովայէ վերջը. և դրուեցան նոր տուրքեր, պահանջուեցան նոր գոհութիւնք, որով տժգոհացաւ և զրգուեցաւ արհեստաւոր և աղքատ դասակարգը: Այն օրուրնէ շատցաւ ընկերավարականաց բանակը, և քաղաքական կազմակերպեալ մարմին մը դարձաւ: Իրեն վարդապետութիւնք տարածուեցան Լւրոպիոյ ամեն կողմ, խառնուած շատ տեղ ատելութեամբ մը ընդդէմ օրէնսդիրներու և իշխողներու:

Գերմանիոյ
Գաշնակցական
սահմանադրու-
թիւնը:

Յ. — Պրուսիոյ ներքին կազմակերպութենէն վերջը, կը մնար սկսիլ գործադրել Գերմանական դաշնակցութեան մեծ ծրագիրը, որուն համար արդէն եղած էր Սադովայի պատերազմը: Գուլիէլմոս իւր Պսակի ճառին մէջ ըսած էր թէ « Արդ մեզմէ, և մեր միութենէն և մեր հայրենասիրութենէն կախումն ունի Միացեալ Գերմանիոյ այնպիսի ապահով ապագայ մը պատրաստել, որ այլ եւս մաս մաս բաժնուելու և տկարանալու վտանգի մէջ չի նկնայ »: Այս ծրագրին համեմատ, Յունիս 16ին (1866) Բիսմարք շրջաբերական մը ղրկած էր, որպէս զի սեռն դաշնակցութեամբ միանան Պրուսիոյ հետ Մէքլէմբուրկ Ծվէրին, Սաքս Վայմար, Մէքլէմբուրկ Ստրէլից, Օլդէմբուրկ, Բրունշվիք, Սաքս Մայնինկէն, Սաքս Ալտէմբուրկ, Սաքս Քոպուրկ կոթա, Անհալթ, Շարցբուրկ – Սոնդերհաւզէն, Շարցբուրկ – Ռուտոլշտադ, Վալդէք, Ռէէս՝ երկու ճիւղերն ալ, Շաւէմբուրկ-Լիպպէ, Լիբէք, Բրէմէն և Համբուրկ: Երբ ալ առանձին փոքրիկ պետութիւնք, բայց միանալովսին, թէ զինուորական և թէ քաղաքական գնահատելի ոյժ մը կը կազմէին Պրուսիոյ համար, ունենալով զրեթէ եօթը միլիոն ժողովուրդ:

Բիսմարքի հրաւիրանաց համեմատ Գեկտեմբերի վերջերը իւրաքանչիւր դաշնակցական պետութիւն լիազօր նուիրակ մը ղրկեց ի Բէնլին, որոնք միաբան կազմեցին Գաշնակցական Սահմանադրութիւնը: Լիազօրք յետ զայն վիճելու և վճռելու ներկայացուցին դաշնակցական ժողովոյն, որուն երեսփոխանք ուղղակի քուէով ընտրուած էին և որոնք հաւաքուեր էին ի Բէնլին, նախագահ ընտրելով զՍիմսոն երեսփոխանը, արդէն երբեմն նախագահ Ֆրանքֆորդի խորհրդարանին: Ժողովոյն բացումը հանդիսաւոր կերպով ըրաւ թագաւորն Գուլիէլմոս, բարձր զահոյից վրայ նստած, իր առաջն ունենալով գերմանական շատ մը պետութեանց ներկայացուցիչները, յորոց ոմանք նախանձոտք Հոհէնձոլլէրնի տան այնքան բարձրանալուն: Գուլիէլմոս բացման ճառն սկսաւ նախ յիշելով Նախախնամութեան գործը, պատ-

մեց Գերմանիոյ անկումը անմիաբան ըլլալուն և անոր բարձրանալը Պետութեանց միասիրտ եղած ժամանակ: Վերջացուց խօսքը ըսելով որ ներկայիս ոչմիաբան պետութիւնը ամենքն ալ աչքերնին Բէռլինու վրայ յառած են, որով պէտք էր գործել արթնութեամբ:

Գումարումները շարունակեցին և Գաշնակցական Սահմանադրութիւնը ընդունելի եղաւ 230 քուէիւք ընդդէմ 153ի: Այդ դաշանց համեմատ Մայն գետին հիւսիսակողման Պետութիւնը, դաշնակից երկիր մը կը կազմէին և պիտի ունենային նոյն օրէնքներ, նոյն իրաւունք քաղաքակցութեան, հաւասար դրամական կանոնք, թղթատունք, զինուորական կարգեր նման պրուսիականին և Պրուսիոյ թագաւորն էր անոնց բարձր հրամանատարը: Ամեն քաղաքացի պարտական էր զինուորութեան: Գաշնակցական գործոց դիւրին ընթանալուն համար, սահմանուեցաւ Գաշնակցական ժողովք մը, յորում իւրաքանչիւր պետութիւն պիտի ունենար իր ներկայացուցիչը, իր ժողովրդեան բազմութեան և երկրին տարածութեան համեմատ: Այդ ժողովքին պիտի նախագահէր Պրուսիոյ թագաւորէն ընտրուած Գաշնակցութեան Ատենադպիր մը, որ պատասխանատու էր Գաշնակցական խօսարանին առջեւ, որուն հետ միաբան պիտի հսկէր Գաշնակցութեան օրինաց գործադրութեանը նկատմամբ: Հաստատուեցաւ դարձեալ դաշնակցական բարձր և վերջին Ատեան մը ի իւրեք, որ պիտի քննէր և վճռէր դաշնակից պետութեանց մէջ եղած խնդիրներ և վէճեր:

Պիտի դրուէր դարձեալ առանձին դաշինք մը որ պիտի սահմանէր հիւսիսային Գերմանական դաշնակցութեան յարաբերութիւնը և կապերը Հարաւային պետութեանց հետ, յորոց ոմանք յօժար կը տեսնուէին կապակցութեան մը Գերմանական Գաշնակցութեան հետ: Բաւիերայի պաշտօնարանին նախագահը ֆոն Փֆորդտէն փոխուելով, յաջորդեց Հոհենլոհէ իշխանը, եռանդուն կողմնակից Պրուսիոյ և Գերմանական Գաշնակցութեան հետ միութեան մը. նոյն զգացումն ունէն Վիւրդտէմբերկ,

Բաղէն, Հէսսէ Գարմշտադ¹։ Ընդհակառակն Հիւսիսային Շլէզվիկ Հողտայն կը բողոքէր և ըստ Պրակայի դաշանց կը պահանջէր իր ազատ կամքը միանալու Գաւիմարքայի հետ. բայց չէր կարող Բրուսիոյ սպառնալից դիրքէն և Եւրոպիոյ միւս Պետութեանց անտարբերութենէն և զգուշութենէն. ոչ ոք կ'ուզէր Պրուսիոյ հետ թշնամանալ։

Խօսարանին մէջ Դաշնակցական Սահմանադրութեան բուհարկուելէն վերջը, Գուլիէլմոս թագաւորը, հանդիսապէս փակեց խօսարանին նիստերը և այն առթիւ ըսաւ. « Մենք ամեննիս մասնակցեցանք ազգային գործոյն, թէ դաշնակից պետութիւնք և թէ ազգային ներկայացուցիչք. սիրով զոհեցինք մեր կարծիքները, մեր իղձերը այն պատճառաւ՝ որովհետեւ այս գոհողութիւնք էին ի նպաստ Գերմանիոյ և կարեւորք հայրենեաց միութիւնը ձեռք բերելու համար »։

Բիսմարք Ատե-
նադպիր Դաշ-
նակցութեան։

Մայիսի 6 Բունիսի մէջ (1868) խօսարանի հաստատած դաշնակցական Սահմանադրութիւնը ընդունուեցաւ Հիւսիսային Գերմանիոյ բովանդակ Պետութիւններէն, հաստատուեցաւ նաեւ Դաշնակցական խորհուրդը, որուն նախագահ եղաւ կոմսն Բիսմարք, զոր Գուլիէլմոս թագաւորը Ատենադպիր Դաշնակցութեան անուաններ էր։ Իսկ 1815ի հաստատուած Գերմանական Աւագաժողովը իր վերջին գումարումը ըրաւ յԱւագբուրկ (գոստոս 24ին և ծանոյց Պետութեանց, Աւագաժողովոյն աննպատակ մնալը յետ Նիքոլսբուրկի դաշանց։

Բիսմարք և Նա-
պոլէոն Գ. Խրն-
դիր Ախրսէմ-
բուրկի։

4. — Ի Գերմանիա այս ամեն եղելութիւնք բնական է տազնապ կը պատճառէին Գաղղիական վարչութեան որ ամբողջ պատերազմի ժամանակ չէզոք

1. Պրուսիոյ զինուորական մասը, Սաղովայի պատերազմին ժամանակ ֆոն Փֆորդտէն Պաշտօնարանին բռնած բնթացքէն զայրացած, յաղթութենէն վերջը պահանջած էր փոքրկացնել զՊավիերա ի նպաստ Բաղէնի և սկարացնել Բիսմարք, կ'իսէ իր Յուշերուն մէջ, որ ինքը ընդդիմացաւ. « Տկար, փոքր Բավիերա մը, հարկ էր որ Աւստրիոյ կամ Գաղղիոյ զօրկը զիմէր »։ Եւ Բիսմարք չէր ուզեր օտար ազդեցութիւն։ Խորհուրդք եւ Յուշք Բիսմարքի. Հտ. Բ. Գլ. Ի. Տպ. 1899.

լուսթեամբ սպասեր էր, իր բռնած անտարբերութեան փոխարինութիւն մը ստանալու յուսով. զոր Ռիսմարք երբէք պաշտօնապէս մերժած չէր առանց հաստատուն խոստմունք մը տալու: Նապոլէոն Գ Նիքոլսբուրկի զինադպարման ժամանակ լոնկեայն խմացուցած էր Ռիսմարքի որ Գաղղիա պիտի ուզէր Հոննոսի պալատինեան մասը և Հոննոսեան Հէսսէն¹: Փոխադարձ Ռիսմարք հասկցնել տուաւ որ գերմանական հողերէն թիւզ մը պահանջելը, պատերազմ կը նշանակէր: Այն ատեն Նապոլէոն Գ գրեթէ պահանջեց Լիւքսէմբուրկի դքսութիւնը, զոր արդէն գրեթէ խոստացուած կը համարէր Ռիսմարքի կողմանէ. պահանջեց որ նոյն խոստումը տրուի նաեւ Բէլճիոյ համար յապագային²: Ռիսմարք ժամանակ շահելու և կամ յուսալով որ գրգռեալ ողինները քիչ քիչ կը հանդարտին, հաւանեցաւ հանգստեամբ նկատողութեան և վիճարանութեան նիւթ ընել այս երկրորդ առաջարկը, առանց սակայն յայտնապէս խոստանալու³: Ըսաւ առ Բէնէդէտտի դեսպանը որ ինքը հա-

1. Ռիսմարք կը պատմէ իր Յիշատակարանաց մէջ որ կասկածելով Գաղղիոյ ընելիք պահանջը և պատերազմի սպառնալիքը, աճապարիք էր Աւստրիոյ հետ հաշտութիւն ընելու, ընդզմ զօրավարներուն կարծեաց, որոնք կ'ուզէին յաղթական մանկել ի վերնա: Չէր ուզեր Աւստրիոյ մայրաքաղաքը մտնելով և կամ հոգ պահանջելով վշտացնել զԱւստրիա, որուն չգոք միաւուն պէտք պիտի ունենար օր մը երբ Գաղղիոյ հետ ունենար պատերազմ մը, զոր ինքը անխուսափելի կը համարէր: Բայց Պոլիէլմոս այլ չէր ուզեր զաղբեցնել պատերազմը: Ռիսմարք ի գուր ջանացեր էր համոզելու թագաւորը, մինչև զայրացեր էր: Այս յանկարծ փոփոխութեան վրայ, «Սենեակս քաշուեցայ, կ'ըսէ Ռիսմարք, և կը մտածէի պատուհանն րանալով, չորրորդ յարկէն զիս վար նետել», երբ յանկարծ ներս մտաւ թագածառանց իշխանը և ձեռքը ուսիս վրայ դնելով խոտացաւ համոզել իւր հայրը: Բիւսմարք. Խորհուրդք եւ Յուշք. Հատոր. Բ. Գլ. Ի:

2. «Ուզած են ոմանք խամբել Նապոլէոն Գ-ի գեղեցիկ քաղաքականութիւնը (ազգայնութեանց նկատմամբ): Ամբաստանած են իբր թէ ուզած ըլլայ անուկ Հոննոսեան գաւառը, զաղղիացի Հելուտտիան, Բէլճիա, Սարդենիա, Հինովա, Մարոք, Տունուզ: Բաւորն ալ շինած են... Միայն հիւանդութեամբ մը և մտանդութեամբ յամին 1867, թողուց որ ուրիշները գործեն Բէլճիոյ նկատմամբ զոր ինքը չըրաւ: Նապոլէոն մէկ միայն բան մը ուզեց ձեռք բերել, զոր կամեցեր էր նոյն իսկ իսպողաւերն Լամարտին, այն է Աւստրիացի գաղղիական կողմը՝ Նիս և Սալոնա»: Էմիլ Դիլիէի, Արտասական կայսրութիւն, Հտ. Գ. Գլ. Ի. տպ. 1898:

3. Ֆոն Սիբէլ (պաշտօնական պատմիչ Բրուսիոյ արքունեաց) Նապոլէոն Գ. 1873 Յունիս 21. Հանդես քաղաքական եւ մտտեագրական:

կառակ չէր եթէ Գաղղիա ուզէր միացնել զԲէլճիա . միայն թէ ազատ թողուէր Պրուսիա իր գերմանական հպատակաց մէջ և խնդրեց որ Բէնէդէտտի զրի առած իրեն տայ այս եղած բանակցութիւնը :

Բէնէդէտտի դառնալով ի Պարիս ծանոյց Նապոլէոն Գ.ի Բիսմարքի հետ բանակցութիւնքը և եզրակացումը ¹ : Բայց Նապոլէոն յետ լուրջ խորհրդոյ, լքեր էր Բէլճիոյ տիրապետութեան խորհուրդը և կը պնդէր ստանալ միայն զԼիւքսէմբուրկ , իբր վարձք Գաղղիոյ չէզոք կենալուն , և զայս դիւրին կը համարէր, քանի որ Լիւքսէմբուրկի դքսութիւնը Հոլանդայի թագին հետ միացեալ էր առժամանակեայ և անձնականապէս, և կարելի էր Հոլանդայի թագին դրամական փոխարինութիւն մը ընել, որուն կը յուսար դիւրաւ համոզել Հոլանդայի թագաւորը : Նապոլէոն մինչեւ իսկ գումարը սահմանած էր 90 միլիոն ֆրանք : Կը մնար այս գաղտ որոշողութիւնը հաղորդել պետութեանց և հաւանութիւններին առնուլ . ապա հարկ էր առաջարկել Պրուսիոյ որ Լիւքսէմբուրկի բերդին մէջ պահած պահանորդքը կոչէ և տեղիք տայ Գաղղիոյ :

Պրուսիակր հա-
կառակի Լիւք-
սէմբուրկի
Գաղղիոյ
միացման :

Ծ. — Նապոլէոն Գ. իւր խորհուրդքը յայտնեց նախ Անգղիոյ որ ընդդիմութիւն մը չի ցրցուց, ապա կարգաւ ուրիշ Պետութեանց : Իսկ Գաղղիոյ Արտաքին Գործոց պաշտօնեայն ծանոյց Բիսմարքի իբրեւ արդէն բանակցեալ խնդիր մը : Բիսմարք զարմանք յայտնեց այսպիսի ժամանակ այսպիսի խնդիր մը յառնելուն . ծանոյց որ բոլոր Գերմանիա պիտի յուզուէր այս լրոյն վրայ և դժուար պիտի ըլլար « հասարակաց մղումը զսպել » : Ասիկայ պատերազմի մը սպառնալիք էր : Եւ յիրաւի բովանդակ Գերմանիա յուզուեցաւ զԼիւքսէմբուրկ հիւ-

1. Բիսմարք ժխտած է որ խոստում մը ըրած ըլլայ առ Բէնէդէտտի . մինչ սա պնդած է Բիսմարքի կողմէն ստացած հաստատուն խոստման վրայ : Բիսմարք Բէլճիոյ այնքան կարեւորութիւն չէր տար, որքան Լիւքսէմբուրկի . զոր գերմանական հող կը համարէր :

սիսային գերմանական հող մը համարելով: Լրագրացմէ ոմանք պատերազմ կը պահանջէին եթէ յանկարծ Փաղղիա « յանդգնէր » գործադրել իր խորհուրդը: Գերմանական խօսարանին մէջ Բէնինգսէն երեսփոխանը հարցումն ուղղեց առ նախագահն պաշտօնարանին և պնդեց որ Լիւքսէմբուրկ մասն կազմելով Գերմանիոյ, Պրուսիա իրաւունք ունի հոն պահանորդը պահելու: Բիսմարք իւր պատասխանին մէջ առ Բէնինգսէն ծանոյց ճարտարութեամբ մը որ. « իրաւունք չունենալով զԼիւքսէմբուրկ մտցնել Հիւսիսային դաշնակցութեան մէջ, կարելի էր որ այս ինդրոյն նկատմամբ ղիտողութեան առնուէր Փաղղիոյ անձնասիրութիւնքը »: Բիսմարք կը համարէր որ այսպէս կը հաճէր զՓաղղիա չպնդելով Պրուսիոյ պահանորդ պահելուն վրայ: Սակայն Փաղղիա չգոհացաւ այդքան բացատրութեամբ և պահանջեց որ Բրուսիոյ վարչութիւնը աւելի պայծառ յայտնէ իր ըսածին իմաստը: Կայսերական վարչութեան կողմանէ պատերազմի գրգիռ մ'էր այս, բայց չէր գուշակեր որ սպառնալից ժամանակը անցեր էր: Փաղղիա լոբեր էր երբ կրնար դիւրաւ փոխարինութիւն մը ձեռք բերել: հիմա կը սպառնար, երբ Պրուսիա կնքեր էր Աւստրիոյ հետ խաղաղութեան դաշինքը և Գերմանական Դաշնակցութիւն մը ձեւացուցեր էր, որուն բանակին պիտի հրամայէր Պրուսիոյ թագաւորը: Դոյն իսկ Լիւքսէմբուրկի և Հոլանդայի մէջ պատերազմի կուսակիցը և գերմանասէրք ի նպաստ ինդրոյն զինուորագրութիւն մը սկսան: Սակայն Փաղղիա չէր ուզեր այդ պատճառաւ մինչեւ պատերազմի հասնիլ և Պրուսիա ալ նոր կռուէ մը ազատած, երկրորդ մը չէր ուզեր սկսիլ և այն Փաղղիոյ հետ: Բիսմարք ճարտարութեամբ մը ծանոյց որ ըստ 1839ի Լոնդրայի Դաշանց, Լիւքսէմբուրկի Դքսութիւնը Եւրոպիոյ մեծ Պետութեանց հովանաւորութեան ներքեւ զրուած ըլլալով, անոր պատկանող ամեն ինդիր, հարկ էր որ լուծուէր ղիւանագիտական միջոցներով: Դապուլէոնի վարչութեան վերջին յոյսն Հոլանդայի Գուլիէլմոս թագաւորին վրայ էր, որ անձնականապէս հակառակ

չէր գումար մը ստանալու. բայց և նա պատերազմի մը պատասխանատուութենէ փախչելու համար, դաշինքը չստորագրած խորհուրդ հարցուց Ռիսմարքի և Ռմանալով վաճառման մը հետեւանքները, հրաժարեցաւ դաշինքը ստորագրելէ: Երանր էր Նրպուլէնն Գ.ի ետ առնուլ իր առաջարկը, զոր հասունցուցած կը համարէր և տազնապողական կացութեան մէջ էր երբ Ռիսմարք իմացուց Ռուսիոյ, որ Պրուսիա կ'ընդունէր հաշտարար միջամտութիւն մը, որով Ռուսիա, Աւստրիա և Անգղիա բանակցելով ի Լոնդրա, խնդրոյն միջամտեցին և ջանալով գոհացնել նաեւ Գաղղիոյ անձնասիրութիւնը, առաջարկեցին որ Պրուսիա իրաւունք չունենայ պահանջորդ պահելու ի Լիւքսէմբուրկ և Գաղղիա հրաժարի Գիքսութիւնը միացնելէ, որ ըլլայ չէզոք երկիր մը՝ ընդ երաշխաւորութեամբ Մեծ Պետութեանց:

Չէզոքացումն
Լիւքսէմբուրկի

1867 Մայիս
13:

Գաղղիոյ կայսերական բոլոր լրագիրք իրր մեծ յաղթանակ մը հռչակեցին Լիւքսէմբուրկի խնդրոյն վերջաւորութեան եղանակը, որով Գիքսութիւնը, հակառակ ջանից Ռիսմարքի, դուրս մնաց գերմանական Գաշնակցութենէն: Եւ յիրաւի կրնար դիւանագիտական յաղթանակ մը համարուիլ, թէ որ Գաղղիոյ ալ չժխտուէր այնքան պնդութեամբ պահանջածը, որով Գաղղիա բան մը ստացած չէր ըլլար ի փոխարէն իր չէզոքութեան, ուսկից օգտուելով Պրուսիա առանց տազնապի այնքան յաջողութեամբք մղել էր պատերազմը ընդդէմ Աւստրիոյ՝:

1. « Երբ Ռիսմարք հանդիպեցաւ ինձ Պրուսիոյ Քազաուրին Պարիս հասած օրը, իմացուց որ առնու պիտի զար զիս տեսնելու, և իրացնէ եկաւ երկու օր վերջը... Խօսքը զարմաւ Ալիքսէմբուրկի վրայ. իր սրամտ ազատախօսութեամբ նախ յայտնեց իր մեծ զարմանքը Գաղղիոյ վարչութեան բռնած ճամբուն վրայ, ըսաւ՝ որ կը կարծէր զործել քաղաքագետ մարդկանց հետ, և մեծապէս խարտիք էր»... և ինքը, Ռիսմարք, ինդճ զեր մը կատարեք էր, մինչ մեծ ուրախութիւն ունէր որ Գաղղիոյ Ալիքսէմբուրկ ընդունելովք, պիտի կարենար հաճելի ըլլաւ զաղղիական վարչութեան, և բժշկել անոր անձնասիրութեան կրած վերքերը. որ ինքը՝ անկեղծ էր Բենդէլտի հետ բանակցած ժամանակ և փաստ կը բերէր որ չէր ծածկած անոր գերմանական բնոյշանրութեան կողմանէ հանդիպելիք մեծ զփուարու. թիւնքը, որ Վաղդալայով ընջուած ըլլալով 1815ի Գաշինքը, Հոլանդայի Քազաուրը կրնար չընդունիլ գնորը, որով կը ստիպուէր Պրուսիացուց պա.

6. — Գերմանացի լրագրութիւնը մեծապէս տրտըն- ջաց Լիբքսէմբուրկի խնդրոյն այս վերջն ունենալուն և կը մեղադրէր Պրուսիոյ վարչութիւնը գերմանացի հող մը չէզոքացնելով բաժնելուն համար: Բիւսմարք ըմբռու- նած էր որ մեծագոյն ոյժ շահելու համար հարկ էր կատարել այդ զոհողութիւնը, նա մանաւանդ կը դիտէր Գաղղիոյ կողմանէ նոր համակրութիւն մը դէպ ի Լիստրիա:

Գերմանական
Դաշնակցու-
թիւն և Նյարք-
լէն Գ:

Նիսպոլէոն Գ.ի վարչութիւնը բռնադատուած էր նոր ուղղութիւն մը փնտոելու գերմանացի Դաշնակցութեան օրէ օր նոր ոյժ մը առնելուն համար: Դաշնակցական խօսարանի նիստերուն փակուելէն առաջ (1867 յգոստ.) բովանդակ գերմանացի հայրենասէրք, առանց կրօնա- կան խտրութեան, յայտնեցին իրենց « անսահման իղձը » ազգային միութեան և մեծութեան գործը յառաջ մղել և իրականացնել այնքան ժամանակէ ի վեր երազածնին: Բրուսիոյ համօրէն դեսպանք կամ ներկայացուցիչք, ա- նուանեցան նաեւ Ներկայացուցիչք Հիւսիսային Դաշ- նակցութեան. և նաւային մէկ միայն դրօշակ մը հաս- տատուեցաւ այդ Պետութեանց համար: Միանգամայն Բիւսմարք կը ջանար համոզել նոյն իսկ Հարաւային գերման պետութիւնը՝ զինուորական դաշնակցութեամբ միանալ իրենց հետ և զՊրուսիոյ թագաւորը պատե- րազմի ժամանակ ընդունիլ իրր բարձր հրամանատար:

Հանրօրը ելլել Լիբքսէմբուրկի բերդէն և տեղը անցնել Հոլանդացոցը. և սրբա կրնային զայն յանձնել Գաղղիոյ առանց գերմանական միջամ- տութեան, որ ինքը Բենէդէկտտի պատուիրած էր խիստ զազանիք, վանդ գի- թէ այս բանակցութիւնը յուէին ի Գերմանիա, Պրուսացոց պահանջող չելած, այն առնն անկարելի էր, իրեն, Բիւսմարքի, Հասարակաց կարծեաց հեղեղին զէմն անուր: Ինչ նոյն իսկ իր անձին ժողովրդականութիւնը չը- կորսնցնելու համար, ստիպուած էր Լիբքսէմբուրկը Գաղղիոյ տրուելու իրոյն, սոճոհիլ արտաքուստ յայտնապէս առ թագաւորն Հոլանդիոյ և բո- ղորքի, ձեռակերպութեան համար, Գաղղիոյ վաճառման դէմ... « Բայց, ա- լեկցուց Պ. Բիւսմարք, Պ. Բենէդէկտտի կը պատկանի այն դպրոցին՝ որոնք կը շփոթեն ճարտարամտութիւնը խարլութեան հետ. շատ ժամանակ ի վեր վարժած Արեւելքի փաշաներուն հետ վարպետութիւններ ընելու, կարծեց որ կրնար իմ ձեռքէս յափշտակել Լիբքսէմբուրկը, առանց ուրիշ կապակցութեան մը հետ»... Բիւստուկայտեք Դըքսոյճ Փէրսիենի (հուշակա- նուն պաշտօնեայ Նյարոլէոն Գ.ի) էջ 370. սպ. 1896:

Պրուսիա փոխադարձ պիտի ապահովցնէր այն պետութեանց պաշտպանութիւնը և ամբողջութիւնը, և այսպիսի առաջարկ մը արդէն սկսեւ էր ունենալ իր ջատագովները Հարաւային Պետութեանց մէջ: Այս ամենը չէր կրնար անտարբեր աչքով դիտել Գաղղիա, և արդէն բեմախօսք և լրագիրք բարձր կը քարոզէին ապագայ վտանգը:

Տեսակցութիւն
երկու կայսե-
րաց ի Սալց-
բուրկ:

Այս ամեն պարագաներէ մղեալ Նապոլէոն Գ. ունեցաւ գաղափար մը Գերմանիոյ Հարաւային պետութեանց դաշնակցութիւն մը կազմել Գաղղիոյ և Աւստրիոյ Նախագահութեան ներքեւ. և այս պատճառաւ տեսութեան մը իսկ գնաց ի Սալցբուրկ Փրանկիսկոս Յովսէփ կայսեր: Թէպէտ Գաղղիոյ և Աւստրիոյ պաշտօնական լրագիրք հրատարակեցին որ Նապոլէոն Գ. գնացեր էր ի Սալցբուրկ ցաւակցելու Փրանկիսկոս Յովսէփ կայսեր, իր եղբոր Մաքսիմիլիանոս կայսեր ի Մեքսիքոյ ցաւալի սպանման համար, բայց այդ արտաքին պատրուակին ներքեւ, կար նաեւ քաղաքագիտական նպատակ մ'ալ:

Սակայն Փրանկիսկոս Յովսէփ բնաւ չխրախուսեց Նապոլէոն Գ.ի հակազերման ձգտումները և ցուրտ երեւցաւ անոր առաջարկութեանց, որովհետեւ միտքը դրած էր իր բազմազգեան տարերջներէ կազմուած կայսրութեան հանգստեան համար, բարեկամական դաշնակցութիւն մը ունենալ իր զօրաւոր դրացւոյն հետ և յայտ կը տեսնէր Աւստրիոյ օգուտը և ապահովութիւնը: Ըստ իր խոստման ի Պրակա, կ'ուզէր բոլորովին չմիջամտել գերմանական ինդրոց մէջ, և որպէս զի Սալցբուրկի տեսակցութիւնը կասկած մը չտայ Պրուսիոյ, անմիջապէս իր դեսպանին ձեռքով իմացուց առ Բիսմարք, որ երկուց կայսերաց տեսակցութիւնը չունէր յարաբերութիւն գերմանական ինդրոց հետ, նոյնը բռնադատուեցաւ ընել և Նապոլէոն Գ. և Բիսմարք Սեպտեմբեր 7ի շրջաբերականով մը իմացուց զայս առ Հարաւային Պետութիւնս իր ներկայացուցիչներուն ձեռքով: Այս առթիւ կրկնեց որ ինքը ազատ կը թողուր

Հարաւային Պետութիւնքն իրենց ընտրութեան մէջ, շեշտելով միանգամայն որ՝ Հարաւային և Հիւսիսային Գերմանիա մէկ էին շատ մը կապերով, և ուրախ էր որ օտար Պետութիւնք ըմբռնած էին որ ա՛լ չէին կարող միջամտել Գերմանիոյ գործոց մէջ, և Գերմանիա ազատ էր իր ներքին գործերը կարգադրել ինչպէս կ'ուզէր:

7. — Եւ արդէն Բիսմարք այսպէս խօսած ժամանակ, գերմանական ընդհանուր Դաշնակցութեան մը հիւսիսէն դրած էր երկու ամիս առաջ մաքսային ընդհանրական դաշնակցութեամբ: Թունիսի սկիզբները, Բիսմարք բանակցութեան ժողով մը գումարեց ի Բէռլին, ուր հրաւիրեց նաեւ Հարաւային գերմանական Պետութեանց պաշտօնեաներ, և միարան վիճարանութեամբ հաստատուեցան մաքսային դաշնաց հիմունքները, որով պիտի վարուէր ընդհանուր գերմանական Դաշնակցութիւնը, յորում կային Հիւսիսային և Հարաւային Պետութիւնք, բաց յԱւստրիոյ: Այսպէս ամբողջ Գերմանիոյ ազգութիւնը կը կապուէր նմանօրինակ և հաստատ օրէնքներով, վաճառականական և արուեստական ճիւղերու մէջ. և Աւստրիա թողորովին կը գատուէր: 1867ի Թունիսի ժողովոյն հաստատուած յօդուածներու վրայ կազմուեցաւ առաջին անգամ ի Բէռլին 1868ի Ապրիլի վերջերը մաքսային ժողովքը: Այս մաքսային դաշինքը ճամբայ մը պիտի ըլլար Հարաւային Պետութեանց քիչ քիչ մտնելու Հիւսիսային Դաշնակցութեան մէջ: Բիսմարք փափագելով հանդերձ օր մը առաջ այդ միութեան, չէր ուզեր սակայն աճապարել, որպէս զի նոյն իսկ Հիւսիսային Դաշնակցութեան դէմ թշնամիներ չյարուցանէ և չնուազին ձեռք բերուած շահեր:

8. — Սակայն մաքսային Դաշնակցութենէն վերջը Հարաւային պետութիւններէն ոմանք և մանաւանդ Բադէնի Մեծ Դուքսը՝ Փրեզերիկոս Գուլիէլմոս, որ ամուսնացած էր Պրուսիոյ Գուլիէլմոս Թագաւորին Լուիզ դստեր հետ, յայտնապէս սկսաւ ցուցընել իր միտումը ընդհանուր Դաշնակցութեան Պրուսիոյ հետ: Սեպտեմբեր 12ին իր Խորհրդարանը բանալով, հռչակեց որ ամեն զոհ պէտք

Գերմանական
մաքսային Դաշ-
նակցութիւն
1867:

Հարաւային
գաւառաց միու-
թեան փափաք-
ներ:

էր ընել այդ միութեան հասնելու համար, որ կարեւոր էր իր երկրին և ժողովրդեան ապահովութեան և բարութեան համար... և թէ իր վարչութիւնը մեծ պարտք կը համարէր դաշնակցիլ Պրուսիոյ հետ գերմանական հիւսիսային ազգաց նման: Արդէն Մաքսային Գաշանց հետ Հարաւային Պետութիւնք միարանած էին « ընդդիմանալու ամենուն բանակներով, արտաքուստ որ և է յարձակման մը » . և հարաւային Պետութեանց կողմանէ բանակցութիւնք տեղի ունեցեր էին ի Շտուտկարտ . և եղած ծրագիրք և եզրակացութիւնք փութով պիտի առաջարկուէին խորհրդարանին:

Բարդէնի Մեծ դքսին այս Պսակի ճառը շատ նշանակութիւն ունեցաւ և մեծ տպաւորութիւն բոլոր Լեւոպիոյ և մանաւանդ Գաղղիոյ վրայ: Դոյն իղձերը և գաղափարները հաստատեց խորհրդարանը Պսակի ճառին պատասխանին մէջ քիչ վերջը:

Հիւսիսային Գաշնակցական խորհրդարանին մէջ ազգային ազատական կուսակցութիւնը առաջարկեց զՌադէն անմիջապէս ընդունիլ Գաշնակցութեան մէջ. բայց Բիսմարք մերժեց խոհեմութեան դէմ համարելով: Դեռ լիովին վստահ չէր համարձակ գործելու և կը խիթար տակաւին Գաղղիա-Աւստրիական դաշնակցութենէ մը:


Գ Լ ՈՒ Խ Բ .

Ա Ի Ս Տ Ր Ի Ա Ս Ա Դ Ո Վ Ա Յ Է Վ Ե Ր Զ Ը

1. Աւստրիա Սաղովայէ վերջը. — 2. Պաշտօնեայն ֆոնն Բայստ. — 3. Համաձայնութիւն Աւստրիա-Հունդարական. — Էրկաւորութիւն. — 4. Պարունակութիւն Համաձայնութեան. — 5. ՅԱւստրիա ազատական օրէնքներ. — Քաղաքական ամուսնութիւն. — Զինուորական օրէնք. — Դրամական վիճակ. — 6. Աւստրիոյ և Պրուսիոյ բարեկամական աննշութիւնք.— Պրուսիոյ թագածառանդը ի Բէռլին. — 7. Հունդարիոյ հպատակ ժողովրդոց տնտեսութիւնք. — Աւաւք բնոյցմ Էրկաւորութեան. — 8. Բոհեմիերուն Յայտարարութիւնք. — 9. Լեհք, Կալիցիացիք և Ռուսիք. — 10. Խոուսարք, Սերբք. — Ապստամբութիւնն ի Բոսնիա զի Կաստարո. — Գաշինք Խրուստայ:

1. — Սաղովայէ վերջը Աւստրիական պետութիւնը շատ զժուարիւն կացութեան մը մէջ կը գտնուէր. բաւական չէր որ կորսնցուցեր էր գերմանական զաւառները և ամենէն աւելի բարոյական ոյժը և ազդեցութիւնը, ա՛լ աւելին՝ զարթուցեր էր բազմաթիւ և զօրաւոր ցեղերու սրտին մէջ իղձ մը՝ օգտուելու կայսրութեան այս պարտութենէն և ձեռք բերելու թէ ոչ ի սպառ անկախութիւն մը, զոնեայ բազմաթիւ իրաւունքներ: Արդէն կարճատես լրագիրք և քաղաքագէտք սկսեր էին Աւստրիոյ կայսրութեան լուծումը հռչակել և վիճել իսկ ա-

Աւստրիա Սա-
ղովայէ վերջը
1866.



պագայ ձեւանալիք թագաւորութեանց վրայ: Եւ Պրուսիոյ թագաւորին ցըցուցած համակրութիւնը պատեւրազմի միջոց առ մաճառս և առ չէքս, կը համարուէր որ պիտի ունենար իւր հետեւանքները: Մաճառ զօրավարն Ալապկա առաջարկեր էր առ թագաւորն Գուլիէլմոս հունգարացի գնդով մը օգնութեան հասնելու իւրեն, որուն խափան եղած էր միայն Նիկոլսթուրկի գինադադարը ¹:

Չէքքըր պատերազմի ժամանակ խնդրեր էին Վեննայի վարչութեանէն որ զէնք տրուի իրենց, որպէս զի իւրենց պաշտպանեն իւրեանց հայրենիքը, բայց Վեննայի վարչութիւնը անվստահ՝ և կասկածելով զազտ նպատակ մը, մերժեց էր հրամանը: Պրուսիոյ թագաւորը Բոհեմիոյ համառօտ զբաւման ժամանակ, հրատարակութիւն մը ըրեր էր առ « փառօք լի թագաւորութիւն » Բոհեմիոյ և պանծացուցեր էր նորա անցեալը: Երբ կայսերական պաշտօնատեարք թողլով իրենց պաշտօնատեղիները քաշուեցան, շատ մը չէքքեր սկսան վարել նոյն պաշտօնները և ունեցան ժամանակ մը ինքնավարական ճաշակը:

Աւստրիա պատերազմէն վերջը կրկին իւր իշխանութեան ներքեւ հաւաքելու համար այս իւր զօրաւոր հպատակքը, մեծ ազդեցութեան և զինուորական բարեկարգութեան պէտք ունէր. կրնար կրկին 1848ի յեղափոխութիւն մը ծնանիլ, և Սազովայէ վերջը այսպիսի

1. Պրուսիոյ թագաւորագուն իշխաններէն ոմանք աւստրիական բանակի գունդերու պատուոյ հրամանատարութիւնը ունէին և Փրանկիսկոս Յովսէփ հրովարտակով մը ջնջեց այդ տխրոսները: Բրուսիոյ արքունիքը յուզուեցաւ, իշխանագունը կ'ուզէին իրենց նշաններն ետ դրկել, երբ Իւլաուգիտական Յուշարարը Ապտեմբեր 23ի թուով յայտնեց պատճառը. « կ'ըմբռնեն որ պատերազմի ժամանակ Պետութիւն մը պատերազմի գերիներէն խոստումն անուռ չկուուելու իրեն դէմ, բայց զարմանք կը բերէ եթէ միապետական պետութիւն մը բռնադատէ գերի զինուորները զրժեւու իրենց օրինաւոր իշխանին երդման և զանոնք անցնէ յեղափոխական դրօշակին ներքեւ: Իւսակայն այսպէս բրաւ Պրուսիա (Իշխան Պրէզիդիք կար) կազմելով և վճարելով Ալապկայի լեզդոնները»: Պրուսիա ցրուել տուաւ այդ գունդերը:

պարագայ մը, անհրաժեշտ վտանգաւոր էր Հարսուրկի Տան և քայքայումն էր աստրիական կայսրութեան: Կայսրը լաւ ըմբռնած էր որ Վէճնիկակրացի և Սաղովայի աղէտքը առաջ եկեր էին մանաւանդ զինուորական հրամանատարութեան մէջ պակասութիւններէ և ընդհանուր կազմակերպութեան թերութիւններէ: Յետ պատժելու պակասաւորքը և վարձատրելու քաջացեալները, յորս մանաւանդ Ալբրէխդ արշիդուքսը և Տէկէտոֆ ծովակալը, լուծեց հրովարտակով մը բանակաց կազմակերպութիւնը և ինքնագիր թղթով մը զԱլբրէխդ արշիդուքսը ընդհանուր սպարապետ անուանեց լիովին իշխանութեամբ պէտք եղած բարեկարգութիւնները վճռելու և գործադրելու: Բանակին ընդհանուր հրամանատարութեան անուանումը իրեն պահեց և Պատերազմի պաշտօնէին թողուց միայն զինուորական մատակարարութեան տեսչութիւնը: Եթէ ըլլար տարածայնութիւն մը մէջերին, կայսրը պիտի վճռէր: Պահեց միայն Նիովային զօրութեան կազմակերպութիւնը որ լաւ արդիւնք ցըցուցեր էր: Իր մտածած նպատակներուն հասնելու համար, ետեւէ եղաւ մեծամեծ խնայութեանց և նախ ինքն հրաժարեցաւ կայսերական ընտանեաց թոշակի կէսէն: Փրանկիսկոս Յովսէփ Սաղովայէն վերջը, Աւստրիոյ ամենէն դժուար կացութեան մէջ, ցըցուց նուրը քաղաքագիտութիւն մը և ընդարձակ միտք մը. վարչական ոճոյն մէջ շատ փոփոխութիւնք մտցուց. ըմբռնեց որ այլեւս անցած էր հին քաղաքագիտութիւնը, լմնցած էր Մէտէոնիքի ժամանակը: Առ իւր ժողովուրդս գրած շնորհակալութեան թուղթը հոկտեմբեր 13ին, պատերազմի ժամանակ իրենց ցըցուցած անձնանուիրութեան համար, և յետոյ պատերազմի տեղերուն այցելութիւն և տառապելոց օգնութիւնքը¹ իրեն գրաւեցին ամենուն սիրտը. գիտցաւ, որ ժողովրդոց ծայրայեղ ազատասիրութիւնքը, օրինա-

1. Այս այցելութեանց միջոց դաւաճանութիւն մը փորձուեցաւ իր կենաց զկմ, որ անդրիացի գնդապետի մը արթնութեամբն չյաջողեցաւ: Յանցաւորը բռնուեցաւ:

ւոր և պաշտօնական ազատութեամբ միայն կրնար կանոնաւորել և զսպել, և այսպէս զօրացնել աւստրիական կայսրութիւնը:

Պաշտօնեայն
Ֆոն Բայստ:

2. — Իւր այս խորհրդին գործի չուզեց գործածել աւստրիացի քաղաքագէտ մը որ կրնար չ'ունենալ անկողմնասիրութիւն մը և կրնար ներշնչուած ըլլալ հակակրօթիւններէ և համակրօթիւններէ: Փրանկիսկոս Յովսէփ քաղաքագիտական զօգցես յանդգնութեամբ մը իրեն խորհրդատու և պաշտօնեայ գերմանական պետութեանց պաշտօնեայ մը և տրեզտացի մը հրատիրեց՝ զՖոն Բայստ պաշտօնեայ Սաքսոնիոյ, որ Բիսմարքի հետ հակառակութեանց պատճառաւ ստիպուեր էր հրաժարելու Սաքսոնիոյ Յովհաննէս Թագաւորին ծառայութիւնէն: Երբեմբեր 4ի կայսերական հրովարտակ մը կ'անուանէր զԲէլկրէդի՝ պաշտօնեայ ներքին գործոց, զօրավարն Լոհն, երբեմն զԼուիս սպայակոտոր Ալբրէխդ արշիդքսին. պաշտօնեայ պատերազմի և զԲայստ՝ պաշտօնեայ Արտաքին գործոց:

Պարոն Ֆոն Բայստ ծնեալ յամին 1809 ի Իրէզդա, իւր երկրին քաղաքական շատ մը պաշտօններով գտնուած էր ի Պարիս, Բէռլին, Միւնիխ և այլուր իբրեւ քարտուղար և իրր ներկայացուցիչ և 1848ի յեղափոխութեան ժամանակ Սաքսոնիոյ պաշտօնեայ էր ի Բէռլին: Բամին 1849ի մտաւ Սաքսոնիոյ Հէշտ պաշտօնարանին մէջ իբր պաշտօնեայ Արտաքին գործոց և անկէ վերջը ամէն պաշտօնարանաց մէջ ամենէն ազդեցիկ անձն եղած է, միանգամայն ջանալով ազատութիւնը պահպանողական վարչութեան հետ համաձայնեցնել: Իւր ազդեցութեան ներքեւ Սաքսոնիա մեծաքայլ ընթացաւ յառաջադիմական քայլերով: Պարոն Բայստ ջանացած էր որ կազմուի այն Երեքկին զօրութիւնը որուն մասն պիտի ըլլային Աւստրիա, Պրուսիա և Գերմանական Պետութիւնը միահամուռ. Բայստ մեծ դեր ունեցեր էր Դանիմարքայի պատերազմին ժամանակ և ինքն էր որ զԼուիս կենալով գերմանական փոքր պետութիւններուն բողոքեր էր Պրուսիոյ և Աւստրիոյ փա-

ոստիոսութեան հակառակ և միանալով Հանօվէրի, Բաւարիայի և Վիւրտէմբերկի հետ, Աւագածողովով հանդերձ ուզեր էր պաշտպանել Աւելուստէնբուրկի իշխանը՝ իբր ղուքս Հոլշտայնի։ Բայց Աւստրիա և Պրուսիա իրենց զօրութեամբը լռել տուեր էին որ և է իրաւունք և բաժնեւր էին ըստ իրենց կամաց գերմանական գաւառքը։ Ի զուր բողոքեր էր Բայստ և ջանացեր էր գործադրել տալ Գերմանական Աւագածողովոյն սահմանեալքը։ Երկու մեծ պետութիւնքը, տակաւին համաձայն էին մինչեւ 1866, յորում սկսան տարաձայնութիւնք և թշնամութիւնք, որոնք յանգեցան ի Սադովա։ Պ. Բայստ յայնժամ Սաքսոնիոյ պաշտօնարանին նախագահ՝ չէզոքութիւն հրատարակելով, պատրաստ էր միշտ պահպանելու դաշնակցութեան իրաւունքները։ Սակայն երբ Աւստրիոյ այնօրինակ պարտութեամբ և Պրուսիոյ անհամեմատ բարձրանալով, դաշնակցութիւնը կը մնար Պրուսիոյ հպատակ. Պարոն Բայստի ասպարէզը ի սպառ ամփոփուեցաւ և արդէն Բիսմարք անձնական հակառակութեամբ մը չէր ուզած ընդունիլ զԲայստ խաղաղութեան բանակցութեանց մէջ, որով և Բայստ հրաժարեցաւ ի պաշտօնէութենէ։ Այն օրուրնէ ազատ էր ինքը և քաշուած հասարակաց կեանքէ, երբ Փրանկիսկոս Յովսէփ հրաւիրեց զինքը ի Վեննա իբր պաշտօնեայ Արտաքին գործոց, և իրեն բացաւ ընդարձակ ասպարէզ մը։ Բայտնի է որ Բայստի ներկայութիւնը ի Վեննա ոչ միայն ախորժելի չէր Բիսմարքի. այլ նոյն իսկ իրեն իբր հակառակութիւն մը համարուեցաւ։ Երկու նշանաւոր գերմանացի քաղաքագէտք կը գտնուէին իրարու հանդէպ որոնք թէ միանային և միացընէին երկուց Պետութեանց շահերը, մեծամեծ օգուտներ կրնային առաջ բերել։ Բայստի առաջին խորհուրդն և փոյթն եղաւ զԱւստրիա ներքսպպէս նախ զօրացնել։ Եւ որպէս զի կասկածներ չձնանին իր հակառակորդին Բիսմարքի և այլոց գաղափարներուն մէջ, անդէն շրջաբերականով մը ծանոյց որ ինքը գատուած էր իր անցեալէն այն օրուրնէ, որ կայսրը զինքը կանչեց իր խորհրդին և իր

պարտուց դէմ կը դրժէր, թէ ունենար սրտին մէջ անցեալ ոխեր և համակրութիւններ: Գրեց Աւստրիոյ յօտարս ամեն ներկայացուցիչներուն որ իր քաղաքագիտութիւնը պիտի հիմնուէր խաղաղութեան վրայ, պաշտպանելով միանգամայն Հայրենեաց պատիւը:

Համաձայնութիւն Աւստրիա-հունգարական:

3. — Պարոն Բայստ զԱւստրիա ներքսպպէս զօրացնելու համար պէտք չունէր ընդերկար ուսումնասիրելու կայսրութեան վերջին ժամանակաց մէջ ունեցած տագնապըր և նոցա պատճառքը որոնք միշտ կը տուէին: Հունգարիա 1848ի և 1849ի զօրաւոր ապստամբութիւններուն ընկճուելէն վերջը, ընդդիմութիւն մը ունեցեր էր առ Աւստրիա, և Պրուսիոյ նոր դրութիւնը գերմանական պետութեանց մէջ, զօրաւորագոյն ապրստամբութիւն մը կրնար շնչել Մաճառներուն: Փրանկիսկոս Յովսէփի մեծագոյն հոգերէն մին եղած էր Սաղովայէ վերջը Հունգարիոյ խնդիրը. յանձնած էր նշանաւոր քաղաքագէտներուն զայն ուսումնասիրել: Հարկ էր համաձայնիլ Հունգարիոյ հետ և միայն Հունգարիոյ հետ նախ՝ և զայն զոհացնել առանց Աւստրիոյ փնասու մը: Նոյեմբեր 19 ի Բէշտ գումարուած Աւագաժողովը մեծ ուրախութեամբ ընդունեւ էր թագաւորական հրովարտակին աւետած շնորհները և Բայստի Նոյեմբեր 2ի շրջաբերականը լաւ տպաւորութիւն ունեցեր էր Մաճառստանի մէջ: Փութով կազմուեցաւ Յանձնաժողով մը Աւագաժողովոյն 67 նուիրակներէ, որոց գլուխ կեցաւ մեծ հայրենասէրն և մեծ օրէնսգէտն Մաճառստանի՝ Փրանկիսկոս Իէաք, որ թէպէտ չէր մասնակցած երէք յեղափոխութեանց, բայց ամեն ոք վստահ էր որ նա բնաւ տեղիք չէր տար իւր հայրենեացը իրաւանց նկատմամբ:

Վաթսուն և եօթից յանձնաժողովը խնդրեց Փրանկիսկոս Յովսէփէ որ կայսրը ի Հունգարիա ճանչցուի իբր սեպհական առանձին քաղաքական անձնաւորութիւն մը իւր սեպհական վարչութեամբ և պաշտօնարանով, և ճանչցուին եւս իւր պատմական իրաւունք, որով կայսրը թագաւոր օծուի Հունգարիոյ ինչպէս ըրեր էին իւր նա-

խորդը: Փրանկիսկոս Յովսէփ անմիջապէս ընդունեցաւ այս երկու կէտերը: 1867ի Փետրուար 18ի Հունգարիոյ Աւագածողովոյն մէջ անհամար և անեղ կէցցէններով կարդացուեցաւ Թագաւորական Թուղթը որ յետ յիշելու իւր մանառ հպատակաց հաւատարմութիւնը ամեն պարագայից մէջ, կը շնորհէր Հունգարիոյ « Պատասխանատու Պաշտօնարան մը » և իր « սիրելի, հաւատարիմ » Յուլիոս Անդրաշի կոմսին կը յանձնէր անմիջապէս պաշտօնարան մը կազմելու: Քիչ օր վերջը Պարոն Մայլաթ մինչեւ այն ատեն Հունգարիոյ կայսերական ատենադպիր, Անդրաշի կոմսին յանձնեց Հունգարիոյ Թագաւորութեան վերաբերեալ բոլոր թղթերը: Փետրուար 20ի հրովարտակ մը եւս կը ծանուցանէր որ Հունգարիոյ Պաշտօնարանի Նախագահին առաջարկութեամբ, կոմսն Ֆէստէտիչ՝ կ'անուանուէր պաշտօնեայ մանառ Արքունեաց, պարոն Վէնքիայր՝ պաշտօնեայ Ներքին Գործոց, Մէլքիօր Լոնյէյ՝ պաշտօնեայ Ելեւմտից, պարոն Յովսէփ Լյոտվէօս, պաշտօնեայ Հանրային կրթութեան, Բաղտասար Հօրվաթ՝ պաշտօնեայ Արդարութեան կոմսն Լմէրիկ Միքօ՝ պաշտօնեայ Հանրային Վաստակոց և Ճանապարհներու և Ստեֆան կորովէ, պաշտօնեայ Վաճառականութեան, Ճարտարութեանց և Հանրային մատակարարութեան: Գարձեալ առ ժամս Երկրին զինուորագրութեան պաշտօնեայ կ'անուանէր զնոյն ինքն Անդրաշի՝ Նախագահ պաշտօնարանին:

Յուլիոս Անդրաշի 1848ի յեղափոխութեան զլիաւորներէն մին էր: Երբ Հասարակապետութիւնը հրատարակուեցաւ, ինքը կ. Պօլիս զրկուեցաւ իր ներկայացուցիչ. իսկ երբ Քոշութ ինկաւ, Անդրաշի անցաւ ի Գաղղիա, ուր սէր գտաւ Նապոլէոն Գէ: 1860ին ներուսն շնորհուելով, դարձաւ ի Հունգարիա, ուր ամենէն հարուստ կալուածատէրներէն մին էր: Դէաք, զինքը Խորհրդարանի փոխան-նախագահ անուանել տուեր էր: Բետոյ Դէաք եղաւ դարձեալ, որ առ համեստութեան չուզելով ընդունիլ պաշտօնարանի Նախագահութիւնը, զԱնդրաշի առաջարկեց առ կայսրը և նա հաւանեցաւ:

Յունիս Ցին Փրանկիսկոս Յովսէփ Մաճառաց եռանդազին ըղձից լրումն տալու համար, յետ երդման հաստատ պահելու Սահմանադրութիւնը մեծ շքեղութեամբ թագաւոր Հունգարիոյ օծուեցաւ . այսպէս գրաւական մը տալով հաշտութեան ընդ Աւստրիա և ընդ Հունգարիա: Յունիս 28ին ալ կայսրը պաշտօնապէս կը ծանուցանէր Աւստրիա — Հունգարական Համաձայնութիւնը՝ որ 1848ի օրէնքներէն շատը կը բարեփոխէր և դաշանց թուղթ մը կ'ըլլար Աւստրիոյ կայսրութեան համար, այսպէս հաստատելով Երկաւորութիւնը:

Պարունակութիւն Համաձայնութեան:

4. — Երբ համաձայնութեան մէջ թագաւոր կայսրը կ'ըսէր, որ « պարագայից » պատճառաւ չէր կրցած 1849էն ի վեր թագաւոր օծուիլ, ինչպէս իւր նախորդները և կը խոստանար երդմամբ պահելու Հունգարիոյ Սահմանադրութիւնը, անկախութիւնը և ամբողջութիւնը: Թագաւորը, ըստ սահմանադրական բացատրութեան մը, կը թագաւորէր, չէր կառավարէր: Հունգարիա պիտի ունենար իւր առանձին պաշտօնարանը և խօսարանը որ պիտի ըուէարկէր Ելեւմուտքը: Հունգարիա կը պահէր իւր հպատակ ժողովուրդը, բայց սահմանադրապէս վարուելով նոցա հետ, որով և նոքա պիտի ունենային իրենց խորհրդարանը և երեսփոխանը: Եւ Հունգարիա իւր երկու խորհրդարաններէն պիտի անուանէր Յանձնաժողով մը, որոնք միաբան միւս գաւառաց նուիրակութեանց, պիտի քննէին կարելորդը: Այս նուիրակութիւնը պիտի գումարուէին փոփոխակի ի վէճնա կամ ի Բէշտ: Նուիրակութեանց որոշմունքները Մաճառատանի ազգային պաշտօնարանը պիտի հրատարակէր: Հունգարիա պատասխանատու չէր առանց իւր Խորհրդարանին հաւանութեան եղած պարտքի մը: Հունգարիոյ Խորհրդարանը իրաւունք ունէր վաճառականական դաշինքներ կոռլու կայսրութեան ուրիշ երկիրներու հետ, կը միանար աւստրիական մաքսին հետ: ()րուան եկա-

մուտքը պիտի գործածուէին հասարակաց պաշտպանութեան: Իրամական դրութիւնը նոյն էր ընդ Աւստրիոյ, միայն թէ Հունգարիա կրնար տպել իւր լեզուով: Հունգարիա կը ստանձնէր անցեալ հասարակաց պարտքերէն երեսուն առ հարիւր:

Այս Համաձայնութեան հրատարակուելէն վերջը, Փրանկիսկոս Յովսէփ ընդհանուր ներումն հռչակեց քաղաքական յանցաւորաց, որով ազատուեցան 1848ի Յեղափոխութեան գրեթէ ամէն զլիսաւորը և դարձան ի Հունգարիա, բաց ի Քոշութէ, որ չուզեց ընդունիլ այս ներումը: Փրանկիսկոս Դէյաք հեղինակ Համաձայնութեան, Եւրոպիոյ ամէն կողմէն բազմաթիւ խնդակցութիւններ և գովեստներ ընդունեցաւ: Բայց նա մերժեց ամէն պատիւ, ուզեց մնալ պարզ քաղաքացի մը, և չընդունեցաւ իսկ իրեն առաջարկեալ պաշտօնարան մը¹:

Այս համաձայնութենէն վերջը կայսրութիւնը երկու զլիսաւոր մասի բաժնուեցաւ ըստ իւր գաւառաց Յայսկոյս և Յայնկոյս [էյթայի]²: Կայսրութիւնը ունեցաւ այսպէս երկու տարրեր պաշտօնարանը: Պաշտօնարան Հունգարիոյ, որ պիտի նստէր ի Բէշտ, ունենալով նախագահ մը Պաշտօնարանին, պաշտօնարան Արքունի, պաշտօնարան Հասարակաց կրթութեան և կրօնից, պաշտօնարան Ճանապարհաց և Հասարակաց վաստակոց, Ելեւմտից, Արդարութեան, Երկրագործութեան, Ներքին գործոց և Երկրին պաշտպանութեան: Սուրբ պաշտօնարան մը Չիլլայթեան, որ պիտի ըլլար ի Վեննա և որ ունէր նոյն պաշտօնարանը, բաց յարքունի պաշտօնարանէ:

1. Սակայն յետոյ ժամանակա քննադատած է որ Հունգարիա Երկուութեան մէջ ինքզինքը միայն մտածեց և բնաւ չունեցաւ այն համակրութիւնը զոր պէտք էր ցուցնել իւր հպատակ ազգաց և զանոնք գրեթէ ջանաց ջախջախել: Միայն Խոուստը իրենց նախնական իրաւամբ կրցան ստանալ ինքնավարութիւն մը և առանձին պաշտօնարան մը (1873):

2. Cisleithonia, Transleithonia, [էյթա փոքր գետակ մ'է Իւսուրի որ իւր անունը տուաւ այս բաժանման: Չիլլայթեան էր Աւստրիա, Տրանսլայթեան Հունգարիա:

Ապա Հասարակաց պաշտօնարանը, կազմեալ պատե-
րագմի, Ելեւմտից և Արտաքին գործոց պաշտօնարան-
ներէ:

ՅԱւարիտ ա-
գատական ու-
րէնքներ:

5. — Բամին 1867 Դեկտեմբեր 30ի կազմուեցաւ
ի վիննա առաջին Չիզլայթեան պաշտօնարանը, որուն
նախագահն էր իշխանն Կարլ Աւէրսթէրկի, յորում
էին ութ գերմանացիք և մէկ լեհ մը Պոտոսքի: Պաշ-
տօնարանը ներշնչեալ ի Բայստէ որ կը մնար Ատենադը-
պիր կայսրութեան, նորա ծրագրած ազատական գա-
ղափարքը հաստատուն քայլով սահմանեց գործադրել:
Մինչեւ այն ատեն Հրեայք չէին կարող քաղաքական
հաւասարութիւն վայելել, նոր օրէնք մը կուտար իրենց
ամենայն քաղաքական և քաղաքագիտական հաւասա-
րութիւն: Հրէից եղած այս շնորհը որչափ որ տփգո-
հութիւններ յարոյց, բայց ոչ այնքան ինչպէս Գաւա-
նոսթեանց օրէնքը, որով եկեղեցական իշխանութեան ձեռ-
քէն առնլով Գարոցը և Ամուսնութիւնը, զանոնք կ'աշ-
խարհականացնէր. կը հաստատէր քաղաքային ամուս-
նութիւնը և ամենայն ամուսնական ինդիքը և դատը,
կ'ենթարկէր աշխարհական իշխանութեան. այսպէս կ'ա-
զարտէր այն Համաձայնութիւնը որ Փրանկիսկոս Յովսէփ
հաստատեր էր Ս. Գահուն հետ 1855ի: Իշխանն Կարլ
Աւէրսթէրկ, նախագահ Պաշտօնարանին, կասկածելով
օրէնքին մերժումը, գնաց առ կայսրը և ծանոյց որ թէ
օրէնքը չքուէարկուէր, Պաշտօնարանը ամբողջովին պիտի
հրաժարէր: Կայսրը անտարբեր կերպ ունեցաւ և ար-
շիղուքսերը չմասնակցեցան քուէարկութեան: Ազատա-
միտ տպագրութիւնը յեղափոխութիւն կը սպառնար թէ
չ'ընդունուէին դպրոցական և ամուսնական օրէնքները:
Գաւանոսթեանց օրէնքին վիճարանութիւնը սկսաւ Մարտ
19ին (1868) և զայն բացաւ կրօնից պաշտօնեայն Հաս-
նէր, վարչութեան կողմանէ ծանուցանելով որ Աւս-
տրիոյ մէջ Եկեղեցին պէտք է ենթարկուած ըլլայ աշ-
խարհական Պետութեան: Կոմսն Ռիխթերն և Կոմսն
Բլոմ եռանդեամբ պաշտպանեցին 1855ի Համաձայնու-
թիւնը. ցըցուցին որ ինչ փասակար հետեւանքներ

պիտի ունենար Գպրոցը բաժնելով յԵկեղեցւոյ և Եկեղեցին ի Պետութենէ: Կարգինաւն Ռաւխէր, արքեպիսկոպոս Վեննայի, ծնունդ, ըսաւ, զքաղաքական ամուսնութիւնը Գաղղոյ Յեղափոխութեան և բացատրեց արդիւնքները ընկերութեան վրայ. գեղեցիկ պերճախօսութեամբ հակառակ խօսեցաւ կարգինաւն Շվարցէմբէրկ՝ արքեպիսկոպոս Պրակայի, սակայն Պաշտօնարանը տեղիք չտուաւ և Աւէրսթէրկ իշխանին բերնով ծանոյց որ ինքը Եկեղեցւոյ հակառակութեան համար չէր առաջարկեր այդ օրէնքը և վարչութիւնը այժմէն կը բողոքէր «այն ծանր հետեւանքներուն» համար, որոնք յառաջ պիտի գային օրէնքին մերժուելով:

Այս վիճարանութեանց միջոց բիւրաւոր ամբոխ մը դուրսը կը սպասէր անհնանդարտ և երբ քուէարկութիւնը եղաւ և իմացուեցաւ օրէնքին ընդունուիլը, մուլեգին կեցցէներ լսուեցան զրոսէն և պաշտօնեաները և պարոն Բայստ մեծ յաղթանակաւ տարուեցաւ իրենց «կեցցէ Բայստ» ազաղակներու մէջ: Ատենադպիրը հասնելով իր պալատը, շնորհակալ եղաւ ամբոխին: Այն գիշերը ի վեննա, ուր անթիւ է հրեայ և բողոքական տարրը, շատ կողմեր լուսաւորութիւնք և ուրախութիւնք կատարուեցան:

Օրէնքին յօդուածներուն վիճարանութեանց ժամանակ կաթոլիկ նշանաւոր երիտփոխանքը, Լեոն Թուոն, Միթրովսքի, Ռէխրէրկ, ուսուցիչն Առնտս, իշխանն Վինդիշկրայ և Սանկուցքօ չմանակցեցան գումարմանց: Վիճարանութիւնք և քուէարկութիւնք լմնցան Մայիս 14ին և կայսրը հաստատեց օրէնքը Մայիս 21ին: Մարտ 30ին ամբողջ կաթոլիկ Եպիսկոպոսութիւնը բողոքեց յարգաւիրն Թղթով մը առ Աւէրսթէրկ նախագահ պաշտօնարանին: Բողոքող եպիսկոպոսաց կարգին մէջ էր նաեւ Գրիգոր Միքայէլ Սիմոնովիչ հայ արքեպիսկոպոս Լէմբէրկի: Այս հակակաթոլիկ օրէնքները բողոքովին վշտացուցին զՀոովմ և ցրտացուցին ի Բայստէ եկեղեցական խումբը և կղերական կուսակցութիւնք: Ատենադպիրը պատասխանեց շրջաբերականով մը և

դատաստանի մատնեց իրր յանցաւորք ընդդէմ պետութեան օրինաց այն ամեն եպիսկոպոստոնք, որոնք հակառակ գրեւր էին այս օրէնքին: Այն օրուրնէ որ Փրանկիսկոս Յովսէփ բռնադատուեցաւ ընդունիլ սահմանադրական դրութիւնը, թագաւորելու և ոչ կառավարելու, յԱւստրիա Ֆրամասոնութիւնը ահաւոր պատերազմ յարոյց ընդդէմ կաթոլիկ եկեղեցւոյ օգնեալ և պաշտօնէից կողմանէ, որոց մէջ կը գտնուէին ամեն ազատ կարծիքներէ: Կաթոլիկք առանձին ընկերութիւններ ձեւացուցին, որոնք այս կամ այն քաղաքը կը հաւաքուէին իրենք զիրենք պաշտպանելու և ոգիները արծարծ պահելու: Նշանաւոր եղած է մանաւանդ 1868ի Կոնստանտինոպոլսը ուր գտանուեցան 2000էն աւելի նշանաւոր կաթոլիկ անձնաւորութիւններ, խորհելու Ֆրամասոնութեան բռնակալութեան դէմ, որ խրախուսեալ՝ մանաւանդ Կիսքրա և Հէրբստ պաշտօնեաներէ, բուռն հալածանք մը սկսեւր էր կրօնաւորաց դէմ¹:

Պրամական
վիճակ:

Աւստրիա Սաղովայէ վերջ անհրաժեշտ պէտք ունէր դրամական վիճակի բարւոգման և նոր աղբիւրներու: Ելեւմտից պաշտօնեայն քուէարկել տուաւ օրէնք մը, որով միացումն կ'ըլլար Պետութեան պարտուց և 20 առ 100 կ'առաւելուր բաժնետոմսի տուրքը, նոյն իսկ օտարաց համար: Այս օրէնքը մեծապէս վրդովեց գրովանդակ Եւրոպա, ամենը կը համարէին որ անանկութիւն մը պիտի յաջորդէր և աւստրիական վարկը մեծապէս ինկաւ: Բայց Բայստի շրջարերական մը առ կոման Ապպոնի աւստրիական ղեսպան ի Լոնտրա, ուղղեց միտքերը և բարձրացաւ վարկը:

Պրամական վիճակէն վերջը կարեւոր էր Աւստրիոյ զինուորական ոյժը բարձրացնել ներկայ պարագայից

1. Ի Կոնստանտինոպոլսի քաղաքացիական մանաւանդ Լիւնցի եպիսկոպոսը, զերապայժսո Խուրիկէր և ուսուցիչն Մանասէն Հմուտ իրաւաւ պէտ Պաշտօնարանը իրեն զէմ հրատարակութեանց արգելք դնելու համար, հաստատեց Լյրդուեալ դատարար գատարանաց մէջ, նոյն իսկ տպագրութեան յանցանաց համար:

համեմատ: Արդէն Սաղովայէ վերջը Փրանկիսկոս Յովսէփ նոր կարգադրութիւններ ըրած էր. դարձեալ 1868ի Կոնստանտնուպոլիս, յետ լուրջ վիճարանութեանց յորում մեծ ընդդիմութիւն կրեց պաշտօնարանի առաջարկած օրէնքը, վերջապէս քուէարկուեցաւ որ Աւստրիա ունենայ երկու բանակ, գործօն բանակ և երկրորդը լանդվէր կամ խաղաղութեան բանակ. առաջինը պիտի բաղկանար 800,000 զինուորէ և երկրորդը 255,000 անձանցմէ. ամեն քաղաքացի, բաց ի զինուորական սահմանագլխոց բնակիչներէն ուր կը շարունակուէր հին օրէնքը, պարտական էր կատարել երեք տարի գործունեայ զինուորութիւն, ապա հինգ տարի մնալ պահեստի զինուոր և երկու տարի լանդվէր:

Զինուորական օրէնք:

Ե. — Պաշտօնարանը զինուորական կազմակերպութեան այսքան խնամք տարած ժամանակ, պարոն Բայսդ հետամուտ էր նաեւ հաստատուն բարեկամութիւնք շահիլ իր հայրենեաց համար և փարատել շատ մը կանխակալ կասկածներ և անցելոյն մոռացութիւն ցրցունել: Պրակայի դաշինքը նկատմամբ գերմանական հարաւային պետութեանց, շատ խնդրոց և հակառակութեանց նիւթ եղեր էր Վեննայի և Բէռլինի պաշտօնարանաց համար: Պրուսիոյ վարչութիւնը ստէպ կ'ամբաստանէր զԱւստրիա որ քիչ քիչ կ'ուզէր առջի վիճակը ստանալ Հարաւային Պետութեանց նկատմամբ. փոխադարձաբար Վեննա կը տրտնջար ընդդէմ Պրուսիոյ որ կը ջանար Հարաւային Պետութիւնքը միացնել Հիւսիսային Դաշնակցութեան հետ: 1869ի Օգոստոսի մէջ պարոն Բայսդ անկեղծ դիւանագիտութեամբ մը ուզեց խնդիրը պայծառարանել և ի Բէռլին աւստրիական դեսպանին ձեռքով ըսել տուաւ որ Աւստրիա 1866է վերջը ամենայնիւ ջանացեր էր խաղաղութեամբ և բարեկամութեամբ ապրիլ, բնաւ չմիջամտելով գերմանական խնդրոց մէջ: Ի սկզբան այս բացատրութիւնը արդիւնք մը չունեցաւ, բայց ժամանակ անցնելով, յանկարծ Պրուսիոյ դեսպանը ի Վեննա ծանոյց որ թագաժառանգ իշխանը Եգիպտոս երթալուն Սուէզի ջրանցքին բացման, կը փա-

Աւստրիոյ և Պրուսիոյ բարեկամական անջութիւնք:

փազէր վճենայէ ացնիլ: Կայսրը կը գտնուէր ի Կէօզէօ-
 ւէօ Բէշտի մօտ, անմիջապէս հեռագրեց որ մեծ սիրով
 պիտի ընդունէր իր պալատան մէջ Նորին բարձրութիւն
 Թագաժառանգ իշխանը: Փրեղերիկոս իշխանը հասաւ ի
 վճենա Հոկտեմբեր (6)ին և կայսրանը ընդ առաջ գնաց
 Փրանկիսկոս Բովսէփ կայսրը՝ շրջապատուած զինուորա-
 կան և քաղաքական բարձր իշխանութիւններէ և յուզեալ
 և սիրալիւր ընդունելութենէն վերջը տարաւ իր պալատը:
 Իշխանը մնաց ի վճենա երեք օր և անկէ անցաւ ի վճենտիկ:
 Բաժնուելնին ալ անկեղծ մտերմութեամբ մը եղաւ: Այն
 օրուրնէ թէ Պրուսիոյ և թէ Աւստրիոյ դաշնակցութեան
 սերմը ցանուած էր սրտերու մէջ՝:

Պրուսիոյ թա-
 գաժառանգը ի
 վճենա:

1869

Փրեղերիկոս իշխանին մեկնելէն վերջը Փրանկիսկոս
 Բովսէփ ալ որոշեց գնալ ի Սուէզ, լսելով մանաւանդ
 Լըժէնի կայսրուհւոյն մեկնիլը: Ամբողջ Աւստրիա փա-
 փազեցաւ որ այս ուղեւորութիւնը կատարուի կայսերա-
 կան ամենայն շքեղութեամբ, ուղւոյ ծախքը քուէարկուե-
 ցաւ 300,000 ֆիօրին, որուն կէսը սիրով յանձն առաւ
 վճարել Հունգարիա, որովհետեւ Համագային հանդի-
 սին մէջ պիտի ներկայանար նաեւ իրր թագաւոր Հուն-
 գարիոյ՝:

Հունգարիոյ
 հպատակ ժո-
 դովրդոց տոգո-
 հութիւնը:

7. — Լը սակայն Աւստրիոյ և Հունգարիոյ մէջ ե-
 դած այս միութիւնը որչափ որ կը զոհացնէր գերմա-
 նացի ցեղերը, բայց մեծապէս զայրացուցեր էր սլաւոնե-
 րը որոնք այսօրինակ կեղորոնացման մէջ, իրենց ջախ-
 ջախումը կը նկատէին, և Հունգարիոյ իշխանութեան ներ-
 քեւ եղող ազգեր պէտք էին առ ժամա հրաժարիլ ինք-
 նիշխանութեան ո՛ր և է զաղափարէ: Բոհեմիոյ և Մո-

1. Մօտ օրերս (1906 Յուլիս) լուրջ Յիշատակարաններ յայտնեցին
 որ՝ 1869ի բանակցութիւնը եղած են Փրանկիսկոս Յովսէփի, Նապոլէոն Գ-ի
 և Վիկտոր Լյամպուլի մէջ Լէրեքիե Կաշեպցուքեան մը համար: Լը առ
 այս, կը հայի Վիկտոր Լյամպուլի ի Բէնիլին իր սովորական պարզութեամբ
 առ Գուլիլմոս Ա. շատ տարիներ վերջը բոսած այս խօսքը, թէ. « Եղաւ
 ժամանակ, որ քիչ մնաց Քեզի զէմ պատերազմ պիտի բնէի »: Երիտարքի
 արժուն քաղաքականութիւնը սակայն զատեց զՓրանկիսկոս Յովսէփ Նա-
 պոլէոնէ և Իտալիոյ թագաւորէն և այնպէս ցրուեց խորհուրդը:

2. Ուղեւորութիւնը տե՛ս զարձեալ Թրքաց մասին մէջ:

րավիոյ չէքերր և Գարնիոլի Սլովէնք իրենց դժգոհու-
թիւնը և բողոքը յայտնեցին նուիրակ չղրկելով, ի վն-
նա գումարուած նոր խօսարանին: Բոհեմիոյ Աւագածո-
ղովին մէջ նշանաւոր երեսփոխանն Ռիկէր կորովի խօս-
քերով բացատրեց երկաւոր քաղաքականութեան և գեր-
մանութեան վնասները: Բովանդակ սլաւ ցեղերը ցնցուե-
ցան և զրգոտեցան: Աւստրիոյ-Հոնգարիոյ նոր դրու-
թիւնը մեծ հարուած մ'էր սլաւականութեան, և ի Մոս-
կուա կազմուած սլաւական ժողովրդոց Նախագահութիւ-
նը, Յուցահանդէս մը պարտրուակ առնելով, հաւաքեց ի
Մոսկուա սլաւ ցեղերու նուիրակներ, որոնք բուն ճա-
ռախօսութիւններով յայտնեցին իրենց բողոքները և
սլաւ զգացումները: Ռուս լրագիրք մասնաւոր հատուած-
ներով կը ջանային բարձրացնել սլաւ ցեղերուն « ար-
դարացի բողոքները » և կը քարոզէին սլաւական եղ-
բայրութիւն մը ի Բոհեմիա, որոյ ժողովուրդը միշտ ա-
ռուել միտում մը ունեցած է առ Ռուսս քան առ Գեր-
մանս: Բոհեմիա յայտնապէս կը պահանջէր որ Սլոբբ
Վինչէսլաւի թագաւորութիւնը հաւասար իրաւունքներ
ունենայ Հունգարիոյ Ս. Ստեփանոսի Թագին, ունե-
նայ համալսարան մը չէք լեզուով, փոխանակ գերման
լեզուին. նոյն պահանջը կ'ընէին նաեւ սլովէնք, կը
բողոքէին ընդդէմ գերմանացի և իտալացի լեզուներու,
որոնք նոյն իսկ նախնական դպրոցաց մէջ ընդունուած
էին: Եւ թէպէտ 1867ի Դեկտեմբեր 21ի Հիմնական ()-
րէնսդրութեան յօդուածներէն մին կը պատուիրէր որ
իւրաքանչիւր ազգի ապահովուի իւր լեզուին պահպա-
նութիւնը և հաւասարութիւն ըլլայ ի կայսրութեան ա-
մեն գործնական լեզուներու, այսու հանդերձ այս յօդուա-
ծին գործադրութիւնը շատ դժուար էր բազմալեզու ժո-
ղովրդոց մէջ, և բնական է ամենայն անհամաձայնու-
թիւն կը վերջանար կամ կը վճուէր ի նպաստ գեր-
մանականին:

Սլաւք ընդդէմ
կրկաւորու-
թեան.

8. — Չէքերր ոտնակոխ համարուած իրաւունքներն,
սկսան ակումբներով պահանջել. մեծամեծ ժողովակնե-
րու մէջ ամէն ճառերու նիւթ իրենց բողոքներն էին:

Բունքներուն
Յայտարարու-
թիւնը.

1868

Լըրր Փրանկիսկոս Յովսէփ կայսրը Բրակա եկաւ, ջա-
նաց հանդարտեցնել ազգային կուսակցութեան գլխա-
ւորներն, որոնք էին Պալացքի, Ռիկէր և Կլամ Մար-
դինից. բայց արդիւնք մը չստացաւ: Միւս կողմանէ
կայսրութեան պաշտօնարանը սկսաւ իստանալ լրագրա-
պետաց դէմ, որոնք գրգոռներն էին և զանոնք բան-
տարկել կու տար: Սակայն չէք դատարանները անպարտ
կ'արձկէին իրենց քաղաքացիքը: Պաշտօնարանը սահ-
մանեց որ յանցաւորները գերմանախօս քաղաքներու
մէջ դատուին, որոնց դատաւորք սակայն շատ անգամ
չէք լեզուն չգիտնալով, չէին կարող յանցաւորաց խօ-
սածներուն իմաստն ըմբռնել: Լըրր գաւառական աւա-
գաժողովք սկսան գումարուիլ, չէքերը մերժեցին նուի-
րակ զրկելու և հրատարակեցին « Յայտարարութիւն »
մը, որ իբրև հիմն մնացած է իրենց պահանջներուն:
Յայտարարութիւնը ութը յօդուածներէ բաղկացած
էր. նախ կը սահմանէր թագաւորին և ժողովրդեան մէջ
փոխադարձ յարաբերութիւնք, պարտք և իրաւունք:

1868 Օգոստ.
22.

Կ'ըսէր որ Աւստրիա միատարր Պետութիւն մը չէ և
Բոհեմիոյ թագաւորութիւնը նորա հետ կապուած է միայն
յանձին կայսեր. ընաւ նոր կարգադրութիւն մը չէ կարելի
առանց Բոհեմիոյ և կայսեր հաւասար գիտակցութեանը:
Բոհեմիացի խորհրդարանէ մը դուրս որ և է իշխանութիւն
չկրնար Բոհեմիոյ վրայ տուրք դնել: Հունգարիա չկրնար
խառնուիլ Բոհեմիոյ գործոց, և նոյն իսկ Չիսլայթեան
ժողովքը, Բոհեմիոյ հետ վերաբերութիւն մը չունի: Որ
և է առկախ սահմանադրական խնդիրք, պիտի կարգա-
դրուէին ի կայսերէ, միարանութեամբ Բոհեմիոյ երեսիտ-
խանական իշխանութեան, որ պիտի ընտրուէր ըստ ար-
դար ընտրութեան օրինաց:

Քիչ վերջը այսօրինակ Յայտարարութիւն մը հրա-
տարակեց նաև Մորավիոյ Աւագաժողովք. ծանուցանե-
լով որ « Լըրկաւորութիւնը չէ հիմնեալ ոչ պատմական
ոչ քաղաքական իրաւանց վրայ », և թէ Մորավիոյ
քաղաքական իրաւունքները չեն կրնար յանձն անուլ
մնալու օտար երկիրներու երեսփոխանաց ձեռքը: Որով

Թէ չէք և թէ Մորավիոյ երեսփոխանը մերժեցին Բրիւնի աւագածոցովոյն մասնակցիլ, զոր չէին նկատեր « օրինաւոր կերպով ընտրուած և բաղկացած » : Նոյն ժամանակները պատահելով Յովհաննէս Հուսի՝ Ե հարիւրամեակը, այն առթով ազգային մեծամեծ ցոյցեր եղան, և ասոնք այնքան սաստկացան ընդդէմ Աւստրիոյ, որ վարչութիւնն զՊրակա պաշարման վիճակի մէջ դրաւ. որ հազիւ վերցուեցաւ 1869ի Ապրիլի վեներայի պաշտօնարանը ջանաց բանակցութեան մտնել և չէք ու մտրավ երեսփոխանները հրաւիրել ի խօսարան. սակայն նոքա նորէն մերժեցին՝ ծանուցանելով որ չեն կարող երկուտրութեան Սահմանադրութիւնը ընդունիլ և միայն իրենց Յայտարարութեան հիման վրայ կրնային համաձայնութեան մը գալ :

1868 Յուլիս :

Լեհք. Գալիցիացիք. — Ռուս. թէնք :

Գ. — Ընդհակառակն Գալիցիացիք, Լեհք և Ռուս թէնք որոնք կայսրութեան հետ հնաւանդ կապեր և դաշինքներ չունէին, դիւրաւ հպատակեցան կայսրութեան նոր զրութեանը և չէքերուն ընդդիմութիւն չըրին : Բայտ գիրենք շահելու համար, իրենց համարին կոմսն Գոյուխովսքի կուսակալ զրկեր էր Գալիցիոյ : Գուլիսովսքի նախագահութեամբ Լէմբերկի Աւագածոցովը սահմանեց վեներայի խօսարանին զրկուելիք նուիրակները : Լեհացոց մեծամասնութիւնը ինքզինքը օտար ժողովուրդ մը համարելով կայսրութեան մէջ, ընաւ փոյթ չունէր գերման կամ սլաւ ցեղին առաջնութեան կամ մրցման վրայ : Իրեն համար կը համարէր որ լաւ էր առ ժամա անտարբերաբար ընդունիլ ամենայն սահմանադրութիւն, մինչև զայ յարմար ժամանակ մը կազմելու ինքնիշխան Լեհաստան մը, որուն կեդրոն պիտի ըլլար Գալիցիա : Իսկ փոքրամասն ազատական կուսակցութիւն մը 1868ի Սեպտեմբերի մէջ հրատարակեց իւր « Որոշութիւնքը », որով կը պահանջէր որ՝ վեներայի երեսփոխանաց ընտրութիւնը ուղղակի չըլլան, այլ Աւագածոցովներէն. և թէ ամէն վաճառականական և հասարակաց կրթութեան ու արդարութեան խնդիրք վիճարանուին Աւագածոցովոյն մէջ. Գալիցիա պէտք էր ունենալ վճռա-

ջինջ ատեան մը և առանձին վարչութիւն մը պատասխանատու Աւագածողովոյն դիմաց և պատասխանատու պաշտօնարան մը: Այս Սրոշողութիւնը 1869ի ներկայացուեցան Աւստրիոյ խօսարանին և մերժուեցան: Ռուսթէնը անգամ հակառակորդը երեւցան Լեհաց պահանջներուն, վախնալով որ Լեհերուն չափազանց ազդեցութենէն չընկճուին, իրենք թուով նուազագոյն ըլլալով:

Խոռատք-
Սերբը:

10. — Իսկ կայսրութեան արեւմտեան կողմի Սլովէնք շատ մը հաւաքումներու մէջ սկսան պահանջել Սլովէնիոյ կամ Լիւրիկէի թագաւորութեան հաստատութիւնը որ յինքեան պիտի բովանդակէր նաեւ զՏրեստ, Իստրիա, Գորիցիա, Գրադիսքա, Կառնիոլա, Հարաւային Կարինթիա և Հարաւային Ստիրիա: Դաւլմացիոյ մէջ եւս յուզմունքը տարածուեցաւ ընդ իտալացիս, որոնք վարչութեան կողմն էին և ընդ Սլաւս և ընդ Սերբ-խոռատս: 1869ի վերջերը ի Բոկկա տի Կաղղարօ ապստամբութիւն մը ծագեցաւ: Սերբերը որոնք միշտ զէնք կրած էին իրենց լեռները պաշտպանելու, յանձն չառին ընդունելու Լանտվէրի նոր օրէնքը և չուզեցին կայսերական գունդերուն մէջ մտնել: Անմիջապէս ապստամբութեան տեղերը պաշարման վիճակի մէջ դրուեցան և աւստրիացի գունդերը բռնեցին Դաւլմացիոյ յուզեալ մասերը: Եղան աննշան կոիւնքեր առանց արդեանց, հուսկ ուրեմն Բոկկա տի Կաղղարօյի ժողովուրդը հնազանդեցան իրենց հայրենակից Ռոտիչ զօրավարին համոզիչ խօսքերէն և կայսրն ալ անմիջապէս ընդհանուր ներումն շնորհեց:

Ապստամբութիւն ի Բոկկա տի Կաղղարօ:

Դաշինք
Խոռատներու:

11. — Եթէ Աւստրիոյ ձեռքին տակ եղող գաւառը զժգոհ էին Լրկաւորութեան քաղաքականութենէն, որչափ եւս առաւել Հունգարիոյ ներքեւ եղող գաւառը: Խոռատք, ժողովուրդ քաջ և յանդուգն, ծանուցին որ չէին կարող ընդունիլ նոր սահմանադրութիւն և երեսփոխան չղրկեցին ի Բէշտ, բողոքելով նաեւ Ֆիլոմէի նաւահանգստին Հունգարիոյ հետ միացուելուն: Մաճառք երկու անգամ բռնի ցրուեցին Ակրամի Աւագածողովը. և արքայի տուին հոչականուն Սղրոշմայր հայ-

րենասէր եպիսկոպոսը որ ոգի էր Ազգային շարժման, Այն ատեն Հունգարիոյ վարչութիւնը յաջողեցաւ արթուն հնարիմացութեամբք և խոստումներով իրեն կողմնակից մեծամասնութիւն մը ընտրել տալ Ակրամի աւագաժողովոյն մէջ: Այս մեծամասնութիւնը բանակցութեան մտաւ Բէշտի վարչութեան հետ և առժամանակեայ դաշինք մը հաստատուեցաւ, որով Խոռուատը 31 երեսփոխան պիտի զրկէին Բէշտի խօսարանին: ՅԱկրամ Դան (կառավարիչ) մը պիտի նստէր, որուն ձեռքը պիտի ըլլար գործադիր իշխանութիւնը, առանց սակայն ունենալու զինուորական և քաղաքագիտական իրաւունք: Դարձեալ Խոռուատը իրենց երկրին պիտոյից համար տուրքերէն պիտի պահէին 2,200,000 ֆիորին:

Խոռուատը կ'ունենային այսպէս ինքնավարութիւն մը, ուսկից սակայն գոհ չէին կրնար ըլլալ, քանի որ Դանը պիտի սահմանուէր Բէշտի պաշտօնարանէն. և Հունգարիոյ վարչութիւնը յետին խստութիւն կը գործածէր ընդդէմ հայրենասէրներուն: ՅԱկրամ այնչափ մեծ էր գրաքննութեան խստութիւնը, որ ազգային լրագիրները ստիպուած էին հրատարակուիլ ի վիեննա: Խոռուատը հազիւ 1873ին յետ երկար բողոքներու և բանակցութեանց կրցան լաւագոյն վիճակ մը ունենալ և ի Բէշտ պատասխանատու պաշտօնեայ մը:

Իսկ զՏրանսիլվանիա Բէշտի Աւագաժողովը միացուց շունգարիոյ, այսպէս արմատէն խլելով այն գաւառաց ուսմէն ժողովրդոց ինքնավարական յոյսերը:

Տխուր է տեսնել որ ազգ մը, ինչպէս Հունգարիա, յետ երկար տարիներ ինքնավարութեան և ինքնիշխանութեան համար կռուելու, զանոնք գրեթէ ամբողջովին ձեռք բերելէ վերջը ինքը ջանայ բռնութիւն բանեցնել այն ժողովրդոց նկատմամբ, որոնք իրեն նման կը փափագին՝ թէ ոչ ամբողջովին, գոնեայ մասամբ իւրից ինքնավար հայրենիք մը ունենալ: Իսկ սակայն այս է ազգաց անկեղծ պատմութիւնը:

Գ Լ Ո Ւ Խ Գ .

ԱՆԳՂԻԱ. ԴԻԶՐԱԷԼԻԻ ԵՒ ԳԼԱԿՍՏՈՆ

1. Պաշտօնարան ձոն Ռոսսըլ. Գլադստոն պաշտօնեայ Էլեւ-
մաից. — Լորդ Ռոբերտ Սիսիլ (Սոլզբորի) Երեսփոխանը. — 2.
Ընտրական նոր օրինաց առաջարկութիւն. — Անկուճն պաշտօնա-
րանին. — Էրդման օրէնք. — 3. Ֆէնէանք յիռլանդա. յուզմունք
և ցրուճն. — 4. Պաշտօնարան Գլորի — Գիզրաէլի պաշտօնեայ
Էլեւմաից — Կոր ընտրական օրէնք — Գիզրաէլի յաղթու-
թիւնը. — 5. Գիզրաէլի պաշտօնարան. — 6. Արիսիւիա —
Թէոզոր թագաւորը և անզղիացի կալանաւորը. — 7. Անզղիոյ
կ. Պոլսոյ Դեսպանը Հայոց Պատրիարքին միջնորդութեան կը
դիմէ. — Հայ նուիրակութիւն յԱրիսիւիա. — 8. Պատերազմ Թէո-
զորի գէժ, Լորդ Նարիէրի յաղթութիւնը — Մահ Թէոզորի. —
9. Գլադստոն կ'առաջարկէ յիռլանդա պաշտօնական Եկեղեցւոյն
ընթացք. — 10. Նախնական քուէարկութիւնը հակառակ պաշ-
տօնարանին — Կոր ընտրութիւնը. — Անկուճն Գիզրաէլի պաշ-
տօնարանին. — 11. Գլադստոն պաշտօնարան. վերջնական քուէար-
կութիւն յիռլանդա պաշտօնական Եկեղեցւոյ ընթացքուն. — Մահ
Լորդ Գիզրի:

Պաշտօնարան
ձոն Ռոսսըլ
1865.

1. — Լորդ Պալմէրստընի մահուընէ վերջը թա-
գուհին նոր պաշտօնարանը կազմելու համար հրաւի-
րեց զձոն Ռոսսըլ, արդէն 73 ամեայ, որ այս երրորդ
անգամ կ'անցնէր պաշտօնարանի գլուխ, յետ շատ
անգամ պաշտօնավարութեան ազատական պաշտօնա-
րանաց մէջ և ամենէն վերջը լորդ Պալմէրստընի հետ
Պաշտօնարանին մէջ մտան նաեւ Պ. Ֆորստըր, Պ. Գո-
շըն և լորդ Կլարէնդըն՝ պաշտօնեայ Արտաքին Գոր-

ծոց: Իսկ Ելեւմտից պաշտօնեայ եղաւ Պ. Ուիլիէմս Գլազգոստոն՝ որ լորդ Պալմէրստընի մահուընէ վերջը իրապէս ազատական կուսակցութեան զլուխն էր: Այսպէս Հասարակութեանց Խորհրդարանին մէջ դիմացէ դիմաց կը գտնուէին երկու հսկայ ճարտասան քաղաքագէտք. Պ. Գլազգոստն վարիչ ազատական ազնուապետութեան և Պ. Բենիամին Դիգրաէլի վարիչ հին պահպանողական ազնուապետութեան: Խորհրդարանը ունէր իր մէջը ուրիշ բազմաթիւ նշանաւոր անձինք, յորս յիշենք մանաւանդ Արկայլի Ղուքսը, հուժկու հոետոր և բարձր միտք մը. Պ. Ստանսֆէլտ՝ Հէլիֆաքսի երեսփոխան՝ արմատական խմբէն, որ 1861ի ծովային զօրութեան մատակարարութեանց նկատմամբ նշանաւոր դիտողութիւններ ըրած էր և 1863ի լորդ Պալմէրստըն զինքը ծովակալութեան պաշտօնարանի ժողովոյն մէջ ընդուններ էր: Բայց Մածձինիի հետ ունեցած սերտ բարեկամութեան պատճառաւ, մասն ունենալ կարծուեցաւ Նապոլէոնի դէմ եղած դաւոյն: Հրաժարեցաւ իր պաշտօնէն, սակայն յետոյ կրկին դարձաւ խորհրդարանը: Ազատական խումբին փայլերէն մին էր նաեւ Բրայդ՝ հզօր պերճախօս:

Իսկ պահպանողական կուսակցութեան մէջ Պ. Դիգրաէլիէ վերջը ամենէն նշանաւոր և որ արդէն մեծ ապագայ մը կը խոստանար, լորդ Ռոբըր Սիսիլ, յետոյ կոչուած լորդ Կրանբօրն և ամենէն վերջ լորդ Սոլզբրի: Լորդ Ռոբըր Սիսիլ պահպանողական խմբին ամենէն ճարտար շառաւիղը կրնայ համարուիլ, պայծառ գաղափարներով, պատրաստ վիճարան և մասնաւոր հանճար մը խայթող և երգիծարան խօսակցութեամբ¹:

Գլազգոստոն
պաշտօնեայ
Ելեւմտից:

Լորդ Ռոբըր
Սիսիլ
(Սոլզբրի):

1. Մըկ կարթիկ A History of our own times Գլ. ԽԲ. « 1862ի զումարմանց գիշեր մը խօսելով Գլազգոստնի զրամական քաղաքագիտութեան վրայ, Գլազգոստն նմանցուց « Փքուն գործակատարի » մը: Ամեն կողմանէ մրմունջը լուուեցան այս նուաստ բացատրութեան համար: Կրկրորդ գիշեր կը վիճարանութիւնը սկսաւ, լորդ Ռոբըր ոտք ելաւ և բաւ որ առջի երեկոյ այնպիսի բառ մը բսեր էր որ կրնար նախատինք համարուիլ և կը զգար որ չէր կարող արդարանալ: Ամեն կողմանէ հաւանութեան ձայներ լուուեցան »:

Անգղիական մեծ ազնուականի մը վերջին զաւակ, ի սկզբան զրամական անձուկ վիճակ մը ունեցաւ և պատուաւոր աղքատութիւն, որովհետեւ ապրեցաւ իր գրչին ծայրով¹։ Փրեց շատ պրականերու մէջ, յորս կը տեսնուէր ծայրայեղ պահպանողական մը. և ատոնք գրաւեցին իր վրայ Դիզրաէլիի ուշադրութիւնը և Ստամբորդ աւանը զինքը երեսփոխան զրկեց Հասարակութեանց Խորհրդարանը, ուր իր կողմնակցութեան ամենէն նշանաւոր անձն եղաւ լորդ Դիզրաէլիի մահուընէ վերջը։ Սակայն « լորդ Սիսիլ պահպանողական ըլլալովն հանդերձ, մեծ ծառայութիւն մը չկրցաւ ընել իր կուսակցութեան. երբէք իր կարծիքը իր քմահաճոյքը չզոհեց կողմնակցական շահուն. երբէք, իբրեւ զուլի մը կուսակցութեան, չկրցաւ Հասարակաց Խորհրդարանին մէջ առաջնորդել իր կողմին։ Նոյն իսկ իր կողմնակիցներէն շատերը չէին սիրեր զինքը. շատերը կը վախնային իրմէ, մաս մը կը հիանային, բայց ոչ ոք կ'ըն, դունէր զինքը իբրեւ վստահանալի անձն կուսակցութեան² »։ Սակայն այս ամենը արգելք չ'եղան փալուն ծառայութիւններ մատուցանել իր հայրենեաց, մանաւանդ երբ պակսեցան Խորհրդարանէ Դիզրաէլիի և Դլադստոնի պէս հմայիչ պերճախօսներ։

Առաջարկութիւն ընտրական նոր օրէնքի։

2. — 1868ի Խորհրդարանին նիստերը, այս առաջին անգամ իր Ամուսին Իշխանին մահուընէ վերջը, բացաւ անձամբ Թագուհին նախկին արարողութեամբք Փետրուար 6ին։ Թագուհին Խորհրդարանի ապագայ աշխատութիւնքը յիշելով, աւելցուց որ Խորհրդարանի մասնաւոր ուշադրութեան նիւթ կ'ընէր Հասարակութեանց Խորհրդարանի ընտրութեանց համար նոր բարեկարգութիւն մը, համեմատ անգղիական ազատ սահմանադրական կարգաց։

1. 1868ի միայն յաջորդած է իւր հօրը ազնուականութեան, եզրօրէ մեռնելով։

2. Մեզ կարթէյ Գ. ԽԸ։

Ճոն Ռիսսը որ 1832ի ահաւոր պատերազմ տարերէր էր ընդդէմ պահպանողականաց՝ ընդարձակելու ընտրողաց թիւը և յաջողեր էր միլիոն մը աւելցնելու, առանց աւելցնելու երեսփոխանաց թիւը, այս անգամ աւելի եւս կ'ուզէր ընդարձակել սահմանը և առանց քաղքի կամ աւանի մը ստացեալ իրաւունքները նայելու, ընտրութեան իրաւունքը կ'ուզէր հաստատել անգղիացւոյ մը վճարած տուրքին վրայ: Մինչ կոմսութեանց մէջ իրաւունք ունենալու համար հարկ էր վճարել տուրք 50 ստէրլին, նա կ'ուզէր իջեցնել 20ի և քաղաքաց մէջ 10ը 6ի: Այսպէս կ'աւելնային 400,000 քուէք: Վարչութեան այս առաջարկին զօրաւոր պաշտպանն էր Թրայք, մինչ Լաու ուրիշ լուրջ ճարտասան մը, կը պնդէր որ ընտրողաց թիւը աւելցնելէն կարեւորագոյն էր կանոնաւորել երեսփոխան ընտրելու իրաւունքները արդարապէս. վասնզի դեռ կային փոքր կոմսութիւնք, որոնք նախնական իրաւամբք, մեծ քաղաքներէն աւելի երեսփոխան կ'ընտրէին: Պ. Գրոսվընըը խօսեցաւ որ պաշտօնարանին առաջարկը թերի մասեր ունի, անոր համար նկատողութեան չ'առնուի մինչեւ որ աւելի կատարելագործուի. նա մանաւանդ որ օրէնքին մէջ չէին նկատուած Սկոթլիա և Իռլանդա: Այն ատեն Գլաղըստոն պաշտօնարանին կողմանէ յարտարարեց որ վարչութիւնը կը վերապահէ ապագային ուրիշ օրէնքներ ալ առաջարկել, և զայն պիտի ընդարձակէր նաեւ ի Սկոթլիա և Իռլանդա. վրայ բերաւ որ պէտք էր գոհացընել զժողովուրդը ուր իրաւունք ունէր, որպէսզի յետոյ չպահանջէ խոռվութիւններով և աւելցուց որ թէ պաշտօնարանին առաջարկած օրէնքը չ'ընդունուի, պաշտօնարանը պիտի հրաժարի:

Խորհրդարանի մաս մը, ընտրողական իրաւանց ընդարձակուելով, կը վախէր որ շատնայ ոամկին ազդեցութիւնը, նա մանաւանդ որ ժողովուրդը մեծամեծ հաւաքումներ ըրած էր ի նպաստ օրէնքին: Վերջապէս խնդիրը քուէարկութեան եկաւ և ունեցաւ տասնեւմէկ քուէ նուազ: Ճոն Ռիսսը և ընկերները հրաժարական

նին ներկայացուցին թագուհւոյն որ ընդունեցաւ և լորդ
Դէրբրիի յանձնեց կազմելու նոր պաշտօնարանը:

Նոյն իսկ այս կարճ պաշտօնավարութեան ժամանակ,
ձոն Ռոսսըլ պաշտօնարանը նշանաւոր ազատական նորու-
թիւն մը մտուց: Մինչեւ այն ատեն ամեն երեսփոխան
պարտական էր երդումն տալու որ անգղիական եկեղեցւոյ
կազմակերպութեան դէմ պիտի չգործէր, հաւատարիմ
պիտի ըլլար թագուհւոյն: Ինական է այս ձեւ երդում
մը հակառակ էր կաթոլիկներու և այլադաւաններու
զգացմանց, որով և բռնութիւն մ'էր խղճի: Նոր օ-
րէնքին համեմատ ամենայն երեսփոխան կ'երդնոյր հը-
նազանդութիւն Անգղիոյ վեհապետին և սահմանադրու-
թեան: Նոյն օրէնքը հաստատուեցաւ նաեւ լորդերուն
խորհրդարանին համար:

Յիշենք նաեւ որ 1868ի Յուլիս 27ի երեկոյ ընդ-
ծովեայ հեռագիրը կը միացնէր զԵւրոպա Ամերիկայի
հետ: Նախընթաց իրիկուընէ լորդ Ստանլի՝ պաշտօնեայ
Արտաքին Գործոց, ծանուցեր էր որ հաղորդակցութիւնը
կատարելապէս հաւտատուած էր: Երկրորդ օրը առա-
ջին անգամ խօսեցան Վիկտորիա թագուհին և Նախա-
գահն Միացեալ Նահանգաց, փոփոխակի բարեմաղթու-
թիւնք ընելով:

3. Պաշտօնարանը հրաժարականը չտուած, խիստ
միջոցներ ձեռք առած էր յիուանդա խորտակելու ֆէ-
նէաններու ապստամբական յուզումը ընդդէմ Անգղիոյ՝
Ֆէնէաններուն բոյնն էր մանաւանդ յԱմերիկա իուան-
դական գաղթականութեանց մէջ. հոնկէ անվախ կ'անց-
նէին յիուանդա և արշաւանքներով կը նեղէին անգ-
ղիական փոքր կեդրոններ: Ճէմս Սթիֆընս, որ մաս-
նակից էր ֆէնէաններու յուզման 1848ի և փախեր էր
յԱմերիկա, նորէն դարձաւ իուանդա շարժումը բորբո-

1. Ֆենեանք ներկայ դարու մէջ հոմանիշ եղան իուանդական ինքնա-
վարութեան համար պատերազմողաց հետ: Ֆենեան բառը առաջ եկած է Ֆե-
հուս անունէն որ իուանդիոյ երեք ցեղերուն վիպական նախաշարք կը
համարուի:

քելու համար. բայց կալանաւորուեցաւ Պ. Ղէմա Քիքամի հետ, այն որ գեղեցիկ և գողտր քերթութիւններ գրած է և որ գովուած է իբր յոյժ առաքինի անձ մը: Սթիֆընս՝ Դըրլինի բանտը դրուեցաւ 1865ի Նոյեմբերի, բայց քիչ օր վերջը գտաւ փախչելու հնարք մը: Ամերիկայի ֆէնէանները զԱնգղիա տագնապեցնելու համար, խորհեցան յարձկիլ կանադայի վրայ:

Մայիսի 31ին 1866 ֆէնէաններու փոքր խումբ մը անցնելով Նիակարայի գետը տիրեց իւրայ բերդին: Միացեալ նահանգները պահանջեցին յարգել իրենց սահմաններուն չէզոքութիւնը և կանատայի իշխանութիւնը զինուոր դրկեցին: Ֆէնէանները ցրուեցան և խորհեցան անցնել յիւլանդա: Սակայն Անգղիոյ վարչութիւնը իմացաւ սահմանեալ ծրագիրը, թողուց որ ելլեն յիւլանդա, ժամանակին հասուց զինուոր և ֆէնէանները ապահինեցան լեռանց կիրճերու մէջ: Իուլանդացի ֆէնէաններու հետ միացան նաեւ անիշխանականներ և աւագակներ, որոնք սարսափ տարածեցին ամեն կողմ: Մարտի մէջ ֆէնէան մը (՝ Ֆարէլ, հասարակաց պարտէզի մէջ ատրճանակի երկու հարուած ուղղեց թագուհւոյն երկրորդ որդւոյն՝ Լչիմբըրկի դքսին վրայ որ բարեբաղդարար թեթեւ վէրք միայն առաւ: Պետութիւնը առ ժամս վերցուց անձնակալութեան օրէնքը¹, ըստ որում մէկը կրնար երաշխաւոր տալով ազատիլ բանտէ: Ոստիկանութիւնը խուզարկութիւններ ըրաւ և գտաւ քաղաքներու մէջ զէնք և մթերք, հարիւրաւոր իուլանդացիք բանտուեցան: Իսկ զինեալ զունդերը զարնուեցան բանակին հետ ի Կորբ, Բէրրի, Լիմէրիք, Տիփփէրարի. քիչ հոգի մեռան, շատերը գերի բռնուեցան և ֆէնէաններու ապստամբութիւնը Լորդ Դէրբիի պաշտօնէութեան առաջին տարին արդէն առ ժամս մարած կրնար համարուիլ²:

Յուզմունք և ցրում:

1. Habeas corpus.

2. Ժամանակին անգղիական լորդ Լրագիրներէն ոմանք իսկ կը գովեն ֆէնէաններուն զիստորներէն շատերը « որոնք քաջ զինուորներ եղած էին Ամերիկայի Քաղաքական պատերազմին մէջ և պատուով կուրեր էին: Ի-

Ազատական երեսփոխանը ֆէնէաններու յուզումը, իուանդիոյ վրայ դրուած զարտուղի օրէնքներուն արդիւնը մը համարեցան, և անկէ վերջը ազատական կուսակցութեան նպատակն եկաւ զխալսելոյս ազատել և Անգղիոյ հաւասար օրէնքներ տալ:

Պաշտօնարան
 Լորդ Գերբի-
 Գիզրակէի
 Պաշտօնեայ Ե-
 Լեմտից:

4. Լորդ Գերբի պահպանողական պաշտօնարանը կազմեց Յուլիս 9ին (1866): Պ. Գիզրակէի Ելեմտից, Լորդ Ստանլի՝ Արտաքին Գործոց, Լորդ Կրանբրըն (Երբեմն Ռորըր Սիսիլ, յետոյ Սոլզբրի) պաշտօնեայ Հնդկաստանի. Լորդ Կարնարվըն՝ Գաղթականութեանց, զօրավարն Պիլ՝ Պատերազմի, Սըր Ստաֆորտ Կորթոտ՝ Վաճառականութեան, Վոլփոլ՝ Կերքին Գործոց և Սըր Ճոն Պարքինդոն՝ Ծրվային զօրութեան: Կոր պաշտօնա- նարանը գաղափարաց յուզեալ ժամանակ ստանձնեց պաշտօնէութիւնը: Ժողովուրդը որ կը յուսար ընտրա- կան օրինաց հաստատուիլը, զայրացած էր Ճոն Ռիսսըլ պաշտօնարանին անկման և կազմեր էր բարեկարգու- թեանց ընկերութիւններ, բողոքներով ձեռք բերելու համար պահանջը: Լոնդոնի բարեկարգութեանց անդամք իրենց գլուխ ունենալով զԷդմոնդ Բիլս՝ ժողովրդական տրիբուն մը, սահմանեցին հսկայ ժողովրդական հաւա- քում՝ մը կազմել Հայդ Պարքի մէջ: Ստիկանութիւնը ծանոյց որ պիտի արգելուր զայն: Պ. Բիլս հրատարակեց որ ըստ օրինաց իշխանութիւնը իրաւունք չունէին արգի- ւելու: Ընկերութեան անդամք Յուլիս 30ին Լոնդրայի ա-

րենց հայրենեաց՝ Իսլանդիոյ համար զէնք առած ժամանակ, կը համարէին անկեղծութեամբ որբացան պարտք մը կատարել»: « Կըր ժողովրդական կիրքերը հանդարտեցան, կ'ըսէ Մոկ Կարթէյ, անգղիացոց շատերը յայա- նեցին իրենց յարգանքը և զմայլումը ֆէնէաններու գիտաւորներէն շատե- րուն համար: Գլուխներէն մին էր հազարապետ Քրքք, որ նշանուոր եղած էր Հարաւային Գաղնակցութեան բանակին մէջ: Բոլոր մահուան դատապար- տուեցաւ: 1867ի Մայիսի. Սէնդ Ճէմս Հալի մէջ հազարաւոր անձանց գու- մարունք եղաւ և սահմանեց վարչութիւնը ինդիլու որ Քրքքի և ընկերնե- րուն գատավճիւր չգործադրուի: Միւլ երեսփոխանը խօսեցաւ զօրաւոր ձայ- նով ի նպաստ շնորհին և մեծ տպաւորութիւն բրաւ պաշտօնական շրջանակաց վրայ: Բըրքի և ընկերաց գատավճիւր փոխուեցաւ»:

1. Meeting.

մեն կողմէն թափորով դիմեցին դէպ ի Հայդ Պարք. սակայն դռները գոցուած գտան: Պ. Բիրլս և ուրիշ գլխաւորը բողոքեցին և խնդրեցին որ դռները բացուին. ծանուցանելով որ իրենք օրինաւորութեան ճամբէն չեն ուզեր շեղիլ: Եւ երբ անլսելի եղան, գնացին դէպ ի Տրաֆալգար Սքուար, հոն ճառախօսութիւնք եղան ի նպաստ ընդարձակութեան քուէարկուաց, շնորհակալութիւնք առ Գլադստոն, Բրայտ և ուրիշ ազատական երեսփոխանք, յետոյ ցրուեցան:

Իայց Հայդ Պարքի դիմաց մնացողները բռնադատեցին զոստիկանութիւնը դռները բանալու, երբ նա չբացաւ, երկաթեայ վանդակները կտտրելով ներսը ողողեցին: Չինուորները երկաթեայ գաւազաններով ընդդիմացան ամբոխին, որ սկսաւ կռուիլ քարերով և երկաթեայ վանդակին կտորներով, մինչեւ տիրեց պարտիզին եւ անմիջապէս սկսան ճառախօսութիւնք ի նպաստ ընտրութեան ընդարձակուելուն: Սետոյ որոշուեցաւ վեց անձանցմէ նուիրակութիւն մը զրկել առ թագուհին, խնդրելու Դէլբի պաշտօնարանին անկումը որ « հակառակ էր ժողովրդեան իրաւանց և չխնայող անոր կեանքին »:

Նմանօրինակ ուրիշ ցոյցեր և յուզմունքներ համոզեցին զթագուհին և զպաշտօնարանը անմիջապէս ընտրական բարեկարգութիւն մը պատրաստելու: Խորհրդարանը բացուեցաւ Փետրուար 5ին (1867) և Պսակի ճառը կը հրաւիրէր երեսփոխաններուն ուշադրութիւնը « Խորհրդարանի ընտրութեանց վրայ » և կը յուսար որ « խոհեմութեամբ և փոփոխակի զգուշութեամբք, կարելի պիտի ըլլար հասնիլ որոշողութեան մը, որ առանց շփոթելու քաղաքագիտական կշիռը, կարենայ ընդարձակել ընտրութեանց իրաւունքները »: Այս երկմիտ բացատրութեան մէջ ժողովուրդը Պ. Գիզրաէլի մատը տեսաւ և աւելի յուզուեցաւ համարելով որ բնաւ օրէնք մը չկայ առաջարկուելիք: Պ. Դիզրաէլի բռնադատուեցաւ Փետրուար 11ի Խորհրդարանի զումարման մէջ՝ խոստանալու որ կ'աշխատուէր արդէն գոհացուցիչ

Ընտրական
նոր օրէնք.

օրէնք մը առաջարկել: Եւ սակայն ամբողջ պահպանողական կուսակցութեան համար մեծ հոգեբուռ նիւթ էր այս ընտրութեան օրէնքը: Լորդ Դէրբի տագնապած էր և զայն կը կոչէր «Մութի մէջ ոստիւն մը՝»: Այս ամեն դժուարութիւնը աւելի մղեցին զՊ. Գիզրայէլի գոհացուցիչ օրէնք մը խմբագրելու և Փետրուար 25ին կ'ուզէր առաջարկել Յօդուածները երբ անհամաձայնութիւնը ծագեցան պաշտօնէից մէջ և հրաժարեցան Պիլ, Լորդ Կարնարվոն և Լորդ Գրանբուրն: Յետինս իբրեւ պաշտօնեայ Հնդկաստանի, քիչ ժամանակուան պաշտօնավարութեան մէջ մեծ կարողութիւն ցուցուցեր էր: Պաշտօնարանին մէջ մտան Իիչմընտի դուքսը, Մ. Քըրրի և Բըկկինգէմի դուքսը: Պաշտօնարանը այսպէս կազմուելով, Պ. Գիզրայէլի Մարտ 18ին առաջարկեց անխոնջ տքնութեամբ պատրաստած ճարտարամիտ ընտրական օրէնք մը, որով աւանագ մէջ ընտրողաց թիւը կ'առաւելուր 2(0).0(0) և քաղաքներուն մէջ մէկ միլիոն: ()րէնքը երբ անգամ կարդացուելէն վերջը, առանց կարեւոր ընդդիմութեան մը, ընդունուեցաւ նշանաւոր մեծամասնութեամբ:

Ըստ այսմ օրինաց ընտրող էր գիւղօրէից մէջ ամեն արու որ վճարէ կամ իրեն տեղ տանտէրը վճարէ, տարեկան տուրք ոչ նուազ քան սասն լիբայ ստէրլին և բնակութիւն ունենայ հոն ոչ նուազ քան մէկ տարի: Քաղաքաց մէջ ընտրողը էին որոնք տարին կալուածական հինգ լիբա ստէրլին տուրք կու տային և կամ ունէին հողեր, որոնք տարեկան կը վճարէին 12 լիբա ստէրլին: Քանի մը պզտիկ գիւղերէ վերցուեցան կանխապէս ստացուած ընտրութեան իրաւունք, ուրիշները վերածուեցան. նորեր հաստատուեցան: Մէնչըստրի, Լիվըրպուլի, Բըրմինգէմի և Լիդսի երրորդ երեսփոխանը շնորհուեցան, նոյնպէս Լոնդրայի համալսարանին: Կը սահմանուէր՝ ուր կային երեք երեսփոխանք,

1. «The leap in the dark». Ասպէս կոչուած է այս խնդիրն:

ընտրողը երկուքի միայն պիտի ըուէարկէին, և ուր որ չորս, ինչպէս ի Լոնդրա, երեքի կրնային ըուէարկել: Կը վերապահուէր Ակովտիոյ և Իուլանդիոյ նկատմամբ ընտրութեանց օրէնքներու առաջարկը:

Քիչ վերջը Ակովտիոյ տրուեցաւ գրեթէ Անգղիոյ նման ընտրական օրէնք մը. իսկ Իուլանդա այս մասին մէջ ալ չկրցաւ ունենալ հաւասարութիւն և արդարութիւն:

5. — Պ. Դիզ րաէլիի տարած այս նշանաւոր յաղթութիւնը զինքը մատնանիշ կ'ընէին անցնելու պաշտօնարանին գլուխ. և յիշուի շատ ամիսներ չ'անցան երբ Լորդ Դէրբի, արդէն շատոնց տկար յօդացաւէ, հրաժարականը տուաւ պաշտօնարանին նախագահութենէ: Թագուհին զայն ընդունելով 1868ի սկիզբը հրաւիրեց զԴիզրաէլի անցնելու Լորդ Դէրբիի տեղ: Դիզրաէլի պաշտօնարանական աննշան փոփոխութիւնը միայն բարաւ, վերջացուց ընտրութեանց Յանձնաժողովոյն գործադրելիք ինչ ինչ կէտերը և բոլոր ուշադրութիւնը դարձուց դէպ ի Ափրիկէ, ուր պատերազմի երկիւղ մը կը յառնէր Արիսինիոյ հետ:

Պատշոնարան
Դիզրաէլի:

6. — Արիսինիա (Հապէշիսպան) Նուրիոյ հարաւային կողմը կ'իյնայ, արեւելեան կողմէն ունենալով Կարմիր Վերվը: Երկիրը ընդարձակ բարձրաւանդակ մ'է չորս միլիոն բնակչօք, որոնք եթովպացի սև գեղէն են մեծաւ մասամբ. լեզունին արաբերէնէ առաջ եկած կը համարուի: Շատ գետեր ունի, որոնց զխաւորն է Բահր-էլ-Աբրաք (Կապոյտ Նեղոսը): Ամբողջ երկիրը երկու մեծ մասի կը բաժնուի, հիւսիսային կողմը Տէգրի, հարաւայինը Ամուրա. և չորս թագաւորութիւնք՝ թագաւորութիւն Կոնդարի, թագաւորութիւն Տէգրիի, թագաւորութիւն Ամուրայ և թագաւորութիւն Շուայի: Կը յիշուի հին պատմութեան մէջ որ Կամբիւս Պարսից թագաւորը, Կիւրոսի որդին, ուզեց տիրել Հապէշներուն և իր բանակները կորսուեցան աւազներուն մէջ: Չորրորդ դարուն (373) մէջ Ս. Փրումէնտիոս քարոզեց ըրիստոնէութիւնը և իրենց թագաւորք ըրիստոնեայ եղան: Ամբողջ Միջին Դարու մէջ իրենց կրօնքին պատ-

Արիսինիա
Կամ Հապէշիս-
տան:

Թագաւորութիւնը:

ճառաւ կոխ ունէին մահամէտական արարացի գլխաւորներուն հետ, սակայն պահեցին ըրիստոնեայ կրօնընդհանրապէս ստէպ բաժնուած Հռովմայ Գահէն. որուն նուիրակութիւն զրկեց իրենց թագաւորը Փլորենտինոյ ընդհանուր ժողովքին առթիւ. և կոչուած է թագաւորնին Մեծ Նրկոս, արքայ արքայից: Վաճառականական շատ յարաբերութիւնը ունեցած են փորթուգալցոց հետ: ԺՉ դարուն մէջ կալլաս կոչուած նոր ժողովուրդ մը արշաւեց յԵթովպիա և շատ տեղեր գրաւեց որով շարունակ էին կոխները տեղացի իշխանաց մէջ, որոնք կը կոչուին Տէնաձ կամ Տէտաձմալ. միայն Ամհարայի իշխանը ունէր նաեւ Ռաս տիտղոսը որ գլուխ կը նշանակէ:

Թէոդորոս թագաւորը:

Ամհարայի Ռաս Ալիի ըով մեծցաւ գինուորութեամբ Քասսա անուամբ պատանի մը որ իր քաջութեամբ արժանացաւ փեսայ ըլլալու Ռաս Ալիի: Յետոյ գտնելով իր աներոջ հետ, կոուեցաւ և զանիկայ փախուց. տիրեց կուճամի երկրին, ուրիշ իշխաններ ալ հպատակեցան: Քասսա Եթովպացոց Ապունա Սէլամի ձեռքէն արքայ արքայից (Նրկոս) օծուեցաւ և անուն ալ փոխեց դրաւ. Թէոդորոս, որովհետեւ Հապէշներուն մէջ գուշակութիւն մը կար որ պիտի ունենան թագաւոր մը որ պիտի տիրէ իսկ Երուսաղէմի: Թէոդորոս օծուելէն վերջը կ'երթայ կը տիրէ կալլասի երկիրներուն: Յետոյ կը դիմէ Շոայի վրայ որուն Մէլէքոթ թագաւորը վախէն յանկարծամահ կ'ըլլայ. կը տիրէ անոր երկիրներու և գանձերուն և անոր Մէնէլիք գաւազը որդեգիր կ'ընէ իրեն:

Թէոդորոս երկիրը խաղաղելէն վերջը, սկսաւ երկրին յառաջադիմութեան ինամը տանիլ: Յարաբերութիւնը սկսաւ Եւրոպիոյ հետ, սիրով ընդունեցաւ եւրոպացի քարոզիչներ, խրախուսեց անոնց կրթական աշխատութիւնը և ջանաց իր ժողովրդեան զեղծ բարքը շտկել յորդորանօք և պատիժներով: Իր վրայ խօսողը և զինըը տեսնողը, զինըը կը ներկայացնեն թագաւոր

1. Եթովպիոյ թագաւորը իրենք զիրենք սերեալ կը համարէին Սողոմոնէ և Սարայ թագուհիէն:

րութեան առաջի տարիներուն մէջ՝ իմաստուն, բարի, կրօնասէր թագաւոր մը: Իր առաջին կիներ մեռնելէն վերջը, չէր ուզեր կրկին ամուսնանալ, որպէս զի աւելի զբաղի ժողովրդեան բարւոյն և հոգեւոր կենաց:

Բայց յաջողութիւնները զինքը փոխեցին ապա: Իր կամաց հակառակ եղողները կը ջնջէր սրով և կրակով: Բարեկամացած էր Մասաւայի անգղիացի հիւպատոսին հետ՝ Պ. Պլովտէն, որ սպաննուեցաւ թէոդորոսի դէմ թշնամութեան մը մէջ: Թէոդորոս ընճկեց այդ ապստամբութիւնը և գերիներէն հարիւրէն աւելի սպաննեց ի վրէժ անգղիացի բարեկամին:

Անգղիացի կա-
լանուորդը:

Անգղիոյ տէրութիւնը հիւպատոս կը ղրկէր ի Մասաւա, անգղիացի հպատակաց վաճառականութիւնը պաշտպանելու համար ի Մասաւա: Պլովտէն հիւպատոսը Մասաւայի մէջ գրեթէ իրրեւ գործակատար մը դարձեր էր թէոդոր թագաւորին, որ աչք ունէր եգիպտական այդ հողին վրայ, որով և բրիտանական վարչութիւնը զանազան անգամ տհաճութիւններ ունեցեր էր. որովհետեւ Մասաւա որ Հապէշիստանի արեւելեան կողմէն ծովուն վրայ կղզի մ'էր ընդմէջ Արարիոյ և Լըզիպոտի, մասն էր թուրքիոյ և Հապէշիստանի արտահանութեանց մեծագոյն դուր: Ճոն Ուրսարլ երբ Պլովտէնի տեղ ղրկեց հիւպատոս զՎրամէրոն գնդապետը, պատուիրած էր բնաւ չխառնուիլ թէոդորոս թագաւորին իրեն մերձաւորաց հետ ունեցած խնդրոց մէջ և « Հապէշիստանի նկատմամբ չուեննալ ներկայացուցչի դեր »: Թէոդոր Անգղիոյ այս ընթացքին մէջ նենգութիւն մը կասկածեցաւ. մանաւանդ որ գրեւ էր նամակ մը առ Վիկտորիա թագուհին օգնութիւն խնդրելով ընդդէմ թուրքիոյ և այս նամակը ինչ ինչ պատճառներու համար անպատասխանի մնացեր էր ²:

1. 1897էն ի վեր Մասաւա իտալացուցն է, թէպէտ բողոքած է թուրքիա:

2. Անգղիացի պատմագիրներէն ոմանք, լաւ տեղեակք դիւանի թղթոց, կ'ուեն որ՝ նամակին մէջ առ Վիկտորիա թագուհին, կար նաեւ հետը աւուսնանալու առաջարկը, քանի որ այրի էր:

Այս ամենն պարագայից մէջ թէնդորոս արհամարհութիւնն համարեցաւ և իրրեւ վրէժխնդրութիւնն կալանաւորել տուաւ անգղիացի հպատակներ և բարոզիչներ, զորս շղթայակապ գերի տարաւ ի Մագդեւա, ժայռերուն վրայ շինուած իր բերդաքաղաքը: Կամէրոնն հիւպատոսը Մասաւայէն Հապէշիստանն եկաւ իրր բողոքելու: Բայց թէնդորոս զայրացած էր նաեւ Կամէրոնի որ իւր նամակը առ թագուհին փոխանակ անձամբ տանելու ինչպէս խոստացած էր, ծառայի ձեռքով զրկեւ էր և արհամարհական ոճով ալ պատասխաններ էր. ուրով անմիջապէս զայն ալ գերի զրկեց ի Մագդեւա:

Անգղիոյ տէրութիւնը ի սկզբան խիթալով որ պատերազմի ձայն մը կրնար գերիներուն սպանման պատճառ ըլլալ, ջանաց գործը խաղաղութեամբ լմնցնել և դիմեց միջնորդութեանց:

Ի Կ. Պօլիս
Անգղիոյ դեսպանը
հայ պատերազմի
միջնորդութեան կը
դիմէ:

7. — Կ. Պօլսոյ բրիտանական դեսպանը, լորդ Լայընս իմանալով որ Երուսաղէմ բնակող հապէշները Հայոց պատրիարքին իրաւասութեան ներքեւ կը գտնուին, Հայոց պատրիարքէն յանձնարարական թուղթ մը խընդրեց առ Եսայի պատրիարք Երուսաղէմի՝ Մարտ ամսոյն վերջերը (1867) Երուսաղէմի անգղիական հիւպատոսը Պ. Ն. Գ. Մուր՝ ներկայանալով ի պաշտօնէ Եսայի պատրիարքին, կը մատուցանէ Կ. Պօլսոյ պատրիարքին յանձնարարական նամակը, որով կը խընդրուէր առ թէնդորոս թագաւորը միջնորդութիւն մը վասն ազատութեան անգղիացի բանտարգելոց: Եսայի պատրիարքը խոստացաւ ձեռքէն եկածն ընելու և Երուսաղէմայ Աթոռոյն կողմանէ զրկուելիք միջնորդութեան օրհնութեան և թղթերն անվտանգ հասցնելու համար առ թէնդորոս և աղերսին աւելի կարեւորութիւն տալու համար, որոշուեցաւ որ յատուկ նուիրակութիւն մը զրկուի,

1. Հայոց ազգին այս պատուարեր նուիրակութեան պատմութիւնը մանրամասն գրուած է և տպուած Նոյն իսկ երկու սրբագան նուիրակներէն յԵրուսաղէմ 1871ին. Պատմութիւն Երկամեայ պանդխտութեան ի Հապէշիստան տպ. Երուսաղէմ 1871. Տես և Լրագիրք Արև, Մասիս եւն:

որուն զլուխ սահմանուեցան Սահակ Լպիսկոպոս բարերջի և Տ. Տիմոթէոս Վ. Սափրիչեան Կ. պօլսեցի:

Լըրու նուիրակը սիրով յանձն առին այս դժուարին և վտանգաւոր նուիրակութիւնը և Ապրիլի առաջին օրն ճամբայ ելան Ս. Լըրուսողէմի վերաբերեալ զանազան ընծաներէ զատ Ս. Խաչափայտին մաս մը պարունակող ականակուռ խաչ մ'ալ ընծայ տանելով Թէոդորոս Թագաւորին¹: Հասան յԱրիսինիա յետ անպատմելի նեղութեանց շատ ամիսներ վերջը և սկսան նամակով հաղորդակցիլ Թագաւորին հետ:

Հայ Նուիրա-
կութիւնը:

Միւս կողմանէ Վիկտորիա Թագուհին նամակով մը զՊ. Ռըսսամ՝ Աղէնի անգղիական կողմնակալը, ուրիշ երկու սպայիւք զրկեց առ Թէոդորոս խնդրելով գերհաց ազատուիլ: Թէոդորոս նախ արձակեց զԿամէրոն, բայց ապա յանկարծ փոխուելով, թէ զհիւպատոսսը և թէ զՌըսսամ իր ընկերներով գերի ըրաւ: Այն ատեն լորդ Ստանլի, պաշտօնեայ Արտաքին Գործոց, վերջնագիր մը զրկեց որ գերիները արձկէ, և եթէ երեք ամսուան մէջ չ'արձկուէին, պատերազմ կը սպառնար: Այս վերջնագիրն ալ արդիւնք մը չունեցաւ և սրբ Ռորրը Նապիէր, Բոմբայի բանակին սպարապետը հրաման ընդունեցաւ անցնելու յԱրիսինիայ Անգղիոյ զրկած բանակին զլուխ: Թէոդորոս զայս լսելով, գերիներով ամրացաւ ի Մագդելա:

Տ. — Զօրավարն Նապիէր ունեցաւ իր ձեռաց ներքեւ 4000 եւրոպացի և 8000 հնդիկ զինուոր, քառասուն փիղ, ուղտը և 12,000 ջորի: Բանակը 1868ի առաջին օրերը ցամաքը ելաւ Մուլլահ գիւղը և միայն նպատակ ունէր Մագդելայի և Տէրրա-Դապոր եղած գերիները ազատել: Անգղիա հրատարակեց առ պետութիւնս որ

Պատերազմ
Թէոդորոսի
դէմ:

1. Այս ամբիւ յիշենք որ Հայկական Լեկեղեցոյ Եթովպիոյ Նուիրապետութեան հետ ունեցած յարաբերութիւնք շատ հին պէտք է ըլլան, վկայ այլևայլ թարգմանութիւնք հայէն յեթովպացի, յորս նաեւ ի Վատիկան զտնուած եթովպացեանց պատարագամատոյց մը Ս. Գրիգոր Լուսաւորչի ընծայուած:

բնաւ աշխարհակալութեան նպատակ չ'ունէր, միայն քաղաքակրթութեան համար կը կոուէր: Թէնդորոս թագաւորն ալ իր կողմանէ հրատարակեց որ մինչեւ վերջը պիտի կոուէր թշնամին իր հողէն դուրս հանելու համար:

Սակայն Անգղիացիք ճարտարամտութեամբ նախ շահեցան երկրին բոլոր իշխանները, որոնք ապստամբեցան թէնդորոսէն. ապա չուեցին դժուարին ճամբաներէ դէպ ի Անտալօ և Մագդելա: Ամիս մը լեռներ և գետեր կտրելով, յետ անտանելի նեղութեանց հասան բերդին մօտ¹: Թէնդորոս եւս շատ նեղութիւն կրեր էր քաշել տանելու ի Մագդելա քարուտ և տղմուտ ճամբաներէ, ապստամբած իշխաններու երկիրներէն, իր ծանր հրանօթները, որոնք և ոչ իսկ ծառայութիւն մը կրցան ընել իրեն, որովհետեւ չունէին այն հեռաձգութիւնը ինչ որ Անգղիացւոցը: Ապրիլ 10ին, Աւագ Ուրբաթ օրը, երկու բանակները դիմացէ դիմաց գտնուեցան Մագդելայի ներքեւ և երկու կողմանէ ալ նոյն մոլեգին եռանդով կոխ մը սկսաւ: Սակայն Անգղիացւոց հրազէնք անհամեմատ վեր էին: Հապէշք յետ անխոնջ կոուելու քանի մը ժամ, 500 մեռեալ թողլով պատերազմին տեղը, քաշուեցան ի Մագդելա: Անգղիացիք միայն իննսուն վիրաւոր ունէին և ոչ մի մեռեալ:

Երկրորդ օրը թէնդորոս մարդ զրկեց հաշտութիւն խնդրելու: Սըր Ռոբրը Նյասպիէր պատասխանեց որ յանձն չէր առնուր խաղաղութիւն մինչեւ չ'արձկէ բոլոր եւրոպացի գերիները, յանձնէ Մագդելա և ինքն անձնատուր ըլլայ: Թէնդորոս զայրացած գոչեց որ ինքը բնաւ մարդու մը գերի չ'ըլլար և ուզեց ինքզինքը ատրճանակով մը սպաննել, բայց մօտ եղողք չթողուցին: Միւս օրը, Ապրիլ 12, տօն Ս. Յարութեան, յանկարծ միտքը փոխեց և գերիները զրկեց առ անգղիացի զօրավա-

1. « Թէնդորոսի հետանալուն լուրը, անգղիական բանակին գոչը երբ լսեցինք մենք, խոր տխրութեան մէջ թաղուած փնացինք... մեր դժբաղդ սպագայն մթութեանց մէջ կը նկատէինք »: Իրկ. Ուղ. ի Հապ. Գլ. Ե՛: Որովհետեւ անկէ վերջը իրենց նուիրակութիւնէ ապարդիւն կ'ըլլար:

րը կրկին հաշտութիւն խնդրելով. սակայն Սըր Ռորըր
 Նապիէր կը պահանջէր նաեւ զՄագդելա և սաստկա-
 ցուց պաշարումը: Թէնդորոս բոլորովին ներսը ամփո-
 փուած մնաց¹: Կոիւր կրկին սկսաւ. տեսնելով որ Անգ-
 ղիացիք պիտի մտնէին Մագդելա, ատրճանակի փողը
 դրաւ բերնին և պայթեցնելով ինկաւ մեռաւ Ապրիլ 13ին:
 Քիչ վերջը երբ Անգղիացիք մտան բերդը, ղիակներու
 մէջ գտան իր մարմինն ալ: Սըր Ռորըր Նապիէր հրա-
 մայեց պատուով թաղելու Մագդելա բերդին եկեղեցւոյն
 մէջ: Բարբառողսրար ողջ էին նաեւ մնացեալ եւրո-
 պացի գերիները: Իսկ բերդը կործանեց և Թէնդորոսի
 զաւակը հետը առաւ, զոր Վիկտորիա թագուհին յետոյ
 ուզեց կրթել տալ. բայց անվարժ կլիմայից ներքեւ մե-
 ռաւ տղայ հասակին մէջ:

Թէնդորոսի
 մահը:

Լորդ Նաբիէր
 կը տիրէ Մագ-
 դելայի:

Անգղիոյ վարչութիւնը զՌորըր Նապիէր բարձրա-
 ցուց լորդ ատենակալութեան աստիճանի, Բարոն Մագ-
 դելայի տիտղոսով. ընդունեցաւ զհրամական վարձա-
 տրութիւն և երկու խորհրդարաններէն ալ շնորհակա-
 լութիւնը եղան Հապէշիստանի հրամանատարին և բա-
 նակին որ հասաւ յԱնգղիա Բունիս 21ին: Եւրոպիոյ
 պետութիւնը տազնապած էին որ Անգղիա ուզենայ մնալ
 յԱրիսինիա. բայց նա ըստ իւր խոստումանը չէր ուզած
 օգտուիլ այս յաղթութենէն, միայն իր պատուոյն դէմ ե-
 դած նախատանաց վրէժն ուզած էր առնուլ: Այս կէ-
 տը պերճախօս բեմախօսութեամբ խորհրդարանին մէջ
 պանծացուց Պ. Դիզրաէլի, յուսալով մանաւանդ որ ար-
 տաքին այս տարած յաղթանակը, կարէ յաղթել նաեւ
 ներքին տազնապներուն և այն կուոյն, որ իրեն դէմ
 բացուեր էր ազատականներէն:

Գլազստոն
 կ'առաջարկէ
 յիռլանդա
 ջնջել պաշտօ-
 նական Եկեղե-
 ցին:

Գ. — Պաշտօնարանին և մանաւանդ բովանդակ
 պահպանողական զրութեան դէմ անողորք պատերազմ բա-

1. « Բանտարկեալները ազատ թողլն վերջը, ինքզինքը արբեցութեան
 կուսայ: (Սր մը այնպէս հարրած ժամանակ լեռնէն (Մագդելայէն) վար իջ-
 նելով տափարակ բլուրի մը վրայ, Անգղիացուց բանակին դիմաց ձի կը
 խաղցնէ և կ'ելլէ դարձեալ լեռը »: Ուր. Ի շապէր. Մաս Բ. Գլ. 2:

1868

ցողն, էր նոյն ինքն Գլադստոնն. պատերազմ մը՝ որ վեր ի վայր ըրաւ Անգղիոյ բազմադարեան աւանդութիւնքը, փոխեց եկեղեցական և քաղաքական ուղղութիւնքը և այնպիսի համակրանաց պսակով մը զարդարեց հեղինակին գլուխը բոլոր աշխարհի ազատասիրաց առջեւ, որ պիտի ոչ ոք քաղաքագէտ կրցած էր ստանալ ցայնժամ: Մարտ 24ին Գլադստոն Հասարակութեանց խորհրդարանին մէջ հետեւեալ երեք օրէնքներու ընդունելութիւնքը առաջարկեց. 1. « Որ խորհրդարանը յայտարարէ թէ հասած է ժամանակը վերջ տալու յիռլանդա պաշտօնական եկեղեցւոյ գոյութեան, առանձնականաց շահերը և իրաւունքները նկատողութեան առնելով. 2. Որ յառաջ եկած եկամուտները չ'երթան պետութեան գանձուն, և առ ժամս կախ մնան եկեղեցական նուիրակութեանց գործողութիւնք, մինչև որ խորհրդարանը սահմանէ. 3. Որ ուղերձ մը ներկայացուի առ թագուհին, որով Նորին վեհափառութիւնը հաճի հրամայել խորհրդարանին տրամադրութեան և հովանաւորութեան ներքեւ զնել Իռլանդիոյ արքեպիսկոպոսութեանց, եպիսկոպոսութեանց և ուրիշ եկեղեցական աստիճանաւորաց ժամանակաւոր շահերը »: Գլադստոն զասոնք առաջարկելէ վերջը խնդրեց որ պաշտօնարանը օր սահմանէ վիճելու և Պ. Գիզրաէլի ընդունեցաւ որ կատարուի Մարտ 30ին: Նոյն աւուր Պ. Գլադստոնի խորհրդարանի մէջ ատենաբանութիւնը, անգղիական բեմախօսութեան ամենէն նշանաւոր կտորներէն մին համարուած է: Սկսաւ նախ յայտնել որ յիռլանդա պէտք էր եկեղեցին բաժնուեր ի պետութենէն, որով վերնար պաշտօնական հաստատուած եկեղեցին և ազատութիւն և հաւասարութիւն ըլլար ամեն դաւանանքներու. որ քննուին պաշտօնական եկեղեցւոյ գոյքերը, վճարուի ամենուն փոխարինութիւն մը, իսկ մնացեալքը ամբողջովին պէտք են ծառայել բովանդակ իռլանդիոյ, առանց դաւանանքի խտրութեան: Յիշեց որ երբ Պիտ ընդունեցաւ Միտֆիլդը, իր նպատակն էր արտաքսել նախադասումը և մտցնել հաւասարութիւն, սակայն չկատարուեցաւ նպատակը: Իռլանդիոյ կաթոլիկ ժողո-

վուրդը « կը հեծէ պատժական բարբարոս և զզուելի օրինաց ներքեւ և սակայն կ'աճի կաթոլիկութիւնը: Այսպէս յայտնի է որ անգղիական եկեղեցին իր ճնշիչ ուճով չհասաւ իր նպատակին և չկրցաւ նորաղանդ ընել զժողովուրդը»: Յըցուց Կլադստոն որ աննպատակ են հաստատուած նուիրապետութիւնք. կան երկու վիճակք յորս կաթոլիկը 5000 հոգի են և նորաղանդք ութը միայն¹:

Իւ որովհետեւ լորդ Ստանլի, Արտաքին Գործոց պաշտօնեայն կ'ըսէր որ ներկայ խորհրդարանը չէր կարող վիճել այս նիւթին վրայ, և հարկ էր վեց ամիս յետաձգել որպէս զի ընտրութիւնք կատարուին այս ծրագրին վրայ և նոր խորհրդարանի առաջարկել խնդիրը, Կլադստոն պատասխանեց որ՝ պաշտօնարանին այդ հաշիւները սխալ էին և ունայն յոյսեր. գրեթէ բոլոր Անգղիա կողմնակից է խնդրոյն. բողոքեց որ տակաւին յիշանդա կը շարունակէ անձնակալութեան օրէնքը. որ միշտ քաղաքական պատերազմի մը վախի ներքեւ կ'ապրէին և հարցուց թէ մինչեւ երբ պաշտօնարանը պիտի պահէր ժողովուրդը զրգոելու և զայրացնելու միջոցները: Ամենէն վերջը գեղեցիկ վերջարանով մը ցըցուց Կլադստոն ի պատմութիւնէ որ Անգղիա ինչ զիջում որ ըրած է առ Խուլանդացիս միշտ հետեւանք մ'եղած էր վախի և տագնապի, « մինչ պէտք է համաձայնութեան և հաւասարութեան վրայ բարձրացնել Բրիտանական կայսրութեան ամբողջական շէնքը »: Երկար ծափահարութիւնք պսակեցին իր խօսքը, որ մեծ տպաւորութիւն ունեցաւ թէ խորհրդարանին և թէ երկրին վրայ: Խորհրդարանը սահմանեց նոյն նիւթին համար վիճարանութիւնքը շարունակելու Ապրիլ 3ին:

10. — Նոյն օրը պահպանողական մեծ ճարտասանը և միանգամայն պաշտօնարանին գլուխ՝ Պ. Գիլքրէյլի, զօրաւոր փաստերով ջանաց ջնջել Կլադստոնի

Պաշտօնարանին յաթղուելը:

1. Ուրիշ ճառի մը մէջ ըսաւ որ կային անգղիական եկեղեցիք որուն ժողովուրդը բողոքեալ էր հովուին, իր ամուսնէն և եկեղեցոյն աւելածեան:

խօսքերուն տպաւորութիւնքը, յիշեց մանաւանդ այս օրէնքով Հոովմայ Պապին ստանալիք մեծ ոյժը յիւլանդա, բացատրեց Եկեղեցւոյ և Պետութեան մէկմէկէ բաժնուելուն անտեղութիւնք և վնասներ, մանաւանդ հայրենի անգղիական եկեղեցւոյն համար և վերջացուց խօսքը առաջարկելով որ՝ քուէարկուի այս խնդիրը թողուլ ապագային: Սակայն խորհրդարանը 378 քուէիւք 272 ձայններու դէմ, մերժեց Պաշտօնարանին առաջարկը: Պաշտօնարանը տազնապեցաւ և խնդրեց ժամանակ տալ իրեն խորհելու մինչեւ Ապրիլի 20:

Սահմանեալ օրը խորհրդարանին մէջ երբ կը վիճուէր առաջին յօդուածը, Դիգրաէլի և Վոլփուլ բողոքեցին Գլադստոնի առաջարկած օրէնքներէն զալիք վնասներուն դէմ. և սակայն խորհրդարանը ընդունեցաւ 330 քուէիւք ընդդէմ 26 քուէից: Վարչութիւնը կը յաղթուէր 15 քուէիւք, որով խնդրեց նիստերուն յետաձգութիւնը մինչեւ Մայիս 4. որովհետեւ պաշտօնարանը պիտի քննէր իւր սահմանադրական կացութիւնը նկատմամբ խորհրդարանին:

Ապրիլի 12-
իանը և իշխա-
նունիս յիւ-
լանդա:

Այս միջոցիս Գալլէսի իշխանը և իշխանուհին յիւլանդա այցելութեան մեկնած էին: Դրբիլի ժողովուրդը իանդավառ ընդունելութիւն մը ըրաւ իրենց և Ապրիլ 20ին թագաժառանգ իշխանը մեծ շքով ընդունեցաւ Ս. Պատրիկի ասպետութիւնը: Խնջոյից ժամանակ խօսեցաւ թագուհւոյն ունեցած սիրոյ վրայ առ իուլանդացիս և Ապրիլ 26ին դարձաւ ի Լոնդրա:

Մայիս 4ի խորհրդարանի գումարման, վիճարանութիւնը սկսաւ իուլանդիոյ եկեղեցւոյն վրայ: Պ. Դիգրաէլի ոտք ելաւ և նախ ծանոյց, անգղիացի սահմանադրական անկեղծութեամբ, որ ներկայ խորհրդարանը ընտրուած ըլլալով ընդդիմակացից յիշխանութեան եղած ժամանակ, զարմանք չէր հակառակ քուէարկութիւններ ունենալ. և ըստ ինքեան լորդ Դէրբի պէտք էր զայն լուծած ըլլար իշխանութեան հասած ատենը: Այսու հանդերձ ինքը ներկայացուցած էր առ թագուհին իր հրաժարականը և Նորին Վեհափառութիւնը չէր ընդունած, իրաւունք տա-

լով լուծելու խորհրդարանը, երբ վարչութիւնը կարելի էր դատի: Այս հզօր պատճառարանութեամբ ջանացուցնել եկեղեցին պետութենէն զատելու վնասը. այսպէս ստեղծելով « իշխանութիւն յիշխանութեան » և այսպէս ազատութիւն տալով շատ մը հերձուածներու և կոխներու: Արդ երեսփոխանք իրենց ընտրութեան ծրագրին մէջ չունէին այդ մասը, որով սահմանադրական չէր առաջարկութիւնը և քուէարկութիւնը: Դարձեալ կանխապէս հարկ էր ընտրութեան բարենորոգումը կարգադրել: Սակայն Պ. Դիզրաէլի պատճառարանութիւնք ազդեցութիւն մը չունեցան մեծամասնութեան վրայ, որ Մայիս 7ի գումարման համաձայն ծափահարութեամբ առանց քուէարկութեան ընդունեցաւ երկրորդ յօդուածը և նաեւ երրորդ յօդուածը, որով կ'առաջարկուէր ուղերձ մը առ թագուհին առ ժամս խորհրդարանի տրամադրութեան ներքեւ դնել Խուանդայի պաշտօնական եկեղեցւոյն գոյքը: Պահպանողական երեսփոխան մը առաջարկեց դադրեցնել նաեւ Մէյնութի կաթոլիկ դպրոցին թոշակը, քանի որ կը դադրէին պաշտօնական եկեղեցւոյ թոշակը: Խորհրդարանը ընդունեցաւ հաւասարութեան համար:

Պլադատոնի օրէնքին յաջող ընթերցումը:

Ըստ երրորդ յօդուածին Ուղերձը փութով գրուեցաւ և զրկուեցաւ առ թագուհին, որ խղճամիտ սահմանադրական իշխող, յանձնեց խորհրդարանի « իր իմաստութեամբը կանոնադրել, առանց նկատի առնելու թագին իրաւունքները »: Այն ատեն Անգղիոյ և Խուանդիոյ բոլոր անգղիական արքեպիսկոպոստունք և եպիսկոպոստունք աղբս մը ուղղեցին առ թագուհին խնդրելով որ ինքը պաշտպան կենայ սպառնացեալ եկեղեցւոյ: Թագուհին շորհակալ եղաւ իրենց հաւատարմութեան զգացումներուն, աւելցնելով որ ինքը վստահ էր խորհրդարանին արդարութեան վրայ ի պահպանութիւն ժողովրդեան իրաւանց: Բարձր կղերը բիւրաւոր անձանց հաւաքումն գումարեց, որուն մասնակցեցան պետութեան անձինք անգամ, բողոքելու Պլադատոնի առաջարկներուն դէմ: Ազատական կուսակցութիւնք եւս մեծագոյն հաւաքում

մը գումարեցին ի նպաստ՝ և շատ ճառախօսութիւնք եղան:

Նոր ընտրութիւնք:

Գլադատոնի քուէարկեալ առաջարկութիւնք անմիջապէս զրկուեցան լորդերուն խորհրդարանը, որ զայն մերժեց 95 քուէից առաւելութեամբ: Այն ատեն վարչութիւնը իր սահմանադրական իրաւունքով լուծեց խորհրդարանը և նոր ընտրութիւնք եղան Նոյեմբերի մէջ: Ընտրողք ըմբռնած էին որ պայքարն էր ընդ մէջ պանդոկութեան և ազատականութեան և ստուար մեծամասնութիւն մը քուէն տուաւ ազատականաց: Պ. Գիզրաէլի իր կողմնակցութեան նուազելուն վրայ, չուզեց ներկայանալ խորհրդարանին իրրեւ զլուսի վարչութեան և տուաւ հրաժարականը:

Գիզրաէլի Պաշտօնարանին անկումը:

11. — Թագուհին անմիջապէս կանչեց զՊ. Գլադատոն նոր վարչութիւնը կազմելու, որուն մէջ մտաւ Պ. Բրայդ՝ իրրեւ պաշտօնեայ վաճառականութեան, լորդ Գրանվիլ՝ Գաղթականութեան, լորդ Կլարէնդոն Արտաքին Գործոց, Արգայլի դուքսը պաշտօնեայ Հնդկաստանի, Պ. Կարվէլ՝ Պատերազմի, Պ. Լայարդ՝ Հասարակաց Աշխատութեան: Ելեւմտից պաշտօնէութիւնը առաւ ինքնին Գլադատոն: Պաշտօնարանը առաջին անգամ ներկայացաւ խորհրդարանին Գեկտեմբեր 10ին՝ նախագահին և դիւանի ընտրութեանց համար: Իսկ գումարմունք սկսան Փետրուար 16ին: Թագի ճառը ծանոյց որ կարեւոր եղած էր Իռլանդիոյ համար եկեղեցական օրէնք մը և « Թագուհին վստահ էր խորհրդարանի իմաստութեան և արդարութեան վրայ »:

Գլադատոն Պաշտօնարան:

1869

Շատ երկար կ'ըլլար թէ ուզէինք պատմել Մարտ 1ին խորհրդարանի մէջ վիճարանութիւնքը Իռլանդիոյ նիւթին նկատմամբ և Պ. Գլադատոնի պատասխանը որ երեք ու կէս ժամ տեւեց և անզդիական խորհրդարանի բեմախօսութեանց զլուսի գործոցներէն մին համարուած է: Նոյն իսկ Պ. Գիզրաէլի խնդակցեցաւ հետը, առանց սակայն կարծիքը փոխելու: Պ. Գլադատոն ի պատմութենէ ցըցուց Անգլիոյ անիրաւութիւնքը առ Իռլանդա, որուն ժողովուրդը անհամեմատ մեծամասնութեամբ կաթուղիկ է: Թիւերով մանր բացատրեց պաշտօնական եկե-

ղեցւոյն վիճակը: « Անգղիական եկեղեցին, ըսաւ, յիւ-
լանդա իր 770,000 հետեւողաց համար կ'ընդունի քսան
միլիոն ֆրանք. երիցական եկեղեցին իր 524,000 ան-
ձանց համար կը ստանայ 1,064,075 ֆրանք. իսկ կա-
թոլիկ եկեղեցին զոր կը կազմեն իուլանդիոյ չորս մի-
լիոն բնակիչք, կ'ընդունի միայն 659,000 ֆրանք, յո-
րոց 600,000 Մէյնութի վարժարանը: Այսպէս ան-
գղիացի պաշտօնական եկեղեցին իւրաքանչիւր անհատի
համար կ'ընդունի 28 ֆրանք և 57 հարիւրբազկ, մինչ
իւրաքանչիւր կաթոլիկի 15 հարիւրբազկ չ'ըլլար » :
Գլադստոն լմնցուց իր խօսքը առաջարկելով նախ՝ 1. Ան-
միջպէս ընդունուի օրէնքը, 2. Որ գործադրութիւնը
սկսի 1871ի Յունուար 1էն: 3. Սահմանուի արդար գոր-
ծածուսն պաշտօնական եկեղեցւոյն գոյքերէն եկած եկա-
մուտներուն: Գլադստոնի խօսքը լմննալուն շտապալից
ծափահարութիւնք ողջունեցին զայն. իրեն յաջորդեց ի
բմբ Պ. Իիզրաէլի, զովեց իր հակառակորդին պեր-
ճախօսութիւնը, բայց շեշտեց եկեղեցւոյ և պետութեան
բաժանման անտեղութեանց վրայ: Մարտ 18ի, 19ի և
20ի գումարումներու մէջ խօսեցան երկու կողմանէ մե-
ծամեծ հռետորներ: Մարտ 22ին Պ. Ռոսսոնտըլ Պամբը
բացատրեց որ թէ նոյն իսկ քուէարկուէր յիուլանդիա
բաժանումը ընդ եկեղեցի և ընդ պետութիւն, եկեղե-
ցւոյն մինչեւ այն ատեն ունեցած գոյքերը պէտք էին
յարգուիլ իբր սեպհականութիւնք և մնային անգղիական
եկեղեցւոյ և հովիւներուն: Գլադստոն բացատրեց որ
հակասական էր այդ իրաւունքը այն օրուրնէ որ բա-
ժանումը գոյանար: Սակայն Գլադստոնի ամենէն մեծ
պատերազմը եղաւ Մարտ 23էն 24ի գիշերը, յորում
պահպանողականք Պ. Հարտի բերնով առաջարկեցին
օրէնքին քուէարկութիւնը յետաձգել վեց ամիս: Կէս գի-
շեր անցեր էր երբ Պ. Հարտի, երբեմն պաշտօնեայ Ալ-
տաքին Գործոց Իիզրաէլի պաշտօնարանին, լմնցուց իր
խօսքը և Գլադստոն միշտ անխոնջ դիմեց բմբ և ժամը
առաւօտեան երկու և քառորդ էր երբ իր հմայիչ խօսքը
վերջացուց ցուցնելով խորհրդարանին ժամացոյցը և

մասնանիչ ընկելով որ «նայեցէք, վասնզի իուլանդիոյ պաշտօնական եկեղեցւոյն վայրկեանները համրուած են » : Ժամը 2.20ին սկսաւ քուէարկութիւնը, ոչ ոք քուն և յոգնութիւն կը մտածէր, յուզուած էր խորհրդարանը, ամենայն ոք անհամբեր քուէարկութեան ելքին կը սպասէր և ժամը 3ին հրատարակուեցաւ արդիւնքը : Ի նըպաստ կ'ունենար 370 քուէ ընդդէմ 252 քուէից . որով պաշտօնարանը յաղթեց էր 118 քուէիւր : Կլադստոն անմիջապէս ծանոյց որ կը հրաւիրէր զխորհրդարանը Ապրիլ 15ի, ընդհանուր Յանձնաժողովի մը ձեւացնելու և վիճելու օրէնքին 63 յօդուածներուն վրայ, որոնք պիտի ղրկուէին լորդերու խորհրդարանին : Ընդդիմակաց քուէարկութիւնքը երկարաձգելու համար, ամեն մասի կը ջանային յաւելուած մը առաջարկել : Կլադստոն համոտեց առաջարկելով ամբողջովին քուէարկութիւն և Հասարակութեանց խորհրդարանը ընդունեցաւ 123 քուէից առաւելութեամբ :

Կը կարծուէր որ օրէնքը մեծ ընդդիմութիւն գտնէ լորդերու խորհրդարանին մէջ և մինչեւ նաւակոծի իսկ, սակայն ունեցաւ 179 քուէ, ընդդէմ 146 քուէից և Յուլիս 26ին վիկտորիա թագուհին ստորագրեց « յիւլանդա պաշտօնական եկեղեցւոյն ջնջուիլը » :

Աւելորդ է նկարագրել անգղիական եկեղեցւոյն զայրոյթը և յուզումը այս օրէնքին դէմ : Մոլեզին ընդդիմախօսութիւնք եղան յԱնգղիա ամեն կողմ թէ ի հրապարակի թէ տաճարաց բեմերէն . Կլադստոնի ամեն նախատինք տրուեցաւ : Սմանք կ'ամբաստանէին մինչեւ իսկ զթագուհին որ պէտք էր յանձն առնուլ ամեն վրտանգ, քան թողուլ որ իր աչաց առջեւ ջնջուի յիւլանդա « հայրենական եկեղեցին » : Իքսիթիր Հալի մէջ հսկայ հաւաքում մը եղաւ, յորում տրուեցան Կլադստոնի « մասնիչ իր թագուհւոյն , հայրենեացը և իր Աստուծոյն » բառերը . պատուելի ազնուական մը նկարագրեց զվարչութիւնը « Պաշտօնարան աւագակաց » : Իսսակայն այս յուզումները հաստատուն ազդեցութիւն մը չունեցան ժողովրդեան մեծամասնութեան վրայ և քիչ


Վերջական
քուէարկութիւն
յիւլանդա
պաշտօնական
եկեղեցւոյ
ջնջուելուն :

քիչ մոռցուեցան ընդդիմութիւնը նոր օրէնքին դէմ, որ պիտի սկսէր գործադրուիլ 1871ի Յունուար 1ին¹:

12. — Լորդերուն խորհրդարանին մէջ Յուլիս 17ի քուէարկութեան ժամանակ լորդ Դէրբի, որ իբր պահպանողական ընդդիմակաց՝ եռանդեամբ Գլազստոնի օրէնքին դէմ խօսեր էր, լմնցուցեր էր իր ճառը ըսելով. « Դրեր եմ, իմ պաշտօնական կեանքս ամբողջովին փակուած է, քաղաքական կեանքս ալ ահա կը փակուի և ըստ բնութեան օրինաց բնական կեանքս ալ երկար չէ »: Երեք ամիս վերջը, Հոկտեմբեր 23ին կը մեռնէր 71ամեայ, պահպանողական կուսակցութեան նշանաւոր առաջնորդներէն, և վերջին ժամանակաց վեհանձն և ազնուական դէմքերէն մին, որուն քաղցր պերճախօսութիւնը երկար ժամանակ հիացուցեր էր երկու խորհրդարանքն ալ: Լորդ Դէրբի վերջինն կը համարուի հին պահպանողութեան. իր յաջորդը ինչ ինչ բաներու մէջ բռնադատուեցան ազատականաց մօտենալ:

Մահ լորդ
Դէրբի:

1. «Գլազստոն, ինչպէս Անգղիոյ ամեն մեծ քաղաքագէտները, դասական բարձր ուսումն րբած էր: Ովրտտիոս և Վիրգիլիոս հաւասարապէս կ'ընթանան իր հաշիւներուն հետ: 1858ին Հոմերոսի վրայ լի հմտութեամբ երեք հատոր հրատարակած է, զոր տասը տարի վերջը կրկին սպազրեց Էյրիտտտարդուքիւն յԱլիսարիի հմայիչ տիադոսով: Իր Աճա Արդ գրուածքը բոլոր Անգղիոյ մէջ շատաչ ունեցաւ և այն առթիւ յօդուած մը գրած է, յորում կը շնչէ ամենէն եռանդուն և սուրբ հաւատքը: Որով Գլազստոն յիշուանդա Անգղիական եկեղեցին կործանելը անկրօնութեան համար չէր ընէր. այլ համոզուած էր որ ֆէնէաններու յաղթանակելու համար աւելի արդարութիւն պէտք էր քան զօրութիւն»: Ֆիլիփ Պատմ. Անգղիոյ Գլ. ԻԵ. Տպ. 1893: Կշանաւոր է տարիներ վերջ առ Ս. կոյսն երգած քերթութիւնը:



Գ Լ ՈՒ Խ Դ .

ՀՈՒՎՄԱՅ ՎԻՃԱԿ ԵՒ ԳՍԻՐՎԱԳԻ

1. Խտալիոյ միութիւնը և հակառակ յուզմունքներ ի Սե-կիլիա — Նուաճումն. — 2. Գարիբալդեանց և ազատականաց զիտմունքը Հոովմայ նկատմամբ. — 3. Ռիկազդի պաշտօնա-րանին հակառակութիւնը. իտտարանին լուծուիլը. նոր բնորու-թիւնը — Ռատտացցի պաշտօնարան. — 4. Գարիբալդի կը շրջի յուզելու գիտալիա, ընդդէմ Հոովմայ — կալանաւորումը. — փախուսար. — 5. Մոնախոտանդոյի զուպարածը. Հոովմայ մէջ փորձ մը. — 6. Գազդիոյ միջանտութիւնը. — 7. Մենտանայի պատերազմը. Գարիբալդեանց յաղթուիլը — Գարիբալդիի կա-լանւորումը. — 8. Գազդիացի զօրքը ի Չիվիտա Վլկկիա. — 9. Թագաւորագուն իշխանաց ամուսնութիւնքը :

Խտալիոյ մի-
ութեան հակա-
ռակ յուզմունք-
ներ ի Սիկի-
լիա :

1. — Խտալիա որչափ որ ալ 1866ի պատերազ-
մէն յաղթական չէր ելած, այսու հանդերձ Պրուսիոյ
հետ դաշնակցութիւնը և Նապոլէոն Գ.ի մշտատեւ բա-
րեկամութիւնը շահաւոր արդիւնք մը բերեր էին իրեն
և վենետիկն ալ մտեր էր միութեան մէջ : Սակայն հիւ-
սիսային կողմը ասոնք պատահած ժամանակ, հարաւային
կողմը հակառակ իմաստով ոտք ելեր էր և վենետիկոյ
միութիւնը տօնուած ատեն, արդէն Սիկիլիոյ մէջ
միութեան դէմ ապստամբութիւն ծագեր էր : 1866ի
Սեպտեմբեր 16ին առաւօտը Պալէրմօ քաղաքը լեցուած
էր զինուած ամբոխով մը, որուն թիւը մինչեւ 20000ի
կը հասնէր որոնք « կեցցէ Հասարակապետութիւն » և
միութեան դէմ զոչելով, նախ տիրեցին ոստիկանու-

թեան պալատին և անկէ դիմեցին բանտը 1400 կալանաւորքը ազատելու: Քաղաքը 2000 զինուոր միայն ունէր, որոնք Տորէլլի քաղաքապետին և մարզիզն դի Ռուզինի քաղաքազլխին հետ ապաւինեցան թագաւորական պալատը: Ապստամբը աւարառութիւն սկսան. անոնց հետ միացաւ նաեւ քաղաքացի ամբոխը և քաղաքը մնաց անիշխանութեան մէջ: Ապստամբացմէ ոմանք զինեալ մտան Լինգուակլոսսա իշխանին պալատը և զծերունի իշխանը բռնի նախագահ անուանեցին Առժամանակեայ վարչութեան մը: Քաղաքացոց մաս մը որոնց զուլխ անցաւ դի Ռուզինի քաղաքազուլխը, կռուեցան աւարառութեանց դէմ առնլու, այսու հանդերձ Սեպտեմբեր 19ը և 20ը ահաւոր օրեր եղան Պալէրմոյի համար. ապստամբը այրեցին դի Ռուզինիի անձնական պալատը, աւերեցին զինուորական գրատունը և անոր պահպանքը սպաննեցին, խողխողեցին 28 արքունի զինակիրք և ինչ զինուորի որ հանդիպեցան:

Ֆիրէնցէի վարչութիւնը անմիջապէս Անգոնայէ, Լիվոռնոյէ և Ճենովայէ նաւատորմիդ մը ղրկեց ի Սիկիլիա 20,000 զինուորօք, և զգօրավարն Ռաֆաէլլօ Կադորնա արտասովոր թագաւորական գործակատար անուանեց լիովին իշխանութեամբ: Կադորնայի բանակին յարձակումը սկսաւ 21 Հոկտեմբերին և տեւեց երկու օր: Ապստամբը ինչպէս եկեր էին այնպէս ալ փախան լեռները: Զօրավարն Կադորնա զՊալէրմօ պաշարման վիճակի մէջ դրաւ, ցրուեց ազգային պահապանքը որոնք ապստամբաց կողմը բռնեցին: Քաղաքապետը և ոստիկանութեան զլուխը Ֆիրէնցէ կանչուեցան բացատրութիւն տալու և դի Ռուզինի մարզիզին զինուորական արժանեաց ոսկի միտալ տրուեցաւ և մեծ սպայութիւն Սան Մավրիցիօ և Լաժժարօ կարգին: Պետութիւնը չուզեց ըմբռնել որ այս ապստամբութեան պատճառը Սիկիլիոյ յետին աղքատութիւնն էր և տրոց անտանելի առաւելութիւնը: Ինչպէս այս անգամ ուրիշ անգամներ ալ յանցանքը ձգեց Ռուրբոնեանց կուսակիցներու և բարձրաստիճան եկեղեցականաց վրայ, որոնք նոր վարչու-

Նրուանոն:

Թեան համակրութիւն ցոյց տուած չէին: Քաղաքացիներէն հազարէն աւելի անձինք բանտարկուեցան, յորս և եկեղեցականք, բայց մօտ 700 անպարտ արձկուեցան և թագաւորն Վիկտոր Էմանուէլ իր երկրորդ զաւակը, Ամէղէօ իշխանը, ամուսնութենէն վերջը այցելութեան զրկեց ի Սիկիլիա. այսպէս արտաքին հանդէսներով կարծելով մոռցնել տալ իր հարաւային ժողովրդոց չքաւորութիւնը, որ միշտ զիրենք տժգոհ կացութեան մէջ պահեց նկատմամբ վարչութեան:

Գարիբալ
դեանց և ազա-
տականաց
դիմունքը
Հոովմայ
նկատմամբ:

2. — Սիկիլիոյ սպստամրութեան նուաճուելէն քիչ օր վերջը Նոյեմբեր 7ին Վիկտոր Էմանուէլ իր հանդիսաւոր մուտքը բրաւ ի Վենետիկ, ժողովրդեան բիւրասւոր խանդավառ և արտասուալից կէցցէներուն մէջ¹: Յետոյ այցելելով վենետիկեան ուրիշ քաղաքներ, Նոյեմբեր 21ին դարձաւ ի Ֆիրէնցէ և Դեկտեմբեր 15ին բացաւ խօսարանը անմիջապէս գոչելով թագի ճառին սկիզբը. « Վերջապէս հայրենիքը ազատ է ամեն օտար տիրապետութիւններէ: Ազգը վստահացաւ իմ վրաս և ես վրաս տահացայ նորա վրայ: Նոյն իսկ Գաղղիոյ վարչութիւնը հաւատարիմ Սեպտեմբերի (1864) դաշանց Հոովմէն յետս կը կոչէ իր զինուորքը » և կը լմնցնէր խօսքը որ՝ « Յարգող իր նախնեաց կրօնից, որ է միանգամայն կրօնը իտալիոյ մեծամասնութեան, մի և նոյն միջոց Սահմանադրութեան ազատ սկզբանց վրայ վստահ, ապահով էր որ անոր անկեղծ և ընդարձակ գործադրութեամբ պիտի վերնային եկեղեցւոյ և պետութեան մէջ եղած հին տարածայնութիւնք »:

Վիկտոր Էմանուէլ ի խօսքէն կը կարծուէր որ Վենետիոյ միութեամբ, կատարուած էր իտալիոյ միու-

1. Վիկտոր Էմանուէլ ուզելով պատուել զՎենետիկ, անոր նշանուոր զաւակը՝ Պալէոքսպա երկրաչափ-ջրաբաշխ և եռանդուն հայրենասէր, թէպէտ կուրացեալ, իրեն արեւակից բրաւ, տալով անոր Անուցեցադա արքայական կարգը: Վենետիկ իրեն սեղանին մասնակցեցան կարդինալն Տրեփիզանտօ պատրիարք Վենետիոյ, ճոն Ռոսսըլ, իտալիոյ հին բարեկամը և աստորիացի Մլադրիկ գօրավարը որ Աւստրիոյ կողմանէ պաշտօնապէս յանձներ էր զՎենետիկ:

թիւնը և այլ եւս օտար իշխանութիւն մը չկար յիտալիա, որով թէ Քահանայապետը և թէ իր վարչութիւնը և զայն կազմողը օտարը չէին: Բայց կարիքալոյժանք և ազատականք այսպէս չէին համարեր. անոնց համար հարկ էր վերցնել Քահանայապետին ժամանակաւոր, և թէ կարելի էր, հոգեւոր իշխանութիւնն ալ, որովհետեւ այս նպատակին յաջողութեան համար չէին միայն իտալացի ազատականք և կաթոլիկութեան կամ կրօնքի հակառակողը, այլ և ամեն ազգի տարրեր կրօնք ունեցողք և կամ անկրօնք այս յուզման մասնակից էին. և ամեն կողմանէ Հռովմ գաղտ նուիրակներ եկած էին զժողովուրդը ապստամբեցնելու Քահանայապետին վարչութեան դէմ: Նոյն ոգիները կային նաեւ խօսարանին մէջ և ի զուր Ռիկազոլի, նախագահ պաշտօնարանին խոհեմութիւն կը քարոզէր ազատականաց: Իրեն համամիտ էր նաեւ Վիկտոր Էմանուէլ որ մանաւանդ զանազան եկեղեցական խնդրոց համար մասնաւոր նուիրակ դրկած էր առ Պիոս Թ և ուղղակի իսկ ըրած էր զրութիւնը, յորս լիովին զոհացումն գտեր էր և ճանչցեր էր Քահանայապետին հայրական սիրտը¹: Վիկտոր Էմանուէլ կալուր, Ռիկազոլի, Վիսկոնտի Վենոստա և իտալացի մեծ մտքեր, Հռովմայ խնդիրը համազգային խնդիր նկատած էին որ երբէք չէր կրնար վերջանալ զՀռովմ վշտացնելով. այսպէս բանալով մշտամնաց վէրք իտալիոյ մարմնոյն, մինչ միարան համաձայնութիւնը յարգելով եկեղեցւոյ իրաւունքները հակայապէս պիտի մեծացնէր զիտալիա:

3. — Յունուար 17ի (1867) խօսարանի մէջ կոման Շիալոյա Էլեմտից պաշտօնեայ և Արդարութեան պաշտօնեայն Բորկարտի¹ օրէնք մը առաջարկեցին Էկեղեցւոյ ազատութեան և եկեղեցական գրաւուած ստացուածոց կարգադրութեան նկատմամբ: Խորհրդարանի մէջ մե-

Ռիկազոլի
պաշտօնարանին
ընդդիմութիւնը:

1. Վկայած է Վիկտոր Էմանուէլի կենաց պաշտօնական պատմիչը. Մասսարի, նշանաւոր գրիչ և քաղաքագէտ: Գլ. 21:

ծամամանութիւն մը այս օրէնքը Նասպուլէոն Գ.ի գրգմանէն համարեցաւ: Վիճարանութեան մէջ ազատական երեսփոխանք բողոքեցին ընդդէմ պաշտօնարանին որովհետեւ արգիլեր էր վեներտկեան գաւառաց մէջ այս օրէնքին դէմ գումարուելիք հաւաքում մը և խափաներ էր « Հոովմայ ազատութեան » նկատմամբ ընկերութիւններ: Պաշտօնարանը հաստատուն մնաց իր առաջարկութեան վրայ և հակառակ քուէ ընդունելով, անմիջապէս հրաժարականը ներկայացուց առ թագաւորը: Վիկտոր Էմանուէլ չ'ընդունեցաւ հրաժարականը և խօսարանը լուծեց: Անմիջապէս Գարիբալդի ելաւ պտտելու Իտալիոյ հիւսիսային գաւառներ, ամեն տեղ Հոովմայ դէմ քարուղելով և յորդորելով որ պաշտօնարանի հակառակող երեսփոխաններ զրկեն ի Ֆիրէնցէ: Ընտրութիւնք եղան Մարտ 22ին և դուրս եկաւ խօսարան մը առանց յայտնի մեծամամանութեան, որով Շիալոյա և Բորկատի պաշտօնեայք, որոնց օրէնքները ունեցեր էին հակառակ քուէարկութիւնը, հրաժարեցան պաշտօնէն, համարելով այսպէս զիրենցնել և հաստատուն ընել պաշտօնարանը: Սակայն Ռիկազոլի չյաջողեցաւ մեծամամանութիւն մը կազմելու և հրաժարականը տուաւ թագաւորին որ նոր պաշտօնարան կազմելու համար կոչեց զՄէնարրէա զօրավարը և Մէնարրէա յանձն առաւ պայմանաւ որ իրեն ընկեր ըլլայ Ռատացցի: Այն օրերը Մէնարրէայի որդին մեռնելով, իսպառ հրաժարեցաւ պաշտօնարանը կազմել և թագաւորը կանչեց զՌատացցի որ կազմեց պաշտօնարանը՝ ինքն ըլլալով նախագահ միանգամայն պաշտօնեայ Ներքին Գործոց. միւս պաշտօնէից մէջ նշանաւորքն էին Կոմսն Թաուն դի Ռէվէլ՝ Պատերազմի, Սերաստիանօ Տէքիօ վենետր՝ Կրօնից, Կոպպինօ՝ Հասարակաց Կրթութեան, Ֆէրրարա՝ Ելեւմտից, Կոմսն Պոմպէօ Կամբելլօ՝ մատենագիր և երբեմն պաշտօնեայ Պիոս Թի, Արտաքին Գործոց: Այս պաշտօնարանին մասնակցելու եթէ Վիկտոր Էմանուէլ և եթէ Ռատացցի ջանացեր էին համոզել զՎիսկոնտի վէնոստա, բայց նա հրաժարեր էր ազնուական նամակով մը, չունենալով պաշտօնարանին մէջ իրեն գաղափարակիցներ:

Նոր ընտրութիւնք.

Ռատացցի պաշտօնարան.

4. — Հագիւ պաշտօնարանը ներկայացեր էր խօսարանին, Ֆէրրարի երեսփոխանը հարցուց թէ ի՞նչ էր պաշտօնարանին միտքը Հոովմայ ինդրոյն նկատմամբ: Խատացցի պատասխանեց որ «Մենք ունինք դաշինքներ, զորս պէտք է պահենք անկեղծութեամբ»: Թէպէտ այս խօսքը ընդունուեցաւ ծափահարութեամբք, բայց խօսարանէն դուրս աւելի գրգիռ մը եղաւ Գարիբալդեանց՝ յայտնապէս բռնի միջոցներու դիմելու, գրգռելու զժողովուրդը և զէնքով մտնելու Հոովմայ սահմանքը, քանի որ վարչութիւնը հակառակ կ'երեւար Հոովմայ վիճակին դպչելու: Գարիբալդի արդէն գնացեր էր ի վենետիկ և հոն Ս. Մարկոսի հրապարակին մէջ պանդոկի մը պատուհանէն գոչեր էր խուռներամ ամբոխին առջեւ ընդդէմ կրօնքի և Քահանայապետին¹. անկէ անցեր էր վենետկեան ուրիշ քաղաքներ, քարոզելով որ հարկ էր տրեւել Հոովմայ: Յետոյ հրաւիրուեցաւ ի ճիճն վրա ուր Խաղաղութեան դեսպանաւորով զումարուած էր, հոն եւս կրկնեց իր նախատինքները ընդդէմ Պապութեան. անկէ անցաւ Բէլճիրատէ և հոն կայրուլի տան պատուհանէն պոռաց որ «Պէտք էր դիմել ի Հռոմ», յետոյ անցաւ Ֆիրէնցէ, Արէցցօ և ուրիշ քաղաքներ, ամեն կողմ քարոզելով կամաւոր զինուորութիւն ընդդէմ Հոովմայ և միանգամայն խօսելով նոր տեսակ կրօնքի մը վրայ, յառաջ եկած բնական օրէնքէն, որուն կ'ուզէր հիմնադիրը համարուիլ, Բայց կը համարէր որ ամենէն առաջ պէտք էր ջնջել Պապին ժամանակաւոր իշխանութիւնը²:

Գարիբալդիի շրջանը յուզուելու զիտայիա ընդդէմ Հոովմայ:

1. Գարիբալդիի այս խօսակցութիւնը որ մեծ զոհութիւն տուաւ Իրոպոյի անկրօնից՝ թէպէտ ականջալուր, անճահ կը համարիմ հոս կրկնել ամբողջ: Հետաքրքիր բերաւոր բազմութիւն բռնե՛ր էր Ս. Մարկոսի հրապարակը, սակաւք ոմանք ծափահարողք:

2. Այն աստիճանի հասաւ կաթոլիկութեան դէմ հակառակութիւնը որ՝ ինքնիրեն «հաստատեց մկրտութիւն մը և իբրեւ հիմնադիր նոր կրօնքի մը մկրտեց երեխաներ ալ»: Ուսուցիչն Ֆեդիէ Սպիօ Պատմութիւն Ներկայ ժամանակաց Գլ. ԻԲ:

Գուէրցոնի իր քարտուղարը և կենսագիրը կ'ըսէ որ «Այս ճանապարհորդութեան մէջ խօսքերէն ալ աւելի անտեղի երեւցան իր գործերը: Ար-

Եւրոպիոյ բովանդակ կաթուղիկ Պետութիւնը զայրացան Գարիբալդիի այս թողուած համարձակութեան վրայ, նապոլէոն Գ իմացուց որ Տուլոնէն զինուոր կը զրկէր կրկին գրաւելու զՀոովմ և պաշտպանելու ժամանակաւոր իշխանութիւնը: Տագնապեցաւ և խտալիոյ պաշտօնարանը. ծանուցագրով մը ապահովցուց Պետութիւնները որ պիտի չթողու ո՛ր և իցէ ձեռնարկ մը ընդդէմ Սեպտեմբերի դաշանց: Եւ որովհետեւ Գարիբալդի չէր ուզեր հանդարտ կենալ, վարչութիւնը Արէցցոյի մօտ ի Սինալունկա զինքը կալանաւորեց և զրկեց յԱղեքսանդրիա: Բայց Գարիբալդի մտաւ հոն իրր յաղթանակաւ և խտալիոյ ա՛մեն կողմի ծայրայեղ ազատականք և Գարիբալդեանք շփոթներ հանեցին գոչելով « կեցցէ՛ Գարիբալդի, մահ պաշտօնարանին»: Վարչութիւնը խոստացաւ զինքը արձկելու եթէ հանդարտ քաշուի իր կապրէրա կղզին: Բայց Գարիբալդի պահանջեց կամ բանտարգելութիւն կամ ազատութիւն: Պետութեան նուիրակը՝ Պէշէտտի, վարչութեանէն նոր հրահանգներ ուզեր էր, որոց պատասխանը ուշանալով և խիթալով որ ժողովուրդը ապստամբութիւն մը հանէ, ազատ ձգեց զԳարիբալդի որ երկրորդ օրը յաղթանակաւ ճենովայի մէջ պտտելէն վերջը յանձն առաւ տէրութեան նաւով մը կապրէրա քաշուելու: Բայց հոն լսելով ազատականաց շարժումները դէպ ի Քահանայապետին երկիրներն, Հոկտեմբեր 14ին, ձկնորսի նաւակով մը ինքզինքը Մազղալենա ձգեց և անկէ Սարտենիա, ուսկից ծածուկ հասաւ ի Լիվոռնօ և Հոկտեմբեր 20ին ի Ֆիրէնցէ և Ֆրլինիօյէն Գաղղիոյ դէմ հրատարակութիւն մը ընելով առ բոլոր

կալանաւորա-
մը, 1867
Սեպտ. 23.

դեօք բուռն եռանդն ունեցողներուն նման բոնուած խորհրդազգաց այլայլութենէ, կամ թէ համարելով որ Վատիկանէն ազատելու համար նոր կրօնական յեղափոխութիւն մը կարելոր էր, և թերեւս մտքէն անցնելով որ այդ յեղափոխութեան սուրբ ինքն էր. ինչ որ ըլլայ. ա՛յ չէր կրնար բերանը բանալ քաղաքական խօսք մը բսելու, առանց իր շինած բնական օրէնքը մէջը խառնելու, քիչ շատ նման փան փաց Ռուսսոյի ստեղծածին, առանց քահանայի, առանց պաշտամունքի, առանց եկեղեցւոյ, և որ բոս իրեն պիտի փրկէր ամբողջ մարդկութիւնը, բայց այն պայմանաւ որ այս փրկութիւնը Հոովմայ տիրելէն սկսէր»: Գարիբալդի. Հտ. Բ. էջ 469.

Խտալացիս, Հոկտեմբեր 22ին հասաւ ի Տէննի ուր արդէն հաւաքուեր էին զինեալ գունդեր մտնելու Քահանայապետին սահմանները:

Ծ. — Հոկտեմբեր 17ին առաւօտ ազատական գունդեր որոնք իրենք զիրենք հռովմէական լեգէոնք անուանած էին, ընդ հրամանատարութեամբ Կէրէլլի զօրավարին, որ հրաժարելով կանոնաւոր զինուորութենէ անցեր էր զինեալ խումբերու զլուի, տիրեցին Օրտէ քաղաքին, և կը յառաջէին Պրոսինոնէ գաւառին մէջ: Այս միջոցիս էր երբ հասաւ Գարիբալտի և յետ խրախուսելու խումբերու իւր մեծարան ճարտարխօսութեամբ և նախատանօք ընդդէմ Քահանայապետաց իշխանութեան, հինգ հազար կամաւորօք տարածուեցաւ Մոնտէ Թոտոնդոյի կողմերը: Հոկտեմբեր 26ին և 27ին երկու կողմանք կռիւր սկսան, և Գարիբալդեանք ունեցան փոքր յաղթութիւն մը. Գարիբալդի հռչակեց զայն մասնաւոր հրատարակութեամբ մը:

Մոնտէոտոնտոցի գուպարածը:

Մոնտէ Թոտոնդոյի տիրելէ վերջը գարիբալդեան գունդերը սկսան յառաջել դէպ ի Հռովմ և հասան ի կաշինօ Սան Կոլոմբօ, Հռովմէն վեց մղոն հեռու, ջանալով ոտք հանել ժողովուրդները և ժողովրդախումբ քուէարկութեամբ միանալ իտալիոյ թագաւորութեան հետ:

Մի և նոյն ժամանակ Հոկտեմբեր 22ին Հռովմայ մէջ գտնուած Գարիբալդեանք որոց զլխաւոր էին Պալլափիչինօ, Կրիսպի, Կայրոլի հրատարակութեամբ մը կը յորդորէին զժողովուրդը ապստամբութեան: Քաղաքացոց մաս մը վախէն խնդրեց որ քահանայապետական իշխանութիւնը օգնութեան գոչէ ընդդէմ Գարիբալդեանց վիկտոր Էմանուէլի կանոնաւոր բանակը: Ամբոխէն մաս մը զրգռեալ ազատականներէն, սկսաւ կռուիլ զինակրաց հետ Կոլոննա հրապարակին մէջ և ի Պորտա դէլ Պօպօլօ. յետոյ դիմեց Կապիտոլիոնի պահպան զօրաց վրայ, որոնք վանեցին յարձակողները. և թէպէտ մեռան երկու կողմանէ ալ քանի մը հոգի, սակայն ազատականք ցրուեցան:

Հռովմայ մէջ փորձ մը ապստամբութեան:

Ի Հոռով այս շփոթութիւնը պատահած ժամանակ, 75 երիտասարդ կամաւորը որոց գլուխն էր ձիովաննի կայրոլի փորձեցին զիշերանց Վիլլա Գլորիայէն մտնել ի Հոռով: Բայց վրայ հասան 300 քահանայապետական զինուորը և յետ մոլեգին կռուոյ մը ետ քաշուեցան թողլով մեռեալ 25 ազատականը յորս նաեւ Լն. րիքօ կայրոլի: Քահանայապետական զինուորը չհալածեցին մնացեալքը և ետ քաշուեցան իրենց պահպանութեան տեղերը:

Գաղղիոյ մի-
շամութիւնը:

6. — Երբ Նրպոլէոն Սեպտեմբեր 15ի դաշամբ խոստացեր էր Հոռովմէն կանչելու գաղղիացի զունդերը, փոխադարձ ապահովութիւն ստացեր էր Վիկտոր Լամաուէլէ և Նոր Իտալիոյ վարչութեանէն որ բնաւ Հոռովմայ ինդիր չկար և որ և իցէ ազատականաց կողմանէ փորձ մը Հոռովմայ վրայ անմիջապէս վարչութեանէն պիտի ընկճուէր: Երբ Հոռովմայ դէմ առաջին յուզմունքները լսուեցան, անմիջապէս գաղղիացի հին ազնուական ցեղերէ կազմեալ լեգէոն մը, որոց կը հրամայէին կանոնաւոր բանակէն հրաժարեալ գնդապետներ, ճամբայ ելան Անտիբէն պատերազմելու ասպետական և կրօնական գաղափարօք Քահանայապետին պաշտպանութեան համար: Այս լուրը տազնապեցուցեր էր Վիկտոր Լամանուէլի վարչութիւնը, որ ամեն ջանք ի գործ դրեր էր Եւրոպիոյ ցուցնելու, զոնէ արտաքսապէս, որ ինքը ազատականաց ըրածին դէմ էր: Բայց երբ « կարմիր շապիկները» ինչպէս գաղղիացիք կը կոչէին զգարբալդեանս, մտան Քահանայապետին հողերը, այն ատեն Նրպոլէոն Գ համարեցաւ որ Իտալիա չէր պահեր Սեպտեմբեր 15ի դաշինքը և հրամայեց գաղղիացի ջոկատներուն որոնք, արդէն պատրաստ էին ի Տուլոն, մեկնելու ի Չիվիթապէկկիա Քահանայապետին պաշտպանութեան: Ռատացցի պաշտօնարանը այսպիսի ծանր պարագայի մէջ հրաժարեցաւ Հոկտեմբեր 2ին. համարելով որ այս լուրը կեցընէ գաղղիացի բանակին մեկնելը և թագաւորը Չիալդինի զօրավարին յանձնեց նոր պաշտօնարանը կազմելու: Սակայն Չիալդինի դժուարութեանց

Հանդիպելով, օրեր անցան և ազատականաց խումբերը աեւի շատնալով սահմանազլխին վրայ, գաղղիացի նաւատորմիղը մեկնեցաւ դէպ ի Ձիվիտավէկկիա: Վիկտոր էմանուէլ ըմբռնեց որ իտալիոյ նոր կազմուած միուէթեան մեծ սպառնալիք մ'էր գաղղիացի բանակը, կոչեց զՄէնարէէա զօրավարը անմիջապէս պաշտօնարանը կազմելու, ինչպէս եղաւ իսկ. որուն մէջ պատերազմի պաշտօնեայ եղաւ զօրավարն Բէրտոլէ Վիալէ, և Արտաքին Գործոց նոյն իսկ նախագահը՝ Մէնարէէա: Վիկտոր էմանուէլ փութով հրատարակեց առ Ազգը որ «կամաւոր գունդեր, խարուած և զրգուած կուսակցութենէ մը, առանց իմ հրամանիս և առանց վարչութեան հրամանին բռնարարեր էին պետութեան սահմանները ինծմէ և իմ խորհրդարանէս վճռուած ըլլալով հաւասարապէս առ ամեն քաղաքացիս, յարգելու օրէնքները և համազգային դաշինքները: Լըրոպա գիտէ որ մեր երկրին մօտ հողի մը վրայ բարձրացած դրօշակը, որուն վրայ գրուած է կաթողիկէ եկեղեցւոյ զլխուն հոգեւոր բարձրագոյն իշխանութեան ջնջումը, իմս չէ այն դրօշակը: Այս յանդգնութիւնը ամենուս հայրենիքը ծանր վտանգի մէջ կը դնէ, և վրաս մեծ պարտք մը կը դնէ փրկելու մի և նոյն ժամանակ երկրիս պատիւը և չխառնելու միարան երկու մէկ մէկէ բողբոլին տարբեր դատեր»: Կը յաւելուր որ «իտալիոյ կանոնաւոր գունդերը Գաղղիոյ գունդերուն հետ միարան յարգել պիտի տային հաստատեալ դաշինքները»: Մի և նոյն միջոց գրուեցաւ ի Պարիս առ դեսպանն իտալիոյ կոման կոստանդին Նիգրա ամորելու զկայսրը. զրկուեցաւ նաև ի Պարիս զօրավարն Ալֆոնսօ Լամարմորա առ որ մեծ յարգանք ունէր Նապոլէոն Գ:

Պաշտօնարանը իբր կոուոյ մը դիմաց առնելու համար հրամայեր էր իտալացի բանակին անցնելու սահմանազլուիւր և մտնելու Եկեղեցւոյ վիճակը, սակայն այս բանիս դէմ բողոքեցին թէ Նապոլէոն Գ և թէ Քահանայապետին վարչութիւնը:

Մենտանայի
պատերազմը:

7. — Գարիբալդի գուշակելով որ անհնար էր Հոովմայ վրայ յարձակում մը, ուզեց գրաւել Ապենինեանց ճամբան ի Նապոլի և Նոյեմբեր Յին Մոնտէռոտոնդոյն 5000 կամաւորօք դիմեց ի Մենտանա գիւղը ուր հանդիպեցաւ գաղղիացի և քահանայապետական բանակներուն. գաղղիացի զունդերուն կը հրամայէր զօրավարն զը Ֆայի որ Գարիբալդիի յառաջապահին վրայ ինկաւ: Գարիբալդի իւր կամաւորաց ընտիր գունդերով ամրացաւ Մենտանայի մէջ, որոյ վրայ յարձակեցան երկու զուաֆ ջոկատներ և որսորդք¹: Գարիբալդեանք կը կոռէին մեծ արութեամբ: Հասան պատերազմի դաշտին վրայ նաեւ Անտիրէն մեկնող գաղղիացի ազնուական լէգէոնները, որոնք նոր ուժով մը բաղխեցին զգարիբալդեանս: Այն ատեն գարիբալդեանք թողին զՄենտանա և քաշուեցան ի Մոնտէռոտոնդոյ կորանցնելով ընդ մեռեալ և ընդ վիրաւոր 600 կամաւորք: Քահանայապետին զինուորներէն, որոնց կը հրամայէին Դէկուրտէն և Քանցլէր. մեռած էին 30 անձինք և 113 վիրաւորք. գաղղիացիներէն 12 մեռեալ և 36 վիրաւորք: Այսքան գարիբալդեանց մահուան պատճառ Գաղղիացւոց զէնքերու անհամեմատ առաւելութիւնն էր և այս առաջին անգամ գաղղիացիք ի գործ կը դնէին շտափոյ հրացանը, և տխուր հոչակ մը առած է Ֆայի զօրավարին տեղեկագրոյն մէջ այն բացատրութիւնը որ «մեր շտափոնները հրաշք գործեցին»²:

Մենտանայի պարտութենէն վերջը Գարիբալդի Նոյեմ-

Գարիբալդեանց
յարգութիւնը:

1. Իտալացի պաշտօնական զրիչք կը պնդեն որ Գարիբալդի միտք չունիր կոռէչու և կ'ուզէր քաշուիլ ի Նապոլի, և գաղղիացի բանակը առանց արիւնահեղութեան զինքը կրնար վանած բլլալ:

2. Վիկտոր Էմանուէլ զոչած է. «Ահ այն շտափոններ մահացու ծակեցին իմ՝ հօր մը և թագաւորի մը սիրտը. կարծես զնդակները կը յուշտան մարմինս... հոս. (և կը ցուցնեն կործքը): Կեանքիս մէջ ամենէն մեծ ցաւերէն մին եղած է »: Մասսարի Գլ. 2Ը:

Գրել տուած է առ Պէպոլի կոմսն որ ազգական էր Նապոլէոն Գ. կայսեր և վերջին պատահարք թմրեցուցին Իտալիոյ սրտին մէջ երախտագիտութեան զգացումները: Գաղղիոյ հետ դաշնակցութիւնը, ալ տէրութեան ձեռք չէ. շտափո հրացանը զայն մահացու վիրաւորեց ի Մենտանա: Նոյն:

բեր Յին կոռեզէէն խորհուրդ կու տար իր կամաւորնե-
րուն ցրուելու մինչեւ «գայ ժամանակ որ ազգը ին-
քնին զօրանայ, այդ կենսական խնդիրը վերջացնելու» :
Այդ հրաժարականն վերջը, մտաւ երկաթուղի լիվոու-
նոյ երթալու, ուսկից պիտի մեկնէր, ըսած է, կապրէ-
րա: Սակայն պաշտօնարանը ուրիշ յաղգնութիւն մը եւս
խիթալով, ճամբան զինքը կալանաւորել տուաւ Ֆիլինէ
հաննելուն: Գարիբալդի բողոքեց. բայց չորս զինակիրք
բռնի վերուցին և կայարանի սրահը տարին, իրեն հետ
կ'ընկերէր իւր փեսայն կանցիօ: Հոնկէ տարուեցաւ ի
Սպէցիա և ապա ի ճենովա, ուր ժողովուրդը իրեն
խանդավառ ցուցմունքներ ըրաւ և ապա կալանաւոր
տարուեցաւ ի վարինեան:

Գարիբալդիի
կալանաւորու-
մը:

Իսկ ի Մենտանա մնացեալ գարիբալտեանք ստի-
պուեցան պատերազմին երկրորդ օրը անձնատուր ըլլա-
լու, պայմանաւ որ քահանայապետին գերի չհամարուին
այլ սահմանազուխք տարուին, հոն տրուին իրենց զէն-
քերը և ազատ մեկնին¹: Սակայն Ազգային խօսարանը
բացուելուն, մեծ եղաւ ազատականաց կողմանէ ամբաս-
տանութիւնը ընդդէմ պաշտօնարանին: Խօսեցան զանա-
զան հոետորք պախարակելով զվարչութիւնը իբր վախ-
կոտ և դատապարտելով Գարիբալդիի կալանաւորումը.
պաշտօնարանը ինքզինքը պաշտպանեց: Ամենէն վերջ
Բոնքարինի երեսփոխանը առաջարկեց քուէարկել որ
հաւանելով իսկ պաշտօնարանին գործածին և իտալիոյ
և Գաղղիոյ մէջ եղած դաշնակցութեան բերուած փնասին
վրայ ցաւելով հանդերձ, կր պնդէր իտալիոյ ունեցած
իրաւունքը Հոովմայ վրայ: Այս առաջարկը մերժուեցաւ
երկու քուէով միայն. 201 ընդդէմ 199ի. որով պաշտօ-
նարանը հրաժարեցաւ, բայց կրկին Մէնարբէա զօրա-
վարին յանձնուեցաւ նոր պաշտօնարանը կազմելու, որ
ամենափոքր փոփոխութեամբ ներկայացաւ խօսարանին
1867ի վերջերս:

1. Գարիբալդեանք իրենց ամեն տեղեկագիրներու մէջ մեծապէս գո-
ված են զազդիացի սպայից ազնուական և ասպետական վարժուները:

8. — Պաշտօնարանը թողուց որ Գարիբալդի ազատ մեկնի ի կապըէրա և ներուժն շնորհուեցաւ յանցաւորաց: Իսկ գաղղիացի բանակը թիչ թիչ քաշուեցաւ դէպ ի ծովեզր, ուսկից մաս մը մտաւ նաւերը՝ Գաղղիա երթալու և մաս մը իրրեւ պահանորդք մնաց ի Չիվիտա-վէկկիտա և ի Վիտէրբո: Գաղղիոյ խօսարանին մէջ ծանր բողոքներ եղած էին իտալիոյ վարչութեան դէմ, որ այսպէս անհոգ եղեր էր Քահանայապետին երկիրներուն վրայ արշաւանքները խափանելու, և թիէր գոչեր էր որ «Քահանայապետը պէտք է ազատ ըլլայ և թագաւոր», և Ռուհէ վերջացուցեր էր իւր ճառախօսութիւնը հոչակելով որ «Իտալիա երբէք պիտի չտիրանայ Հռովմայ, երբէք Գաղղիա պիտի չկրնայ տանիլ որ իւր պատուոյն և կաթողիկոսութեան այդ նախատինքը ըլլըցուի»: Կղերականաց մասը այս առթով կը պահաջէր որ Քահանայապետին միւս առնուած երկիրներն ալ ետ դարձուին, սակայն Նապոլէոն Գ այդօրինակ մտածութիւն մը չունէր. չէր ուզեր մանաւանդ տհաճեցել զիտալիա, որուն միութեան համար այնքան աշխատեր էր: Եւ սակայն Մենտանայի օրէն սկսած է հակակրօթիւնը ընդ մէջ Գաղղիոյ և պաշտօնական իտալիոյ. հակակրօթիւն մը որ ունեցաւ յետոյ իր մեծամեծ հետեւանքները Պետութեանց դաշնակցութեանց մէջ:

Գաղղիացի
գործը ի Չիվի-
տա վէկկիտա:

Ամուսնութիւն
Քագաւորագուն
իշխանք Ում-
բէրտօ և Մար-
կարիտա:

9. — Այս դէպքերէն վերջը պատահեցաւ Վիկտոր Լամանուէլի անդրանիկ որդւոյն Ումբէրտոյի ամուսնութիւնը Մարգարիդա իշխանուհւոյն հետ, որ էր դուստր հանգուցեալ Ֆէրտինանդօ ճենովայի դքսին, եղբայր Վիկտոր Լամանուէլի: Ումբէրտօ 24 տարուան էր իշխանուհին 18 տարուան: Ազգակցութեան պատճառաւ, յետ նախ եկեղեցակտն հրամանքը ստանալու, ամուսնութիւնը կատարուեցաւ Տօրինոյի Ս. Յովհաննէս եկեղեցւոյն մէջ Գերապայծառ Ռիկկարդի արքեպիսկոպոսէն որ այս առթիւ ստացաւ Աննունցիատայի բարձր կարգը, ի ներկայութեան բովանդակ արքունի ընտանեաց: Հոն զտնուեցաւ իշխանն Նապոլէոն և իր ամուսինը Կլոտիլդէ իշխանուհին, ըյր Ումբէրտօ իշխանին, նոյնպէս միւս

քոյրը՝ Մարիա Պիա՝ Թագուհի Պորտուգալի, Ֆրէդէ-
րիկ Պրուսիոյ Թագածառանգ իշխանը և ուրիշ իշխա-
նական հրաւիրեալք: Վիկտոր Էմանուէլ այս առթիւ
հաստատեց Խտալիոյ բազին ասպետական նոր կարգը: Թէ
Սմբէրտո և թէ Մարգարիտա մեծապէս սիրուած էին
ժողովրդէն, մին իր բարութեանը և արութեանը համար,
միւսը իր բարեպաշտութեան, ողորմածութեան, բարձր
կրթութեան և խոհականութեան համար:

Վիկտոր Էմանուէլի երկրորդ որդին իշխանն Ամէ-
դէօ, դուքս Աօսդայի, տարի մը առաջ պսակուեց էր
իտալացի դքսական ցեղէ Պոցցօ դէլլա Ջիստէրնա օ-
րիորդի մը հետ, որ 1869ի սկիզբը ունեցաւ արու-
զաւակ մը որուն Թագաւորը Էմանուէլ Ֆիլիբէրդօ անունը
դրաւ. քանի մը ամիս վերջը Մարգարիտա իշխանուհին
ևս արու զաւակ մը ի լոյս տուաւ ի Նյասլի, որ կո-
չուեցաւ Վիկտոր Էմանուէլ իշխան Նյասլիի: Այս մի-
ջոցիս Թագաւորը ծանր հիւանդ էր և իբր մահուան մը
պատրաստութիւն խոստովանեցաւ և կատարեց կրօնա-
կան գաղտ ամուսնութիւնը Միրաֆիորէ կոմսուհւոյն հետ,
Աղէլայիդէ Թագուհին մեռած ըլլալով: Այս հոգեւոր միս-
թարութիւնք. այնպիսի « ողջաւէտ տպաւորութիւն մը
ունեցան վրան, որ անցուց ճգնաժամը և քիչ քիչ ա-
ղէկցաւ ¹ »:

Ամէդէօ իշխա-
նը՝

1. Մասսարի. Կեանք եւ բազաւորութիւն Վիկտոր Էմանուէլի Գլ. ՀՂ.



Գ Լ Ո Ւ Խ Ե .

ՆԱՊՈՒԼՅՈՆ ԳԻ ԱԶԱՏԱԿԱՆ ԿԱՅՍՐՈՒԹԻՒՆԵՐ

1. 1867ի Օրենսդիր ժողովքը - Գերմանիոյ նկատմամբ խօսք. -- 2. Յուշահանդէս համաշխարհական - Թագաւորք և իշխանք ի Պարիս. -- 3. Գաւ ընդդէմ Աղեքսանդր Բ կայսեր. -- 4. Սուլթան Աբդուլ Ազիզ ի Պարիս. -- 5. Յուշահանդէսի փակումը - կայսրութեան վիճակը 1868ին. -- 6. Օրենսդիր ժողովք 1868ի - շոտլանդական և Գերմանական ինդիքք. -- 7. Գաստիարականութիւն երկրորդակարգ՝ աղջկանց համար. -- 8. Օրենսդիր ժողովք 1869ի - Նոր ընտրութիւնք երեսփոխանականք. -- 9. Ազատական կայսրութիւն - Լյմիլ Օլիվիէ պաշտօնարան, -- 10. Պիէր Բոնապարտի դատը. -- 11. Իքերակուտի Ատենավճիտը - Ժողովրդախումբը քուէարկութեամբ կայսրութիւն:

Օրենսդիր ժողովք. - Գերմանիոյ նկատմամբ ճառախօսութեանը. - 1867.

1. — Փետրուար 14ին Նապոլէոն Գ ինքնին բացաւ 1867ի նիստերը երկար ճառախօսութեամբ մը, յորում յետ սովորական յայտարարութեան որ՝ Գաղղիա հաշտ էր և բարեկամ ամեն Պետութեանց հետ, ջանաց մանաւանդ արդարացնել Գաղղիոյ քաղաքականութիւնը նկատմամբ Աւստրիա - Պրուսիական պատերազմին. «Արդէն, կ'ըսէր, Նապոլէոն Ա ըսած է ի Ս. Հնդինէ, որ յիւրոպա հաւասարակշռութիւնը միայն մեծ ժողովրդոց դաշնակցութեամբք և կամ միացումներով կարելի էր պահպանել: Այս գուշակութիւնը հարկ է որ կատարուի. 1866ի պատահարք տակաւին սկզբունք մ'են: Եւ սակայն մերձաւոր ազգաց ջանքերը, որպէս զի հաւաքեն իրենց ցրուեալ անդամները, չեն կարող

Գաղղիոյ նման միաձոյլ և անջնջելի ժողովուրդ մը տագնապեցնել» : Այսու հանդերձ կը յաւելուր, «մասնաւոր օրէնք մը պիտի ներկայացուի, որպէս զի առաւելուն մեր պաշտպանողական զօրութիւնք անվնասելի ըլլալու չափ» :

Կառավարութեան կողմնակից լրագիրք մեծ շառաչով իմացուցեր էին որ կայսրը ի նշան իւր ազատամիտ իղձերու երեսփոխանաց ժողովոյն մէջ կը հաստատէր ճառախօսութեան բեմը, որ 15 տարիէ վերջուեր էր : Եւ արդարեւ Փետրուար 14ի գումարման ամենայն ոք մեծ զարմացմամբ կը տեսնէր զայն : Կար ուրիշ նորութիւն մ'ալ նիստերուն համար. փոխանակ ուղերձին, երեսփոխանք իրաւունք ունէին հարցարանելու և վիճելու : Այս առթիւ թագաւորականք բողոքեցին որ շատ մը նամակներ կը բացուէին ի պաշտօնատեարց թղթատան, տեսնելու թէ արդեօք կը պարունակէին Շամբորի կոմսին շրջաբերականը : Բայց նշանաւոր հարցը թիէլըինը եղաւ որ զբաւեց ամբողջ Փետրուար 14ի, 15, 16 և 18ի գումարումները : Թիէլը զբաւիչ հատութեամբ պարզեց թէ Գաղղիա ինչ քաղաքականութեամբ ժեղարէն ի վեր բռնած էր Եւրոպիոյ հաւասարակշռութիւնը, և թէ մեծամեծ միացմունք կամ դաշնակցութիւնք զԳաղղիա կարող էին երկրորդակարգ և մինչեւ երրորդակարգ պետութիւն մը ընել : Պէտք էր փութով միանալ Անգղիոյ և Աւստրիոյ հետ, միացընել նաեւ փոքր Պետութիւնք և 120,000 բանակով մը Եւրոպիոյ խաղաղութիւնը կարգադրել : Ի վերջոյ համրելով կայսրութեան բոլոր վրիպակները, աւելցուց որ « ալ գործելու վրիպակ մը չէր մնար » : Իրեն յաջորդեց բեմը Գառնիէ Պաժէս, որ պանծացուց գերմանական ժողովրդեան միութիւնը, զոր « Եղբայրական դաշն անուանեց, և որ փութով համակրութեան կապերով պիտի միանար Գաղղիոյ հետ » : Նոյն իմաստով խօսեցաւ նաեւ Օլիվիէ, որ դառնալով առ թիէլը շեշտեց. « Դու Պոցտամի նախասենեկաց ազմուկներուն մտիկ կ'ընես, ես ունկն կը դնեմ գերման ժողովրդեան սրտին մրմունջին » : Ռուհէ ի

պատասխանի թիէրի, երկայն ներքող մը խօսեցաւ կայսերական քաղաքականութեան վրայ, ուզեց բացատրել որ Գերմանիա երեք անկախ մասերու բաժնուած է, որոնք անհնար է թէ վնասեն Գաղղիոյ ապահովութեան¹: Եւ վերջացուց իւր խօսքը որ վարչութիւնը « Բնաւ վրիպակ մը ըրած չէր »: Փիւլ Ֆավրը ծանր խօսքերով պատասխանեց Ռուհէի. և թիէր պնդեց. իր նախկին բանաձեւութեանց վրայ աւելցնելով որ եթէ անհնար է կատարուած դէպքերը ոչնչացնել, գոնեայ հարկ էր դարման տանել նոր դաշնակցութեամբը, մանաւանդ Ռուսիոյ հետ: Ռուհէ կրկին բեմն ելաւ, խօսեցաւ ընդդէմ ազատականաց, պաշտպանեց կրկին Գեկտեմբեր շը, և ճարտարութեամբ ազդարարեց մեծամասնութեան՝ թէ ինչպէս պէտք էր քուէարկել: Ռուհէ հասաւ իւր նպատակին. թիէրի խօսքերը նշանակութիւն մը չունեցան և օրակարգը քուէարկուեցաւ 21⁵ քուէիւք ընդդէմ 4⁵ քուէից:

Եւ սակայն այս նիստէն վերջը վլալէւքի խօսարանին նախագահը կը փոխուէր իբրեւ տկար և իրեն տեղ կը դրուէր Շնայտէ: Հետեւեալ նիստերաւ մէջ Լիւքսէմբուրկի խնդիրներուն առթիւ Լամիլ (Սիլվիէ սաստկապէս խօսեցաւ ընդդէմ Ռուհէի, զոր կոչեց « փոխան կայսր անպատասխանատու ». աւելցնելով որ պաշտօնեայք խափան կ'ըլլային կայսեր ազատամիտ գաղափարաց գործադրութեան: Երկրորդ օրը կայսրը Ռուհէի կը զրկէր Լէփօն տ'Մնէօրի ականակուռ մեծ խաչը իբր « նշան բարեկամութեան »: Որէնսդիր ժողովը ուրիշ գումարմանց մէջ սահմանեց որ ամեն հասարակութիւն ունենայ աղջկանց վարժարան մը ստիպողական և վարժուհեաց վարձքերը բարձրացունին, առատացուց նաեւ ճրիպ վարժից թիւերը: կայսրը կը ջանար գոհացնել ամեն

1. Բիսմարք այս վիճարանութեանց երկրորդ օրը հրատարակեց այն գաղտնի դաշինքը, որով արդ երեք մասերը ի հարկին մէկ կը կազմուէին Պրուսիոյ Թագաւորին հրամանատարութեան ներքեւ:

կուսակցութիւնը, մանաւանդ որ քիչ ժամանակէն Գաղղիա պիտի հիւրընկալէր իշխանը և թագաւորագունը և հարկ էր ցուցնել կայսերական վարչութեան խաղաղութիւնը տիեզերական ցուցահանդէսին առթիւ:

2. — Եւ արդարեւ որչափ որ կը քարոզուէր ի Գաղղիա կայսերականաց կողմէն, որ ցուցահանդէսն ուրիշ նպատակ չունէր բայց եթէ համօրէն ժողովրդոց ներշնչել եղբայրակցութեան գաղափարը՝ արհեստից և վաստակոց մէջ, բայց կայսեր և կայսրութեան խորհրդոց մէջ ունէր իւր սեպհական և առանձին նպատակը, ի նպատակ կայսրութեան և կայսերական ցեղին. զոր պիտի գային պատուել և ճանչնալ ի մօտոյ ամեն աշխարհաց թագաւորք, իշխանք և ժողովուրդք և զմայլի կայսրութեան շքեղազարդած Պարիսու վրայ: Յուցահանդէսի տեղ ընտրուած էր Սէնի աջ կողմը, այն բլուրը՝ ուր Ա. կայսրութիւնը Հռովմայ թագաւորին (Դպպուլէոն Բ) պալատը պիտի կառուցանէր, և վերանորոգութիւնը յիշատակարան մը ուզեր էր կանգնել Տրոկադէրոյի առումը անմահացնելու համար: Այդ բլուրը, Ապրիլ 1ին երբ բացուեցաւ Յուցահանդէսը, աներեւոյթ եղած էր, և մեծակոտոյց պալատ մը ամփոփած էր աշխարհի զարմանալեաց արդիւնքը: Ապա, շուրջանակի սփռուած էին ամէն աշխարհաց ճարտարապետութեան ճաշակի համեմատ շինութիւնք, տաճարք, մզկիթք, բակտք, պարտէզք, շքեղ սրճարանք, գինետունք՝ ճաշարանք ամենազգի համադամօք և տարազիւք. միով բանիւ համօրէն ազգաց և սովորութեանց ներկայութիւնք¹:

Յուցահանդէս տիեզերական. թագաւորք և թագաւորագունք ի Պարիս:

Յուցահանդէսին բացումը կատարեց ինքնին կայսրը միաբան ընդ կայսրուհւոյն և կայսերորդուոյն. և անմիջապէս քիչ վերջը Պարիս ողողեցաւ օտարականօք և

1. Շատ զեղեցիկ ներկայացուած էր նաեւ Օսմանեան մասը, սրուն համար կանխաւ կազմուած ժողովոյ անդամ և միանգամայն ընդհանուր քննիչ էր Յովհաննէս Էֆէնտի թիւյսիւզեան:

իշխանական այցելուներով, յորս էին Բելճիոյ թագաւորը, Ռուսիոյ Չարը, Պրուսիոյ թագաւորը, Օսմանեան Սուլթանը, Գալլէսի իշխանը, Պրուսիոյ թագածառանգը, Խտալիոյ թագածառանգը, Օրանժի իշխանը, Լեզիպտոսի խտիվը, Ճապոնի կայսեր եղբայրը և գերմանական մեծ դքսեր և ուրիշ երկրի իշխաններ:

Նապոլէոն Գ. մասնաւոր մտադրութիւն մը կը ցուցնէր իշխանաց ընդունելութեան մէջ, բայց ամենէն աւելի Չարին պատրաստած էր շքեղ մուտք մը ի Պարիս: Արդէն զօրավարն Լորէօֆ ընդ առաջ գացած էր մինչեւ ի Մօրէօժ, և կայսրը (1 Բունիս) անձամբ ընդունելով զՉարը Արեւելեան կայսրանէն, անհամար բազմութեան մէջէն մեծ շքեղութեամբ տարաւ ի Տիւլըրի կայսրուհւոյն այցելելու, ուսկից Չարը անցաւ յԷլիզէ, իրեն համար պատրաստած սենեկաց մէջ:

Ընդհակառակն շատ անպաճոյճ եղած էր քանի մը օր վերջը, Պրուսիոյ թագաւորին մուտքը ի Պարիս. բաց կառքով մը, որուն մէջ նստած էին զօրավարն Մուտքէ և Կոման Բիսմարք՝ լանտվէրի զբահաւորաց բարձրագոյն սպայի նշանազգեստով: Գուլիէլմոս Ա շատ դժուարութեամբ հաւաներ էր այս այցելութիւնը կատարելու: Կրնար գուշակել Սաղովայէ վերջը բոլոր Գաղղիոյ քաղաքագիտաց և ժողովրդեան զգացումը, որով հասարակաց կարծեաց և Նապոլէոն Գ.ի դիմաց շուտրեալ դիրք մը առած էր: Նոյն վիճակի մէջ կը գրտնուէին ուրիշ գերման իշխանք ի Պարիս, որոնք կը վարանէին ընդ մէջ Գաղղիոյ և Գերմանական դաշնակցութեան գաղափարաց: Իրենց համար ծանր էր ներկայ գտնուիլ Նապոլէոն Գ.ի ամեն ընդունելութեանց և փառաւոր զօրահանդէսներու, յորոց ամենէն շքեղն այն եղաւ, զոր Նապոլէոն կատարեց ի Բուա դը Բուլոններ, ճիշտ այն տեղը, ուր երեք տարի վերջը Պրուսիոյ թագաւորը, «կայսր Գերմանացի» հռչակուելով, իւր պահանորդաց զօրահանդէս մը կատարեց:

Փաւ ընդդէմ Ա-
ղեքսանդր Բ.ի:

3. — Նոյն օրն էր յորում լեհացի մը սպաննել փորձեց զԱղեքսանդր կայսրը, որ Նապոլէոնի կառքին

մէջ կը գտնուէր իւր որդւոյն, Վլատիմիր մեծ դքսին հետ: Եւ սակայն ատրճանակին հարուածը անգղիացի սպայի մը բազկացը ցնցումէն խոտորելով, անցեր էր երկվարի մը ղնգունքներէն և գացեր վիրաւորեր էր տիկին մը: Խսկ ատրճանակին երկրորդ փողը պայթեցաւ մարդասպանին ձեռաց մէջ, վիրաւորելով եւս զինքը. զոր կալանաւորեց անգղիացի սպայն և կայսերական պահանջող հազիւ ազատեցին զայն ամբոխին բարկութենէն, որ հոն անմիջապէս կ'ուզէր սպաննել: Երկրորդ օրը Ռուսաց եկեղեցւոյն մէջ գոհարանական աղօթքներ երգուեցան, ուր Զարին քով ներկայ էին Գաղղիոյ կայսրը և կայսրուհին: Երրորդ օրը ի Տիւլլըրի ի պատիւ իրեն տրուեցաւ այն պարահանդէսը, որուն նմանը երբէք տեսած չէր Պարիս: 50,000 լուսոյ կտուցը կը վառէին Տիւլլըրի պարտիզաց մէջ, ուր տիկնայք շքեղագարդեալ աղամանդներով և ծաղիկներով, ծառոց ներքեւ պտրտեցան և պարեցին մինչեւ արեւուն բարձրանալը:

Զարին դէմ դաւաճանողը խոստովանեցաւ որ լեհացի էր ազգաւ և 18ամեայ, և կը կոչուէր Բէրէզովսքի: Ստիկանութեան խուզարկութիւնը ցրցուցին որ ինքը համեստ պատանի մ'էր ալքատ, և մեքենագործի մը քով կ'աշխատէր, որպէս զի օրականը ճարելով գաղղիարէն լեզուի մէջ կատարելագործուի: Զարին ներկայութիւնը ի Պարիս իրեն գրգիռ մը եղեր էր իւր հայրենեացը կրած վշտաց վրէժն առնելու և անոր վրայ ձգելու Էրոպիոյ ուշադրութիւնը: Բէրէզովսքի իւր դաւէն երեք շաբաթ վերջը ներկայացաւ երդուելոց դիմաց: Իրեն պաշտպանութիւնը ստանձներ էր Լամանուէլ Արաօ, յամին 1848 դեսպան Գաղղիոյ Հասարակապետութեան ի Բեռլին: Երդուեալները յուզեալ իւր տղայ հասակէն և վարուց լաւութենէն, իրեն մեղմացուցիչ պարագայը շնորհեցին, որով և փոխանակ զխապարտութեան, մշտնջենաւոր բանտի դատապարտեցին: Այս օրինակ վճիռ մը բնական է չէր կարող հաճելի անցնել ուս հպատակաց, որոնք արդէն գաղղիացիս կ'ամբաստանէին իբր զրգոողը զլեհացիս: Աղքատանդը եւս ի

րնէ հեզ և սիրող հպատակաց հանգստութեան, մեծապէս վշտացաւ ոչ այնքան իր անձին դաւոյն համար, որքան գաղափարին համար: Արդէն իւր ի Պարիս բնակութեան ժամանակ շատ անգամ մահացուցումներ ունեցեր էր: Պարիսու ժողովուրդը իւր փողոցներէն անցնելու ժամանակ ստէպ կը կոչէր « կեցցէ՛ Լեհաստան՝ »: Յուլիս 11ին Չարը մեկնեցաւ Պարիսէն, նոյնը ըրաւ նաեւ Գուլիէլմոս Ա: Քիչ օր վերջը յանկարծ կայսրուհին թողուց զՊարիս և մեկնեցաւ ի կղզին Ուայթ՝ վիկտորիա թագուհւոյն քով. ոսկից սակայն դարձաւ փութով: Կայսրը միայնակ ընդունեցաւ Իսպիէրայի թագաւորն, Խաւիոյ թագածառանգը՝ Ումբէրտօ իշխանը, և ուրիշները:

Սուլթան Աբ-
դուլ Ազիզ ի
Պարիս:

4. — Չարին և Պրուսիոյ թագաւորին այցելութեանն աւելի, գաղղիացի ժողովրդեան հետաքրքրական էր Սուլթանի այցելութիւնը, որուն այցելութեանը միանգամայն մեծ կարեւորութիւն կը տրուէր. մանաւանդ զի առաջին անգամ էր որ Սուլթան մը կը կոխէր քրիստոնեայ երկիր մը: Իրենն ուղեկից էին իր եղբորորդիք՝ Մուրատ Լֆէնտի, Աբդուլ Համիդ Լֆէնտի և իւր որդին Եուսուֆ Իզզէդդին Լֆէնտի:

Աբդուլ Ազիզ Յունիս 29ին մտաւ ի Տուլոն, ուր մեծ ընդունելութիւն եղաւ իրենն Նապոլէոն Գ.ի զրկած նուիրակներէն, և Յունիս 30ին հասաւ Պարիս՝ Լիոնի կայսրանը, ուր կը սպասէր իրենն կայսրը բովանդակ արքունիքով. և զինքը տարաւ ի Տիւլրի ուր կայսրուհին կը սպասէր սանդիսոց զլուխը շրջապատուած պատուոյ տիկիներէն. յետոյ քաշուեցաւ Շան ք'Լիլզէի պալատը³:

1. Նշանաւոր միացած է Ֆլոթէի (որ այն ատեն երիտասարդ փաստարան մ'էր), առ Չարն շեշտումն, « Պարոն, կեցցէ՛ Լեհաստան »:

Ֆլոթէ յետոյ պաշտօնարանի գլուխ եղած ժամանակ, զրեթէ ուրացած է այս խոսքը:

2. Կայսրուհւոյն այս մեկնումը առտնին գծութեանց արդիւնք համարուած է:

3. Տես Թուրքիոյ մասին մէջ:

Արդիւլ Ազիզ նոյն շքով որ եկած էր, մեկնեցաւ Պարիսէն այցելելու Լոնդրայի, և ապա Վեննայի ճամբով մտնելու ի կ. Պոլիս: Ինչպէս Չարին, Բրուսիոյ թագաւորի և այլոց գալուստը չէր ունեցած որ և է քաղաքական հետեւանք մը, նոյնը եղաւ և նկատմամբ Սուլթանի գալուստան: Յաջորդեցին ուրիշ իշխանազանց այցելութիւնք ալ, որոնք առաջիններուն կարեւորութիւնները չունեցան: Պարիս յոգնած էր հանդէսներէ և կը փափագէր իւր ամենօրեայ վիճակին մէջ մտնել:

Յուցահանդէսին փակումը. կայսրութիւնը Յուցահանդէսին ժամանակ:

Ծ. — Ինչպէս որ Նապոլէոն Գ. շքեղութեամբ բացեր էր Յուցահանդէսը, նոյն փառաւորութեամբ զայն փակեց Նոյեմբեր 4ին: Սակայն բացման և փակման ժամանակ բոլորովին տարբեր էին մասնակցողաց զգացումները: Այս ահեղ համաշխարհական տոնապահաւոր՝ յուսացեալ շահերը չէր արդիւնաւորած: Ժողովրդոց եղբայրութիւնը այդ Յուցահանդէսով որչափ յառաջ գնաց և թէ որքան ձգտեցութիւն շահեցաւ, ահիւրդ է հոս ցուցնել. արդէն պատմութիւնը պիտի բռնէ տարի և կէս վերջը Գաղղիա—գերման պատերազմով: Թերեւս կայսրութիւնը ցրցուց այդ հանդէսով իր արտաքին շքեղութիւնը և ներքին տկարութիւնը: Ամենայն ոք հիացմամբ ապշեցաւ տեսնելով գնորն Պարիս, զոր երկու միլիար ֆրանքով բոլորովին զարդարեր և կերպարանափոխ ըրեր էր Պարոն Հոսման հոյակապ շէնքերով, ընդարձակ և գեղեցիկ ծառուղիներով, ուղղագիծ, անծայր և միակերպ ճամբաներով, որոնք իրենց դիւրութեան հետ, ունէին ձանձրանալի կողմը յաչս ճարտարապետաց և տեսողաց: Միանգամայն խոնարհ բնակութեանց վերնալուր, աղքատ քաղաքացին վարձքերու բարձրանալովն աքսորուեր էր իւր բնակութենէն զոր ունէր քաղաքին մէջ և ապաւիններ էր քաղաքէն դուրս հեռաւոր տեղեր, մոնչելով բոլոր այս եղած նորութեանց դէմ ի նպաստ հարստին, որոց ձեռքը կը մնար ամբողջովին մայրաքաղաքը: Յուցահանդէսը այցելող մը կրնար Բաստիլի հրապարակէն մինչեւ Շանզ'Էլիզէ երթալ երկու կարգ պալատներու, պանդոկներու, ճաշարաններուն մէ-

ջէն, որոց գիշերային լուսաւորութիւնը կը հիացնէր և կ'ապշեցնէր զայցելուս, ուր խուռներամ բազմութիւն մը ամեն ազգէ ամեն կարգէ, այն թաղերը զուարճութեան և զբօսանաց վայրեր դարձուցած էր, և ուսկից տարագրուած էր, հարկ է ըսել, ծանրաբարոյութիւնը: Պարիս զուարճութեան և բերկրութեան թատրոնի մը համբաւը կը ստանար, ուր կը դիմէր ամեն թերամիտ իւր կրիցը և կենացը յագուրդ փնտոելու և գոր կը գտնէր ամենայն դիւրութեամբ:

Անոնք որ տեսած էին զՊարիս վերանորոգման և կամ Լուի Ֆիլիպի ժամանակ, կը զարմանային Պարիսու կենաց այսքան փութով և այնքան յեղաշրջելուն վրայ: Լուրջ և դասական մատենագրութեան՝ որ կը կրթէր զմիտս, յաջորդեր էր վիպասանական դարը, և ամեն առաւօտ քանի մը միլիոն ընթերցող անհամբեր կը սպասէր լրագրաց ներքեւ աննշան, անմիտ և կամ անբարոյական վիպասանութիւն մը կարդալու: Եւ բարձր շրջանակաց մէջ յորս վերանորոգման և կամ Լուի Ֆիլիպի ժամանակ աշնուական տիկնոջ մը հիւրասիրութեան ներքեւ գիտնական սրահի մէջ կը փայլէին կրօնք, իմաստասիրութիւն, պատմութիւն, մատենագրութիւն և գեղարուեստք, Բ. կայսրութեան ժամանակ անոնք կեդրոն էին ժամանակի վիպաց և թեթեւութեանց:

Բարուց այսքան փոփոխութեանց միջոց դժբաղդարար կայսերական ընտանիքն անմասն չէր ի յանցանաց: Նապոլէոն Գ. որ ճարտարամտութեամբ կրցեր էր կայսերական գահը հասնիլ ամենազգի զոհողութեամբք և տառապանօք, փութով տեղիք տուաւ շողոքորթողաց հեռացան իրմէն ստոյգ հանճարք և մատենագիրք և պաշարեցին զինքը պալատականք, որոց հետ միայն եղաւ իւր ընտանի կենակցութիւնը:

Կար նաեւ խումբ մը լրագիրներու շողոքորթող ամեն օր կայսրուհւոյն ամեն մէկ քայլից և իւր սիրոյն առ տեսլարանս և նորաձեւութիւնս:

Կայսրութեան հիմնադիրք և գործիչք կը տեսնէին այս ամէն բան և լռութեամբ կը հեծէին, կարող չըլ-

լալով դարման մը տանիլ. նա մանաւանդ նոր եկա-
մուտ անձինք փափագելով նախորդաց ձեռքէն յափշտա-
կել իրենց վարած ազդեցութիւնը շողորրութիւնէն ճամ-
բաներով, աւելի փնասաբեր կ'ըլլային:

Յուցահանդէսը ցրցուց յաչս քաղաքագէտ և խորա-
տես Եւրոպիոյ՝ որ կար ի Գաղղիա կայսր մը անուամբ
միայն, բայց կայսրութիւնը լմնցած էր և ալ եւս չու-
նէր զօրութիւն:

6. — Նապոլէոն Գ. 1868ի Օրէնսդիր ժողովոյն
բացման առթիւ մասնաւորապէս շեշտեր էր, որ Հռե-
նոսէ անդին եղած փոփոխութիւնք բնաւ Գաղղիոյ փնաս
մը կարող չէին բերելու և « մենք բնաւ պէտք չենք
խառնուիլ այն փոփոխութեանց, որոնք ժողովրդոց իդ-
ձեռքէն առաջ կու գան »: Արդարացուց յիտալիա զօրաց
առարմը որ « յեղափոխականքը սանձահարելու հա-
մար էր »: Եւ սակայն առաջին նիստերուն մէջ վար-
չութեան քաղաքականութիւնը յիտալիա մեծ բաղխումներ
ունեցաւ յազատականաց: Թիէր պաշտպանելով Քահա-
նայապետական ժամանակաւոր իշխանութիւնը, ցրցուց
որ ինչ վտանգաւոր էր Գաղղիոյ, իտալիոյ միութիւնը
Հոովմ մայրաքաղաքով: Այն ատեն Ռուհէ Հանդիսապէս
գոչեց բոլոր ժողովոյն լուութեան մէջ, որ « Յանուն
գաղղիական վարչութեան կը հրատարակենք որ իտա-
լիա երբէք պիտի չտիրէ Հոովմայ: Երբէք, երբէք Գաղ-
ղիա պիտի չհամբերէ այդպիսի բռնութեան մը ընդդէմ
իւր պատուոյն և կաթոլիկութեան »: Այս « երբէք »
բարը շատաչալից ծափահարութեամբք կրկնեց գրեթէ
բովանդակ ժողովքը¹:

Օրէնսդիր ժո-
ղովք 1868ի. —
Հոովմական և
կերմանական
խնդիրք:

Գերմանական ինդրոյն նկատմամբ Էմիլ Օլիվիէ
պարսաւեց զվարչութիւնը, որ կարող էր իսպանել
իտալիոյ և Պրուսիոյ մէջ եղած դաշնադրութիւնը: Ռուհէ

1. Այս երբէքները (jamais) շատ մեծ արմազանք ունեցած են յի-
տալիա և վիկտոր Էմանուէլ թատէ է որ այդ երբէքը ես իրենց կը
հասկնամ»: Մասապի. կեսեք վիկտոր Էմանուէլի ՀՐ:

ժխտեց այդ դաշնակցութիւնը, մինչ կար ստուգապէս, բայց գաղտնի:

(Օրէնսդիր ժողովքը զրաղեցաւ ապա և հաստատեց Նիէլ մարաջախտին առաջարկած զինուորական օրէնքը, որով զինուորութեան ծառայութիւնը ինն տարուան համար հաստատուած կը մնար, հինգը գործնական և չորսը՝ ի պահեստի: Կը վերցուէր այն օրէնքը, որով մէկը դրամ տալով՝ կրնար իւր տեղը ուրիշ մը փոխանակել. և սահմանուեցաւ նախ ի նկատի առնուլ շատ մը պարագայք առողջական կամ ընտանեկան, որով երիտասարդ մը կրնայ ազատ համարուիլ զինուորութենէ: Իսկ կարողք՝ վիճակ պէտք էին քաշել, և պէտքէն աւելի բարձր թիւ քաշողը կրնար ազատ ըլլալ: Գարձեալ հաստատուեցան ազգային պահապանաց շարժուն զունդեր քաղաքաց պահպանութեան և հսկողութեան համար, որոնք պատերազմի ժամանակ կրնային մեծ օգնութիւն մը ըլլալ բանակին, և ի Գաղղիա ազգային պահապանաց թիւը կրնար ելլել 40,000): Մարաջախտն Նիէլ պատերազմի պաշտօնեայն հմուտ և անուանի բերդօրէյց նկատմամբ ուսումնասիրութեամբք, այս իր առաջարկած օրէնքները հազիւ կրցաւ հաստատել տալ, զի մեռաւ 1869ի Օգոստոս 13ի:

Վարչութիւնը ազատականաց հաճոյ գործ մը ընելու համար խնդրեր և ընդուներ էր ի կայսերէն, որ յայսմհետէ լրագիրք հրատարակուելու համար վարչութեան հաստատութեան պէտք չունենան և պաշտօնական յանդիմանութիւնը չըրկուին լրագրաց, և նոյն իսկ խափանմունք՝ օրինաց հսկող պաշտօնավարութենէն յառաջ գան: Այս օրէնքը քուէարկուեցաւ 94 քուէիւք ընդդէմ 25ի: Երկրորդ օրը Գաղղիոյ ամեն կողմը նոր նոր լրագիրներ երեւցան, ամենն ալ վարչութեան հակառակք: Կրիտասարդ գրիչ մը, Ռոշֆոր՝ որ արդէն թատերաց և ուրիշ թոուցիկ գրութեանց մէջ համբաւ մը ստացեր էր, անմիջապէս Լանքեսոն օրագիրը սկսաւ, որ ամեն օր սուր հանճարեղ և կճող երգիծարանութիւն մ'էր ընդդէմ կայսրութեան զաւեշտ ոճով մը: Փութով բազմաթիւ դատա-

պարտութիւնը տեղի ունեցան և Ռոշֆոր անցաւ ի Բէլ-ճիա, հոն Լանրեսը հրատարակելու, ահաւոր հարուածներ տալով այսպէս կայսրութեան:

Օրէնսդիր ժողովքը միշտ յազատութիւն դիմելով, հրաման կուտար ժողովքներու և գումարմանց, «որոնք չեն զբաղիր քաղաքական կամ կրօնական ինդրովք»։ Միայն կանխապէս հարկ էր ծանուցանել տեղական իշխանութեան: Բայց Օրէնսդիր ժողովոյն ամենէն յուզեալ նիստերն եղան Յունիսի 29)էն մինչեւ Յուլիս 28, յորս վարչութիւնը ջանաց ցուցրնել ծաղկեալ ելեւմուտք մը և ընդդիմակացք, մանաւանդ թիէր, թուարանական ճրջութեամբ ուզեցին հաւաստել զանձուն տարուէ տարի նուազը: Բողոքեցին մանաւանդ որ Պատերազմի ծախքը միշտ կ'առուելուն առանց զինուորական նոր հանդերձանաց, ինչպէս ի Պրուսիա:

7. — Օրէնսդիր ժողովքէն դուրս, Հասարակաց կրթութեան պաշտօնեայն Վիկտոր Գիւրիւի, ծանօթ իւր պատմական բազում գրութեամբք, հրատարակութիւն մը ըրած էր, որով բռնադատիչ կը սահմանէր նախնական կրթութիւնը. բայց իւր այս իղձը վարչութիւնը պաշտօնապէս չհաստատեց: Վիկտոր Գիւրիւիյ քիչ վերջը օրէնքով Երկրորդակարգ կրթութիւնը դրաւ Աղջկանց համար, որ չկար մինչեւ այն ատեն: Վիկտոր Գիւրիւի գործը, յետ սաստիկ ընդդիմութեան, վերջապէս յաջողեցաւ և մնաց հաստատուն: Բաջողեցաւ նաեւ տիկինն Լելիզա Լըմոնիէ «Աղջկանց Արհեստական վարժարան» մը հաստատելու, որուն ծախքը պիտի հոգային ստորագրութեամբ՝ բազմաթիւ տիկնայք: Այս վարժարանաց մէջ աղջկունք թէ՛ մատենագրական և թէ՛ արհեստական ամբողջ կրթութիւն մը պիտի ստանային, ըստ իրենց կոչման: Կայսրութեան վերջին տարիներու մէջ սկսուեր էր զգացուիլ ժողովրդական կրթութեան պէտքին ընդհանրացումը, և լրագրութեան տրուած ազատութեամբ՝ խորատես մտքեր արդէն սկսէր էին ցուցնել Գաղղիոյ կրթական ստորնութիւնը բաղդատմամբ Գերմանիոյ:

Բարձրագոյն
դաստիարակ-
ութիւն Աղ-
ջկանց:

Օրէնսդիր ժողովը 1869ի -
Նոր ընտրութիւնը երեսփոխանական:

Տ. — 1869ի Յունուար 18ին կայսրը իւր սովորական ռոճով բացաւ 1869 ի Օրէնսդիր ժողովըը, պանծացնելով Գաղղիոյ զինուորական վիճակը և գուշակելով որ քիչ վերջը բովանդակ Գաղղիա երեսփոխանական նոր ընտրութեամբը « անգամ մը եւս պիտի հռչակէ, որ բնաւ յեղափոխութիւն չուզեր, և կը փափաքի որ դաշնակցին զօրութիւնն ու ազատութիւն » :

Ապրիլ 28ին փակուեցաւ 1868ի Օրէնսդրութիւնը և նոր ընտրութիւնը սահմանուեցան Մայիս 23ի և 24ի վարչութեան և ընդդիմակացից մէջ մրցումը շատոնց կը պատրաստուէր: Պաշտօնական լրագիրը կը պանծացնէին և կը բարձրացնէին կայսրութեան մեծամեծ բարիքները, իսկ ընդդիմակացը ամենուրեք կռուեցան ցուցընելով ազատութեան ընկճուիլը և զրամական վատ մատակարարութիւնը: Վարչութիւնը յայտնապէս պաշտպանելով իր առաջարկած անձինքը, ամենայն դժուարութիւնը, արգելքներ յարոյց ընդդիմակացից թիկնածունքու նկատմամբ: Իւ սակայն ամբողջական քուէարկութիւններն ցրցուցին որ կայսերական վարչութիւնը կորսնցուցեր էր իւր համակրութիւնը, մանաւանդ Պարիսու մէջ: Լամիլ Օլիվիէ որ վերջերը կայսրութեան հակամիտութիւն մը կը ցուցընէր, ի Պարիս չընտրուեցաւ: Ժիւլ Ֆէրրի երիտասարդ փաստաբան մը, որ մոլեգին յարձակումներ ըրած էր Հոսմանի մատակարարութեան դէմ՝ ընտրուեցաւ ի Պարիս: Նոր ընտրուողներուն մէջ էին նաեւ Գամբէտտա և Ռոշֆոր, որուն մեծ ժողովրդականութիւն տուեր էր Լանտէռնի դատապարտութիւնը: Նոր Օրէնսդիր ժողովըը գումարուեցաւ Յունիս 18ին ընտրութիւնքը վաւերացնելու համար. բայց առաջին նիստէն բազմաթիւ երեսփոխանք կը յայտնէին փափաքնին, որ հարկ էր ընդարձակագոյն սահման մը տալ Օրէնսդիր ժողովոյն և պատասխանատու պաշտօնարան հաստատել: Նպառլէռն Գ. այսպիսի դրից մէջ հեռաւոր ժամանակի մը ուշացուց Օրէնսդիր ժողովոյն գումարումները, մինչև որ ինքը՝ ծերակոյտը կանչէ վճռելու: Իւ արդարեւ Սիպտեմբեր 8ին ծերակոյտը կայսեր առաջարկութեամբ

իրաւունք կուտար ()րէնսդիր ժողովոյն մասնակցելու կայսեր օրէնսդիր իշխանութեան. կրնար անուանել իւր նախագահը և քարտուղարը. պաշտօնեայք պատասխանատու էին, բայց կախումն ունէին ի կայսերէն. կրնային անգամ ըլլալ միանգամայն ()րէնսդիր ժողովոյն և ծերակուտին: Դերակուտի նիստերը բաց էին հասարակաց: Դերակոյտը կրնար ()րէնքի մը հրատարակութիւնը խափանել:

()րէնսդիր ժողովոյն կանոնաւոր նիստերը սկսան Նոյեմբեր 29ին: Նապոլէոն, յետ սովորական խօսից օտար Պետութեանց նկատմամբ, յետ յայտնելու որ ի Հոռով եւս ընդհանուր ժողովք մը պիտի գումարէ Պիոս Թրահանայպետը, յետ համբելու այն ամենայն բարեկարգութիւնը, որ ի Գաղղիա ի գործ պիտի դրուէին, վրայ բերաւ որ « Գաղղիա ազատութիւն կ'ուզէ, բայց բարեկարգ ազատութիւն, կարգաւորութեան համար ես պատասխանատու եմ, Տեսարք, դուք ալ օգնեցէք ինձ ազատութիւնը փրկելու »:

Գումարումները սկսան. բայց ()րէնսդիր ժողովքը նոր կերպարան մը առած էր. ժիւլ Ֆալըր երեսփոխանը օրէնք մը առաջարկեց որով ()րէնսդիր ժողովքին պէտք էր տրուիլ ամենայն սահմանադրական իշխանութիւն: Խասփայլ պահանջեց որ պաշտօնարանը ամբաստանութեան ներքեւ դրուի: Գեկտեմբեր 27ին յետ աւարտելու ընտրութեանց վաւերացումը, պաշտօնարանը ամբողջովին տուաւ իւր հրաժարականը. և երկրորդ օրը Պաշտօնական լրագիրը¹ կը հրատարակէր կայսեր նամակը առ Լաիլ Օլլիվիէ, որով իրմէ կը խնդրէր ցուցնելու այն անձինք, որոնք իրեն հետ միարան կրնային պաշտօնարան մը կազմել:

Գ. — Լաիլ Օլլիվիէ երբեմն հասարակապետական, ապա ազատական և մին ի Հնգից, ապա կայ-

Ազատական
կայսրութիւն:

1. Journal officiel. Մինչեւ այն ատեն պաշտօնական լրագիրը *Moniteur* անունը կը կրէր:

1870

սերական, շատ մեծ դժուարութեամբ կրցաւ կազմել պաշտօնարանը, յորում ինքն նախագահութեան հետ կ'ունենար Արդարութեան պաշտօնարանը: Տարի՛ Արտաքին գործոց . նրվանտիէ տը վալտրում՝ Ներքին գործոց, Բիւֆֆէ՛ Ելեւստից, Արկրի՛ Հասարակաց կրթութեան . Լուվէ՛ Երկրագործութեան և վաճառակա նութեան, Տալհուէ՛ Հասարակաց Աշխատութեան, մարաջախտն Լըբէօֆ՝ Պատերազմի, ծովակալն Ռիկօ դը ժընուիլլի, Նրովային գօրութեան: Պաշտօնարանը ծանուցուեցաւ Յունուար 2ին իրրեւ ազատական պաշտօնարան մը, և սակայն Յունուար 10ի նիստին՝ յորում էմիլ Օլիվիէ իւր ծրագիրը ուզեց բացատրել տարտամ խօսքերով, ազատականք բնաւ իրենց փափագած մասերը չգտան և Գամբէտտա յայտնապէս գոչեց, որ « ընդհանրական քուէիւք ընտրեալ վարչութեան և Չեր ներկայացուցած վարչութեան մէջ, բացարձակ անհամաձայնութիւն կայ: Բայց այս ըսել չէ որ այս որմոց մէջ գահութիւն չգտնելով, դուրսը զայն պիտի փնտոեմ բռնութեան միջոցով: Ո՛չ, այլ կը համարիմ որ այս բեմէն ճառագայթեալ լուսէն, յառաջ պիտի գայ մեծամասնութիւն մը, որ ձեզ յաջորդելով պիտի գիտնայ տրամաբանօրէն նշանակեալ հետեւանքներով գործել, դուք մեզ համար կամուրջ մ'էք, և մենք կ'անցնինք այս կամուրջը »:

Էմիլ Օլիվիէի պաշտօնարանին առաջին գործն եղաւ պաշտօնանկ ընել զՊարոն Հոսման, որուն ազդեցութիւնը չափազանցապէս մեծցած կը համարուէր և Պարիսու ժողովրդեան մեծամասնութեան հակակրելի դարձած էր ¹:

1. Պարիսու բարեգործութեամբ, հաշուած է որ Պ. Հոսման աւելցուց 1,500,000 անձանց բնակութիւն: Պաշտօնէն քաշուած ժամանակ արդէն ձեռակուտի անդամ էր. ինչպէս նաեւ Պ. Պէտրի, Սատիկանութեան գլուխը: Գ. Հասարակապետութեան ժամանակ ընտրուած է նաեւ երեսփոխան խօսարանի:

10. — Օրէնսդիր ժողովոյն բացման օրը եղեռնաւոր պատահար մը ոչ նուազ տագնապ մ'եղաւ պաշտօնարանին: Իշխանն Պիէր Բոնապարտ՝ կորսիկայի լրագրի մը մէջ նախատեւ էր զՊասքալ Գրուսէ, որ Յուուար 10ին իբր իրեն վկայը դրկեց առ իշխանն՝ զՎիկտոր Նուառ խմբագրապետ Մարսէյէզ լրագրին: Հիմնեալ ի Ռոշֆորէ, և զԻւլիք Ֆոնվիէլ ուրիշ լրագրապետ մը: Երկու վկայից խօսքերուն՝ իշխանը նախատանօք պատասխանելէն վերջը, անոնց վրայ ատրճանակի երեք հարուած պարպեր էր և նախ հարուածեր էր զՎիկտոր Նուառ, որ տանը դրան առջեւ դիակնացեալ ինկաւ: Այս դէպքը Պարիսու և համօրէն Գաղղիոյ վրայ տխուր ազդեցութիւն մը ունեցաւ և արդարութեան պաշտօնարանը անապարեց նոյն երեկոյ հրատարակելու, որ իշխանը կալանաւորեալ էր: Երկրորդ օրը Ռոշֆոր Մարսէյէզ լրագրին մէջ խմբագրական զօրաւոր յօդուած մը կը գրէր, որով զոգցեա զժողովուրդը ի զէն կը կոչէր: Վիկտոր Նուառի յուղարկաւորութիւնը կատարուեցաւ Յունուար 12ին, և հարիւր հազարէն աւելի քաղաքացիք ներկայ էին, զրեթէ ամենն ալ զինեալ: Թէպէտ շատերը նոյն օրն իսկ կուգէին յեղափոխութիւն մը փորձել, բայց Ռոշֆոր համոզեց, որ յիմարութիւն էր և փնասակար, այնքան բանակներէ պաշարուած: Սակայն Յունուար 11ին Պետութեան գործակալը հրաման խնդրած էր Օրէնսդիր ժողովէն Ռոշֆորի դէմ դատ վարելու Մարսէյէզի մէջ դրած յօդուածին համար: Հրամանը տրուեցաւ և դատը երազ կատարուելով Յունուար 22ին վճիռը ելաւ, որով Ռոշֆոր կը դատապարտուէր 6 ամիս բանտի և 3000 ֆրանք տուգանքի: Եւ որովհետեւ Ռոշֆոր երեսփոխան էր, այն ատեն Պետութիւնը հրաման խնդրեց խօսարանէն կալանաւորելու զՌոշֆոր և ստացաւ: Փետրուար 7ին Ռոշֆոր երբ հասարակաց ժողովարան մը ճառախօսութեան կ'երթար, կալանաւորեցաւ յետ մեծ յուզմանց, զոր յարուցին իրեն բարեկամք և ժողովրդեան մաս մը, նոյն իսկ «կեցցէ Հասարակապետութիւն» զոչելով:

Ոճիր Ռթէյ-
լի. — Կատ
Ռոշֆորի. Կատ
տաստան ի
Տուր:

Ինչֆորի դատը եղած ժամանակ, Արդարութեան բարձրագոյն ատեանը ժողուեր էր դատելու զիշխանն Պիէր Բոնապարտ: Դատը սկսաւ Մարտ 21ին: Իշխանը ինքզինքը պաշտպանեց ըսելով որ վիկտոր Նուառ զինքը նախատեր էր և սաստկութեամբ զարկեր էր երեսին, և Պոնվիլ սպառնացեր էր ատրճանակով: Իշխանին դատապարտութեան համար 21 քուէ կարելու էին. 18 քուէ զինքը դատապարտած էին, որով իշխանը ազատ թողուեցաւ: Կայսրը պատուիրեց իւր հօրեղբորորդոյն քիչ մը ատեն Գաղղիայէ դուրս բնակելու. այսպէս համարելով գոհացնել հասարակաց կարծիքը:

Մերակուտի վճիռը. — Ժողովրդասիրումը քուէարկութիւն:


11. — Այս ամէն պարագայից մէջ կայսրը անհանգիստ էր, որովհետեւ անհանդարտ և յուզեալ դրութեան մէջ կը տեսնէր թէ՛ ժողովրդեան և թէ՛ երեսփոխանութեան մաս մը. և այդ մասը միշտ կ'աճէր: Նա պոլէոն կ'ըմբռնէր որ հարկ էր բան մը ընել, բայց այդ ընելիքը չէր յաջողած գտնելու: Բուսացած էր որ ազատական կայսրութիւն մը սկսելով, ընդհանուր զինաթափութիւն մը տեսնէ ի հակառակորդաց. և սակայն ոչ միայն ընդդիմութիւնը սաստկացած տեսաւ, այլ նկատեց, որ այդ տրուած ազատութիւնը նոր յոյս մը և նոր եռանդ մը ազդեր էին հասարակապետականաց, որ վերջապէս կու գար իրենց համար կայսրութիւնը տապալելու ժամանակն: Մարտ 21ին Պաշտօնակառ յրազիրը կայսեր նամակ մը կը հրատարակէր, որով կայսրը կը հրաւիրէր զպաշտօնարանը իրեն ծերակուտի վճիռ մը առաջարկել, որով խափանուին սահմանադրութիւնն փոփոխութեանց անչափ տենչերը, որ տիրացեր են ումանց վրայ, որոնք « կը խոռովեն հասարակաց կարծիքը և անհաստատ վիճակ մը կը ստեղծեն »: Կայսրը մտածեր էր ծերակուտին այդ վճիռը կամ սահմանադրութիւնը բոլոր ազգէն քուէարկել տալ: Մարտ 28ին, կ'առաջարկուէր ծերակուտին քուէարկելու Ատենավճիռ մը կամ Սահմանադրութիւն մը 4:5 յօդուածներէ, որով կայսրը կ'ըլլար « Պատասխանատու ազգին առջեւ, առ որ կրնար դիմել » և սահմանադրութեան փոփոխութիւնը միայն

ազգը կրնար ընել « առաջարկութեամբ կայսեր ». այսպէս յայտնապէս կը հռչակուէր ժողովրդախումբ քուէարկութեամբ կայսրութեան մը սկզբունքը¹: (Օրէնսդիր ժողովքը եւս կ'ունենար իր շնորհքները. կարող էր յայնմհետէ առաջարկներ ընդունիլ և վիճել անոնց վրայ և վրձնել: Ժողովոյն մէջ կրէվի և ուրիշ բազմաթիւ երեսփոխանք պահանջեցին որ սահմանադիր իրաւունքը ազգին տրուի: Երկու օր ծանր վիճարանութիւններէ վերջը, յորում մեծամեծ հարուածներ տրուեցան կայսրութեան, ժողովարանը որոշողութիւնը յանձնեց պաշտօնարանին խոհեմութեան: Երբակոյտը նոր սահմանադրութեան վիճարանութիւնը լմնցուց Ապրիլ 20ին և Ապրիլ 23ի հրովարտակով մը կայսրը բովանդակ ազգը կը հրաւիրէր Մայիս 8ի, քուէարկել 1870 Ապրիլ 20ի Սահմանադրութեան վրայ: Նապոլէոն Գ. կը վերջացնէր հրովարտակը որ « Նոր փորձ մը եւս տուէր ինձ Ձեր վստահութեանը այ՛ք քուէարկելով. այսպէս յեղափոխութեան սպառնալեաց դէմ առած կ'ըլլաք. ազատութիւնը հաստատուն հիման վրայ դրած և զիրացուցած կ'ըլլաք յապագային թագին փոխանցումը որդւոյս զուխը »: Հրովարտակին վերջին խօսքերը բացորոշ կերպով կը յայտնէին նոր սահմանադրութեան և ժողովրդախումբ քուէարկութեան որոշ նպատակը: Նապոլէոն, որուն առողջութիւնը սկսեւ էր կրել մեծապէս տագնապ կը զգար յաջորդութեան նկատմամբ: Քուէարկութիւնը իրեն պիտի ըսէր թէ արդեօք պիտի մնար կայսր, թէ հարկ էր քաշուիլ: Այսօրինակ մեծ որոշողութիւն մը յայտնի է ո՛րքան յուզումն պիտի պատճառէր կուսակցութեանց և ի՛նչ ջանքեր պիտի ըլլային ի նպաստ կայսրութեան կամ հակառակ: Բնական է որ վարչութիւնը իւր ամեն հնարքները և միջոցները գործածեց կայսրութեան հաստատութեանը համար և սահմանադրութիւնը բոլոր Գաղղիոյ ժողովրդախումբ քուէար-

1. Plébiscite. Empire Plébiscitaire.

կութենէն ստացաւ 7,358,786 այո՛, և 1,571.939՝ ո՛ր: Շատ մը թագաւորականք, (Ուլէանեանք, և խոհեմ հակառակորդը ապագայ անորոշ վիճակի մը նախապատահամարեր էին կայսրութեան ի նպաստ քուէարկել:

Նապոլէոն Գ. համարեցաւ որ կը յաղթանակէր և կ'ապահովէր իւր զաւկին թագը: Կրնա՞ր արդեօք գուշակել ժովովորդեան մը այնքան անհաստատութիւնը որ քիչ ամիս վերջը բոլորովին հակառակը պիտի քուէարկէր: Երբ ինքը կը օհամարէր հաստատապէս հիմնուած իւր ցեղը, արդէն շէնքը խլիլեր էր. և զօրաւոր հով մը բաւական էր զայն տապալելու. և այդ եղաւ զաղղիա — գերման պատերազմը:



Գ Լ ՈՒ Խ Զ .

Գ Ա Գ Գ Ի Ա . Գ Ե Ր Մ Ա Ն Պ Ա Տ Ե Ր Ա Զ Մ Ը

1. Հոհնձոլլէրն իշխանին Սպանիոյ գահուն թիկնածութիւնը . — Զուգումն Գաղղիոյ վարչութեան . — Պահանջք Պրուսիոյ . — 2. Բունն վիճարանութիւնք Գաղղիոյ Սրէնդիբ ժողովոյն մէջ . — Թիէր և ազատականք հակառակ պատերազմին . — 3. Հրատարակութիւն պատերազմին . — 4. Պրուսիա . — 5. Գերմանական պետութիւնք և պատերազմը . — 6. Էյրոպիոյ պետութեանց բրունած դիրքը . — 7. Թշնամութեանց սկսիլը . — Կապուլէնն ի բանակը . — Սաարբրուքի գաղղիական փոքր յաջողութիւնը . — 8. Պատերազմունք ի Ֆորթաի և Ռայխնֆէնն :

1. — Սպանիոյ վարչութիւնը ելած էր թագաւոր մը փնտռելու , որ յարմար ըլլայ կառավարելու զՍպանիա ըստ նոր միապետական սահմանադրութեան : Մարաջախտն Պրիմ , թագապահներէն մին՝ յետ այլ և այլ փորձերու վերջապէս որոշեք էր զթագը ընծայելու Հոհնձոլլէրնի Լէոպոլդ իշխանին , արենակից Պրուսիոյ թագաւորոջ Տան և միանգամայն Բոննպարտեանց՝ Բոհառնէ գերդաստանին խնամութեամբ . որուն երկրորդ եղբայրը իշխան Անտոն՝ արդէն Ռումէնք քիչ տարի առաջ իրենց իշխան ընտրեք էին : Լէոպոլդ Հոհնձոլլէրն կրօնիւք էր կաթողիկէ : Միանգամայն ըլլալով հայր բազմաթիւ որդոց , Սպանիոյ գահը անյաջորդ մնալու վտանգէ ազատ կրնար համարուիլ :

Հոհնձոլլէրն իշխանին Սպանիոյ գահուն թիկնածութիւնը :

Պրուսիոյ թագաւորը համարուելով զլուիս բովանդակ Հոհնձոլլէրն գերդաստանին , բնական է Լէոպոլդի

հայրը զ խնդիրը պարզապէս ծանուցած էր Գուլիէլմոսի, և ընտանեկան գումարում մը եղած էր, որ ըստ Բիւմարքի, չունէր յարաբերութիւն Պրուսիոյ թագին և վարչութեան հետ¹ :

Հոհէնձոլլէրն իշխանին այս թիկնածութիւնը անկարծելի յուզումն պատճառեց ի Պարիս, արդիւնք մը համարուելով այս Պրուսիոյ « անսահման փառասիրութեանը » և մեծնալու փափագին: Լրագիրք կը բողոքէին որ Հոհէնձոլլէրնի տան խնամութեան կապերով, Պրուսիա կ'ուզէ Եւրոպիոյ ամենէն ազդեցիկ թագաւորութիւնը ըլլալ, ինչպէս Բուրբոնեանց և Հարսբուրկի գերդաստանները և պիտի կաշկանդէր Գաղղիոյ գործելու ազատութիւնը:

Որչափ որ Լէոպոլտ իշխանը ունէր Բոնապարտեանց հետ խնամութեան կապեր, այսու հանդերձ նպաստելէն Վարչութիւնը մեծապէս զայրացաւ այս թիկնածութեան վրայ²: Ի Բէլոլին Գաղղիոյ դեսպանը՝ կոմսն Բէնէդէտտի՝ հրաման ընդունեցաւ, թագաւորին յայտնելու ի Պարիս եղած մեծ տոժոհութիւնը. նոյնը Օլիվիէ և Գրամոն դուքսը՝ Պաշտօնեայ Արտաքին Գործոց, յայտնեցին Պրուսիոյ դեսպանին ի Պարիս, բարոն Վէրթէրի, որ կարեւոր դատեցաւ անմիջապէս մեկնելու յիստ, որ Գուլիէլմոս կը գտնուէր բաղնիքներու համար, և իմացնելու անոր Պարիսու յուզումը:

Գուլիէլմոս եթէ Բէնէդէտտի կոմսին և եթէ բարոն Վէրթէրի նոյն պատասխանը տուաւ, որ Սպանիոյ գահուն թիկնածութիւնը բնաւ Պրուսիոյ վարչութեան հետ յարաբերութիւն մը չունէր և Պրուսիա չէր խառնուեր այդ գործոյն մէջ: Ի Պարիս այս պատասխանը սպառնալիք մը համարուեցաւ և դուքսն Գրամոն յայտարարեց Օրէնսդիր ժողովոյն մէջ, որ Գաղղիա բնաւ յանձն

1. Խորհուրդք և Յուլը Բիւմարք Իշխանին Գլ. ԻԲ. Տպ. 1898:

2. Գրամոն, Գաղղիա և Պրուսիա պատերազմէն առաջ (Պարիս 1872 էջ. 21):

պիտի չտանուր, որ «կարոյոս Ե.ի գահուն վրայ օտար պետութիւն մը իւր իշխաններէն մին բազմեցնէ, այսպէս խանգարելով հիւրոպական հաւասարակշռութիւնը ի ֆեաս Գաղղիոյ¹»: Լրագիրը արդէն սկսեւ էին պատերազմ բարոզել, որոց ազդեցութեան ներքեւ կը տեսնուէր վարչական մեծամասնութիւնը: Նապոլէոն որ տարիքին առաջ երթալովը և հիւանդութեանը զայրանալով, մաղձոտ կեանք մը սկսած էր, բնաւ թշնամութեանց և պատերազմի մը կուսակից չէր. և սակայն վերջին ժամանակաց մէջ բռնած ոճէն ստիպուած էր ազգային անձնասիրութեան գոհութիւն մը տալու: Կրկին յանձնարարեց Բէնէդէտտի յիշման երթալ և բռնադատել զՊրուսիոյ թագաւորը, որ արգելու Հոհէնձոյլէրնի իշխանին Սպանիոյ գահին բնդունելութիւնը:

Որչափ որ Գուլիէլմոս առողջութիւն դարմանելու համար կը գտնուէր յիշման և չունէր բովը պաշտօնեայ մը, այսու հանդերձ ազնուութեամբ բնդունեցաւ Գաղղիոյ դեսպանը, ծանոյց որ ինքը չէր կրնար ազատ իշխանի մը գործոց մէջ միջամտել կամ իրեն արգելք մը դնել, այսու հանդերձ մտերմարար հաղորդեց Բէնէդէտտի, որ Լէոպոլդ իշխանը տեսնելով որ ինչ մեծ պատասխանատուութիւն մը կը ստանձնէր բովանդակ Լըրոպիոյ դիմաց, ինքնին յօժարակամ հրաժարեւ էր Սպանիոյ գահուն թիկնածութենէն և այս եղելութիւնը արդէն իւր հօրմէն հաղորդուած էր Մաղրիդի վարչութեան, որ և նա հաղորդած էր ի Պարիս Գաղղիոյ կառավարութեան: Ի Պարիս իշխանին այս հրաժարականը պէտք էր լիովին գոհացուցիչ համարուիլ, գոնէ այսպէս կը խորհէին ուրիշ պետութիւնք, որք Նապոլէոն Գ.ի հաղորդեցին

1. Բիսմարք իր Խորհրդոց մէջ կը պատմէ որ այս թիկնածութիւնը ինքը բռնած էր որ սգակը պիտի մեծապէս Գաղղիոյ ազդեցութեան ի ֆաս Պրուսիոյ. «Լէոպոլդ իշխանը բռնադատուած էր անցնելու Պարիսն իմանալու Գաղղիոյ կայսերական քաղաքագիտական դիալոգութիւնքը, բոս որոց պէտք էր ինքը կառավարել զՍպանիա: Մեզի անկի մտածութեան նիւթ էր Գաղղիոյ և Սպանիոյ թագերուն այսքան սերտ յարաբերութիւնը»: Գլ. ԻԲ. էջ 75 սպ. 1898:

իրենց խնդակցութիւնը, խնդրոյն այսպէս խաղաղութեամբ և գոհութեամբ լմնալուն վրայ: Նրապոլէոն ալ այս կարծեաց վրայ կը տեսնուէր և սակայն սպառնալից ցանկացող մասը և պատմութիւնը յապագային աւելի պիտի պայծառացնէ թէ արդեօք մասնաւորապէս որո՞նք էին նոցա պարագլուխը¹, ապահով Գաղղիոյ զինուց յաջողութեան և յաղթութեան վրայ, և որոնք կը յուսային պատերազմով մը ներքստապէս բարձրացնել կայսրութեան վարկը և ջաղխել ընդդիմակացը, պնդեցին առանձին խորհրդեան մէջ, որ անբաւական էր Պրուսիոյ տուած գոհութիւնը. և դուքսն Գրամոն կը ծանուցանէր առ Վէրթէր, որ Հոհէնձոլլէրն իշխանին հրաժարիլը նշանակութիւն մը չունէր Գաղղիոյ համար, որ երբէք պիտի չթողուր անոր Սպանիոյ գահուն վրայ բարձրանալը. բայց կը մնար Պրուսիոյ թագաւորին ըրած արհամարհութիւնը, որ առանց Գաղղիոյ վարչութեան հարցնելու, թողուցեր էր Հոհէնձոլլէրն իշխանին ընդունելու այդ թիւինածութիւնը: Արդ Գաղղիոյ սպառնալից տեղը երթալու համար հարկ էր Գուլիէլմոս նամակ մը գրէր առ Նրապոլէոն, յորում ինքզինքը անբաւիր ընէր, որ կանխապէս չէր արգիլած Հոհէնձոլլէրն իշխանին ընդունելու Սպանիոյ գահը և խոստանայ որ յապագային որ թէ այդպիսի պարագայ մը ներկայանայ, ընտել չտայ իւր հաւանութիւնը: Օլիվիէ պաշտօնարանը կը յուսար որ Պրուսիոյ թագաւորին այդ քայլը մեծապէս պիտի ամրապնդէր և համակրելի ընէր զպաշտօնարանը: Եւ որովհետև Վէրթէր յանձն չառաւ անձամբ ինքնին ներկայացնելու իւր թագաւորին Գաղղիոյ վարչութեան

1. Հասարակապետականք միշտ ամբաստանած են գկայտերակամո որ իրենց ուզեցին պատերազմը: Իսկ Լամիլ Օլիվիէ՝ Գ կայսրութեան նշանաւոր անձնաւորութիւններէն մին, յանցանքը Թիւրի և հասարակապետականք վրայ կը ձգէ, որոնք իրենց բեմախօսութիւններով սարսուցին Գաղղիայն օտար պետութեանց վստահութիւնը և պատերազմ զբոկեցին: Բնոյհանուր կարծիքը պատերազմ ուզողներուն պարագլուխ համարած է գլխավոր կայսրուհին և բոնապարդեան զերգոտանին հասասարիւմ պաշտպանը:

պահանջը և միայն խոստացաւ գրով հաղորդելու, անոր համար Բէնէդէտտի կոմսին յանձնուեցաւ կրկին երթալու յէմա և Պրուսիոյ թագաւորէն պահանջել վերոյսասցեալ ապահովութիւնը:

Գուլիէլմոս երկու անգամ ընդունեցաւ Գաղղիոյ դեսպանը և ծանոյց որ ինքն ալ հաւան էր Հոհէն-ձոլլէրն իշխանին հրաժարելուն, բայց իրեն համար նուաստացուցիչ էր գրով որ և է՛ խոստում մը տալ: Բէնէդէտտի թագաւորէն երրորդ անգամ ունկնդրութիւն խնդրեց իւր պահանջին աւելի սաստիկ ձեւ մը տալու համար: Սակայն Գուլիէլմոս զՌաժիվիլ իշխանը՝ իւր համհարզը՝ դրկեց իմացնելու, որ ուրիշ աւելցնելիք մը չունէր: Բէնէդէտտի հրաժեշտի ունկնդրութիւն խնդրեց այն ատեն, սակայն թագաւորը չընդունեցաւ, իմացնելով որ նոր ըսելիք մը չունէր. և երկրորդ առաւօտը կոպլէնց մեկնած պահուն տեսնելով ի կայարանի գրէնէդէտտի, ողջունեց զինքը և կրկնեց ինչ որ առաջ ըսած էր՝: Գուլիէլմոսի ունկնդրութեան մերժելու լուրը վեր ի վայր վրդովեց զՊարիս, որ թագաւորին ըրածը ամենամեծ նախատինք մը համարեցաւ Գաղղիոյ և թագաւորին գրով խոստմունք չտալը, նշանակ մը՝ որ յապագային եւս պիտի նորոգուէր Հոհէն-ձոլլէրնի թիկնածութիւնը ի մեծ վնաս Գաղղիոյ:

2. — Ի Գաղղիա ոգիները այս յուզման մէջ էին, երբ Յուլիս (Ե) Երէնսդիր ժողովքի մէջ դուքան Գրամոն, պաշտօնեայ Արտաքին Գործոց, բեմը ելաւ ծանուցանելու ամբողջ Հոհէն-ձոլլէրնի խնդրոյն համար Պետութեանց հետ բանակցութիւնքը, Պետութեանց Գաղղիոյ բողոքոյն ցրցուցած կարեւորութիւնը և յարգանքը, Պրուսիոյ թագաւորին «անորոշ» պատասխանները: Բայց խաղաղութեան սիրոյն համար «չուզե-

Բուն վիճարանութիւնը Գաղղիոյ (Ե) Երէնսդիր ժողովոյն մէջ:

1. կոմս Բէնէդէտտի իր Յիշատակարանաց մէջ պատմելով զատնքը, կը վկայէ որ ամենայն յարաբերութիւնք թագաւորին հետ երկուստեք լիովին ազնուութեամբ կատարուեր էին:

ցինք, ըսաւ, Փրամոն, բանակցութիւնքը խզել: Անոր համար մեծապէս ապշեցանք, երբ երէկ իմացանք որ Պրուսիոյ թագաւորը իւր համհարզններէն միոյն միջոցով իմացուցեր էր դեսպանին, որ զինքը չէր կրնար ընդունիլ, և այս մերժման պաշտօնական և աներկդիմի կնիք մը տալու համար, իւր վարչութիւնը այս եղելութիւնը պաշտօնապէս հաղորդեր էր Եւրոպիոյ Պաշտօնարանաց¹: Մի և նոյն միջոց կը լսէինք որ բարոն Վէրթէրի հրամայուած էր արձակուրդ խնդրելու և զինուորական պատրաստութիւնք կ'ըլլային ի Պրուսիա²: Այս պարագայից մէջ դեռ յուսալ խաղաղութիւն մը, մոռնալ էր մեր պատիւը և անխոհեմութիւն: Բան չմնաց որ չընենք պատերազմի առիթ չտալու համար. հիմայ կը պատրաստուինք զիմացնիս ելածը քաջութեամբ կատարելու, իւրաքանչիւրին թողլով իրեն ինկած պատասխանատուութիւնը»: Այս խօսքերս ընդունուեցան շառաչալից կեցցէներով առ կայսրը և առ Փաղղիս:

Արդարութեան պաշտօնեայն վրայ բերաւ որ. «Արդէն երէկուրնէ ի զէն կոչեցինք մեր պահեստը և ձեր օգնութեամբ անմիջապէս պէտք եղած միջոցները ձեռք պիտի առնունք պաշտպանելու Փաղղիոյ շահերը, ապահովութիւնը և պատիւը»: Երկար ծափահարութիւններէ

1. Այդ նշանաւոր հետազոտողն որ մեծ դեր ունեցած է պատմութեան մէջ, չէր ուզուած պետութեանց, այլ կոմսն Բիսմարք ուղղած էր Պրուսիոյ ներկայացուցչաց, Բիսմարք այսպէս կը պատմէ իր Յիշատակարանաց մէջ. որ ձանձրացած թագուհւոյն ազդեցութենէն Պուլիէմոսի վրայ, որ խորհուրդ կու տար յամենայն դէպս փախչել պատերազմէ, միտքը յրիւր էր հրաժարիլ իր պաշտօնէն, առ այս կոչեր էր ճաշի գլուխը և գլխուն: Ճաշի վրայ հասաւ թագաւորին հետազոտողն որ կը պատմէր Բենէդէտտիի « իտալականօք » այցելութիւնը, և երկրորդ անգամ իր մերժելը: Հրաման կու տար թէ պատշաճ կը դատէր եղելութիւնը իմացնել Պրուսիոյ ներկայացուցչաց և լրագրաց, Բիսմարք հարցուց Մուտքէի թէ կարո՞ղ էր Պրուսիա, թէ հարկ ըլլար, պատերազմելու: Մուտքէ բացատրեց որ թէ պատերազմը անհրաժեշտ է՝ պէտք է փութով ընել. զի Փաղղիս իրենց պէտք արագ չէր կրնար պատրաստուիլ: Այն ատեն կոմսն Բիսմարք հետազոտողն ստուա Պրուսիոյ ներկայացուցչաց և լրագրաց ինչ ինչ յապաւելով, որով իմաստը աւելի զրգոյշ եղաւ Փաղղիոյ դէմ:

2. Հաստատուած է որ մինչև Յուլիս 14 Պրուսիա ոչ մի զինուորական տրամադրութիւն բրած էր:

վերջը պաշտօնեայն առաջարկեց պատերազմի համար 50 միլիոնի վարկ մը, զոր խնդրեց քուէարկել փութանակի: Մեծամասնութիւնը ոտք ելած կը պոռար փութով քուէարկութիւնը, մինչ ձախակողմեանը կ'ուզէին որ նախ վիճուի. և երբ վիրո երեսփոխանը գոչեց որ « Հայրենեաց պատուոյն համար մենք ալ առաջին ենք պատերազմելու, բայց ոչ գերդաստանական և յարձակողական պատերազմի մը համար » . անհամար գոչումներ ծածկեցին իւր ձայնը: Հազիւ նախագահն ճնայտէ հանդարտութիւն քարոզելով յաջողեցաւ խօսք տալ թիէրի, որ ամեն կողմանէ նախատինքներու մէջ կրցաւ քանի մը բառ լսել գոչելով որ « Եթէ կայ օր մը, կայ ժամ մը, որուն համար առանց չափազանցութեան ըսուի, որ պատմութիւնը գմեզ կը դիտէ, այս ժամս, այս օրս է. ինձ այնպէս կու գայ, որ ամենայն ոք պէտք է լրջութեամբ մտածէ: Երբ պատերազմը հռչակուի, ոչ ոք ինձմէ աւելի պիտի աշխատի վարչութեան ընձեռելու յաղթանակի միջոցները: Հոս ուրեմն հայրենասիրութեան մրցանք չկայ... Ուրեմն ի՞նչ է խնդիրը: Արդեօք տալ կամ մերժել վարչութեան իր խնդրած միջոցները: Ոչ, կը բողոքեմ այս մտածութեան դէմ: Ուրեմն ի՞նչ բանի համար է. պաշտօնարանին այս բեմէն պատերազմի հրատարակելուն վրայ է, և ես սահմանադրականապէս կը խօսիմ և պէտք է որ ճանչցուի: Լաւ ուրեմն, արդեօք պաշտօնարանը միայնակ կրնայ պատերազմ հրատարակել: Արդեօք մենք ալ իրաւունք չունինք խօսելու: Եւ խօսելէն առաջ պէտք չէ՞ վայրկեան մը մտածել »: Ապա յիշեցուց թիէր օրքան հազարաւորներու կենաց համար մահուան քուէարկութիւն կ'ըլլար, և ի՞նչ պատճառաւ, քանի որ Պրուսիոյ թագաւորը արդէն գոհացուցեր էր գ'իադղիա ընդունելով անոր գլխաւոր խնդիրը Սպանիոյ գահուն թիկնածութեան նկատմամբ: Եւ վերջացուց իւր խօսքը մեծամասնութեան հակառակ նախատանաց և աղաղակներու մէջ գոչելով, որ ինքը « խղճի. կը կատարէր իւր պարտքը անխոհեմ հայրենասիրութեան դէմ ընդդիմանալով » . « Քառասուն տարի

ըաղաքական յուզմանց և փոփոխութեանց մէջ ապրելով, միշտ խղճիւ պարտքս կատարելով, ապահով եղէք որ բնաւ իր մը զիս չկասեցնէր դարձեալ կատարելէ, և ոչ իսկ ձեր նախատիքները » : Թիէր չյոգնեցաւ կրկին և կրկին բեմը դիմեց ճարտասանական ամեն միջոց գործածեց մեծաւ մասնութիւնը համոզելու, որ ետ կենայ հրատարակելու զպատերազմը, զոր « գերագանցապէս անխոհեմ » կը կոչէր : Մարգիզն դր Պիրէ ցամամար գոչեց առ Թիէր որ « դու հայրենեաց աղետոյց փողն, գնա՛ ի կոպիւնց » : Թիէր պատասխանեց. « Արհամարհեցէք զիս, նախատեցէք... պատրաստ եմ ամեն բանի տանելու հայրենակցացս արեան խնայելու համար. զոր դուր այդպէս անխոհեմութեամբ կ'ուզէք թափել. ես ալ կ'ուզեմ ամենէն աւելի 1866ի վրիպակը դարմանելու, բայց այս պարագայն ահաւոր կերպով փնասարքեր կը գտնեմ » :

Թիէրէ վերջը Օլիվիէ բեմը ելաւ նորա խօսից ազդեցութիւնը փճացնելու համար. խօսեցաւ որ՝ ոչ որ կրնայ պարծիլ աւելի սիրելու, աւելի հոգալու հայրենեաց պատուոյն համար. խօսեցաւ որ թէ ինքը և թէ բովանդակ պաշտօնեայք հակառակ են պատերազմի. բայց կը գտնուի ազգը այնպիսի արհամարհանաց և նախատանաց առջեւ, որ եթէ լուէ, պետութեաններէն ամենէն յետին կարգը պէտք է իջնայ : Ապա պատմեց Հոհէնձոլլէրնի թիկնածութեան պատուութիւնը և Պրուսիոյ թագաւորին բռնած անտարբեր ընթացքը. « Մենք իրմէ ուրիշ բան չխնդրեցինք, բայց եթէ որ այդ հրաժարականը վերջնական թո՛ղ ծանուցանէ և մեզի մերժեց այդ հրատարակութիւնը և իւր դեսպանը ամենուն կը ծանուցանեն այս մերժումը : Ժիւլ Ֆլավրը և Գամբէտտա պահանջեցին որ հեռագիրները կարդացուին. Օլիվիէ կարդաց Բիսմարքի նշանաւոր և ճարտարամիտ հեռագիրը որ կ'իմացրնէր իւր դեսպանաց թագաւորին զԲէնէդէտտի չընդունիլը : Ապա վերջացուց իւր խօսքը գոչելով. « Այո՛, այսօրուրէն կը սկսի ինծի և պաշտօնակցացս համար մեծ պատասխանատուութիւն մը, մենք զայն կը ստանձնենք խղճերնիս մաքուր » :

Յետոյ ձախակողմանց ընդդիմութիւնը ընկճելու համար, կարողաց նաեւ Բէնէդէտտի դեսպանին հեռագիրը, որով կ'իմացնէր թէ՛ երբ « Գուլիէլմոսէ կրկին ունկնդրութիւն խնդրեր էր, նա պատասխանած էր, որ՝ թիկնածութեան նկատմամբ նախնապէս ըսածները կը հաստատէր. և այս եղածը Գաղղիոյ պատուոյն նախատինք մ'էր » : Կրկին անգամ թիէր սաստկապէս պատասխանեց որ « Պրուսիա ընաւ պատերազմելու կամք չէր ցուցըցած և եթէ Պրուսիա սխալեր էր Հոհէնձոլլէրնի իշխանին թիկնածութեանը հաւանելով, հիմա ինքը կը պատժուէր զայն յետս կոչելով, ուրեմն Գաղղիա այլ եւս ի՞նչ կ'ուզէր » : Հազիւ թիէր իւր խօսքը լմնցուցեր էր երբ բարոն լիէրոմ Տավիտ ուղղեց առ թիէր որ « պրուսիացի շատ մը գունդեր հազիւ կրնային այն չարիքը հասցունել Գաղղիոյ, ինչ որ դու յանգէտս կու տաս հայրենեաց » , որուն պատասխանեց թիէր. « Գիտէ՞ք, որո՞նք են Գաղղիոյ փնաս ընողք, Մեքսիքոյ պատճառողք, Սաղովայի հեղինակը, որոնք մոռնալով ըրած չարիքնին, զմեզ փնասակար կ'ամբաստանեն, երբ մենք կը ջանանք արեան ինայելու... կ'իջնամ այս բեմէն, որովհետեւ այսքան ինձ կը հակառակիր... բայց կը կրկնեմ որ պատեւրազմը ո՛չ թէ Գաղղիոյ համար է, այլ պաշտօնարանին սխալանաց համար » :

Ապա լիւլ Ֆրավրը և Գամբէտտա կրկին պնդեցին որ ընթերցուի Բիսմարքի նախատական ըսուած հեռագիրը : Բայց պաշտօնարանը պատասխանեց որ արդէն Յանձնաժողովը զայն տեսեր էր : Գամբէտտա բողոքեց որ այդպիսի էական հեռագիր մը հարկ էր որ տեսնէ բոլոր Գաղղիա, բոլոր Նշրոպա, ապա թէ ոչ « այդ պատերազմը դուք էք որ կը փնստէք և կ'ուզէք » : Բազմաթիւ աղաղակը խափանեցին ճարտասանին ձայնը և Որէնսդիր ժողովոյն առաջարկը մեծամասնութեամբ քուէարկուեցաւ ¹ :

1. Բիսմարք Յուլիոս Չօին կ'ըսէր Ռայխտակի մէջ պաշտօնական կարծեցեալ հեռագրին համար. որ « Գաղղիացի պաշտօնայնը զգուշացան »

Նոյն երեկոյ ամբողջ պաշարեց թիէրի տունը՝ Սէն ժորժ հրապարակին մէջ պոռալով և նախատելով: Շատ ուշ պահանորդք եկան ցրուելու զայն: Երկրորդ օրը 16 Յուլիսի ծերակուտէն բազումք, որոց զուխ էր Ռուհէ, Տիւլլըրի գացին և ներկայացան կայսեր. առ ուր խօսեցաւ Ռուհէ թէ. « Գաղղիոյ պատիւը կ'արհամարհուի. Քու վեհափառութիւնդ սուրբ կը քաշէ, Հայրենիք Ձեզի հետ է լի զայրացմամբ և վեհանձնութեամբ »...

Գաղղիոյ վարչութեան զուխք և բանակին հրամանատարք կը համարէին որ Պրուսիա Գաղղիոյ զինուց առջեւ անմիջապէս պիտի ընկճի: Պատերազմի պաշտօնեայն՝ Մարաշախտն Լըբէօֆ՝ ըսած էր ծերակուտին մէջ, որ « մենք պատրաստ ենք, հինգ անգամ պատրաստք »: Օրէնսդիր ժողովոյն մէջ ըսեր էր, որ « Երկու տարի պատերազմ կրնանք ընել, առանց պէտք ունենալու բաճկոնի կոճակ մ'անգամ գնելու »:

Հրատարակութիւն պատերազմին:

Յ. — Յունիս 19ին ի Բէռլին Գաղղիոյ դեսպանատուն մնացած գործակատարը ծանոյց Պրուսիոյ վարչութեան, որ այն օրունէ Գաղղիա ինքզինքը պատերազմական դրից մէջ կը նկատէր ընդդէմ Պրուսիոյ և նոյնը երկրորդ օրը դուրան Գրամոն՝ հրատարակեց Օրէնսդիր ժողովոյն մէջ: Ա՛լ յայնմհետէ Պարիս ջղային յուզում մը ստացաւ, ամեն երեկոյ ծառուղեաց վրայ խուռն բազմութիւնք. « Ի Բէռլին, ի Բէռլին » կը գոչէին և կ'երգէին ժողովրդական եղանակաց վրայ յարմարցրնելով: Առաջին անգամ հրաման տրուեցաւ Մարսիլիի երգուիլը, որ խստիւ արգիւլուած էր կայսրութեան ժամանակ: Օրէնսդիր ժողովը քանի մը օրուան մէջ քուէարկեց ամբողջ Ելեւմուտքը, միանգամայն չորս միլիոն սահմանեց այն ընտանիքներուն, որոց զաւակ-

զիջանելու սակաւաթիւ ընդլիմակացից աղերսներուն, որոնք միայն պայծառ մտքերնին պահած էին. և չուզեցին մէջ տեղ բերել այդ հեռագիրը: Ամբողջ շէնքը և մանաւանդ պատերազմի հրատարակութիւնը պիտի կրօծանէր, եթէ երեսփոխանը լսէին այդ երեւակայեալ գրութիւնը և մանաւանդ նորա ձեւը »:

ները ի զէն պիտի կոչուէին: Յուլիս 23ին նիստերը գոցուեցան, թէպէտ ձախակողմեանք բողոքեցին որ հայրենիք վտանգի մէջ եղած ժամանակ, ինչպէս կրնային հեռացուիլ իրենք: Վարչութիւնը պատերազմին հանդերձանաց հոգովք զբաղեալ, Սրէնսդիր ժողովքին մտածութիւնն ալ չէր ուզեր ունենալ:

4. — Ի Պրուսիա երբ լսուեցաւ որ Գաղղիոյ վարչութիւնը ի զէն կոչէր էր պահեստ գունդերը, Յուլիս 15ին հրամայեցաւ բոլոր Հիւսիսային դաշնակցութեան բանակը կազմ պատրաստել: Գուլիէլմոս ի դարձին ի Բէլոյին ընդունուեցաւ մեծ յաղթանակով և ուրախութեամբ, որով ժողովուրդը կը ցուցընէր իւր պատրաստականութիւնը զոհելու կեանք և ինչք գերմանական միութիւնը ամրապնդելու համար: Ամէն կողմ ուրիշ բան չէր լսուեր բայց Հոննոսէն ի Պարիս ուղեւորութեան վրայ և ամէն կողմ կ'երգըցուէին Հենուսի պահպան ժողովրդական երգը: Յուլիս 11ին Գաղղիոյ պատերազմ հրատարակած օրը բացուեցաւ նաեւ Հիւսիսային Դաշնակցութեան խորհրդարանը: Որովհետեւ Գաղղիա Հրատարակութեան մէջ կ'ըսէր, որ ստիպուած էր պաշտպանելու իր պատիւը և շահերը Հոհէնձոլլէրնի իշխանին թիկնածութեամբ իրեն և բովանդակ Եւրոպիոյ հաւասարակշռութեան եղած սպառնալեաց դէմ: Գուլիէլմոս խորհրդարանի բացման խօսից մէջ պատասխան տուաւ որ «Գերմանիա վերջին դարերուս մէջ լուութեամբ տարեր էր իր իրաւանց ոտնակոխ ըլլալուն վասն զի միշտ պատահուած էր և չունէր միութիւն մը Գաղղիոյ միշտ նորանոր բռնութեանց դէմ դնելու համար: Գաղղիացի և գերմանացի ժողովուրդք երկուքն ալ քրիստոնէական կրթութեան օրհնութեամբ լցուած, աւելի փրկաւէտ քան արիւնալից մրցումներ պէտք էին ունենալ, բայց Գաղղիոյ իշխողք իրենց շահուց և կրից համար ուզեր էին միշտ զեղծանիլ դրացի մեծ ազգի լուսեանքն»: Գուլիէլմոս կը լմացնէր իւր խօսքը, որ «Թէպէտ յոյժ նախադասելի էր խաղաղութեան օրհնութիւնը, սակայն վստահ էր որ թէ Հիւսիսային և թէ

Պրուսիա:

Հարաւային գերման պետութիւնք պատուոյ և անկախութեան պահպանութեան համար ամեն պէտք եղած զոհողութիւնք պիտի ընէին» : Խորհրդարանը իր պատասխանին մէջ առ թագաւորն յայտնեց հայրենեաց մեծ սէրը և եռանդը առ ամենայն զոհողութիւն : Եւ փութով ամենայն կարելոր ծախք քուէարկուեցան :

Յուլիս 19ին Գուլիէլմոս այց ելաւ ի կարլոտտէնրուրգ իւր նախնեաց գերեզմաններուն և հոն առանձնացեալ աղօթեց : Այսպիսի մեծ որոշողութեան մը առջեւ թագաւորը յուզեալ էր և որչափ որ ամեն կողմէ, ամեն աշխարհէ գերմանացիք հայրենասիրական և խընդութեան հեռագիրք կը յղէին, այսու հանդերձ Գուլիէլմոս, որ գիտէր գերմանական ցեղերու մէջ առ Պրուսիա եղած բնածին հակակրութիւնք և նախանձք, մեծապէս տագնապ կը զգար ներքսապէս. գիտէր որ այս պարագայն կամ պիտի ամրապնդէր աննկուն գերմանական դաշնակցութիւնը անոր զլուի դնելով զՊրուսիա, և կամ իսպառ պիտի ցրուէր Դաշնակցութիւնը մահացու հարուածելով զՊրուսիա :

Գերմանական
պետութիւնք
և պատերազմը :

5. - Արդարեւ գերմանական իւրաքանչիւր պետութիւն ունէր Պրուսիոյ դէմ մախալու առիթ մը և Գերմանական խնդրոյ մը մէջ Պրուսիա միշտ իրեն դէմ պիտի գտնէր մեծամասնութիւն մը, բայց երբ խնդիրը Գաղղիոյ դէմ էր, ամենն ալ միասիրտ գտնուեցան¹ : Նոյն իսկ Բաղէն, որ առաջին սահմանակիցն էր Գաղղիոյ, պահապան ափանց Հոննոսի, որուն թէ ոչ օգնութեան, գոնեայ չէզոք մնալուն վրայ մեծ յոյս ունէր Նապոլէոն Գ. Բաղէն ամենէն եռանդուններէն մին երեւցաւ և տեսնուեցաւ որ Գաղղիացւոց շատ դժուար պիտի ըլլար Հոննոսը անցնելը : Նապոլէոնի վարչութիւնը յոյս ունէր զԲավիէրա, նախանձորդ Պրուսիոյ, բաժնել գերմանական միութենէն կամ գոնէ չէզոք պահել և առ այս գաղտ շատ մը հրապուրիչ քայլեր եղան, սակայն

1. Վէպեր. Պատմութիւն Ժամանակակից 293.

երիտասարդ թագաւորը որչափ որ չունէր համակրութիւն մը Պրուսիոյ նկատմամբ, բայց ամենէն առաջ գերմանասէր էր և նոյնը ներշնչեց և իր ժողովրդեան: Այսու հանդերձ պատերազմի համար ծախքերը մեծ յուզմամբ և վիճարանութեամբ քուէարկուեցան խորհրդարանին մէջ: Բավիէրացին զԲավիէրա միայն կը սիրէ և կը պաշտէ և բնական հանդարտութեամբ մը չուզեր օտարներուն զգացմանցը պատճառաւ նետուիլ պատերազմներու և վտանգներու մէջ: Ելեւմտից յանձնաժողովը առաջարկեց այնքան գումար մը, որ բաւականանայ Գաղղիոյ և Պրուսիոյ մէջ եղած պատերազմին ժամանակ չափաւոր գունդեր պահելու: Սակայն մեծամասնութիւնը մերժեց այս առաջարկը և լիովին հաւանութիւնը տուաւ վարչութեան առաջարկներուն: Երոյն իրիկունը Միւնխի մեծ ուրախութեան մէջ էր և Գուլիէլմոս, որ տազնապաւ մը կը սպասէր Բավիէրայի լուրերուն, իւր երախտագէտ շնորհակալութիւնը յայտնեց առ երիտասարդ Լուդուիկ թագաւորը: Բավիէրայի պաղտութիւնը կամ չէզոքութիւնը կրնար հիմն ի վեր տապալել գերմանական պատերազմին ծրագիրը:

Բավիէրայէ վերջը կարգաւ Վիւրտէմբերկ, Հէսսէ, Գարմըդատ և ամենայն խորհրդարանք քուէարկեցին պատերազմի ծախքերը: Էւ երբ Պրուսիոյ քաջ և սիրելի թագաժառանգ իշխանը Հարաւային Գերմանիոյ բոլոր բանակաց ընդհանուր սպարապետ անուանեցաւ, համարէն Գերմանիա նոր եռանդ մը զգաց. զգաց որ արդէն Գերմանիա ձեւացեր էր և զայն ամրացնելու համար կարեւոր էր միաբան պատերազմի դաշտին վրայ արիւննին խառնել: Ամեն կողմ ընկերութիւններ ձեւացան արանց և կանանց վիրաւորներ հոգալու, հիւանդանոցներու մէջ ծառայելու և զինուորութեան գացող ազբատաց ընտանիքները հոգալու: Ամենէն փութով Բաղէն և Բավիէրական Պալատինեան վիճակը կազմուեցաւ. վասն զի թշնամին նախ իրենց երկրին վրայ պիտի յարձկէր: Արդէն կը կրկնուէին ամենուն բերանը Առաջին կայսրութեան ըրած աւերները և հիմայ եւս շատ

մը անհարեկիչ նկարագիրը կ'ըլլուէին գաղղիական թուրքոսներու, գուաֆներու և սպահիսներու գունդերու մասին: Սահմանած էր թագաւորն Գուլիէլմոս, որ Յուլիս 27ին բոլոր զինուորը աղօթեն թշնամւոյն երկիրը չըմտած: Գուլիէլմոս Յուլիսի վերջը թողուց մայրաքաղաքը և գնաց ի բանակը. նախ ներուժն հրատարակելով բոլոր քաղաքական յանցաւորաց, և զամենը ի միութիւն յորդորելով հասարակաց թշնամւոյն առջեւ:

Եւրոպիոյ Պետութեանց բրնձ գիրքը:

6. — Նապոլէոն եւս թողլով զկայսրուհին Եւթէնի թագապահ, կայսրորդւոյն հետ մեկնեց էր ի բանակն հրատարակելով պետութեանց, որ «աշխարհակալութեան մը համար չէր, որ կը պատերազմէր, նա մանաւանդ պիտի յարգէր միշտ գերմանական պետութեանց անկախութիւնը, այլ Պրուսիոյ անյագ փառասիրութեան դէմ դնելու համար, որ ամենուէն ալ անվստահութիւն ներշնչեց և բռնադատեց էր ամեն ազգ զինուց մեծ հանդերձանքներու, որով Եւրոպա պատերազմի դաշտ դարձեց էր»: Ընքը ուրիշ բան չէր ուզեր, բայց այնպիսի վիճակ մը՝ յորում ամեն պետութիւն ապահով ըլլայ իւր ապագային, որով և խաղաղութիւնը հաստատուն հիմանց վրայ դրուի. «Մեծ ժողովուրդ մը, կը յաւելուր, որ կը պաշտպանէ արդար դատ մը, աննկուն է»:

Նապոլէոն Գ. և իւր պաշտօնեայք բոլորովին տարբեր գաղափար մը շինած էին Եւրոպիոյ ազգաց և վարչութեանց նկատմամբ: Իրենք կը համարէին և կը յուսային, որ Գաղղիոյ ձայնը ամենամեծ ազդեցութիւն մը պիտի ունենար օտար ազգաց վրայ և պաշտօնարանք պիտի փութային նիզակակցութեան կամ բարոյական միութեան մը Գաղղիոյ հետ ընդդէմ Պրուսիոյ: Պաշտօնական Գաղղիա կը համարէր որ հազիւ Գաղղիոյ բանակը երեւնայ, Պրուսիա անմիջապէս եւրոպական դաշնակցութեան մը վախէն պիտի խոնարհի և հաշտութիւն պիտի խնդրէ: Սակայն գաղղիացի պաշտօնարանը բնաւ արձագանք մը չգտաւ իւր ջանից և զգացմանց և ամեն կողմ չէզոք մնալու որոշողութիւնը գտաւ. նոյն իսկ Զուիցերի, Իէլճիա, Հոլանդա, և Իտալիա, որոնք

մասնաւոր համակրութիւն մը ունէին առ Գաղղիացիս, չուզեցին բնաւ չէզոքութենէն զիծ մը շեղիլ: Եւ այնքան ծանուցին Գանձարքա և Աւստրիա: Եւ այն յԱւստրիա ոմանք, որ Գաղղիոյ հետ դաշնակցութեան մը գաղափար յղացան ոտք հանելով և զԼեհացիս, որոց համար այնքան համակրութիւն յայտնեի էր Գաղղիա, սակայն լեհական խնդիր մը կրնար տագնապեցնել զՌուսաստան և զանիկայ միացնել Պրուսիոյ հետ ընդդէմ Աւստրիոյ, որով Բայտ խոհեմութիւն համարեցաւ Գաղղիոյ նկատմամբ խիստ չէզոքութիւն պահել: Անգղիոյ ժողովուրդը և լրագիրք աւելի հակակրութեամբ էին ընդդէմ Պրուսիոյ, բայց երբ կոման Բիսմարք հրատարակեց Նապոլէոնի տեսութիւնը և իղձերը Բէլճիոյ նկատմամբ, Անգղիացիք փոխուեցան և պաշտօնարանը ծանոյց որ Բէլճիոյ հողոյն ո՛ր և է փոքր զրաւում մը, առիթ պիտի համարուէր պատերազմի՝: Այսպէս Եւրոպիոյ Պետութիւնք առ հասարակ սահմանած էին չէզոք ընթացք մը ունենալ, որով և պատերազմը մնաց բովանդակապէս ընդ մէջ Պրուսիոյ և Գաղղիոյ:

7. — Արդէն երկու բանակները սկսած էին իրենց շարժումները դէպ ի թշնամուոյն սահմանագլուխները: Գերմանական բանակը, որ Բավիէրայի Պալատինեան հողէն կը չուէր ի Գաղղիա Բուլխի վերջերը, երեք սիւնակ բաժնուած էր: Աջ թեւը բաղկացեալ էր 60,000 զինուորներէ, որոց կը հրամայէր զօրավարն Շտայնմէց, կեդրոնը ունէր 260,000 զինուորք և 534 թնդանօթք և հրամանատարն էր իշխանն Պրեզերիկ Կարլ. ձախակողմեան հրամանատարն էր թագաժառանգ իշխանը Պրեզերիկ, որ ունէր 180,000 զինուոր և 480 թնդանօթք, իւր սպայակուտին գլուխ էր զօրավարն Բլու մէնթալ: Թագաւորը իբր ընդհանուր սպարապետ կը

Գաղղիական և պրուսական բանակները. — Թշնամութեանց սկիզբը. — Սարբորուքն:

1. Գաղղիացի գրիչը Բիսմարքի այս գործը մասնութիւն մը համարած են: Բայտ է որ պատուարեի ուղղութիւն մը չէր, երբեմն բարեկամի զգոտի բանակցութիւնք յերեւան հանել յետոյ թշնամութեան ժամանակ:

գտնուէր կեդրոնին մէջ, ունենալով հետը ընդհանուր սպայակուտին գլուխը զգորավարն Մուտքէ, ուղղիչ և կարգադրիչ այսպիսի հզօր և կրթեալ բանակի մը: Թաւաւորին հետ էին նաեւ Գերմանական Հիւսիսային դաշնակցութեան Ատենադպիրը կոման Բիսմարք և Պոն Ռուն պաշտօնեայ պատերազմի: Ուրիշ շարժուն ջոկատներով զօրավարն Պոկէլ ֆոն Պուրէնշտայն հիւսիսային ծովափանց պաշտպանութեան կը հսկէր, ընդդէմ թշնամոյն նաւական փորձի մը: Այս չորս բանակը մէկ մէկու հետ կապուած էին հսկուած ճամբաներով և գերման բանակը ամեն յառաջելուն միշտ կ'ապոհովցնէր բանակաց յարաբերութիւնքը: զորք մը՝ որ իրենց յաղթութիւնը պիտի դիւրացնէր, և յորում առաջին օրուրնէ պակասաւոր գտնուեցան Գաղղիացիք, որով և տեսնուեցաւ գաղղիական բանակին և սպայակուտին տկար կազմակերպութիւնը և կրթութիւնն բաղդատմամբ գերմանականին:

Գաղղիական բանակը ի սկզբան երեք մեծ մասի բաժնուած էր: Առաջինը՝ որ կը կոչուէր բանակ Հոննոսեան 200,000 հոգի, Մէցի չորս կողմերն էր ընդ հրամանատարութեամբ Բազէն մարաջախտին և կանրուբէր զօրավարին: Կայսերական սահապանաց գլուխ էր զօրավարն Բուրբաքի: Այս հոննոսեան բանակն եկաւ կայսրն Նապոլէոն Գ. իւր որդւոյն և պատերազմի պաշտօնեայ մարաջախտ Լըբէօֆի հետ: Հոննոսեան բանակին դէպ ի Արեւելք կը գտնուէր Հարաւային բանակը, 100,000 զինուորք, յորս էին թուրքոսք և Ալճէրիի զուաֆք: Այս բանակին կը հրամայէր մարաջախտն Մակ-Մահոն, դուքս Մաճէնտայի, ունենալով հրամանատար յառաջապահ գնդին՝ զգորավարն Գուէյ, որ արդէն բանակած էր յ'()փէնհայմ: Մերձ ի Շալոն կը պատրաստուէր երրորդ բանակ մ'ալ, մեծաւ մասամբ շարժուն պահապաններէ: Գարձեալ զօրաւոր նաւատորմիդ մը զրկուած էր Հիւսիսային և Բալթիկ ծովերուն մէջ Պրուսիոյ նաւահանգիստներուն որ և է յարաբերութիւն խափանելու համար:

Այս ծրագիրը որ պատրաստուած էր Նիէլ մարա-

ջախտէն յամենայն դէպս, և ըստ ռազմագիտոսց շատ իմաստութեամբ, անդէն պատերազմին սկիզբէն թողուեցաւ՝ Բանակք բաժնուեցան: Առաջնոյն հրամանատարն եղաւ մարաջախտն Մակ—Մահոն ի Սղրազբուրկ. Բ.ին զօրավարն Ֆրոսսար ի Սէն—Ալոլտ. Գ.ին մարաջախտն Բազէն ի Մէց: Գ.ին զօրավարն Լամիրօ ի Թիրնվիլ. Ե.ին զօրավարն Ֆոյյի ի Բիչ և Ֆալսպուրկ. Զ.ին մարաջախտն Կանրորէր ի Շալոն. Է.ին զօրավարն Գուէյ ի Կոլմար և Բէլֆոր. Պահապանաց հրամանատար զօրավարն Բուրբաքի ի Նանսի: Զօրավարաց մէկ մէկու նկատմամբ նախանձներուն պատճառաւ, կայսրը ինքնին առաւ ընդհանուր հրամանատարութիւնը, իրօք անկախ թողով իւրաքանչիւր հրամանատար: Միայն ի հարկին պէտք էին մարաջախտի մը հրամանատարութեան ներքեւ մտնել:

Ոգոստոս 4ին Նապոլէոն Գ, իւր թագաժառանգ իշխանին հետ հասաւ Ֆրոսսար զօրավարին բանակը, որուն ձեռաց ներքեւ պատերազմական հրահանգ ստացած էր կայսրորդին և գունդերուն հրաման տրուեցաւ յառաջել դէպ ի Սաարբրուքէնի բարձունքը և տիրել քաղաքին: Սաարբրուքէն ճարտարարուեստի անպաշտպան քաղաք մ'էր, յորում կային 15(00) պրուսիացի զինուորք ընդ հետեւակ և ընդ հեծեալ ընդ հրամանատարութեամբ Պէստէլ հազարապետին. որ իմանալով գաղղիացուցոց այդքան մեծ գունդերով դիմելը, չուզեց փութով թողուլ քաղաքը և իւր զօրքը քաղաքին արեւմտեան կողմը ամփոփեց պաշտպանութեան համար: Գաղղիացիք իրենց ոյժը տարածեցին և գետին ձախակողմեան բարձանց վրայէն մեծ կրակ մը սկսան պրուսիացի գունդերուն վրայ: Պրուսիացի հազարապետը ետ քաշուեցաւ հանդարտութեամբ, միայն ետեւէն հեծեալները քիչ մը ժա-

1. Մարաջախտն Նիւի մեռաւ պատերազմէն քանի մը ամիս առաջ, երբ պատերազմը սկսաւ ձախողել, այն ատեն կրկին դարձուեցաւ Նիւի մարաջախտի ծրագրին և բանակները ամփոփուեցան, Բազէն և Մակ—Մահոն մարաջախտներուն հրամանատարութեան ներքեւ:

մանակ եւս թողլով, որպէս զի դիտեն թշնամոյն ընկւիբը: Գաղղիացիք բարձունքներէն իջան պատերազմի դաշտը և զայն բռնեցին: Լըկու կողմանէ ալ գրեթէ հաւասար կորուստ եղեր էր: Պրուսիացոց կողմանէ մեռեր էին 2 սպայք և վիրաւորուիք էին 73 զինուորք. իսկ Գաղղիացոց կողմէն մեռեր էին 6 զինուորք և 67 վիրաւորք¹:

Այս փոքր գուպարածը, որ, կերպով մը ի գործ դրուեցաւ, կ'ըստի, գաղղիական անհամբերութիւնը գուհացնելու համար, իբր սկզբնական մեծ յաղթութիւն մը հռչակուեցաւ, յորում կայսերագուն իշխանը « որ անցեր էր հրոյ մկրտութենէն», ստացաւ զինուորական մետալը: Պարիս խնդութեամբ ոտք ելաւ և լրագիրք մեծ գրերով հռչակեցին « Սաարբրուքէնի յաղթութիւնը: Սաարբրուքէն նորէն գաղղիացի քաղաք մը եղաւ: Սաարի փառաւոր հանքածխոյն բովքը, Գաղղիացոյն է ալ, Սաարբրուքէն առաջին կայարանն է, փութով պիտի հասնինք ի վերջինն՝ որ է Բէռլին»²: Կապուէտն Փ. առ կայսրուհին գրած նամակին մէջ կը պատմէ կայսերագուն իշխանին աներկիւղ արութիւնը գնդակաց ներքեւ, և «հրասփիռն² թնդանօթին առաջին զարմանալիքները»: Կայսրը գոհ Սաարբրուքէնի գուպարածէն և բարոյական արդիւնքէն, դարձաւ ի Մէյ:

8. — Զօրավարն Ֆրոսսար քիչ օր վերջը ըմբռնեց, որ պրուսիացի բանակին մերձենալովը հարկ էր թողուլ զՍաարբրուքէն և քաշուիլ Ֆորպախի և Սպիքերէնի բարձանց վրայ, ուսկից վար հրկիբը մերթ ընդ մերթ ծառատունկ, հրքեմն հովիտ և փոս ամենայարմար էր պաշտպանելու և անվտանգ պատերազմելու. միանգամայն հոս հոն հրանօթիւք ամբարտակներ կարող էին թշնամոյն յառաջելը խափանել:

(Պոստոս Գին հոն հասաւ պրուսիացի յառաջապահը ընդ հրամանատարութեամբ Դասդրով և Փամէքէ զօրա-

Պատերազմունք ի Ֆորպախ և ի Սպիքերէն. — Ցաղթութիւնը Գերմանացոյ:

1. Մեծիոց և վիրաւորելոց թիւր նշանակած ենք իւրաքանչիւր ազգի պաշտօնական ծանուցմանց համեմատ:

2. Մ'հրաբուիզ:

վարաց և փորձեց ի գուր ղիմելու ղէպ ի բարձունքը, ուր շատ անձինք զոհ եղան: Հրանոթից որոտման ձայները հասնելով մինչեւ երկրորդ բանակը, հոն զրկուեցաւ նոր գունդերով գորավարն Ալվէնալէբէն: Կրկին ամրողջացան և նորոգուեցան գունդերը և գերմանացի զինուորը յարձակեցան մոլեգնութեամբ թշնամուոյն ամուր ղիրքերուն վրայ ղէպ ի բարձունքը: Գաղղիացիք եւս հաւասար մոլեգնութեամբ և ահաւոր կրակով կը մրցէին պաշտպանել իրենց ղիրքերը. գերմանացիք չկրցան յաղթել Գաղղիացուց եռանդին և եղաւ ժամանակ մը որ գերմանք բռնադատուեցան յետս ընկրկիլ հովիտներուն մէջ և Գաղղիացիք յոյս մը ստացան յաղթութեան. բայց թշնամուոյն ետեւէ ետեւ նոր գունդեր հասան, որոց գլուխ կեցաւ զօրավարն Կէօբէն և հրամայուեցաւ ընդհանուր յարձակումն ղէպ ի բարձունքը: Գաղղիացիք ամենայն եռանդեամբ ընդ երկար մրցեցան անտառին բերանը, ոսկից հարկ էր անցնիլ բարձանց վրայ ելլալու համար և ծառերու կոնակը պաշտպանուած շատ ժամեր կասեցուցին թշնամիքը, ահաւոր կրակով մը, և մինչեւ սկսան իսկ յառաջել թշնամուոյն վրայ: Սակայն քիչ վերջը հասնելով գերմանացի 15րդ բանակին հետեւակը և 5րդ բանակին հրանոթքը, Գաղղիացիք սկսան տկարանալ և բռնադատուեցան թողուլ բարձունքը և քաշուիլ ղէպ ի Սպիքէրէն: Հասաւ գիշերը վրայ և տակաւին պատերազմը կը տեւէր մոլեգնութեամբ, մինչեւ որ Գաղղիացուց մթերքը եւս պակսելով, գունդերը սկսան քաշուիլ. նամանաւանդ խառն ի խուռն փախչիլ ղէպ ի Ֆորրախ և անկէ Սէնդ-Ալուտ. թողուով ճամբուն վրայ ցանուած զէնք, պաշարք, սայլեր և ամենայն ինչ: Պրուսիացիք տիրեցին նաեւ Ֆորրախի, ուր անբաւ մթերքը գտան ինչպէս նաեւ Ա. և Բ. գունդերուն: Գերմանք կորսնցուցեր էին 3000 հոգի, ընդ մեռեալ և ընդ վիրաւոր. իսկ Գաղղիացիք 4000 հոգի և որ աւելի տխուր՝ 2000 գերի¹:

1. Գաղղիացի զրիքը կ'ամբաստանեն զմտաբախտն Բագէն որ Կրորդ բանակով գտնուելով ի Սէնդ-Ալուտ և ոչ ջոկատ մը զրկած էր օգնութեան:

Պորբախի պատերազմին օրը երկու կողմանք ուրիշ ահաւոր կոխ մ'ալ կ'ունենային ի Ռայխսհոֆէն:

Մարաջախտն Մակ—Մահոն Յուլիս 2(ին համեւ լով ի Ստրազբուրկ, անմիջապէս ստանձներ էր հրամանատարութիւնը, սակայն առանց հետը Ռարիզէն բերելու մասնաւոր պատերազմական ծրագիր մը: Օգոստոսի առջի օրերը Ա. զօրաբաժնին բանակները դէպ ի Ռափիէրայի սահմանագլխոյ վրայ տեղաւորեցան ի Հակրնո, Վլասէնբուրկ, Ռայխսհոֆէն և Ֆրէոշվիլէր: Առաջին բանակին որ ի Վէօրթ՝ կը հրամայէր զօրավարն Գիւկրօ, Բ.ին ի Հակրնօ՝ զօրավարն Գուէյ, Գ.ին և և Գ.ին ի Սդրազբուրկ զօրավարքն Ռաուլ և Լարտիկ: Մակ Մահոն Գուէյ զօրավարին հրամայած էր Առաջին բանակին կերկրորդ զօրաբաժնով, բռնել Վլասէնբուրկ, կեդրոն շատ մը ամուր տեղեաց զիծերու և նշանաւոր յամին 17(3) Յեղափոխութեան պատերազմներով:

Պրուսիոյ թագաժառանգ իշխանը գուշակելով շարժումը թողուց Օգոստոս 3ին Սփիտ իւր բանակետը և Գին զԼանդաւ, և չուեց ի Լաւդէր, Վլասէնբուրկի և Լաւդէնբուրկի մէջ. վիւրտէմբերկցի և բաղէնցի բանակներն ալ նոյն առաւօտ անցան զՀոենոս ի Մարսաւ՝ Լաւդէնբուրկի մօտ: Աջ զօրաբաժնին կազմեալ Ռավիէրայի գունդերէ, որոց կը հրամայէին զօրավարքն Թանն, Հարթման և զօրավարն Ռոթմէր, շլեզիացիներէ և բաղէնցիներէ, ընդ հրամանատարութեամբ Քիրխպախ զօրավարին և Հեսսէի և Կասաւի և Թուրինկիոյ գունդերէն, որոց կը հրամայէր զօրավարն Ռոզէ, նախ թըշնամոյն մօտեցան և զօրավարն Ռոթմէր հրաման ստացաւ բաղիսել ի Վլասէնպուրկ զգաղղիացի բանակը, մինչ պրուսիացի գունդերը պիտի նպաստէին յարձակման և Ռաղենցի և Վլուրդէմբուրկցի գունդերը ընդ հրամանատարութեամբ Վէրթէր զօրավարին պիտի կոռէին Լաւդէնբուրկի դէմ: Զարմանալին այն է, որ այս ընդարձակ շարժումը գաղղիացի բանակը չէր զգացած և մինչ Բ. զօրաբաժնին զինուորք նստեր էին իրենց ճաշ տանլու, յանկարծ Պրուսիացւոց գնդակները անձրեւի

պէս սկսան տեղալ և Գաղղիացիք աճապարանօք զիմեցին թնդանօթներուն քով և սկսաւ ահաւոր կոխ մը: Զօրավարն Ռոթմէր երկու անգամ փորձեց տիրելու բարձունքներուն և երկու անգամ վանուեցաւ. բայց Պրուսիոյ թագաժառանգ իշխանը, որ ժամը 9էն ի վեր նվաճկէնի արեւելեան բարձունքը բռնեք էր, կը փութացնէ իւր գունդերէն մին ղէպ ի Վիսսէնրուրկ: Գաղղիացիք ամրացած Գայսէրկի մէջ, որ Վիսսէնրուրկի ղէպ ի հարաւ ունէր բլուր մը և բերդ մը, ահաւոր կրակ կը թափէին թշնամեաց վրայ ընդ հրամանատարութեամբ Արէլ Գուէյ զօրավարին, երբ Պրուսիոյ թագաժառանգին զրկած գունդը հասաւ և սկսաւ բաղխել ճակատէն հրամօթիւք զԳայսէրկ: Գաղղիացի պահանդըք անհնարին եռանդեամբ կը մրցէին. թնդանօթի գնդակ մը արղէն սպաններ էր զզօրավարն Արէլ Գուէյ. ռազմական մթերքին սկսան սլակսիլ և պրուսիացի հրամանատարը մտաւ ի Գայսէրկ մրցելով փողոցէ փողոց: Ամրոցին մէջ մնացեք էին միայն 200 զինուորք առանց պաշարի, որոնք անձնատուր եղան: Բանակին մնացեալ մասը ճաֆուզի կողմէն քաշուեցաւ, թողլով թշնամոյն ձեռքը գաղղիացի ճամբարը, թնդանօթ մը, շատ մը մթերք, հազար գերի և Գուէյ զօրավարին մարմինը: Այս առաջին յաղթութիւնն էր որ գերմանացի բանակը կ'ընէր Գաղղիոյ հողին վրայ, և անհնարին է նկարագրել զինուորաց ուրախութիւնը, եռանդը և գոչիւնները երբ Պրուսիոյ թագաժառանգ իշխանը բանակը եկաւ յայտնելու իւր ինդակցութիւնը¹: Այս պատերազմով Գերմանացւոց կը բացուէր Ալգաս և երկաթուղւոյ գիծը Լանդաւի վրայէն ղէպ ի Ստրագբուրկ և

1. Գաղղիացի պատմագիրք Վիսսէնրուրկի պատերազմը տեւեկեալ պատճառ մը կը համարին. որով և յաղթութիւնը ոչ այնքան պատուարեք թշնամոյն: Գերմանացի «Սպառնուտի հրատարակութիւնք» կը սուգտանէ զՄակ Մահն որ Գուէյ զօրավարին բանակը բոլորովին «օդոյ մէջ դրած էր»: առանց կրթելու: Ա. Զօրաբաժնին վրայ, և կը սուգտանէ զԳիւրկը, որ Գուէյ զօրավարին հրաման տուած էր ընդունիլ կոխը:

Բազիլէա, որով և Մէջի զիծր: Ուրիշ ճիւղով մ'ալ կը բացուէր իրենց Լիւնրվիլի և Նանսիի ճամբան ընդ Վոժ. որով և գերմանական այս առաջին յաջողութիւնը մեծ ազդեցութիւն պիտի ունենար ամբողջ պատերազմին վրայ:

Այնքան արագ եղած էր այս պատերազմը և պարտութիւնը, որ Մակ Մահոն սկիզբը և վերջը միաբան լսեց և զօրավարն Գիւկրօ կէս օրին հասնելով ի Լէմբախ, երբ Պիժէնիէի բարձունքը ելաւ, տեսաւ որ արդէն գաղզիապի զինուորք ցիրուցան կը փախչէին: Երկու կողմանէ ալ շատ զոհեր եղան. Գերմանացիք կորսնցուցին 91 սպայք և 14(6) զինուորք ընդ մեռեալ և ընդ վիրաւոր: Քայգէրբէրկ հազարապետը իւր կեանքը տալով, հազիւ կրցաւ իւր գնդին դրօշակը ազատել: Իսկ Գաղզիացոց կորուստն եղաւ 8(8) մեռեալ: Սակայն Վիսսէնրուրկի պատերազմին պարագայք բոլոր Էւրոպիոյ յայտարար եղան գերմանական բանակին կանոնաւորութեան, քաջութեան և անձնանուիրութեան. նոյն համարը աւելի աճեցաւ երկու օր վերջը Վէօրթի պատերազմով:

Մակ Մահոն իր երեք զօրաբաժինները ամփոփեք էր Ռայխսահոֆէնի մօտ, ուր Օգոստոսի 4է 5ի զիշերը լսեց Վիսսէնրուրկի պարտութիւնը: Այս ձախող զէպքին տպաւորութիւնը բառնալու համար ուրիշ յաղթութեան մը պէտք ունէր կայսրը և Մակ Մահոն կը համարէր որ իւր առջեւ կը գտնուէր միայն այն զօրաբաժինը, որ կոտեւր էր Արէլ Դուէյ զօրավարին բանակին զէմ. և միտքը դրաւ Սաւէրբախ գետին վրայ սպասել թրշնամոյն: Միանգամայն իմացաւ որ կայսրը իր հրամանատարութեան ներքեւ կը դնէր Է. և Է. զօրաբաժինները, որոց կը հրամայէին զօրավարքն զը Ֆայյի և Ֆէլքըս Դուէյ՝ եղբայր սպանելոյն. ինչպէս Բազէնի հրամանին ներքեւ կը դրուէին Բ. Գ. և Դ. զօրաբաժինները: Մակ Մահոն ժողովեց բոլոր իւր բանակները. ձախ թեւին կը հրամայէր զօրավարն Գիւկրօ և աջ թեւին զօրավարքն Լարտիկ և Կոնսէյլ Գիւմէնիլ: Պրու-

սիոյ թագաժառանգ իշխանը Ֆրեդերիկ Գուլիէլմոս, հանդարտաբայլ առաջ կու գար ղէպ ի Վլխասէնբուրկ և կը բռնէր Վէօրթի բարձունքը մինչեւ ի կանոդէր, զոր Մակ Մահոն թողուցեր էր: Իշխանը միշտ յարարերու-թեանց մէջ միւս բանակաց հետ, կը յառաջէր պատե-րազմական արհեստի ամեն գիտութեամբ, շարունակ ընդունելով եւս թարմ օգնութիւններ: Մակ Մահոն պատերազմը սկսելէն առաջ զը Ֆրայի զօրավարին լուր ղրկած էր հասնելու իւր բանակով և նեցուկ ըլլալու պատերազմին. Մակ Մահոն ունէր միայն 41,000 զինուոր: Պատերազմին առաւօտը՝ զօրավարներէ ոմանք տեղեկանալով թշնամոյն մեծամասնութեանը և զօրութեանը, խորհուրդ տուին Մակ Մահոնի պատերազմը չսկսիլ կամ չընդունել և նահանջել ղէպ ի վժ: Մարախտը գրեթէ համոզուած էր և մինչեւ իսկ հրաման տուաւ նահանջելու, բայց շատ ուշ էր և արդէն կոհը սկսեր էր:

Գաղղիացիք և Գերմանացիք մէկ մէկու զիմաց գրտնուեցան ()գոստոս 6ի առաւօտեան ժամը 7ին երկու գանազան կէտերու վրայ ի Վէօրթ և ի Գիւնսդէտ: Ի Վէօրթ Գերմանացիք յարձակողականը սկսան, իսկ Գաղղիացիք ի Գիւնսդէտ: Այնքան ահաւոր էր Գաղղիացոց կրակը, որ Բավիէրացիք չկրնալով զիմանալ, սկսան նահանջել և Մակ Մահոն անոնց քաշուիլը տեսնելով, բոլոր իւր ոյժը սկսաւ հաւաքել ի Վէօրթ, և պատերազմը հոն սաստկացաւ: Բավիէրացիք որ քաշուեր էին, իրենք ալ ղէպ ի Վէօրթ զիմեցին հոն նեցուկ ըլլալու կողմնակի պատերազմող գունդերուն: Ահագին մարդկային բուռն հեղեղ մ'էր որ կը զիմէր գաղղիացի գունդերուն վրայ, որոնք զիւցազնական բաջութեամբ կը մրցէին. Միլլրայյեօֆի հարուածները ոչինչ էին գերմանական ճիշտ չափուած և կշռուած հարուածներուն զիմաց, յորոց ոչ մին կը վրիպէր: Գերմանացոց ետեւէ ետեւ նոր գունդեր կը հասնէին կոռուին տեղը. մինչ Գաղղիացիք արդէն նուազ թուով սկսան տրկարանալ: Զօրաց խրախոյսը ոգեւորելու համար ձայն

տարածուեցաւ որ Ե. բանակը կը հասնէր զը Ֆայտի հետ, մինչ սա կը գտնուէր ի Սարրըկրմին և Բիչ: Կէս օրուան ժամը մէկին ժամանակ Պրուսիոյ թագաժառանգ իշխանը Վէօրթի բարձանց վրայ ինքը առաւ պատեւ-րազմին հրամանատարութիւնը. Վիւրտէմբերկցիք միա-ցան Պրուսիացոց, Բաւիերացիք նոր օգնութիւններ ստացան և Ե. բանակը փութով տիրեց ընդ մէջ Վէօրթի և Ֆրէօշվիլլէրի եղած զագաթան և ժՈՒ. բանակն ալ յարձակեցաւ Քաղզիացոց աջին վրայ, որ սկսաւ քիչ քիչ բաշուիլ ի Նիտերվալդ: Լարտիկ և Կոնսէյլ Տիւ-մէնիլ զօրաբաժինը քաջութեամբ դէմ կը դնէին բազիւ-ման, բայց կը տեսնեն որ ահաւոր դիրքի մէջ են և արդէն զուաֆներու և որսորդներուն հրամանատար հա-զարապետը ինկած են: Զօրավարն Լարտիկ բոլոր իւր պահեստը գործածել էր. կը մնար միայն Միշէլ զօ-րավարին զրահաւորաց ջոկատը և անոր ալ հրամայեց յարձկել: Այն ատեն պատահեցաւ այն այնքան ան-նպատակ բայց շքեղ և պանծալիլ յարձակումը որ մինչ-չեւ գրեաթէ վիպասանական համբաւ մը ստացած է: Հազար հոգիէն աւելի ձիաւորք, չնայելով որ և է ար-գելքի, ամեն երազութեամբ անցնելով, ցատքելով կտրտած ծառերու փոսերու վրայէն թշնամոյն տեղա-տարափ կրակին մէջէն կ'ընթանան ի Մալսպրոն նոր կազմուելիք գունդերուն վրայ: Քաղզիացի հետեակ գունդերը ի թիկանց իրենց կրակովը կ'ուզեն օգնել անոնց, բայց ի գուր, զրահաւորք կը սկսին խորտա-կուիլ թշնամոյն առջեւ, կրակներուն ներքեւ. և այն շքեղ գնդէն հազիւ 150 հոգի կը մնան որոնք ցիրուցան միւս հեծելոց հետ Սաւէրի մօտ կը հանդիպին պրու-սիացի գունդերու, որոց հետ կրկին կը ստիպուին պա-տերազմիլ: Ժամը երեք էր Միշէլ զօրավարին զրահա-ւոր ջոկատը ամբողջովին անհետացել էր: Քերմանացի բանակը տիրեց Էլզասհաւզէնի գոր ի գուր կրկին փոր-ձեց ձեռք բերելու զաղզիացի հետեակը: Պրուսիացի գունդերը պահուրտած այգիներու մէջ և ամբարտակնե-րու կոնակը՝ անթիւ ջարդ ըրին Բոննրման զօրավարի


գունդերուն, որ հրաման ստացել էր նոր յարձակման մը: Ահաւոր շուարում մը տիրել էր գաղղիացի գունդերուն վրայ: Շատ գունդեր փորձեր էին յարձակելու, բայց ամենն ալ մեծ վնասներ ունեցել էին, և սակայն տակաւին եռանդեամբ կը շարունակէին կոռուելու: Ժամը կէսօրուան չորսին Պրէօշվիլէրի բով ահեղ կոխ մը սկսաւ. Գերմանացոց զօրքը միշտ կը փոխուէր, իսկ գաղղիացիք սպառել էին: Մակ Մահոն երկու ձի փոխել էր. զօրավարն Ռաուլ՝ վիրաւորեալ դեռ կը շարունակէր կոռուելու փողոցներուն մէջ երբ գերի բռնուեցաւ: Կոխը շարունակեց մինչև ժամը 5. հուսկ Գաղղիացիք սկսան փախչիլ և Գերմանացիք տիրեցին Պրէօշվիլէրի, յաղթութիւնը հռչակեցին և սկսան փախստականաց ետեւն ինկնալ:

Պատերազմը 15 ժամ տեւել էր և հարկ է վկայել երկու կողման ալ ամենամեծ անձնանուիրումը և դիպագնական քաջութիւնը պատերազմի դաշտին վրայ: Թափէրացի և Վլարակմէրկցի բանակները կորսնցուցել էին 8000 հոգի, յորոց 400ը սպայք: Իսկ Գաղղիացիք կորսնցուցել էին 7000 հոգի, 8000 գերի, յորոց կէսը գուաֆը և թուրքոսը, 30 թնթանոթք, 2 արծիւք, բանակին զրամարկղը, բնդհանուր զօրավարին սպասքը, անբաւ սրաշար, բայց ամենէն ծանր և ամենէն ցաւալին Գաղղիացոց համար այն էր որ այս պատերազմով կը կորսնցնէին զԱլզաս որ բաց կը մնար գերմանական բանակին առջև:

Իսկ Մակ Մահոնի և կամ Հոենոսեան բանակին մնացորդք, ցիրուցած դիմեցին շատ նեղութեամբ և զոհողութեամբ մինչև Շալոն կարելով զնխորրբոն, և Դանսի. ամեն կողմ տիրուր ազդեցութիւն մը թողլով: Հոն հասան նաև Մակ Մահոն և զը Ֆայյի, ըիչ վերջը հասաւ նաև Գուէյ զօրավարին բանակը, որով ոչ մի զինուոր մնաց Ալզասի մէջ: Այդէս թագաժառանգ իշխանին բանակը կրցաւ մի առ մի տիրելու Հոենոսի ձախ ափանց վրայ եղած ամեն բերդերու և երկաթուղոյ գիծերուն, զորս անվնաս թողել էր Մակ

**Մահոն, և հասնելով Ստրազբուրկի դիմաց, հոն թողուց
Բաղէնի բանակ մը քաղաքը պաշարելու և դիմեց ի
Բէլֆոր:**

Պատերազմը դեռ նոր սկսեր էր և Գաղղիա կը
կորսնցունէր իր երկու զաւառները և թշնամին իր հո-
ղին վրայ էր: Գաղղիոյ զօրավարը արդէն փորձ մը
տուելու էին իրենց աստիճանին համեմատ կարողութիւն
չունենալնուն և տարտամ ծրագրին:



Գ Լ ՈՒՆ Է .

ԿԱՅՍՐՈՒԹԵԱՆ ՎԵՐՋԻՆ ՕՐԵՐԸ . ՍԷԿՍՆ

1. Պատերազմին առաջին արձագանգները ի Պարիս . — 2. Պարիս պաշարման վիճակի մէջ . — 3. Ռուսացիք ժողովքը — Անկուսն Լամիլ Օլիվիէ պաշտօնարարներն — Գր Պալիկաս պաշտօնարան . — 4. Գերմանացի բանակը ի Լորէն — Պատերազմունք ի Բէննի, Ռոզէնվիլ կամ Մարզլաթուր . Գրավուրթ . — 5. Բազէնի բանակը պաշարուած Մլցի մէջ — Պատերազմունք ի Սէն Պրիվա — Ս . Բարբ . — 6. Պատերազմին արձագանգը ի Բէռլին եւ ի Գերմանիա . — 7. Մակ Մաշոնի բանակը . — 8. Սլզան — Մակ Մաշոնի վերաւորուիլը — Չօրտվարն վէրֆէն հրամանատար բանակին . — 9. Ցանդուզն պաշտպանութիւն — Անժնասրութիւն գաղղիական բանակին . — 10. Նապոլէոն Գ.ի գերութիւնը :

1. — Նապոլէոն Գ.ի բանակը մեկնելու օրէն Պարիսու ժողովուրդը անհամբեր կը սպասէր յաղթութեանց լուրերուն և բանակին Բէռլին հասնելուն (Պոստոս 15ի, կայսերութեան տօնախմբութեան օրը : Այս էր առհասարակ ամենուն ստոյգ կարծիքը անոր համար մեծ ուրախութեամբ կարգըցուեցաւ վարչութեան (Պոստոս 2ի որմոց վրայ կպուցած ծանուցագիրը, որով կ'իմացնէր ժողովրդեան Սաարբրուքէնի պատերազմը և յաղթութիւնը, յորում « գունդերը մեծ եռանդեամբ կռուեր էին . կայսրն եւս ներկայ էր կռուոյն և կայսերազուն իշխանը » : Պարիսու ժողովուրդը այս ծանուցագրին վրայ անմիջապէս մեծ ուրախութեամբ փողոցները և բուլվարները լեցուցեցաւ, և եռանդեամբ կը վիճէր բանակին

Պատերազմին
առաջին արձագանգները ի
Պարիս :

յաղթական ընթացքին վրայ մինչև Պրուսիոյ մայրաքաղաքը : Սակայն քիչ քիչ գաւառներէն եկած լրագիրք Սաարբրուքէնի յաղթութիւնը իր չափաւոր և սահմանափակ վիճակին մէջ գրին : ()գոստոս 5ի երեկոյեան դէմ ուրիշ պաշտօնական ծանուցագիր մը կ'իմացնէր համառօտիւ Վիսսէնրուրկի քով թշնամոյն յարձակումը, որուն արութեամբ դէմ գրեր էր բանակը և Աքէլ Գուէյ զօրավարը մեռեր էր, կը յաւելուր որ՝ «մարաջախտն Մակ Մահոն կը ջանայ տեղոյն վրայ հաւաքելու իր ձեռքին տակ եղած գունդերը » : Լւերպոյի մայրաքաղաքաց Կոյն երեկոյի ամեն լրագիրք մանրամասն կը պատմէին պատերազմին պարագայը. պաշտօնարանն եւս ստացած էր ստոյգ լուրը, սակայն չէր ուզել յայտնել ժողովրդեան, խիթալով անակնկալ յուզում մը. և լրագրաց խիստ կերպով լռութիւն պատուիրած էր, խոստանալով որ ինքը շարունակաբար հաղորդէ լուրերն : Ամբոխը դիմեր էր բուլվարներուն վրայ նոր լուր մը ստանալու նպատակաւ և անթիւ բազմութիւն մը մշտամնաց կեցեր էր Արդարութեան և Ներքին գործոց պաշտօնարաններուն դիմաց, « լուր » կանչելով, բայց տուող չկար : Այն միջոցին ձայն տարածուեցաւ որ Գրէհէր և Հիրշ զրամափոխք մեծամեծ գումարներ զրկեր էին ի Պրուսիա : Ժողովրդեան մաս մը սպառնալից եղանակաւ գնաց պաշարեց նոցա գրասենեակքը, ուրիշներ սակարանի դիմաց խռնեցան. այլք պրուսիացւոյ մը տան դիմաց ժողուեցան և փեղկերուն վրայ գրեցին. « Մահ Պրուսիացւոց » : Զինուորք և պահապանք կը դիմէին ամեն ուրեք ամբոխը զսպելու : Խումբ մը մարդկան սկսաւ քար նետել զինանշանի մը վրայ պրուսիական զայն համարելով. հարկ եղաւ որ ոստիկան մը ելլէ վեր և պատուհանէն գրուած կախէ որ « Յարգեցէք Ռուսիոյ զինանշանը » : Այն ատեն սպառնալիքները ծափահարութեան փոխուեցան : Այս ահաւոր ամբոխը մինչև գիշեր, հովէն վարնուած ալեաց նման, փողոցներու մէջ տարուրեր գնաց եկաւ : Ապա քիչ քիչ քաշուեցաւ ամենայն ոք իր տունը :

2. — (Չգոտոս Եին առաւօտ լուր մը տարածուեցաւ որ Մակ Մահոն մեծ յաղթութիւն մը կատարեր է և գերի բռնել է 25,000 գմբմանայի զինուոր, ինչպէս նաեւ զիշխանն կարլ իր բովանդակ սպայակուտով: Անմիջապէս լուրը ընթացաւ բոլոր Պարսիս, ամենայն ոք տունը և պատուհանը զարդարեց, ամեն կողմ բարձր, կոկորդալիը կը լսուէին « կեցցէ Գաղղիա, կեցցէ բանակը»: Լուրը մէկէն միւսն անցնելով իրր պաշտօնական, ատեանք և դատաստանարանք քիչ մը ժամանակ կեցան, ամենայն ոք դէպ ի բուլվարները դիմեց, ու բախութենէ շատերը կու լային, կը գրկախառնուէին, Մարսկյիզ կ'երգէին: Փողոցէն դիպուածով բաց կանոք կ'անցնէր նշանաւոր երգչուհի մը, ամբոխը կեցուց կառքը և խնդրեց որ հոն երգէ Մարսկյիզը, մեծաւ ծափահարութեամբ, զաղղիական խանդը իր վերջին կէտը հասեր էր: Սուտ հեռագիրը ընթացաւ նաեւ ի գաւառս, ուր քաղաքապետք անմիջապէս պալատին զարդարեցին: Իայց ժամանակը յառաջելով քիչ քիչ սկսան փնտռել յաղթութեան պաշտօնական հաստատութիւնը, որ դեռ չէր երեւար: Անհամբերութիւնը զայրութի փոխուեցաւ կամաց կամաց և բարկացած ամբոխը դիմեց Արդարութեան պաշտօնարանը դուրս կոչելով զ(Ոլիվիէ: Պաշտօնեայն չերեւցաւ, և ամբոխը ընդ երկար սպասեց վանդոմի հրապարակին վրայ: (Ոլիվիէ Աէնկլուէն հասաւ և ժողովրդեան շարունակ գոչելէն երեւցաւ ի պատուհան և իմացուց ոք « Սակարանը կպցուած այս աւուր լուրը սուտ է. և հնարողը արդէն կալանաւորուել է, և վարչութիւնը յապագային ամեն միջոց պիտի գործադրէ, որ այդպիսի բան մը այլ եւս չպատահի »: Անհնար է նկարագրել ամբոխին յուսախարութիւնը և վհատութիւնը. ամենայն ոք քիչ քիչ կը սկսի ցրուիլ, մինչ շատ անձինք փոքր կառքով մը կ'ընթանային փողոցներուն մէջ շարժելով մեծագիր վերտառութիւն մը թէ. « Սուտ լրոյն հեղինակը կալանաւորեցաւ »: Պաշտօնարանը եւս հրատարակութիւն մը ըրաւ, հրաւիրելով զժողովուրդը հանդարտելու, և իմացնելով որ ան-

Պարսիս պաշտօնական վիճակի մէջ կը գրուի:

կէ վերջը պատերազմի դաշտէ ամեն լուր ստորագրուած պիտի ըլլար Ներքին Գործոց պաշտօնէէն:

Երկրորդ օրը սկսան ծանուցագիրք հրատարակուիլ, որոնք ծածկեալ բառերով կը հասկցնէին բանակին ան յաջողութիւնքը և ի վերջոյ թագապահ կայսրուհին կը յայտնէր որ «Այս ծանր լուրերուն առջև իւր պարտքը արդէն յայտնի էր. կը դիմենք ամենուն հայրենասիրութեան և արութեան»: Վարչութեան կողմանէ երեք հրովարտակը կը հրատարակուէին պաշտօնական լրագրին մէջ, յորոց մին (Պոստոս 11) ի գումարումն կը կոչէր խորհրդարանքը, երկրորդը Վարիս պաշարման վիճակի մէջ կը կը դնէր և երրորդը Պարիսու զօրաց հրամանատար կ'անուանէր զմարաջախտն Բարակէ դ'Ալիէ:

Պատերազմի դաշտէն նոր ևկած հեռագիրք քօղարկեալ կը պատմէին Ֆորպախի և Ֆրէօշվիլլէրի պարտութիւնքը. և կայսրուհին կը յորդորէր զամենը ի կարգապահութիւն, և պատրաստ կը ցուցնէր ինքզինքը առաջինն ըլլալու դիմելու ի վտանգ, Գաղղոյ դրօշը պաշտպանելու համար: «Սակայն այս կնկան ձայնը, որուն կ'ընծայուէր Պրուսիոյ հետ կռիւր և որ չէր վախցած ըսելու. «Այս պատերազմը՝ իմ պատերազմս է»: Եւ մէկու մը ազդեցութիւն չունէր¹»: Կը շարունակէին կիսկտուր հեռագիրք պատերազմին նկատմամբ, (Պոստոս 8) ան պաշտօնական լրագիրը կը հրամայէր Յ(Յ)ն մինչև 4() տարուան քաղաքացիքը շարժուն ազգային պահանորդը կազմել քաղաքին մէջ. կ'իմացնէր որ ուրիշ օրէնք մ'այ կը պատրաստուէր Յ(Յ)ը վար քաղաքացոց նկատմամբ: Չախակողմեան 18 Երեսփոխանք, յորս կային Կոշլըրի, Կրէմլէօ, Ժիւլ Ֆալլըր, Ժիւլ Ֆէրրի, Պէլլըտան, Գառնիէ Փաժէս, Փիկար, Ժիւլ Սիմոն, Ժիւլ Գրէվի, Լամանուէլ Ալրակօ, ծանուցագիր մը ներկայացուցին իրենց ստորագրութեամբ առ Ներքին Գործոց պաշտօնեայն՝ պահանջելով որ Պարիսու և Գաղ-

1. Գաքսիւ Գրլոր Բ. Կայսրութիւն: Է. Նատոր:

դիոյ ամեն քաղաքացի զէնք առնու. բայց վարչութիւնը յանձն չառաւ և մարաջախտն թարակէ դ'իլիէ ըստ պաշարման կանոնի արգիլեց ամբոխին հասարակաց տեղեր խռնիլ: Ձինակիրք բռնած էին Պէ փողոցը, Վանդոմի հրապարակը, Մոնմարզրի բուլվարը և ուրիշ տեղեր: Պարիս այն ատեն մէկ վարկենի մէջ իբրեւ երազէ մը արթնցաւ. հասկցաւ իւր յուսախարութիւնը և վրէժ սկսաւ խորհիլ զինքը խաբողներէն:

Վարչութիւնն ու կայսրուհին հասարակաց կարծեաց գոհութիւն տալու համար հարկ տեսան պաշտօնընկէց ընել Պատերազմի պաշտօնեայն զմարաջախտն Լըբէօֆ: Զօրավարաց մեծամասնութիւնը և գրեթէ ամբողջութիւնը կ'ուզէր որ Նապոլէոն Գ. հեռանայ բանակէն, բայց կայսրը գուշակելով ի Պարիս իրեն պահուած ընդունելութիւնը, մնաց ի բանակը, այսպէս ըստ գաղղիացի քննադատից շատ մը որոշողութեանց իր ներկայութեամբ փնաս բերելով և ծանրացնելով իրաց դժբաղդ վիճակը:

3. Արդէն կայսրուհւոյն դրութիւնն անգամ Պարիսու մէջ սկսեր էր դժուարանալ: Օրէնսդիր ժողովոյն երեսփոխանք փութով ամեն կողմանէ սկսան հասնիլ և անոնցմէ մաս մը (Գոստոս 7ին հաւաքուելով Պալէ Բուրբոնի սրահից մէջ սահմանեց կայսրուհւոյն ներկայանալ նուիրակութեամբ մը, և խնդրել որ զօրավարն կուզէ Մոնդորան կոմս Պալիքայոյ՝ հրամանատար անուանուի Պարիս պաշտպանող բանակին, և արձակուի Օլիվիէ պաշտօնարանը և նոր պաշտօնարան մը կազմուի որուն պատերազմի պաշտօնեայն ըլլայ զօրավարն Տրօշու: Յետինս մեծ ժողովրդականութիւն մը ունեցեր էր գրուածքով մը Գաղղիոյ յունակը 1867ի, յորում քննադատած էր զինուորական շատ մը թերութիւնք: Իւր որովհետեւ պաշտօնական անձինք և մանաւանդ Նապոլէոն Գ., ծիծաղեր էին այդ պրակին վրայ, այս բաւական եղեր էին զինքը Չախակողմեան և ժողովրդեան մեծամասնութեան սիրելի և ժողովրդական ընելու: Կայսրուհին ընդունեցաւ նուիրակութիւնը, պաշտօնարանի

Օրէնսդիր ժողովուրդի

փոփոխութեան մասին բան մը չըսաւ, բայց յայտնեց որ դժուարին էր Տրոշիւ զօրավարին պատերազմի պաշտօնեայ անուանուիլը, և իմացուց որ արդէն ինքը Լիոնի զինուորական հրամանատարութենէ կոչած էր գլումն Պալիքասյի, պատերազմի պաշտօնեայ անուանելու նպատակաւ:

(Վոստոս Գին երբ Օրէնսդիր ժողովքը կը գումարուէր, ամբոյսը Պալէ Բուրբոնի առջեւ կեցած կը գոչէր « ի սահմանազրո՛ւխ »: Նիստը բացուելուն Լամիլ Օլիվիէ ճարտասանութեամբ մը ջանաց պաշտօնարանին վրայէն, ելած արկածից պատասխանատուութիւնը թօթուել, յայտնելով որ Օրէնսդիր ժողովքը հարկ էր որ նեցուկ ըլլար պաշտօնարանին: Խօսեցաւ որ զինուորական կացութիւնը դեռ յուսահատ դրից մը մէջ չէր. պէտք էր զգուշանալ շփոթներէ և խնդրեց ժողովքին վստահութիւնը: Յետոյ ելաւ ժիւլ Պիպլը և առաջարկեց, նախ՝ զինել բոլոր կարող քաղաքացիքը, կարգադրել ազգային պահապանքը ըստ օրինաց 1831ր. երկրորդ՝ նկատի առնելով ընդհանուր հրամանատարին բացարձակ անկարողութիւնը, մէկ հոգւոյ մը ձեռք կեդրոնացնել բովանդակ զօրութիւնքը, բայց այդ անձը կայսրը չ'ըլլայ: 3. Խորհրդարանը իր ձեռքը առնու ամենայն իշխանութիւն և 15 անդամներէ Ֆանձնաժողով մը կազմէ թըշնամուոյն արշաւանքը վանելու համար: Այս երրորդ առաջարկը մեծ ազմուկ հանեց, շատերը կը գոչէին որ հակառակ է Սահմանադրութեան և Գրանիէ զը կասանեաք կայսերական եռանդուն երեսփոխանը գոչեց որ այդ նշան մ'էր յեղափոխութեան. և առաջարկեց որ ձախակողմեանք նոյն իրիկունը պատերազմական ատեանի մը մատնուին: Ճարունակեցին դարձեալ վիճարանութիւնը մինչև. օրակարգի մը քուէարկութեան ժամանակը գալով կլէման Գիւվէրնուա երեսփոխանն առաջարկեց քուէարկել որ « Խորհրդարանը սահմանելով նեցուկ ըլլալու պաշտօնարանի մը միայն որ կարող ըլլայ ազգային պաշտպանութիւնը կազմակերպելու, կ'անցնի օրուան խնդրոյն »: Էմիլ Օլիվիէ ծանոյց որ թէ՛

ինքր և թէ իւր ընկերք չէին ընդուներ այդ օրակարգը : կարգը բուժարկութեանն եկաւ և Գիւլիէնուա օրակարգը ընդունուեցաւ մեծամասնութեամբ : Լամիլ (Ոլիվիէ խնդրեց որ նիստը կէս ժամ մը առ կախ մնայ, մինչեւ որ ինքը Տիւլլըրի երթայ և դառնայ : Խորհրդարանը բուժարկեց միանգամայն ժիւլ Ֆրափրի առաջարկին Առաջին մասը, սակայն միւսները մերժեց :

Այս միջոցին դարձած ըլլալով Լամիլ (Ոլիվիէ, Ելաւ բնիւր և խմացոյց որ բոլոր պաշտօնարանը իւր հրամարականր տուած էր թագապահ կայսրուհւոյն որ ընդուներ էր և Պալլիքայի կումսին յանձնած էր նոր պաշտօնարանը կազմելու : Այս բանէն վերջը (Ոլիվիէ լուռ եկաւ նստելու իւր նախկին երեսփոխանութեանն բազմոցին վրայ : Երկրորդ օրուան նստին մէջ (Օրէնսպիր ժողովըր մեծածայն բուժարկեց որ « Բանակները արդիւնաւորը էին հայրենեաց » և ընդունեցաւ զինուորական շատ մը օրէնքներ, որովը պիտի աճէին պատերազմական նիւթեր : Ապա կումս Պալլիքայ ծանոյց նոր պաշտօնարանը այսպէս՝ նախագահ և պաշտօնեայ պատերազմի կումսն Պալլիքաօ . Շրվրօ՝ Կերքին Գործոց, Մանյը՝ Եղեւմտից, Գրլատուր տ' (Օլէրնյը՝ Արտաքին Գործոց . Գրանպէրէ Արդարութեան և Կրօնից . ծովակալն Ռիգօ դը ժէնուիլլի՝ Նժովային զօրութեան . բարոն ժէրոմ Տալիտ՝ Հասարակաց վաստակոց . Երկրագործութեան և վաճառականութեան՝ Կլէման Գիւլիէնուա . Հասարակաց կրթութեան և Գեղարուեստից՝ երեսփոխանն ժիւլ Բրամ : Կոր պաշտօնեայը, բաց ի վերջինէս, ամենն ալ հռանդուն կայսերականք էին : Կումսն Պալլիքայ՝ քաջ, բայց անխիղճ զինուորականի մը համբաւ ունէր, ինքն էր Պէքինի արշաւանքին գլուխ, որ կայսերաց ձմեռուան պալատը կողոպտել տուեր էր :

Հետեւեալ աւուր գումարմանց մէջ երեսփոխանն կերպարի առաջարկեց գմարաջախտն Լրբէօֆ դատաստանի կոչել, բայց շատ երկափոխանը հակառակ կեցան, նոյն իսկ թիւեր որ այս առթիւ յիշեցուց Նօ որ առաջ իւր խօսքերըր ընդդէմ պատերազմին . « Հաստատա-

Լամիլ Ոլիվիէ Պաշտօնարանին անկումը . պաշտօնարան Պալլիքաօ :

պէս գիտէի որ մենք պատրաստ չէինք » : Պատերազմի պաշտօնեայն այս առթիւ իմացուց որ արդէն ընդհանուր հրամանատարութիւնը Լըրէօֆ մարաջախտէն առնուած էր և յանձնուած էր Բազէն մարաջախտին : Երեսփոխանք մեծ գոհութեամբ յսեցին այս լուրը . մեծ էր Բազէնի վրայ եղած համարումը : Բարթէլըմի Սէնտ-Լուէր մինչև գոչեց որ « Հայրենիք այս լրոյն վրայ պիտի ապահովանայ » :

Կայսրուհին ըսած էր որ բնաւ պիտի չթողուր զմայրաքաղաքը , անոր համար պաշտօնարանը որ իբր Ազգային պաշտօնականութեան պաշտօնարանն ընտրուեցաւ , Արտաքին Գործոց և Արդարութեան պաշտօնարանաց ճիւղեր հաստատեց ի Տուր , և նուիրակութիւն մը կեղրոնական վարչութեան . որպէս զի թէ յանկարծ գաւառք կտրուած միան Պարիսէ , կարենան կառավարուի նոյն ուղղութեամբ : Պրոսիացւոց բանակին յառաջիւր բռնադատած էր զՊաշտօնարանը այս զգուշութիւնքը հոգայլու :

Գերմանացի բանակը ի 1870-րէն :

4. Բրուսիացի բանակները Ֆորբախի և Վէրթի պատերազմերէն վերջը արագութեամբ կը յառաջէին , Մոզէլի , Մէցի և Նանսիի ուղղութեամբ : Ճամբուն վըրայ եղած փոքրիկ քաղաքները՝ Լիխտենշէրկ , Ֆալսրուրկ անձնատուր եղան և Ֆրէտէրիկ Կարոլոս իշխանը բռնեց Սարրկէմինի երկաթուղին դէպ ի Մէց : Պրուսիոյ թագաժառանգը (զոստոս 11ին իւր բանակը հաստատեց ի Սաարբրուրէն : Հեծելագօրը 10ին բռնեց բոլոր Սաար-Իւնիոն գիծը , Գրոթոնքէն , Ֆրէրմոն , Ֆրուլինյի , Լէգէտանժ : Մարսալ (զոստոս 14ին անձնատուր եղաւ և գերմանացի Գ. զօրարաժինը արդէն Նանսի մօտեցած էր , մինչ ուրիշ գունդեր թուրի և Ֆրասսարի կողմէն կը ջանային Մէցի երկաթուղին կտրելու : Բավիէրացի իշխանն Կարոլոս կը բռնէ նաեւ զՊոն Մուսսոն և Ա. և Բ. բանակները կը մօտենան Մէցի : Երբ թագաժառանգ իշխանը մտաւ ի Նանսի կրնար ըսուիլ որ ամբողջ Լորէն և Ալզաս Գերմանացւոց ձեռքն ընկեր էին ութ օրուան մէջ՝ բաց ի քանի մը փոքր բերդերէ և

(զոստ. 11.

Մէջէ՛ որ ամենէն նշանաւոր բերդաքաղաքներէն մին էր, որ կար գաղղիական բանակին ընտիր մասը, 200,000 զինուոր հեծեալ և հետեւակ, 500 թնդանօթք, 180 մի-րրայկօզք: Շտայնմէջ զօրավարին յանձնուեցաւ Սաար-բրուքէնի վրայն դիւել ղէպ ի Մէջ:

Գուլիէլմոս թագաւորը, որ բանակին հետ կը չուէր, հրովարտակով մը իմացուց գաղղիացի ժողովրդեան, որ ինքը՝ զինուորաց և ոչ քաղաքացուց հետ եկած էր կոուելու, որով թէ՛ կենաց և թէ՛ ստացուածոց ամենայն սպահնութիւն և պաշտպանութիւն պիտի ունենային, եթէ թշնամութիւն չընէին ընդդէմ գերմանացի գունդերու: Թէ՛ Ալգասի և թէ՛ Լորէնի մէջ անմիջապէս գերմանացի իշխանութիւնը դրուեցան: Այն օրուրնէ հասկցուեցաւ որ Պրուսիա այն զաւառները, որոնք երբեմն Գերմանիոյ կը պատկանէին, կ'ուզէր կրկին Գերմանիոյ հետ միացնել:

Գերմանիոյ յառաջած ժամանակ գաղղիական նոր ընդհանուր հրամանատարը Բազէն՝ իրեն կանչեր էր Ֆրոսսարի բանակը. իսկ Մակ Մահոն Վոթի բանակին մնացորդներով կը քաշուէր ի հարաւ դէպ ի Շալոն, միանալու հոն այն բանակին հետ, որ նոր կը կազմուէր և պիտի կոչուէր Բառակ Պարիսո: Ի Շալոն Մակ Մահոնի քով կային զը Ֆալլի, Ֆէլլիքս Գուէյ, Գիւկրօ, Լըբրէօն զօրավարք: Իսկ ի Մէջ Բազէնի քով էին զօրավարքն Կանրորէր, Բուրբաքի, Լամիրօ, Գրկան և հինաւորց զօրավարն Շանգառնիէ, որ պատերազմի հռչակուելուն, մտոնալով անձնական ռիսք, ինդրած էր նապոլէոնէ ծառայել իր հայրենեացը և այսպէս աքսորէն դարձեր էր: Մարաջախտն Բազէն գերմանական ահաւոր զօրութեան և թուոյն դէմ աննելու համար, մտածեց քաշուիլ Մէջէն ի Վէրդէօն, բռնել Մէօզի գիծը և այսպէս միանալ Մակ Մահոնի հետ ի Շալոն: Իսկ Մէջի մէջ պաշտպանութեան բաւական գունդեր միայն ձգել ընդ հրամանատարութեամբ կոֆինիէր զօրավարին և ապա Շամպանյի կամ Արնի լերկ դաշտերուն մէջ միահամուռ պատերազմ մը տալ: Մոլտրէ գուշակեց

Բազէնի զգուշաւոր ծրագիրը և ամեն միջոց ձեռք առաւ այդ միացումը խափանել: Առ հասարակ ռազմագէտը կը մեղադրեն Բազէնի չափազանց դանդաղութիւնը իւր գաղափարաց միութեան զործադրութեան մէջ, որով իշխանն կարողութեամբ կրցաւ բռնել Մէջի և Վէրտէօնի մէջ ճամբան, այսպէս անկարելի ընելով երկու մարաջախտներուն միանալը. և յաջողեցաւ Օզոստոս 16ին իւր յառաջապահը այնպիսի գծի մը վրայ դնել, որով այլ եւս անհնար էր Բազէնի Մէջէն դուրս ելլել: Ուրիշ երկու գունդեր ալ Շտայնմէյ զօրարաժնէն, որոց կը հրամայէին զօրավարքն կոյց և Մաստրով, Գաղղիացոց ի Շալոն նահանջը կտրելու համար Մոզէլի աջ ափանց վրայ յարձկեցան գաղղիացի բանակաց վրայ ի կողմբիէ և Բէրնի: Զօրավարն Լամիրօ որ Մոզէլի ձախ կողմը կը հսկէր բանակին անցքին, զուշակելով Պրուսիացոց շարժումնքէն յարձակում մը ընդդէմ Գրենիէ զօրավարին, անմիջապէս հրաման ըրաւ երկու զօրարաժններուն օգնութեան հասնելու: Միտսէյ զօրավարին զօրարաժնը ընթացիկ քույրով հասաւ մինչեւ Գրենիէ զօրարաժնին քով, միւս զօրարաժնը դիմեց դէպ ի Մէջ անտառը, զոր թշնամին բռնեք էր: Մուկիին կռիւ մը սկսաւ սուխով, որ տեւեց մինչեւ երեկոյեան ութը և Պրուսիացիք ստիպուեցան կարգով ետ քաշուիլ, որով գաղղիացի բանակը շարունակեց իւր նահանջը: Բէրնիի պատերազմը յաջողութիւն մ'էր Գաղղիացոց համար և կայսրը իր ձեռքը երկնցնելով առ մարաջախտն Բազէն ըսաւ որ « վերջապէս բաղղը դարձուցիր, մարաջախտ¹ »:

Սակայն Բազէն փոխանակ օգտուելու այս կողմէն և փութացնելու նահանջը և միանալու Մակ Մահոնի հետ Շալոնի վրայ, ամրողջ Օզոստոս 14ը և 15 գի-

Պատերազմային
Ռազմավարական
Մագալակներ,
Կրակարկում:

1. Բայց ըստ զերմանացի Ռազմագիտական Տեղեկագրոյն Բէրնիի պատերազմը որ մը կարողացնել տուեք էր Գաղղիացոց: Բազէն պէտք էր պատերազմ տուած ըլլար Մէջի մտաբովանդակ զօնոցերով, յենով Մէջի վրայ: Բայց այդ ճիշտագատութեան, Բազէն կամ բովանդակ բաժններով պէտք էր կռուիլ կամ ընտելուիլ:

չերբ մնաց իւր դրից մէջ Մէցի շրջակայքը: (Չոստոս 15ին կայսեր տօնին օրը, զոր Գաղղիացիք կը յուսային տօնել ի Բէռլին, սկսան հապճեպով ելլել Մէցէն գունդերը և երկու ճամբով սկսան երթալ ի հարաւ. մաս մը ընդ Ռոզէնվիլ, Վլոննվիլ և Մազլաթուր, մաս մը ընդ Գոնքուր, լիառնի և Լէդէն դէպ ի Վէրդէօն. բայց դանդաղութեամբ. այնքան բազմութիւն էր սայլից, որ ականատես մը նմանցուցած է Դարեհի բանակին, և չկրցաւ երեկոյեան հասնիլ ի Կրավըրտտ, ինչպէս էր ծրագիրը: Թշնամուոյն անցքը արգիլելու համար օղը հանել տուաւ Լոնժրվիլի երկաթուղուոյն կամուրջը, բայց թշնամին տ'Արսի կամուրջէն անցաւ, զոր մոոցեր էին վերցնելու: Նապոլէոն որ բանակը կը գտնուէր և գիշերը անցուցեր էր ի Կրավըրտտ, յետ երկար և ծամածուռ շրջաններու միշտ վտանգաւ բռնուելու գերմանացի ուհլաներէն, վերջապէս սուլալինեցաւ ի Վէրդէօն և անկէ ի Շարլոն: Իրեն հետ ապահովութեան համար առած էր այլ և այլ գունդեր, որոնք յետոյ չկրցան դուռնալ ճամբան կտրուած ըլլալով: Սակայն Բազէնի գունդերը այնքան դանդաղութեամբ կը նահանջէին, որ Ֆրեդերիկ Կարլի զօրարածնին յառաջապահը հապճեպ քայլով զանազան կէտերէ անցաւ գետը ի Պոն և Միւսսէն և երեկոյեան դէմ տեղաւորուեցաւ Մոզէլի շրջակայ լեռանց վրայ, մերձ ի Թիոնվիլ, Մազլաթուր և Վլոննվիլ: Մոլորէի ծրագիրն էր զԳաղղիացիս կեցնելու Մէօզի և Մէօզէլի մէջ և բռնադատել հոն վճռական պատերազմի մը. միանգամայն զրադեցնել զթշնամին մինչեւ որ հասնին ամեն գունդերը: Բազէն գուշակած էր թշնամուոյն դիտաւորութիւնը և պէտք եղած հրահանգները ղրկած էր Լամիրօ, Բուրբաքի, Կանրորէր և Լրէօֆ զօրավարաց: Բետինս հրամանատար անուանուեր էր Գրկան զօրավարին տեղ, որ մահացու վիրաւորուած էր: Բազէն ըմբռնած էր, որ թշնամին կողմնակի պիտի բաղիւէր իւր գունդերը. և յիրաւի Ֆոն Բուրտէնբրոք զօրարածինը, յանկարծ իւր ընթացքէն շեղելով ժամը 10ին միջոցները բռնեց Վլոննվիլ և Ֆլավիլնյի բար-

ձունքը. Մէկլէմբուրկի դքսին զօրաբաժինը և ուրիշ գունդեր նեցուկ կ'ըլլային և կը պահպանէին իւր թիկունքը: Վամր 10 անցեր էր, երբ սկսաւ երկուստեք ահաւոր կրակ մը և կատաղի կոխ մը, յորում թէ գաղղիացի և թէ գերմանացի զինուորք անընկճելի մոլեգնութեամբ մը կը մրցէին, և փոփոխակի դիրքերնին կը կորսնցընէին և ձեռք կը բերէին անթիւ կեանքերու զոհողութեամբ: Միջօրէն անցեր էր երբ գերմանացի նոր գունդերը երթալով կը բազմանային և ահա յանկարծ ձիաւոր պահապանք՝ միարան ձիաւոր զրահաւորաց հետ դիմեցին գաղղիացի հետեւակաց վրայ, որոնք կը պաշտպանէին զՖլավիյնի: Գաղղիացի հեծեալը ուրիշ կողմ կը գտնուէին և իազէն հրանոթից լուծ մը հասուց այն կէտին վրայ: Բրուսիացի հիւսարներու երկու ջոկատ յանդգնութեամբ դիմեցին մինչեւ այդ լուծին վրայ: Մարաջախտն իազէն որ այն ատեն իւր սպայակոյտով հեծեալքը կը պատրաստէր, տեսաւ պրուսիացի հիւսարներու իւր հրանոթից վրայ դիմելը. սուրը քաշեց և նոյնը ըրին իւր բոլոր սպայք և սուրերու ահաւոր կոխ մը սկսաւ՝ կը հասնին Ռէզոնվիլի գաղղիացի պահեստի գնդերը, որոնք կ'իյնան հիւսարներու վրայ, ասոնք առիծարար կոուելով ամենն ալ կ'իյնան Ֆինքէնշդայն հազարապետին հետ: Այս միջոցիս գաղղիացի ուրիշ հրանոթք Բրինվիլի ուղղութեամբ ահաւոր կրակ կը թափէին գերմանացւոց ուրիշ գունդերուն վրայ իրենց նեցուկ ունենալով Ֆորդոն զօրաբաժինը: Զօրավարն Ֆոն Ալվէնսլէրէն որ անպատճառ կարեւոր կը տեսնէր տիրել Ռէզոնվիլի, նոր հասած ուհլան գնդերուն պատուիրեց դիմելու այդ հրանոթից ուղղութեամբ և խափանել զանոնք որոնք արգելք կ'ըլլային իւր յառաջելուն ի Ռէզոնվիլ: Գերմանացի ջոկատք եռանդեամբ կը

1. Պատերազմին գերմանացի պաշտօնական տեղեկագիրք՝ կը գովեն իազէնի անմուկան ցրցուցած մեծ քաջութիւնը, բայց կը մեղադրեն որ իչր ընդհանուր հրամանատար պէտք չէր խառնուրդին մէջ մտնել, որով չէր կրնար կտապարել պատերազմը:

դիմեն այդ դրից վրայ, կ'առնուն գաղղիացւոց հրանօթից բարձունքը, բայց յանկարծ կը գտնուին ֆորդոն գորարաժնին դիմաց: Անմիջապէս ձխաւորք կը յարձակին վրանին և բոլորովին կը խորտակեն զիրենք: Կը հասնի Լըբէօֆ մարաջախտն և զգերմանացի Լեհման ջոկատը մեծ փնասներով կը վանէ մօտ անտառէն: Այս միջոցին Բազէն կընար քաշուիլ ի վէրդէօն, եթէ ուզէր, բայց միտքը դրած ըլլալով Մէցի մէջ ամրանալ, հրաման զրկեց Լըբէօֆ մարաջախտին, հաստատուն պահել իւր բռնած դիրքը և Մոնդոտոն գորարաժինը զրկել պաշտպանել զկրավըլոտ թշնամոյն յանկարծական յարձակման մը դէմ: Գունդեր կը զրկէ որ բռնեն նաեւ Արս՝ Լա Մոզէլի կիրճը ուսկից թշնամին արդէն գետը անցեր էր:

Գաղղիացի բանակը ամենն ալ յաջող դիրքի մէջ էին և յաղթութիւնը աւելի իրենց կողմն էր և ահա ժամը շին լսուեցան ահագին հրանօթից որոտմունք: Զօրավարն ֆոն ֆրանց մեծագօր բանակաւ կը դիմէր վիոնվիլի անտառին մէջ գաղղիացի գունդերուն վրայ, և ուրիշ գունդեր ալ կը յարձկէին Գրընիէ գօրավարին գօրարաժնին վրայ: Բազէն փութով ճեպընթաց հոն կը վազցնէ Սիսսէի գօրարաժինը որ մոլեգնութեամբ կը կռուի թշնամոյն հետ և կը խորտակէ հետեւակներու ամբողջ գունդ մը և կը յափշտակէ զրօշը¹: Ժամը երեք և կէս էր և պատերազմի դաշտը հասաւ իշխանն ֆրեդերիկ կարլ նոր գունդերով և ժամը յին սկսաւ արշաւանքը դէպ ի Ռէզոնվիլ. արդէն մաս մը կը փորձեր էր Մոզէլի հեղեղատներուն մէջէն գաղտ յառաջելու բայց Գաղղիացիք ամեն կէտերու վրայ վանեցին թշնամին. գիշերը վրայ հասաւ և երկու բանակք տակաւին կը մրցէին վերջնական յաղթութեան մը համար, որ անորոշ մնաց. երկու կողմն ալ ունենալով յաջողութիւններ և կորուստներ: Գերմանացիք գովելով իսկ Գաղղիացւոց բանակին

1. Ամբողջ պատերազմին մէջ մէկ միայն այս դրօշը գերած են գաղղիացիք:

զորս Վիւրտէմբերկի իշխանը մղեր էր Սէն Պրիվայի վրայ պատերազմին վճռական դիրք մը տալու համար յետ անթիւ կորստեան ետ նահանջներ էին: « Գաղղիացիք դէմ կը կենային և կ'իյնային, Գերմանացիք կը դիմագրաւէին և կը մեռնէին¹ »: Ժամը 6 էր, օրը լմնալու վրայ էր և սակայն դեռ Գաղղիացւոց դիրքերը մնացեր էին ամբողջաբարելի: Գերմանացւոց մեծագոյն ոյժը կեդրոնացաւ Սէն Պրիվայի վրայ ընդդէմ կանրորէրի զօրաբաժնին որուն հրանօթից մթերքը սկսան պակսի: Կանրորէր այլ և այլ անգամ թագէնի լուր դրկեց օգնութիւն խնդրելով: Հասան օգնութիւնը բայց ուշ մինչ ինքը բռնադատուեր էր սաքսոն նոր գունդերուն ահաւոր բաղինման դիմաց թողուլ զՍէն Պրիվա: Ժամը 8 անցեր էր և գիշերը կոխեր էր երբ Պրուսիացիք խորտակելով գաղղիացի աջակողմեան բանակը մտան ի Սէն Պրիվա որ արդէն կ'այրէր: Գարուս մէջ քիչ յարձակումն այսքան արինահանգ եղած է. և պատերազմի դաշտի վրայ անկելոց թիւը նշան էր երկու կողման մոլեգին մրցման:

Գաղղիոյ կորուստն եղաւ 500 սպայք և 11,000 զինուորք. իսկ Գերմանացւոցը 520 սպայք և 13,000 զինուորք: Դարձեալ Գերմանացիք 6000ի մօտ գերի բռնեցին, որոնք զրեթէ ամենն ալ Սէն Պրիվայի տուներուն մէջ կը կռուէին: Գաղղիացիք ալ գերեցին 800 զինուորք: Գուլիէլմոս Թագաւորը Ռէզոնվիլի մօտ բարձունքերէն կը դիտէր պատերազմը, ուսկից սակայն զինքը հեռացուց Ֆոն Ռուն պատերազմի պաշտօնեայն, երբ վտանգը շատցաւ: Սէն Պրիվայի կուռն մէջ Գաղղիացւոց ցրցուցած անընկճելի դիմադրութիւնը մեծ գովեստներ ընդունեցաւ, նոյն իսկ ի թշնամոյն, բայց չէր յաղթութիւն մը, ինչպէս զայն հռչակեց կոմսն Պալիկայ Որէնսդիր ժողովքին մէջ: Գերմանացւոց համար այն մեծ արդիւնքը ունեցաւ, որ 180,000 զինուորաց

1. Տեղեկագիր գերմանացի զօրավարի մը:

բանակ մը կը կորսնցընէր իւր հաղորդակցութիւնը Պարիսու հետ որով և տխուր տպաւորութիւն մը կը տիրէր գաղղիացի բանակին վրայ, խառն զանազան հոգերով. զի ամենայն զինուոր կը մտածէր որ այլ եւս չէր կարելի յարաբերութիւն ունենալ հայրենեացը և ընտանեացը հետ:

5. — Օգոստոս 19ի զիշերը գերմանացի բանակը թէպէտ պարտասեալը, սակայն խիթալով յանկարծական յարձակում մը, ամբողջ զիշերը հսկած էին: Իսկ Բազէն քաշուեր էր Մէցի պարսպաց ներքեւ, որով և առ ժամս թողուցեր էր պատերազմելու գաղափարը: Այն ատեն Գերմանացոց ուրիշ բան չէր մնար, բայց յամենուտ պաշարել այդ բանակը և չթողուլ որ կարենայ միանալ Մակ Մահոնի հետ: Այս բանիս համար այլ և այլ գունդերէ նոր բանակ մը կազմուեցաւ, որ կոչուեցաւ յանակ պաշարման, և որուն հրամանատարն եղաւ իշխանն Ֆրետերիկ կարլ: Ուրիշ բանակ մը եւս կազմուեցաւ յանակ Մեօզի որ պիտի յառաջէր Պարիսու վրայ և որուն հրամանատարն եղաւ Սաքսոնիոյ Ալբրէխտ թագաժառանգ իշխանը: Պաշարման բանակը որ մինչեւ 150,000 զինուորի հասաւ, զքաղաքը պաշարեց Մոզէլի երկու կողմի օփունքներէն, տեղ տեղ մինչեւ երեք զիծ ձեւացնելով, և հոս հոն ամրոցներ և ամբարտակներ բարձրացնելով պաշտպանուելու քաղքէն նետուած ռումբերէ. և այդ շրջանակէ դուրս անմիջապէս բանակեցան յառաջապահը վեց մղոնէն աւելի երկայնութեամբ. ամեն կողմ դիտարանք, հեռագիրք կը դիւրացնէին յարաբերութիւնք և զգուշութիւնք: Մէցի նման առաջնակարգ բերդաքաղաք մը ընկճելու համար, այսօրինակ պաշարում մը պէտք էր, վասն զի յարձակմամբ առնուլը անկարելի կ'երեւար:

Բազէնի բանակը պաշարուած Մէցի մէջ:

Քաղքին մերձակայ տեղերու բնակիչք խառն ի խուռն առանց պաշարի և պատրաստութեան դիմէր էին ի Մէց: Բազէն նախ բռնադատուեցաւ ներքին վիճակը կարգաւորել և ապա պատրաստեց գունդերը Օգոստոս 21ին ընդհանուր յարձակմամբ մը ճամբայ բանալու

համար, բայց այս յարձակումը չգործադրուեցաւ փոթորկի և մեծ անձրեւներու պատճառաւ: Բազէն՝ Մակ Մահոնի հաղորդած էր իւր դիրքը և ծրագիրը և կը համարէր որ Մակ Մահոն սկսած ըլլայ իւր չուն դէպ ի Մէց, որով և իրեն կը մնար թիոնսվիլի կողմէն կտրելով գերմանացի բանակը, այն ուղղութեան վրայ երթալ միանալ Մակ Մահոնի հետ: Երբ լսեց մանաւանդ որ պաշարման բանակի գունդերէն ոմանք օգնութեան դիմեր են Սաքսոնիոյ թագաժառանգ իշխանին, սպառնացեալ Մակ Մահոնի բանակէն, այն ատեն հաստատապէս սահմանեց ()գոստոս 31ին ուժով ելք մը փորձել դէպ ի դուրս: Բարձակումը սկսաւ կէսօրէն վերջը և Գաղղիացիք մեծ թափով մը տիրեցին Կուասվիլի և Սէրվիլնէի: Զօրավարն Մանդէօֆֆէլ որուն յանձնուած էր պաշարման գծին հրամանատարութիւնը, պաշտպանողական դիրք մը առաւ անմիջապէս: Բազէն ժամը շին յառաջեց Սէնտ Բարրի ճամբուն վրայ և հոն հրանօթք տեղաւորեց, ուրիշ հրետանիք եւս հաստատեց զանազան կէտերու վրայ և ժամը 4ին ահաւոր կրակ մը սկսաւ թափել ամեն կողմանէ: Այս հարուածներուն պաշտպանութեան ներքեւ մարաջախտն Լըբէօֆ գունդերը սկսաւ յառաջ մղել դէպ ի Սէնդ Բարր, որ թիոնսվիլի գլխաւոր ճամբուն վրայ էր՝ նպատակ պատերազմին: Մի և նոյն միջոցին կանրոպէր զրաւեց զՇէօլ և վանն, զօրավարն Սիսսէ բուն կռուով տիրեց Ֆայի ճամբուն, մինչդեռ զօրավարն Լամիրօ թարմ գնդերով պատրաստ կեցած էր ի հարկին դիմելու օգնութեան: Գաղղիացիք ամեն կէտերու վրայ յաջող գտնուէր էին, կը մնար վերջնական ուժով բաղխում մը ձեռնարկել, խորտակել գերմանացի գունդերը և կտրել անցնիլ: Այս հրամանին կը սպասէին բոլոր զօրավարք, երբ յանկարծ Բազէն դադրեցուց պատերազմը և երեկոյեան ժամը 9ին մտաւ ի Սէն Վիլիէն¹:

Գուպարածք. —
Սէնտ Բարր:

1. Այս է գաղղիացի զօրավարաց վկայութիւնը դասական խուզարկութեան առջեւ ի վէրսայլ:

Այն օրուրնէ բոլոր զօրավարաց և զօրաց սրտին մէջ սկսաւ տխուր անվստահութիւն մը, ուսկից ծնաւ կասկած մը ընդդէմ Բազէն մարաջախտին: Զօրավարք յետոյ ամբաստանեցին որ նոյն իսկ հրամանատարաց և սպայակուտին ծածուկ պահած էր Շալոնի բանակին կազմութիւնը և Մակ Մահոնի չուն դէպ ի Մէջ:

Երկրորդ օրը առաւօտեան օրն դեռ չլուսացած՝ Մանդէօֆֆէլ գլուխ կենալով Բ բանակին և Քումմէր լանդվէրին որոնք միայն 40,000 էին, սկսաւ ահաւոր կրակ մը Գաղղիացոց վրայ: Հասան նաև այն գունդերը որոնք բաժնուած էին Սաքսոնիոյ թագաժառանգ իշխանին օգնութեան երթալու համար և սկսաւ շարունակ կրակ մը, որով Գաղղիացիք բռնադատուեցան թողլու իրենց բռնած կէտերը և քաշուիլ ի Մէջ կամ Մէջի ամենամօտ շրջակայքը:

Պրուսիացիք անկէ վերջը ամեն օր ջանացին աւելի փակել բերդաքաղաքը: Արդէն վերջին օրերուն յաջողութիւնը նոր եռանդ տուեր էին բանակին և ազգին որ պատրաստ էր մեծագոյն զոհողութիւնը ընելու, պատերազմին յաղթական վերջ մը տալու համար:

6. — Յիրաւի պատերազմը սկսած ժամանակ որչափ որ ալ Պրուսիա և Գերմանիա գրեթէ լիովին վստահութիւն մը կը զգային յաղթական ելլելու մէջէն. այսու հանդերձ ամենուն սրտին մէջ կար միշտ մեծ ժողովրդեան մը հետ զարնուելուն տագնապը: Երբ վիսսէրուրկի կուէն վերջը գաղղիացի զերիները տարուեցան ի Գերմանիա և թուրքոսները իրենց կէս արեւելեան տարազներով անցան քաղաքաց ճամբաներէն, այն ատեն բովանդակ Գերմանիա զգաց յաջող ելքի մը առաջին զրաւականքը և անսահման վստահութիւն մը թէ թագաւորին և թէ զօրավարաց վրայ: Այսու հանդերձ թէ Իէռլինու և թէ Գերմանիոյ ամեն քաղաքաց բնակիչք իրենց ուրախութեան մէջ երբէք չվազեցին հրապարակները անիմաստ ցոյցեր ընելու համար, և մասնական ձախողութեանց մէջ չխօսեցան իրենց վարչութեան և առաջնորդողաց հակառակ: Զօրավարք առանց մեծա-

Պատերազմին արժանագը ի Բելուն և ի Գերմանիա:

բանութեան հանդարտ աչքով կը նկատէին յաղթանակըր, որք կարծես արդէն կանխապէս իրր չափաբերական ցուցմունք մը, լուծուած էին թղթին վրայ, ըսպայակուտին խորհրդեան մէջ: Գիտէր սպայակոյտը որ պատերազմի մը յաղթութեան համար, ռազմագիտութեան հետ կարևոր էր նաեւ թիւը, և ժողովուրդը չզլացաւ շտրտնջաց տալու այդ թիւը: Լանդվէրի վերջին դասն անգամ գէնք առեր էր և Տիւպպէլի ու Սադովայի վիրաւորեալը փոյթ չ'ընելով իրենց ունեցած սպիններուն և տկարութեանց համար, յօժարակամ խընդրէր էին պատերազմելու: Կ'ըմբռնէին որ ներկայ պատերազմը Գաղղիոյ և Իերմանիոյ մէջ եղած դարական արիւնահեղ պայքարներու վերջինը պիտի ըլլար և վրէժ խընդրութիւն անցելոյն մէջ կրած այնքան տառապանքներու և արհամարհութիւններու: Այս էր առ հասարակ ամենուն զգացումը: Եւ ինչպէս խիստ կարգաւորութիւն կը պահուէր բանակաց մէջ, նոյնը առաւելեօք կը գործադրուէր ամեն քաղաքաց և գիւղորէից մէջ և կանոնաւորապէս օգնութիւնը կը տրուէին գլխուորներուն կանանց, զաւակաց և ընտանեաց: Մեծատուն տիկնայք ոչ միայն գերմանական վիրաւորներու, այլ և թշնամոյն բանակէն եկածներու և գերիներու ամեն ձեռնտուութիւն ըրին: (Գոստոս 18ին Մէցի ներքեւ պատերազմը, նախ իբր պարտութիւն մը լսուեցաւ Բէռլինու մէջ: Ժողովուրդը առանց ցոյցի խոհական մեկնութեամբք կը տարուբերէր հոս և հոն փողոցներուն մէջ. երբ յանկարծ հասաւ յաղթութեան մը պաշտօնական լուրը: Այն ատեն ամբողջ քաղաքը լուսաւորուեցաւ և գերմանական հայրենասիրական երգեր լսուեցան ամեն կողմ: Երկրորդ օրը թնդանօթք որոտացին, ամենայն ոք տաճարները դիմեց և գոհութեան հանդիսաւոր աղօթքներ կատարուեցան: Երբ քիչ օր վերջը հասան զաղղիացի կալանաւորքը, բնաւ մէկը հակառակ կամ նպաստաւոր բացազանջութիւն մը չ'ըրաւ: Լ'նդհակառակն ամենայն ազնուութիւն ցուցուեցաւ անոնց, նոյն իսկ զբամական օգնութեամբք: Ամենայն ոք կը մտածէր որ իր զաւակն

ալ պատերազմի դաշտին վրան էր, նոյն վիճակի մէջ կրնար ինկնալ: Եւր (Չոստոս 14ին Գաղղիոյ վարչութիւնը հրամայեց որ ամեն գերմանացի, նոյն իսկ շատոնց հաստատուած ի Գաղղիա և պատուաւոր Սատիկանութեան առջեւ, ելլէ Գաղղիայէն, ամբողջ Գերմանիա վշտացաւ, բայց բնաւ չմտածեց փոխադարձը կատարելու վրէժխնդրութեամբ: Գերմանացոց բռնած ընթացքը ամբողջ պատերազմին ժամանակ, շատ տարբեր էր գաղղիական ժողովրդեան ըրածներէն ի Պարիս: Գերմանիա հին Սպարտայի կերպարանքն առած էր, զինուորութիւնը ամեն բանէ վեր դրուեցաւ և ամենայն գիտնական և արհեստաւոր, արհամարհեց իր համբաւը և շահը հայրենեաց համար զէնք կրելու պատուոյն քով: Այդ պատճառաւ դադրեցան անձնական և գաւառական համակրութիւնք և հակակրութիւնք: Ամեն ուղղական գործողութեանց և յաղթանակաց կարգադիրն և զլուխն էր ինքն զօրավարն Մոլտըէ. իսկ ընդհանուր համաձայնութեան կապն իշխողաց և իշխեցելոց մէջ էր Պրուսիոյ թագաւորն Գուլիէլմոս. և Գերմանացի իշխանք որ բանակին մէջ կը զինուորէին, այսպիսի իմաստուն և խոհեմ իշխողի մը առջեւ մոռցան իրենց բնածին հակակրութիւնքը և ատելութիւնքը առ Տունն Պրուսիոյ: Ըմբռնեցին որ իրենց ներկայ և ապագայ ամեն առանձնական շահ, կապուած էր Պրուսիոյ Տան հետ: Գուլիէլմոս ալ իր կողմանէ ամենայն ազնուութիւն և ուշադրութիւն կը գործադրէր առ միւս իշխողս: (Չոստոս 18ի պատերազմէն վերջը, յորում սաքսոն գունդերը այնքան մեծ արութեամբ կռուելը էին, Գուլիէլմոս կը հեռագրէր առ թագաւորն Սաքսոնիոյ որ «Անձամբ տեսայ զօրացդ ունեցած դերը (Չոստոս 18ի պատերազմին մէջ և պէտք եմ ընել խնդակցութիւնքս»: Այսօրինակ ամեն իշխողաց կ'իմացնէր իրենց ուրախանալու նիւթերը: Արդէն բանակաց մէջ վերցուելը էր ամենայն ազգային խտրութիւն, Գերմանացիք կը կոչուէին ընդհանուր անուամբ և մէկ ազգ կը կազմէին պրուսիացին, բավիէրացին, սաքսոնը, բադէնցին, վիւրտէմբերկցին

և այլք: Երբ Գերմանական բանակը մտաւ յԱզգաս Լորէն, անմիջապէս իրրեւ նախկին Գերմանական երկիր մը այնպէս կարգի դրուեցան իշխանութիւնք: Պատաստանարանք սկսան վճիռ տալ յանուն Գուլիէլմոս Թագաւորին: Բիւսարք՝ Բոհէլն կոմսը Ազգասի կառավարիչ անուանեց. և Լորէնի՝ զգորավարն Բոնին: Բէռլինէն շատ մը պաշտօնեայք դրկուեցան գերմանական ոճոյ վերածել մատակարարութեանց ամեն ճիւղերը սակաւ սակաւ առանց խրտեցնելու նաեւ զտեղացի ժողովուրդը որ երկու հարիւր տարուան մէջ բնական համակրութիւն մը ստացեր էր առ գաղղիական ազգը և որուն հետ գրեթէ նոյնացեր էր:

Մակ Մահոնի
բանակը. — Իւր
շարժումը:

7. — Գերմանական բանակին հանդարտ և միաշար ընթացքին հակապատկեր էր գաղղիական բանակին դրութիւնը: Մակ Մահոն ի Շալոն կրցեր էր 130,000 զօրաց բանակ մը կազմակերպելու: Հոն հասեր էր, ինչպէս տեսանք, նաեւ Նապոլէոն Գ իր որդւոյն և Նապոլէոն իշխանին հետ, կրավըլտէն մինչեւ Շալոն փախստականի պէս ուղեւորելով երրորդի կարգի կառաց մէջ: Կայսեր հետ հասած էին խառն ի խուռն գրեթէ առանց վինուց 18,000 ազգային պահապանք, որոց հրամանատար էր զօրավարն Բէրթօ: Երբ Նապոլէոն Գ շուարած էր ինչ ընել զասոնք, զօրավարն Տրօշիւ որ Պարիսէն նոր հասեր էր, խորհուրդ տուաւ մայրաքաղաքին պաշտպանութեան ղրկել. և զօրավարն Շմից աւելցուց որ հարկ էր զՏրօշիւ կառավարիչ անուանել Պարիսու. և կայսրն եւս միաբան երթայ հոն, որովհետեւ բանակին մէջ գահէ անկեալ իշխանի մը դիրքը առած էր: Նապոլէոն կ'ըմբռնէր այս բացատրութեան ճշդութիւնը, բայց և իրեն ընդդիմակայ կուսակցութեան սիրելի զօրավարի մը պաշտպանութեան ներքեւ չէր կրնար յանձն առնուլ մտնել ի Պարիս: Եւ սակայն պարագայիցմէ մղեալ զՏրօշիւ անուանեց կառավարիչ Պարիսու և հրամանատար մայրաքաղաքին զօրաց: Կայսրը ի սկզբան խորհեցաւ զառնալու ի Պարիս (Փոստոս 19ին, և կուզէր որ Մակ Մահոն բանակովը ընկերէ իրեն: Նապոլէոն Գ ամեն ջանք կ'ընէր

որ բանակը կեդրոնանան մայրաքաղաքին մօտ, այսպէս պաշտպանելու զՊարիս և թէ կայսերական ցեղը: Խակ ընդհակառակն կայսրուհին փնասակար կը տեսնէր իւր ամուսնոյն ներկայութիւնը ի Պարիս. նոյնպէս կը զրէր նաեւ Պատերազմի պաշտօնեայն վասն զի իւր դարձը «Մէցի բանակը լքանել մը պիտի կարծուի», որով կայսրը փոխեց իւր որոշողութիւնը. ֆրանսացի ճաշակին մէջ որուն նպատակն էր միանալու Բազէնի հետ, և ապա 300,000 զինուորօք երկուստ փակել թշնամին: Միանգամայն կայսրը ինքզինքը աւելի ապահով կը զգար Մակ Մահոնի բով: Սակայն Մակ Մահոն եւս շուարեալ դրութեան մը մէջ կը գտնուէր, հարկ կը համարէր երթալ Բազէնի օգնութեան, բայց և մայրաքաղաքը առանց բանակի մը թողուլը խոհեմութիւն չէր համարեր: Բազէնի հաղորդած էր իւր վարանմունքը և հրահանգ ուզած էր, բայց Բազէն հեռաւորութիւննին պատճառելով, զինքը տէր թողուցած էր իւր որոշողութեանց: Այն ատեն մինչ պէտք էր ժամ մը չկորսնցնել, Մակ Մահոն տատամեալ, Պարիս թղթատար զրկեց իւր տարակոյսները յայտնելու Պատերազմի պաշտօնէին և խորհուրդ հարցնելու: (Չգոտոս 21ին բանակն եկաւ ծերակուտի նախագահը և պնդեց որ ամենուն փափագն էր Բազէնի օգնութեան հասնելու և անոր հետ միանալու: Մակ Մահոն որոշեց չուել ի Մոնմէտի և իւր այս որոշողութիւնը հաղորդեց Բազէնի, որպէս զի նա եւս նոյն գծով գայ իրեն հետ միանալու: Այս վարանմանց և Տիւլլրիի հետ բանակցութեանց պատճառաւ հինգ օր կորսուեց էին:

Մակ Մահոնի բանակը, յորում կային ամեն տեսակ կամաւորք, և որ արդէն 130,000 զինուորի հասեր էր և չորս մասի կը բաժանուէր. որոց կը հրամայէին զօրավարն Դիւլրօ, զր Ֆայյի, Դուէ և Լըրրէօն: Կային դարձեալ պահեստի հեծելազունդք և զրահաւորք, որոց կը հրամայէին զօրավարքն Բոնրմէն, Դիլյար, Ֆլէնէլոն, Մարկրիթ: Միարան կային նաեւ 400 թնդանօթք: Բայց ճամբայ ելլելնէն վերջը տեսնուեցաւ որ

շատ էր պակասը, յորս մանաւանդ պաշարը: Բաց ասկէ այդ բանակին մէջ կար ամեն տեսակ տարր, վարժած ամեն տեղ զուարճութիւն և զուարթ կեանք փնտռելու. որով և զինուց ներքեւ անգամ, Պարիսու կեանքին կը հառաչէր և ծանր աշխատութիւններէ փախուտ կու տար և շատ դանդաղութեամբ կը յառաջէր, որով (Պոստոս 28ին հազիւ յառաջապահը կը գտնուէր ի Մուզոն: Միշտ պէտք էր չուել ղէպ ի արեւելեան – հիւսիս Պրուսիացոց չհանդիպելու համար. և իւր ծրագիրը որ կրնար յաջողութիւն մը ունենալ ութ օր առաջ, այս պահուն աննպատակ յանդգնութիւն մը երեւցաւ գերման ռազմագիտաց: Վասն զի արդէն գերմանացի Քրանակը ընդ հրամանատարութեամբ Պրուսիոյ թագաժառանգ իշխանին, Մարսալ բերդին տիրելէն և Լիւնը վիլի մէջ եղած բովանդակ պաշարը ձեռք ձգելէ վերջը, հասեր էր, Բառլըդիւկի և Վիթրիի վրայէն, մինչեւ ի Շալոն և յԷփրոնէ, որպէս զի չուէ Պարիսու վրայ, իրեն նեցուկ ունենալով Սաքսոնիոյ թագաժառանգ իշխանը որ վէրտէօնի հարաւէն անցնելով կը յառաջէր նա ալ ղէպ յարեւմուտը¹: Այդ երկու բանակը միարան կը կազմէին 23(),000 զինուորք: Ուրիշ զունդերու ալ հրամայեցաւ չուել ղէպ ի Արեւմուտք:

(Պոստոս 29ին երբ դը Ֆայյի զօրավարին կող զօրաբաժինը կը չուէր ղէպ ի Բոմոն, հանդիպեցաւ Ֆոն դեր թան զօրավարին Պավիէրացիներուն և ահաւոր խառնուրդ մը եղաւ: Փաղղիացի զունդերը յետ կոսնցնելու իրենց հազարապետը, հարիւրապետ մը, շատ մը զինուորք և հրանոթք, մնացեալը խառն ի խուռն փախան: Բանակին միւս զօրաբաժինները կը յառաջէին և

1. Փաղղիացի պատմիչը կ'ըսեն որ Սաքսոնիոց Ալբրէխտ իշխանը մտնելով Շալոնի ճամբարը ուսկից նոր մեկնած էր զաղղիացի բանակը, հոն ձգուած նամակէ մը իմացաւ Մակ Մահոնի ղէպ ի Մէջ չուէր Բազէնի հետ միանալու համար, և զայս իմացուց սպայակուտին որ թագաւորին հետ կը գտնուէր ի Բարլըդիւկ Օրոստոս 25ին: Էյ սպայակատը անմիջապէս հրամայեց Պրուսիոյ թագաժառանգին և Սաքսոնիոյ իշխանին, զարժուածքով մը ինկնալ Մակ Մահոնի վրայ և արգելուլ Մէջի հետ միանալու ծրագիրը:

Մակ Մահոն հրամայեց որ և իյէ եղանակաւ անցնիլ Մէօզը և քայլել զէպ ի Մոնմէտի. կը յուսար փութով Ֆրէզէրիկ կարլի բանակը՝ իւր և Բազէնի բանակին մէջ բռնել: Այսպիսի մերձատուր յոյս մը եռանդ ազդեր էր գունդերուն որոնք փութով անցան Մէօզը: Սակայն յանկարծ լսուեցաւ զր Ֆրայի զօրարածին ի Բոմոն կրած պարտութեան լուրը և վհատութիւն մը ձգեց զինուորաց վրայ: Մակ Մահոն եւս տարակուսեցաւ իր ծրագրին յաջողութեան վրայ, գուշակեց գերմանացի զօրաց նոր շարժումները, փոխեց իւր նախկին դիտարութիւնը և հրամայեց չուել զէպ ի Սէզան: Երկրորդ օրը կայսրը զօրքը խրախուսելու համար հրատարակութիւն մը ըրաւ, որ իւր վերջին կայսերական խօսքն պիտի ըլլար, յորում կը քաջալերէր արի սրտերը և վատերուն պատիժ կը սպառնար: Նպապուէն յայնմ հետէ իր անձին իշխանութեան բաղդը այդ բանակին հետ կապած էր: Եւ յիրաւի կարելի էր իրեն Մէզիերի վերայէն անձնելով, իր անձը ազատել և գնալ Բէլճիա, սակայն վատութիւն համարեցաւ և իւր ձեռքով չուզեց իր գլխէն վերցնել կայսերական թագը: Տխուր և լուռ, քաշուած կեանք մը սկսաւ վարել. և երբ զօրավարն Վէնֆէն գրեթէ բռնի ստացաւ տեսակցութիւն մը, Նպապուէն սեղմեց նստա ձեռքերը և արցունքով հարցուց «Չօրավար, ինչո՞ւ միշտ կը յաղթուինք. ինչո՞ւ այդ Բոմոնի աղէտըր ունեցանք»:

8. — Սակայն Բոմոնի աղէտըր ոչինչ էր դեռ պատրաստուած աղետից քով: Գերմանացի բանակին շարժումները նոր ծրագիր մը կը յայտնէին. անոնցմէ ոմանք հուզի մօտ գետը անցնելով, արեւմուտքէն կը մօտենային Սէզանի, նոյն նպատակին կը դիմէին Բավիէրացիք և Վիւրտէմբերկցիք՝ Ռոկուրի և Ռըմիլլի կողմէն, մի և նոյն ժամանակ Սաքսոնիոյ թագաժառանգ իշխանը Սէզանի արեւելեան և հարաւային բարձունքը բռնելու կը դիմէր. և Պրուսիոյ թագաժառանգ իշխանը կը տեղաւորուէր իւր սպայակուտով Գասսէլ Գոնշէրի մօտ լեռնային բարձունքը: Իսկ Գուլիէլմոս ընդհանուր

Սէզան. — Մակ Մահոնի վերաւորութիւն:

սպայակուտով հաստատուեցաւ: Պրէնուայի մօտ բարձր և ամեն կողմ տիրող բլրոյ մը վրայ: Գերմանացւոց նպատակն էր ոչ միայն չթողուլ զՄակ Մահոն միանալու Բազէնի հետ, այլ ջախջախել և ցրուել անոր բանակը:

Նախ բավիէրացի գունդերը որոց կը հրամայէր Պոն դէր Թան, հրաման ընդունեցաւ կրակը սկսիլ և անցնիլ Բազէյլի կամուրջը և գիւղին տիրել: Նյովային հետեւաւ կաց ջոկատ մը, որոց կը հրամայէր զօրավարն Մարթէն, անվեհեր արութեամբ դէմ կը դնէ Բավիէրացւոց բուռն յարձակման. օգնութեան կը դիմեն Սաքսոնք և կը բաղիեն կրանշան և Լագրրտէլ զօրարածիները: Սաքսոնները կը յարձակին նաեւ Գիւկրօ զօրավարին գունդերուն վրայ ի Տէնյի և Վիվոնի: Ամեն կողմանէ ահաւոր կրակ և կռիւ կը սկսի: Գիտէր Մակ Մահոն որ այս կռիւը պիտի որոշէր ամբողջ պատերազմին բաղոր, նոյնը գիտէին և գերմանացի հրամանատարք:

Մակ Մահոն պատերազմը սկսելուն, դիմեր էր կռուոյն տեղը դիտելու մանրամասն թէ կ'ար հնարք չուելու ի Մէզիէր կամ Գարինեան. բայց այդ յոյսերը կտրեր էին գերմանացի գունդերուն բռնած դիրքերը, որոնք օղբ հաներ էին գաղղիացւոց թողուցած կամուրջները: Ժամը Նին մօտ երբ կը դիմէր Լըբրէօն զօրարածին ճակատը, Մօնսէյլի բսուած դիրքին մօտ վիրաւորուեցաւ և ձին սպանուեցաւ¹: Երբ զինքը պատգարակով պատերազմի դաշտէն կը տանէին Սէդանի շրջակայքը, հանդիպեցաւ Նապոլէոն Գ.ի որ բանակը կ'երթար. և ըսած են ոմանք, որ կը դիմէր կռուելով մեռնելու իրրարի զինուոր: Բայց փութով ինքն եւս դարձաւ կռուոյն տեղէն: Մակ Մահոն վիրաւորուելով, հրամանատարութիւնը յանձներ էր Գիւկրօ զօրավարին, որ մտածեց

1. Գաղղիացի պատմագրացմէ ոմանք «երջանիկ վիրաւորուն» կը կոչեն, այսպէս ազատելով Սէդանի պարտութեան և անձնատրութեան ըստօրագրելէն:

դէպ ի Մէզիէր ճամբայ մը բանալ և այս պատճառաւ հրամայեց որ բոլոր գունդերը նահանջեն յիլլի: Սակայն առջի օրը տրուած հրաման մը՝ Գոնշէրիի կամուրջը կործանելու, ի գործ չէր դրուած, որով և Վիւրտէմբերկի գունդերը Մէզօր անցեր էին, և այլ եւս անկարելի էր դէպ ի Մէզիէր բաշտել:

Գ. — Որչափ որ մարաջախտն Մակ Մահոն ընդհանուր հրամանատարութիւնը Գիւկրօ զօրավարին յանձներ էր, սակայն զօրավարն Վէնֆէն, առ որ Պարիսու վարչութիւնը կանխաւ զրկեր էր հրամանատարութիւնը, թէ յանկարծ վտանգ մը հասնէր Մակ Մահոնի, ծանոյց զայս Գիւկրօյի. մի և նոյն միջոց արգիլեց նահանջը գոր փնասակար կը համարէր և պատուիրեց յարձակման պատրաստուիլ: Ուրիշ տոմսակ մ'ալ զրկեց առ զօրավարն Լրրէօն, որուն գունդերը յաջողութեամբ կը պատերազմէին, ծանուցանելով որ նոր օգնութիւն կը զրկէր և կը խրախուսէր շարունակել կռիւր: Իր նպատակն էր պատերազմիլ մինչև զիշեր և միջոց օգնութեամբ ձեղքել անցնիլ թշնամոյն բանակը և ինկնալ ի Գարիմեան և Մոնմէտի, քանի որ Մէզիէր քաջուիլը այլ եւս անկարելի էր: Ասոր համար Գիւկրօ զօրավարին ալ հրաման զրկեց բոլոր թափովը ջանալ ձեռք բերել թողուցած դիրքերը: Կը յուսար թշնամոյն աջը, որ բավիւրացի գունդերէ կազմուած էր և արդէն սաստիկ յոգնած, բոլորովին անկարող դիրքի մէջ դնել, և այսպէս ճամբայ բանալ անցնիլ: Սակայն Գիւկրօյի կանխաւ նահանջի տուած հրամանը մեծ փնաս բերեր էր իր ծրագրին, որուն թողուցած դիրքերը գերմանացիք բռներ էին: Այսու հանդերձ Գիւկրօյի գունդերը սկսան յառաջել և երբ ինքը կը դիմէր Լրրէօնի զօրաբաժնին, ճամբան հանդիպեցաւ կայսեր, և խրախոյս իսկ տուաւ թէ «փութով ձեռք պիտի բերենք կորսնցուցածնիս»: Կայսրը լռութեամբ ցրցուց միայն դաշտին խորը թշնամեաց սեւ գծերը:

Ճամբ տասն էր, Վէնֆէն խորհուրդի կանչեց Գիւկրօ և Լրրէօն զօրավարները և անոնց պատուիրեց՝

Զօրավարն
Վէնֆէն ընդ-
հանուր հրամա-
նատար:

ի՛նչ ալ ըլլայ կտրել անցնիլ ղէսլ ի Գարինեան և Մոն. մէտի: Բայց գերմանացի նոր գունդեր կը սկսէին հասնիլ և ժամը Չին մօտ Գուէյ զօրավարը լուր զրկեց որ կը կոռէր միայն «զինուց պատուոյ» համար, առանց ուրիշ յուսոյ մը: Վլէնֆէն հոն ղիմեց նոր գունդերով, սակայն Պրուսիացիք ահաւոր կրակ մը կը սկսին որուն ղէմ Գաղղիացիք չեն կրնար ղիմանալ և կը ստիպուին քաշուիլ ղիրքերնին թողով թշնամոյն: Ժամը Չը անցած ղեռ ուրիշ գերմանացի գունդեր կը ղիմեն Շապէլ ի և Ֆիլէնյոյի կողմէն, կը միանան ամենը Խլլ ի տափաքակին վրայ, ապա կը շրջապատեն գաղղիացի գունդերը և ահաւոր կրակ մը կը սկսին: Բայտնի էր որ պատերազմին ճգնաժամն էր:

Զօրավարն Վլէնֆէն կը տեսնէ որ այլ եւս իր ծրագիրը անկարելի էր. յուսահատ խորհուրդ մը կը յլանայ, կը գրէ առ Նապոլէոն, որ փոխանակ գերի բրունուհիու ի Սէդան, կտրել անցնիլ զթշնամին ի՛նչ ալ պատահի: Այս միջոցիս Պրուսիացիք բուռն յարձակում մը սկսած էին Ֆրուանի վրայ ուր մեռան գերմանացի կէստորֆ և գաղղիացի Մարկրիթ զօրավարները և գաղղիացի գունդերը մեծապէս փնասուելով սկսան խառն ի խուռն փախչիլ Սէդան: Պրուսիացիք յառաջեցին իրենց կրակներով և քաղքին մօտակայ բարձունքներուն վրայ թնդանթ դնելով, սկսան ուրակոծել Սէդանի բերդերը: Փութով քաղքին զանազան կողմերէ հրդեհը սկսաւ բարձրանալ. որ և իցէ ընդդիմութիւն աննպատակ էր. Նապոլէոն հրաման ղրկեց Վլէնֆէն զօրավարին սպիտակ ղրօշը բանալու: Վլէնֆէն չուզեց ընդունիլ կայսեր հրամանը. յուսահատած մտաւ քաղաքը և երկու հազար զինուոր հաւաքելով ղուրս ղիմեց: Կայսրն լըբրէօն զօրավարին ալ հրաման ղրկած էր Բալանի ղրան վրայ կանգնել սպիտակ ղրօշը, բայց նա եւս տեսնելով Վլէնֆէնի ըրածը, մէկգի նետեց սպիտակ ղրօշը և միացաւ Վլէնֆէնի: Սակայն յուսահատ արութեան և ղիւցազնութեան ժամանակն անգամ անցեր էր, և Պրուսիացիք ամեն կէտ բռնեց էին: Վլէնֆէն բռնադատուեցաւ

դառնալ քաղաք և իւր հրաժարականը զրկեց կայսեր որ գովելով անոր քաջութիւնը չ'ընդունեցաւ և հրամայեց անմիջապէս անձնատուր ըլլալու: Վէնֆէն յետ երկար վարանմանց հնազանդեցաւ դառն հրամանին, ուսկից երջանիկ վէրք մը ազատեք էր զմարաջախտն Մակ Մահոն:

10. — Սէդանի բերդին վրայ սպիտակ դրօշ կանգնուելուն պէս, Արթինուայէ հասաւ Բրոնսար Ֆրոն Շէլլէնտորֆ հազարապետը և յանուն Պրուսիոյ թագաւորին պահանջեց բանակին և ամրոցներուն յանձնուիլը: Քետոյ դարձաւ անմիջապէս գերմանական բանակը, հետը ունենալով գաղղիացի Ռէյլ զօրավարը, որ ներկայացուց Գուլիէլմոսի Նապոլէոնի գիրը, որուն մէջ կրատէր թէ « Չկարենալով մեռնիլ բանակիս մէջ, սուրս կը դնեմ Ձեր վեհափառութեան ձեռքը »: Թագաւորն Գուլիէլմոս պատասխանեց որ կ'ընդունէր նուէրը, յայտնելով իւր մեծ ցաւակցութիւնը կայսեր և բանակին, որ իր աչացը առջեւ այնքան զիւցազնուցեամբ կռուեք էր:

Նապոլէոնի և գաղղիական բանակին անձնատուր ըլլալը:

Ըստ զինուորական կարգաց, Նապոլէոն միայն իր անձին նկատմամբ կրնար խօսիլ, քանի որ Պարիսու վարչութեան կողմանէ ընդհանուր հրամանատար չէր, որով վէնֆէն զօրավարը բռնադատուեցաւ երթալ առ թագաւորն Պրուսիոյ: Ժամ մը վերջը գաղղիացի ընդհանուր հրամանատարը կը գտնուէր Բիամարք կոմսին և Մոլտրէի դիմաց, որոնց վճռական առաջարկը այս եղաւ՝ « Գաղղիացի բանակը զէնքերը պէտք է յանձնէ և պատերազմի գերի ըլլայ »: Զօրավարն վէնֆէն այլայլած այս մահացուցումէն, ամեն ջանք բրաւ աւելի մեղմ պայմաններ ստանալու. բայց ի գուր: Մոլտրէ մանրամասն բացատրեց Գաղղիոյ բանակին կացութիւնը և առաջարկեց վէնֆէնի զինքը շրջեցնելու համար և տեսնելու գերմանացի բանակներ ունլիովին հանդերձանքը, որոնք մէկ ակնարկով մը կրնային անմիջապէս բովանդակ քաղաքը ուրակոծելու: Աւելցուց եւս որ « Գաղղիա ուզեր և հրատարակեր էր պատերազմը, մինչ Գերմանիա բոլոր սրտով խաղաղութեան կը փափագէր, որով ամեն ջանք պի-

տի ընէ որ Գաղղիա չ'օգտուի այդպիսի կարեւոր բանակէ մը » :

Կոման Բիսմարք զայս եւս բաս որ. « Թերեւս աւելի մեղմ պայմաններ առաջարկէինք, եթէ Գաղղիա հաստատուն վարչութիւն մը ունենար. բայց այն կառավարութիւնը որ պիտի յաջորդէ ներկայ վարչութեան, կարելի է նոյն իսկ զասոնք չուզէ հաստատել: Այսու հանդերձ մենք պիտի վստահինք գաղղիացի սպայից խօսքին վրայ. և զինուորաց ալ ամենեւին վշտացուցիչ բան մը չենք ընել, իրենք անձամբ զէնքերնին կը տանին մեր ցրցուցած շտեմարանքը » : Վէնֆէն ինդրեց ժամանակ, մինչեւ երկրորդ օրը ժամը իննին, որպէս զի անձնատրութեան պայմանքը հաղորդէ միւս զօրավարաց: Բիսմարք հաւանեցաւ մինչդեռ Մոլտրէ կ'ուզէր որ շնորհքը ժամը վեցը չ'անցնի¹:

Վէնֆէն գաղղիացի բանակը զալով, կայսեր հաղորդեց պայմանքը որ խոստացաւ երկրորդ օրը անձամբ երթալ առ Գուլիէլմոս և լաւագոյն պայմաններ ստանալու: Իսկ Վէնֆէն անմիջապէս խորհրդի հաւարեց հրամանատարները, հարցնելու թէ տակաւին կարելի՞ է ընդդիմութիւն մը: Ամենր միաձայն ճանչցան անկարելութիւնը և ստորագրեցին Վէնֆէն, Դիւկրօ, Փորժօ, Լըբրլօն, Դուէյ և Դրժան զօրավարը: Երկրորդ օրը Վէնֆէն գնաց գերմանացի բանակը, ուսկից կամաւ հեռացեր էր Մոլտրէ, որպէս զի նորէն չվիճուի պայմանաց վրայ. և ժամը 11ին Փրէնուայի Բէյվիզ զղեկին մէջ ստորագրուեցաւ գաղղիացի բանակին անձնատրու-

1. Մտ ժամանակներս (1906) գերման իշխանն Ալոպիս Հուկոս Հոշէլուճէ, որ եղած է նաեւ ընդհանուր Կառավարիչ Ազգասիր, հրատարակեց իր Յիշատակարանքը, յորում կը պատմէ իւր մէկ տեսակցութիւնը Թիէրի Հետ: Յետինս բսած է սու իշխանն որ կոման Բիսմարք շատ մը պարագայից մէջ միշտ աւելի մեղմ երեցած է նկատմամբ պատերազմի պայմանաց: Վերջին տարիներու ուրիշ Յիշատակարանք եւս Բիսմարքի կոմանն անողոր թշնամութիւնը բարեփոխած են և լաւագոյն կերպարանք մը ստած են անոր, զան ինչ որ կը պատմուէր պատերազմի ժամանակ և մինչեւ քսան տարի մը:

թիւնը, որով թշնամոյն ձեռքը կ'իյնար, բաց ի 25,000 գերիէ որոնք կալանաւորուել էին պատերազմին ժամանակ, դարձեալ 125,000 զինուորք, յորս կայսրն Նապոլէոն Գ. մարաջախտն Մակ Մահոն, չորս զօրավարք, 250 սպայակուտի սպայք, 2600 զինուորական պաշտօնատարք և հրամանատարութեան սպայք: Նոյնպէս 350 թնդանօթք, 70 միդրայիոդք, 150 հրանօթք բերդի, 10,000 ձի, 66,000 հրացանք, երկու դրօշակք և մէկ կայսերական արծիւ: Բոլոր Եւրոպա, բոլոր աշխարհք հանդիսատես եղաւ և զարմացաւ այսօրինակ անձնատրութեան մը վրայ, որուն նմանը ոչ մի պատերազմի պատմութեան մէջ յիշուած է և որ կը ցուցնէ կայսերական վարչութեան արդէն ներքսապէս բայքայումը, որով այդքան զօրավարք, սպայք և զինուորք չէին զգար եռանդ մը ընդվզելու և հայրենեաց համար կոռելու և ինքը Նապոլէոն յորդորեր էր յանձնատրութիւն փոխանակ տանելու ի պատերազմ: Նոյն օրը և երկրորդ օրը զինուորք նշանակեալ տեղ մը տարին ձգելու իրենց զէնքերը, բավիէրացի գունդի մը առջեւ: Իսկ այն զօրավարաց, որոնք երդուրնցան պատիւնուն վրայ ամբողջ պատերազմի ժամանակ չկոռելու գերմանացւոց բանակին դէմ, նկատի առնելով նաեւ իրենց « զիւցազնական ընդդիմութիւնը »: շնորհուեցաւ զէնքերնին և ամեն անձնական ունեցածնին: Սակայն քիչերը խոստացան. մեծամասնութիւնը նախադաս համարեցաւ պատերազմի գերի երթալու¹:

Նախնական արարողութիւնքը կատարուելէն վերջը, բոլոր զօրավարք, սպայք և զինուորք երկաթուղով փոխադրուեցան ի Կերմանիա, իրենց սահմանեալ զանազան ամբողջաց մէջ:

1. Խօսք տուողներուն մէջ էր նաեւ զօրավարն Գիւկրօ որ ապա պատեճ մը գտնելով, փախաւ և անցաւ Պարիսու հրամանատարութեան գլուխ: Երբ թէպէտ ինքզինքը ուզեց արդարացնել այս հակասպետական գործին համար, բայց ոչ հրրէք սրբուեցաւ այն ամօթը, կ'ըսէ զերմանացի պատմագիրն Ալկպեր, որ ստացաւ արատաւորելով իր պատուոյն վրայ սուած խոստումը:

Նապոլէոնի գե-
րի երթաւր:

11. — Սկստեմք շին առաւօտ տակաւին վէն-
ֆէն զօրավարը անձնատրութիւնը չստորագրած, Նապո-
լէոն Գ. լիամը իննին երկձի կառօք, զօրավարի նշա-
նագգեստներով, շրջապատեալ ձիաւոր սպաներէ, Սէ-
դանի փողոցներէն կ'անցնէր և կ'ուղղուէր դէպ ի Դոն-
շէրի, Պրուսիոյ թագաւորին գերի ըլլալու: Փափագելով
նախ տեսնելու զԲիսմարք կոմսը, առաջուց անոր զրկեր
էր Ռէյլ զօրավարը և Բիսմարք աճապարեր էր ընդ-
առաջ գալու մինչեւ ի Ֆրէնուա և յարգանօք հարցոցեր
էր կայսեր հրամանը: Նապոլէոն փափագ յայտնեց տես-
նելու Գուլիէլմոս թագաւորը, զոր Դոնշէրիի մէջ կը
կարծէր, մինչ երկու մղոն հեռու, վանտրէս կը զբտ-
նուէր իր սպայակուտով: Նապոլէոն հարցուց իրեն հա-
մար ինչ տեղ սահմանուած ըլլալը, զոր կ'անգիտանար
Բիսմարք և առ ժամս հրամցուց իր բնակութեան սենեակ
մը, ուր երկուքը քաշուեցան և ուր կային միայն եր-
կու աթոռք: Նապոլէոն ուզեց խօսիլ անձնատրութեան
պայմանաց վրայ. բայց Բիսմարք ծանոյց որ ինքը չէր
կրնար միջամտել զինուորական ինդիրներու, կարող
էր միայն խօսիլ խաղաղութեան մը վրայ. Նապոլէոն
ալ պատասխանեց որ ինքը գերի ըլլալով, կարող չէր
բան մը ընել, վասնզի այդ կը պատկանէր Պարիսու
վարչութեան. վրայ հասաւ զօրավարն Մուտքէ և Նա-
պոլէոն առաջարկեց որ գաղղիացի բանակին շնորհուի
Բէլճիա անցնիլ և հոն զինաթափ ըլլալ. սակայն Մուտքէ
մերժեց:

Նապոլէոն փափագեցաւ տեսութիւն մը ունենալ թա-
գաւորին հետ, բայց ըսուեցաւ որ թագաւորը զինքը կրնար
ընդունիլ միայն յետ ստորագրութեան անձնատրութեա-
նը: Քիչ վերջը կոմսն Բիսմարք ծանոյց որ Գաղղիա-
ցուց կայսեր համար բնակութիւն սահմանուեր էր Ֆրէ-
նուայի մօտ Բէլվիլ դղեակը և առաջարկեց ընկերելու
իրեն. Նապոլէոն սիրով ընդունեցաւ և անցնելով պրու-
սիացի թագաւորական զրահաւորաց մէջէն, հասաւ իրեն
սահմանեալ դղեակը, ուր արդէն հասեր էին իր սնտուկ-
ները և անձնական ունեցածները, որոց չղպչելու հա-

մար բանակցեր էր զօրավարն Վասդէլնօ և ընդուններ էր շնորհքը:

Այս միջոցիս արդէն վէնֆէն և Մուտքէ ստորագրած էին անձնատրութեան պայմանները և եղբր էր զինաթափութիւնը: Այն ատեն Գուլիէլմոս՝ թագաժառանգ իշխանին հետ այցելութեան գնաց Նապոլէոնի. սա և Գուլիէլմոս քառորդի մը չափ յուզեալ և կցկտուր խօսակցութիւն մը ունեցան, յետոյ բաժնուեցան փոխադարձ յարգանքներով: Նոյն երեկոյ Գուլիէլմոս կը հեռագրէր թագուհոյն ի Բեռլին. « Ինչ վայրկեան էր Նապոլէոնի հետ հանդիպիլս, նա ծռած էր մարմնով բայց արժանավայել և համակամեալ կերպարանքով. իրեն համար սահմանեցի Գասսէլի մօտ Վիլհէլմշոյէ ղղեակը »: Երկրորդ օրը Նապոլէոն կայսերական պատուով հետը ունենալով Վասդէլնօ, զը Ռէյլ, զը Վլովէս զօրավարները և Նէյ իշխանը, մեկնեցաւ դէպ ի Վիլհէլմշոյէ, ուր հասաւ Սեպտեմբեր Ծին երեկոյ: Հոն Գուլիէլմոս պատրաստել տուած էր կայսերավայել ընդունելութիւն մը, այսպէս համարելով մեղմացնել իր երբեմն հիւրընկալին ահաւոր կսկիծը:

Աէդանի պատերազմէն վերջը Գուլիէլմոս զօրահանդէս մը կատարեց բանակին և շնորհակալ եղաւ զօրավարաց և զինուորաց: Անկարելի է բացատրել թագաւորին գտած ընդունելութիւնը և կեցցէները: Աէդանի պատերազմին հետեւանքը ժամանակակից Պատմութեան ամենէն ազդեցիկներէն մին է: Գուլիէլմոս այս եղիլութիւնը հաղորդեց թագուհոյն հետեւեալ բառերով որոնք նշանաւոր մնացած են՝ « Աստուծմէ առաջնորդեալ, ինչ ուղղութիւն առին պատահարը »: Աէդանով կը կործանուէր Բոնապարտեան կայսրութիւնը, կը տկարանար Փաղղիա, կը կտրուէին իրմէ երկու հարուստ գաւառք և Եւրոպայի գերիշխան կը բարձրանար Նոր Պետութիւն մը Գերմանական Ինքնակալութեան անուամբ, որուն այդ միութեան և բարձրութեան այնքան օգններ էր Նապոլէոն զանազան պարագայից մէջ անգիտակցարար, և մանաւանդ ի Սաղովա: Աէդան բնական հետեւանք մ'էր Սաղովայի:

Գ Լ ՈՒՆ Ը .

Ե Ր Ր Ո Ր Գ Հ Ա Ս Ա Ր Ա Կ Ա Պ Ե Տ ՈՒ Թ Ի Ի Ն

1. Սէղանի պատերազմին լուրը ի Պարիս. — 2. Սեպտեմբեր 4. — 3. Անկումն կայսրութեան. կայսրուհւոյն փախուստը յԱնգղիա. — 4. Հասարակագետութիւն. — 4. Պարիսի զինուորական պատրաստութիւնը. — 5. Խաղաղութեան փորձեր. Ժիւլ Ֆափրը. Թիէր. — 6. Պրուսիացիք կը յառաջեն. — Պարիս կը պաշարուի. — 7. Լուսուի բանակը. — Պրուսիացիք կը տիրեն Օուլանի. Ուրիշ պատերազմունք. — 8. Ստրազբուրի անձնատուր ըլլալը. — 9. Գամբէտտա ի Տուր. — Նոր բանակը. — Գարիբալդի ի Գաղղիա. — 10 Մէջի անձնատուր ըլլալը :

Սէղանի պատերազմին լուրը ի Պարիս :

1. — Մակ Մահոնի բանակին շարժումը սկսելուն, կայսրուհին և վարչութիւնը միշտ յոյսերով կը զբաղեցնէին Պարիսու արդէն յուզեալ ժողովուրդը, լուրեր կը տարածէին որ փութով երկու մարաջախտները Մակ Մահոն և Բազէն մէկտեղ միանալով, թշնամին Գաղղիոյ հողէն պիտի հանէին: Երբ Սեպտեմբեր 3ի կէսօրին, վերջին պարտութեան լուրը հասաւ առ կայսրուհին, սա ահաւոր տագնապի մէջ զՄէրիմէ վիպասանը, իրեն մտերիմ, գաղտ փութով զրկեց առ թիէր, խորհուրդ հարցնելու և կերպով մը առաջարկելու նոր պաշտօնաբանի մը զուլիս կենալու, զԳաղղիա փրկելու համար: Թիէր անպատասխանի թողուց թէ զՄէրիմէ և թէ Մէղէնիք իշխանը, դեսպան Աւստրիոյ, որ նոյնօրինակ դիմում մը ըրեր էր կայսրուհւոյն կողմանէ: Սէղանի պարտութեան լուրը իր ամեն պարագաներովը քիչ քիչ

տարածուեցաւ պուլվարաց վրայ նախ, և ապա քաղ-
քին ամեն կողմ:

Անկարելի է բացատրել գաղղիացի մեծարան և մե-
ծայոյս ամբոխին զգացած խորին այլալուծիւնը այս
յուսախարութեան վրայ: Փողոցներուն մէջ ամեն կողմ
զանազան խումբեր հոս հոն կը տարուբերէին հար-
ցնելով, քննադատելով, վիճաբանելով:

Կամաց կամաց գլուխները տաքցան և բազմութիւնը
դիմեց նախ ի Լուվրը, ուր կը կենար Տրօշիւ զօրավա-
րը և ապա առ Օրէնսդիր ժողովըը « Անկո՛մն » գոչե-
լով: Ի Լուվրը զօրավարն Տրօշիւ ներկայացաւ ամբո-
խին և պատասխանեց որ իր պարտքն էր պաշտպանել
գլխարիս և կը խոստանար զայն կատարել. բայց անկէ
անդին իշխանութիւն մը չունէր: Իսկ Օրէնսդիր ժողով-
քին առջեւ խօսեցաւ Գամբէտտա զօրեղ ձայնովը յոր-
դորելով զժողովուրդը հանդարտ կենալու այսպիսի ծանր
ժամու մէջ և համոզեց որ ցրուի խաղաղութեամբ: Ու-
րիշ կողմեր աւելի ծանր յուզումներ եղան. դիմեցին
պահապաններ, կոիւններ ծագեցան և եղան վիրաւորք
և նոյն իսկ մեռնողք:

Սէզանի ձախող լրոյն վրայ թիէր և ձախակողմեան
երեսփոխանք կարեւոր դատեցան որ գումարուի Օրէնս-
դիր ժողովըը և իմացնէ ազգին իր կացութիւնը: Կայ-
սրուհին և վարչութիւնը հակառակ էին այս գումարման,
բայց մեծագոյն հետեւանքէ մը վախնալով, ժողովըը կո-
չեցին կէս փշերուան: Նիստտ սկսելուն՝ պատերազմի
պաշտօնեայն հաստատեց Սէզանի մէջ յաղթուելնին և
կայսեր գերութիւնը. աւելցուց խնդրելով որ գումարումը
յետաձգուի երկրորդ օրուան միջօրէին: Աջակողմեանք
ամենը « Այո՛ » կը գոչէին. բայց լիւր Ֆավրը երկու
խօսք մը ըսելու պայմանաւ յանկարծ ըրաւ երեք առա-
ջարկներ. ա. « Լուի Նապոլէոն Բոնապարտ և իւր ցեղը
անկեալ է իշխանութենէ. ք. Օրէնսդիր ժողովըը Բան-
ձնաժողով մը անուանէ. որուն տրուի ամեն իշխանու-
թիւն, և որուն նպատակն ըլլայ թշնամուոյն ընդդիմա-
դրել և որեւիցէ կերպով Գաղղիայէն արտաքսել: գ. Զօ-

րավարն Տրօշիւ մնայ կառավարիչ Պարիսու »: Այսօրինակ առաջարկներ ամիս մը առաջ կրնանք ոք խորհիլ կամ արտասանել. հիմա ամենայն ոք մտիկ ըրաւ լոռութեամբ: Պաշտօնարանը խնդրեց մանաւանդ որ այսօրինակ վիճարանութիւնք թողուն երկրորդ օրուան գումարման և ցրուեցաւ: Ամրողը նիստը քսան վայրկեան տեւեր էր:

Պարիսու ժողովուրդը ամրողը գիշերը անքուն անցուց: Ճատերը արդէն կ'երեւակայէին զթշնամին փութով մայրաքաղաքին դուրը հասած, և մէկ քանի ժամ մոռցան վարչութիւն, պաշտօնարան և ամեն ներքին կոխ:

2. — Սակայն առատօրը բացուելուն գաղափարները եւս սկսան ծնանիլ և բորբոքիլ: Ստիկանութեան պաշտօնեայն Պէտրի ամեն միջոց առեր էր Ռէնսդիր ժողովքին պաշտպանութեան համար: Հազար պահպանք հետի և ձիաւորք կոնկորդի հրապարակին չորս կողմերը բռներ էին: Կէսօրուան մօտ լսուեցաւ որ Լիոն քաղաքը Հասարակապետութիւն հրատարակեր էր և ժողովուրդը և բանակը միացեր են: Հոս հոն փողոցներուն մէջ սկսաւ լսուիլ « կեցցէ Հասարակապետութիւն »: Ամեն վայրկեան նոր լուր մը կը տարածուէր թէ քաղքին և թէ Պալէ Բուրբոնի մէջ ուր երեսփոխանք սկսեր էին հաւաքուիլ: Ժամը 10ին լսուեցաւ որ կայսրուհին հրաժարեր է, բայց Աջակողմեանք բոնադատեր են մնալու խնամակալութեան մէջ և Պալիքասօ զօրավարին դիկտատորութիւն առաջարկուեր է, բայց նա մերժեր է:

Կէսօրուան մօտ երբ զօրավարը հասաւ ի Պալէ Բուրբոն, Բիւֆֆէ, Դարիւ և Թալհուէ երեսփոխանք բռնադատեցին զինքը երթալ առ կայսրուհին և խնդրել որ՝ Ռէնսդիր ժողովքին յանձնէ ամենայն սահմանադիր իշխանութիւն: Բիւֆֆէ ինքը անձամբ տարաւ իր առաջարկը առ կայսրուհին, որ թէպէտ չուզեց հրաժարիլ իշխանութենէն, բայց ազատ թողուց զպաշտօնարանը գործելու, ինչպէս բարի կը դատէր:

Կէսօրուան Ռէնսդիր ժողովքը բացուելուն, բաց ի ժիւլ Ֆավրի երեք առաջարկներէն, ուրիշ երկու առաջ-

Սեպտեմբեր 4.
- Անկումն էր-
կրորդ կայսրու-
թեան. կայ-
սրուհւոյն փա-
խուստը յԱն-
գղիա:

արկը ալ եղան, մէկը Պատերազմի պաշտօնէէն, միւսը թիէրէ: Պատերազմի պաշտօնեայն կ'առաջարկէր զկոմսն Պալիբասօ ընդհանուր տեղապահ անուանել կայսրութեան և հինգ անձանցմէ Ազգային Պաշտպանութեան խորհուրդ մը կազմել, ընտրեալ Օրէնսդիր ժողովքէն, որ պիտի անուանէր պաշտօնարան մը: Իսկ թիէրի առաջարկածն այս էր. «Նկատի առնելով պարագայքը, խորհրդարանը կ'անուանէր վարչութիւն մը և Ազգային Պաշտպանութեան Բանձնաժողով մը: Երբ պարագայք ներեն, այն ատեն անմիջապէս պիտի գումարուի Սահմանադիր ժողովքը»: Այս երկու առաջարկը, ինչպէս նաեւ ժիւլ Ֆավրի երեքը, մասնաւոր Բանձնաժողովոյ մը քննութեան յանձնուեցան և նիստը առ ժամս կախ մնաց, մինչեւ որ Բանձնաժողովը իւր տեղեկագիրը բերէ առ խորհրդարանը:

Այս միջոցիս լա կոնկորդ հրապարակին մէջ մեծ շփոթութիւն մը սկսեց էր: Ամբոխը կը ջանար կամուրջը անցնիլ, բայց զինեալ քաղաքական պահապանք չէին թողուր: Ժամը Չին միջոցները Ազգային պահապանաց վաշտ մը իւր թմբուկով կու գայ անցնելու և քաղաքական պահապանք ճամբայ կու տան: Անոնց ետեւէն կը մղուի ամբոխը, կ'անցնի կամուրջը, կը հասնի Պալէ Բուրրոնի վանդակադրանց, կ'ելլէ անոնց վրան, կ'անցնի միւս կողմը և կը դիմէ Օրէնսդիր ժողովոյն ունկընդրութեան բազմոցներուն վրայ:

Ժամը երկուքուկիսուն Շնայտէ նախագահը նիստը բացուած կը հռչակէ: Սակայն բազմոցներէն եկած ազաղակը բան մը լսելի չ'ընէր: Ի զուր կամբէտտա կը դառնայ կը խօսի որ «զՕրէնսդիր ժողովքը հանդարտ թողուն որպէս զի օրինաւոր ըլլայ ամեն որոշողութիւն»: Նոր նոր խումբեր մեծագոյն շառաչներով ներս կ'ողողեն գոչելով «Անկոմս և Հասարակապետութիւն» և կը բռնեն դուրսը մնացած երեսփոխանաց տեղերը: Նախագահը նիստը վերցնելով կը քաշուի. ամբոխը աւելի խրախուսուելով, կը պահանջէ որ անմիջապէս Հասարակապետութիւն հրատարակուի: Բազմութիւնը մինչեւ

սկսաւ ճեմել երեսփոխանաց գրասեղաններուն վրայ. ու մանր կը պատուէին թղթեր, կը նետէին, ուրիշները ճառախօսել կը ձեւայնէին. չկար ազդեցութիւն մը որ սանձէր ամբոխը: Յանկարծ Գամբէտտա բեմը ելաւ և գոչեց « Քաղաքացիք, հայրենիք վտանգի մէջ է և մենք ըլլալով ժողովրդեան օրինաւոր ներկայացուցիչք, կը հրատարակենք որ՝ Լուի Նապոլէոն և իր ցեղը դադրած է Գաղղիոյ վրայ թագաւորելէ »: Մեծ ծափահարութիւններով և կեցցէներով կ'ընդունուի այս հրատարակութիւնը և Գամբէտտա կը յորդորէ զժողովուրդը երթալ Սթէլ զը Վիլ, հոն Հասարակապետութիւնը հռչակելու համար: Ինքը այսպէս կ'ելլէ սրահէն և բոլոր բազմութիւնը միասին, որով և ազատ կը մնայ ժողովարանին սրահը:

Այս աղմուկին ժամանակ մօտ երկու հարիւր երեսփոխանք հաւաքուած սրահի մը մէջ, կը վիճէին Օրէնբարդի ժողովոյն մէջ եղած առաջարկութեանց վրայ: Նոյն իսկ այն երեսփոխանք որ երկու ամիս առաջ այնքան նախատեր էին զթիէր, հիմա կը խնդրէին որ նախագահէ ժողովոյն: Այս միջոցին Ֆանձնաժողովոյն տեղեկարբեր ծանոյց թիէրի բանաձեւին ընդունուիլը՝ այս տարբերութեամբ որ փոխանակ « Ի նկատի առնելով պարագայքը » . դրուած է՝ « Նկատի առնելով գահուն պարագութիւնը »: Երեսփոխանք դեմեցին ժողովատեղին բանաձեւը բուժարկելու. բայց ամբոխէն դուռ ողողեալ գանձելով, դարձան կանխաւ հաւաքուած սրահին, ուր հասան փութով ժիւլ Ֆլավրը և ժիւլ Սիմոն և իմացուցին Օթէլ զը Վիլի մէջ Հասարակապետութեան հրատարակուիլը և նոր պաշտօնարանը: Այն ատեն թիէր խօսեցաւ որ ալ ժամանակ չկար վիճելու սկզբանց և գործոյ վրայ. չէր կարելի նաեւ եղածին դէմ կռուիլ. որովհետեւ այդ անձանց դիտաւորութիւնն էր թշնամին հայրենիքէն հանել: « Եթէ դէմ դնենք, հայրենեաց մնասակար գործ մը ըրած կ'ըլլանք: Աստուած օգնէ մեզի, ժամանակ չէ ներքին կռիւններու »: Աւելցուց թիէր որ՝ « չեմ հաւան այսօրուան եղածին վրայ, բայց կը մտա-

ծեմ որ թշնամուտն առջեւն ենք և ամենուս ուրիշ բան չմնար բայց եթէ քաշուիլ արժանավայել ծանրութեամբ» : Բայտնի է որ այս հոետորական խօսից ներքեւ ծածկուած էր մեծ մասին հաւանութիւնը, քանի որ ուրիշ բան կարելի չէր : Նոյնը եղաւ ձերակուտին մէջ ալ երբ Ռուհէ նախագահը իմացուց ամրոխին ողողելը ()-րէնսդիր սրահին ժողովքին մէջ : Կրկու ժողովքներուն փակուելով, կը վերջանար կայսերական վարչութիւնը . «սակայն առանց օրինաւոր վճռոյ մը կամ ազգային ընդհանուր ձայնի մը» :

Այս անցքերուն միջոց կայսրուհին պալատան պատուհանէն կը դիտէր ամրոխին յուզումը, երթուպարձը . և ամեն վայրկեան լուրերը կ'ընդունէր, սակայն առանց գուշակելու թատերախաղին վերջին լուծումը : Կըր Նիւֆֆէ պալատը երթալով գրեթէ հրաժարումը ինդրեր էր, կայսրուհին չէր ուզած համոզուիլ և մինչեւ պատճառարաններ էր, փնասակար համարելով իր քաշուիլը . բներ էր եւս որ « կուզեմ երթալ հիւանդանոցները և դիմել բանակին յառաջապահը » : Ասոնք խօսած ժամանակ լուր եկաւ որ ամրոխը սկսեր է կտորել կայսերական արծիւները և ()րէնսդիր ժողովքը ողողուեր է : Կայսրուհին կոչեց զգօրավարն Մէլին և հարցուց թէ առանց արիւնահեղութեան կարելի՞ էր պաշտպանել զՏիւրքի, երբ նա « Ոչ » պատասխանեց . այն ատեն « Ամենայն ինչ լմնցաւ, բաս . չեմ ուզեր այսքան ալիտից վրայ բաղարական պատերազմը եւս տւելցնել » : Հասան փութով ասպետն Նիզրա՝ Իեսսպան խտալիոյ և իշխանն Մէտէռնիք՝ դեսպան Աւատրիոյ, որոնք աճապարեցուցին ըզկայսրուհին փութով մեկնելու : Կայսրուհին անոնց հետ միարան հետը առնելով . եւս իր ընթերցողուհին՝ Տիկին զը Բըրտոն, քոյր Բուրբաքի գօրավարին, մեկնեցաւ հապ-

1. Գր լա Գորս. Բ. կայսրութիւն. Գ. Հոր. Թագաւորական պատմաւորը կը կշտամբեն ընդհանուր քուշարկութեան կողմակիցքը և սպարիւնաւոր կը գտնեն Գամբէտտայի այս գործը, հսկառակ հասարակեցողական սկզբանց :

ճեպով, Արզէն կը լսուէր ամբոխին ազազակը որ կ'ուզէր մտնել կայսերական պալատը. և կայսրուհին կ'ընչուով այն գոնէն որ կը նայի Սէն ժէրմէն դ'Օրսէրուա հրապարակին վրայ, ապաւինեցաւ իր ատամնարուժին տանը, որ իրեն ընկերացաւ այս փախստեան միջոց մինչև Եսթրամոնտոյ ծովեզերքը: Հոն գտաւ ճոն Բրր-կանյի զօրավարի որդւոյն զբօսանաւը որ կայսրուհւոյն խնդրանաց զիջանելով, անցուց զինքը յՄեզգիա ի Բլայզան: Ետն երեկոյ Եւժէնի հասաւ ի Հատդինկա, ուր կը գտնուէր իւր որդին:

Կայսրուհին հազիւ ելեր էր Տիւրքիէն, երբ ազգային պահապանաց զունդ մը մտաւ և տիրեց անոր, ետեւէն ունենալով ամբոխին բազմութիւնը:

Այսպէս վերջացաւ Երկրորդ կայսրութիւնը յետ տեւելու տասներութք աստի և ինը ամիս, որուն անկման պատճառց աւելի ներքին էին քան արտաքին: Ազատական մասը չնեղեց երբէք 2 Գեղեմեճեքը (1851)- կայսրութիւնը միշտ բռնակալութիւն մը նկատեց, և սպասեց, գտաւ յարմար ժամանակ ատարելու զանձնաւոր, այսպէս ասպակելով միանգամայն Գաղթոյ գերատեսչութեան զուգրութիւնը տրեղեկութեան հաստատարակչութեան նմարին մէջ: Վասնզի Երկրորդ կայսրութիւնը ատանց ատաճոյն մեծութիւնը և գինուարական ոյժը ունենալու, գիտցեր էր ասանազ փառքեր, գիտցեր էր ինքզինքը և իր ազդեցութիւնը բարձր բռնել, ստանալով Արքայապետեան պառտարեան սկզբունցով, ամեն փոքր ազգաց համակրութիւնը: Ամեն ընկենազ ազգ իրեն պաշտպան համարեցաւ զԵրկրորդ կայսրութիւնը և գիշարուէրն: Ս. Արթով սխրելի ժողովրդաց և խիժալի կատարարողներուն: Իր գինուարական ձեռնարկներն ամենն ալ նշանակութիւն մը չունեցան և սակայն ատանց ազդեցութեան կարողութեան

1. Հանձնի՝ ի կայսրութեան անկման պատճառ կը համարուի Ետն իսկ այդ Ազատարեան սկզբունցը, որով ինքը թագաւոր էր Կերտանոյ զանկրութեան կազմակերպ: -- Ա. Հասար, Ա. Գ. 1946:

զինուց, նուիրեց Գաղղիոյ, Նիս և Սապուա գեղեցիկ գաւառները: Այդ միշտ իրեն պիտի մնայ պարծանք ինչպէս միշտ պիտի դատապարտուի Ազգասի և Լորէնի կորսուելուն համար: Կայսերականը այս դատն անդամահատութիւնը կը համարին հետեւանք մը կայսրութեան անկման: Ստոյգ է որ եթէ Նապոլէոն Գ և կայսրութիւնը ժողովրդէն պաշտպանեալ մնային, կարող էին Պրուսիայէն յաւաքոյն պայմաններ ստանալ, զոր չէր կարող Սեպտեմբեր Ան ինքնաձին վարչութիւն մը կամ նոյն իսկ Հասարակապետութիւն մը, ստանալ. որ վրասահութիւն մը չէր ջնջէր: Եթէ կ'ուզուէր տապալել կայսրութիւնը, այդ պէտք չէր ըլլալ զինեալ թշնամույ մը բանակներուն առջի և սյն յեղափոխութեամբ մը, ամբոխի մը բռնութեան ներքի, այսպէս աւելի պահանջող ընելով գթնամբն:

3. — Փամբէտտա յիտ հրատարակելու (որէնադիր ժողովին մէջ կայսրութեան անկումը, ինքն իր կողմանէ, ապա ամբոխին հետ զացեր էր (թէ) զը վիլ, ուր շատն ձախակողմեան երեսփոխաններէն ժիւլ Ֆալրը, ժիւլ Ֆլորրի, Սպիրլէ, Լուիէն Արագո, Քէրազրի և ուրիշներ. և հաւարուեցան Անի քաղաքապետութեան սեփական հոն սահմանելու ընել իքնին: Եւ որովհետեւ օրինաւոր չէին համարիր առանց համայն Գաղղիոյ ներկայացուցչաց բոլոր Գաղղիոյ համար վարչութիւն մը որոշի. անոր համար մտածեցին Պարիսու համար միայն կոտորութիւն մը դնել, Պարիսու ներկայացուցիչ եռօրօրեաններու որոշողութեամբ: Ինչպէս է այս որոշողութիւնը եւ ունէր իր տկար կողմը. այսու հանդերձ որոշեցին զգործարն Տրոշի նախագահ վարչութեան և պաշտօնեայք՝ Արտաքին Գործոց՝ ժիւլ Ֆալրը, Կերպիս Գործոց՝ Փամբէտտա, Պատերազմի՝ զօրավարն Լրեո, ծովային զօրութեան՝ Նոբակալն Ֆլորիշոն, Արտաքինութեան՝ Կրէմիէօ, Ելեւմտից՝ Լրնէ Պիկար, Հարային Կրթութեան և Կրօնից՝ ժիւլ Սիմոն, Հանրային Կատակոց՝ Գորիան, Երկրագործութեան և վաճառականութեան՝ Մանեէն: Պարիսու քաղաքապետն անուա-

Երբոր Հասարակապետութիւն:

նուեցաւ Էտիէն Արակօ, իրեն օգնական ունենալով զՇարլ Ֆլորէ և Հանրի Բրիսոն. Ստիւկանապետ՝ Դր Քէրադրի: Նոր վարչութիւնը վերցուց ձերակոյտը և ցրուեց Օրէնագիր ժողովքը:

Գամբէտտա Սթէլ դը Վիլի առջեւ հազարաւոր խռնեալ ամբոխին խմացուց Ազգային Պաշտպանութեան վարչութիւնը, կտրուց պաշտօնէից անունները, աւելցրնելով որ այս վարչութիւնը անցողարար էր, մինչեւ որ ազգը ընտրութիւններով վարչութիւն մը սահմանէ: Եւ թէ նպատակն էր պաշտպանել ազգը օտարին յարձակման դէմ. ապա պիտի հրաժարէր: Ամբոխը ցրուեցաւ կեցցէներով: Բայց կար մաս մը, որ պաշտօնէից ուրիշ ցանկ մը պատրաստեր էր, որուն մէջ կային Բլանքի, Ֆէլլըս Պիա, Տրէկլիւզ անունները, դարձեալ շատ մը պահանջներ կալուածոց, տրոց և ազատութեանց նկատմամբ:

Սեպտեմբեր 4ի վարչութիւնը իր ծնած օրէն թշնամի կ'ունենար Պարիսու Հասարակութեան վարչութիւն մը կազմելու մտածողները:

Ազգային Պաշտպանութիւնը ոչնչացուց ամեն քաղաքական դատաւարտութիւն և աքտրեալները ետ կանչեց, փոփոխեց թէ ներքին և թէ արտաքին այն պաշտօնակալը և դեսպանը, որոնք իրեն կասկած մը կրնային շնչել. դիրնցուց կամաւոր զինուորութիւնը, ազատութիւն շնորհեց տպագրութեան և լրագրութիւնը ազատ բրաւ նամակագրոյմէ: Ի զէն կանչեց ամբողջ ազգը, և ռոճիկ սահմանեց մնայուն ազգային պահապանաց: Ասոնք ամենը բրած ժամանակ՝ նաեւ բոլոր Ազգը հրաւիրեց Հոկտեմբեր 16ի ընտրելու իր ներկայացուցիչ երեսփոխանքը Սահմանադիր ժողովոյ մը համար, ուսկից պիտի ծնանէր նոր վարչութիւնը: Ընտրութիւնը պիտի ըլլային ուղղակի՝ 1849ի օրէնքին համեմատ: Եւ որովհետեւ վախ կար Պարիսու պաշարման, անոր համար որոշուեցաւ որ վարչութեան փոխանորդութիւն մը նստի ի Տուր. հոն զրկուեցաւ Արդարութեան պաշտօնեայն Քրէմիէօ, որուն քով պիտի խմբուէին միւս պաշտօնարանաց ներկայացուցիչք: Քիչ վերջը զրկուեցաւ նաեւ

ծովակալն ֆուրիշոն՝ իրր պաշտօնեայ Մովսային զօրու-
թեան և ներկայացուցիչ պատերազմի:

Նոր վարչութիւնը հրատարութեամբ մը իմացուց ամեն քաղաքապետաց, զօրավարաց, Ալճէրիի ընդհանուր կառավարչին և Գաղղիոյ ամեն ունեցած տեղերու՝ հեռագրով որ « Օրէնսդիր ժողովքը հռչակեց կայսրութեան անկումը. Հասարակապետութիւնը հռչակուեցաւ յՕթէլ ղը վիլ և Ազգային Պաշտպանութեան վարչութիւն մը կազմուեցաւ Պարիսու երեսփոխաններէն, զորս հաստատեց ժողովրդեան հաւանութիւնը: Զօրավարն Տրօշիւ որ Ազգային Պաշտպանութեան զինուորական լիակատար իշխանութիւնը ունի, է՛ միանգամայն Նախագահ վարչութեան »: Ժիւլ ֆավրը իրր պաշտօնեայ Արտաքին Գործոց, Գաղղիոյ ամեն դեսպանաց և ներկայացուցչաց իմացուց վարչական փոփոխութիւնքը. « Արութեամբ և մեր անձին նախատանօք իսկ պաշտպանեցինք խաղաղութիւնը. հիմայ աւելի եւս համոզմամբ նոյնը պիտի ընենք: Սրտերնիս կտոր կտոր կ'ըլլայ տեսնելով մարդկային ահաւոր կոտորածք և արիւնահեղութիւնք, որով կը ջնջուին երկու ազգերուն ալ ծաղիկները: Պրուսիոյ թագաւորն ըսաւ որ ինքը չէր կոուէր Գաղղիոյ դէմ, այլ ընդդէմ կայսերական ցեղին: Կայսերական ցեղը գետին ինկաւ, Գաղղիա ազատ վեր կը կանգնի: Արդեօք Պուսիոյ թագաւորը պիտի ուզէ՞ շարունակել ամբարիշտ պատերազմ մը, հաւասարապէս վնասակար իրեն ալ մեզ ալ... Կափազնիս է տեւողական հաշտութիւն մը և մեր շահը հաւասարապէս է բոլոր Արուպայի: Եթէ միայն ալ մնանք, պիտի չտկարանանք. յետ պիտի չտանք թիզ մը մեր հողէն և քար մը մեր յերդերէն »:

4. — Ժիւլ ֆավրի շրջաբերականէն կը տեսնուէր նոր վարչութեան դէպի հաշտութիւն միտումը և Զանքը. բայց հակառակորդը բոլորովին տարբեր կը մտածէր: Նա կուզէր զԳաղղիա այլ եւս չկարենալ վնասելու դիրքին մէջ դնել և Պարիսու մէջ վարչական յեղափոխութիւնք կատարուած ժամանակ, նա կը յառա-

Պարիսու զինուորական պատրաստութիւնք:

ջէր և Օգոստոս 15ի Նապոլէոն կայսեր տօնին օրը, ումբակոծեր էր մեծ աւերմունքներով Ստրազբուրկ քաղաքը, որ կ'ընդդիմանար արութեամբ: Պարիսու ժողովուրդը այս դիւցազնական ընդդիմութիւնը պատուելու համար, ամեն օր ծաղկամբք կը ծածկէր Պլաս Կոնկորդի մէջ եղած Ստրազբուրկի արձանը: Թշնամին կը յառաջէր դէպ ի Պարիս և Պարիսու վարչութիւնը մայրաքաղաքին պաշտպանութեան յոյսը Մէցի բանակին վրայ դրած էր: Պալիքաս պաշտօնարանը իր վերջին ժամանակներուն մէջ մեծ եռանդեամբ և խորհրդով հսկեր էր բերդերուն զինուելուն: Այս անձկութեան միջոց, ամեն ամրոցի, Մովսային զօրութեան թնդանօթներ զրուեցան ծովային հրաձիգներով, որոնց գունդերը բերուեցան նաւահանգիստներէն: Բերդերուն և պարսպաց վրայ հրամանատարք զրուեցան զօրավարք, ծովակալք, տէրութեան նաւապետք. պէտք էր ամեն ոյժ գործածել: Միանգամայն անբաւ պաշար և կենդանիք փոխադրուեցան և զիզուեցան ի Պարիս և աւելին թերեւս հաւաքուէր, թէ որ թշնամւոյն ընթացքին վրայ աւելի ճշգրիտ տեղեկութիւն ունեցուէր: Քանի թշնամւոյն մօտենալու լուրը կը լըսուէր, շատ մը օտարականք և պարիսցիք քաղքէն կը փախչէին: Ընդհակառակն մերձաւոր քաղաքներու, աւաններու և զիւղերու բնակիչք կ'ապաւինէին ի Պարիս: Մտածուեցաւ անօգուտ բերանները հանել մայրաքաղաքէն, բայց ասպ չգործադրուեցաւ. վասնզի շատ դժուար պիտի ըլլար պարիսցին հանել իրեն պաշտած քաղաքէն. նա մանաւանդ որ ծերերը զէնք պահանջեցին մնալուն զինուոր ըլլալու և կանայք, պառաւներ, պատրաստ էին հիւանդներ նայելու և ուրիշ ծառայութեանց:

Պարիսու մէջ կազմուած գունդերը Վինուա զօրավարին հրամանատարութեան ներքեւ զրկուած էին միանալու Մակ Մահոն մարաջախտի բանակին, սակայն Սէղանի կոուէն առաջ չհասնելով, բռնադատուեցան Պարիս դառնալու: Այս գունդերը միայն տրամադրելի էին մայրաքաղաքին պաշտպանութեան համար. կային Սէնի շարժուն պահանորդք և Պարիսու մէջ բանակած ինքնա-

կամ հարիւր հազարէն աւելի շարժուն պահապանք, որոնք սակայն զէնք չունէին: Ժողովուրդը սիրով կը հոգար անոնց նիւթական պէտքերը: Սակայն ամեն պատրաստութիւն երեք, չորս շաբաթուան համար էին. ընաւ չէր կրնար գուշակուիլ որ Պարիս երկար պաշարուած կրնայ մնալ: Արդէն պաշտպանողաց արութիւնը որքան ալ մեծ ըլլար, որչափ ալ անսահման ըլլար քաղաքացւոց անձնանուիրումը և զոհողութիւնը, Պարիս ռազմագիտական տեսակէտով շատ յետնեալ մնացեր էր: Երբ հրանօթից և գնդակաց արձակման գիտութիւնը կը յառաջէր հակայաքայլ օտար երկիրներու մէջ, գիտութեան վարչութիւնը հոգ չէր ըրած հեռացնելու պատուարները և պարսպաց շրջանակները, որպէս զի թշնամոյ ումբերը չ'ինկնան քաղքին մէջ: Պալիքաս պաշտօնարանը շատ ուշ ընթանց և ջանաց դարման տանել երկաթուղոյ բոլորչի գծերով ամրացնելով պարիսպները և անոնց ետեւ ամբարտակներ բարձրացնելով. նոյնը շարունակից դեռ աւելի ուրիշ միջոցներով զօրավարն Տրօշիւ, բայց այս ամենն ալ ածապարանօք եղած բաներ էին: Թազմագիտական անհոգութիւնը եղած էր նաեւ նկատմամբ ամեն բերդաքաղաքաց, որով Պրուսիացիք յետ միանգամ սահմանազուխը անցնելու և մտնելու վրժի գծին վրայ, անկէ վերջը կրնային ապահով գալ պաշարել զՊարիս. մանաւանդ երբ Մէցի բանակը գործելու անկարող վիճակի մէջ դրուեցաւ:

Ծ. — Վարչութիւնը լիովին ըմբռնած էր իւր դժուարին կացութիւնը. ստիպուած էր խաղաղութեան փափագելու, առ այս կը յուսար նաեւ չէզոք տէրութեանց ազդեցութեանը վրայ: Հասարակապետական վարչութիւնը հրատարակուելուն, պաշտօնապէս զայն առաջին ճանչցողն եղան Ամերիկայի Միացեալ Նահանգք, ապա Զուիցցերի, Իտալիա, Սպանիա և կարգաւ ուրիշ տէրութիւնք: Դիւանական յարաբերութիւնք անմիջապէս հաստատուեցան: Թիէր չէր ուզած վարչութեան մասնակցիլ, որովհետեւ իրեն համար օրինաւոր ծնունդ մը

Խաղաղութեան փորձեր. — Ժիւլ Ֆալրե և Թիէր:

չէր երեւցած, բայց և չամբօքս իրը ներկայացուցիչ Գաղղիոյ դիմել Եւրոպիոյ իշխողաց, անոնց միջամտութիւնը խնդրել պատուաւոր հաշտութեան մը համար ընդ Գաղղիա և ընդ Պրուսիա: Սեպտեմբեր 11ին մեկնեցաւ շրջելու օտար արքունիքները:

Ժիւլ Ֆաւրը ևս որոշեց փորձել նոյն նպատակը ուղղակի բանակցելով Բիսմարքի հետ: Պրուսիացի պաշտօնէին հետ առաջին տեսակցութիւնը եղաւ Հօթ Մէնի ղղեկին մէջ: Բիսմարք սիրով ընդունեցաւ զգաղղիացի պաշտօնեայն որ ջանաց պատճառաբանել պատուաւոր հաշտութեան մը համար, զոր ապա հաստատել պիտի տար գումարուելիք Սահմանադիր ժողովքէն: Բիսմարք նկատել տուաւ որ համոզուած չէր թէ Գաղղիոյ ժողովուրդը հաշտութեան կը փափագի. աւելցուց եւս որ « Եթէ Պարիս փութով չ'առնուի ի Գերմանացուց, խաժամուժը զայն պիտի առնու և վեր վար պիտի ընէ »: Ի զուր ջանաց Ժիւլ Ֆաւրը համոզել զԲիսմարք որ զգաղղիացի ժողովուրդը խաղաղութեան կը փափագի. պրուսիացի պաշտօնեայն չէր ալ ուզեր համոզուիլ յետ այսքան յաջողութիւններու: Ժիւլ Ֆաւրը հարցուց նաեւ թէ ինչ պայմաններով իրենց թոյլ պիտի տրուէր հաւաքելու բոլոր ազգը և հարցնել անոր կամքը: Բիսմարք պատասխանեց որ անհրաժեշտ իրեն պէտք էին « Ստորին և բարձր Հոնոսի երկու գաւառքը, Մոզէլի մաս մը Մէյնով մէկ տեղ, նոյնպէս Շաթօ Սալէն և Սուասոն »: Ժիւլ Ֆաւրը այլայլած պատասխանեց որ « կրնանք ազգութեանց թիւէն ջնջուիլ, բայց ոչ անպատիւ ըլլալ... Պրուսիա յաղթութենէ արքեալ, Գաղղիոյ կործանումը կ'ուզէ. ազգը չ'ընդունիր: Թողուցէր որ ազգային ժողովք մը գումարենք որուն յանձնենք մեր իշխանութիւնը, և նա որոշէ վերջնական վարչութիւն մը որ խօսի ձեզի հետ պայմանաց վրայ »: Բիսմարք պատասխանեց որ այդ « Մրազիրնիդ կատարելու համար զինադադարումն կարելու է, զոր չեմ կրնար տալ բացարձակապէս »: Նոյն երեկոյ Ժիւլ Ֆաւրը կրկին տեսակցութիւն մը ունեցաւ և կրցաւ համոզել

զկոմար ի նպաստ զինազադարման մը: Բիսմարք խոստացաւ խօսել թագաւորին և հաւանութիւնը հարցնել: Երկրորդ օրը Բիսմարք ժիւլ Ֆալրի իմացուց զինազադարման մը պայմանքը՝ Պրուսիացիք պիտի բռնէին Ստրազբուրկ, Թուլ և Ֆալսբուրկ. և որովհետեւ ժիւլ Ֆալրը ըսած էր որ Սահմանադիր ժողովքը թերեւս գումարուի ի Պարիս, այդ պարագային մէջ Պրուսիացուց պիտի յանձնուէր քաղքին վրայ տիրող բերդ մը, զոր օրինակ Մոն Վալէրիէնի ամրոցը: Ժիւլ Ֆալրը վշտացաւ ընդհատեց զԲիսմարք « Լաւ էր զՊարիս ուզէիք, ըսաւ. ի՞նչպէս կ'ուզէք որ գաղղիացի ժողովք մը որոշողութիւն ընէ ձեր թնդանօթներուն ներքեւ »: Բիսմարք առաջարկեց որ ժողովքը գումարուի ի Տուր, բայց Ստրազբուրկի պահանջողը պատերազմի գերի ըլլայ:

Ժիւլ Ֆալրը Պարիս դարձաւ և իմացուց վարչութեան իր ունեցած խօսակցութիւնքը Բիսմարքի հետ, նոյնը հաղորդեց նաեւ Գաղղիոյ ամեն դեսպանաց: Նոյն օրերը Պրուսիոյ վարչութեան տպագիր հրատարակութիւն մը կը ծանուցանէր՝ մինչեւ որ Գաղղիոյ մէջ օրինաւոր վարչութիւն մը հաստատուի, ինքը միայն կայսեր վարչութիւնը կը ճանչնար. և յօժար էր հաշտութեան մը համար բանակցելու կամ Նապոլէոնի, կամ Խնամակալութեան և կամ նոյն իսկ Բազէն մարաջատի հետ որ կայսրէն ստացած էր իր իշխանութիւնը: Գերմանիա չէր կրնար բանակցիլ վարչութեան մը հետ որ (որէնադիր ժողովքին ձախակողմեանքը կը ներկայացնէր միայն): Այս ամենը և բանակցութեան ելքը լսուելով Պարիսու մէջ, ժողովուրդը յուզուեցաւ: Բազմութիւնը դիմեց (Թէլ տը Վիլ, լուր առնլու և վարչութիւնը անմիջապէս հրատարակել տուաւ որ Ազգային Պաշտպանութեան ծրագիրն էր « Ոչ մի թիզ հողէն, ոչ մի քար բերդերէն »: Ամբոխը հանդարտած ցրուեցաւ:

6. — Այս բանակցութեանց և յուզմանց ժամանակ գերմանացի բանակը միշտ կը յառաջէին: Աղանի յաղթութեան վերջը, գերմանացի չորս բանակներէն երկուքը, Երրորդը որուն կը հրամայէր Պրուսիոյ թա-

20 Սկստ.

Պրուսիացիք կը յառաջեն. Պարիս կը պաշարուի:

Սեպտ. 9.

գաժառանգը և Չորրորդը՝ որուն կը հրամայէր Սաքսոնիոյ թագաժառանգը, չուեցին Պարիսու վրայ և դիմացնին ամենեւին արգելք մը չգտան: Լան քաղաքը անձնատուր եղաւ, որովհետեւ մէջը պահանորդ չկար դէմ դնելու: Երբ անձնատուութիւնը կը ստորագրուէր, բերդին վառօղարանը օդը ելաւ սպաննելով սակաւաթիւ Գաղղիացիք և Պրուսիացիք, մահացու վիրաւորելով բերդին հրամանատար զօրավարը, որ քիչ վերջը մեռաւ: Երրորդ բանակը որուն մէջ էր նաեւ թագաւորը և ընդհանուր հրամանատարութիւնը, դէպ ի հարաւ իջնելով և անցնելով Ռէմս, Լպրոնէ, Շալոն սիւր Մարն, Շատօ թիէրրի, Սեպտեմբեր 15ին հասաւ ի Մօ, ուր հաստատուեցաւ թագաւորին ճամբարը: Իսկ Չորրորդ բանակը՝ նոյնպէս Սեպտեմբեր 15ին Պարիսու հիւսիսային կողմէն Շոմոնի, Ռէթէլի վրայէն հասաւ ի Սանլի: Այն ատեն Երրորդ բանակը Վիլնէօֆ Սէն ժորժի վրայէն անցաւ Սէնը, կամուրջ հաստատելով, յետոյ չուեց դէպ ի հարաւային Արեւմուտք և Սեպտեմբեր 20ին հասաւ ի Վէրսայլ ուր թագաւորը հաստատեց իր բնակութիւնը: Չորրորդ բանակը դէպ ի հիւսիսային արեւմուտք քալելով, Սէն Դընիի շրջանը ըրաւ և մօտեցաւ Երրորդին: Պրուսիացիք բնաւ տեղ մը ընդդիմութիւն չգտան, բացի Շաղիոնէ որ կարեւոր դիրք մ'էր և ուր Պարիսու կառավարութիւնը զրկեւր էր զՌիւկըօ զօրավարը, այն որ փախեւ էր Բրուսիացուց ձեռքէն: Սակայն Դիւկըոյի զօրարածինը մեծաւ մասամբ նոր կազմուած և անվարժ զունդեր էին, մանաւանդ զուսֆնեբրուն ջոկատը. պատերազմը սկսելուն, զունդերը պառակտեցան և ցիրուցան փախան դէպ ի Պարիս ամեն կողմ քարոզելով պարտութիւննին և Պրուսիացուց ահաւոր զօրութիւնը: Բայց երբ փախստականք և դասալիքները Պարիսու մօտեցան, զինուորական իշխանութիւնը ազգային պահապանաց զունդեր զրկեց և զանոնք կալանաւորեց և Պարիսու կառավարիչը հրովարտակով մը զանոնք « վատ » պախարակեց: Պրուսիացիք միշտ կը յառաջէին և Սեպտեմբեր 19ին Պարիս ամբողջովին

պաշարուած էր և կտրուած Գաղղիոյ միւս մասերու հետ հաղորդակցութենէ: Անկէ վերջը Պարիսէ դուրս հաստատուած իշխանութեանց կը մնար երկրին ազատութեան համար մտածել և աշխատիլ:

7. — Սեպտեմբեր 16ի Տուրի մէջ հաստատուած իշխանութեանց նուիրակութիւնը, անմիջապէս սկսեր էր իր չորս կողմը բանակ մը կազմել. վասն զի Գաղղիա բանակ չունէր և ունեցածն ալ Մէցի մէջ պաշարուած էր: Ափրիկէէն գունդեր բերել տուաւ, հաւաքեց Գաղղիոյ հոս հոն եղած փոքր ջոկատները, զինուորը ըրաւ շարժուն պահանորդներէն մաս մը, և այսպէս սկսաւ ձեւացնել Լուաթի քսակը որ քիչ ատենէն 25,000 զինուորի հասաւ և որոց հրամանատար զրուեցաւ զօրավարն Լամոտ—Ռուօ: Նմանօրինակ գունդեր ալ կազմուեցան Գաղղիոյ արեւելակողմը կամբրիէլ զօրավարին հրամանատարութեան ներքեւ, որոց պարտքը պիտի ըլլար Վլոփի հարաւային անցքերը պահպանել: Ուրիշ կամաւոր շարժուն գունդեր ալ սկսան ձեւանալ Արեւմտեան կողմը: Տուրի նուիրակութիւնը Սեպտեմբեր 29ի հրովարտակով մը քաղաքապետաց հրամայեց փութով շարժուն գունդեր պատրաստել 21 տարուրէն մինչեւ 40 տարուան քաղաքացիներէ, որոնք զինուորութեան չէին պատկաներ. փութով հրահանգել զադոնք և անցնել պատերազմի պաշտօնէին տրամադրութեանը:

Լուաթի բանակը — Պրուսիացիք կը տիրեն Օուէանի. — Ուրիշ պատերազմունք:

Լուաթի բանակին կազմուելուն արգելք ըլլալու և միանգամայն տիրելու համար (Օուէանի, որ կեդրոն մ'էր Արեւմտեան և Հարաւային Երկաթուղոյ գծերուն, պրուսիացի հետեւակ և հեծեալ գունդեր, Ֆրոն դէր Թան զօրավարին և Պրուսիոյ Ալբրէխտ իշխանին հրամանատարութեան ներքեւ յառաջեցին դէպ ի (Օուէան): Սեպտեմբեր 25ին (Օուէանէն դէպ ի Պարիս ճամբուն վրայ Պրուսիացիք զարնուեցան Լամոտ Ռուօ զօրավարին գունդերուն հետ և յետ բուն մրցման, ետ նահանջեցին մինչեւ ի Տուր:

Թշնամոյն յառաջելու լրոյն վրայ (Օուէանի զինուորական հրամանատարը՝ զօրավարն Պուէէ, անկա-

րելի համարելով պաշտպանել քաղաքը, հրամայեց քաշուիլ անկէ: Բայց Օուլէանի քաղաքապետը և հասարակութիւնը՝ դէմ կեցան այս պարպուելուն և զօրավարն Պոլէէ կրկին դարձաւ յՕուլէան. բայց քիչ ժամանակուան համար, որովհետեւ Ֆոն դէր Թան զօրավարը հրաման ընդունեցաւ վէրսայլէ յարձկելու Օուլէանի վրայ և 35,000 զինուորը և 82 հրանօթք երեւցան Օուլէանի ճամբուն վրայ Հոկտեմբեր 10ին, իրենց առջեւէն փախցրնելով գաղղիացի ջոկատներ: Նոյն իսկ զօրավարն լամոտ Ռուժ Հոկտեմբեր 11ին անհնար դատելով այնպիսի զօրաւոր թշնամոյ մը առաջըր առնուլ, անցաւ Լուաոի ձախ կողմը: Իրեն նահանջը պաշտպանելու համար 3500 անձանցմէ կազմեալ բանակ մը թողուց ետեւէն, որոց մէջ կային օտար զունդեր, և որոնք տասը ժամ դիւցազնական արութեամբ ճամբան մրցեցան պրուսիացոց բանակին: Օտար զունդերն էին 1490 անձինք, որոց մէջ կային Հոլովմայ Քահանայապետին ալ 360 զուաֆք: Այդ 1490 կոռուղներէն 34 միայն հասան ի Բլուա և 16 պապական զուաֆք: Օտար զունդերուն արութիւնը և անձնանուիրումը զարմացուց զԵրոպա: Պրուսիացիք Հոկտեմբեր 12ին տիրեցին Օուլէանի մօտ եղած Մոնժուա լերան և կէսօրուան մօտ սկսան կրակ թափել քաղքին վրայ որ բնաւ պաշտպանութիւն մը չունէր և այրեցին Երկաթուղոյ կեդրոնական կայարանը: Յետոյ երաժշտական քայլերգով մտան յՕուլէան և կանչելով անմիջապէս զՊէրէյըրա քաղաքապետը հինգ միլիոն ֆրանք տուգանք դրին քաղքին վրայ, յորոց 180,000ը անմիջապէս վճարել պահանջեցին:

Օուլէանի առմամբ Պրուսիացոց ձեռքը կ'իյնար Գաղղիոյ կեդրոնի ճամբաները: Վարչութիւնը զգաց եղած հարուածը, զոր կրնար աստիճան մը խափանել զօրավարն լամոտ—Ռուժ թէ քաջութեամբ ընդդիմանար, անոր համար իր ձեռքէն առնուեցաւ Ժի բանակին հրամանատարութիւնը և տրուեցաւ տ'Օրէլ դը Պալատին զօրավարին, արի անձ մը որ պաշտօնը ստանձնած ժամանակ ըսաւ զինուորաց «Միտքս դրած եմ հրացանի

բռնել ամեն զինուոր որ վախնայ թշնամույն դիմաց, թէ ես ալ շուարիմ, զիս հրացանի բռնեցէք»:

8. — Քիչ օր առաջ Գերմանացւոց անձնատուր եղեր էր նաեւ Ստրազբուրկ յետ երկու ամիս պաշարման: Արդէն Օգոստոսի 7էն երբ շրջակայից բնակիչք փախստէիցմէ իմացան Վէտրթի պարտութիւնը, ամենը դէպ ի Ստրազբուրկ ապաւինեցան, զոր կը պաշտպանէր զօրավարն իւհրիկ 11,000 զինուորօք: Գերմանացի բանակը (Օգոստոս 10ին նուիրակ մը դրկեց քաղաքին՝ անձնատուր ըլլալու: Սակայն եթէ հրամանատարը և եթէ ժողովուրդը պատասխանեցին որ պիտի կուռէին մինչեւ վերջը: Այն ատեն գերմանացի բանակը պաշարեց քաղաքը: Եւ որովհետեւ Ստրազբուրկի բերդօրայք խեղճ դրութեան մէջ էին, փութով Բադէնի գունդերը ընդ հրամանատարութեամբ Բէյէր զօրավարին, տիրեցին մօտ աւաններուն և քաղաքը բաժնեցին իւր գիւղերէն: Հասան նաեւ պրուսիացի գունդեր որոց կը հրամայէր զօրավարն Վէրթէր և քաղաքը ամեն կողմանէ պաշարելով, հրաւիրեցին զզօրավարն իւհրիկ անձնատուր ըլլալու, որ մերժեց:

Ստրազբուրկի անձնատուր ըլլալու:

Օգոստոս 15ի Նապոլէոն կայսեր տօնախմբութեան օրը, գնդակաց ահաւոր կարկուտ մը սկսան թափել քաղաքին վրայ: Եւ որովհետեւ զաղղիացի զօրավարը մայր եկեղեցւոյն վրայ հաստատեր էր զինուորական դիտարանը, Պրուսիացիք զմայր եկեղեցին ալ գնդակակոծման շրջանակին մէջ պարունակեցին: Վէրթէրի նպատակն էր կործանել զինուորանոցները, զինարանը և պաշարուց շտեմարանըը, այսպէս բռնադատել զժողովուրդը և զբանակը հաշտութիւն խնդրելու: Օգոստոս 18էն վերջը շարունակ և սաստիկ ուժակոծումը սկսաւ, որ ալ անկարելի եղաւ մեռեալքն անգամ տանիլ թաղել քաղքէն դուրս. և Բուսարանութեան պարտէզը գերեզմանոց վերածեցին: Օգոստոս 24ին կարկտանման թափած գնդակներուն սուլելու ձայներուն մէջէն, յանկարծ լսուեցաւ « կրակ » աղաղակը. և ահա տեսնուեցաւ որ կը բռնկեր մայր եկեղեցւոյն շնաշխարհիկ զան-

զակատունը: Ադդէն հրդեհը երագ կ'ընթանար մայր եկեղեցւոյն փողոցը և Քլէբէրի հրապարակը. ահաւոր տեսարան մ'էր. եթէ երկինք և եթէ շէնքերը կարմիր լուսով մը կը ցոլային: Այրեցան արհեստից ամենաթանկագին առարկայք, քաղաքական գրատունը, ձեռագիրներու հաւաքածոյք, հին նշանաւոր պատկերաց թանգարանը, նոր եկեղեցին, բողոքականաց մեծ տաճարը իր տիեզերահռչակ երգէտնով, բազմաթիւ գեղեցկաշէն պալատք և տունք: Ժողովրդեան մաս մը ապսւինեցաւ գետնափոր բնակութիւններ և խորշեր, անկարելի ըլլալով փողոցներէն անցնիլ: Ի զուր Ստրազբուրկի եպիսկոպոսը նուիրակութիւն մը ղրկեց գերմանացի հրամանատարին որ խնայուի քաղաքին և քաղաքացւոց, Վէրթէր կը պահանջէր անձնատուութիւն, զոր յանձն չէր առնուր Խհրիկ, յուսալով որ օգնութիւն մը հասնի և շարունակուեցաւ ուժակոծումը: Ստորերկրեայ բնակութիւնք, կերակրոց պակսիլը և օդոյն ապականութիւնը փութով քաղաքին մէջ զանազան հիւանդութիւնք տարածեցին: Ստիկանութիւնը բացաւ հասարակաց շէնքերը, բայց շատերը գետնափոր բնակութիւնները աւելի նախադաս և ապահով համարեցան: Խհրիկ այրեց Քէհլ բաց քաղաքը, որպէս զի թշնամեաց ձեռքը չ'իյնար, անոր բնակիչքն ալ լեցուեցան ի Ստրազբուրկ:

Զօրավարն Վէրթէր տեսնելով որ այս ուժակոծումը բաց ի բոլոր Եւրոպիոյ և քաղաքականացեալ ազգաց քստմունքէն ուրիշ արդիւնք մը չունեցաւ, դադրեցուց կրակը (Վոստոս 28ին և սկսաւ կանոնաւոր պաշարում մը, որով յուսաց միայն ընկճել աննկուն քաղաքը: Ամբողջ բոլորտիքը զուգահաւասար երկու զիծ գունդեր շարեց, իրենց ամբարտակներով և թնդանօթներով և այդ զիծերը քիչ քիչ մօտեցուց քաղաքին պարսպաց, գոգցեա զայն խեղդելով: Զօրավարն Խհրիկ տեսնելով որ ամենայն ինչ լմնցած է, փորձեց քաղքէն դուրս յարձակում մը դէպ ի վախճն և Սարս, որպէս զի խանգարէ թշնամոյն ամրութիւնը, սակայն ետ վանուե-

ցաւ: Ուրիշ յարձակումներ ալ ըրաւ, որոնք ամենն ալ նոյն վերջը ունեցան: Բովանդակ Եւրոպա յուզուած էր Ստրազբուրկի այս դիւցազնական ընդդիմութեան վրայ, սակայն չէզոքութեան պատճառաւ ոչ ոք կարող էր միջամտել. միայն հելուետիացի նուիրակութիւն մը խընդրեց Սեպտեմբեր 8ին Վէրթէրէ և հրաման ստացաւ որ քաղքէն կարենան դուրս ելլել կանայք, տղայք ծերք և հիւանդք: Այսպէս հասարակութեան ընտրանօք 2500 անձինք ելան քաղքէն և մեկնեցան ի Զուիցցերի, ուր գտան առատածեռն և հոգացող ընդունելութիւն: Այս նուիրակաց միջոցաւ ստրազբուրկցիք իմացան Պարիսու մէջ եղած յեղափոխութիւնը և նոր վարչութիւնը: Սեպտեմբեր 20ին ալ Ստրազբուրկի նոր անուանուած քաղաքագետը՝ Վլալանթէն՝ թշնամեաց գնդակներուն ներքեւ, լողալով անցաւ պարսպաց շուրջը եղած գետակը և մտաւ իւր պաշտօնատեղին: Վլալանթէն խրախուսեց կէս լքեալ ժողովուրդը դէմ կենալու ցլետին կէտ, որով և Իւհրիկ մերժեց անձնատրութեան ո՛ր և է պայման: Բայց թշնամին քայլ առ քայլ կը մօտենար պարսպաց և զինուորաց ու քաղաքացւոց դիւցազնական ընդդիմութիւնը այլ եւս նպատակ մը չունէր, քաղաքը անպատճառ պէտք էր ալ դռները բանալ կամ մոխրի և աւերակներու կոյտ մը դառնալ խառն բնակչաց դիակներով: Այն ատեն միայն զօրավարն Իւհրիկ սպիտակ դրօշը պարզեց պարսպաց վրայ՝ Անձնատրութեան պայմանը նոյն եղան ինչ որ Սէդանի: Զօրավարք և սպայք յետ խօսք տալու որ այլ եւս չկոտլին ամբողջ պատերազմին ժամանակ, ազատ էին երթալու ո՛ւր որ կուզէին. իսկ զինուորք և շարժուն պահանորդք գերի համարուեցան: Ամենայն զէնք և մթերք յանձնուեցան Գերմանացւոց: Սակայն զինուորներէն շատերը կտորեցին իրենց սուրը և հրացանը զայն թշնամեաց չտալու

Սեպտ. 2.

1. Ամբողջ պաշարման միջոց 274 հրանօթք 200000 հարուածք նետած էին քաղքին վրայ, որով ըսել է 4ն 5 հարուած առ վայրկեան:

համար: Իւհրիկ հրամանատարը յետ շնորհակալ ըլլալու քաղքին պաշտօնէից և քաղաքացւոց իրենց անվեհեր արութեան և օգնականութեան համար, հրաման խնդրեց և ստացաւ Տուր մեկնելու, հոն հաստատեալ Առժամանակեայ վարչութեան եղածին հաշիւ տալու համար և ուր ընդունուեցաւ մեծ պատիւներով: Վարչութիւնը Պատուոյ Լէգէոնի մեծ խաչը տուաւ իրեն և զաւառաց մէջ ստորագրութիւնը եղան պատուոյ սուր մը իրեն ընծայելու համար: Վարչութիւնը իրեն բնակութիւն առաջարկեց Պօ ղղեակը, բայց զօրավարը չ'ընդունեցաւ և նախամեծար ընտրեց երթալ ի Զուեցցերի, հոն մօտանց օգնելու գերի գնացող իրեն մարտակից զինուորներուն¹:

Գերմանացիք Սեպտեմբեր 29ին մտան ի Ստրազբուրկ այսպէս ձեռք բերելով իրենց պահանջած քաղաքներէն մին և զոր գերմանական հող կը համարէին: Բնդհանուր տեղապահ — զօրավարն Օլլէք կառավարիչ անուանուեցաւ Ստրազբուրկի և հազարապետն Մարդէնս հրամանատար բերդին: Բանակները ազատ ըլլալով պաշարմանէ, սկսան յառաջել դէպ ի Արեւմուտք: Զօրավարն Վէրթէր հրաման ստացաւ Տրուայի և Շատիյոնի ճամբով մօտենալ Սէնի. զօրավարն Շմէլինկ բաղէնցի գունդերով Հոկտեմբեր 3ին կը մտնէր ի Միւլհաւզ. զօրավարն Գեկէնֆէլտ բաղիսելով զգաղղիացիս պատերազմով մը ի Բիւրկոնս որ տասը ժամ տեւեց, դիւրացուց Վէրթէրի չուն դէպ ի Գիժոն, ուր զաղղիացի Գամբրիէլ զօրավարը նոր բանակ մը կը ջանար կազմել: Յետինս Վէրթէրի հետ զարնուիլը անկարելի համարելով, քաշուեցաւ դէպ ի հարաւ՝ Բըզանսոն. այնպէս որ Հոկտեմբեր 10ին հազիւ քանի մը բերդորայք կը մնային Գաղղիացւոց ձեռքը երկրին արեւելեան կողմը: Փոքր և աննշան զուպարածներ եղան նաեւ արեւ-

1. Իջան և լրագիրք որ զինքը «մատնիչ» կոչեցին: — Ի յիշատակ այս դիւցազնական ընդդիմութեան, ամեն տարի Յուլիս 14ի զաղղիական Ազգային տօնին օրը, Ստրազբուրկի արձանը անհամար ծաղկեայ պսակներով և փունջերով կը զարդարուի:

մտակողմը ուր քանի մը գերմանացի զունդեր յառաջեր էին: Գերմանացիք ուր որ կը տիրէին ընդդիմութեամբ, ապա այն տեղերէն տուգանք կ'առնուին:

Գ. — Գաւառներուն մէջ թշնամւոյն յառաջելու ժամանակ, Պարիսու վարչութիւնը տեսած էր որ Տուրի մէջ հաստատած վարչական նուիրակութիւնը չէր գործեր պէտք եղած համաձայնութեամբ: Երկու կողմէն յիշուող տեղերէն հրաժարականը տուեր էր և կրէմլէօ և Գլէ-Ֆիզուան ծերացեալ մարդիկը էին, ոչ այս պարագաններուն յարմար: Իրաց այսպէս խեղճ վիճակին մէջ վարչութիւնը առաջարկեց Գամբէտտայի, որ Ներքին գործոց պաշտօնեայ էր, երթալ ի Տուր և վրան առնուլ նաեւ Պատերազմի պաշտօնէութիւնը, կեանք տալ Տուրի նուիրակութեան, ոգևորել գաւառները և ժողովուրդը խմբովին զինել և ոտք հանել թըշնամւոյն դէմ: Գամբէտտայէ ոչ ոք աւելի յարմար էր այսպիսի գործոյ մը. երիտասարդ, քաջ և զրաւիչ խօսող, եռանդուն հայրենասէր, սիրող իշխանութեան և դիկտատորութեան. իւր մէկ աչքին պակասութիւնն անգամ կարծես մասնաւոր ոյժ մը կու տար իր խօսքերուն: Արդէն իրեն համար դժուարին էր Պարիսու մէջ համաձայնիլ վարչութեան մը, որուն ազդեցիկ անձինք էին զօրավարն Տրօշիւ, ոչ յանդուգն բրիգանիացի զօրավար մը, և ժիւլ Ֆավրը, Պարիսու դատարանաց մէջ հինցած, ծեր և ճկուն փաստաբան մը: Գամբէտտա սիրով յանձն առաւ նոր պաշտօնը, և որովհետեւ Պարիս պաշարուած էր, մեկնեցաւ օդապարիկով և անցաւ թշնամւոյն գծերուն վրայէն որոնք ի զուր փորձեցին գնդակի հարուածներ հասցնել անոր: Օդապարիկը իջաւ Մոնտիտիէ և Գամբէտտա Ամիէնէն երկաթուղով հասաւ ի Տուր Հոկտեմբեր Գին: Անմիջապէս հրատարակեց Պարիսու վարչութեան հրովարտակը որով կը քաջալերէր զժողովուրդը ամենն ալ զէնք առնլու. «Եթէ միայնակ մնանք, կրսէր. գիտենք փրկել մեր պատիւը, բայց ձեզմով կ'երդնունք փրկել զ'Իազդիա»: Մեծ բազմութիւն մը դիմեր էր ի Տուր լսելու տրիբունէն մայ-

Գամբէտտա ի Տուր. Նոր բանակը. Գարիբուալդի ի Գաղղիա:

րաքաղաքին վիճակը: Գամբէտտա ամենուն ալ խօսեցաւ որ կորսնցնելու ժամանակ չկայ, պէտք է թշնամին վանելու աշխատիլ: Պատերազմի պաշտօնէութեան մատակարարութիւնը յանձնեց Շարլ դը Ֆրէսինէի և ինքը առաւ միայն հայրենեաց պաշտպանութեան խնդիրը լիովին իշխանութեամբ, զոր իբր դիկտատոր վարեց հինգ ամիս, և ինքը եղաւ գաւառաց ընդդիմութեան ոգին: Գամբէտտայի յանձնուած էր ջանալ 500,000 զօրաց բանակ մը ձեւացնել. և այդ մեծ բանակը կազմելու համար դիմեց պաշտօնէ քաշուած սպայից, Պետութեան երկրաչափներու, երկաթուղեաց պաշտօնեաններու, տեղական վարիչներու և ամեն քաղաքացոյ: Եւ որովհետեւ պատերազմին ձախողութեանց պատճառներէն մէկն ալ ռազմագիտական և աշխարհագրութեան տգիտութիւնը եղեր էր, անոր համար դը Ֆրէսինէ գործարան մը հաստատեց որ երեք ամսուան մէջ 15,000էն աւելի աշխարհատախտակք արտադրեց, որոնք զանազան աստիճանաց վերածուելով, տրուեցան ամենուն ձեռքը: Հարկ էր հոգալ նաեւ զէնք, պաշար և ձի: Գամբէտտա անգլիական Մորկան դրամատնէն 250 միլիոնի փոխառութիւն մը ըրաւ 5%: Այդ դրամով կրցաւ հոգալ կարեւորը: Հոկտեմբեր 13ի հրովարտակով մը իմացուց որ պաշտամանց և աստիճանաց յառաջադիմութիւնը կարգաւ պիտի չտրուէին, այլ զարտուղի ծառայութեանց համար: Ուրիշ հրովարտակով մ'ալ կը ծանուցանէր որ դատի պիտի կոչէր ամեն հրամանատար որ չնախատեսէ թշնամոյն շարժումը: Զէնքի զոչեց մինչեւ 48 տարուան ամեն քաղաքացի և զանոնք հրահանգել է վերջը բանակ ղերկեց: Այսպէս քիչ ատենուան մէջ Գաղղիա չորս մեծ բանակ ունեցաւ, եթէ կարելի է այդ օրինակ հաւաքողները օրինաւոր բանակ կոչել, յորոց շատերը բռնի և պատիժներով զինուոր եղեր էին: Հիւսիսային բանակը յանձնուեցաւ Բուրբաքի զօրավարին, իր զօրատեղին էր Լիլ. Արեւմտեան բանակի հրամանատար էր զօրավարն Փիլըէք՝ ի Ման. կեդրոնի բանակը յանձնուեցաւ Պոլհէ զօրավարին՝ ի Բուրժ. Արեւելեան բանակը Բըզանս.

սոն էր կամբրիէլ զօրավարին հրամանատարութեան ներքեւ: Հոկտեմբեր 22ին Պարիսէն օդապարիկով ի Տուր հասաւ զը Քէրադրի, որուն յանձնուեցաւ զօրաբաժին մը և զըկուեցաւ ի Բրըտայն: Իսկ Լուառի բանակին, հրամանատար էր դ'Օրէլ զը Պալատին, 35,000 անձանցմէ կազմեալ, ամենէն կարգապահ բանակը, վասն զի հրամանատարը անմիջապէս հրացանի բռնել կուտար ո՛րեւէ դասալիք մը: Այս բանակը երկար ժամանակ պատուար մը եղաւ Պրուսիացոց յառաջելուն:

Կար նաեւ օտարազգի բանակ մը որ ոչ փոքր ծառայութիւններ ըրաւ Գաղղիոյ: Գարիբալդի զօրավարը ոգեւորուած Գաղղիոյ Հասարակապետութիւն հրատարակուելուն, անմիջապէս գրեց առ նոր վարչութիւնը նուիրելով իւր և իւր ընկերաց ծառայութիւնը և կեանքը: Գաղղիա անվստահ խտալացոց վրայ, շատ դժուարութեամբք ընդունեցաւ առաջարկը, և Գարիբալդի կարէրէրայէն Մարսիլիա անցաւ, ուր մեծ ընդունելութիւն գտաւ և անկէ հասաւ ի Տուր, ժողովրդեան եռանդնալից կեցցէներուն մէջէն: Գամբէտտա զինքը զըկեց Վլոփի (Արեւելեան) բանակը. ուր երբ հասաւ, արդէն զօրավարն կամբրիէլ մեծ պարտութիւն մը կրեք էր. որով անցաւ ի Բրզանսոն յաղթուած բանակին մնացորդը հաւաքելու և կազմակերպելու համար: Փութով Բրզանսոնի քով 10,000ի բանակ մը ձեւացուց, որուն հրամանատարքը եղան՝ իր որդին Մէնոտտի Գարիբալդի, կանցիօ, Գատտոռնօ, Վիվալտի և այլք:

Տուրի Նուիրակութիւնն յետ այս նոր ոյժերը կազմելու և կարգի դնելու, սկսաւ Պարիս ազատելու ծրագիր մտածել: Երկու բանակք մէկը Լուառէն միւսը Մոմէն պիտի չուէին Պարիսու վրայ, Տրօշիւ ալ ներսէն յարձկելով, այսպէս պիտի հեռացնէին զՔշնամին: Այս նպատակաւ առ ի փորձ Պարիսէն զանազան ելքեր փորձուեցան և եղան կոխներ յիսսի, Վլովրը, Մոնրուփ, Կլամար: Մոն Վալէրիէնի վրայ հաստատուած Քնդանօթը նեցուկ կ'ըլլային այս փորձերուն: Բարձակողը Լը Բուրժէ գիւղին մէջ, որ էր Պարիսու հիւսի-

սային — արեւելեան կողմը կրցան մնալ երկու օր, ուսկից ապա Գերմանացիք կրկին զիրենք վանեցին 100 զինուոր կորսնցնելով և երկու հազարապետք: Քաղաքիական վարչութիւնը ունէր ուրիշ ծրագիր մ'ալ. այն էր մղել Լուառի բանակը արեւելք դէպ ի Մէջ, ազատել Մէջի բանակը և միարան քալել Պարիսու վրայ: Բայց ասոնք հաշիւներ էին որոց ապահովապէս նոր արգելքներ պիտի հանէր գերմանական բանակը:

Այս միջոցիս թիէր կը դառնար իր դեսպանութեանէն և կ'իմացնէր Մէջի եւս անձնատուր ըլլալը: Թիէր յանձն առած էր գնալ խօսիլ արքունիքներու հետ ի նպաստ իր հայրենեաց: Սեպտեմբեր 11ին մեկներ էր ի Տուր ուսկից անցեր էր ի Լոնդրա, ապա հոնկէ երկու օր վերջը մեկնեցաւ ի վեննա և Պէտէրսբուրկ նաեւ ի Ֆլորանս, որ էր այն ատեն իտալիոյ մայրաքաղաքը: Ամեն կողմ պատիւներ գտաւ և համակրութիւն մանաւանդ իր անձնականին, բայց բնաւ տէրութիւն մը չուզեց միջամտել: Թիէր Հոկտեմբեր 21ին Տուր դարձաւ, և այն ատեն իրեն յանձնուեցաւ ուղղակի բանակցիլ Բիսմարքի հետ. և Հոկտեմբեր 26ին ապահով անցազրով մը, հայրենեացը աւերեալ դաշտերէն և յաղթական թշնամոյն բանակներէն անցնելով հասաւ ի վէրսայլ:

Մէջի անձնատուր
ըլլալը:

10. — Գամբէտտա նոր անվարժ բանակներ մտածելու և կազմելու ժամանակ, Քաղաքի մեծագոյն և կարեւորագոյն բանակը անձնատուր կ'ըլլար Մէջի մէջ: Բազէն մարաջախտը՝ կայսրութեան հին զօրավար և մտերեմ Նյապոլէոն Գի, յայտնի է չէր կրնար համակրութիւն մը ունենալ նոր Հասարակապետութեան և Տուրի վարիչներուն: Ունէր իր հրամանաց ներքեւ 160,000է կազմեալ բանակ մը և այդ բանակը միշտ անգործ մնաց: Քաղաքին մէջ բանակ և քաղացիք մէկտեղ կային 260,000 հոգի և պաշարման երկարելովը, ապրուստը կը պակսէր. կամ մանաւանդ չկար ռազմագիտական հսկողութիւն մը եղած պաշարը մատակարարելու: Հոկտեմբեր 2ի և 7ի գիշերները Բազէն ուզեց փորձել ճամբայ մը բանալ,

անցնելու բանակով ի Լիւքսէմբուրկ, բայց թշնամին արթուն էր. և նորէն մտաւ ի Մէց: Մարաջախտը կը փախչէր կոռելու առիթներէ: Ուզեր էր բանակցիլ նաեւ ուղղակի Վէրսայլի հետ ուր էր գերմանացի հրամանատարութիւնը, պահանջած էր որ իր բանակը զինուք և պաշարօք ելլէ Մէցէն և խօսք տայ երեք ամիս զէնք չ'առնելու. Մէց ազատ ըլլայ իւր պաշտպանութիւնը շարունակելու: Բայց Գերմանացիք մերժեցին էին ո՛րեւէ առաջարկ: Եւ ահա յանկարծ Բազէն յանձնեց ծերունի Շանկառնիէ զօրավարին ստորագրել անձնատրութիւն մը, որով երեք մարաջախտք՝ Բազէն, Կանրորէր, Լըբէօֆ, 6000 սպայք, 160,000 զինուորք, զինուք, թնդառօթներով և պատերազմական պաշարներով անձնատուր եղան և Շանկառնիէ արտասուելով այս լուրը ծանոյց բանակին: Երկրորդ օրը Մէցի և ժուի մէջ եղած տափարակին վրայ զաղղիացի զինուորք տխրութեամբ կը թափէին բոլոր իրենց զէնքերը, զորս անգործ պահեր էին:

Հոկտ. 12.

Գուլիէլմոս թագաւորը այս մեծ դէպքը տօնելու համար զթագածառանգ իշխանը և ֆրէտէրիք կարլ իշխանը ֆէլտմարաջախտ անուանեց և Մուլտքէ զօրավարին կոմսութեան տիտղոսը տուաւ:

Մէցի ժողովուրդը անձնատրութեան լրոյն վրայ ի սկզբան ապշեցաւ, բայց ապա մեծապէս զայրացաւ: Երբ Պրուսիացիք երեկոյեան դէմ քաղաք մտան երաժշտական քայլերգով, բնակիչք զոցեցին տուններուն պատուհանները և կրպակներուն լոյսերը մարեցին: Բազէն մարաջախտը շատ նախատինքներ լսեց երեսն ի վեր և Պրուսիացւոց Մէց մտնելէն քիչ առաջ մեկնեցաւ զոց կառքով դէպ ի Վիլհէլմշոյէ, ամբոխին «մատնիչ» աղաղակներուն մէջէն:

Յայտնի է որ Պատմութիւնը չէ կարող ապահով վճիռ մը տալ Բազէնի անձնատրութեան վրայ: Բազէնի միակ և մեծագոյն վրիպակն եղաւ, թողուն զինուորի դերը, որուն չնեբուիր քաղաքագիտօրէն զործել ապա թէ ոչ կը տկարանայ Ազգի մը ուժը, հնազանդելով

իր խորհրդոց և զգացմանց, կատարեր էր այս անձնատրուքին՝ ժամանակէն առաջ: Գերմանացի պատմագիրք եւս կ'ընդունին որ ղեռ ապահով երկու շարաթ մը կրնար ղիմանալ: Իսկ Գաղղիացիք բոլոր պատեւրագմին աղէտքը կու տան Բագէնի, ինչպէս սովորութիւն է այս օրինակ դժբաղդութեանց մէջ¹:

1. Բագէն մարաշխտը յետ ութը ամիս Քափառեւու օտարութեան մէջ, ապա մտաւ ի Գաղղիա և Պարիս՝ և կանչուեցաւ Ազգային Պաշտպանութեան վարչութեան նկատմամբ հաստատուած Քննութեան Ատենին առջեւ: Մարաշխտին ի սկզբան իր աստիճանին յարգանք և պատիւք տրուեցան, մինչև որ հասարակաց կարծիքէն և Մէջէն եկած բազմաթիւ ամբաստանութիւններ հասան: Քաղաքական Ատենը յետ մանր թննութեանց, պարտաւոր դատեց զինքը և յանձնեց Զինուորական Ատենի, որ հաստատուած էր ի Վէրսայլ՝ Պըտի-Տրիանոնի մէջ: Ամբողջ հարցաքննութեանց ժամանակ մարաշխտը արգելարան մը փակուեցաւ: Հակաճառութիւնք սկսան Հոկտեմբեր 6ին: Զինուորական Ատենին կը նախագահէր Իուրան դ'Օմալ և անդամքն էին զօրավարքն Լամոտ-Խուժ, Բարոն դը Շասու-Լատուր և չորս հազարապետք: Բագէն զրեց եւս իր արդարացումը և չ'ուրացաւ որ զինուորական պարտուցմէ վեր դրեր էր քաղաքական պատճառք: Միանգամայն «ուզեր էր ամբողջովին պահել իր բունակը, որ ղեռ կրնար ծառայել Գաղղիոյ»: և համարեր էր որ յեղափոխական վարչութեան մը առջեւ իր խղճմտանքին պէտք էր հարցնել: Եղաւ վայրկեան մը որ ինքզինքը արդարացնելու համար ըսաւ որ այսպէս գործեր էր, որովհետեւ «Զկար ոչ Սահմանադրութիւն, ոչ վարչութիւն և բնաւ ոչինչ»: — Անմիջապէս վրայ բերաւ Իուրան դ'Օմալ. — «Եւ սակայն կար Գաղղիա»: Բոլոր Գաղղիա յուզեալ կը հետեւէր զատին: Մարաշխտը համաձայնութեամբ թուէից դատապարտուեցաւ մահուան և աստիճանընկէցութեան, որովհետեւ պատերազմի ժամանակ չէր գործադրած պարտքը և անձնատուր եղեր էր, ղեռ ամեն միջոց չսպասած:

1873 10
Դեկտ.

1873 27
Դեկտ.

1874 10
Օգոստ.

Վճիռն անմիջապէս վերջը դատաւորք ղիմունի ստորագրեցին որ մահուան պատիժը փոխուի. և մարաշխտն Մակ Մահոն՝ Նախագահ այն ատեն Հասարակապետութեան, զայն փոխեց տասը տարուան բերդարգելութեան և ազատ ըրաւ աստիճանընկէցութեան արարողութենէն: Բագէն Սենտ Մարգրերիտ կղզին տարուեցաւ, ոսկից թիչ ամիսէն փախաւ, անշուշտ զիտութեամբ իշխանութեանց: Բագէն անցաւ յԵտալիա անկէ ի Զուիցցերի, ուր Արէնթերկի զոյգիւն մէջ մեծ պատուով ընդունեցան զինքը Էմմէնի կայսրուհին և կայսրորդին. յետոյ անցաւ յԱնգղիա. անկէ ի Սպանիա, ուր Դոն կարլոսի առաջարկեց իր ծառայութիւնը: Մեծաւ Մատրիտի մէջ յամեն 1888 Սեպտեմբեր 23ի:

Գ Լ Ո Ւ Խ Թ .

Պ Ա Ր Ի Ս Ո Ւ Պ Ա Շ Ա Ր Ո Ւ Մ Ը

1. Պարիս պաշարման ժամանակ. — 2. Հոկտեմբեր 31. — 3. Ժողովրդական ջուլտարկութիւն. — Հասարակութեան յառաջաբաններ. — 4. Գաղղիական զինուց յաջողութիւնը Օուլէանի դիմաց. — Պատերազմունք ի Կլուվիէ, Շամպինյի. — 5. Գաղղիոյ Արեւմտեան, Հիւսիսային և Արեւելեան բանակը. — Գարիբալդեանց թաղութիւնները. — 6. Լուսոի բանակին յաղթութիւլը. — Պրուսիացիք կրկին կ'առնուն զՕուլէան. — 7. Բլուայի առումը. — Տուրի Նուիրակութեան Բորգո փոխադրութիւլը. — 8. Պարիսու վիճակը. — Յուրաք և անոթութիւն:

1. — Երբ Գաղղիոյ արեւելեան կողմը մեծամեծ պատահարք տեղի կ'ունենային, երբ Մէց մամենէն ամուր բերդաքաղաքը Պրուսիացուց ձեռքը կ'իյնար և Բազէնի բանակը, վերջին մեծ յոյսը, կ'ոչնչանար, արդէն Պարիս բոլորովին պաշարուած փակուած էր և կտրուած աշխարհի զրեթէ ամեն հաղորդակցութենէ. հազիւ կրնալով իր ներքին լուրերէն մաս մը և դեռ սնուցած յոյսերը, օդապարիկով և ուղեւոր աղանիններով իմացնել գաւառաց մէջ եղած Նուիրակութեան: Փոխադարձաբար ինքն ալ այդ միջոցներով երբեմն կրցաւ լուրեր առնուլ, սակայն ստէպ թղթաբեր աղանիք թշնամուոյն ձեռքն ինկնալով, ձախորդ լուրերը աւելցուելով, ապա ազատ կը ձգուէին: Պարիս դեռ ամբողջովին չպաշարուած, քովի քաղաքաւաններէն անթիւ բազմութիւն մը հոն ապաւիններ էր, որով բնակչաց թիւը երկու միլիոնը անցեր էր: Գերմանացիք կը համարէին որ այդ լայնածա-

Պարիս պաշարման ժամանակ:

ւալ և զուարճութեան վարժած քաղաքը, չկարենալով համբերել պաշարման մը նեղութիւններու, անմիջապէս անձնատուր պիտի ըլլար: Եւ սակայն հակառակը պատահեցաւ: Պարիսու ժողովրդեան ազնուականէն մինչեւ գոհհիկը, մեծէն փոքր, յանկարծ անբացատրելի եռանդ մը զգաց պաշտպանելու իր Պարիսը և չթողուլ որ թշնամին ոտը դնէ այդ իրեն պանծալի մայրաքաղաքին մէջ: Ուրով և պաշարման մը ամեն նեղութիւնը և դառնութիւնը անտրտունջ տարուեցան: Արդէն ուտեստի լաւ միսերը շատոնց լմնցեր էին. ձիուն միսն ալ սկսաւ պակսիլ. կաթը, հաւկիթը կարագը և ձէթը անգիւտ եղան. աղը լմննալու վրայ էր. մահերը նախ սկսան փոքր տղայոց մէջ որոց չկար օրինաւոր սնունդ: Թատրոններու և զուարճութեանց տեղ նոր զբաղումն եղաւ հայրենասիրաց, վազելու զինուց և հրանօթից արհեստանոցքը, որպէս զի պարսպաց վրայ եղող զինուորաց զէնք և մթերք հասցնեն. և պրուսիացի բանակը, առաջին օրերէն ըմբռնեց որ Գաղղիոյ մայրաքաղաքը փութով յուսահատելու տրամադրութեան մէջ չէ. միանգամայն գիտէր որ չէր կարելի յարձակմամբ առնուլ փութով, քանի որ կային Լուի Ծիլիպի և Նապոլէոն Գի ժամանակ շինուած կրկին պարիսպները, որոնք միշտ արգելք մ'էին: Սահմանուեցաւ այն ատեն խիստ պաշարում մը, որպէս զի քաղաքը սովէն բռնադատեալ անձնատուր ըլլայ: Շինուեցան բերդեր, ամբարտակներ, թումբեր, ստորերկրեայ յարկեր, հաստատուեցան պատնէշներ, հեռագիրներ և դիտարաններ: Գաղղիացիք Սեպտեմբեր 30ի փորձեցին յարձակմամբ մը դէպ ի Հէ և Շըվըլի արել այդ պատսպարութեանց մաս մը, բայց յետ մուլեգին կուոյ մը, որուն մէջ կորսնցուցին նաեւ կիլհէմ զօրավարը. նահանջեցին նորէն դէպ ի քաղաքը և չկրցան իսկ հետերնին բերել Պրուսիացւոցմէ առած մէկ թնդանօթին: Եւ սակայն Պարիսու ժողովուրդը միշտ լաւատես և ինքնիրմով յուսալից, այդ նահանջը իբր յաջողութիւն մը տօնեց և պատրաստուեցաւ նոր յարձակման մը, մանաւանդ պաշար հոգալու համար:

Նոյն երեկոյ լուր տարածուելով որ Տուլ և Ստրազբուրկ անձնատուր եղեր են, ամբոխին մէջ տրտունջը և բողոքը սկսաւ ընդդէմ իշխանութեանց, իրբու անկարողը կառավարելու. և քիչ քիչ սկսան երեւան գալ նոր հրամայել ուզողներ: Հոկտեմբեր 5ին Կիւտաւ Ֆլուրէնս, ինքնիրեն « Հրամանատար Թէլվիլի » տիտղոսը առնելով, զինեալ խումբի մը գլուխ անցած, քաղաքավարչութեան պալատը եկաւ և պահանջեց որ անմիջապէս զէնք տրուի ազգային պահապանաց, քաղաքավարչական նոր ընտրութիւնք ըլլան և գունդեր կազմուին թշնամույն վրայ յարձկելու համար: Զօրավարն Տրօշիւ և վարչութեան անձինք համոզեցին զՖլուրէնս հանդարտ իր տեղը քաշուելու, ինչպէս ըրաւ: Բայց նոյն օրունէ ծնաւ այն տխուր նախազգացումը որ օր մը ամբոխը զինուր պիտի ուզէր ձեռք առնուլ վարչութիւնը: Տրօշիւ հրովարտակով մը պախարակեց Հոկտեմբեր 5ի յուզումը թշնամույն առջեւ. և ծանոյց որ ընտրութիւնք կարելի չէին, քանի որ հայրենիք պաշարման վիճակի մէջ էր:

2. — Հոկտեմբեր 5ի պատահարաց ժամանակ տակաւին չէր գիտէր Պարիսու ժողովուրդը Մէցի անձնատուր ըլլալը: 27ին Կումբու՝ լրագիրը որուն խմբագիրներէն մին էր Ֆէլիքս Պիա, հրատարակեց որ զօրավարն Բազէն իրեն համհարզ սպայից մին Պրուսիոյ Թագաժառանգին բանակը զրկեր էր և Նապոլէոն Կի անուամբ առաջարկած էր Մէցի անձնատրութիւնը և իսղաղութեան պայմաններ: Կրնայ գուշակուիլ այս լրոյն ընթերցմամբ ժողովրդեան յուզումը և բարկութիւնը որ դիմեց բիւրաւոր՝ քաղաքավարչութեան պալատը: Վարչութիւնը իմացուց որ այդ լուրը սուտ էր և պաշտօնական տպած ազդ մը կպուց պատերուն վրայ հաստատելով ստութիւնը և հանդարտեցնելով զամբոխը: Սակայն 31ին ուրիշ՝ ազդով մը կ'իմացնէր որ « Մէց

Հոկտեմբեր 31ր
ի Պարիս:

անձնատուր եղեր էր չկարենալով դիմանալ պաշարուց նուազելուն. և մարաջախտն Բագէն իր քաջ բանակով պատերազմի գերի էր»։ Այս ազդին դառնութիւնը մեղմացնելու համար կ'աւելցուէր որ թիէր յաջողներ էր մեծ Պետութեանց միջնորդութիւնը ստանալ գինադադարման մը համար, որպէսզի Ազգային Սահմանադիր ժողովոյ մը ընտրութիւնը ըլլան։

Հոկտեմբեր 28ին գիշերը զօրավարն Բէլլըմար որ հրամանատար էր Սէն Դընիի, յառաջեց դէպ ի Բուրժէ գիւղը, զոր բռնած էին Պրուսիացիք և զանոնք անկէ վանեց, տալով նաեւ փնասներ։ Այս լուրը եւ լեկտրացուց Պարիսու ժողովուրդը։ Ամբողջ 29ին օրը Բուրժէ մնաց Գաղղիացուց ձեռքը. բայց 30ին Պրուսիացիք 20,000 զինուորօք դարձան նորէն և զրաւեցին յետ մոլեգին կռուոյ մը, որուն մէջ մեռաւ նաեւ գաղղիացի Լչոնէ Բարոշ հազարապետը։ Պարիսու վարչութիւնը յանցանքը Բէլլըմար զօրավարին վրայ ձգեց որ յարձակեր էր այնպիսի անկարեւոր դիրքի մը տիրելու համար։ Սակայն ժողովուրդը տարբեր դատեց. տրտնջեց որ Բէլլըմարի օգնութիւն չէր զրկուած և թէ վարչութիւնը չունէր հոգացող և արի ոգի։ 30ին գիշերը Պարիս շատ յուզուած էր։ Արդէն վեց շաբաթուան պաշարման կեանքը սկսեց էր իր ազդեցութիւնը, վրայ եկաւ Մէցի անձնատրութեան լուրը, զոր ի սկզբան ուրացեր էր վարչութիւնը. ա՛լ ով կրնար վստահիլ անոր խօսքին վրայ. Բուրժէի յարձակման վանուիլն վերջին կաթիլն եղաւ ամբոխին բարկութեան։

Հոկտեմբեր 31ին առաւօտը անթիւ յուզուած բազմութիւն մը դիմեց Օթէլ դը Վիլ և պահանջեց որ անմիջապէս կատարուին քաղաքավարչական ընտրութիւնք։ Վարչութիւնը ընդունեցաւ այս առաջարկը։ Բայց քիչ վերջը ուրիշ զինեալ ամբոխ մը, որուն գլուխ կեցած էին Ֆլուրէնս, Դըլէքէլիւզ, Բլանքի, Ռաուլ Ռիգօ և ապագայ Հասարակութեան ուրիշ գլուխներ, ողողեցին Օտէլ դը Վիլը և ուզեցին իրենք վարչութիւն մը հաստատելու։ Նախ պահանջեցին Ազգային Պաշտպանութեան

վարչութենէն որ անմիջապէս հրաժարի. երբ նա մերժեց, այն ատեն զայն կազմողը փակեցին պալատան մէջ. ուսկից մի առ մի կրցան փախչիլ էրնէ Պիքար և ժիւլ Ֆէրրի և Օտէլ դը Վիլի վրայ զրկեցին հաւատարիմ զինուորաց զունդեր, որոնք առանց արիւնահեղութեան ցրուեցին ամբոխը և գլխաւորներէն զոմանա կալանաւորեցին:

Տակաւին շփոթութիւնը չհանդարտած, Պարիսուքաղաքազուխը էտիէն Արագօ, իր ընկերներէն ու մանց հետ խորհրդակցելով, քաղաքական պատերազմի մը վախէն, անմիջապէս պատերուն վրայ ազդ մը կը պսցընել տուեր էր որ՝ Երկրորդ օրը պիտի կատարուէին քաղաքավարչական ընտրութիւնք: Քիչ վերջը վարչութեան անդամը ազատելով և խոտվարարաց գլխաւորը բռնուելով, երկրորդ օրը Նոյեմբեր 1, վարչութիւնը պատերուն վրայ ուրիշ ազդ մը կ'պսցընել տուաւ, որով յետս կը կոչէր առջի օրուան գրածը, և կը հրաւիրէր Պարիսու ժողովուրդը Այո՛, կամ Ոչ քուէով իմացնել Նոյեմբեր 3ին իր կամքը թէ կ'ուզէ՞ որ անմիջապէս կատարուին թէ քաղաքավարչական և թէ վարչական ընտրութիւնք: Նոյեմբեր 2ին հրովարտակով մը կ'արգելուր թէ ազգային պահպանաց և թէ անոնց համանատարներուն զէնք կրելու իրաւունքը իրենց սովորական ծառայութեանց ժամանակներէն դուրս. և այն գնդապետները որոնք մասնակցած էին Յ1ին յեղափոխական յուզման, պաշտօնանկ կ'ընէր:

3. — Նոյեմբեր 3ին ուրեմն, բոլոր Պարիսու ժողովուրդը կանչուեցաւ, քուէ տալու թէ «արդօք կ'ուզէ՞ պահել Ազգային Պաշտպանութեան վարչութիւնը իր իշխանութեան մէջ»: Քուէները հաւաքուեցան և քննուեցան. 557, 966 անձինք Այո՛ ըսեր էին և 62, 638 Ոչ: Պարիսու լուրջ մասը մեծագոյն չարիքներու երկիւղէն, նախամեծար համարեր էր պահելու եղած վարչութիւնը, որուն մէջ չկային թէպէտ զինուորական և թէ կառավարական հանճարներ, բայց և չէին գոնեայ Բլանքիի, Ռաուլ Ռիգոյի նմաններ: Թէպէտ այդ

Ժողովրդական
Յուկարկու
թիւն:

լուրջ և խոհական մասն ալ փութով պիտի քաշուէր բոլորովին և քիչ քիչ իշխանութեան մէջ պիտի մտնէին ՅԷԻ խոտվարարներէն ալ, որոնք պիտի պատրաստէին Հասարակութիւնը: Իրաց այս վիճակին մէջ զօրավարն Տամիզիէ, Լնդհանուր հրամանատար Ազգային Պահապանաց, տուաւ իր հրաժարականը: Վարչութիւնը անոր տեղ անուանեց զԿլէման Թոմա հասարակապետական զօրավարը, որ նոյն պաշտօնը կատարած էր նաեւ 1848ի:

Նոյեմբեր օին, վարչութիւնը յանկարծ Ազգով մը կ'իմացնէր որ յուսացեալ զինադադարումը պարապի ելեր էր, թէպէտ և նոյն իսկ մեծ տէրութիւնք ջանացեր էին և թիէր ազատ անցագրով Պարիս մտեր էր զայս իմացնելու: Ազգային Պաշտպանութեան վարչութիւնը կ'իմացնէր նաեւ պատճառքը. որովհետեւ Պրուսիա յանձն չէր առած պաշար մտցնելու ի Պարիս և կ'ուզէր վերապահել Ազգաս-Լորէնի խնդիրը. որով կը մնար Գաղղիոյ պատերազմը շարունակել:

Զօրավարն Տրօշիւ մայրաքաղաքին մէջ զինուորական նոր կարգադրութիւնք ըրաւ, թէ Ազգային Պահապանաց և թէ զօրաց նկատմամբ: Երեք նոր բանակներ ձեւացան, որոց մէջ մտան նաեւ նաւաստիք և հեծեալք: Բայց այս ամենը աւելի զբաղեցնելու նպատակ մը ունէր քան պատերազմելու. զի երթալով կը պակսէր պաշարին հետ մէկտեղ նաեւ կռուելու և յաղթելու վրատահութիւնը:

4. — Զինադադարման մը բանակցութեանց ժամանակ արդէն Տուրի վարչութիւնը կ'երագէր զինուորական հանդերձանքը դէպ ի Պարիս չուելու, Ծրէտէրիք կարլի բանակը Մէցէն չհասած. մանաւանդ որ Ֆոն դէր Թան Օուլէան մտնելով ոյժերը ցրուեր էին: Նոյեմբեր 7ին դ'Օրէլ դը Պալատին զօրավարը չուեց Օուլէանի վրայ, ուր սկսաւ դիմել նաեւ զօրավարն Մարտէն դէ Պայիէն՝ վիէրզոնի կողմէն: Ֆոն դէր Թան վախնալով որ Օուլէանի մէջ պաշարուի, թողուց քաղաքը, իր վիրաւորները քաղաքավարչութեան վեհանձնութեան յանձնելով: Բայց Նոյեմ-

Գաղղիական զինուց յաշուութիւնք Օուլէանի դիմաց. — Պատերազմունք ի կուլմիէ ի Շամպայի:

բեր Զին գտնուեցաւ Գաղղիացւոց առջեւ ի կուլմիէ : Գաղղիացիք էին մօտ 70,000 իսկ Գերմանացիք 20,000 : Պատերազմը սկսաւ առաւօտեան ժամը 7ին և տեւեց անընդհատ մոլեգնութեամբ մինչեւ երեկոյեան ժամը 5ը, յորում Գերմանացիք սկսան ետ քաշուիլ և գաղղիացի զօրավարը բռնեց զՎրան Լիւզ՝ թշնամւոյն ճամբարը : Գաղղիացիք պատերազմէն դուրս հանեցին ընդ մեռեալ և ընդ վիրաւոր 1500 անձինք և Գերմանացիք 1200, յորս 54 սպայք : Զօրավարն Մարտէն դէ Պայիէն չէր հասած կռուոյն, երկրորդ օրը հալածելով թշնամին, ձեռք բերաւ երկու թնդանօթք և շատ մթերք ու պաշար : Նոյեմբեր 10ին առաւօտը զօրավարն Գատլինօ իր բրըտոն կամաւորներով մտաւ Օուլէան :

Պոն դէր թանի այս նահանջը մահացուցման կէտ մը եղաւ Պրուսիացւոց բանակին համար, իսկ Գաղղիացւոց եռանդը և յոյսը յանչափա բարձրացուց : Կը համարէին որ այս յաղթութենէն վերջը ալ ուրիշ բան չէր մնար, բայց քալել Պարիսու վրայ և զայն ազատել ապահովապէս : Օուլէանի հռչականուն և կրակոտ եպիսկոպոսը՝ Գերապայծառ Գիւպանլու, փառաւորեց ներքողեանով մը դ'Օրէլ դը Պալատին զօրավարին յաղթութիւնը՝ իրրեւ սկիզբն ապագայ յաղթանակաց և Նոյեմբեր 12ին Գամբէտտա Օուլէան եկաւ անձամբ ընելու ուրախակցութիւնքը յաղթական գունդերուն, որոց սպաններէն շատերը ունեցան յառաջադիմութիւնք և նշանք : Զօրավարն դ'Օրէլ դը Պալատին, ընդհանուր սպարապետ անուանուեցաւ Լուաոփ բանակին :

Գամբէտտա այս յաղթութիւնը օղապարիկով իմացուց ի Պարիս և աննկարագրելի եղաւ պաշարուած քաղաքին ուրախութիւնը և մանաւանդ ազատելու յոյսը : Զօրավարն Տրօշիւ որ նախ մտադիր էր յարձակումս փորձել Ռուանի ուղղութեամբ, կուլմիէի յաղթութենէն վերջը փոխեց ծրագիրը և սկսաւ Զանալ ելը մը պատրաստել հարաւային արեւելեան կողմէն, Պոնտէն-բլոյի գծով, ուր կը համարէր որ գտնուի Նոյեմբեր 20ին Լուաոփ բանակը : Ելքը սահմանուեցաւ կատարել

Նոյեմբեր 26ին: Այս որոշողութիւնը օդապարիկով զբուսացաւ Նոյեմբեր 18ին առ Կամբէտտա, բայց օդապարիկը հովերու մղմամբ Նորվեկիա իջաւ, ուսկից զբուսելով նամակը, Նոյեմբեր 30ին հասաւ ի Տուր: Անմիջապէս Գեկտեմբեր 1ին զօրավարն դ'Օրէլ սկսաւ շուել ի Ֆոնտէնբլօ:

Իսկ ի Պարիս զօրավարն Տրօշիւ յետ տեսնելու ամեն հանդերձանք, յանձնեց Գիւկրօ զօրավարին Շամպլինյիի և Կրէտէյլի մէջէն ճեղքել թշնամոյն բանակը և ճամբայ բանալ դէպ ի Ֆոնտէնբլօ և այսպէս կտրել զՊարիս շրջապատող ահաւոր բանակը: Այս գործողութեան համար հարկ էր անցնիլ Մաոն գետը սայլակամրջի վրայ: Գիւկրօ յանձն առաւ այս դժուարին եւ ըր, հանդիսապէս ըսելով որ կամ մեռեալ կը մնար դաշտին վրայ և կամ յաղթական կը դառնար: Նոյեմբեր 30ին առաւօտը ահաւոր կրակ մը սկսաւ Ավրոնի, Շարանտոնի և Նոթանի բերդերէն, որոց պաշտպանութեամբ ութը կամուրջ ձգուեցան Մաոնի վրայ և ահաւոր կռուով ամենցին իրենց տեղերէն վիւրտէմբէրկցի և սարսոն գունդերը և բռնեցին Բրի, Շամպլինյի և Վիլլիէ. ճեռք բերելով նաեւ երեք թնդանօթք և գերիներ, զորս Պարիս զրկեցին: Մաոնի միւս կողմն ալ Սիւրիէլ զօրավարը տիրեց Մոնմէլիի, բայց չկրցաւ յառաջել: Երկրորդ օրը Գեկտեմբեր 1, պատերազմը դադրեցուցին թաղելու մեռելները և վերցնելու վիրաւորքը: Գեկտեմբեր 2ին առաւօտ պատերազմը սկսաւ և տեւեց մինչև երեկոյ: Գերմանացուց օգնութեան վազեր էր ֆրանսէքքի զօրավարը իր գունդերով: Երկու բանակներն հաւասար կացութեան մէջ կը գտնուէին, սակայն զօրավարն Գիւկրօ վտանգաւոր համարեցաւ Մաոնէն անդին բանակելու և զօրաց հրամայեց կրկին Մաոնը անցնիլ և նահանջել: Որով Շամպլինյիի կռիւր և առժամանակեայ յաջողութիւնը աննպատակ եղաւ Գաղղիացուց մանաւանդ ֆուսակար, որովհետեւ մահացու վիրաւորուեր էին զօրավարն Ռիւնօ և Լատտէ դը Լա Շարիէր: Գերմանացիք կորսնցուցեր էին 4000 զինուոր և Գաղղիացիք 6000:

5. — Մէցի անձնատուր ըլլալէն վերջը զօրավարն Մանտէֆֆէլ ընդհանուր հրամանատար անուանուելով պրուսիական Ա. բանակին, հրաման ստացաւ չուել արեւմուտք դէպ ի Ռուան, տիրելով նաեւ Ամիէնի: Նոյեմբեր 24ին արդէն իր յառաջապահը կը գտնուէր ի Մէզիէր, Ամիէնէն քիչ քիւլմէզը հեռու: Գաղղիացի զօրավարն Ֆար' որ ունէր 25,000 զինուոր, քանի մը անյաջող կոիւններով չկրցաւ թշնամոյն արգելք ըլլալ և Նոյեմբեր 27ին պրուսիացի Գէօրէն զօրավարէն Վիլլէ Բրէտէնէի քով մեծապէս փնասուելով, պարպեց Վամիէն և 29ին անձնատուր եղաւ: Մանտէֆֆէլ յետոյ չուեց Ռուանի վրայ. միշտ արթուն դիտելով նաեւ Արեւմտեան բանակը, որուն անպակաս էին օգնութիւնք Անգղիոյ եզերքներէն: Զօրավարն Գէօրէն ընկղմել տուաւ վեց անգղիացի նաւեր որոնք ածուխ կը բերէին ի Գաղղիա: Բիսմարք Անգղիոյ հետ խնդիր մը չունենալու համար, խոստացաւ անոնց գինը վճարել:

Գաղղիոյ Արեւմտեան, Հիւսիսային և Արեւելեան բանակը. — Գաղղիացիները:

Գերմանացիք Պարիսէն ուզելով հեռու բռնել գաղղիական հիւսիսային բանակը, որուն հրամանատար զըրուեր էր զօրավարն Ֆէդէրը, զանիկայ կը ջանային մղել դէպ ի Արրա և Գուէ: Բապոմի քով երկու բանակները զարնուեցան անորոշ յաղթութեամբ: Յետոյ երբ զօրավարն Մանտէֆֆէլ գնաց դէպ ի արեւելեան բանակը այն ատեն քաջ զօրավարն Ֆէդէրը նորէն ուզեց անցը մը փորձել դէպ ի հարաւ: Բայց Գէօրէն զօրավարը որ իրեն կը հետեւէր, Մէն Քանտէնի քով յանկարծ յարձակեցաւ վրան: Երկու կողմանէ ալ դիւցազնարար կռուեցան, բայց գաղղիական բանակը ցրուեցաւ և հազարաւորք գերի բռնուեցան: Գերմանացիք տիրեցին Մէն Քանտէնի պատմական բերդին: Երկրորդ օրը Ֆէդէրը հաւաքած զունդերով կրցաւ քաշուիլ յԱրրա: Գամբէտտա այս անյաջողութենէն չյուսահատեցաւ, կալէի վրայէն անցաւ ի Բորդօ, զմայրաքաղաքը ազատելու նոր միջոցներ մտածելու համար:

Հիւսիսային բանակին այս տագնապներուն ժամանակ Արեւելեան բանակը և մանաւանդ Գարիբալդիի

գունդերը թշնամույն ընթացքին մեծ պատուար մը կ'ըլլային: Գարիբալդի ի սկզբան իրզանսոն եկած ժամանակ լաւ ընդունելութիւն չէր գտած գաղղիացի ընդհանուր հրամանատար Գամբրիէլ զօրավարէն. հարկ եղեր էր որ Գամբրէտտա անձամբ երթայ ի իրզանսոն և համոզէ զհրամանատարը՝ պէտք եղած միջերը Գարիբալդիի տալու:

Գամբրիէլի նահանջէն վերջը պրուսիացի Վէրթէր զօրավարը Օգոստոս 19ին բռնեց զՎըզուլ, յետոյ չուեց դէպ ի Դիժոն զոր ուրակոծեց և Յ1ին մտաւ քաղաքը յետ ահաւոր և արիւնահեղ կոհններու Սէն Նիկոլա և Սէն Պիէր արուարձաններուն մէջ:

Ստրազբուրկի առմանէն վերջը պրուսիացի ուրիշ գունդեր տիրեցին Շէզդատի, Նոյեմբեր 10ին՝ Նէօֆ իրիզաքի և պաշարեցին զԲէլֆոր որ սակայն դիմացաւ մինչև ցՁինադադարումն: Դրէսքով զօրավարին բանակը Հոկտեմբեր Յ1ին տիրեց Միւլհաւզի, Նոյեմբեր 8ին Մոնտէլիարի և ուրիշ փոքր տեղերու, այսպէս ճամբայ բացաւ դէպ ի Բէլֆոր: Գաղղիացիք համարեցան որ Դրէսքով և Վէրթէր միաբան պիտի յարձկէին իրզանսոնի վրայ, ամբողջ արեւելեան բանակը ջնջելու համար, այդ պատճառաւ զօրավարն Միշէլ որ յաջորդած էր Գամբրիէլ զօրավարին, հրաման ընդունեցաւ թողուլ իրզանսոնի մէջ 10,000 զինուոր Քրէմէր զօրավարին հրամանատարութեան ներքեւ և քաշուիլ ի Շանյի. հոն հաւաքուեցան մօտ 40,000 զինուոր, որոնցմէ 15,000ը ղրկուեցան ի լիան: Այսպէս Գաղղիոյ արեւելեան կողմը գրեթէ առանց բանակի մնաց. կային միայն Կրէմէրի և Գարիբալդիի գունդերը և այս վերջիններս շատ վնասներ տուին Պրուսիացւոց: Վէրթէր Դիժոնը բռնելէն ետքը կը ջանար դուրսերը եւս տարածուիլ. բայց ամեն կողմ իրեն դիմաց կը գտնէր զԳարիբալդի և կամ իր Ռիկոտտի որդին, որոնք միշտ պատրաստ էին կոռելու: Նոյեմբեր 26ին Գարիբալդի յաղթեց Պրուսիացւոց Բասքի մօտ. բայց երկրորդ օրը երբ բազմագոյն գունդերով Կերմանացիք ուզեցին շրջապատել Գարիբալդեանը,

այն ատեն իտալացի հրամանատարը քաշուեցաւ: Դեկտեմբեր 1ին 6000 Պրուսիացիք հեծեւագնդով և 12 լուծ թնդանօթներով ջանացին տիրել Օտէնի, ուր կը գտնուէր Գարիբալդի, բայց ետ մղուեցան, նոյնը պատահեցաւ Լանգրի դիմաց:

Դեկտեմբեր 3ին Կրէմէր զօրավարը վանտնէսի մօտ յաղթեց Քէլլէր բրուսիացի զօրավարին և շատ մը պաշար ձեռք ձգեց: Վէրթէր զօրավարը Դեկտեմբեր 18ին և 19ին ուզեց յանկարծակի յարձակիլ Կրէմէրի վրայ, բայց իմանալով որ Գարիբալդի օգնութեան կը դիմէ, այն ատեն կրկին քաշուեցաւ ի Դիփոն:

6. — Գուլմիէի յաջողութենէն վերջը Գամբէտտա և ռազմագէտ զօրավարը կ'ուզէին որ զօրավարն դ'Օրէլ ընդհանուր յարձակումն ընէ Ֆրոն դէր Թանի բանակին վրայ և յաղթութիւնը կատարեալ ընելով, ազատէ Պարիսու գիծը. մանաւանդ որ Մէքլէմբուրկի դքսին բանակը իր շարժումներով կը սպառնար Բլուայի, Տուրի և Մանի: Զօրավարն տ'Օրէլ անկարելի համարեցաւ յարձակումը քանի որ իր գունդերը շատ յոգնած էին: Այս միջոցիս, մինչ ինքը կը դանդաղէր, նոր օգնութիւնը կուգային Մէքլէմբուրկի դքսին և Ֆրէդէրիկ Կարլ երագութեամբ կը դիմէր դէպ ի Օուէան: Եւ որովհետեւ այս գունդերը սիւնակ սիւնակ կը չուէին իրարմէ հեռու, Գամբէտտա հրաման ղրկեց Գրուրա զօրավարին և Բիլլօ հազարապետին որ միարանելով երթան դէպ ի Պիտիւվիէ և խափանեն Ֆրէդէրիկ Կարլի ընթացքը: Ֆրէդէրիկ Կարլ զաղդիացի գունդերուն գալստեան վրայ, թողուց զՄոնտարժիս և դարձաւ Բոմի վրայ: Նոյեմբեր 24էն 27 զանազան աննշան զուպարածք եղան յորս Գրուրա և Բիլլօ զօրավարը ըմբռնեցին որ անկարելի էր Ֆրէդէրիկ Կարլի դիմացն առնուլ որ ունէր 60,000 զինուոր և 270 թնդանօդք, և քաշուեցան դէպ ի Օուէան զայն պաշտպանելու: Որովհետեւ Ֆրէդէրիկ Կարլի նպատակն էր տիրել Օուէանի, անկէ անցնիլ Թուր և ցրուել վարչութեան Նուիրակութիւնը: Ուրիշ բանակ մ'ալ պիտի երթար Բուրժի վրայ:

Լուստի բանակին յաղթութիւնը. — Օուէան կրկին կ'առնուցուի:

Այս ժամանակիս էր դ'Օրէլ զօրավարին Դեկտեմբեր 1ի շարժումը. և զօրավարն Շանզի՝ հրամանատար 16դ բանակին ի վիլըպիոն պատերազմեր էր թշնամոյն հետ կէսօրէն մինչեւ երեկոյ և յաղթութիւնը իրեն եղեր էր ժորէկիբէրի ծովակալին զօրաբաժնին քաջութեամբ: Պրուսիացւոց մաս մը քաշուեցաւ ի Լուանյի և ուրիշ մաս մը ի Պիտիվիէ ուր Ֆրէդէրիկ կարլ հաստատած էր իր ճամբարը: Երկրորդ օրը Դեկտեմբեր 2, Ֆրէդէրիկ կարլ յետ բազում ջանքերու և կորուստներու յաջողեցաւ հաստատուիլ Արտընէի մօտ և մէկմէկէ բաժնեց դ'Օրէլ զը Պալատին և Շանզի զօրավարները:

Գերմանական ընդհանուր հրամանատարութիւնը ի վէրսայլ՝ հրամայեց Մէքլէմբուրկի դքսին միանալու Ֆրէդէրիկ կարլի բանակին և այսպէս կազմել ամբողջովին Հարաւային բանակ մը: Դուքսը չուեց ղէպ ի Տրուա, Սան, Կըմուր և տուգանքներով պատժեց այն գիւղերը որոնք Գերմանացւոց փնաս մը տուեր էին: Յետոյ միանալով Բավիէրացւոց գունդերուն Բոմ Լա Ռուլանդի քով արիւնահեղ պատերազմով մը արգիլեց դ'Օրէլի զօրավարին Ֆոնտէնրոյի ճամբով չուել ղէպ ի Պարիս: Գաղղիացի բանակը այն ատեն փորձեցին ղէպ ի Արեմուտը քաշուիլ և հոն ճամբայ բանալ ղէպ ի մայրաքաղաքը: Սակայն Պուպրի քով բռնադատուեցան զարնուիլ Գերմանացւոց հետ և մեծ կորուստներով քաշուեցան իրենց նախկին դիրքերը: Դեկտեմբերի առջի երեք օրուան պատերազմունք, Լուաոի ափունքը ղիակով և արիւնով ծածկեր էին: Դեկտեմբերի 2էն 3ին գիշերը Ֆրէդէրիկ կարլ որ միացած էր Մէքլէմբուրկի դքսին հետ որով և ունէր 120,000ի բանակ մը, բռնեց Օուլէանի ճամբան և Պարիսու երկաթուղին: Այն ատեն դ'Օրէլ անկարելի դատեց Պարիսու վրայ քալելու խորհուրդը և Տուրի Կուիրակութենէն հրաման խնդրեց թողլու նաեւ զՕուլէան: Գամբէտտա Տուրէն վազեց իր ներկայութեամբ գունդերը խրախուսելու. սակայն Գամբէտտայի հասած ժամանակ արդէն դ'Օրէլ զը Պալատին զօրավարը թողուցեր էր զՕուլէան: Գերմանացիք Օու

լէանի դիմաց երեւցան Դի երեկոյ և սպառնացան ումբակոծել քաղաքը եթէ երկրորդ օրը ժամը մինչեւ 11 անձնատուր չ'ըլլայ: Քաղաքացի իշխանութիւնք ընդունայն համարեցան դէմ դնելը և անձնատուր եղան, որով երկրորդ օրը Մէքլէմբուրկի դուքսը մտաւ (Ռլէան ուր գերեց մնացեալ պահանորդը, շատ մը մթերք և չորս պատերազմական նաւք Լուառի վրայ, որոց մէջէն քաջութեամբ կոուեր էին Հոովմայ Քահանայապետի զուաֆք: Դիւպանլու եպիսկոպոսը իր պալատանը մէջ արգիլուեցաւ. իսկ Գամպէտտա հազիւ կրօցաւ փախչիլ: Կոմսն Մոլտքէ (Ռլէանի արման լուրը իմացուց Պարիսի վարչութեան, որ պատերուն վրայ կպցնել տուաւ: Գամպէտտա սպառնացաւ դատ բանալ զ'Ռրէլ զօրավարին դէմ որ թողուցեր էր քաղաքը՝ և զ'Ռրէլ տուաւ իր հրաժարականը որով Լուառի բանակը երկու բաժնուեցաւ, մէկուն հրամանատար եղաւ զօրավարն Շանզի, միւսոյն զօրավարն Բուրբաքի որ Հիւսիսային բանակին հրամանատարութիւնը թողուց Ֆէդհէրը զօրավարին:

Պրէդէրիկ Կարլի նպատակը եղաւ անկէ վերջը, ոչ ընչացնելու այս երկու բանակները. նախ քալեց Բուրբաքիի վրայ որ յաջողեցաւ վէրզոնէ և Շամբորի դղեկին կողմէն ետ ետ քաշուելով ամրանալ Բուրժի մէջ: Այն ատեն իր զօրութիւնքը դարձուց Շանզիի բանակին դէմ որ Լուառի աջակողմը կեցած կը պաշտպանէր զԲլուա, Տուր և Ման և Մէքլէմբուրկ դքսին հրամայեց տիրելու Տուրի: Դեկտեմբեր 7ի, 8ի և 9ին Մէքլէմբուրկի դուքսը շատ նեղեց Շանզիի բանակը և մանաւանդ Դեկտեմբեր 10ին Օրինյի մօտ մոլեգին պատերազմ մը ունեցաւ, յորում Գաղղիացիք պահեցին իրենց բանակատեղին և վանեցին բավիէրացի գունդերուն յարձակմունքները:

7. — Մէքլէմբուրկի դքսին այս գործողութեանց ժամանակ Պրէդէրիկ Կարլ զրկեց նաեւ Մանշտայն զօրավարը գետին ձախ կողմէն շրջապատել զՇանզի, տիրել Բլուայի և գաղղիացի զօրավարը երկու կրակի մէջ

Տուրի ստումը.
- Նուրբակու-
թիւնը կը
փոխադրուի ի
Բորգօ:

փակել: Այն ատեն Շանգի քաշուեցաւ դէպ ի վանդոմ և Բլուա ինկաւ Պրուսիացւոց ձեռքը: Դեռ Տուրի ճամբան բաց մնալով, Գեկտեմբեր 9ին վարչական Նուրակութիւնը փոխադրեցաւ ի Բորզօ. ուր փոխադրուեցան նաեւ օտար պետութեանց ներկայացուցիչք: Այս միջոցիս Գամբէտտա ղեկատարական իշխանութիւն մը ձեռք առած էր իւր «կրակէ լեզուով և բոցէ գրչով» ինչպէս ըսած են գաղղիացի հասարակապետականք, ջանալով գրգռել ամեն կողմ հայրենասիրական զգացմունք ընդդէմ օտարին: Եւ յիշուի ամեն օր կու գային հազարաւոր կամաւորք և մեծ գումարներ: Գերմանացիք Գեկտեմբեր 14ին և 15ին փորձեցին Շանգլի բռնած ղիրքերուն տիրել բայց չյաջողեցան. 16ին Շանգլի որուն բանակը ցուրտէն և անօթութիւնէն արդէն նեղուած վիճակի մէջ էր, քաշուեցաւ Մանի դիմաց յուսալով միանալու Արեւմտեան բանակին հետ որ միշտ կազմուելու վրայ էր: Գերմանացիք 21ին մտան Տուր, որով և յաջողեցան գաղղիացի բանակները բոլորովին բաժնել Պարիսէն ինչպէս նպատակնին էր: Իջնդեան տօներուն ֆոն դէր թան իրեն բանակով եկաւ Օուէան, հոն իր զօրաց հանգիստ տալու համար:

Շանգլի բանակը եկած էին կեղծ անուններով, հայրենեաց համար արիւննին տալու, Օուէանի ցեղէն՝ դուքսն դ'Օմալ և ժոնէվիլի իշխանը՝ որդիք լուի ֆիլիպ թագաւորին և թոռը՝ դուքսն Շարտրի: Գամբէտտա իմանալով, հրաման ղրկեց որ թողուն զԳաղղիա և հեռանան:

Պրուսիացւոց Գաղղիոյ արեւելեան և արեւմտեան կողմերը տարածուելով, միջին գաւառաց ժողովուրդք սկսան փախչիլ դէպ ի հարաւ: Շատ մը վիրաւորք և հիւանդք թշնամուոյն ձեռքը չմնալու համար, այն եղանակին սուսկալի ցրտով կը գաղթէին դէպ ի Բայոն, Բիարից և Պօ: Բնդհանուր սարսափ մ'էր ամեն կողմ: Հազարաւոր անձինք որոնք բնաւ զէնք կրած չէին, որոնք շատ տարիներէ ի վեր կորսնցուցած էին չարքաշ կենաց վարժութիւնը, Գամբէտտայի խիստ հրամանէն

ազատելու համար, փախստեան ամեն ճար կը մտածէին: Ահաւոր ձմեռն մ'էր. և Գաղղիացւոցմէ աւելի Գերմանացի բանակներուն համար, որոնք օտար երկրի վրայ կը գտնուէին զինուոց ներքեւ. 70,000 զինուորք Պրէզէրիկ իշխանին և Մէքէմբուրկի մեծ դքսին հրամանաց ներքեւ շարունակաբար կուուեցան Լուաոի և Սարթի եզերքները, յԱզէյ, Շարտրը, Սորիէ, Դոման Լը Ռըթրու, Լամբրոն և Լազապէլ, իրենցմէ շատերը մեռեալ թողլով ձինապատ դաշտերուն վրայ: Պարծանքնին և միաթարութիւննին միայն իրենց արութիւնն էր, մինչ Գաղղիացիք ստէպ առանց կուուելու բազմութեամբ գերի կ'երթային թողլով թշնամուոյն ձեռքը զէնք և մթերք: Զօրավարն Շանզի ընդհանուր օրակարգով մը պախարակեց զօրաց այս անբացատրելի և ամօթալի սարսափը և տկարութիւնը: Շանզի յետ կորսնցնելու ամեն յոյս մայրաքաղաքին օգնելու մասին, քաշուեցաւ Լավալ:

8. — Եւ սակայն Պարիս երկար ժամանակ այդ օգնութեան յուսով քաջալերուեք էր, երկար ժամանակ համբերեք էր, որէ օր յուսալով տեսնել ազատարար բանակ մը: Այդ բանակները ոչ միայն չտեսնուեցան, այլ թիչ թիչ անոնց նկատմամբ լուրերէն անգամ զըրկուեցաւ: Վերջին լուրերը ստացաւ Գեկտեմբեր 11ին թղթարեք աղաւնիներու միջոցով, իմացաւ բանակաց անզօրութիւնը և ըմբռնեց որ ի զուր էր անոնցմէ օգնութիւն յուսալ և Պարիս ինքնին պիտի պաշտպանուէր:

Գերմանացիք ամեն օր կը շարունակէին աւելի սեղմնու պաշարման շրջանակը. կը զարմանային միանգամայն որ Պարիս հաճոյից և անհոգութեան քաղաքը, չորս ամսէ ի վեր կը դիմանար այսօրինակ պաշարման: Որուան մէջ ցուրտը զրոյէն հարիւրեկի շինգ աստիճան վար էր, իսկ գիշերը կ'անցընէր տասներորդը: Ստէպ կը ձիւնէր և կամ սառնորակ մառախուղ մը պատած էր բոլոր քաղաքը: Այս ահաւոր երկնքին և ցուրտին ներքեւ աղքատք, ծերք, տղայք և մայրեր երախաները զրկեմնին ժամերով կը սպասէին ոստիկանութեանց դռները որպէս զի իրենց հացին և մսին բաժինը ստա-

Պարիսու վեճակը. — Ցուրտ և անօթութիւն.

նան: Բայց քիչ քիչ սննդարար ապրուստը նուազեցաւ. միայն ձիու միսը մնաց և փոխանակ ճերմակ փափուկ գաղղիական հացին, որուն այնքան վարժած է պարիսցին, ամենայն ոք թեփով խառն գորշ հաց մը սկսաւ ուտել¹: Թարմ ձիու մսին յաջորդեցին աղած և չոր ապխտեղէնք, յետոյ ճաշարաններու մէջ սկսան կերակուրք պատրաստուիլ կատուի, շան, իշու, մկան և կամ կենդանարանութեան պարտիզի կենդանեաց միսերով: Միայն գինին առատ էր. որ փոխանակ օգտի մեծամեծ վնասներ բերաւ²: Պարիս գիշերուան այն հիւսիսը քաղաքը զրկուած էր գիշերները լոյսէ, որովհետեւ չկար նիւթը: Պակաս էր փայտը և ածուխը. կրտուեցան փողոցներու և Բուա զը Բուլոնյի և Վէնսէնի ծառերը. բայց փութով սպառեցան: Այն ահաւոր ցրտէն առաջ եկան տարափոխիկ հիւանդութիւնք, այնպէս որ մինչ ի Պարիս մէկ եօթնեակի մէջ սովորական ժամանակ 1200 մահ կ'ըլլային. պաշարման վերջին շարժուն մեռնողաց թիւն էր 4670: Եւ սակայն Պարիս տարաւ ամեն զրկանաց, անօթութեան, ցրտի և հիւանդութեանց, պահելով արժանապէս հայրենասէր ժողովրդեան մը համբաւուած պատիւը, նա մանաւանդ իր այս կրածներով անգամ պարծեցաւ և չլըքաւ: Եւ նոյն իսկ թշնամուն շարունակ ունբերն զինքը չվհատեցուցին ամեն բանի դիմանալ իր պաշտելի մայրաքաղաքին մէջ պրուսիացի զինուոր մը չտեսնելու համար:

1. Ի Պարիս Մուրատեան վարժարանի աշակերտքը յետ զրկուելու մաս մը ի հայրենիս և մաս մը ի Մարսիլիա և անկէ վենետիկ իրենց տեսչին Հ. Հմայակ Վ. Պապիկեանի հետ, մնացեր էին անց պահպանութեան համար Հ. Գրիգորիս Վ. Մերճանեան. Հ. Գարեգին Վ. Զարբհանյան ուրիշ 15 ազգայիններով: Վ. Հ. Գարեգին՝ Յիշատակագիր մը գրած է հետաքրքրական յորում կ'ըսէ, չորս օր անգամ մը քիչ մը ձիու միս կուտային, ամեն օր քիչ մը հաց, յորում բաց ալիւրէ կար ամեն բան: Կը նկարագրէ քաջած ահաւոր սովը:

2. Ազգային Պահպանաց ընդհանուր հրամանատարը զօրավարն Կլէման Թոմա պաշտօնանկ բրաւ Լըբլուա՝ 200դի զնդապետը, որ զրկուած էր բռնելու Կրետլի յառաջատեղիքը և զինով էր ինքը և իր գունդին կէսն աւելին ըստ Վէնսէնի հրամանատարին տեղեկութեան: Այդ անմինք, երբ Հասարակութիւնը տիրեց Պարիսու վրէժը առին սպաննելով զօրավարն Կլէման Թոմա:

Գ Լ Ո Ւ Ն Ժ .

ԳԵՐՄԱՆ ԿԱՅՍՐՈՒԹԻՒՆ ԵՒ ԴԱՇԻՆՔ ՊԱՐԻՍՈՒ

1. Գուլիելմոս Թագաւորը կայսր կը հռչակուի ի Վէրսայլ.
— 2. Պարիսու ոմբակոծուիլը. — Վերջին ելը. — Բիւզնժաւ.
Վարչական փոփոխութիւնը. — Զինադադարումն. Գաշինը Պա-
րիսու. — 5. Մովսիսի պատերազմունք. — 6. Գաղղիոյ Արեւե-
լեան բանակը. Հէրիկուր. — 7. Գաղղիացի բանակը Զուիցցերի
կը քաշուի. — 8. Բնտրութիւնը. Տարածայնութիւնը Պարիսու
և Բորդոյի մէջ. — Գամբէտտա կը քաշուի. — 9. Խաղաղութեան
Գաշնագրոյն ստորագրուիլը. — 10. Գերմանացւոյ մուտքը ի Պա-
րիս. — Գերմանական զերիշխանութիւնը. — 12. Հասարակու-
թիւն. — 13. Վէրսայլի վարչութիւնը. — Հասարակութեան հետ
պատերազմները. — 14. Պատանդներուն սպաննութիւնը. — Պա-
րիսու հրդեհը. — 15. Հասարակութեան անկումը. — Մակ Մա-
հոն մարաշխտը կը տիրէ Պարիսու :

1. — Գերմանական զինուց յաջողութեան հետ կը
յառաջէր նաեւ ընդհանուր գերմանական իշխանութեանց
միութեան կապ մը և գերմանական կայսրութեան մը
գաղափարը և կազմութիւնը: Հարաւային Գերմանիոյ
զինուորը իւր արիւնը թափեր էր դաշտին վրայ խառն
հիւսիսային Գերմանիոյ զինուորին հետ: Այդ արիւնէն
ծնեւ էր գերագոյն միութիւն մը. վերցուեր էին կրօնա-
կան խտրութիւնք, մոռցուեր էին ցեղական ատելու-
թիւնք և նախանձներ՝ մանաւանդ ընդդէմ Պրուսիոյ :
Գերմանիոյ մեծ և փոքր պետութիւնք նոյն իսկ Բա-
վիէրա, Պրուսիոյ դէմ միշտ մախացողը, ներկայ պարա-
գայից մէջ անհնար է որ չճանչնար պրուսիական քա-

Գուլիելմոս
Թագաւորը
կայսր կը
հռչակուի ի
Վէրսայլ :

դաքականութեան և ռազմագիտութեան կատարած ամենամեծ դերը և ազդեցութիւնը: Եւ երբ ժամանակը հասած համարուեցաւ, նոյն ինքն Բավիէրայի երիտասարդ թագաւորը ամենեւին չընդդիմացաւ և ընդունեցաւ որ ընծայուի Պրուսիոյ թագաւորին կայսերական տիտղոսը և գերմանական բովանդակ Պետութեանց նախագահելու իրաւունքը¹: Իշխանաց այս քայլէն վերջը, Հիւսիսային Գերմանիոյ խորհրդարանը իւր անդամներէն երեսունը, որոց զլուսն էր նախագահն Սիմսոն, զրկեց ի վէրսայլ իմացնելու Պրուսիոյ ծեր թագաւորին՝ գերմանական ժողովրդոց եռանդուն իղձը, վասնզի այդ պատիւը պիտի բարձրացնէր գերմանական ազգին համբաւը և ազդեցութիւնը: Գուլիէլմոս թագաւորը հանդիսաւոր կերպով ընդունեցաւ նուիրակութիւնը և իմացուց որ Յուսուար 1 էն կ'ընդունէր կայսերական պատիւը. թէպէտ պաշտօնական հանդէսը որով և հրովարտակին ընթերցումը և կեցցէները կատարուեցան Յունուար 18ին:

Ս'վ կարող էր գուշակել տարի մը առաջ որ Պրուսիոյ թագաւորը, Գաղղիոյ հզօր թագաւորաց, վէրսայլի շքեղ զղեկին Հայյիներու Սրահին մէջ յետ խոնարհեցնելու գՊաղղիա, ինքզինքը կայսր պիտի հռչակէր: Այն օրը զղեկին գաւթին մէջ պահպանութեան կեցաւ իր ծակծկած դրօշով, գնդակածիգ զօրաց այն գունդը որ

1. Բիւսարը իր հրատարակած Յիշատակարանաց մէջ կը պատմէ թէ ինչո՞ւ կարեւոր տեսած էր Պրուսիոյ թագաւորին ուրիշ անուն մը ընծայել, զինքը միւս գերման իշխողներէ բարձրացնելու համար: Կը պատմէ Գուլիէլմոսի և թագածառնոց իշխանին ընդդիմութիւնը Կայսր տիտղոսը ստանձնելու համար, զոր նորիչուկ կը համարէին, մանաւանդ Բոնապարտեանց զայն կրելէն վերջը: Բիւսարը բացատրեց որ չէր կարելի արդէն եղած թագաւորները, զոսերու կարգին իջեցնել, կամ Պրուսիոյ թագաւորին Գերմանիոյ թագաւոր տիտղոսը տալ: Յետոյ կը պատմէ իր գրութիւնը առ Բավիէրայի Լուտովիկ թագաւորը ճարտար մեկնութիւններով Կայսր տիտղոսին նկատմամբ որպէս զի չհակառակի Բավիէրայի թագաւորը: Բավիէրայի թագաւորին ոչ ընդդիմութիւնը. ամենէն վերջը երկար մեծերնին Գուլիէլմոս թագաւորին հետ որ կը պնդէր կայսրութիւնը ստանձնած ժամանակ կոչուիլ գոնէ Կայսր Գերմանիոյ մինչ Բիւսարը բացարձակապէս կ'ուզէր որ ըսուի Գերմանացի Կայսր: Հանդէսին ժամանակ ըսուեցաւ ոչ մին ոչ միւսը, այլ Գուլիէլմոս Կայսր: Հտ. Բ. Գլ. ԻԳ. տպ. 1898:

վիսաէմբուրկի մօտ առաջին կոխեց Գաղղիոյ հողը: Ուրիշ պրուսիացի և գերմանացի դրօշակը կը զարդարէին սրահը: Հանդէսը սկսաւ քարոզով և քարոզիչը նախաբան դրաւ ՉՕդ Սաղմոսին հետեւեալ տողերը «Ժամանարարներ զնա յօրհնութիւն քաղցրութեան քոյ, և եղիր ի գլուխ նորա պսակ ի քարէ պատուականէ... Տացես զնա յօրհնութիւն յաւիտեանս յաւիտենից. թագաւոր յուսացաւ ի Տէր, յողորմութենէ Բարձրելոյն նա մի սասանեացի»: Քարոզէն վերջը ԴՅամեայ թագաւորը ելաւ դրուած բարձրաւանդակի սանդուխներէն վեր և յուզեալ ձայնով ծանոյց որ կ'առնուր կայսերական թագը: Ապա հրամայեց կոմս Բիսմարք Ատենադպրին՝ կարդալու առ գերմանացի ժողովուրդն գրած հրատարակութիւնը, յորում կ'իմացնէր որ «Մենք, Գուլիէլմոս, շնորհիւն Աստուծոյ թագաւոր Պրուսիոյ կ'իմացնենք, որ ըստ ըզձից գերմանացի իշխանաց կը նորոգենք Գերմանական կայսրութիւնը, որով մենք և մեր յաջորդք գերմանական կայսրութեան ամեն գործառնութեանց մէջ պիտի կրենք այս տիտղոսը»: Յետոյ յիշելով այս դառն պատերազմին մէջ գերմանական ժողովրդոց միաբան զոհողութիւնքը զհայրենիս պաշտպանելու համար, կը յուսար որ ասկէ վերջը Գերմանիա ապահով պիտի ապրէր և պիտի չունենար Գաղղիոյ ստէպ յարձակումունքները: Կը վերջացնէր խօսքը մաղթելով որ իր յաջորդք աւելի ընդարձակեն գերմանական կայսրութիւնը «ոչ զինուց աշխարհակալութեամբ այլ խաղաղութեամբ. ազգային յաջողութեանց, ազատութեան և բարոյականի ասպարիզին մէջ»: Հրատարակութեան ընթերցումէն վերջը Բահէնի մեծ դուքսը գոչեց «կեցցէ՛ Գուլիէլմոս կայսրը». որուն ձայնակցեցան բոլոր հանդիսականք և յետոյ հնչուեցաւ ազգային երգը¹:

1. Բիսմարք կ'ըսէ իր Քիշատակարանաց մէջ որ հանդէսէն առջ զրկած էր առ Գուլիէլմոս գեղազնի դուքսը՝ համոզելու որ չկոչուի «կեցցէ Գուլիէլմոս կայսր Գերմանիոյ»:

Այսպէս կը սկսէր մեծ կայսրութիւն մը օտար երկրի և օտար սրահներու մէջ, մեծ ցնծութեան և ուրախութեան ձայներով. մինչ մէկ ժամ հեռու տխրութեան և թշուառութեան ձայներով մեծ ազգ մը կը դատապարտէր ուրիշ կայսրութիւն մը:

Պարիսու որմ-
բակոծուիլը. —
վերջին ելք. —
Բիւզնիւմ:

2. — Պարիս չէր կրնար համոզուիլ որ իր վերջը կը մօտենար. չէր կրնար ըմբռնել որ ինքը կրնար առնուիլ: Կը համարէր որ օր մը գերմանացի բանակը յանկարծ յուսահատած պիտի թողու և քաշուի Հոնոսէն անդին: Տարբեր կը խորհէին գերմանացի ռազմագէտք: Զօրավարն Մոլտքէ եղանակին դժուարութեանց յաղթելով, պաշարուած Պարիսու չորս կողմը այնքան հրանօթք և մթերք հասուցեր էր, որպիսի յիշուած չէ պատմութեան մէջ և 450,000 զինուորք պատրաստ էին գործելու: Գեկտեմբեր 25ին Մոնտ'Ավրոնի չորս կողմը շարուած էին 12 հրալուծք և 76 մեծ թնդանօթք: Մոնտ'Ավրոն Պարիսու բանակի կոչուած է: Երկրորդ օրը սկսաւ Պարիսու չորս կողմը եղած բարձունքներուն ուժակոծուիլը: Գաղղիացիք բռնադատուեցան պարպելու Մոնտ'Ավրոն, որուն անմիջապէս տիրեցին սաքսոնները և հոնկէ սկսան անդադար կրակ մը Ռոզնի, Նոթան և Նուագի արեւելեան բերդերուն վրայ և գնդակները սկսան անցնիլ Պարիսու պատուարները: Զօրավարն Տրօշլու նոյն օրը մայրաքաղաքին պատերուն վրայ կպցնել տուաւ յորդոր մը առ քաղաքացիս «բնաւ պիտի չ'իյնայ զէնքը ձեռքերնէս. արութիւն, վատահութիւն և հայրենասիրութիւն. Պարիսու կառավարիչը անձնատուր չ'ըլլար»: Եւ սակայն զօրավարին ազդեցութիւնը և համարումը շատ ինկեր էր: Լրագիրք զինքը և զվարչութիւնը կ'ամբաստանէին իրրեւ անկարող, և մինչեւ մատնիչ: ()ր մը առաջ Պարիսու պատերուն վրայ ամենայն ոք կարդացեր էր «Տեղիք տուէք ժողովրդեան, տեղիք տուէք Հասարակութեան»: Յունուար 5ին Գերմանացիք սկսան ուժակոծել հարաւային իսսի, վանվրը և Մոնուոս բերդերը. գնդակները սկսան ինկնալ արուարձաններուն և քաղքին հեռաւոր դիրքերուն վրայ: Քաղա-

քացւոց տագնապը և յուզումը կ'անէր. ի սկզբան թէ բնիկը, թէ օտարը չէին կրնար հաւատալ որ Գերմանացիք ումբակոծեն զՊարիս. բայց երբ գնդակը սկսան ինկնալ Լիւսսամբուրի, Սէն Սիւլպիս եկեղեցւոյն և Պանթէոնի վրայ, երբ սպաննեցին անմեղ անցաւորներ և հրդեհ ձգեցին Պաք փողոցին և Սէն լիէրմէն արուարձանին մէջ, երբ Պիտիէ հիւանդանոցին վրայ պայթուցիկը սկսան թափիլ. այն ատեն Պարիսու ժողովուրդը բարձրաձայն սկսաւ գոչել այս «նոր բարբարոսաց» դէմ որոնք կը յանդգնէին կործանելու «քաղաքակրթութեան մայրաքաղաքը»: Պարիս մնացող օտար պետութեանց ներկայացուցիչը խնդրեցին իրամարը կոմսէն որ օտարաց կալուածները յարգուին, բայց պատասխան տրուեցաւ որ արդէն ժամանակին իրենց ծանուցուած էր և կրնային դուրս ելած ըլլալ: Ժիւլ Պափը բողոքեց որ ումբակոծումը կանխապէս չէր ազդուած, որով և կը փնասուէին հաւասարապէս հիւանդանոցը և վարժարանը: Մոլտըքէ պատասխանեց որ երբ քաղաքին մօտեան և զանազանեն շէնքերը, այն ատեն այդ տեղերուն պիտի խնայեն: Չիւնը և բուքը արգելք չէր Գերմանացւոց, որոնք անդադար կը շարունակէին ումբակոծումը: Ամեն հրետանի հեռապրական թելով հաղորդակցութիւն ունէր ընդհանուր հրամանատարութեան հետ, ուսկից շարունակ կուզային հրամաններ: Գերմանական բանակը կը գործէր չափաբերական ճշգրութեամբ և կարգով, բոլորովին տարբեր մայրաքաղաքին մէջ եղած վարչութիւնէն և հրամանատարութենէն որ կորսնցուցած էր ամեն վստահութիւն: Միակերպ փողոցի պատերուն վրայ արհամարհութիւնը և նախատինք կը կպցուէին ընդդէմ թըշնամւոյն, այսպէս համարելով վառ բռնել ժողովուրդը: Իսկ ժողովուրդը կը տրտնջար որ անգործ մնացեր էր քաղաքին մէջ թշնամւոյն ումբերուն ներքեւ, փոխանակ ընդհանուր ելք մը փորձելու և միանալու Գամբէտտայի ձեւացուցած բանակներուն հետ: Բողոքները այնքան բարձրացան որ զօրավարն Տրօշիւ բռնադատուեցաւ զինուորական ժողովը մը գումարել որոշողութիւն մը տալու համար:

Արդէն անօթութիւնը, ցուրտը, ումակոծումը և մօտաւոր ներքին քաղաքական կոուի մը վախը կը բռնադատէր զժողովըը զոհացնելու հասարակաց կարծիքը։ Սահմանուեցաւ Յունուար 19ին փորձելու այդ ելքը և մայրաքաղաքին բոլոր պահանորդք ի զէն կանչուեցան։ Ամբողջ Յունուար 18ը պատրաստութեամբ անցաւ և 19ին առաւօտ 100,000 զինեալը յառաջեցին դէպ ի Յիւզէնվալ, Սէն կլուի մօտ, հոնկէ չուելու դէպ ի Վէրսայլ։ Մինչև կը համարէին յանկարծակիի բերել հոն եղած գերմանական զունդերը։ Աջ թեւին կը հրամայէր զօրավարն Դիւկրօ և ձախ թեւին զօրավարն Վինուա։ Իսկ զօրավարն Տրօշիւ դիտարանէն պիտի կառավարէր պատերազմը։

Փաղղիացիք իրենց բնական թափովը, որով շատ պատերազմներու մէջ յաղթող գտնուած են, յաջողութեամբ սկսան յառաջել, յաղթելով ի սկզբան ամեն եղած արգելքներու։ Վինուա զօրավարին գունդը որ դիմած էր գերմանացի Քիրխբախ զօրավարին 57 զօրաբաժնին վրայ, յաջողեցաւ տիրելու Մոնդրտարի բարձունքներուն և հոն երկար ժամանակ դիմացաւ։ Պրուսիացիք ետեւէ ետեւ նոր զունդեր կը հասցնէին. իսկ զօրավարն Դիւկրօ քաղքին մէջ դանդաղելով, չկրցաւ օգնութեան հասնիլ Վինուա զօրավարին որ յետ եօթն ժամ մոլեզփին կռուոյ և յետ կորսնցնելու ընդ մեռեալ և ընդ վիրաւոր 1000էն աւելի անձինք, բռնադատուեցաւ շահած դիրքերը թողուլ և նահանջել։ Մեռնողներուն մէջ էին եօթանասունամեայ մարգէզն դը կարիոլիս, որուն հայրենասիրական խանդը յաղթեր էր տարիքին վեհերուտութեանց, կիւստավ Լամբէր՝ հռչակաւոր ճանապարհորդը Հիւսիսային ծովերու և քսանեւեօթնամեայ արդէն հռչակուած պատկերահանն Ռէնիօ։

Երկրորդ օրը զօրավարն Տրօշիւ զինադադար խընդրեց մեռելները թաղելու համար։ Գերմանացիք որ գրեթէ Փաղղիացոց հաւասար կորուստներ ունեցեր էին, սիրով ընդունեցան զինադադարումը։

3. — Պարիսցիք որ արդէն մեծ յաղթութիւն մը կ'երազէին Դիւկրոյի և Վիլնուայի բանակներէն, մեծապէս զայրացան եղած նահանջին վրայ: Կ'ամբաստանէին զինուորական վարչութիւնը որ կամաւ ուզեր էր « դաս մը տալ » ազգային պահպանաց. կը կոչէին զօրավարաց դէմ և մանաւանդ Դիւկրո զօրավարին դէմ, որ երկու ժամ յապաղելովը, կորսնցնել տուեր էր սկզբնական յաջողութիւնքը: Վարչութիւնը ըմբռնեց որ հարկ էր հասարակաց կարծիքը հանդարտ պահել, քանի որ այլ եւս կառավարելու զօրութիւն չունէր և պէտք էր վարչական փոփոխութիւնք ընել. վասնզի ամբոխը որ երբեմն իրեն կուռք ըրած էր զօրավարն Տրօշիւ, հիմայ այլ եւս չէր ուզեր տեսնել զայն հրամանատարութեան գլուխ և կ'ամբաստանէր իրբեւ անկարող:

Վարչական
փոփոխութիւն .
Յունուար 22 :

Յունուար 22ին պաշտօնական լրագիրը կը ծանուցանէր որ զօրավարն Վիլնուա ընդհանուր հրամանատար անուանուեր էր Պարիսու բանակին, որ Պարիսու կառավարչի պաշտօնը վերցուեր էր և զօրավարն Տրօշիւ կը մնար պարզապէս նախագահ վարչութեան: Եւ սակայն այս փոփոխութիւնք չզոհացուցին զամբոխը որ յուզուած էր յեղափոխական կուսակցութենէն: Յունուար 22ին առաւօտ ամբոխէն խումբ մը դիմեց Մազասի բանտին վըրայ. ազատեց շատ մը կալանաւորներ յորս և զՖլուրէնս և փորձեց տիրելու 20դ շրջանակի թաղապետութեան պալատին: Չօրավարն Կլէման թոմա քաղքին պահանորդաց հրաման ղրկեց պատրաստ ըլլալու: Կէսօրուան դէմ զինեալ խումբ մը Մոնմարտրէն մեկնելով սկսաւ դէպ ի յիջել զը Վիլ երթալ գոչելով « Չէնք առէք, կեցցէ Հասարակութիւն »: Եթէ զը Վիլ վարչութենէն անձ մը չէր գտնուէր. զինեալ ամբոխը նուիրակութիւն մը ներս ղրկեց, որ դարձաւ առանց գործ մը կատարելու: Ամբոխը սկսաւ յուզուիլ գլխաւորաց դէմ և այն միջոցին յանկարծ ամբոխէն կրակի հարուած մը մեկնելով, մահացու վիրաւորեց Ոստիկանութեան պալատին շարժուն պահանորդաց սպայն: Պահանորդք տեսնելով իրենց սպային ինկնալը, հրացաններն պարպե-

ցին ամբոխին վրայ, որ փութով ցրուեցաւ զետնին վըրայ թողով երեսուն հոգի մեռեալ և վիրաւոր: Դոյն երեկոյ վարչութիւնը խափանեց (իւվէյ) և Կոմրա յեղափոխական լրագիրները:

Ներքին տագնապող յուզմանց վրայ Վէրսայլէն հասաւ նաեւ պրուսիական Լյուքսըր, յորում կային Շանզի, Ֆէտհէրը և Բուրբաքի զօրավարաց կրած վերջին ձախողութիւնքը: Անկէ վերջը Պարիս կը մնար ինքնիրեն. և որովհետեւ յետին եղած փորձը ցըցուցեր էր որ անկարելի էր ճեղքել անցնիլ զթշնամին, այն ատեն մայրաքաղաքին լուրջ մասը սկսաւ զինադադարման և դաշնադրութեան մը նկատմամբ խօսքեր տարածել ամենուն մտաց մէջ:

Ձինադադարումն. — Իսպանիոյ Պարիսում:

4. — Վարչութիւնը կրկին զփիւլ Ֆալլը ընտրեց բանակցութեան համար որ յանձն առաւ երթալու մինչեւ գերմանացի յառաջապահ գունդերը և անկէց տարուիլ Վէրսայլ առ Բիսմարք կոմսը: Ժիւլ Ֆալլը առաջարկեց վարչութեան կողմէն, որ հրաման տրուի Պարիսու մէջ եղած զինուորաց պատուովին քաշուիլ թըշնամուոյն չտիրած գաւառ մը և հոն սպասել մինչեւ որ Գաղղիա հաւաքուելով, Ազգային ժողովը մը և վարչութիւն մը սահմանէ: Բիսմարք չ'ընդունեցաւ պայմանքը. կուզէր որ Պարիս ալ անձնատուր ըլլայ ինչպէս Սէդան, ինչպէս Մէց: Ժիւլ Ֆալլը այս պայմանքը բերաւ Պարիս որոնք իրենց ամբողջութեամբ ընդունելի չեղան, բայց նորէն դառնալով Վէրսայլ կրցաւ ստանալ որ Յունուար 27էն դադրի ուրակոծումը և երեք շաբաթ զինադադարումն ըլլայ և այն ժամանակին կոչուի ազգային ժողովը, որ կարող ըլլայ բանակցիլ հաշտութեան համար: Երկրորդ օրը պաշտօնական լրագիրը կ'իմացնէր զայս աւելցնելով «Այս զինադադարման ժամանակ գերմանացի բանակը պիտի բռնէր բերդերը, բայց պիտի չմտնէր ի Պարիս, ուր պիտի մնար ազգային պահանորդը և մէկ զօրաբաժին մը»:

Որչափ որ ալ մայրաքաղաքը ահաւոր կացութեան մէջ էր, այսու հանդերձ ժողովուրդը մեծ տխրութեամբ

կարգաց այս զինադադարման լուրը: Նոյն երեկոյ կոմսն Բիսմարք և ժիւլ Ֆաւրը յուշինք մը ստորագրեցին ի վէրսայլ, ըստ որում՝ Չինադադարումը անմիջապէս կը սկսէր Պարիսու համար, իսկ Գաղղիոյ միւս կողմանց համար երեք օր վերջը և պիտի լմննար Փետրուար 19ին: Չինադադարման գծէն դուրս ձգուած էին Կալվատոս և (յն գաւառները և Գերմանացւոց ձեռքը կը մնային Սարթ, Էնտրը, Լուառ, Լուառ և Շէր, Լուառէ և Խոն գաւառները: Ապագային պիտի սահմանուէր կող տ'()ը, Դուբա և ժիւրա գաւառաց նկատմամբ մինչև Բէլ-ֆոր՝ որ պաշարուած էր: Այս միջոցիս պիտի ըլլային ազատ ընտրութիւնք Ազգային ժողովքի մը որ պիտի սահմանէր խաղաղութիւն և կամ պատերազմի շարու-նակումը: Պարիսու բոլոր բերդերը Գերմանացւոց պիտի յանձնուէին, քաղքին պարսպներուն վրայէն պիտի վերցուէին հաղորդակցութեան միջոցներ. ցամաքի և ծովային զինուորք ինչպէս նաեւ ազգային պահապանք՝ պատերազմի գերի պիտի համարուէին բաց ի 12,000է որոնք քաղքին ապահովութեան պիտի հսկէին: Կամաւորք պիտի ցրուէին: Պատերազմի գերիները զինաթափ ըլլալով պիտի թողուէին քաղաքին պատուարաց մէջ:

Իսկ Գերմանացիք պիտի դիւրնցնէին անմիջապէս ապրուստի մուտքը: Պարիսէ ելլելու համար կարեւոր էր թէ գաղղիական և թէ գերմանական իշխանութեանց թոյլտուութիւնը: Պարիսու Հասարակութիւնը 15 օրուան մէջ պիտի վճարէր իբր պատերազմի տուգանք երկու միլիոն ֆրանք: Չինադադարման միջոց չէր կարելի հասարակաց արժէթղթերը քաղքէն հեռացնել. երկու կողմանէ գերեաց փոփոխութիւն պիտի ըլլար ըստ թուոց: Վէրսայլի վարչութիւնը կանոնաւոր թղթատարութիւն մը պիտի հաստատէր Պարիսէն գաւառները ղրկուած բաց նամակներուն համար:

Ազգային պաշտպանութեան վարչութիւնը այս դաշնադրութիւնը հրատարակած ժամանակ, միանգամայն կը ծանուցանէր որ Պարիս եօթը օրէն աւելի ապրուստ չու-

նէր¹ : Գաշնադրութեան գործադրութիւնը սկսաւ կանոնաւորապէս. Գաղղիացիք ելան բերդերէն որոնք յանձնուեցան Գերմանացուց :

Մովային պատերազմները :

Ծ. — Գաղղիա պատերազմ հրատարակած ժամանակ՝ մեծ յոյս ունեցեր էր որ նաւատորմիդը յաղթական ընթացքով մը պաշարելով գերմանական քաղաքները մեծապէս պիտի նեղէր զՊրուսիա : Սակայն նոյնը եղաւ նաւատորմիին ինչ որ ցամաքային զօրաց : Կային նաւեր, կար նաւատորմիդ մը պատրաստ ի Շէրբուրկ, որ մինչեւ տեղէն շարժեցաւ ընդ հրամանատարութեամբ կոմս Բոնէ Վիլլոմէ ծովակալին, արդէն Գերմանացիք այլ և այլ յաղթութիւններով մտեր էին ի Գաղղիա. որով և նաւատորմիդը Հիւսիսային ծովը մտած ժամանակ տարտամեալ դիրք մը ունեցաւ. մանաւանդ որ զօրավարն Ֆոկէլ ֆոն Ֆալքէնշդայն հիւսիսային և Բալդիկ ծովերուն գետաբերանները լաւ պաշտպանած էր հրանօթներով և տորբիլներով. որով և գաղղիացի նաւատորմիդը վախցաւ ցամաքին մօտենալու որ շատ դժուար էր, նաեւ ծանծաղուտներուն և աւազուտներուն պատճառաւ. և հետուանց միայն պաշարեց Քիէլի, Լուբէքի, Ստրալսունտի և Շտէտտինի նաւահանգիստները և քանի մը վաճառականական նաւեր գերի բռնեց :

Հիւսիսային ծովուն մէջ կար ուրիշ նաւատորմիդ մը եւս ընդ հրամանատարութեամբ Ֆուրիշոն ծովակալին, որ չկրնալով տեղէ մը ցամաք հասնել զօրքը, դարձաւ ի Շէրբուրկ : Յիրաւի թէպէտ Գաղղիացիք չկրցան ոչ մի բերդաքաղաք ումբակոծել կամ ցամաք ելլել. այսուհանդերձ մեծ վնաս բերին գերմանական վաճառականութեան և այս վնասը զգաց ընդ երկար Գերմանիա :

Երբ Պարիսու Չինադադարումը եղաւ, այս նաւատորմիդներն ալ կրկին դարձան ի Գաղղիա :

1. Մանրամասն հաշիւներէ տեսնուեցաւ որ 22,000էն աւելի մի մորթուեր էր ուտուելու համար :

6. — Զինադադարման գիծը պիտի հասնէր մինչև ի Բէլֆոր: Գերմանացիք գրեթէ վստահ որ այս յետին քաղաքս պիտի չկարենար այլ եւս երկար դիմանալ պաշարման, չէին ուզած որ Բէլֆոր Զինադադարման գծին մէջ պարունակուի: Փոխադարձաբար ժիւլ Ֆավրը կրցեր էր ստանալ որ Բուրբաքի զօրավարին բանակը ազատ ըլլայ պատերազմելու:

Գաղղիոյ Արեւելեան բանակը. — Հէրկուրի պատերազմը Արեւելեան բանակին յաղթուիւր:

Զօրավարն Մանդէֆֆէլ հրաման ընդունեցաւ մտնել ի Վոթ և օգնել Վէրթէրի բանակին որ այնքան հարուածներ ունեցեր էր Գարիբալդիի գունդերէն: Երբ գերմանացի բանակը սկսան յառաջել Վոթի մէջ, այն ատեն Գարիբալդի և գաղղիացի զօրավարն Գրըմէ ուզեցին աճապարել և հասնիլ փութով ազատելու զԲէլֆոր: Բորդոյէն նոր եկած հրամանին համեմատ պիտի միանար իրենց հետ նաեւ զօրավարն Բուրբաքի, որով 70,000 զօրաց բանակ մը պիտի կազմուէր միաբան յարձկելու Վէրթէրի վրայ¹: Բայց Բուրբաքիի գունդերը այնքան դանդաղութեամբ շարժեցան որ զօրավարն Վէրթէր գուշակելով գաղղիացի զօրավարաց ծրագիրը, թողուց զԴիժոն, ուր անմիջապէս մտաւ Գարիբալդի, և երեք օր հապճեպ ընթացքով դէպ ի կրէյ, Վըզուլ և Լիւռ, կրցաւ Բուրբաքիէն առաջ անցնիլ և յետ մուկեցին մրցման մը ի Վիլլէրսսէլ, լաւ դիրք մը ստանալ Բէլֆորի արեւմտեան կողմը և Հէրիկուրի քով կեցընել զԲուրբաքի զօրավարը որ Պրուսիացուց ձեռքէն առնելով զԱրսէ և Սէն Մարի, հոն հասեր էր: Եթէ Բուրբաքի երկու օր առաջ հասած ըլլար, Վէրթէր միայն 40,000 զինուոր ունէր, այն ատեն դժուար պիտի ըլլար դիմանալ. բայց գաղղիացի զօրավարին յապաղելովը, Վէրթէր ամուր պաշտպանողական դիրք մը կազմեր էր: Բուրբաքի զօրավարը Յունուար 15ին զՀէրիկուր ձեռք ձգելու պատրաստութիւնըը լինցուց. 16ին բուն բաղիմամբ ցրուեց գերմանացի Տէկէնֆէլտ զօրա-

1. Զօրավարն Բուրբաքի Արեւելի յոյն ընտանիքէ մը սերեալ էր:

վարին բանակը. բայց անհնար եղաւ Հէրիկուրի տիրել: Յունուար 17ին բովանդակ գունդերով յարձկեցաւ և մոլեգնաբար մրցեցաւ ձեռք բերելու այդ նոր «Խէր-մոպիլէի կիրճը» ինչպէս կոչած են Գերմանացիք. ահաւոր կռուէ մը վերջը Բուրբաքի տեսնելով որ անկարելի էր տիրել, հրամայեց գունդերուն չուել դէպ ի Բըզանսոն: Հէրիկուրի կուոյն մէջ Գերմանացիք կորսնցուցին 87 սպայ և 1847 զինուոր. Գաղղիացւոց վնասը 3000էն աւելի կը համարուի: Բայց Հէրիկուրի կոիւր վճռական յաղթութիւն մ'էր Գերմանացւոց համար Գաղղիացւոց բանակին կէս թուովը: Վէրթէրի անունը ամբողջ Գերմանիոյ մէջ մեծ ժողովրդականութիւն ստացաւ, մինչեւ իրեն տրուեցաւ վասն Գերմանիոյ տիտղոսը: Գուլիէլմոս Թագաւորը երախտագիտութեան նամակով մը, իրեն տուաւ գերմանական ամենէն մեծ շքանշանը. Գերմանիոյ ամեն կողմէն նուէրներ զրկուեցան իրեն. ամենքը ըմբռնած էին ըրած պաշտպանութեան կարեւորութիւնը և դիւցազնութիւնը: Զօրավարն Մանդէլֆէլ Պոմերիանիայի և վեսթֆալեան գնդերով որոց կը հրամայէին զօրավարքն Պրանսէքքի և Մասզրով ճամբայ ելած էր Վէրթէրի օգնութեան հասնելու: Մանդէլֆէլ Տիժոնի առջեւ, ուր ամրացեր էր Գարիբալդի 25,000 կամաւորներով, թողուց երկու ջոկատք որոց կը հրամայէր զօրավարն Քէթլէր և ինքը յառաջեց դէպ ի Դէւլ, որ երկաթուղեաց միութեան կեդրոնն էր հոն արգելելու Բուրբաքի բանակին պաշարը:

Զօրավարն Քէդլէր երեք օր շարունակաբար յարձակեցաւ Գարիբալդիի վրայ որ ամրացեր էր Տալան և Պոնթէն, Դիժոնի մօտ բարձունքներուն վրայ, բայց միշտ վանուեցաւ, կորսնցնելով նաեւ դրօշակ մը¹:

1. Այս դրօշակը խառնուրդի ժամանակ ձեռք չէին բերած, այլ յետոյ գտած էին արինաթաթախ՝ պոմերանիացի զինուորաց զիականց կոյտերուն ներքեւ: Ռիչօտտի Գարիբալդի, ազնուական մտածութեամբ մը, նամակով մը իմացուց առ Քէդլէր դրօշակը ձեռք բերելուն պարագայը, որ մեծ պատիւ կը բերէր պոմերանիացի զունդին:

7. — Պրանսէքքի և Մասգրով զօրավարաց գուն-դերը միանալով վէրթէրի հետ չուեցին դէպ ի Տէզ և պատեցին Ռուրբաքի զօրավարին բանակը, որուն ուրիշ ճար չէր մնար, բայց եթէ անձնատուր ըլլալ և կամ անցնիլ չէզոք երկիր մը, ի Զուիցցերի: Ռուրբաքի հեռագրեց Ռորտոյի Նուիրակութեան որ Պոնդարլիէի ճամբով կուզէր անցնիլ ի Լոն Լը Սոլնիէ կամ ի Ռուրկ: Գամբէտտա հեռագրաւ խստիւ արգիլեց այդ ծրագրին գործադրութիւնը: Գաղղիացի բանակը ահաւոր վիճակի մէջ էր գրոյէն տասն աստիճան վար ցուրտով, առանց ապրուստի առանց մթերքի: Յունուար 27ին Ռուրբաքի զօրավարը երբ հասաւ ի Բըզանսոն անկարելի տեսնելով ուրիշ կերպ գործել քան ինչ որ առաջարկեր էր Ռորտոյի Նուիրակութեան և վախնալով որ ամբաստանուի իբր մատնիչ, ատրճանակի հարուած մը պարպելով գլխուն, ուզեց մեռնիլ: Ի սկզբան որչափ որ մեռեալ կարծուեցաւ, սակայն միայն ծանր վիրաւորուած էր և տարուեցաւ ի Լիոն:

Գաղղիացի բանակը Զուիցցերի կը դիմէ:

Բանակին հրամանատարութիւնը ստանձնեց զօրավարն Կլէնշան, որ նոյնպէս անմիջապէս հրաման ստացաւ թողուլ Պոնթարլիէի նահանջին ծրագիրը, բայց ա՛լ ժամանակը անցեր էր և սկսեր էր ցաւալի նահանջը. դժուար ճամբաներէ միշտ կողերնին ունենալով զԳերմանացիս, որոնք Յունուար 27ին Սոմբակուր և Շաֆֆուա գիւղերուն քով յարձկելով Գաղղիացւոց վրայ ձեռք բերին տասը թնդանօթք, եօթը միզրայքիօզք 4000 գերի, յորս երկու զօրավարք և 46 սպայք: Գերմանացիք հետեւեալ օրերն շարունակեցին իրենց յարձակումները և գերելոց թիւը հասուցին 15,000ի: Գաղղիացի բանակին անցած տեղերը ձիւներուն վրայ կը տեսնուէին անօթութենէն և ցրտէն մեռած զինուորաց և ձիերու դիակներ, ասդիս անդին ձգուած կառքեր և սայլեր, նահանջ մը որ չուէր բնաւ օրինաւոր կազմակերպութիւն և ընթացք մը և որ մեծ նախատինք բերած է գաղղիական բանակին: Զօրավարն Կլէնշան ունենալով իր ձեռաց ներքեւ 80,000էն աւելի զինուոր, բա-

նակցութեան մտեր էր զուիցցերացի Հերձոկ զօրավարին հետ և դաշնադրեր էր որ գաղղիացի գունդերը յանձնեն իրենց զէնքերը և մթերքը և այնպէս անցնին սահմանազուլուր: Զուիցցերացիք մեծ սիրով հիւրընկալեցին դժբաղդ և յոգնած զինուորները: Միայն զօրավարն կրքմէ որուն յանձնուած էր յառաջապահը, կրցաւ հեծելոց գունդերուն հետ ամենայն բարեկարգութեամբ ազատել իր գունդերը առանց Զուիցցերի մտնելու:

Այս միջոցիս Գաղղիոյ պատերազմի պաշտօնեայն հրամայած էր Գարիբալդիի, գերմանացի բանակը նեղել, և ստիպել որ ճակատնին յիոխեն. միանգամայն կլէնշանի օգնելու: Գարիբալդի ունէր 50,000 զինուոր և 90 հրանօթք, իւր սովորական երազութեամբ Յունուար 29ի երեկոյ բռնեց զՄոն Ռոլլան՝ Գօլի մօտ: Պրուսիացիք անմիջապէս պարպեցին զԳօլ: Գարիբալդի երբ կը պատրաստուէր հալածելու պրուսիացի գունդերը, Բորդոյէն լուր առաւ զինդադարման, որով և իրեն կը պատուիրուէր անմիջապէս թշնամութիւններէ դադրելու:

Սակայն Գարիբալդիի պէս չվարուեցաւ պրուսիացի զօրավարը որ կը համարէր իրաւունք ունենալու դեռ պատերազմը շարունակելու. և ասոր պատճառը՝ դաշանց մէջ յօդուածի մը թիւրիմացութեան պատճառաւ, որ ապա շատ վէճերու նիւթ եղած է երկու ազգաց մէջ իբրեւ պատուոյ խնդիր մը¹:

Գարիբալդի թշնամութիւնքը դադրեցուցած ժամանակ, պրուսիացի զօրավարը իր գունդերը յառաջ կը

1. Զինադադարումը ստորագրուեցաւ Փիւլ Ֆալի և Բիսմարքի մէջ: Փիւլ Ֆալը անկարող էր զիտնալու գաղղիական բանակներուն կացութիւնը, կը համարէր որ Բուրբաքի և Գարիբալդի միացած ըլլան: Արդ բոս դաշանց Զինադադարման Բուրբաքիի բանակը ազատ էր կոուելու որով և Գարիբալդի եւս Գերմանացի զրիչք յանցանքը գաղղիացի քաղաքագիտաց և մանաւանդ Գամբէտտայի կու տան որ հրահանգները որոշ կերպով չհաղորդեց զօրավարաց. և պրուսիացի զօրավարաց Զինադադարման զձէն դուրս պատերազմը շարունակելը, կ'ըսեն, դժուրն չէր գաշանց, ինչպէս հրատարակեցին Գաղղիացիք:

մղէր խափանելու կլէնշանի անցքը ի Զուիցցերի և պաշարելու զԳարիբալդի: Այն ատեն Գարիբալդի ալ փետրուար 1ին թողուց զԴիժոն և դիմեց դէպ ի Լոն Լը Սոլնիէ, օգնելու կլէնշանի. և երբ հասաւ Բուրկ՝ իմացաւ անոր Զուիցցերի մտնելը:

8. — Բայտ երկրորդ Յօդուածի Զինադադարման Ազգային պաշտպանութեան վարչութիւնը Յունուար 29ին քուէարկութեան կոչեց ընտրութեան իրաւունք ունեցողները, որոնք պիտի ընտրէին 750 նուիրակը և ատոնք պիտի սահմանէին պատերազմի շարունակութիւնը և կամ հաշտութեան մը դաշինքները: Գամբէտտա ընտրելեաց թիւէն կուզէր հանել կայսրութեան ժամանակի բարձր պաշտօն վարող անձինք: Բիսմարքը կոմսն բողոքեց որ այդ բանութիւն մ'էր հասարակաց կարծեաց և այդ օրինակ ընտրուած Ազգային ժողովք մը, չէր կրնար ազգային երեսփոխանութիւն մը համարուիլ և ազգային կենսական խնդրոց վրայ սահմանել: Պարիսէն Բորդօ մեկնեցան ժիւլ Ֆլավրը և Լտիէն Արագօ, որպէս զի համոզեն Բորդոյի Նուիրակութիւնը և ամենայն ինչ ըստ դաշանց գործելու: Գամբէտտա չուզեց տեղիք տալ և երբ տեսաւ որ Ազգային Պաշտպանութեան վարչութիւնը չէր ուզեր իր կամաց հետեիլ, նեղացած քաշուեցաւ իշխանութենէ և Լտիէն Արագօ եղաւ պաշտօնեայ Ներքին գործոց: Բնտրութիւնք սկսան կատարուիլ փութով ամեն կողմ: Թիէր ընտրուեցաւ 27 զաւառաց մէջ, Գամբէտտա ինը տեղ, ժիւլ Ֆլավրը ութ՝ Գարիբալդի չորս տեղ. Ժոէնվիլի իշխանը երկու տեղ և դ'Օմալ դուքսը մէկ տեղ:

Բնտրութիւնք.
- Տարածայնութիւնք Պարիսու և Բորդոյի մէջ. Գամբէտտա կը բաշտի: - Ազգային ժողովք:

Փետրուար 12ին Ազգային ժողովքին բացուեցաւ եղաւ Բորդոյի մեծ թատրոնին սրահին մէջ, ձերագոյն երես-

1. Գարիբալդի ժողովոյն բացման երկրորդ օրը, ուզելով խօսիլ, նա խազար նիստը վերցուց: Արդէն դիտեր էր նա, յետ այնքան վատակոց, Գաղղիացուց մեծամասնութեան առ ինքն ցրտութիւնը և ոմանց մանաւանդ կղերականաց արհամարհանքը: Անմիջապէս թողուց ժողովքը, հրաժարեցաւ երեսփոխանութենէ և քաշուեցաւ իր կարբէրա կղզին:

փոխանին նախագահութեան ներքեւ: Փետրուար 16ին ժիւլ կրէվի 536 քուէարկուաց մէջ, 519 քուէիւք ժողովքին նախագահ ընտրուեցաւ: Եւ երկրորդ օրը գրեթէ միաձայնութեամբ երեսփոխանաց՝ Թիէր անուանուեցաւ Գլուխ գործադիր իշխանութեան: Ազգային ժողովքին մէջ երկու մեծ կուսակցութիւնք՝ Միապետականք և Հասարակապետականք, մրցելով իսկ իրենց կուսակցութեան յաղթանակը, և չունենալով իսկ վստահութիւն Թիէրի անկեղծութեան վրայ, որ թէ միապետական երեւցեր էր և թէ հասարակապետական¹, ապագայի յաղթանակի յուսով, երկաքանչիւր կուսակցութիւնն ալ իր քուէն տուեր էր Թիէրի:

Թիէր անմիջապէս ձեւացուց իր պաշտօնարանը և Փետրուար 19ին զայն իմացուց ժողովքին. Գիւֆոր՝ Արդարութեան, ժիւլ Ֆավրը՝ Արտաքին Գործոց, Լոնէ Պիկար՝ Երեքին Գործոց, ժիւլ Սիմոն՝ Հանրային կրթութեան, դը Լարսի՝ Հասարակաց Աշխատութեանց, Լամբրէքը՝ Երկրագործութեան և Վաճառականութեան, զօրավարն Լրֆլօ՝ Պատերազմի, Իճովակալն Պօտիւօ Ծովային Զօրութեան: Ապա Թիէր կարդաց իր վարչութեան ծրագիրը, որ կը կայանար «Որչափ կարելի էր փութով օտարին գրամանը վերջ մը տալ պատուաւոր հաշտութեամբ: Վերջը խաղաղել, կազմաւորել, բարձրացնել ազգային վարկը և ոգեւորել աշխատութիւնքը»: Իւր խօսքը մեծ ծափահարութեամբք ընդունուեցաւ: Կայսրութեան ժամանակ իր հռետորական և հաշուած խօսքերը եղած սխալմունքներուն դէմ, իր գուշակութեանց կատարումը, հիմայ բնականապէս արտասովոր հեղինակութիւն մը կու տային իրեն. որով սակայն չգեղծաւ ինչպէս կը պատահի այսօրինակ պարագայից մէջ: Թիէր վարչութեան գլուխ ընտրուած օրը Անգղիոյ,

1. «Երանօք են Թիէրի առ Գամբէտտա և սորա առ Թիէր տուած յորջորջմունք: Թիէր գԳամբէտտա «Կատաղի Խննթ» կը կոչէր և Գամբէտտա գԹիէր «Աղիտարբեր ծեր»: Հանրոյ Թիէր. Գլ. Ա:

Աւստրիոյ և Իտալիոյ դեսպանք այցելեցին իրեն, ծանուցանելով իրենց Պետութեանց ճանաչումը: Կոյնը ըրաւ քիչ օր վերջը Ռուսիա, իսկ Գերմանիա պիտի ընդունէր խաղաղութեան ստորագրութիւն վերջը: Թիէր անմիջապէս մեծ Պետութեանց քով դեսպանները անուանեց, յորս և մարքիզն Վոկիւէ, որ կ'. Պօլիս ղրկուեցաւ:

Փետրուարի 17ի Ազգային ժողովքի նստին, Ազգասի երեսփոխանն Քէլլէր, յանուն Ազգասի և Լորէնի ամեն երեսփոխանաց ծանոյց՝ որ այդ երկու գաւառները, որք երկու դարերէ ի վեր միացած են Գաղղիոյ և մասնակից եղած են անոր ուրախ և տխուր օրերուն, կը յայտարարեն Գերմանիոյ և բոլոր Եւրոպիոյ որ բնաւ չեն կրնար Գաղղիայէն բաժնուիլ, և ո՛ր և է միջոցով պատրաստ են ամեն ժամ սկսելու պատերազմը, այսօր, վաղը, ե՛րբ ըլլայ: Կը խնդրէր թախանձագին, որ ոչինչ համարուի ամեն դաշինք որ իւր հայրենիքէ մաս մը կը կտրէ ի նպաստ օտարին. «Կ'երզնունք յանուն զմեզ ղրկողաց, յանուն մեր որդւոց և անոնց սերնդոց, որ յաւիտեանս պիտի ջանանք ձեռք բերելու ո՛ր և է միջոցներով յափշտակողներուն դէմ»: Այս բողոքոյն ընթերցումը մեծապէս յուզեց բովանդակ ժողովքը: Քէլլէր անմիջական որոշողութիւն մը խնդրեց: Ազգային ժողովքը յետ չորս ժամ խորհրդակցութեան, քուէարկեց հետեւեալ բանաձեւը «Լսելով համակրանօք Քէլլէրի և իր ընկերաց յայտարարութիւնը, Ազգային ժողովքը բանակցելու համար նուիրակաց իմաստութեան և հայրենասիրութեան կը յանձնէ զայն»: Այս բանաձեւը մեծամասնութեան կողմանէ ընդունելի եղաւ, որով պաշտօնական Գաղղիա սկսեւ էր ըմբռնել ընելիք զոհողութիւնը:

9. — Զինադադարման պայմանաժամը լինելու մօտ էր և գաղղիացի իշխանութիւնք բռնադատուած էին երկարաձգումն խնդրելու: Գերմանացիք չէին ուզեր շնորհել զայդ մինչեւ որ իրենց չյանձնուի Բէլֆորը, զոր չորս ամսէ ի վեր պաշարած էին: Ռուսուար 26ի գիշերը Գերմանացիք բուռն յարձակում մը ըրած էին քաղքին

Բէլֆոր:

վրայ, զոր արութեամբ կրցեր էր վանել հրամանատարն Դանֆէր: Անկէ վերջը Գերմանացիք կանոնաւոր խիստ պաշարուած սկսան. որով այն ցուրտ եղանակին խեղճութիւնը հիւանդութիւնը և անօթութիւնը տիրեց քաղաքին վրայ: Ռմբակոծմամբ ժայռերուն վրայ շինուած երկու բերդերը կործանուեցան. Գերմանացիք օրէ օր անձնատուութեան կը սպասէին. սակայն Բէլֆոր այն ահաւոր զոհողութեանց մէջ երդուընցեր էր դիմանալու մինչեւ վերջին կէտը: Զուլիցցերացի նուիրակութիւն մը, մարդասիրական զգացման համար միայն, խնդրեր էր գերմանացի Տրէսքով զօրավարէն հրաման տալ, որ զոհեայ տղաքները և կնիկները Զուլիցցերի տարուին: Գերմանացի զօրավարը մերժեց և կրկնեց անձնատուր ըլլալու պահանջը: Դանֆէր հրամանատարը պատասխան տուաւ որ Բէլֆոր մահուրնէս վերջը կրնայ անձնատուր ըլլալ: Լսւաւ սակայն երբ եկաւ ժամանակը որ հարկ էր երկարել Զինադադարման միջոցը. այն ատեն կոման Ռիամարք պահանջեց Բէլֆորի անձնատուր ըլլալը, ապա թէ ոչ՝ պատերազմը պիտի սկսէր: Այն ատեն ժիւլ Ֆավրը հրաման ղրկեց Դանֆէրի որ քաղաքը յանձնէ Գերմանացուց:

Գերմանացիք մտան Բէլֆոր, բայց նկատողութեան առնելով պահանորդ զօրքին արի պաշտպանութիւնը, հրաման տրուեցաւ որ պահանորդը մեկնի զինուորական պատուով. և 12,000 զինուորք Փետրուար 16ին թողուցին քաղաքը մինչ կը մտնէին գերմանացի գունդերը: Այսպէս Զինադադարումը երկարաձգեցաւ քիչ օր եւս և պատերազմ սկսուելու տագնապը գրեթէ բոլորովին անհետացաւ: Թէպէտ կար Գաղղիոյ մէջ մաս մը որ պատերազմի շարունակութիւնը կը պահանջէր, որոց զուխ էր Գամբէտտա և որուն կը միանային Պարիսու երեսփոխանք և կարմիր կոչուած կուսակցութիւնը: Նոյն իսկ զօրավարն Շանզի կը համարէր որ Գաղղիա դեռ ունի այնքան բանակք, որոնցմով կարող էր պատերազմը շարունակել: Սակայն Ազգային ժողովքը և Թիէրի վարչութիւնը բոլորովին տարբեր կը մտածէին. ըմբռնած էին

երկրին և բանակին կացութիւնը և հետամուտ էին պատուաւոր խաղաղութեան մը:

10. — Այդ դաշինքը կնքելու համար ի վէրսայլ զրկուեցաւ թիէր իբրեւ զուէս գործադիր իշխանութեան, յետոյ միացաւ իրեն նաեւ ժիւլ ֆաւր՝ իբրեւ Պաշտօնեայ Արտաքին Գործոց, որ արդէն կանխապէս բանակցած էր Բիսմարք կոմսին հետ: Բայց հաշտութեան մը պարագայը նոյն չէին ինչպէս քանի մը ամիս առաջ, յորում Բիսմարք ետեւէ էր խաղաղութիւնը կնքելու¹: Կոմսն Բիսմարք վճռաբար ծանոյց որ ամբողջ Ալզաս և Լորէնի մաս մը որուն մէջ էին Մէց և Իլիէղէն Հոֆէն պէտք էին Գերմանիոյ մնալ²: Ի զուր թիէր, ամեն ջանք ըրաւ ազատելու զՄէց, առաջարկեց բերդերը հողոյ հաւասար հիմնայատակ ընել. ի զուր ջանաց այս խնդիրը եւրոպական իրաւարարութեան մը թողուլ, կոմսն Բիսմարք հաստատուն կեցաւ իր պահանջներուն վրայ իբրեւ ապահովութիւն մը, կ'ըսէր, Գաղղիոյ ապագայ սպառնալեաց և իբր վճարք մը ամենածանր պատերազմին: Անգղիա, քանի մը չէզոք պետութիւնք և նոյն իսկ Գերմանիոյ իշխանութիւններէն ոմանք, ձայն հանեցին այս աշխարհակալութեան դէմ: Սակայն Բիսմարք տե-

Խաղաղու-
թեան դաշնա-
դրութեան ստու-
րագրուելը:

1. Հոկտեմբեր ամսէն Բիսմարք կերպով մը իմացուցեր էր Օուլէանու Եպիսկոպոսին որ արդեօք յանձն կ'անձուր միջնորդ բլլալ Պրուսիոյ Թագաւորին և Ազգային Պաշտպանութեան վարչութեան մէջ: Քահանայն Լաւրանք կենսագրութիւն Գերապայծառ Գիւպանլուի (Հտ. Գ. էջ 205):

2. Բիսմարք ըսած է որ ինքը բնաւ Լորէնը չէր ուզեր և տեղիք տուեր իր սպայակոյտին պնդելուն: Պատմագիրն Օտտոքար Լորէնց կը պատմէ երկարօրէն Մուլտեի և Բիսմարքի ստուութեանց անհամաձայնութիւնքը: Բիսմարք կը փոփոգէր կանխապէս գաշնադրել հաշտութիւնը կայսրուէոյն հետ և ոչ չուէլ Պարիսի վրայ, մինչ հակառակը կը պնդէր Մուլտե և յետինս յաղթանակեց: Կայսրն Գուլիէլմոս եւ ճատատուրքեւ կայսրաօթեան. Իշեւա 1902:

Վերջին ժամանակներս (1906) գաղղիական Temps լրագիրը հրատարակեց նամակներ զորս Նապոլէոն Գ վագա կը գրէր իր գերութեան զգեկէն աւ կոմսուհին Մէրսի. զոր զրկեց մինչեւ ի վէրսայլ համոզելու զկոմսն Բիսմարք հաշտութիւնը կնքելու Նապոլէոն Գի հետ. որ այս էր «պատուաւորը և մարդասիրականը»: Բիսմարք որ զիտէր գաղղիական ազգին զզացումը և մեծամասնութեան բնոյդիմութիւնը կայսրութեան, միանգամայն Նապոլէոն Գ գերի բլլալով Գերմանիոյ, չուզեց ընդունել զկոմսուհին:

դիր չտուաւ¹։ Կը պահանջէր զՄէց, Բէլֆոր և վեց միլիար։ Այն ատեն թիէր յաւգեալ գոչեց որ «երբէք չենք կրնար տալ զՄէց և զԲէլֆոր միանգամայն. դուք կուզէք կործանել զԳաղղիա դրամական տեսակէտով, կուզէք կործանել իր սահմանազխով։ Այն ատեն առէք, մատակարարեցէք և տուրքերը ժողուեցէք, և կառավարեցէք Եւրոպիոյ առջեւ, թէ որ ձեզ թողու»։ Բիսմարք իւրնորեց որ երթայ տեսնելու զկայսրը յետոյ նաեւ զՄոլտրէ։ և յետ երկար ժամանակի դարձաւ իմացուց որ կը շնորհէր զԲէլֆոր և պատերազմի տուգանքէն կ'իջնար մէկ միլիար. տուգանքին մէկ կէսը պիտի վճարուէր 1871 տարւոյն մէջ և միւս կէսը երեք տարուան միջոցի մէջ 5 առ հարիւր շահով։ Բնաւ եւս որ ամէն մէկ վճարքի որ գիծերու մէջ պիտի քաշուէին Գերմանացիք։ Գարձեալ կոմսն Բիսմարք պահանջեց որ Մարտ 1ին գերմանացի բանակը մտնէ ի Պարիս արեւմտեան կողմէն մինչեւ դը Լա կոնկորտ հրապարակը և մնայ մինչեւ դաշանց վերջնական ստորագրութիւնը։ կոմսն Բիսմարք այս ալ ծանոյց որ կրնար հրաժարիլ Պարիս մտնելէն, միայն թէ այն ատեն թողուի իրենց Բէլֆորը։ թիէր և ժիւլ Ֆաւրը աւելի յանձն առին անցաւոր մահացուցում մը, քան կորսնցնել հայրենի հողոյն ուրիշ մաս մ'ալ։

Ասոնք էին հաստատուն խաղաղութեան նախագծերը։ Զինադադարումը երկարաձգուեցաւ մինչեւ Մարտի 6ը։ թիէր և ժիւլ Ֆաւրը մեկնեցան երեկոյեան ի Պարիս։ «Վէրսայլէն մինչեւ Պարիս թիէր միակերպ լա-

1. Քսան և հինգ տարիներ անցնելէ վերջը զանազան տպուած Բիշուտակարանք կը յայտնեն մեզ որ Բիսմարք չէր ուզեր պահել զՄէց, ինչպէս կը պնդէր Մոլտրէ և սպայակոյտը։ Բիսմարքի և Մոլտրէի մէջ եղած կծու ընդդիմութիւնը դադրեցնելու համար հարկ եղաւ կայսեր միջնորդութիւնը։ Բիսմարք «Ինչ օգուտ ինձի տանս մէջ գաղղիացի ժողովուրդ ունենալ, կ'ըսէր»։ կ'ուզէր որ Գաղղիա մէկ միլիար աւելի տայ, որով Գերմանիա հարթայատակ ընելով զՄէց, ուրիշ բերդ մը չիսէ Ֆաւրէնէրկի և Սաարբրուքի կողմերը։ Բայց վերջապէս տեղիք տուաւ զօրավարարաց, Բիշուտակարանքի Բիսմարքի մասին (Հտ. Ա. էջ 322)։

ցաւ և կը սրբէր աչքերը առանց բառ մը արտասանելու՝: Գաշինքը ստորագրուեր էր փետրուար 26ին և 28ին թիէր հասաւ ի Բորդօ, Ազգային ժողովքին հաւանութեան ենթարկելու համար առաջարկները: Սակայն երբ հասաւ, սկսաւ յուզեալ ձայնով կարգաւ պայմանքը մեռելատիպ լռութեան մը մէջ, արցունքէն չկրցաւ առաջ տանիլ ընթերցումը, զոր շարունակեց Բարթէլըմի տը Սէնդ'իլէր: Ահաւոր օր մ'էր Գաղղիոյ համար: Նրայբայեղ մաս մը որոնց գլուխ էին Վիկտոր Հիգօ և Լիգար Քինէ. բողոքեցին Գաղղիոյ այսպէս «անդամահատուելուն» վրայ: Ստրագբուրկի Բամբէրկէր երեսփոխանը գոչեց որ «Այդպիսի դաշինք՝ միայն Նապոլէոն Գ. մը կրնայ ստորագրել» որուն պատասխանեց կալլոնի՝ Բոնապարդեան երեսփոխանը որ «Նապոլէոն Գ. երբէք չէր ստորագրեր այդպիսի ամօթալից դաշինք մը»: Այս խօսքին վրայ ահաւոր աղմուկ մը ելաւ: Թիէր բոնադատուեցաւ նիստը վերցնել. կրկին գումարուելուն, Տարժէ երեսփոխանը առաջարկեց քուէարկել Նապոլէոն Գ.ի ցեղին անկումը յիշխանութենէ և զայն պատասխանատու համարիլ Գաղղիոյ աւերին, արշաւանքին և երկրի կորստեան»: Թիէր կը յորդորէր առ ժամս թողուլ այդ օրինակ ներքին վէճեր, սակայն ժողովքին մեծամասնութիւնը պնդեց և առանց քուէի ընդունուեցաւ Տարժէի առաջարկը: Յետոյ վեց ժամէ աւելի վիճուեցաւ դաշանց պայմաններուն վրայ: Թիէր ամեն համոզողական լեզու թափեց հայրենիքը ցնորական ձեռնարկներու մէջ չնետելու, ցաւակցեցաւ սրտին խորէն Ազգաս, Լորէնի երեսփոխանաց, որոնցմէ կը բաժնուէր Գաղղիա և յանձնարարեց ընդհանուր հայրենեաց փրկութիւնը: Ազգային ժողովքը 546 քուէով ընդդէմ 107 քուէներու ընդունեցաւ Վէրսայլի դաշինքը: Այն ատեն երեսփոխանն Գրօթան՝ յանուն Ազգաս Լորէնի երեսփոխանաց տուաւ ամենուն հրաժարականը ըսելով որ «Ալ-

զաս Լորէնի ձեր եղբարըը այս վարկենիս ա՛լ բաժնուած ձեզմէ և համօրէն գերդաստանէն, իրենց հեռու տներուն մէջ, պիտի պահեն առ Գաղղիա որդիական սէր մը, մինչեւ այն օրը, յորում նորէն դառնայ գրաւելու նա իւր տեղին»։ Ժողովըը չ'ընդունեցաւ հրաժարականնե-րը։ Հրաժարականնին տուին նաեւ Ռոշֆոր, Ռան, Մալոն, Ֆէլիքս Պիա և ուրիշներ, որոնք կուզէին պատե-րազմին շարունակութիւնը ինչ ալ ըլլայ, և կամ մինչեւ որ լաւագոյն պայմաններ ստացուին։ Վերջիններուս մէջ էր նաեւ զօրավարն Շանզի։ Նոյն երեկոյ սրտին ցաւէն մեռաւ ի Բորդօ, Ստրագբուրկի հռչականուն քաղաքագլուխը՝ Ուսուցչապետն Ֆիւս։ Ազգային ժողովըը ցրուելէն առաջ քուէարկեց 427 քուէիւք ընդդէմ 154 քուէից հաւաքուելու ոչ ի Պարիս այլ Վէրսայլ։ Այսպէս աւելի գրգռելով Պարիսու երեսփոխանաց և ժողովըըդեան զգացումը։

Խաղաղութեան դաշանց՝ Բորդոյի Ազգային ժողովըն ընդունուիլը Մարտ 1ին Պարիս հեռագրուեցաւ առ ժիւլ ֆավրը, որ անմիջապէս տարաւ լուրը ի Վէրսայլ պահանջելով որ Պարիս մտնող գերմանացի զունդերը թողուն մայրաքաղաքը։

Գերմանացոց
մտաբը ի Պարիս։

11. — Մարտ 1ին պրուսիացի և բավիէրացի զունդերը մտէր էին ի Պարիս Արք դը Տրիոնֆի և Շանզ'Լիզէի կողմէն։ Մտնող զունդերը շարուեցան Լոնշանի մօտ ի Բուա դը Բուլոններ, քաղքին դռներուն առջեւ, ուր Գերմանիոյ նոր կայսրը շքեղ զօրահանդէս մը կատարեց. ապա զունդերը հանդարտաքայլ մտան ի Պարիս և գնացին բռնելու իրենց նշանակեալ կէտերը։ Գաղղիական խրոխտ ինքնապարծութեան ասկէ աւելի ահաւոր հարուած մը չէր կրնար ըլլալ. և սակայն պարիսցին շատ արժանավայել հանդարտութիւն մը ցուց. տարաւ սիրով այդ անգուշակելի խոնարհութեան՝ միայն անոր համար, որովհետեւ այդ զոհողութեանը վճարը մ'էր թէլֆորի։ Բացի ուտելեաց կրպակներէ, ուրիշ ամեն կրպակը, զործատունք, դրամատունք զոցուած էին. ոչ մի լրագիր տպուեցաւ. պատուհան-

ներէն սեւ զրօշներ կախուած էին, կարծես Պարիս ծանր հիւանդ էր և պաշարման օրերէն շատ աւելի տխուր կերպարանք մ'ունէր: Հետաքրքիրներու խումբ մը կուզէր մօտենալ գերմանացի զօրաց, սակայն գաղղիացի պահանտրդաց գիծ մը կ'արգելուր: Երկրորդ օրը խոնարհեցուցիչ դաշանց ստորագրութեան լուրը, շատերուն ուրախութեան առիթ էր, որովհետեւ պրուսիացիք պիտի թողուին զՊարիս¹:

Մարտ 3ին առաւօտը պրուսիացի և բավիէրացի գունդերը նոյն հանդիսական հանդարտութեամբ, առանց ուշ դնելու գաղղիացի ամբոխէն ոմանց սուլելուն իրրեւ վրէժխնդրութիւն մը, թողուցին Գաղղիացւոց մայրաքաղաքը և սկսան քաշուիլ Սէնի արեւմտեան և հարաւային կողմերը: Մարտ 7ին գերմանական ընդհանուր հրամանատարութիւնը թողուց նաեւ Վէրսայլի ղղեակը ուր հինգ ամիս մնացեր էր:

Այն օրը կը վերջանար գաղղիա-գերման պատերազմը որ բարոյապէս ջախջախեր էր զԳաղղիա և նիւթականապէս ահաւոր փնամներ տուեր էր Գերմանիոյ, բաց ի 118,000 անձանց մահէն յորս շատ մը գիտնական անձինք: Գաղղիա եւս կորուսեր էր 250,000էն աւելի անձինք: Սակայն Գերմանիա իր փնասուց փոխարէն յափշտակեր էր Գաղղիոյ ձեռքէն եւրոպական գերիշխանութիւնը. և քաղաքագիտական պատգամները անկէ վերջը փոխան Պարիսէ պիտի մեկնէին Բէռլինէ:

12. — Գաղղիա արտաքին սպառիչ պատերազմէ հազիւ ազատեր էր, և ահա ինկաւ ներքին քաղաքական վայրենի պատերազմի մը մէջ, որ յայտնի ցրցուց ռամկին բարոյական և հայրենասիրական զգացմանց անկումը. և մայրաքաղաքին ընդհանուր հոգեբանական վիճակը և հակակրութիւնը վարչութեանը դէմ: Ար-

Հասարակութիւն²:

1. Բիւմարք կարծով եկած էր մինչեւ զը 1ա կոնկորդ հրապարակը:

2. Commune. Հասարակութեան պատմութեան նկատմամբ աչք անցուցիչ հակառակընդէմ բազմաթիւ գրութիւնք. յորս նաև Լիսսակարի ջատագով և պաշտօնական պատմիչ Հասարակութեան:

դէն եօթը ամսուան պաշարում մը անգործ թողուցեր էր բիւրուաւոր անձինք, որոնք կ'ապրէին քաղաքապահութեանէ ոռնհիկով մը. ադոր դադրիլը բնական է պիտի ունենար տօգոհութեան ցոյց մը: Ըսած է Տրօշիւ զօրավարը որ Պրուսիացուց մուտքը ի Պարիս, մղեց զժողովուրդը ապրատամութեան. և մանաւանդ այն ժողովուրդը որ արդէն գրուած էր Հանրագգային ընկերութեան որ Պարիսու մէջ մօտ 80,000 անդամ ունէր: Աւելցնենք ասոր վրայ որ արդէն ժողովուրդը ունէր զէնքեր կոռելու համար:

Գաղղիա—պրուսիական պատերազմին ժամանակ յայտնի տեսնուած էին խումբ մը անձանց ջանքերը սոսուրակութիւն մը հաստատելու, բայց ձեռքերնին զէնք չունէին. կը պակսէր այդ պարագայն, զոր կըցան ստանալ պատերազմէն վերջը:

Գերմանիոյ հետ դաշնադրուած Չինադադարման համեմատ, դեռ Պրուսիացիք Պարիս չմտած, բոլոր զինուորք զինաթափ պիտի ըլլային և զէնքերը պիտի յանձնուէին Գերմանացուց: Այս պայմանէն ազատ էին միայն 10,000 զինուորք որոնք կարեւոր էին ներքին հսկողութեան համար և ազգային պահապանք՝ որոնց չդպչիլը խոհեմութիւն համարուեցաւ: Ըստ այս դաշնաց քաղքէն դուրս բերդերուն թնդանօթները յանձնուեցան Գերմանացուց և կարգաւ պիտի յանձնուէին նաեւ քաղքին պարսպաց վրայ եղած հրանօթները: Բայց ադոնց մէջ կային թնդանօթներ, որոնց ազգային պահապանք իրենք զիրենք տէր կը համարէին, որովհետեւ շինել տուեր էին մէջերնին կամ ժողովրդեան ստորագրութեամբ: Ազգային պահապանք վախցան որ սնոնք ալ յանձնուին թշնամուոյն և զանոնք քաշեցին տարին 13դ շրջանակին մէջ տ'իտալի և Վոթի հրապարակները, Մարէ, Բէլվիլ, Սէն Դընիի հրապարակը և Մոնմարտրի կողերը: Այդ թնդանօթներուն պահպանութեան համար կամաւոր պահապաններ հաստատեցին: Արդէն ազգային պահապանք Փետրուարի մէջ կեդրոնական Յանձնաժողով մը կազմեր էին կանոններով հանդերձ և սկսեր էին

ինքնագլուխ գործել չհնազանդելով իրենց հրամանատարին՝ զօրավար Կլէման Թոմայի:

Վաղաքացւոց լրջախոհ մաս մը վարչութեան հասկըցոց որ վտանգաւոր էր այդ թնդանօթները այսպիսի անձանց ձեռքը ձգել: Թիէր որ զլուխ էր գործադիր իշխանութեան, հրաման տուաւ Մարտ 17ին զիշերը զանոնք վերցնել: Նախորդ առաւօտուրն է մայրաքաղաքին պատերուն վրայ հրաման մը կպցնել տուաւ, որուն ներքեւ ստորագրած էին նաեւ բոլոր պաշտօնեայք, որուն մէջ կը ծանուցանէր թէ թնդանօթք պիտի գրաւուէին, և դատաստանի պիտի կանչուէին այն անձինք, որոնք իրենք իրենց զլխուն կը համարէին վարչութիւն մը հաստատել: Առաւօտեան ժամը Չին վարչութիւնը Լըկոնդ և Կլէման Թոմա զօրավարաց հրամանատարութեան ներքեւ՝ գունդեր և զինուորական սայլեր զրկեց Մոմարտի թնդանօթները վերցնելու համար: Սակայն կազմածոց նուագութեան պատճառաւ, ուշացաւ գործադրութիւնը, մինչև լուրը տարածուեցաւ թաղական շըրջանակին ամեն կողմ. և ազգային պահապանք զինուած տններնէն դուրս ելան և փութով սկսան փողոցներուն մէջ պատնէշներ բարձրացնել: Երբ կանոնաւոր զինուորք յարձկեցան քակելու Լըպիկ փողոցին պատնէշը, արին նահեղ կռիւ մը ծագեցաւ, ուր մեռան ձիաւորաց գնդապետ մը և զինակիրներու սպայ մը: Ազգային պահապանաց և ամբոխին մէջ խառնուեցան շատ մը կանայք և տղայք, որով կանոնաւոր գունդերը չկրցան կրակ թափել և կամ սուփնով կռուիլ: Բռնուեցան նաեւ Լըկոնտ և Կլէման Թոմա զօրավարները, զորս ամբոխը տարաւ մինչև Ռոզիէ փողոցը և հոն հրացանի բռնեց:

Յայտնի էր յեղափոխութիւնը և թնդանօթներով կազմուած յեղափոխութիւն մը. անոր համար վարչութիւնը որ դեռ պաշտպանութեան վիճակի մէջ չ'էր, որոշեց թողուլ զՊարիս բոլոր պաշտօնարաններով. և Թիէր կէսօրուան ժամը երեքին մեկնեցաւ Վէրսայլ շըրջապատուած ընդհանուր հրամանատարի մը պէս: Իրեն հետ մեկնեցան նոյն իսկ Ոստիկանութեան զլուխը՝ զօրավարն

Վալանդէն և ժիււ Ֆէրրի քաղաքագլուխ Սէնի, որով Մարտ 18էն 19ին գիշերը կեղերոնական Բանձնատողովը բռնեց Օթէլ դը Վիլ և անմիջապէս սկսաւ իր կտաւ-վարութիւնը: Ամենէն առաջ սահմանեց հասարակաց քուէարկութեամբ ընտրել Պարիսու քաղաքային վարչութիւն մը և այդ ընտրութիւնը սահմանուեցան և կատարուեցան Մարտ 26ի: Մարտ 27ին Օթէլ դը Վիլէն հռչակուեցան ընտրելոց անունները, որոնց մէջ կային Ֆէլիքս Պիա, Դըլէկլիւզ, Ասսի, Վէրմորէլ, Կուրպէ և Հասարակութեան երկու ահաւոր արինարբունները՝ Թ. Ֆէրրէ և Ռաուլ Ռիգօ: Վերջինս յետոյ եղաւ նաեւ ընդհանուր դատախազ Հասարակութեան և այդ պաշտօնով ստորագրեց հարիւրաւոր սպանութիւնները: Գտնուեցան հասարակավարիչներուն մէջ քանի մը միամիտ բարեւէր փառասէրներ ալ, ինչպէս ծերունին Շարլ Բէլէ, որ միշտ ջանաց ազատել մահուան դատապարտեալները, դը Վիլ, ժուրդ և այլք, զորս յետոյ չնեղեց Վէրսայլի վարչութիւնը երբ տիրեց Պարիսու:

Հասարակութիւնը անմիջապէս կազմակերպեց նաեւ բանակ մը, որուն առաջին հրամանատարը եղաւ Շարլ Լիւլիէ, ապա անոր յաջորդեցին Դիւվալ, Բէրթըրէ, Էօդ, որոնք իրենք զիրենք զօրավար անուանեցին և որոնց պաշտամունքը շուտ շուտ լմնցան զործոց յաջող չ'երթալուն համար: Բանակին զօրավարն էր Գոմպրովսքի լեհ զօրավարը. արդէն բանակը լի էր լեհ, անգղիացի, գերմանացի, իտալացի և սպանիացի փախըստականներով: Հասարակութիւնը իրրիւ հաւասարութիւն, կը բռնադատէր որ ամենն ալ զինուոր ըլլան, սկսաւ կոուիլ կրօնքի և իշխանութեան զաղափարաց դէմ: Ինքնիրեն բարոյական մը ուզեց հնարել յափշտակելով ուրիշներուն սեպհականութիւնքը և սպաննելով տարրեր կարծիք ունեցողները: Վճռեց Վանդոմի հրապարակին Նյապոլէոնի սեան բարձումը որ էր իրեն համար «Յուշարձան մը բարբարոսութեան անբանական ուժոյ, սուտ փառաց և դրժումն համազգային իրաւանց և եղբայրսիրութեան»: Սակայն իր ամեն ջանքովն հան-

դերձ չկրցաւ Գաղղիոյ դրամատունը խանգարել, որովհետեւ դրամի պէտք ունէր և որուն զլուխ դրած էր Շարլ Բէլէ ծերունին որ միացաւ օրինաւոր պաշտօնէից և Իրամատունը փրկեց: Հասարակութիւնը կրթական վճիռներ ալ տուաւ որոնք բանի չ'եկան. որովհետեւ ոչ մէկ պաշտօնեայ կը հնազանդէր բարձրագունին. շատերը կը ջանային յափշտակել և ապրիլ զեղիսութեամբ ու անառակութեամբ: Շարունակ նոր հրովարտակներ կը ստորագրէր: Եւ եթէ եղեւ ամբողջ Հասարակութեան միջոց նշանաւոր հրաման մը այն եղաւ որ՝ առաջին անգամ հրամայեց Արհեստից վարժարան մը ուսուցիչ տըլայոց համար:

Բայց Հասարակութեան ամենէն մեծ կոիւր կրօնքի դէմ եղաւ: Յրուեցան միարանութիւնները, փակուեցան կրօնաւորաց և կուսանաց վարժարանները. բանտերուն մէջէն պատարագ և խոստովանանք արգիլուեցան, վերցուեցան խաչք և կրօնական աղօթք դպրոցներէն. և հաստատուեցան Առաջին Յեղափոխութեան Սարսափի օրէնքները: Եւ որպէս զի վախցընէ Վէրսայլի վարչութիւնը, իրբեւ պատանդ կալանաւորեց Պարիսու դ'Արբուա արքեպիսկոպոսը, Բոնժան նշանաւոր դատաւորը, ուրիշ քահանայք, կրօնաւորներ և անուն ունեցող քաղաքացիք և մինչեւ զինակիրներ, և ամեն մէկ ձախող լուրի վրայ կը սպառնար պատանդները սպաննելու:

13. — Հասարակութեան փութկոտ մոլեգնութեան համեմատելով, Վէրսայլի վարչութիւնը, ընդերկար անգործ մնաց: Պատրաստ բանակ մը չ'ըլլալով, վերջապէս յանձնուեցաւ Մակ Մահոն մարաջախտին, որ Սէզան առած վէրքերէն բժշկուեր էր, մնացեալ զինուորներէ և Գերմանիայէ դարձող զերիններէ բանակ մը կազմէ Պարիսու տիրելու համար: Մակ Մահոն ձեւացուց բանակ մը և զինուորական գործողութիւնք սկսան Ապրիլ 2ին. և Ապրիլ 3ին առաջին քաղաքական պատերազմը եղաւ ի կուրբըրվուա: Վէրսայլի զօրաց կը հրամայէր զօրավարն Վինուա և Հասարակութեան զունդերուն կը հրամայէին Բէրթըրէ և Ֆլուրէնս: Նոյն օրը Շաղիյոնի

Վէրսայլի
վարչութիւնը.
— Հասարակու-
թեան հետ պա-
տերագմեներ:

1871

տափարակի կուռյն մէջ գերի ինկաւ Հասարակութեան զօրաց ընդհանուր հրամանատարը Գիւվալ՝ և անմիջապէս հրացանի բռնուեցաւ: Քիչ օր վերջը Նէւլիի մօտ յարձակման մը ժամանակ Ֆլուրէնս՝ տան մը մէջ սրով խողխողուեցաւ զինակրէ մը: Հասարակութիւնը Ապրիլ 3ին իր զօրաց ընդհանուր սպարապետ, կամ ինչպէս կըսուէր այն ժամանակ, Նուիրակ Պատերազմական Պաշտօնարանին անուանեց զզօրավարն Գլիւզըրէ, երբեմն հրամանատար որսորդ գնդի, որ և զօրավարութիւն վարած էր յԱմբերիկա, Միացեալ Նահանգաց ծառայութեան մէջ: Կլիւզըրէի սպայակուտի գլուխ տրուեցաւ Ռոսսէլ հազարապետը, որ գաղղիա—գերման պատերազմին մէջ Նըվէրի բանակին հրամանատար եղած էր: Կլիւզըրէ իր բանակը երկուքի բաժնեց, մին պիտի կենար ի Նէւլի և միւսը ժանտիլի. առաջնոյն պիտի հրամայէր զօրավարն Դոմբրովսքի, երկրորդին զօրավարն Վրոմբէւսքի, երկուքն ալ լեհացիք: Ապրիլ 30ին Հասարակութեան գունդերը ձգեցին Խասի բերդը, որուն անմիջապէս տիրեցին Վէրսայլի գունդերը: Կլիւզըրէ կրկին զայն ձեռք բերաւ, բայց ուրիշ անյաջողութիւնք պատճառ եղան, որով Հասարակութիւնը զինքը բանտել տուաւ և տեղը դրաւ զՌոսսէլ հազարապետը¹:

Մայիս 9ին յետ մոլեգլին կուռյ մը որ երկու օր տեւեց, Հասարակութիւնը վերջնականապէս թողուց Խասի բերդը: Ռոսսէլ նեղացաւ և երկրորդ օրը մայրաքաղաքին որմոց վրայ կայննել տուաւ որ «Եռագոյն դրօշը կը ծածանի Խասի վրայ, զոր լքեալ թողուց պահանորդը»: Հասարակութեան պետերը բարկացան այս հրատարակութեան վրայ և հրաման ելաւ կալանաւորելու զՌոսսէլ որ փախաւ. պահրտուեցաւ մինչեւ Հասարակութեան անկումը², իր տեղը Պատերազմի Նուիրակ

1. Գլիւզըրէ բանտը մնաց մինչեւ Մայիսի 21 և յետոյ ազատ արձկուեցաւ: Գլիւզըրէ գնաց օտար երկիրներ և շատ տարիներ վերջը հրեստիտան եղած է Փաղղիոյ խոսարանին:

2. Ճանչցուելով յետոյ Սասիկանութենէն, գտատատանի կանչուեցաւ և թ. Տերրէի հետ Սաղորթի տափարակին վրայ հրացանի բռնուեցաւ:

դրուեցաւ Գրէքլիւզ որ արտաքսապէս Հասարակութեան շահերը նայելու ատեն, միանգամայն գաղտ Վէրսայլի վարչութեան հետ կը բանակցէր բանալ մայրաքաղաքը եթէ միւլիոն մը տրուէր իրեն: Միջնորդ անձը բռնուեցաւ Հասարակութենէն և առանց դատաստանի հրացանով սպանուեցաւ: Քիչ վերջը մեռաւ նաեւ Գրէքլիւզ հարուածէ մը:

Մակ Մահոնի բանակը Մայիս 15էն սկսեալ գիշեր ցորեկ անդադար սկսաւ ուրակոծել ապստամբ թաղերը: Մայիս 21ին Հասարակութեան գունդերը թողուցեր էին Աէն Կլու և քաշուեր էին դէպ ի մայրաքաղաքին կեդրոնը: Վէրսայլի բանակը իմացաւ որ մայրաքաղաքին մէկ դուռը անպահասպան թողուեր էր և անմիջապէս հասաւ և մտաւ Պարիս, սակայն արիւնահեղ կռիւր սկսաւ փողոցներուն մէջ իւրաքանչիւր մէկ պատնէշի քով, որով շատ դժուար եղաւ յառաջելը: Մայիս 23ին Լամիրօ և Կլէնշան զօրավարները տիրեցին Մոնմարտրի և դաշնաւորներէն գերիներ բռնեցին, զորս Փարիս Մոնտայի մէջ հրացանի բռնեցին: Նոյն օրը գնդակէ մը զարնուելով մեռաւ Գոմպրոպսքի Հասարակութեան զօրավարը:

14. — Թիէր Պարիս թողուցած ատեն, միտքը դրած էր որ Հասարակութիւնը շուտով պիտի խեղդուի, որով երբ լսեց նշանաւոր անձանց իրր պատանդ բանտուիլը, համարեցաւ որ շուտով կ'ազատին անփնաս: Երբ Բլանքի ծեր յեղափոխականը գերի բռնուեցաւ Վէրսայլի ներքեւ, ինչպէս կ'ըսէին, Հասարակութիւնը ուզեց բանակցութեան մը մտնել և Բլանքիի ու դեռ քանի մը յեղափոխականներու տեղ առաջարկեց տալ զԱրքեպիսկոպոսը, զԲոնժան նախագահը և միւս քահանայքը: Բանակցութեան համար մեծապէս աշխատողն էր Մլացեալ-Նահանգաց Ռոշրըրն դեպպանը. որ Հասարակութեան ժամանակ շատերուն կեանքը ազատեց: Գերապայծառ դ'Արբուա ինքն ալ գրեց թիէրի, սակայն յետինս միշտ յամառ իր կարծեաց վրայ, մերժեց ամեն փոխանակութիւն և լուր դրկեց պատանդներուն որ վտանգի մէջ չէին:

Եւ սակայն թիէր մեծապէս կը սխալէր: Երբ իսպիւր բերդը առնուեցաւ և Վէրսայլցիք Պարիս սկսան

Պատանդներուն սպանութիւնը. — Պարիսու հրդեհը:

մտնել, պատանդներուն սպաննութեան վճիռը տրուեցաւ: Մազաս բանդէն շատ մը նեղութիւններով, ամբոխին ձաղկանքներուն մէջէն տարուեցան գիշեր մը Գրանդ Ռոքէտ, դատապարտելոց զնդանը: Հոն փակուեցան մութ ծակերու մէջ և երբորդ օրը մէկիկ մէկիկ յանուանէ կանչուելով, տարուեցան բանտին գաւիթը: Պատանդները բմբունեցին գլուխնին գալիքը, ամենն ալ կ'աղօթէին. երբ սանդուխէ մը վար կ'իջնէին Գերապայծառ դ'Արրուա որ առջեւէն կ'երթար, դարձաւ, օրհնեց զամենը և մեղաց արձակման ձեւն արտասանեց: Հասարակավարիչը հրելով զանոնք մղեցին պատին ներքեւ և կարգաւ հրացանի բռնեցին: Բռնժան նախագահը հառաչած էր միայն և ըսեր էր «Ով սիրելի ամուսինս, ո՞վ սիրեցեալ զաւակներս»: Ամենն ալ մեռան քաջութեամբ: Սպանողները քաշեցին հանեցին արքեպիսկոպոսին մատնին և խաչը և անցուցին վզերնին, և որովհետեւ մեռելներէն ոմանք կը հեծէին, լաւ մը կոխկոտելէն վերջը, յետոյ սուիններով ծակծկեցին մարմինը:

Ուրիշ կողմ ալ հրացանի կը բռնուէին Արկէյլի եօթը Գոմինիկեանք յետ շատ մը տանջանքներու: Կալին ուրիշ դեռ բազմաթիւ քահանայք և զինակիրք որոնք պահուած էին վերջին օրերուն:

Հասարակավարիչը երդուրնցած էին որ եթէ յաղթուն աներակաց կոյտ մը դարձնեն զՊարիս. և Վէրսայլի բանակին յառաջելուն վրայ, կրակ տուին Լէժիոն դ'Մնէօրի պալատան, Պետութեան հաշուէտան, Տիւլլըրի և Օդէլ դը Վիլի և եթէ օրինաւոր բանակը չհասներ, բովանդակ Պարիս հնոց մը պիտի դառնար: Սակայն արդէն Սիսէ զօրավարը տիրած էր Լիւսսամբուրի և Պանդէոնի և ուրիշ գունդեր Մայիս 25ին բռնեցին Բիւտ դըքայքը, Աւստէրլիցի կամուրջը և գետին ամբողջ ձախ կողմը: Աջ կողմը դեռ կռիւր կը շարունակուէր Շաթօ դ'Ալի մէջ:


Մայիս 26ին Կլէնշան զօրավարը Սիրկ դ'Ուվէր բռնեց. Լամիրօ զօրավարը հասաւ Վիլլէտի շտեմաւ:

րանքը, որոնք սկսեր էին հրդեհիլ և վիճուա զօրավարը զրաւեց Տրօնի և Բաստիյի հրապարակները: Նոյն օրը Միսէյ զօրավարը հրացանի բոնեց առանց հարցա- ըննութեան, Հասարակութեան անդամներէն զՄիլիէր, փոխադարձարար Հասարակութիւնը Հաքսօ փողոցին մէջ շատ մը տանջելէ վերջը հրացանի բոնել տուա 52 պատանդներ, որոնք մեծաւ մասամբ հին զինուորներ էին և քահանայք:

15. — Օրինաւոր բանակը Մայիս 27ին հասաւ Բիւտ Շումոն և Պէր Լաշէզ և Մայիս 28ին Բէլվիլի մօտ կործանեց Մակ Մահոն՝ վերջին պատնէշը: Մա- րաջախտը անմիջապէս մայրաքաղաքին որմոց վրայ կպցնել տուա հետեւեալ ծանուցումը. «Ինակիչք Պա- րիսու, Գաղղիոյ բանակը եկաւ զձեզ փրկելու. Պարիս ազատեցաւ. մեր զինուորները ժամը չորսին տիրեցին ապստամբաց վերջին պատնիշին: Այսօր կոբիւր լմնցաւ. պիտի կենդանանան կարգ, կանոն, աշխատութիւն և ապահովութիւն»:

Հասարակու-
թեան անկումը.
Մակ Մահոն
մարաջախտը
կը տիրէ Պարի-
սու:

Ապստամբութիւնը նուաճուելէն վերջը սկսան խու- զարկութիւնք, որոնք տեւեցին ութ տարի: Յանցաւոր- ներէն մաս մը հրացանի բոնուեցան, մաս մը աքսոր զրկուեցան Նումէա և Նոր կալէդոնիա. յորոց շատերը յետոյ ներման արժանանալով, դարձան Գաղղիա: Հասա- րակութեան կողմնակից պատմագիրը վերջին շարթուան մէջ իրենց կողմանէ վէրսայլի վարչութեանէն սպանե- լոց թիւը կը դնեն 30,000: Եթէ այս թիւը չափազանց ալ երեւայ, սակայն միշտ 10,000էն աւելի կը համա- բուի: Մայրաքաղաքին այս կոբիւր շատ աւելի ահաւոր և ցաւալի եղած էր՝ քան Գերմանացւոց պաշարումը և ուրակոծումը:



Գ Լ ՈՒ Խ Ժ Ա .

Ի Տ Ա Լ Ի Ո Յ Վ Ա Ր Զ ՈՒ Թ Ի Ի Ն Ը Ի Հ ՈՒ Վ Մ

1. Տիեզերական ժողովը վատիկանի. — 2. Անտիալուծիան վարդապետութիւնը. — 3. Իտալիա՝ Գաղղիա-գերման պատերազմին ժամանակ. — Գաղղիացի պահանջողը կը մեկնի Եկեղեցւոյ վիճակէն. — 4. Բանակցութեան փորձեր Ս. Փահուն հետ. Իտալացւոց Եկեղեցւոյ վիճակը մտնելը. — 5. Հոռովայ ատումը. — 6. Արքունիք և պաշտօնարանք ի Հոռով. — 7. Խօսարանական վարչութիւնք 1872էն վերջը. — Մինգէտտի պաշտօնարան. — Մահ Մանժոնի. — Վիկտոր Էմանուէլ ի վեննա, ի Բէռլին. — Փոխադարձ այցելութիւնք կայսերաց. — 9. Աշակողման պաշտօնարանաց անկումը. — Զախակողմանք. — 10. Մահ վիկտոր Էմանուէլի. — 11. Ումբէրտօ Ա. — 12. Մահ Պիոս Թի. — 13. Ընտրութիւն Լեոն ԺԳի:

Տիեզերական
ժողովը վատի-
կանի,
1869

1. — Գաղղիա-գերման պատերազմին հետեւանքն տեսնուեցաւ յիտալիա, Եկեղեցւոյ վիճակին նկատմամբ, ուսկից Գաղղիա հանեց իր պահանջողը և մտաւ իտալիոյ տէրութիւնը յԵկեղեցւոյ վիճակը և ի Հոռով: Այս դէպքերէն առաջ ի Հոռով հաւաքուած էին կաթոլիկ Եկեղեցւոյ գրեթէ համօրէն Եպիսկոպոսունք, Տիեզերական ժողովքի մը համար: Եւ մենք յիշենք այն մասերը որ յարաբերութիւն ունեցան իւրիք Քաղաքական պատմութեան հետ:

Պիոս Թ իր մեծ եռանդովը ընդհանուր քրիստոնէական եկեղեցեաց միութեան և բարեկարգութեանց համար, յամին 1869ի ժողովքի հրաւիրեց ի Հոռով բոլոր աշխարհի կաթոլիկ եպիսկոպոսները: Նոյն հրաւէրը ղրկեց

նաև Արեւելեան, Հռովմայ հետ անմիաբան պատրիար-
գաց: Նորաղանդներուն ալ յորդոր զրկուեցաւ մտնելու ի
ծոց կաթողիկ Եկեղեցւոյ:

Սակայն Հռովմէական Եկեղեցիէն անջատեալ քրիս-
տոնեայ եկեղեցիներէն ոչ մին յանձն առաւ ներկայանա-
լու, պատճառելով որ Հռովմայ Պապը չէին ճանչնար
զլուի Համօրէն Եկեղեցւոյ. և իրենք զիրենք հաւասար
կը համարէին իրաւասութեամբ¹: Մանաւանդ լսուած էր
եւս որ ժողովքին սահմանելիք նիւթերէն մին ալ պիտի
ըլլար Հռովմայ Ս. Քահանայապետին ի հաւատոյս և ի
բարոյականի անսխալութիւնը, երբ խօսի նա յԱրքայ,
ըստ կաթողիկ աստուածաբանից բացատրութեան²:

1. Այրարատ Էջմիածնայ պաշտօնական Քերթը իր Մարտի (1869)
Թուոյն մէջ կը հրատարակէր Պօլսոյ Պօղոս պատրիարքին առ Գեորգ Կա-
թողիկոս հետեւեալ նամակը.

« Վեհափառ Տէր.

Հայրապետ Հռովմէական Եկեղեցւոյ Պիոս Թ. մատոյց և մեզ յա-
ւուր յայտարարէ (1868. Դեկտ. 14) ի ձեռն հոգեւոր պաշտօնէից Եկեղեցւոյ
իւրոյ ի մայրաքաղաքի տետրակ իմն լատինարարառ: Յեկելոցս աստի առ
մեզ լատին եկեղեցականաց ծանեաց եթէ պարունակութիւն տետրակին այ-
նորիկ հրաւեր է ազգային եկեղեցւոյ մերոյ առ համագումար ժողովն, որոյ
զումարունն ասէին լինել ի Հռովմ, յութերորդի աւուր Դեկտեմբեր ամսոյ
1869 տարւոյ: Մեք որպէս պարտն էր տուած պատասխանի թէ «Ի՛նչ և մեր
զերագոյն հայրապետ ի Ս. Էջմիածին, զլուի Հայաստանեայց Եկեղեցւոյ,
որ միայն ունի զիրաւասութիւն ի վերայ Ս. Եկեղեցւոյ մերոյ և ամե-
նայն հոգեւոր հովուաց նորին. վասն որոյ և նմա անկ է քննադատել զհրա-
ւերագիրն: Ի վեր է քան զձեռնհասութիւն մեր և որ ընդ մեզ Եպիսկո-
պոսաց ամենեցուն խօսիլ ինչ յազազս բանիս այսորիկ »: (Ընդ այս յայ-
տարարութիւն մեր մեկնեցան եկքն և թողին գտետրակն, զորոյ և զհայերէն
Քարգամունութիւն սահաւասիկ մատուցանեմք Ձերում Վեհափառութեան
և յանձն առնեմք իմաստութեան մեծի Հայրապետիդ՝ աննէլ զոր արժան է:
Լեւեմք եւս եթէ և ալլոց վիճակաւոր Եպիսկոպոսաց Տաճկաստանի առա-
քեալ իցէ ի տետրակաց այտի:

Մնամք Վեհափառութեան Ձերում եւն եւն »:

Գեորգ Կաթողիկոս Փետրուար 10ին Թուով կը պատասխանէ «Թէ ըաջ
հասու եղեալ մտաց և իմաստից Քղթոյ Ս. Պիոսի Թի. ցաւիմք յոյժ, զի
բազմային և մեզ միութիւն զոր կամի և Փրկիչն աշխարհի և ազօթէ առ
Հայր Թէ «Իղիցին մի, որպէս և մեք մի եմք, անյուսաւի երեւի այժ-
մոն իսկ ի ժողովոյ այտի...»: Ապա կը պատճառարանէ որ միայն Քրիս-
տոս է զլուի Եկեղեցւոյ, Նոյն իմաստով և աւելի քննական է Դեբեճկեան
Արիստակէս Եպիսկոպոսին պատասխանը զոր կը հրատարակէ Մասիս
1869ի Մայիս 12 Թուոյն մէջ:

2. ՅԱրքայոյ բարին մեկնութիւն բացատրուած է ժողովքին վճռուն մէջ
զոր կը գնեմք յետս:

Եւ որովհետեւ կաթողիկ Եկեղեցւոյ սկզբունքն է «յերկրայա ազատութիւն», այսպէս ամենայն ոք ազատ է վիճելու վարդապետութեան մը վրայ դեռ չհաստատուած, անսխալութեան նիւթին վրայ ալ սկսան գրել և խօսիլ բովանդակ կաթողիկ աշխարհի եպիսկոպոսունք ի նպաստ կամ հակառակ. և կարծիքները երեք խումբի բաժնուեցան:

Անհամեմատ մեծամասնութիւն մը կ'ուզէր այդ վարդապետութեան իբր հաւատոց մասն հաստատուիլը, ըլլալով այդ Եկեղեցւոյ դարուց ի դարս անսխալ վարդապետելուն երաշխաւորութիւնը՝ ի հաւատոյս և ի բարոյականի: Ուրիշ խումբ մը, ոչ այնքան ստուար, անյարմար կը դատէր այսօրինակ յուզեալ և անկրօն ժամանակներու մէջ հռչակել այդ վարդապետութիւնը, որ փոխանակ օգուտներու, կրնար զայրացնել հակառակորդները, անջատեալ եկեղեցիները և նորադանդ պետութիւնները: Այս իմաստով էր գերմանացի 19) եպիսկոպոսներու Ֆուլդայէն գրած թուղթը: Այսպէս կը պնդէին՝ Գերապածառ Մարէ Եպիսկոպոս Ժիւրայի, Գերապ. Գիւպանլու Եպիսկոպոս Օուէանու և Գերապ. դ'Արբուա Արքեպիսկոպոս Պարիսու. դարձեալ Կարտինալքն Շվարցէմբերկ և Ռաւշէր. յետինս Արքեպիսկոպոս Վեննայի: Կար երրորդ խումբ մ'ալ ամենէն սակաւը, որ հակառակ էր այդ վարդապետութեան և ասոնց թուոյն մէջ կը համարուէին վճիռէն առաջ, Գերապ. Հէֆէլէ՝ եպիսկոպոս Ռոտտէնբուրկի: Սիրմիոնի հռչականուն կրակոտ եպիսկոպոսը՝ Գերապայժառ Սդրոշմայր: Մեծ ազդեցութիւն ունէին այս խմբին մէջ նաեւ Միւնիխի՝ Դէօլլինկէր աւագբրէյը, կանխապէս ծանօթ իբրեւ աստուածաբան և հմուտ եկեղեցական հնախօսութեանց և հայրն Կրադրի՝ գաղղիացի սրբազան պերճախօսը:

Բնդհանուր ժողովքի մը լրոյն վրայ, ի սկզբան յուզուեցան եւրոպական պետութիւնք. լրագիրք բարձրածայն գոչեցին որ այդ օրինակ ժողովքէ փնաս կար իշխողաց անկախութեան: Բավիէրայի պաշտօնեայն Հոհէնլուհէ իշխանը, Պետութեանց դեսպանաժողով մը առաջ-

արկեց «Հասարակաց շահուց պահպանութեան համար» : Նոյն տազնապնեը ունեցան ուրիշ փոքր պետութիւնք : Սակայն նախ Բայսդ, աւստրիական Պետութեան ատենադպիրը, մերժեց ղեսպանաժողովոյն գաղափարը : Ուրիշ պետութիւնք ալ հանդարտօրէն սկսան նկատել խնդիրը : Ի Գաղղիա Էմիլ Օլիվիէ խիստ չէզոքութիւն մը սահմանեց, նոյնը ըրաւ Պրուսիա. նոյնը Խտալիա վճռեց. միայն թէ յանկարծ քաղաքական խնդիրք վիճուէին : Սպանիա Պորտուկալ՝ չէզոքութիւն սահմանեցին. այսպէս Հոհէնլոհէի առաջարկը մերժուելով, ստիպուեցաւ թողուլ պաշտօնարանը և յաջորդեց չէզոքութիւն խորհող պաշտօնարան մը :

Տիեզերական ժողովքի բացումէն առաջ ամենայն կազմակերպութեանց նախագահեր էր Միւնիխի արքեպիսկոպոսը՝ կարդինալն Ռայզաք, գերմանացի հմուտ աստուածաբան մը, օգնական ունենալով երկու յիսուսեան աստուածաբանք, Հարքն Պէրրոնէ և Շրատէր : Ժողովքը բացուեցաւ Գեկտեմբեր Տի, Անարատ Յղութեան վարդապետութեան հրատարակուելուն տարեդարձին, Ս. Պետրոսի Եկեղեցւոյն աջ թեւին մէջ. և ներկայ էին բաց ի Քահանայապետէն և կարդինալաց 683 եպիսկոպոսունք¹ : Ժողովքին ընդունուեցան նաեւ Միա-

1. Բնւոր աշխարհի կաթոլիկ եպիսկոպոսունք 921 էին թուով. Հայկաթոլիկ եպիսկոպոսներն ներկայ էին բաց ի Լէոբուտոյ Հայ Արքեպիսկոպոսն, Անտոն Պետրոս Հասուն, կաթողիկոս-Պատրիարք Տանն Կիւիլիոյ, Գերդ Հիւրմիւլ Արքեպիսկոպոս Սիննաց, Աբրահայր Միտթարնաց Վեներոյ, Յակորոս Պոգանեան, Արքեպիս. Կեսարիոյ (Պաղեստինոյ) Աբրահայր Միտթ. Վեննայու. Եղուարդ Հիւրմիւլ Արքեպիս. Շիրակայ, Չեռնարոզ Հայ ծիսի ի Հոովմ. Սուրիաս Գագանեան Արքեպիս. Անդիտրայ Աբրահայր Անտոնեանց. Մելքոն Դագարեան Արքեպիս. Մարտինի. Գրիգոր Պարթիկան Արքեպիս. Բերիոյ. Իգնատիոս Քալըպեան Արքեպիս. Ամատիոյ. Պետրոս Աթլեան Արքեպիս. Գերմանիկոյ. Յակոր Պահատիարեան Արքեպիս. Տիգրանակերտի. Յովհաննէս Հանեան Արքեպիս. Կեսարիոյ (Կապադ). Վենոն խորխոսունի Արքեպիս. Մալաթիոյ. Բարսեղ Գասպարեան Արքեպիս. Կիարոսի. Արսն Անճարակեան Արքեպիս. Եւզոկիոյ. Յովսէփ Առաքելեան Եպիս. Գաղատիոյ. Պետրոս Թիւրքեան Եպիս. Բրուսայի. Անտոն Հալաճեան Եպիս. Արդվւնոյ. Ստեփան Մելքիսեդեկեան Եպիս. Կարնոյ. Յովհաննէս Կերեղեան Եպիս. Տրապիզոնի. Ստեփան Իսրայէլեան Եպիս. Խարբերդի :

բանութեանց ընդհանուր Արքաները, յորս Յիսուսեանց նշանաւոր գլուխը՝ Հայրն Բէքս, իր բիւճիացի Վիկտոր Բուք աստուածաբանով, բոլլանտեան հաւաքածոյին հմուտ շարունակողներէն մին:

Անսխալութեան վարդապետութիւնը,
1870

2. — Պատմութեանս ծրագրէն դուրս է յիշել այն աստուածաբանական պերճախօսութիւնը որոնք տեւեցին մինչեւ Յուլիսի 18ը, յորում քուէարկութեան առաջարկուեցաւ թէ «կ'ուսուցանենք և կը սահմանենք իրբեւ վարդապետութիւն յաստուածուստ յայտնեալ, որ Հոովմէական Քահանայապետը երբ կը լսօսի յԱքոսոյ, այսինքն երբ կը վարէ պաշտօն հովուի և վարդապետի բովանդակ քրիստոնէից, կը սահմանէ առաքելական գերագոյն իշխանութեամբ, զոր Եկեղեցին պէտք է ընդունի իրբեւ վարդապետութիւն հաւատոց և բարոյականի. ունի յայնժամ աստուածային օգնականութեամբ նոյն անսխալութիւնը զոր տուաւ Քրիստոս Եկեղեցոյ, հաւատոց և բարոյականի վարդապետութիւն մը սահմանելու ժամանակ»: Այս վճռոյս 533 եպիսկոպոսունք ույ՛ պատասխանեցին և երկու անձինք միայն ոչ ըսին: Ասոնք որ ընդդէմ էին կամ ժամանակը յարմար չէին համարեր, հարիւրէն աւելի, նոյն օրը հեռացան Հոովմէն, քուէարկութեան ներկայ չ'ըլլալու:

Վարդապետութեան ընդունուելովը Պիոս Թ հանդիսապէս հռչակեց զայն Հովի յաշիտեհակոս կոնդակով: Սակայն դժուար էր որ անկէ վերջը ժողովքը շարունակուէր միւս սահմանուելիք բարեկարգութեան նիւթոց վրայ, որովհետեւ արդէն գաղղիա-գերմանական պատերազմը հրատարակուեր էր, և երկու ազգաց եպիսկոպոսունք կ'անապարէին դառնալ իրենց թեմերը: Պիոս Թ ընդհատեց ժողովքը և սահմանեց շարունակութիւնը Նոյեմբեր 11ին:

Ընդդիմակաց եպիսկոպոսունք թեմերնին դառնալով, առանձին նամակներով առ սակաւ սակաւ ծանուցին որ կ'ընդունէին Եկեղեցոյ ընդհանուր ժողովքով սահմանած անսխալութեան վարդապետութիւնը: Ամենէն ուշ ընդունողն եղաւ Սիրմիոնի մեծ ազգասէր Սրբօշմայր եպիս-

կոպոսը: Պետութիւնը համոզուեցան որ այդ վարդապետութենէն իրենց վախնալիք բան մը չկար. միայն Գերմանիոյ իշխանութիւններէն ոմանք արգիւեցին վարդապետութեան պաշտօնապէս հռչակումը: Հակառակող կաթողիկոսներէն սակաւը միանալով Գէօլլինկէրի հետ կազմեցին եկեղեցի մը «Հին կաթողիկը» անուամբ, որ չունեցաւ ոչ տարածումն և ոչ կարեւորութիւն. և ընդհանուր ժողովոյն վճռած վարդապետութիւնը մնաց իր աստուածաբանական սահմանաց մէջ:

Իսկ ժողովըը չշարունակուեցաւ Նոյեմբերի. որովհետեւ Սեպտեմբեր 20ին իտալական վարչութիւնը մտեր էր ի Հռովմ և Պիոս Թ քաջուեր էր ի Վատիկան:

3. — Մէնարբէա պաշտօնարանը չէր կրցած ունենալ այն ժողովրդականութիւնը, որ կարեւոր էր նոր ազգ մը կառավարելու համար: Խորհրդարանի նախագահութեան իր առաջարկած թիկնածուն, փոքրամասնութիւն ունենալով քուէից, Մէնարբէա հրաժարեցաւ և թագաւորը կոչեց զԼանցա բժշկապետը, նոր պաշտօնարանը կազմելու համար: Լանցա յետ սահմանադրական շատ մը դժուարութեանց 25 օր վերջը կրցաւ ձեւացնել նոր վարչութիւնը յորում մտան նշանաւոր երեսփոխանը՝ Վիսկոնտի վինսոզա՝ Արտաքին Գործոց, Լանցա թէ Նախագահ և թէ Ներքին Գործոց, Բուխթինօ Սէլլա՝ Ելեւմտեց, Գովոնէ՝ Պատերազմի, Կորրէնզի՝ Հանրային կրթութեան, ծովակալն Գուլիէլմոս Ակզոն՝ Մովային զօրութեան: Հազիւ քանի մը ամիսք անցեր էին պաշտօնարանը բացառիկ դրութեան մը մէջ գտնուեցաւ գաղղիա-գերման պատերազմին պատճառաւ: Երկու պետութիւնքն ալ ջանացեր էին իտալիոյ օգնութիւնը ունենալու: Արքունեաց մէջ միտումները Գաղղիոյ համար էին, նախ Նապոլէոն իշխանի ազգակցութեան և երկրորդ Նապոլէոն Գի այսքան իտալիոյ ազատութեան օգնելուն համար: Սակայն, ինչպէս տեսանք, վերջին ժամանակաց մէջ, Ռուսէի պաշտօնարանը զայրացուցեր էր ազատականըը և Մենտանա տխուր վէրք մը թողուցեր էր անոնց սրտին մէջ: Շատ քաղաքաց մէջ, յորս մա-

Իտալիա գաղղիա-գերման պատերազմին ժամանակ. — Գաղղիացի պահանջողը կը մեկնի Եկեղեցւոյ Վիճակէն:

1869 Գեկտ. 17.

նաւանդ ի Տուրին և Միլան, Գաղղիոյ հակառակ ձայներ լսուեցան և ի Ֆիրէնցէ Արտաքին Գործոց պաշտօնաւորանին առջեւ ցոյցեր եղան ի նպաստ չէզոքութեան և կէցցէներ գոչուեցան Պրուսիոյ: Պաշտօնարանը աճապարեց ծանուցանելու պաշտօնական լրագրին միջոցաւ որ իտալիա խիստ չէզոքութիւն մը պիտի պահէր: Սակայն երբ ետեւէ ետեւ յաջորդեցին Գաղղիոյ պարտութիւնը, երբ կայսրութիւնը ինկաւ Սէդանով և Սեպտեմբեր Էին յերեւան եկաւ Հասարակապետութիւնը, յիտալիա ոամկապետական շրջանակները յուզուեցան և եռանդնաւորեցան: Գարիբալդի հեռագրեց Սեպտեմբեր Էի վարչութեան որ իր տրամադրութեան ներքեւ էր՝ և տեսնը արդէն Գարիբալդի լէգէոնին պատերազմական արութիւնքը, որոց սակայն չհամապատասխանեց շնորհակալութեամբ մը Գաղղիա. և Գարիբալդի ու Գարիբալդեանը վշտացած դարձան յիտալիա ուր իրենց սկսածը Եկեղեցւոյ Վիճակաց դէմ, ի գլուխ տարեր էր թագաւորական վարչութիւնը:

Հազիւ թշնամութիւնը սկսեր էին Գաղղիոյ և Գերմանիոյ մէջ, Նապոլէոն Գ. կանչեց Չիվիտադէկկիայէն սակաւաթիւ պահանջողը: Յուլիս 31ին Գաղղիոյ Արտաքին Գործոց պաշտօնեայն դուքսն Գրամոն զայս իմացուց պաշտօնապէս առ գաղղիական դեսպանն ի Հռովմ: Անմիջապէս իտալացի ազատական երեսփոխանը պահանջեցին խօսարանին և յերակուտին մէջ որ իտալացի գունդերը մտնեն ի Հռովմ: Վարչութիւնը պատասխանեց որ այդօրինակ գրաւում մը իտալիոյ համար ծանր հետեւանքներ կրնար ունենալ: Բայց երբ կայսրութիւնը ինկաւ ի Գաղղիա և Սեպտեմբեր Էի հասարակապետական վարչութիւնը հրատարակուեցաւ, որուն մէջ մտան այնպիսի անձինք որոնք բնաւ փոյթ մը չունէին Հռովմայ նկատմամբ եղած դաշինքներուն. այն ատեն իտալացի պաշտօնարանը որոշեց մտնել ի Հռովմ և պաշտօնական լրագիրը ճարտարութեամբ հրատարակեց որ Եկեղեցւոյ Վիճակը պիտի մտցուէր ոչ իբրեւ օտար երկիր մը, այլ իբրեւ ազգային հող:

4. — Եւ սակայն վարչութիւնը դեռ Եկեղեցւոյ Վիճակին սահմանքը չ'արշաւած ուզեց բանակցութեան մը մտնել ուղղակի Ս. Քահանայապետին հետ, որովհետեւ առ Ալտաքին Գործոց պաշտօնեայն Անտունէլի կարդինալը դիմունք, արդիւնք չէին ունեցած: Սեպտեմբեր 9ին Հոովմ դրկուեցաւ կոմսն Պոնցա դի Սան Մարտինո որ խօսարանին մէջ հակառակ խօսեր էր Հոովմայ գրաւման նկատմամբ, որպէս զի, թէ կարելի էր, համոզէ զՊիոս թ որ իրեն համար լաւ էր իտալիոյ գունդերուն ի Հոովմ մտնելը: Վիկտոր էմանուէլ պաշտօնական նամակ մը գրած էր առ Ս. Պապը « իբրեւ որդի մը, կաթոլիկ հաւատքով և թագաւորի և իտալացւոյ հոգով »: Նամակին մէջ կը վկայէր թէ Քահանայապետը ինչ սէր պիտի գտնէր իտալական ժողովուրդներէն և պիտի պահէր իր ազատ անկախութիւնը Տիրբրի ափանց վրայ: Սան Մարտինո կոմսը Հոովմ հասնելով ներկայացաւ Քահանայապետին և տուաւ թագաւորին պաշտօնական նամակը: Վիկտոր էմանուէլ անձնական նամակ մը եւս գրած էր որով կը դիմէր առ « Նորին Սրբութիւնը », բացատրելով յեղափոխական կուսակցութեանց պատրաստութիւնքը ամեն բան խանգարելու Սիկիլիոյ և Եկեղեցւոյ Վիճակին մէջ, որով ինքը՝ թագաւորը՝ անհրաժեշտ կարեւոր կը տեսնէր իտալիոյ և Ս. Քահուն ապահովութեան համար իտալացի գունդերուն ի Հոովմ մտնելը և քաղքին կարեւոր կէտերը բռնելը: Նամակը կը խոստանար « Ս. Քահուն լիովին անկախութիւնը և յարգանքը » և կը վերջացնէր խնդրելով առաքելական օրհնութիւնը: Քահանայապետը պատասխանեց նամակով մը, յորում յետ յայտնելու իրին անկարելիութիւնը, կ'աւելցնէր « Կ'օրհնեմ զԱստուած որ թողուց Ձեր վեհափառութեան կենացս վերջին օրերը լեցնել դառնութեամբ. և զիս իրեն ձեռաց մէջ կը դնեմ¹ »: որով կոմսն Պոնցա դի Սան Մարտինո մեկնեցաւ առանց որ և է յաջողութեան մը: Այն ատեն իտալիոյ Արտա-

Յանակցութեան փորձեր Ս. Քահուն հետ. իտալացւոց Հոովմ գրաւելը:

1. Civiltà cattolica 1871. էջ 101.

քին Գործոց պաշտօնեայն՝ Վիսկոնտի Վենոստա շրջաբերականով մը իմացուց Պետութեանց որ ստիպուած էր խտալիա՝ գրաւելու զՀոովմ: Ուրիշ շրջաբերական մ'ալ ուղղեց խտալիոյ եպիսկոպոսաց ապահովցնելու զիրենք որ այս ըրածնին չէր իրրեւ հակառակ Եկեղեցւոյ, որուն պաշտօնեայք ազատ էին ամենեւին իրենց հոգեւոր պաշտամանց մէջ: Կարելի էր որ Վիկտոր Լամանուէլի և Վիսկոնտի Վենոստայի մտքերուն մէջ այս բացատրութիւնը մեկնութիւն մը ունենային. բայց խումբ մը Գարիբալտեանք և ազատականք անհամբեր էին Հոովմ մտնելու ինչ ալ ըլլայ և կը կարծէին որ այն օրը պիտի կործանէր կաթոլիկ կրօնքը քահանայապետական ժամանակաւոր իշխանութեան հետ միասին:

Իսկ ինքը Պիոս Թ անխոռով ամենայն ինչ յանձներ էր ի ձեռս Նախարանամութեան: Սեպտեմբեր 10ին մեծ հանդէսով բացաւ ժողովրդեան Սիրէնէ ջրոց գործածութիւնը, իր մեծագործութեանց վերջինը: Եւ որպէս զի ազատականք չնեղեն հանդարտ քաղաքացիքը, նա մանաւանդ որ լսուեր էր Ռաֆայէլ Կատորնա զօրավարին Եկեղեցւոյ սահմանները անցնիլը, Սեպտեմբեր 12ին պապական զօրաց հրամանատարը զօրավարն Քանցլէր ըզՀոովմ պաշարման վիճակի մէջ դրաւ և Պապը եկեղեցիներու մէջ հասարակաց աղօթքներ յանձնեց:

Խտալացի բանակը հինգ զօրաբաժնէ կազմուած էր. երեքին կը հրամայէր ինքը զօրավարն Ռաֆայէլ Կատորնա, երկրորդին Անճէլինի և ուրիշի մը Նինօ Բիքզիօ: Գունդերը փութով գրաւեցին Օրտէ, Մոնտէֆիասցոնէ, Վիտէրո, Չիվիթակաստէլլօ և զիմացի սահմանազխէն Չէպրանօ և Վէրոլի, որոց, որպէս զի արիւնհեղութեան չ'ըլլայ, Քահանայապետը զինուորները կանչել տուեր էր: Տեղ տեղ ինչպէս Վէլլէդրի, Վէրոլի, Բանցօ, Մոնտէ Սան Ղիովաննի, Պիպէռնօ, Սոննինօ և Պէցցէ ժողովուրդը եռագոյն դրօշը բացաւ «Կեցցէ խտալիա» գոչելով: Սեպտեմբեր 15ին խտալացի հրամանատարը Նինօ Պիքզիօ պահանջեր էր որ Չիվիտավէկկիայի սակաւաթիւ պահանորդը անձնատուր ըլլայ, և Շարէթ՝ քահա-

նայապետական հրամանատարը, գիտեր որ անկարելի էր դէմ դնել այնքան քիչ զօրքով և անձնատուր եղաւ: Անկէ վերջը զօրավարն կատորնա պահանջեց Քանցլէր զօրավարէն որ դէմ չլինեայ իրեն՝ զինուորականապէս բռնելու զՀոովմ, բայց Քանցլէր չ'ընդունեցաւ. որով իտալացի հրամանա, տարը որոշեց յարձակմամբ և թնդանօթով անցը բանալու:

5. — Սեպտեմբեր 20ին կատորնա անձամբ առնլով հրամանատարութիւնը սկսաւ ումբակոծել Պորտա Սալաւրիայի և Պորտա Պիայի մէջ եղած հին և խարխուլ պատուարները: Քահանայապետը շատ դարերէ ի վեր նիւթական պարիսպներով և զէնքերով չէին համարած պաշտպանել իրենց հազարաւոր տարիներու իրաւունքը և Հոովմ ապահովապէս անառիկ դիրքի մէջ չէր: Մի և նոյն կատորնայի յարձկած ժամանակ, Անճէլինի զօրարածինը կը պատերազմէր Պորտա Սան Ճիովաննի և Բիքգիօ զօրարածինը ի Պորտա Սան Պանկրացիօ: Քահանայապետը պատուիրած էր որ փոքր ընդդիմութիւն մը ըլլայ միայն բողոքի համար և ոչ այլ ինչ. որով առաւօտեան ժամը 10ին իտալացի գունդերը, ճեղք մը բանալով Պորտա Պիայի մօտ պարսպէն, մտան ի Հոովմ, մինչ արդէն սպիտակ դրօշը կը ծածանէր Ս. Պետրոսի գմբէթին և բոլոր բերդերուն վրայ: Պիոս թ խստիւ պատուիրած էր որ բնաւ արինահեղութիւն չ'ըլլայ: Անմիջապէս կատորնայի և Քանցլէրի մէջ ի վիլլա Ալբանի անձնատրութեան պայմանքը ստորագրուեցան նոյն 20 Սեպտեմբերի օրը. 1. «Հոովմ քաղաքը իր բոլոր պաշտպանութիւններով, դրօշակներով վառօդարաններով և պետութեան պատկանածներով կը յանձնուէր իտալիոյ թագաւորին, բաց ի Լեռնեան քաղաքէն, զոր կը կազմեն վատիկան իր բլրով և Սանտ'Անճէլօ, որուն սահման են Սանտօ Սպիրիտոյի պատուարքը: 2. Քաղքին պահանորդը պատերազմական պատուով, դրօշակով և զէնքով և կահովը պիտի ելլէ բերդերէն յետ ընդունելու զինուորական պատիւը, պիտի թողու դրօշակքը և զէնքերը. սպանները պիտի պահեն իրենց սուրը, ձին և ինչ որ

Առումն Հոովմայ. — Որէնք Ապահովատուութեան:

սեպհական ունէին: 3. Բոլոր օտար գունդերը պիտի լուծուին և անձինքը պիտի ղրկուին երկաթուղով Խտալիոյ պետութեան ծախքով մինչեւ իրենց հայրենեաց սահմանը: Վարչութեան կամացը կը ձգուէր նկատողութեան առնելու կամ ո՛չ եթէ դոցա քահանայապետական իշխանութեան մատուցուած ծառայութեանց համար հարկ էր յարգել հանգստեան թոշակի իրաւունքները: 4. Տեղացի գունդերը պիտի մնան վարչութեան տրամադրութեան ներքեւ իրենց ներկայ աստիճաններով. և վարչութիւնը իրեն կը վերապահէ անոնց ապագայ վիճակը:

Եւ յիրաւի գունդերը սկսան մեկնիլ դէպ ի Ձիվիտավէկիիա և Պիոս թ պատուհանէն օրհնեց իր հաւատարիմքը: Քիչ օր վերջը Լեւոնեան քաղքին մէջ Գարիբալդեանք խոտվութիւն մը, հանելով, Կարդինալն Անտոնէլլի վախնալով Քահանայապետին անձին համար, լուր ղրկեց Խտալիոյ գունդերու հրամանատարին որ գան բռնեն Լեւոնեան քաղաքն ալ. իտալական պահանորդք ներս մտան հանդարտեցնելու և ա՛լ եւս դուրս չ'եւան: Այսպէս բռնեցին բոլոր Հոովմ, բացի Վատիկանէ ուր մնաց Քահանայապետը իբրեւ կալանաւորնալ: Կղերականք ծանր քննադատութիւններ ըրած են այս հրամանին համար, նկատմամբ կարդինալ Անտոնէլլիի որ էր Պաշտօնեայ Արտաքին Գործոց¹:

Խտալիոյ զինուորութիւնը յետ բռնելու զՀոովմ, վարչութիւնը ըստ իր սովորութեանը հրաւիրեց Եկեղեցւոյ Վիճակի ժողովուրդքը, քուէարկելու Հոկտեմբեր 2ին թէ «Արդեօք կ'ուզէ՞ր միանալ Խտալիոյ հետ, ընդ սահմանադրական վարչութեամբ Վիկտոր Էմանուէլի և իրեն ժառանգաց»: 133,681 քուէք այո՛ պատասխանեցին և 1507 ո՛չ: Կղերական մասը գրեթէ չմասնակցեցաւ քուէարկութեան: Այս ելքէն վերջը, Հոովմայ քաղաքագլուխը՝ դուքսն Դոն Միքէլէ Կաէտանի Սէրմոնէտա, կոյր՝ բայց մեծապէս յարգուած իր քաղաքացիներէն, ֆի-

1. Պատմութեան այս կէտը դեռ չէ պայծառացած:

րէնցէ զրկուեցաւ ուրիշ նուիրակներով առ վիկտոր Էմանուէլ, յայտնելու Հոովմայեցւոյ իղձը: Թագաւորը ընդունեցաւ զինքը պաշտօնապէս Հոկտեմբեր 9ին Պիտտի պալատին մէջ, և յետ լսելու «ժողովրդեան ձայնը», պատասխանեց որ «Վերջապէս ղժուարին աշխատութիւնը լմնցեր էր և հայրենիքը ամբողջովին կազմուեր էր: Հոովմայ անունը, աշխարհիս ամենէն մեծը, յայսմհետէ կապուած էր Խտալիոյ հետ»: Եւ լմնցուց խօսքը «Ես իրրեւ թագաւոր, իրրեւ կաթոլիկ, Խտալիոյ միութիւնը հրատարակած ժամանակս, հաստատուն եմ իմ առաջադրութեանս մէջ, ապահովելու Եկեղեցւոյ և Գերագոյն Քահանայապետին ազատութիւնը, և այս յայտնի յայտարարութեամբս կ'ընդունիմ ձեր ձեռքէն Հոովմայ ժողովրդեան իղձը և զայն կը ներկայացնեմ Խտալացւոց»: Վիկտոր Էմանուէլ Հոովմայ քաղաքապետին Աննունցիալոյսի կարգը շնորհեց և յետոյ մեծ ուրախութիւնք կատարուեցան ի Ֆիրէնցէ, Տորինօ, Միլան և ուրիշ քաղաքներ: Տէրութիւնը ընդհանուր ներուճն շնորհեց քաղաքական յանցաւորաց, զլամարմորա զօրավարը թագաւորական տեղապահ զրկեց ի Հոովմ. և Քուիրինալի, պալատը սահմանեց իրր արքունիք: Պիոս Թ բողոքեց վատիկանէն Եկեղեցւոյ վիճակին յափշտակուելուն դէմ և զործադրողքը բանադրանաց ենթարկեց, ըստ եկեղեցական օրինաց:

Խտալիոյ վարչութիւնը Մայիս 31ին հրատարակեց Ապսոնվատուտրեան¹ օրէնքը, որով կը համարէր ապահովել Քահանայապետին ազատութիւնը: (Օրէնքը երկու մասի բաժնուած էր: Առաջին մասին մէջ նկարագրուած էին Քահանայապետին իրաւունքները. որ հաւասար էին թագաւորաց և իր անձը էր սրբազան և անընդարարելի, ունենալով լիովին ազատութիւն իր հոգեւոր իշխանութեան մէջ: Ս. Քահուն կը սահմանուէր օժիտ մը 3,225,000 ֆրանքաց²: Իրեն կը թողուէին իրրեւ ազատ

1. Legge di garantiggia.

2. Քահանայապետը երբէք չ'ուզեցին ընդունիլ այդ օժիտը:

երկիր, Վատրիկանու և Լատերանի պալատները և կաստէլ կանտոլֆօ՝ Հռովմէն դուրս: Այս տեղերուն մէջ Քահանայապետը կրնար պահել իր զինուորը: Երկրորդ մասին մէջ կը կարգադրուէին եպիսկոպոսական ընտրութիւնը և եկեղեցական բարձր աստիճանաց թոշակը: Հոգեւոր իշխանութիւնը առանց տէրութեան հաւանութեան ազատ էր ո՛ր և է հոգեւոր հրատարակութիւն մը ընել: Եպիսկոպոսական և եկեղեցական բարձր աստիճանաց ընտրութիւնը, Քահանայապետին կը պատկանէին, պետութիւնը կու տար միայն գործադրոյն՝ թոշակաց նկատմամբ. բայց ի Հռովմայ և շրջակայից հոգեւոր իշխանութիւններէն, որոց համար հարկ չկար գործադրոյն:

Մայրաքաղաքը ի Հռովմ:

6. — Հռովմ այս մեծ փոփոխութիւնը այն ժամանակ կ'ըլլային, յորում բոլոր Եւրոպա աչքերը յառած էր Գաղղիոյ և Գերմանիոյ պատերազմին վրայ, ուսկից առաջ գալիք հետեւանքները արդէն կը տագնապեցնէին զամենը: Անոր համար եթէ կաթոլիկ պետութիւնը վշտացան եղածին վրայ, բայց ոչ ոք համարձակեցաւ բողոքելու և պաշտպանելու Քահանայապետին իրաւունքները:

Վիկտոր Էմանուէլ Դեկտեմբեր 5ին բացաւ ի Ֆիրէնցէ իտալական վերջին խօսարանը, յորում ծանոյց իտալիոյ ի Հռովմ մտնելը, Եկեղեցւոյ տրուած հոգեւորական ազատութիւնը և իր երկրորդ որդւոյն՝ Առսղայի դքսին, Սպանիոյ թագաւոր ընտրուիլը³:

Ի Ֆիրէնցէ խօսարանին վերջին նիստն եղաւ Յունիս 24ին և Յունիս 28ին Վիկտոր Էմանուէլ ժողովրդեան կէցցէներով ելաւ Ֆիրէնցէէն որ դադրած էր այլ եւս մայրաքաղաք ըլլալէ, և արդէն տարւոյն սկիզբէն ջուէարկուած էր ի Հռովմ փոխադրութիւնը: Թագաւորը չ'ուզեց ուղղակի երթալ ի Հռովմ և նախ անցաւ ի

1. Exequatur.

2. Վիկտոր Էմանուէլ այս առթիւ ըսած է առ Քոնիստինո Ալեւա որ «իրեն ալ բարձրանալու տեղ չկար, բայց եթէ իշնալ»: Մասաթի Վարք Վիկտոր Էմանուէլի. Գլ. Գ. Գ:

Կապուլի: Իր ամբողջ կենաց մէջ ցրցուց մասնաւոր ըզգուշութիւն մը Հոովմ բնակելէ¹:

Յուլիս Չին կիրակի օր Վիկտոր Էմանուէլ կատարեց իր հանդիսաւոր մուտքը ի Հոովմ: Ժողովրդեան մեծամասնութիւնը եռանդուն ընդունելութիւն մը ըրաւ, մանաւանդ որ զաւառներէն դիմեր էին բիւրաւոր անձինք: Եղան տեղ տեղ շքեղ լուսաւորութիւնք: Սակայն այս հանդէսներուն մէջ պակաս գտնուեցաւ բարձր ազնուականութեան մեծ մասը, որ ուզեց հաւատարիմ մնալ առ Քահանայապետն ունեցած զգացման²: Վիկտոր Էմանուէլ փութով հեռացաւ Հոովմէն, ուր դարձաւ Կոյնմբեր 27ին հանդիսապէս բանալու ի Հոովմ առաջին Խօսարանը, Մոնտէչիորիօ պալատան մէջ: Թագաւորը այս առթիւ իմացուց նաեւ Մոն-Սընի լեռան տակէն բացուած գետնափոր ուղին, երկու ամիս առաջ, ընդ Բարդոնէքքիա և Մօտան որով կը միանային Գաղղիա և Իտալիա: Մայրաքաղաքին ի Հոովմ փոխադրուելով, հոն փոխադրուեցան նաեւ ամեն Պետութեանց ղեսպանք: Կաթոլիկ պետութիւնները և ոչ — կաթոլիկներէն ումանք պահեցին իրենց ղեսպանութիւնքը Ս. Փահուն քով: Այս

1. Հագի կը լինային խօսարանի նիստերը, Վիկտոր Էմանուէլ անմիջապէս կը թողոր Հոովմ և կը դառնար միայն Խօսարանին բացման:

Յունիս 16ին Պիոս Թի գահակալութեան 25դ տարին ըլլալով, բոլոր Եւրոպիոյ պետութիւնք առանձին ղեսպանութիւններ դրկած կին ի Հոովմ մաղթանքներով և նուէրներով: Վիկտոր Էմանուէլ դրկեց իր համահարգներէն Քէրտոյէ Վիալէ զօրավարը, յայտնելու Քահանայապետին իր մաղթանքները և խնդակցութիւնքը, և միանգամայն բռնու որ քաղաքական գծութիւնք չէին խափան ըլլար իր կրօնքին զԼիոյն դիմաց յարդանօք խոնարհելու: Կարտինալն Անտոնէլլի, պաշտօնեայ Արտաքին Գործօց ընդունեցաւ զօրավարը և իմացուց որ Քահանայապետը յոցնած ըլլալով, չէր կրնար գինքը ընդունիլ, բայց կը խնդրէր տանել իր շնորհակալութիւնքը առ Վիկտոր Էմանուէլ այս ազնիւ զգացմանը համար: Երկար ժամանակ կղերական լրագիրք զՎիկտոր Էմանուէլ կոչեցին «Թագաւոր Սափոյիոյ»:

2. Քահանայապետին համակրողաց խումրը երթալով ստորաբացաւ Հոովմայ քաղաքացուց մէկ: Հոովմայեցին մեծապէս կրօնասէր է և մեծ վշտով տեսաւ առ Քահանայապետն եղած նախատինքները անկրօն պապականներէն՝ իօսիւք, զրովք և նկարուք: Գարձեալ Պիոս Թի անձը շատ սիրելի էր ժողովրդեան. անհամար եղեր էին անոր մեծագործութիւնք, հանգիստ ապրուստ և մղումն տալով արհեստաւորաց: Քիչ Թագաւոր և կամ քահանայապետ ունեցած է Պիոս Թի ժողովրդականութիւնը:

պէս Պետութիւններէն ոմանք ունեցան երկու դեսպանք ի Հոռով, մին Գուրիինալի քով և միւսը Ս. Գահուն մօտ. յետինքս բնականաբար կը բանակցէին մասնաւորապէս իրենց Պետութեանց եկեղեցական խնդրոց նկատմամբ:

7. — Հոռովայ գրամանէն վերջը Ազատականք առ ժամս թողոցին Տրէստէի և Տրէնդոյի նկատմամբ ունեցած դիտումին զորոնք ոչ փրկեալ խտալիա կը կոչէին: Գիտէին որ անկարելի էր կոուել ներկայիս Աւստրիոյ հետ և իրենց ոյժերը դարձուցին խօսարանական պայքարաց և օրէնքներու վրայ, ջանալով անոնց ազատական ձեւ տալ: 1872էն կը սկսի յիտալիա խօսարանական կռիւ մը Չախակողմեանց և Արմատականներու ընդդէմ Աջակողմեանց, որոց ձեռքը եղեր էր միշտ վարչութեան երասանակը: Չախակողմեանք ամեն ջանք կ'ընէին տուրքերը նուազեցնել, մինչ Աջակողմեանք չէին ուզեր զայդ՝ Ելեւմտական հաւասարակշռութիւնը չստացած. և երբ խօսարանը քուէարկեց Տարանտոյի նաւարանին համար մեծագոյն գումար մը քան ինչ որ առաջարկեր էր Պաշտօնարանը, Լանցա հրաժարեցաւ: Վիկտոր Լամանուէլ սահմանադրական մեկնութեամբք, կրկին կոչեց զԼանցա պաշտօնարանը կազմելու: Քիչ օր վերջը ծագեցաւ նշանաւոր վիճարանութիւն մը խօսարանին մէջ. յետ կրօնաւորաց բարձման օրինաց, միաբանութիւն մը, իրր բարոյական էութիւն, չէր կարող ունենալ իր անուան կալուած մը: Արդ Ապահովատուութեան օրէնքը բացառութիւն մը կ'ընէր ընդհանուր արբայարանաց համար ի Հոռով: Ազատականք խօսարանին մէջ բողոքեցին այս «պօրինութեան» դէմ և Ռիքագոլիի միտքը և հոետոր լեզուն միայն կրցաւ բացատրել ազատականաց՝ այդ բացառութեան օրինական իմաստը ի Հոռով դէմ առ դէմ ազատ Վատիկանի և այսպէս ունենալ նպաստաւոր մեծամասնութիւն մը: Երոյն երեկոյ Վիկտոր Լամանուէլ գնաց Ռիքագոլիի տունը, անձամբ շնորհակալ ըլլալու իր մատուցած ծառայութեանը համար:

Սակայն 1873ի Յունիսին Ելեւմտական խնդրոյ մը վրայ Պաշտօնարանը չհամաձայնելով խօսարանին, տուաւ

Խօսարանական վարչութիւն 1872էն վերջը. — Մինչ կէտտի պաշտօնարան. — Մահ Մանտոնի քերթող-վիպասանին:

իր հրաժարականը և թագաւորը նոր վարչութիւնը կազմելու համար կանչեց զՄարկո Մինկէտտի, նշանաւոր ելեւմտագէտ և քաջ հոգեւոր: Թագաւորը խնդրեց որ Պաշտօնարանին մէջ մնան Վիսկոնտի Վենոստա՝ Արտաքին Գործոց և զօրավարն Ռիկոտտի՝ Պատերազմի: Երկուսն վախին զօրութեան պաշտօնեայ եղաւ ծովակալն Սէնտ Բոն :

Եր պաշտօնարանին կազմուելէն զրեթէ ամիս մը առաջ մեռեր էր ութսնամեայ Խտալիոյ մեծ բանաստեղծ և ամենէն նշանաւոր վիպասանը՝ Ալէսսանտրօ Մանձոնի, ծանօթ բոլոր աշխարհի իր Խօսեցեայրով և վսեմ քերթութիւններով, որոնք քղիտումն էին իր կրօնասէր ոգւոյն: Խտալիա մէկ ծայրէն միւս ծայրը յուզուեցաւ. իր հայրենիքը Միլան ամենաշքեղ թաղումն ըրաւ իրեն, որուն ներկայ եղան թագաւորին երկու որդիքը՝ և Էմիլիօ կարինեանոյ արեանառու իշխանը: Հոն էր բոլոր Խտալիոյ իմացական տարրը, ծերակուտի անդամք, երեսփոխանք, ատենակալք, իշխանք և ազնուականք: Այնքան սիրելի էր այդ վսեմ կրօնական և հայրենասէր միտքը:

8. — Հոովմ նոր Խտալիոյ մայրաքաղաք ըլլալէն վերջը ունեցաւ թագաւորական և իշխանական այցելութիւնք, որոնք ամենն ալ զրեթէ բողոքական կամ յունադաւան իշխանութիւններէ: Կաթոլիկ թագաւորք և իշխանք զգուշացան Հոովմ գալէ, բնական է Քահանայապետին վիշտ չպատճառելու համար: Իսկ ինքը Վիկտոր Լմանուէլ, ուզեց օգտուիլ Աւստրիոյ Փրանկիսկոս Յովսէփ կայսեր ըրած սիրալիր հրաւերքէն՝ Վեննայի 1873ի Յուլիանոսիայի այցելութեան՝ և Սեպտեմբեր 7ին հետը ունենալով զՄինկէտտի և զՎիսկոնտի Վենոստա պաշտօնեայները՝ հասաւ ի Վեննա: Կայսրը բոլոր արշիղքսերով կը սպասէր երկաթուղոյն կայարանը, և երբ

Վիկտոր Էմանուէլ ի Վեննա, Բէրլին. — Փոխադարձ այցելութիւնք կայսերաց:

1. Իշխան Ամէդէօ, արդէն հրաժարած ըլլալով Սպանիոյ թագէն, դարձեր էր յԽտալիա: Տես Սպանիոյ մասին մէջ Գլ. ԺԻ:

Փրանկիսկոս Յովսէփ ներկայացուց ի մէջ այլոց զԱբրէխտ արշիդուքսը, Կոնստոզայի յաղթողը, Վիկտոր Լամանուէլ կրկին և կրկին սեղմեց նորա ձեռքերը: Խտալիոյ թագաւորին եղած ընդունելութիւնը ընտանեկան կերպարանք մը եւս ունէր, քանի որ իր ամուսինը Ռէնինէրի արշիդքսին դուստրն էր. և ժողովուրդը և իշխանք մոռցան այն վարկենին անցեալ ցաւալի թշնամութեանց օրերը. և այն օրուրնէ յայտնի էր ապագայ կըռուելիք բարեկամական և դաշնակցական յարաբերութիւնքը: Վիկտոր Լամանուէլ հինգ օր մնաց ի Վեննա, անկէ անցաւ ի Բէռլին, ուր հաւասարապէս գտաւ սիրալիր և անկեղծ ընդունելութիւն մը Գուլիէլմոս կայսրէն և ժողովրդէն. ամենուն հաճելի էր իր անկեղծ և պարզ խօսակցութիւնը և առանց ձեւակերպութեանց վարմունքը¹:

Բէռլինէն անմիջապէս դարձաւ ի Հոովմ Նոյեմբեր 15ին, բանալու նոր օրէնսդրական նիստերը: Թագի ճառին մէջ յիշեց նոր բարեկամութեան կապերը թէ՛ Աւստրիոյ և թէ՛ Գիւրմանիոյ հետ, և խօսքը վերջացուց ըսելով որ «Պետութեան մը զօրութեան հիմունքն են լաւ Ելեւմուտքը. իտալացի ժողովուրդը երբեք զլացած չէ այդ նպատակին համար իրմէ խնդրուած զոհողութիւնքը»:

Եւ սակայն Միացեալ-Իտալիոյ ժողովրդոց տուրքերուն նկատմամբ տժգոհութիւնք բարձրագոչ կը լսուէին. իսկ Պաշտօնարանը կը համարէր որ չէր կարող ուրիշ կերպ գործել մինչեւ Ելեւմտից հաւասարակշռութիւնը

1. Պաշտօնական հացկերոյթի միջոց ցուցնելով առ Գուլիէլմոս զՄինուկէտի և զՎենուտա, ըսաւ «Թէ որ առ երկուքը չ'ըլլային քեզի դէմ պիտի պատերազմէի»: Յետոյ պատմեց Նապոլէոն Գի հետ ունեցած սերտ բարեկամութիւնը: Այս խօսքերը մեկնուեցան այն երից դաշնակցութեան համար, զոր կը բանակցէին կազմել 1869ի Աւստրիա, Փաղղիա և Իտալիա, և հաւանականօրէն ընդդէմ Պրուսիոյ որ Սաղովայով մեծ դիրք մը առած էր: Վերջին ժամանակներս (1906) այս զաղտ դաշնակցութեան նկատմամբ այլ և այլ զրութիւնք հրատարակուեցան ծանօթ քաղաքագէտներէ, յորս և Էմիլ Օլիվիէ պաշտօնեայ Նապոլէոն Գի: Իտալացի հինաւուրց քաղաքագէտք, յորս և Վիսկոնտի Վենուտա և Նիգրա, յայտարարեցին որ այդ դաշինքը նաև չէին ընդդէմ Բրուսիոյ:

ստանալու կէտը : Մինկէտտի իր պաշտօնը ստանձնած ժամանակ զայդ դրած էր իրեն նպատակ, և կրցաւ հասնիլ իր նպատակին :

Գարձեալ Մինկէտտի պաշտօնարանին արդիւնք համարուեցաւ յիտալիա երկուց կայսերաց այցելութիւնը յամին 1875 : Ազգին մեծամասնութիւնը և վարչութիւնը կը փափագէր որ այդ այցելութիւնք ըլլային ի Հոովմ. սակայն երկու կայսերք ալ, և մանաւանդ Փրանկիսկոս Յովսէփ, չէր կրնար այդ վիշտը պատճառել Պիոս Թի : Այսու հանդերձ Աւստրիոյ կայսրը ուզելով յայտնել իր բարեկամութեան անկեղծութիւնը առ իտալիա, որոշեց վիկտոր Էմանուէլի հանդիպել ի Վենետիկ, որ դեռ քիչ առաջ իր կալուածն էր¹ : Ապրիլ 5ին Աւստրիոյ կայսրը եկաւ ի Վենետիկ, և ժողովուրդը իրեն ազնուական և սիրալիր ընդունելութիւն մը ըրաւ : Չկար տուն մը, հասարակաց շէնք մը, կրպակ մը, նաւակ մը որ չկրէր իտալական և աւստրիական դրօշը միաբան : Ս. Մարկոսի հրապարակը երեք օր թնդաց կեցցէներով՝ խառն աւստրիական և իտալական պաշտօնական երգերով, և մոռցուեցան 1848ի պաշարման ահաւոր օրերը : Զարմանալի զուգադիպութիւն. տասնուհինգ օր առաջ Վենետիկոյ հրապարակի մը մէջ մեծ հանդիսով կանգնուելը էր Վենետիկոյ 1848ի Հասարակապետութեան գլխոյն, Մանինի արձանը, որ Աւստրիոյ դէմ կռուելու ժամանակ ըսած էր թէ «Պիտի գայ օր, որ իտալիա ազգ ձեւանալով, Աւստրիոյ բարեկամը պիտի ըլլայ» :

Իսկ Գուլիէլմոս Ա կայսրը Հոկտեմբեր 18ին եկաւ ի Միլան, ուր նոյնպէս թագաւոր և ժողովուրդը եռանդուն ընդունելութիւն մը ըրին արդէն բարեկամ կայսեր, որոնք փոխադարձաբար ծառայութիւններ մատուցեցին էին մէկմէկու, մին 1866ին, միւսը 1870ին : Քաղաքագէտը ար-

1. Վիկտոր Էմանուէլ ըսած է «Որ ես կարող չէի այդքան բարձր սոսքիութիւն մը ունենալ» : Կր խիթար միանգամայն որ Վենետիկոյ ժողովուրդը, անցելոյն մէջ Աւստրիոյ կրածներուն համար, ցուրտ ընդունելութիւն մը ընէ, մինչ հակառակը պատահեցաւ :

դէն սկսան գուշակել Երից Դաշնակցութեան մը կազմուիլը յապագային:

Ձախակողմեան
պաշտօնա-
րանք. — Դէ-
պրէտիս:

9. — Խտալիոյ խորհրդարանական պատմութեան մէջ ամենէն նշանաւոր թուականներէն մին է 1876 Մարտ 18ը, յորում նորընտիր երեսփոխանք զիրենք ընտրողաց փափագներուն թարգման, ուզեցին վերջ մը տալ խնայութեանց տարիներուն: Մինկէտտի Մարտ 18ին գումարման մէջ ծանուցանելով խօսարանին որ վերջապէս ըղձացեալ ելեմտական հաւասարակշռութիւնը ձեռք բերեր էր, աւելցուց որ Պաշտօնարանը կ'առաջարկէր օրէնք մը երկաթուղիներուն գնմանը. և այս առաջարկին վրայ վստահութեան քուէ պահանջեց: Խօսարանը նոր զոհողութեանց և խնայութեանց երկիւղ մը զգաց այս գնման մէջ և հակառակ քուէ տուաւ: Պաշտօնարանն անմիջապէս հրաժարեցաւ, յետ չորս տարի պաշտօնավարութեան:

Քուէարկութիւնը վարչական մեծ կարեւորութիւն մը ունէր, որովհետեւ որոշ ձախակողմեան կուսակցութիւններն էին որ միարանած կը յաղթէին Աջակողմեան կուսակցութեան՝ որ կը կառավարէր զԽտալիա տասնութեց տարիներէ ի վեր, Խտալիոյ թագաւորութեան կազմուած օրէն. որով և բնականապէս բոլորովին նոր կուսակցութեան մը ձեռք պիտի անցնէր ազգային նաւուն ղեկը: Վիկտոր Լեմանուէլ որչափ որ անձնական զգացումով, ցաւելով կը բաժնուէր իր աջակողմեան բարեկամներէն, որոնց հետ ձեւացուցեր էր զՆոր Խտալիա, այսու հանդերձ, իբր կատարեալ սահմանադրական թագաւոր, պաշտօնարանը կազմելու կոչեց զԱզոստինօ Դէպրէտիս, որուն հետեւողք բազմաթիւ էին յաղթող կուսակցութեան մէջ: Դէպրէտիս, նշանաւոր փաստաբան, այս միջոցիս 65 տարուան էր, և 1850էն ի վեր խորհրդարանի երեսփոխան, նախ ի Պիէմոնտ, միշտ ընդդիմակացից կողմը բազմելով: Կապուր 1861ին զինքը փոխան—ղիկատտորի անուանեց ի Սիկիլիա. և 1862ի և 1866ի մտած էր Ռատացցի և Ռիկազոլի պաշտօնարաններուն մէջ: Ռատացցիի մահուանէն վերջը նոր կազմակերպուած Ձախակող-

մեանց զլուխ եղած էր: Դէպրէտիս իր կազմած պաշտօնարանին մէջ առաւ Ելեւմտից պաշտօնը, Ներքին Գործոց պաշտօնեայ եղաւ պարոն Նիկոտէրա, Արտաքին Գործոց՝ Մէլէկարի, Հասարակաց Աշխատութեանց՝ Իրանարդէլի՝ մեծանուն օրէնագէտը, Արդարութեան՝ Մանչինի, Հանրային կրթութեան՝ Կոպպինօ, Պատերազմի՝ զօրավարն Մէծծակապօ, Կրկրագործութեան՝ Մայորանա Գալատարիանօ և Իրովային զօրութեան՝ նշանաւոր նաւական ճարտարապետն Բէնէդէտտօ Բրին: Տարի ու կէս վերջը պաշտօնարանական փոփոխութեամբք, Դէպրէտիս ստանձնեց Արտաքին Գործոց պաշտօնարանը, տուաւ Մանչինիի Ելեւմուտքը, յորում շատ նշանաւոր եղաւ՝ և Ներքին Գործոց պաշտօնեայ անուանեց զսիկիլիացին Ֆրանչէսքօ Կրիսպի, ծանօթ գարիբալդեանը և ազատականը: Չախակողմեանը իշխանութեան հասնելուն, սկսան ուսումնասիրել այն ամեն տուրքերուն բարձումը, որոց համար շատ տարի կուտեր էին: Առաջին վերուցած տուրքերնին եղաւ Չաղացքի տուրքը: Ազատ նաւահանգիստներ առաջարկուեցան. եկեղեցիէ դուրս թափօրք և կրօնական ցոյցեր արգիլուեցան կամ բարձրագոյն հաւանութեան ենթարկուեցան. նոր տուրքեր աւելցան շաքարի և կամ շոպյութիան համարուած նիւթոց վրայ, որոնք անհրաժեշտ կարեւոր չէին աղքատ դասուն: Իւ սակայն ձախակողմեան վարչութիւնը փոխանակ բարձրացնելու դրամական վարկը, խախտեց նոյն իսկ Մինկէտտիի առաջ բերած հաւասարակշռութիւնը և ժողովուրդը դեռ ընդերկար շարունակեց հեծել տուրքերու ներքեւ, նախադաս համարելով սակայն ձախակողմեանքը, որոնք մերձաւոր փրկութեան յոյսեր կուտային:

10. — Նոյեմբրի վերջերը Վիկտոր Էմանուէլ դարձաւ ի Հռոմ խօսարանին բացման համար: Մայրաքաղաքը հասնելուն, իմացեր էր Պիոս Թի տկար ըլլալը և անմիջապէս իր մտերիմներէն մէկը վատիկան ղրկեր էր հարցնելու Քահանայապետին որպիսութիւնը և յայտնելու « իր մաղթանքները և յարգանքները Եկեղեցւոյ զլխուն »: Քիչ վերջը Յունուար 4ին լսելով Ալֆոնսօ

Մահ վիկտոր
Էմանուէլի:

Լամորմարա զօրավարին մահը, շատ ցաւ զգաց, յիշելով որքան իրեն ձեռնտու եղեր էր իտալական խնդրոյն մէջ: Դոյն երեկոյ զգաց՝ կարմրացաւ՝ ջերման նախնական նշանները, որ ի սկզբան այնքան ծանր չկարծուեցաւ: Յունուար Չին մինչ ինքը բնաւ վտանգ մը չէր կասկածեր, իւր Բրունօ բժիշկը իրեն իմացուց հիւանդութեան յառաջելը, որուն դիմաց այլ եւս չէր կարելի առնուլ: Վիկտոր Էմանուէլ լսեց անվրդով և անմիջապէս խնդրեց խոստովանիլ և հաղորդուիլ. որ փութով շնորհուեցաւ իրեն մասնաւոր հրամանով մը Պիոս Թի: Վիկտոր Էմանուէլ յետ ջերմեռանդութեամբ ընդունելու Ս. Խորհուրդները, կանչեց իր քովը զաւակները, որոնք կ'արտասուէին, տուաւ իրենց հրաժեշտի ողջոյնները և կէսօրէն վերջը սաստկանալով ջերմը, վախճանեցաւ համակերպեալ արութեամբ²:

Սակաւատեւ հիւանդութեան և մահուան լուրը յուզեց բովանդակ իտալիա, և ընդհանուր էր ժողովրդեան ցաւը, որուն նման քիչ թագաւորի համար եղած է: Վիկտոր Էմանուէլ իր ընտանեկան կենաց³ ամենամեծ

1. Miliari.

2. Վիկտոր Էմանուէլ կրօնական մեծ զգացումն և վախ ունէր. առաջին հիւանդութեան ժամանակ մինչեւ լուր զրկեց առ Ս. Քահանայապետը, որ թէ իրեն արժակմանը համար կարելոր է հրաժարիլ թագաւորութենէ, ինքը պատրաստ էր: Չայս լսած եմ անձէ եւս, որ կարող էր գիտնալ:

3. Վիկտոր Էմանուէլ ամուսնացած էր Մարիա Ալզելայէ աւստրիացի արշիդքսուհոյն հետ, ամենաընտիր և սրբակենցաղ իշխանուհի մը, որ մեռաւ 32 տարեկան, տալով հինգ զաւակներ, երեքը արու՝ Ումբէրտօ, Ամէդէօ և Ոթոն և երկու զստերք Ալոդիլտէ, ուրիշ սրբակենցաղ իշխանուհի մը որ հարսնութեան զնաց Նապոլէոն իշխանին, և Մարիա Պիա՝ թագուհի Պորտուկալի: Ոթոն տկար մարմնով և կուզ, մեռած է պատարագ հասակի մէջ: Նա չէր կարող քալելու և փոքր թեթեւ անուաւոր օթեակով կը պտտացնէին պարտէզին մէջ. և իր երկու եղբայրք բնաւ չթողուցին որ իրենցմէ զուրս ուրիշ մը կատարէ այդ պաշտօնը: Արքայորդիք ժամը հնգին պէտք էին ելլել յանկողնոց և նախ պէտք էին պատարագ լսել:

Վիկտոր Էմանուէլ քաղաքացի աղջկանէ մը, զոր ապա անուանեց կոմ. սուհի Միրաֆիորէ, զաւակներ ունեցեր էր և զոր ապա եկեղեցական գաղտ ամուսնութեամբ առաւ: Իր մահուրնէն վերջը իւր յաղորդը արժանաւայելի հարստութիւն մը տուաւ այդ զաւակաց, պայմանաւ որ հաստատուն բնակութիւն չունենան ի Հոգով:

թերութեամբքն հանդերձ, մեծապէս սիրելի եղած էր ժողովրդեան, որ աչք զոցած էր իր անձնական կենաց վրայ: Իր արտաքին բիրտ կեղեւին ներքեւ ունէր ըզգայուն սիրտ մը և արդարադատ միտք մը. իսկ զինուորական ոգևոլը և քաջութեամբ կրնար համեմատուիլ միայն հին պատմական քաջ իշխողաց, որոնք հայրենեաց ծառայութեան մէջ կեանքը ոչինչ կը համարէին և իրենց ներկայութիւնը կ'ոգեւորէր բանակը: Իրեն մեծ արդիւնքն եղաւ նաեւ գիտնալ գնահատելը իր պաշտօնայն կազմուր. նա մանաւանդ նախադասել քան զինքը անոր անձնաւորութիւնը իտալիոյ քաղաքականութեան գործոց մէջ: Առանց կազմուրի վիկտոր Էմանուէլ չէր կարող հասնել այդ բարձրութեան և առանց Գարիբալդի չէր կարող ունենալ Հարաւային գաւառները:

Վիկտոր Էմանուէլի թաղման կը գտնուէին իտալիոյ ամեն քաղաքաց նուիրակութիւնք: Հոգեւոր իշխանութիւնը հրաման տուաւ որ թաղուի Ազրիպպասի շինած Պանթէոնի մէջ, որ եկեղեցի վերածուած էր և որ եղաւ գերեզմանատուն իտալացի թագաւորաց: Իտալիոյ մէջ չմնաց քաղաք, աւան կամ գիւղ որ իր յիշատակին չնուիրէ մահարձան մը, կիսարձան մը, ծառուղի մը ճամբայ մը:

11. — Վիկտոր Էմանուէլի մեռած օրը իւր անդրաձնիկ որդին Ումբէրտօ թագաւոր հռչակուեցաւ իտալիոյ: Նոր թագաւորին կուստոգայի պատերազմին մէջ ցըցուցած արութիւնը, հեզահամոյր բնաւորութիւնը, արդէն զինքը սիրելի ըրած էին Ազգին: Իսկ երբ 1871ի վերջը իւր հայրը Վիկտոր Էմանուէլ, ի բնէ ատեցող արքայական պերճութեանց, պալատական ձեւակերպութեանց և ընդունելութեանց, ուզեց որ իշխանն Ումբէրտօ և իշխանուհին Մարգարիտա՝ լատին կանացի հանճարոյն և շնորհաց ամենէն ազնուական և բարձր արտայայտութիւններէն մին, բնակին ի Հռովմ, Քուիրինալի պալատը, այն օրուրնէ երիտասարդ իշխանին և մանաւանդ իշխանուհւոյն սրահները լեցուեցան իտալիոյ և Եւրոպիոյ ամենէն նշանաւոր քաղաքագէտք, խառն նշանաւոր քերթողներու, մատենագիրներու, լեզուագէտներու և ար-

Ումբէրտօ Ա.
Թագաւոր Իտալիոյ:

հետագէտներու հետ, զորս իշխանուհին և ապա թագուհին կը խրախուսէր նաեւ նիւթականապէս: Եւ մինչ ֆուրիւրինալի պալատը, ըստ եկեղեցական օրինաց, արգելման ներքեւ էր, Մարգարիտայի անկեղծ և եռանդուն բարեպաշտութիւնը, Սալոյիոյ Տանը իշխանուհեաց շատերուն շքեղագոյն զարդը, կրցաւ ֆահանայապետէն քահանայ ունենալու շնորհն ստանալ:

Ումբէրտօ իր առաջին հրատարակութեան մէջ առ Ազգն, կը խոստանար հետեւելու իւր «հօրը մեծ օրինակաց», և հայրենեացը ծառայելու, ազատ սահմանադրութեամբք «որ պարծանք մ'էր իր Ազգատոհմին»: Նոյն խոստմունք և երդմունք եղան խօսարանաց առջեւ: Նոր թագաւորը հաստատեց նախկին պաշտօնաբանը: Խալիոյ ամէն կողմ եռանդագին ուրախութիւնք եղան նոր թագաւորութեան համար, և ազգը մեծապէս յուզուեցաւ, երբ Նոյեմբերի մէջ Ումբէրտօ՝ Նապոլիի այցելած ժամանակ, իւր առաջին պաշտօնէին՝ կայրոլիի հետ, Պասանանտէ անուամբ գործաւոր մը թագաւորին կառաց վրայ ելաւ դաշոյնով մը, սպաննելու զանիկայ. և թագաւորը միայն իր անվեհեր ուժովը կրցաւ խափանել և հարուածել դաւաճանը, ստանալով միայն թեթեւ վէրք մը: Խալիոյ ամեն կողմ, գոհարանական աղօթքներ կատարուեցան թագաւորին վտանգէն ազատելուն վրայ¹:

Մահ Պիոս Թի:

12. — Ումբէրտոյի զահը բարձրանալուն Հոովմայ մէջ, բողոքեց Պիոս Թ քահանայապետը իր Ատենադպիր կարդինալ Սիմէոնիի հրատարակութեամբ մը, և այս բողոքը մեծանուն ֆահանայապետին քաղաքական վերջին գործն եղած է: Քիչ եօթնեակ վերջը, Փետրուար 7, Պիոս Թ իբրեւ հրագ մը կը շիջանէր ութսունևութամեայ հասակին մէջ:

1. Պասանանտէ՝ որ թերամիտ մէկն էր, մահուան դատապարտուեցաւ. սակայն Ումբէրտօ պատիժը մշտնջենաւոր բանախ փոխեց և այն ուզեց որ ըստ դիւրատար:

Պիոս Թ 1870-ի Սեպտեմբեր 20-էն վերջը ապրեցաւ իրրեւ բանտեալ մը ի Վատիկան, զբաղելով միայն հոգեւոր իշխանութեամբ, որ հակառակ անկրօն և հակակաթոլիկ կարծիքներու, ժամանակաւոր իշխանութեան կորուստովն իսկ մնաց նոյնպէս իր գերագոյն զօրութեան և ազգեցութեան մէջ: Թագաւորը և իշխանը առիթ փնտռեցին յայտնելու առ Պիոս Թ իրենց մեծ յարգանքը, խնդրելով միշտ վայելելու անոր հայրութիւնը և համակրութիւնը: Իր կենացը պարագայից զանազան յորելեանք, տօնախմբութիւնք էին բոլոր աշխարհի կաթոլիկներու, քրիստոնեաներու և ոչ քրիստոնեաներու: Հռովմայեցին գերագոյն կերպով ուզեց որ իր մայրաքաղաքը չկորսնցնէ եկեղեցական և քահանայապետական քաղքի կնիքը¹: Պիոս Թ-ի մեծագործութիւնը, որոնք անթիւ են Հռովմայ մէջ, զինքը պաշտելի ըրին նաեւ գեղարուեստ սիրող դասուն և աշխատաւորին: «Պարզ և բարեսէր, նուրբ և զուարթամիտ, գերագոյն աստիճանի ազնուական յամենայնի իր ամեն մէկ գործ, սրելի կնիք մը կը կրէ²», կ'ըսէ ազատական գրիչ մը, և իր նախասնեկաց մէջ հաւասար կաթոլիկներու կը վխտային բողոքականք ամեն դասերէ, տեսնելու Պիոս Թ-ի պատմական մեծ անձնաւորութիւնը, որ քահանայապետական ամենաբարձր աստիճանի հետ, միացուցած էր աշխարհի կրթութեան ամենաբարձր և ամենանորը զգացումները³:

1. Վիկտոր Էմանուէլ շատ անգամ ըսած է «Հռովմայ մէջ կարծես աւելի ես բանտեալ մ'եմ, քան Պապը»:

2. Անդրէ Դանիէլ. Ամ 1878 Յունուար, կը յաւելու «Նոյն իսկ իր նեղանալներն, օժուճ մը ունէին»:

3. Գրանթ է որ Պիոս Թ. երբեմն կոմս Մասզայի Ֆէրրէտտի եղած ժամանակ, փայլուն զինուորական մ'էր և ասպետ. և զինուորականք մեծ հաճութեամբ մը կը յիշէին իր կենաց այդ պարագայն: Իտալացուց Հռովմայ տիրելէն վերջը, որ մը Վատիկանու բարձրաստիճան սպաներէն ոմանք ծիծաղելով մը կը խօսէին ցած ձայնով Սալոյիոյ Տան իշխանուհեաց վրայ: Պիոս Թ որ կը գտնուէր մօտ պատուհան մը՝ դարձաւ և լուրջ շեշտով մը ըսաւ «Պարոն սպայք, մենք երբ սպայ էինք, չէինք կրնար մեզի ներելի համարել, այդպէս խօսիլ Տիկնանց վրայ»: Այս դէպքը հաստատած է ինձ անձ մը որ գիտէր:

Ընտրութիւն
Լեւոն ԺԳԻ.

13. — Պիոս Թ Սնտոնէլլի կարդինալին մահուընէն վերջը կանչեր էր ի վատիկան հռովմէական Եկեղեցւոյ կարդինալաց գահէրէցի պաշտօնով՝ զկարդինալն Յովակիմ Պէչչի, Արքեպիսկոպոս Պէրուճիոյ, որ իր երեսնամեայ հովուութեան պաշտօնին մէջ, ամենամեծ յատկութիւններ ցըցուցած էր: Կարդինալն Պէչչի Պիոս Թի մահուամբ յիրաւանց Եկեղեցւոյ վարչութեան զլուս կ'անցնէր մինչեւ ցընտրութիւն նոր քահանայապետին:

Եւ որովհետեւ առաջին անգամն էր որ քահանայապետ մը պիտի ընտրուէր ի Հռովմ, յետ ժամանակաւոր իշխանութեան յափշտակուելուն. շատերը կը համարէին որ կարդինալը փակ ժողովքը՝ պիտի ընեն Հռովմէն դուրս, և պետութիւններէն ոմանք յորս Գաղղիա և Գերմանիա կ'առաջարկէին կարդինալաց պատրաստական ասպնջականութիւն մը յԱվինիօն կամ ի Ֆլուրա:

Եւ սակայն փակ ժողովքը կատարուեցաւ ի Հռովմ, առանց որ և է շփոթի մը կամ նեղութեան: Խտալիոյ վարչութիւնը ամեն գաղտ միջոց ձեռք առած էր որ գարիբալդեանք և ֆրամսոնք խռովութիւնն չյարուցանեն: Վատիկան պաշարուած դիրք մը առած էր, ուր ամենադժուարին էր մերձենալը: Երեք կարդինալը աւելի մատնանիշ կ'ըլլուէին իրրեւ ընտրելիք՝ կարդինալն Պէչչի, կարդինալըն Ֆրանքի և Բիլիօ: Յետինքս խնդրեցին իրենց ընտրողը որ ձայներնին տան կարդինալ Պէչչիի. այսպէս փութով ընտրուեցաւ նա Փետրուար 20ին, և առաջին անգամ իր օրհնութիւնը տուաւ 80,000 ժողովրդեան Ս. Պետրոսի եկեղեցւոյ մէջ նայող պատուհանէն, փոխան տալու հրապարակի վրայ պատուհանէն, ինչպէս եղած էր մինչեւ այն ատեն. և կարդինալն Պէչչի առաւ Լեւոն ԺԳ անունը:

1. Camerlengo. բռն կը նշանակէ Գանձապետ:
2. Conclave.

կարդինալն Պէշչի, կոմս Յովակիմ, ծնեալ էր ի կարրինէսո. և եկեղեցական շատ մը պաշտամանց մէջ մեծապէս փայլեր էր, մանաւանդ ի Բէլճիա դեսպանութեամբ, ուր ցըցուցեր էր բարձր քաղաքագէտ միտք մը և պատրաստեր էր կաթողիկ կուսակցութեան յաղթութիւնը: Պէրուճիայի երեսուն և երկու արքեպիսկոպոսութեան ժամանակ գիտցեր էր հովուութեան պաշտօնը միացնել կարդինալութեան պարտուց հետ Պէրուճիայի գաւառը սրբեր էր աւագակներէ և եղաւ ժամանակ մը որ բանտերը պարապ մնացեր էին: Իր անունը ժողովրդականութիւն մը ստացեր էր որով և հայրենասէր ազատամիտք երբէք չէին կրցած մեղադրել զինքը: «Առաքինի քահանայ մը, բարձր ազնուական մը, հեզահոգի, իմաստուն եկեղեցականաց մէջ. արթուն, հմուտ, ներկայ կենաց պարագայից փորձ. ճարտար քաղաքագէտ բայց հաւտացող Պապութեան իրաւանց: Ոչ խաւարամիտ յետամնաց. ո՛չ: Ոչ հակառակող մարդկային գիտութեանց, մանաւանդ նպաստող անոնց յառաջադիմութեան. միայն թէ մնան կաթողիկ վարդապետութեան վահանին ներքեւ. վստահ այդ երկուքին դաշնաւորութեանը և ամենէն աւելի պատերազմող դրական, նիւթական և անաստուած իմաստասիրութեան դէմ¹»: Ահա Լեւոն ժՊի նկարագիր մը՝ զոր կ'ընէր ազատամիտ գրիչ մը, և նոյնը առաւելեօքը ցըցուց իր քահանայապետութեան ժամանակ:

1. Պրոֆ. կորսի Իտալիա էջ 310: Աւելին գրած է Իտալացի մեծ իմաստասէրն Քոնզի, ընտրութենէն երեք տարի առաջ. առանձին գրուածքի մէջ կոչուած Քոնզիավէ: Լեւոն ժՊ. էր միանգամայն հմուտ մատենագէտ և մատենագիր և լատին դասական քերթող մը:

Գ Լ ՈՒ Խ Ժ Բ.

Ի ՍՊԱՆՏԻԱ ԱՄԷԻԿԷՅՍ ԱՆՏԻ ՀԱՍԱՐԱԿԱՊԵՏՈՒԹԻՒՆ

1. Իշխանն Ամէղէօ Սափոյիոյ, կ'ընտրուի թագաւոր Սպանիոյ.
- 2. Ամէղէօ ի Սպանիա. Սպանուին Պրիմ մարջախտին. —
3. Խորհրդարանի բացումն. — Կասողէլար. — Մորիլլա պաշտօնարան.
- 4. Մալկամպօ պաշտօնարան. — Խորհրդարանը ընդդէմ Հաերազգային Ընկերութեան. — 5. Սագասդա պաշտօնարան. — 6. Դոն Կարլոս' Դուքս Մադրիդի և Կարլոսեան կոնիները. — 7. Անկուին Սագասդա պաշտօնարանին. — Արրանօ-Մորիլլա պաշտօնարան. — 8. Դա: ընդդէմ Ամէղէոյի. Այցելութիւն գաւառաց.
- 9. Ամէղէօ կը հրաժարի Սպանիոյ զահէն:

Իշխանն Ամէղէօ Սափոյիոյ, կ'ընտրուի թագաւոր Սպանիոյ:

1. — Սպանիոյ զահը, որուն պատճառաւ ծագեցաւ գաղղիա—գերման պատերազմը և վերիվար եղաւ Եւրոպիոյ աշխարհավարական հաւասարակշռութիւնը, Հոհէն ձուլէրն իշխանին հրաժարելէն իսկ վերջը, անմիջապէս չունեցաւ իր թագաւորը, իր խաղաղութիւնը: Մադրիդի վարչութիւնը տակաւին երկչոտ ակնածութեամբ մը ի Գաղղիոյ, կը դիտէր պատերազմին պատահարըը, մինչև Սէղանի պարտութիւնը և մինչև Սեպտեմբեր 4. և երբ ապահովցաւ որ Պարիսէն չկար իրեն հրամայող մը կամ սպառնացող մը, այն ատեն կրկին սկսաւ բանակցութիւնըը վիճակոր Լամանուէլի հետ, որպէս զի Սպանիոյ թագաւոր շնորհէ իր երկրորդ որդին՝ Ամէղէօ իշխանը, դուքս Աուդայի: Մինչ առաջին անգամ թագաւորը մերժած էր, այս անգամ հաւանեցաւ և համոզեց իւր որդին: Մադրիդի վարչութիւնը փութով պաշտօնապէս

իմացուց նաեւ օտար Պետութեանց, որոնցմէ արգելք չգտաւ և մարաջախտն Պրիմ՝ Նոյեմբեր 3ի, զիշխանն Ամէդէօ Սավոյիոյ, թիկնածու առաջարկեց Սպանիոյ թագին:

Նոյեմբեր 16ի Ամէդէօ իշխանին թիկնածութեան առաջարկը վիճուեցաւ խորհրդարանին մէջ, որուն նախագահ էր Գոն Մանուէլ Ռուից Կորիլլա: Հակառակորդը հանդիսացան նախ հասարակապետականք, յետոյ Մոնպանսիէ դքսին կողմնակիցը, որոց յոյսը կ'ոչնչանար. կարլոսեանք՝ որոնք օրինաւոր թագաւոր կը ճանչնային միայն զԳոն կարլոս բուրբոնեան. և անոնք եւս որոնք չէին ուզեր Սպանիոյ գահուն վրայ տեսնել Հոովմայ տիրողին՝ վիկտոր Էմանուէլի, որդին: Երեսփոխանք էին 344 թուով և սահմանուած էր ընտրութեան թիւն 173 քուէ: Բետ երկար վիճաբանութեանց քուէարկութեան զալով, Ամէդէօ իշխանը ստացաւ 191 քուէ և Կորիլլա նախագահը հանդիսապէս հրատարակեց զիշխանն Ամէդէօ Սավոյիոյ, Գուքս Աօսդայի՝ բազառոր Սպանիոյ: Հասարակապետականք և կարլոսեանք միաբան ունեցեր էին 60 քուէ և Մոնպանսիէի դուքսը, որդի Լուի Ֆիլիպի՝ Գաղղիոյ թագաւորին, խնամացեալ Սպանիոյ արքունական տան, 27 քուէ:

Մարաջախտն Պրիմ փութով Գարչիա կարրէրա հազարապետը նուիրակ զրկեց ի Ֆիրէնցէ, որպէս զի առնու վիկտոր Էմանուէլի և ընտրելոյն հաւանութիւնքը: Ապա Նոյեմբեր 24ի Պետութեան մարտանաւով մեկնեցաւ կարթագինէէն ի Ճենովա և Ֆիրէնցէ, Խորհրդարանին նախագահը Կորիլլա՝ հետը ունենալով երկու խորհրդարանեւրէն բազմաթիւ երեսփոխանք:

Նուիրակութիւնը Գեկտեմբեր 3ին հասաւ ի Ֆիրէնցէ և երկրորդ օրը հանդիսապէս ընդունուեցաւ Պրտտիի պալատան մէջ թագաւորէն, թագաւորագուն իշխաններէն և Խորհրդարանաց ներկայացուցիչներէն: Խօսեցաւ նախ Ռուից Կորիլլա, յայտնելով Սպանիոյ Ազգին իղձը. և թագաւորը պատասխանեց որ իր որդին «Աստուածային նախախնամութեան օգնութեամբ և սպանիացի ազնուա-

կան ազգին վստահութեամբ պիտի կարենար կատարել իր պարտքը ի պայծառութիւն և ի մեծութիւն Սպանիոյ» :

Յետոյ յուզեալ ձայնիւ Ամէդէօ իշխանը յայտնեց իր ընդունիլը. թուղթերը ստորագրեցին թագաւորը, իշխանքն Ումբէրտօ և Եւճէնիօ և պետական բարձր պաշտօնեայք, և իբր վարչական նօտար վաւերացուց գրութիւնքը Վիսկոնդի Վենոստա. և իշխանն Ամէդէօ հոչակուեցաւ թագաւոր Սպանիոյ :

Այս հրատարակման դէմ բողոքեց նախ՝ իզարէլլա թագուհին, նաեւ յանուն իւր Ալֆոնսոս որդւոյն, որուն ի նպաստ արդէն հրաժարեր էր զահէն: Բողոքեց նաեւ Դոն Կարլոս Բուրբոնեան, թագապահանջ օրինաւորական կողման: Սակայն այս բողոքները առ ժամս կարելորութիւն մը չունեցան: Աւելի լուրջ էր Սպանիական ազնուականութեան բողոքը ընդդէմ «Ստար թագաւորի մը». և կը յորդորէր զազնուականս «բնաւ» չներկայանալու յարքունիս :

2. — Իշխանն Ամէդէօ հրաժարելով իւր հօրմէ և արքունիքէն Դեկտեմբեր 25ի երեկոյ մեկնեցաւ դէպ ի Սպէցիա, հետը ունենալով զզօրավարն Չիալդինի, իրբու արտասովոր զեսպան Խտալիոյ: Հասաւ 26ին ի Սպէցիա, ուր կը սպասէր սպանիական մարտանաւը և հոն յետ արքայական ընդունելութեան, մեկնեցաւ դէպ ի կարթագինէ առանց թագուհւոյն:

Թագաւորին մեկնելու երկրորդ օրը, երեկոյեան երբ մարաջախտն Պրիմ խորհրդարանէն կը դառնար իւր տունը, ոչ հեռի պալատէն, փողոցէ մը դուրս ելած եօթը անձինք զինեալք, որոնք մօտենալով մարաջախտին կառաց, վրան ատրճանակի հարուածներ պարպեցին և փախան: Պրիմ՝ որուն հարուածուեր էր ուսը և ձախ ձեռքը, դեռ ինքնին կրցաւ իր տանը սանդուխքը ելլել օգնութեամբ: Ի սկզբան կարծուեցաւ որ անդամահատութեամբ ազատի և յիրաւի կտրուեցան մատուրները. սակայն ներքին արեան կնճիռք յառաջ գալով, չկրցաւ ապրիլ և մեռաւ 28 Դեկտեմբերի, թագաւորին կարթագինէ հասնելէն քիչ առաջ: Պրիմի մահուան վրայ ան-

Ամէդէօ Ա. ի
Սպանիա
1870.

Սպանուհի
Պրիմ մարա-
ջախտին:

միջապէս պաշտօնէից խորհուրդը հաւաքուեցաւ ընդ նախագահութեամբ Աէրրանօ թագապահին և պաշտօնարանին գլուխ ընտրուեցաւ Տոպէտէ ծովակալը, և արտաքին Գործոց պաշտօնեայ Դ'Ալալա:

Ամէդէօ թագաւորը հասաւ Ի Մադրիդ Յունուար 2ի միջօրէէն վերջը, և խօսարանը չգացած, ինչպէս որոշուած էր, նախ գնաց Ատոկայ Տիրամօր եկեղեցին, ուր դրուած էր նաեւ Պրիմի մարմինը. յետոյ երթալով Ի խորհրդարան երդուընցաւ Սահմանադրութեան վրայ: Եւ որովհետեւ պաշտօնարանը, ըստ օրինաց, հրաժարեւ էր, թագաւորը յետ խորհրդակցելու նշանաւոր պետերու հետ, պաշտօնարանի կազմութիւնը յանձնեց Աէրրանօ մարաշխատին՝ դուքս Տորրէի որ ստանձնեց Պատերազմի պաշտօնէութիւնը. Մարտոս եղաւ պաշտօնեայ Արտաքին Գործոց, Խորիլլա Հանրային կրթութեան, Ուլլօա՝ Արդարութեան, Սագասդա՝ Ներքին Գործոց, Մորէր՝ Ելեւմտից, Ղ'Ալալա՝ Գաղթականութեանց, Իէրանօէ՝ Խովային Զօրութեան: Նոր պաշտօնեայք երդուընցան Յունուար 4ին. և առաջին գործերնին եղաւ նամակնին առ Սրբազան Պապն Հռովմայ, զոր ստորագրեց թագաւորը, յորում կ'իմացնէր իւր Սպանիոյ գահը ելլելը և կը խնդրէր անոր օրհնութիւնը: Երանոյց թագաւորն Ամէդէօ նաեւ օտար Պետութեանց իր գահը բազմելը և ամեն Պետութիւնք ճանչցան և սկսան յարաբերութիւնք:

Ի Սպանիա բանակին երդման ժամանակ՝ քանի մը զօրավարք, հասարակապետականք, կարլոսեանք և Մոնպանսիէ իշխանին կողմնակիցք, երդումն չտալով, հրաժարեցան պաշտօնէն:

Մարտ 17ին հասաւ Ի Սպանիա նաեւ Մարիա Վիկտորիա թագուհին և Ամէդէօ ընդ առաջ գնաց մինչեւ յԱլիկանտէ: Թողովուրդը եռանդուն ընդունելութիւն ըրաւ թագուհւոյն և աննկարագրելի էր ուրախութիւնը, երբ թագաւորը և թագուհին՝ որ գիրկը ունէր զվսմանուէյ Ֆիլիբերթօ իշխանը, (յետոյ Դուքս Աօսդայի) պատշգամբը ներկայացաւ: Ալիկանտէն ուղեւորեցան մայրաքաղաքը ընկերակցութեամբ Աէրրանօ մարաշխատին և բոլոր պաշ-

տօնէից: Մաղբիղ մտան Մարտ 19ին անհամար ժողովրդեան կեցցէներուն մէջէն: Բայց զիտուեցաւ որ սպանիական բարձր ազնուականութեան տիկնանց մաս մը կը պակսէր. և այդ ցրտութիւնն էր որ օրէ օր աճեցաւ « առ օտարը », ինչպէս կոչուեցաւ արքունական ընտանիքը:

Խորհրդարանի
բացումը:
1871

3. — Թագաւորին գալստեամբ լուծուեր էր խորհրդարանը, և նոր ընտրութիւնք եղբեր էին Մարտ 18ին, յորում վարչութիւնը կրցեր էր շահիլ 230 ձայն, 50 կարլոսեանք, 45 հասարակապետականք 15 չափաւորականք և 13 մոնպանսէեանք: Երբակուտին մէջ վարչականաց մեծամասնութիւնը աւելի զգալի էր: Սակայն երեսփոխանական ընտրութեանց արդիւնքը կը յայտնէին գաւառաց ոմանց արքունեաց հակառակ զգացումը, զոր գործով և յուզմամբ ալ ցըցուցին ընտրութեանց ժամանակ. և վարչութիւնը բռնադատուեցաւ բանակը գործածել յԱրակոնա ի Սարակոսսա, յԵրիտա և Անդալուսիա գաւառին մէջ խռովութեանց դէմն առնլու համար: Վարչութեան ի սկզբան ցըցուցած ուժով գործունէութիւնը առ ժամա լոեցուց ընդդիմակացիները:

Կաստէլար:

Խորհրդարանը բացաւ Ամէդէօ Թագաւորը Ապրիլ 3ին, Թագի ճառին մէջ յիշելով Հռովմայ Քահանայապետին հետ յարաբերութեանց հաստատուիլը, յուսացնելով որ փութով պիտի խաղաղէր կուրա, պիտի կարգադրուէր Ելեւմուտքը, սահմանադրութիւնը ճիշդ պիտի պահուէր և Սպանիա պէտք էր վստահիլ Թագաւորին, Թագուհւոյն և իր որդւոց վրայ: Այս խօսից գրեաթէ պատասխան մ'էր Ապրիլ 20ի նիստին, հասարակապետականաց զլիտյն՝ կաստէլարի բողոքը, որ « Սահմանադրութեան մէջ խոտաացուած ընդհանուր քուէարկութիւնը ստութիւն մ'էր ». և գոչեց « Քանի մը ճարտարամտք, որոց ձեռքն էր բանակը, զԱզգը բռնադատեցին ընդունել զԱմէդէօ Սավոյիոյ ». յիշեց ապա Մաքսիմիլիանոսի ձեռնարկը և վախճանը ի Մեքսիքոյ: Ի զուր խորհրդարանին նախագահը կը գոչէր և կը կրկնէր որ Թագաւորին անձին վրայ խօսիլ չէր ըլլար: Ապրիլ 22ին նիս-

տին կաստէլար կ'առաջարկէր յայտնապէս Ամէդէօ Թագաւորին « սահմանադրականապէս զահընկէցութիւնը. և կը վիճէր նախագահին հետ որ իր այս առաջարկը օրինաւոր էր Սահմանադրութեան համեմատ »: Քիչ օր վերջը Պիոս Թ պապին յորեվինին առթիւ կաթոլիկ երեսփոխանք և մանաւանդ կարլոսեանք ուզեցին խօսարանի կողմանէ ուղերձ մը ղրկել ի Հոովմ առ Քահանայապետ: Ազատականք հակառակը պնդեցին և նոյն իսկ պաշտօնարանի անձանց մէջ գծտութիւն ծագեցաւ և երեսփոխանաց յուզմունքը տարածուեցաւ խօսարանէն դուրս ալ և շատ մը խումբեր պտրտեցան Մադրիդի փողոցները « մահ կարլոսեանց » գոչելով: Պաշտօնարանը կորնցուց իր համաձայնութիւնը նաեւ ելեւմտական խնդրոյ մը մէջ. որով Ալէրանօ բոնադատուեցաւ պաշտօնարանի հրաժարականը ներկայացնել թագաւորին: Թագաւորը կրկին Ալէրանոյի յանձնեց կազմելու պաշտօնարան մը. և երբ չյաջողեցաւ այն ատեն յանձնեց Ծորիլլայի որ գտաւ իրեն պաշտօնակից՝ զգօրավարն Կորտովա՝ Պատերազմի, միանգամայն առժամանակեայ պաշտօնեայ Արտաքին Գործոց, Ինքնժէ՝ Ծովային գօրութեան, Ելեւմտից՝ Ռուսից Կոմէց, Մոնղէրօ Ռիոս՝ Արդարութեան, Մանդրածօ՝ Հանրային Աշխատութեանց:

Ծորիլլա
պաշտօնարան:

Յուլիս 25ին նոր պաշտօնարանը ներկայացաւ Խորհրդարանաց արմատական ծրագրով մը, « հիմնեալ ազատութեան և կարգապահութեան վրայ, հաստատուն պահելով 1868ի յեղափոխութեան ձեռք բերած իրաւունքները. պիտի հսկէր Ելեւմտից, և որպէս զի կարենայ Պետութեան ահաւոր պարտքին առջեւն առնուլ », որ ամեն տարի գրեթէ 40 միլիոն կ'աւելնար յաջորդաբար. պաշտօնարանը իբր ղարման մը, կը սկսէր պաշտօնը 150 միլիոն պէզէդասի՝ փոխառութեամբ մը: Պաշտօնարանը այսպէս կրցաւ դիմանալ քանի մը ամիս մինչեւ Խորհրդարանի նախագահին ընտրութիւնը, յորում

1. Մէկ պէզադասը կ'արժէ մէկ ֆրանք:
Սահմանակից Պատմ. հտտ. Գ.

վարչութեան թիկնածուն էր արմատականաց զլուխը Ռիվէրօ և չափաւորական ընդդիմակացիցը՝ Սազասդա: Երբիլլա և Սազասդա ժամանակաւ միարան զինուորած էին չափաւոր — յառաջադիմական կուսակցութեան մէջ. և լուրջ սահմանադրականք լաւ չէին տեսներ նոցա զթտիլը. որով ամեն ջանք ըրին միապետական սահմանադրականք համաձայնութեան մը համար ընդդէմ ծայրայեղ կուսակցութեանց. դիմուեցաւ առ Լապարդէրօ, դիմուեցաւ մինչեւ թագաւորին միջնորդութեան, որ խրդճամիտ սահմանադրականութեամբ, չուզեց մտնել կուսակցութեանց խնդրոյն մէջ: Նախագահի քուէտարկութեան օրը՝ Սազասդա տասն քուէ աւելի ունենալով քան պաշտօնական թիկնածուն Ռիվէրա, Երբիլլա պաշտօնարանը հրաժարեցաւ. բայց և յուզեց ամբոխէն մաս մը՝ որ քանի մը օր փողոցներուն մէջ գոչելով պահանջեց թագաւորէն Երբիլլայի և արմատականաց վերահաստատութիւնը:

Մալկամպօ
պաշտօնարան:

4. — Այսպիսի պարագայի մը մէջ, յորում քուէն յայտնի չէր խօսած ծրագրի մը վրայ, դժուարին էր թագաւորին խորհրդարանական պաշտօնարան մը կազմել, որով և կանչեց զՄալկամպօ ծովակալը նոր վարչութիւն մը ձեւացնելու համար, յորում մտան Ֆրանչէսկօ դէ Պաօլա Կանդալ՝ Ներքին Գործոց, Յովակիմ Բանոլ՝ Պատերազմի, Յակոբ Ակուլօ՝ Ելեւմտից, Տէլէսֆօրօ Մոնտէցօ ի Ռորլէտօ՝ Հանրային կրթութեան, Վաստակոց՝ Աթանաս Պէրէզ, Կանտալպպիէտտա Արտաքին Գործոց. Կաղթականութեանց Բալակսէր, Եղուարդ Ալոնդօ Կոլմէնարէս՝ Արդարութեան և Կրօնից, իսկ Երվային զօրութիւնը առաւ նոյն ինքը նախագահը: Այս անունները մեծաւ մասամբ քաղաքագիտական գոյնի մը և ծրագրի չէին պատկաներ, որով նախագահը Մալկամպօ ծանոյց խորհրդարանին, որ սահմանադրականապէս պարտքն էր շարունակել Երբիլլայի ծրագրերը:

Պաշտօնարանի փոփոխութենէն ըիջ առաջ ի Սպանիա եկած էր Խտալիոյ թագաժառանգը՝ Ումբէրտօ իշխանը, իր թագաւոր եղբորը այցելութեան: Այս առթիւ շքեղ հանդէսներ կատարուեցան: Ումբէրտօ իշխանին

մեկնելէն վերջը Ամէդէօ Թագաւորը այցելութեան ելաւ այլեւայլ գաւառներու, մերթ եռանդագին և մերթ ցուրտ ընդունելութիւն գտնելով մանաւանդ ուր բազմաթիւ էին կարլոսեանք և կամ հասարակապետականք¹ :

Հագիւ Պաշտօնարանը կազմուեցաւ, անդէն թէ՛ չափաւորականք և թէ՛ արմատականք սկսան ջանալ զայն տապալելու համար: Հոկտեմբեր 16ի նիստին մէջ երեսփոխանն Եօվէ ի Հէվիա հարցուց պաշտօնարանին թէ ինչ կարծիք ունէր պաշտօնարանը նկատմամբ Հանրագոյին ընկերութեան², որ սկսեք էր տարածուիլ Սպանիոյ գաւառաց մէջ, «ուրանալով հայրենիք, կրօնք, ընտանիք և սեպհականութեան իրաւունք» . և գլխաւորքը ի Սպանիա շարունակ թղթով հազորդակցութեան մէջ էին կարլ Մարքսի, Բաքունինի և Լիբնէխտի հետ. և արդէն այդ կարծիքները լրագիրներ ալ ունէին: Եօվէ ի Հէվիայի պատասխանին մէջ, զոր տուաւ Ներքին Գործոց պաշտօնեայն կանդաւ, արդար գտաւ եղած դիտողութիւնքը և ծանոյց որ 1869ի Սահմանադրութեան համեմատ կարելի էր խափանել Հանրագոյին ընկերութեանը, իրբեւ հակառակ հասարակաց բարուց. տեղեկացուց որ երեք հարիւրէն աւելի այդ վարդապետութեան, օտար բարոգիչք կը շրջէին Սպանիոյ մէջ, «խաբելու սպանիացի ժողովուրդը», և լմնցուց խօսքը յայտարարելով որ վարչութիւնը այդ ընկերութիւնը՝ հակառակ կը դատի օրինաց, որով և ենթարկելի եղեռնական օրինաց: Պաշտօնէին պայծառ և սնկեղծ յայտարարութիւնը զայրացուց խորհրդարանին անկրօն փոքրամասնութիւն մը: Երկրորդ օրը Ֆէրնանդօ կարրիդօ երեսփոխանը նախատանօք ընդդէմ կրօնից և սեպհական հայրենեաց գաղա-

Խորհրդարանը ընդդէմ Հանրագոյին ընկերութեան:

1. Կը պատմեն այն օրերուն լրագիրք որ ի կատարէլուն ղէ Լա Պլանա, Քլեմա Երեսփոխանը իր տանը պատուհանէն տախտակ մը կախած էր այսպէս. «Պարօք սպանիական 36 միլիար ոճալ, վճարուելիք շահ մկ միլիար և 200 միլիոն ոճալ, Թագաւորական տարեկան ոոճիկ 20 միլիոն ոճալ»: Ամէդէօ իսկ տեսաւ այս տախտակը, և զինուորք յետ կոնաներու հագիւ կրցան տախտակը վերցնել պատուհանէն,

2. Internationale.

փարի, ուզեց պաշտպանել զՄարքս և զՀանրագրայինը, որուն դէմ խօսեցաւ Տօն Ռամոն Նոչէտալ կարլոսեան նշանաւոր երեսփոխանը, մեղադրելով նաեւ զՀէվիա և զկանդաւ որ այդ օրինակ նիւթ մը խորհրդարանի առջեւ հանելու արժանի գտեր էին, որովհետեւ «մարդասպաններուն համար, ըսաւ, օրէնքը կը գործադրուի և չվիճուիր»: Վէճերը նոյն կրակով տեւեցին մինչեւ Նոյեմբեր 11, յորում 191 քուէով ընդդէմ 38 քուէից, ընդունուեցաւ օրակարգ մը վստահութեան առ Պաշտօնարանը՝ նկատմամբ իր յայտարարութեան և զգուշութեան ընդդէմ Հանրագրային (նկերութեան): Քուէարկութիւնը ըլլալով բարոյական և ընկերական խնդրոյ մը վրայ, ի նպաստ պաշտօնարանին քուէարկեցին նաեւ 53 կարլոսեանք, 18 ալֆոնսեանք և 18 մոնպանսէեանք, և Դոն Կարլոս այս վէճերուն առթիւ զրեց իր գոհութիւնը առ կարլոսեան երեսփոխանս (Ռոկաս և Նոչէտալ, իրենց զօրաւոր ճառախօսութեանց համար, աւելցնելով որ Սպանիոյ կրօնական և ընկերական փրկութիւնը իրմով էր միայն՝ օրինաւոր յաջորդ Իզաբէլլա կաթոլիկի և կարոլոս Եի:

Սազասդա
պաշտօնարան:

5. — Քիչ օր վերջը կաթոլիկ երեսփոխաններէն մաս մը, «յանուն ազատութեան» պահանջեց թէ արանց թէ կանանց կրօնաւորական ընկերութեանց կազմութեան լիովին ազատութիւն: Երեսփոխանն Կրուց Օքոս, յանուն իւր կողմնակցաց պաշտպանեց առաջարկը մեծ ճարտասանութեամբ, որուն հակառակ կեցան ազատականք. որովհետեւ այսպէս կը համարէին բացուած Սպանիա Յիսուսեանց համար, որոնք հանուած էին 1837ի: Պաշտօնարանը չուզեց վէճի նիւթ ընել այս առաջարկը, սակայն խորհրդարանը 170 քուէիւք ընդդէմ 127 քուէից որոշեց անմիջապէս վիճել: Այն ատեն Պաշտօնարանին նախագահը Մակլամպօ, որ կանխապէս թագաւորին հետ խորհրդակցած էր, կարգաց խորհրդարանի նիստերուն ընդհատման հրովարտակը և երեսփոխանք ցրուեցան: Պաշտօնարանը եւս ներկայացուց իր հրաժարականը առ թագաւորը որ չ'ընդունեցաւ և հրաւիրեց պաշտօնեայքը վարելու ընթացիկ գործերը մինչեւ կարելի ըլլայ մեծա-

մասնութիւն մը ձեւանալով, կազմել պաշտօնարան մը խօսարանական հիմանց վրայ: Էլ սակայն Մալկամպօ կրկին Գեկտեմբեր 19ի ներկայացուց հրաժարականը զոր ընդունեցաւ թագաւորը և կոչեց զՍագաստա կազմելու նոր պաշտօնարանը, և սա հրաւիրեց զԾորիլլա ընտրելու պաշտօնարաններէն զոմանս: Բայց Ծորիլլա հրաժարեցաւ պատասխանելով «Կամ ամբողջը կամ ոչ մին»: որով Սագաստա կազմեց վարչութիւնը իր կողմնակիցներէն. առ նելով իրեն Արտաքին Գործոց պաշտօնարանը. տալով Մալկամպոյի՝ Մովլային զօրութիւնը, Կանդաւի՝ Հասարակաց Աշխատութիւնը, Տոպէտէի՝ Գաղթականութիւնը, Կրուագարի՝ Արդարութիւն, Ելեւմուտը Անգուլոյի և Պատերազմը Գամինտէի:

Սագաստա Յունուար 7ի շրջաբերականով մը առ գաւառապետս և քաղաքապետս խստիւ արգիլից Հանրագայիկ Բնկերութիւնը պատուիրելով ընդհակառակն նըպաստել բարոյական ընկերութեանց: Սակայն Խորհրդարանի նախագահի ընտրութեան մէջ իր թիկնածուն Հէրրէրա չստանալով մեծամասնութիւն մը, ընդդիմակացը պաշտօնարանին անկումը պահանջեցին: Թագաւորը յետ խորհրդակցելու նշանաւոր քաղաքագիտաց հետ, լուծեց խորհրդարանը և նոր ընտրութիւնը սահմանեց Ապրիլ 2ի: Մեծ աղմուկ և բողոք ծնան խորհրդարանին մէջ, մինչեւ ոմանք կը գոչէին ելլել փողոցներու մէջ պատնէշներով պաշտպանել սահմանադրական իրաւունքները: Աբարցուզա երեսփոխանը գոչեց որ «թագաւորը բաժնուեցաւ խորհրդարանէն, և այսօր կ'ինկնայ ի Սպանիա Սովոյիոյ ցեղը»:

Այս թշնամի բացատրութիւնը միայն խորհրդարանի մէջ չէին. հասարակապետականք և կարլուսեանք ամեն կողմ կը յուզուէին. և ի Բարչէլլոնա հարկ եղբը էր բանակը գործածելու խռովութեան տիրելու համար: Սագաստա հրաժարեցաւ պաշտօնարանին նախագահութենէն, խորհուրդ տալով թագաւորին, աւելի ընդարձակ հիմանց վրայ կազմել պաշտօնարան մը, ծայրայեղ կուսակցութիւնքը փոքրկացնելու համար: Թա-

գաւորը նոյն ինքն Սագասդայի յանձնեց այդ պաշտօնա-
րանին կազմութիւնը, յորում մտաւ դարձեալ Մալկամպօ՝
Մովսէսի զօրութեան, Գէրլաս՝ Արտաքին Գործոց, Գա-
մաքօ՝ Լեւեմտից, զօրավարն Ռէյ՝ Պատերազմի. Ռոմէրօ
Ռորլէրօ՝ Հասարակաց Աշխատութեանց, Մարտին Հէր-
րէրօ՝ Գաղթականութեանց, Կոլմէնարէս՝ Արդարութեան,
Սագաստա ստանձնեց Կերբին Գործոց պաշտօնարանը:

Ազատական ընդդիմակայք իրենց յոյսը նոր ընտրու-
թեանց վրայ դրեր էին, նոցա գաղափարը առ ժամս ոչ
այնչափ տապալել էր Ամէդէոյի գահը, որուն վեհանձն
վարքը, ազնուական և հաւատարիմ խօսքը, պատկառանք
մը կ'ազդէին ամենուն, ինչպէս թագունւոյն բարեգոր-
ծութիւնքը պարզ, ամփոփ և մայրական կեանքը, սա-
կայն հակառակ էին Սագասդա պաշտօնարանին, զոր
հակառակ կ'ամրաստանէին 1868ի յեղափոխութեամբ
ստացուած ազատութեանց: Ազատական ընդդիմակայք
կեդրոնական յանձնաժողով մը կազմեցին, որուն գլուխ
եղաւ նոյն ինքն Մանուէլ Ռուից Մորիլլա, որ գաւա-
ռաց մէջ պիտի կռուէր վարչութեան կողմնակից երես-
փոխանաց ընտրուելուն: Սակայն Սագասդա իր հռչա-
կեալ ճարտարամտութեամբ կրցաւ իրեն յաջող ընտրու-
թիւնը ունենալ և նոր խորհրդարանը կ'ունենար 245
վարչական երեսփոխանք, 35 հասարակապետականք,
9 ալփոնսեանք, 16 ազատ կարծիքներ, 35 կարլոսեանք:

6. — Կոր ընտրութեանց մէջ վարչութեան շա-
հելուն վրայ յուզեցան կարլոսեանք, որոնք կ'ամրաստա-
նէին զպաշտօնարանը իբր ընտրական շատ մը բռնու-
թիւնք գործադրած ըլլալուն: Դոն Կարլոս՝ Դուքս Մա-
տրիտի, արգիլեց իր հաւատարիմ երեսփոխանաց Կար-
տեսի նիստերուն գտնուելու և նամակաւ մը առ Դոն
Կանդիդօ Նոչէտալ, նախագահ Կարլոսեան կեդրոնակա-
նելու իր դատը. որովհետեւ «Յեղափոխութենէ ծնած
վարչութիւնը փակեց օրինաւորութեան դռները, Մադրի-
դի դքսին և իր հաւատարիմներուն կը մնայ միայն զի-
նուց ճամբան: Դուքսն Մադրիդի չի գար երկար քաղաքա-

Դոն Կարլոս
Դուքս Մադրի-
դի և կարլո-
սեան կոիւնե-
րը:

կան պատերազմ մը բորբոքելու, այլ համառօտ կոռուով մը ազատել հայրենիք և ցուցընել ընկերութեան փրկաւէտ ճամբան... Մադրիդի դուքսը բոլոր աշխարհի առջեւ կը խնդրէ հրամանատար ըլլալու կաթոլիկ բանակի մը յառաջապահին, որ բանակ է Աստուծոյ, Գահուն, Սեպհականութեան և Բնտանեաց... և կը կոչէ իր ազգակիցքը շրջապատելու այս դրօշը, որուն վրայ կը փայլին՝ Աստուած, հայրենիք, քաղաւոր»։ Դոն Կարլոսի այս յայտարարութիւնը, իր ազդեցութիւնը ունեցաւ. և ապրտամբութիւնը սկսան հավարայի և Բասքերու գաւառաց մէջ։ Սպանիա ամբողջ անհանդարտ վիճակ մը առած էր։

Այսպիսի յուզմանց մէջ բացուեցաւ խորհրդարանը Ապրիլ 24ին։ Թագաւորը յետ սովորական բանաձեւին, աւելցուցեր էր որ՝ ոմանք «օրինաւոր քուէարկութեան մէջ, որ է ազգին ձայնը, յաղթուելով, կը դիմեն զինուց, և զասոնք պիտի պատժէր անողոք կերպով»։ Վերջացուց խօսքը յայտնելով իր մեծ վստահութիւնը բանակին վրայ։ Կարլոսեանց նոր հրամանատարը, զօրավարն Դիագո դէ Ռադա, երբեմն զօրավար Իզաբէլլա Թագուհոյն, հրատարակեց ամեն կողմ որ «Մեր Օգոստաւփառ Թագաւորը և Տէրը (Կարլոս Է), ինձ կը գրէ որ հնչեց գերագոյն ժամը։ Սպանիացի սիրտ ունեցողք կը կոչեն իրենց Թագաւորը. և Թագաւորը պատրաստ է անոնց ձայնին, ուրեմն Սպանիոյ ամեն կողմ ոտք ելլեն ամսուա 21ին գոչելով «Անկցի օտարը, կեցցէ Սպանիա»։ Ամեն կողմ կարլոսեան ջոկատներ ձեւացան 800 կամ աւելի անձինքներէ, որոց թիւը հասաւ մինչև 20,000ի և ասոնք բռնեցին լերանց կիրճերը. և Դոն Կարլոս գաղղիական Պիրենեան լերանց մէջ պահըտուած կը խրախուսէր գաղտ իր հաւատարիմքը. և իր եղբայրը Դոն Ալֆոնսոս կ'ուղեւորէր մտնել ի Սպանիա և անցնիլ բանակներուն գլուխը։

Վարչութիւնը փութով զՍէրրանօ մարաջախտը զրկեց 20,000) զօրքով որ եկաւ պաշարելու Լադէլլայի մօտ Կարլոսեան դէ Ռատա զօրավարը։ Յետինս առաջին բաղխումներուն, ըմբռնեց որ չէր կարելի դիմանալ մա-

բաջախտին կանոնաւոր գունդերուն առջեւ, անցաւ Գաղղիոյ սահմանքը և խումբերը ջրուեցան: Դոն կարլոս այս ձախորդ լրոյն վրայ՝ ինքնին, հեծեալներու վաշտով մը անցաւ սահմանագլուխը և մտաւ Նաւարա և Մալխա Յին հասաւ ի վէրա. սակայն ինքը եւս պաշարուելու երկրիդէ մը կրկին թողուց հայրենիքը և անցաւ սահմանքը, թողով վարչութեան բանակին ձեռք 40 մեռեալը և վիրաւորք: Սպանիոյ վարչութիւնը իր դեսպանին ձեռքով ի Պարիս պահանջեց Գաղղիոյ վարչութեանէն թագապահանջին արտաքսումը և արգելք կարլոսեանց: Նոյնը պահանջեց նաեւ Զուիցցերիի դաշնակցութենէն, ուր կը բնակէր Դոն կարլոսի ամուսինը դքսուհին Մարգարիտա, որ հանուեցաւ Զուիցցերիէ՝ Դոն կարլոս քաշուեցաւ առ ժամս յիտալիա, բայց իր հաւատարիմը շարունակեցին հիւսիսային Սպանիոյ մէջ բանակին դէմ գուպարածներ. և կատալոնիոյ մէջ կարլոսեանց գլուխ անցաւ աներկիւղ զօրավարն Ռ. Տրիստանի, կոմս Ալիւնոյի որ հրաւիրեց զժողովուրդը Աստուած, հայրենիք, բազաւոր, զրօշակին շուրջը, «զոր պարգած է Ս. Փերտինանտոսի և Ռէկարեդոսի արժանաւոր ժառանգը և որուն օգոստափառ Դոն Ալֆոնսոս եղբայրը կու գայ կանգնելու ձեր գաւառաց մէջ»: Տրիստանի ձայնը հաւաքեց բազմութիւն մը, մանաւանդ որ եկեղեցականք գրեթէ առհասարակ Դոն կարլոսի կողմն էին. և ընդ հուպ ժողուեցան բազմաթիւ խումբեր, որոց դէմ կը պատրաստուէր նոր գունդեր զրկելու մարաջախտն Սէրրանսօ, երբ կանչուեցաւ ի Մադրիդ պաշտօնարանական նոր տագնապի մը համար:

Հասարակապետականք եւս ի զէն կոչեցին իրենց կողմնակիցքը հրատարակութեամբ մը «կոուելու և մեռնելու Հասարակապետութեան զրօշակի ներքեւ»: Այս հրատարակութիւնը ստորագրած էին Ուղիլ, Յաննիս ժողովոյ մը անդամք՝ Պի ի Մարգալ, Լամիլիօ կաստէլար,

Պէրէզ դէ Կուաման և այլք: Սակայն Կարլոսեանց յուզումն էր որ աւելի տազնապ կու տար վարչութեան. որուն վրայ աւելցաւ նաեւ պաշտօնարանի անկումը:

7. — Մայիսի մէջ Ելիւստից պաշտօնեայն Գամարո՝ պարզեր էր ծերակուտին առջեւ 1872, 1873ի Ելիւմբուտից կշիւր, որով կը յայտնուէր 114 միլիոն պէզէտայից նուազում մը, որ այդ ընթացքով մինչեւ երկրորդ տարւոյն Յունիսը, պիտի հասնէր 538 միլիոնից. և կ'առաջարկէր նոր յաւելումներ երկաթուղոյ գիներուն և ներքին պարտուց արժէթղթերուն վրայ: Խորհրդարանը տազնապեցաւ և ապա գաղտ գումարի՝ գործածութեան նկատմամբ ծանր ամբաստանութիւնք եղան Սագասդայի դէմ, որ հաւատացեր էր շատ մը դաւերու, որոց մէջ կը գտնուէին մինչեւ Կասդէլարի և Մորիլլայի անուանք: Խորհրդարանին մէջ բուռն բանակոխք կը գուշակուէին, երբ Սագաստա ծանոյց որ խարուեր էր անանուն նամակներու հաւատք ընծայելով և պաշտօնարանը արդէն հրաժարականը տուեր էր թագաւորին և նա ընդուներ էր: Խորհրդարանը ցրուեցաւ լռութեամբ, և այս անգամ եւս Ամէդէօ յետ խորհրդակցելու կողմնակցութեանց պետերու հետ, հեռագրաւ Մադրիդ կոչեց զՍէրրանօ՝ պաշտօնարան կազմելու և մարաջախտը յանձնեց իր մտերիմ Տոպետէ ծովակալին, մինչեւ որ դառնայ նախագահելու: Մայիս 26ի պաշտօնական լրագիրը կը ծանուցանէր պաշտօնարանին ձեւանալը գրեաթէ նոյն տարիներէ, և Սէրրանօ մարաջախտը յետ դաշինք մը դնելու կարլոսեան զլուխներէն ոմանց հետ՝ յԱմօրօ Վիլետա, բանակը թողլով զԷրակուէ զօրավարը, դարձաւ ի Մադրիդ և առաջարկեց թագաւորին դիկտատորութիւն մը և սահմանադրական իրաւանց առ ժամս դադարուցն:

Անկումն Սագաստա պաշտօնարանին:

Սէրրանօ:

1. Ամեն վարչութիւն ունի գաղտ գումար մը. որուն գործածութեան պաշտօնարանը մանրամասն հաշիւ չի տար խորհրդարանի:

2. Ըստ այս Գաշանց, Կարլոսեան զլուխք զէնքերնին վար պիտի դնէին առ ժամս: Կարլոսեան խումբերէն ոմանք սպանեցին դաշինք ստորագրող պետերէն մէկ քանին, իբրեւ մատնիչներ:

Ամէղէօ թագաւորը չ'ընդունեցաւ Ալէրանոյի առաջարկը, որ հրաժարեցաւ. և թագաւորը կանչեց պաշտօնաւորան կազմելու Արմատականաց պետը՝ զՌուից Նորիւլա, որ Յուլիս 17ին ներկայացաւ խորհրդարանին իր պաշտօնակիցներով, Մարտոս՝ Արտաքին Գործոց, զօրավարն Կորտուլա՝ Պատերազմի. Մոնղէրօ Ռիոս՝ Արդարութեան, Ռուից Կոմէց՝ Ելեւստից. Բէրանժէ՝ ծովային զօրութեան: Նորիւլա պահեց իրեն Ներքին Գործոց պաշտօնէութիւնը: Յետոյ լուծեց խորհրդարանը նոր ընտրութեանց կոչելով (գոստոս 24ին):

Ընտրութիւններէն առաջ թագաւորը այց ելաւ Ատլանդականի եզերաց գաւառներուն և ամեն կողմն եռանդնալից ընդունելութիւն գտաւ ժողովրդէն: Գաղղիոյ Հասարակապետութեան նախագահը Պ. Թիէր, մասնաւոր նուիրակութիւն մը դրկեց ողջունելու զթագաւորը որ փութով դարձաւ ի Մագրիդ, որովհետեւ սկսեք էին ընտրութիւնը: Դոն Կարլոս իր հաւատարմաց արգիւլեր էր մասնակցելու ընտրութեանց, բայց Ամէղէօյի դէմ կը յառնէր ուրիշ թագապահանջ մը եւս: Մոնպանսիէ իշխանը նամակով մը կը հր սժարէր Սպանիոյ թագին իրաւունքէն և խաղաղութեան միակ ճամբան կը ցուցնէր Ալֆոնսօսի, Իզաբէլլայի որդւոյն, թագաւորութիւնը: Այս հրաւերը մեծ ընդունելութիւն գտեք էր բարձր ատենակալաց և զօրավարաց կողմէն: Այսու հանդերձ խորհրդարանին մեծամասնութիւնը արմատականք կը կազմէին, որոնք 230 էին թուով:

8. — Ընտրութիւններէն անմիջապէս վերջը պաշտօնարանը փափագեցաւ որ թագաւորը այց ելլէ նաեւ հարաւային գաւառաց. նախ Սանտանդէրի բաղնիքները երթայ և ապա պտըտի Բիսքայա, Արակոնա և Կատալոնիա գաւառները: Մեկնելէն երկու օր առաջ Յուլիս 18ին, մինչ թագաւորը և թագուհին գիշերանց կը դառնային շրջագայութենէ մը, Արէնալ փողոցը հասնելով, քանի մը զինեալ անձինք յարձակելով կառքին վրայ ատրճանակի հարուածներ պարպեցին: Ստիկանութիւնը դաւի մը կասկածէ, թագաւորին անցնելու փողոցները զի-

Մորիլա պաշտօնարան:

Դաւ ընդդէմ թագաւորին:

նակիրը դրած էր. սորա արթնութեամբ դիմեցին աւազակաց վրայ, հարուածները շեղեցան և դաւաճանք բռնուեցան¹: Դաւին լուրը տարածուեցաւ մայրաքաղաքին մէջ, բոլոր ժողովուրդը ոտք կանգնեցաւ և խանդավառ ցուցմունքներ և լուսաւորութիւնք եղան առ թագաւորն և թագուհին: Ամեն աշխարհէ խնդակցութեան հեռագիրներ հասան և գոհարանական աղօթքներ կատարուեցան եկեղեցեաց մէջ:

Երկրորդ առաւօտ Ամէդէօ թագաւորը հետիոտն ելաւ պալատէն միայնակ իր սովորական շրջանն ընելու և սահմանեալ օրը մեկնեցաւ ի Սանդանտէր և գաւառաց այցելութեան, ամեն կողմ խնդագին ընդունելութեանց մէջ զգալով որ իբր օտար մը կը նկատուէր ժողովրդեան մեծամասնութենէն:

Այցելութիւն
գաւառացի

Սեպտեմբեր 12ի բացաւ խորհրդարանը, յիշելով արտաքին պետութեանց հետ լարեկամական յարաբերութիւնքը, Ս. Գահուն հետ բանակցութիւնքը, կարլոսեանց ընկճուիլը, կուբայի ապստամբութիւնը՝ որուն համար հոգ պիտի տարուէր, կշեմտից նկատմամբ ըլլուելիք բարեկարգութիւնք և յառաջադիմական օրէնքներ: Պաշտօնարանը այս ծրագրին վրայ ունեցաւ նաեւ յաջողութիւն նախագահի և դիւանի ընտրութեանց մէջ և փութով կրցաւ նուաճել հասարակապետականաց ապստամբութիւն մը Ֆէրրօլի նաւարանին մէջ: Սակայն այդ առթիւ կատարուած մէկ քանի խստութիւնք կամ անզբոթութիւնք զրգոնցին Մադրիդի ամբոխը և մայրաքաղաքին զինուորագրեալը կոտորեցին քուէի սափորները և ապրստամբեցան: Մադրիդի փողոցները քանի մը օր սարսափի դրութեան մէջ էին. ապստամբք տիրեցին զօրաւոր կէտերու և տեսնելով հեռուանց Մորիլլայի կառքը, վրան հրացան ուղղեցին: Ինքը մէջը չէր, բայց մեռեալ գլուխեցաւ իր երիտասարդ կառապանը: Այնքան խռովու-

1. Գատը երկար տեւեց, լնացաւ երբ Ամէդէօ մեկնած էր ի Սպանիոյ: Դաւաճանք կը պատկանէին Հանրագոյնի Ընկերոջեան:

Թիւնը սաստկացաւ մինչեւ պաշտօնարանին հակառակ զօրավարը՝ Սէրբանօ, Տոպետէ, Չէրվինօ, Լուպէց Գոմինկուէց՝ Պատերազմի պաշտօնարանը դիմեցին իրենց անձնանուէր ծառայութիւնը մատուցանելու։ Պաշտօնարանը խոհեմութեամբ առանց արիւնհանգեցութեան բանակին ձեռքով կրցաւ խաղաղել մայրաքաղաքը։

Ամէղէօ կը
հրաժարի
Սպանիոյ գա-
հէն։

Գ. — Այս ամեն պատահարը տխուր ազդեցութիւն մը կ'ընէին Ամէղէօյի վրայ։ 1873ի Յունուար 30ի ունեցաւ արու զաւակ մը¹, որուն համար չուզեց խնդակցութեան ընդունելութիւնը. բայց մկրտութեան հանդէսը Փետրուար 8ին կատարեց մեծ շքով։ Յետոյ անխռով՝ իրրեւ մարդ մը որ կանխաւ կարգադրած էր ամեն բան, կոչեց զՄորիլլա՝ վարչութեան գլուխը՝ և իմացուց որ անդառնալի կերպով սահմանած էր հրաժարիլ Սպանիոյ Գահէն։

Լուրը փութով տարածուեցաւ Մադրիդի մէջ և Փետրուար 10ի պաշտօնարանը իրեն եղած հարցմանց պատասխանեց թագաւորին անյեղլի կամքը։ Խորհրդարանը անմիջապէս առաջարկեց և ընդունեցաւ որ ծերակոյտը միանայ իրեն կազմելու Սանմանուպիո ժողովքը, որուն մէջ Փետրուար 11ի կարգըցուեցաւ թագաւորին պատգամագիրը, յորում Ամէղէօ կը յայտնէր թէ ո՛րչափ փափագած էր կառավարելու Սպանիա սահմանադրականապէս և սիրով, բայց իր փափագը չէր կատարուած և կը շարունակէին կուսակցութեանց կռիւներ, որով լաւագոյն կը համարէր հրաժարելու Սպանիոյ թագէն ինքը և իր որդիքը։

Պատգամագրոյն ընթերցմանէն վերջը, զոր ամենայն ոք մտիկ ըրաւ յարգութեամբ, թագաւորին իղծը քուէարկութեան ենթարկուեցաւ և ընդունուեցաւ միաձայնուութեամբ։ Ապա հաստատուեցան երկու Յանձնաժողովք, յորոց մին հրաժարման թղթոյն պիտի պատասխանէր, միւսը արքայական շքով պիտի ընկերէր Ամէղէօյի մին-

1. Յետոյ կոչուած կոմս Տորինոյի։

չեւ սահմանազուլիս: Սահմանուեցաւ նաեւ որ Ազգային սահմանադիր ժողովքը անուանէ զվարչութիւնը:

Փետրուար 12ին առաւօտ Ամէդէօ որ կրկին Դոռքս Աօդայի տիտղոսն առաւ, երկաթուղոյ հապճեպ ընթացքով իւր ամուսնոյն և զաւակաց հետ, միաբան Յանձնաժողովոյ անձանց, մեկնեցաւ ի Լիզրոնա, իւր փեսուսն և քրոջ՝ Մարիա Պիայի քով, փափագելով հանգստացնել տղարեւութենէ նոր ելած իշխանուհի ամուսինը: Անգղիոյ, Խտալիոյ, Պորտուգալի պետութիւնք, հեռագրեցին որ իրեն տրամադրութեան ներքեւ կը դնէին պետական նաւեր, թէ ծովով ուղեւորէր. բայց իշխանը նախաբաս համարեցաւ անպաճոյճ անցնիլ ի Լիզրոնա ուր ընդունեցաւ նաեւ իր հրաժարման թղթոյն պատասխանը Ազգային ժողովքէն: Յետոյ անցաւ յիտալիա, ուր գտաւ աննկարագրելի եռանդուն ընդունելութիւնք. կրկին մտաւ ծերակուտի մէջ և ընդհանուր հրամանատար անուանուեցաւ հեծելազօրուն ¹:

1. Ամէդէօ թագաւորին հրաժարման շտապեցուցիչ պատճառն եղաւ զինուորական խնդիր մը. Հիտալո անուամբ թնդանօթածիզ զօրաց հրամանատար մը, ամբաստանուած էր որ Անն Ջիլ զինուորական բանտին մէջ սպանել սուած ըլլայ իրեն հակառակորդ եօթը սպայք: Ինքը թէպէտ միշտ ուրացած էր, սակայն զինուորականը անպատիւ կը համարէին նորա կենակցութիւնը: Երբ Մորիլլա պաշտօնարանը, արմատական կարծիքներուն համար, զՀիտալո զօրավարութեան աստիճանի բարձրացուց, ուրիշ զօրավարներ չուզեցին մէջերնին ընդունիլ. իսկ Մորիլլա անուանեց զինքը ընդհանուր հրամանատար Ատալոնիոյ: Այն ատեն ՏՕՍ անելի սպայք սպանուցան հրաժարականին զրկելու, թէ Հիտալո Ատալոնիա զրկուի: Թագաւորը յայտնեց իր վարանմունքը առ Մորիլլա, բայց սա բռնադատեց ստորագրելու հրովարտակը և ընդունելու սպայից հրաժարականը թէ տային, որովհետեւ այդ, կրտէր, «զինուորական ապստամբութիւն մ'էր. և խորհրդարանին մէջ արմատական երեւոյթիսն մը մեծապէս մեղադրելով սպայքը, մեծամասնութիւնը համաձայն գտնուեցաւ այս մեղադրանաց: Այս ատեն Մորիլլա բռնադատեց զԱմէդէօ ընդունելու սպայից հրաժարականը: Թագաւորը պատասխանեց «Չեմ կրնար մերժել ստորագրութիւնը սահմանադրականապէս, քանի որ պաշտօնարան և խորհրդարան միաբան կը վճռեն, չեմ կրնար լուծել պաշտօնարանն և խորհրդարանը քանի որ համաձայն են. կը մնայ ինձ հրաժարիլ և քաշուիլ»: Այն ատեն Պատերազմի պաշտօնեայն ընդունեցաւ սպայից հրաժարականնիրը և զիրենց սպասման կայութեան մէջ դրաւ: Հրաժարեալ սպայից տեղ անուանուողներն եւս անմիջապէս հրաժարեցան: Վարչութիւնը նախկին սպայից դիմեց, ասոնք կրկին չ'ընդունեցան քանի որ Հիտալո հրամանատար էր: Ասպէս ընդերկար շփոթութիւն շարունակեց թնդանօթածիզ զունդներուն մէջ:

Գ Լ ՈՒՒ Ժ Գ .

ԳՈՆ ԿԱՐԼՈՍ ԵՒ ՔԱՂԱՔԱԿԱՆ ՊԱՏԵՐԱԶՄ

1. Դաշնակցական Հասարակապետութիւն. — 2. Գոն Կարլոս ի Սպանիա. — Ի կուէրնիքա թագաւոր հռչակուիլը. — 3. Երայրայեղ Հասարակապետականք ի Կարթագինէ. — Գոն Կարլոս կը տիրէ Էստէլլայի և Հիւսիսային միջին գաւառաց. — 4. Մադրիդի վարչութիւնը. Կասդէլար զլուի՝ Գործադիր իշխանութեան. — 5. Կուրայի ապստամբութիւնը. — Միացեալ Նահանգաց սպանալիքը. — 6. Կասդէլար պաշտօնարանին անկումը. — Պետական հարուած. — Սկրրանօ մարաշխտ զլուի վարչութեան. — Կարթագինէի առումը. — 7. Բիլբաօյի դիմաց Հասարակապետականաց յաջողութիւնը. — Էստէլլայի դիմաց կարլոսեանց յաղթութիւնը. — Քոնքա գորսվարին մահը. — 8. Հասարակապետութիւնը և եւրոպական պետութիւնք. — 9. Սկրրանօ բանակը կը մկնի. — 10. Զինուորական Արտայայտութիւն մը գ՛Գոն Ալֆոնսոս բուրբոնեան թագաւոր կը հրատարակէ. — 11. Գոն Ալֆոնսոս ի Սպանիա. — Կանովաո դէ Կասդիլլօ պաշտօնարան. — Ալֆոնսոս ժի՛Բի բանակը, Պետութեանց ընդունիլը. — 12. Գոն Կարլոսի հրատարակութիւնը. — Յաղթութիւնքը. — Զօրավարաց ոմանց հետանալը. — 13. Թագաւորական բանակին յաղթութիւնքը. — Ուրճէլի առումը. Յովիլար Կուրա կը զրկուի. — 14. Ընտրութիւնք. Խորհրդարանի բացումը. — Ալֆոնսոս ժի՛Բ բանակին զլուի. — Էստէլլայի անձնատուր ըլլալը. Գոն Կարլոս կ'անցնի ի Գաղղիա:

Հասարակապետութիւն Դաշնակցական:

1. — Ամէդէօ Սալոյացույ մեկնելէն վերջը, երկու խորհրդարանք Սանմանուդի ժողովք կազմելով, ընտրեցին վարչութիւնը. Ֆիկուէրաս՝ Հասարակապետական, 244 ըուէնով ընտրուեցաւ նախագահ ժողովոյն, Պի ի Մարգալ՝ Պաշտօնեայ Ներքին գործոց, Կորտուվա՝ Պատերազմի, Նիկոլա Սալմէրոն՝ Արդարութեան, Ֆրանչիսկօ Սալմէրոն Գաղթականութեանց, Բէրանժէ՝ Երովային գօրութեան, Կաստէլար՝ Արտաքին Գործոց, Վէչէրա՝ Հանրային Աշխատութեանց, Էքիկարա՝ Ելեւմտից Երկրորդ օրը 13

Փետրուարի, Ազգային Սահմանադիր ժողովքը վարչութեան գլուխ անուանեց զՄարտոս. և Ներքին Գործոց պաշտօնեայն այս ամեն եղելութիւնքը և փոփոխութիւնքը իմացոց զաւառաց քաղաքական և գինուորական իշխանութիւնսց :

Սակայն հազիւ ձեւացեր էր վարչութիւնը, անմիջապէս սկսան պառակտմունք թէ պետութեան և թէ զաւառաց պաշտօնէից մէջ. իւրաքանչիւր ոք իւր կարծեաց համեմատ ռամկավարական ուղղութիւն մը ուզելով տալ վարչութեան: Մազրիդ՝ հրատարակեց միաւորական հասարակապետարիւն, Բարչէլլոնա Գաշնակցական Ռասարակապետարիւն և Մալազա՝ Հասարակարիւն: Հարաւային զաւառաց մէջ ոտք ելան Հանրազգային ընկերութիւնք, որոնք արիւնահեղ կոխ մը սկսան ազնուականաց և հարուստներու դէմ: Անիշխանութիւնը աւելի շատցաւ երբ փետրուար 15ի ներումն տրուեցաւ շատ մը կարգ բանտարկեալներու, և փետրուար 21ի Սահմանադիր ժողովոյն գումարումը ջնջեց մահուան պատիժը: Ի զուրկաստէլար՝ պաշտօնեայն Արտաքին Գործոց, ուզեց հատարացնել օտար Պետութեանց՝ Սպանիոյ հանդարտ վիճակը և Հասարակապետութեան օրինաւոր պայմանքը, նոյն իսկ հասարակապետականն Գաղղիա՝ դը Ռէմիւզա պաշտօնէին ձեռքով պատասխանեց, որ կ'ուզէր պահել միշտ միայն «բարի դրացւոյ մը յարաբերութիւնքը» մինչեւ որ Սպանիա ունենայ «ազատ ընտրութեամբ» հաստատուն վարչութիւն մը: Անգղիա և ուրիշ Պետութիւնք չուզեցին պաշտօնական յարաբերութիւնք սկսիլ. մանաւանդ ամեն օր կը լսուէին նորանոր յազմունքներ բանակին մէջ, որով վարչութիւնը բռնադատուեր էր ցրուելու զանազան գունդեր, յորոց ոմանք ի խնդիր գինուորական անուան, կ'երթային ստուարացնելու Դոն Ալֆոնսոսի՝ Դոն Կարլոսի եղբոր բանակը: Դոն Ալֆոնսոս հասարակապետութիւնը հրատարակուելու լրոյն վրայ, շքեղ ըսպայակուտով մը և թազմաթիւ խումբելով հասաւ յ(1)0թ և ի վերջա միաբան իր ամուսնոյն որ ամեն վտանգաց մէջ միշտ ընկերեց իշխանին: Դոն Ալֆոնսոս որ իր գինուո-

ըութիւնը կատարած էր յԱւստրիա և ապա անցեր էր ի Հռովմ Պապին զուաֆնեբրուն հրամանատարութեան և զոր թողեր էր իտալացւոց զՀռովմ առնելովը, ի Սպանիա հասած ժամանակ կը բերէր հետը համակրութեան և հակակրութեան խառն համբաւներ, ազնուականութեան և չափազանց խստութեան, որոնք երբեմն ունեցան իրենց փնասքը կարլոսեան դատին և յորոց օգուտ քաղեց հասարակապետութիւնը:

Ազգային ժողովքը նոր քաղաքական պատերազմի մը առջեւ լաւ համարեցաւ Մշտամնոց Բանձնաժողով մը աւուանել և ցրուիլ. նոր ընտրութեանց կոչելով զժողովուրդը Մայիսի մէջ, քանի որ ներկայ խորհրդարանք ընտրուած էին թագաւորական վարչութեան ժամանակ: Բայց չցրուած քուէարկեց կասողէլարի դրդմամբ՝ Պորտո Ռիկոյի մէջ գերութեան բարձումը: Վարչութեան նախագահը եւս Մարտոս՝ առողջութիւնը պատճառելով հրաժարեցաւ և իրեն յաջորդեց Ֆրանչիսկօ Սալմէրոն:

Սակայն փութով սկսան գժտութիւնք Բանձնաժողովոյն և պաշտօնարանին մէջ. որ կամաւոր զինուորներով պաշարել տուաւ զուճարման տեղը և քանի մը օր Մադրիդ մեծ յուզման մէջ էր. վերջապէս Ապրիլ 24ին Ֆիկուէրաս ցրուեց Բանձնաժողովը, որուն անդամք հեռացան բողոքելով այս «բոնակալութեան» դէմ: Երկու եօթնեակ վերջը կատարուեցան խորհրդարանի ընտրութիւնք և 385 երեսփոխանաց մէջէն 357ը դաշնակցական հասարակապետականք էին, 21 արմատականք և 6 պահպանողականք: Խորհրդարանին բացումն եղաւ Յունիս 1ի և կաստէլար իրեն յատուկ պերճախօսութեամբ մը, ինչպէս սովորութիւն է, պանծացուց Սպանիոյ «նոր ապագայն, ազատութեան և յառաջադիմութեան ճամբուն մէջ»: Ժողովոյն նախագահ ընտրուեցաւ մարզիզն Օրէնսէ՝ հին հասարակապետական մը և փոխան նախագահներ՝ Պալանցա և Դիազ Գուիտէրօ: Երբ յետոյ կարգը եկաւ Պաշտօնարանի մը կազմութեան, երեսփոխաններէն ոմանք առաջարկեցին նախ հռչակել զՍպանիա՝ Դուհակից սամկավարական Հասարակապետութիւն, և այս առաջարկը

ընդունուեցաւ երեք անգամ մեծածայն ծափահարութեամբ: Պաշտօնարանի նախագահ ընտրուեցաւ Պի ի Մարգարի, որ առաւ նաեւ Ներքին Գործոց պաշտօնէութիւնը, Ալտաքին գործոց պաշտօնեայ անուանուեցաւ Յոգէ Մուրօ, Ելեւմտից՝ Թէոդորօ Լատիքօ, Նիկոլա Լատիվանէց՝ Պատերազմի: Յետոյ խորհրդարանը զբաղեցաւ կազմելու Դաշնակից վիճակները, որոնք ըստ կաստէլարի առաջարկութեան պիտի ըլլային 1. Պարսօ Ռիկօ, 2. Կանարեան կղզիք, 3. Քաթարեան կղզիք, 4. Կատարոնիա, 5. Ալազոնա, 6. Նախարրա և Բիսքայա, 7. Վալիցիա և Մարցիա, 8. Նոր Կաստիլիա, 9. Հին Կաստիլիա, 10. Կալիցիա, 11. Անտարուսիա, 12. Վերին և Վարին Լադիմատուրա, 13. Կուրա և Ֆիլիպեան կղզիք:

2. — Վարչական այս տազնապններու և շփոթից ժամանակ, Գոն Կարլոս Բուրբոնեան, Գուքս Մադրիդի, որ ի Ռայոն կեցած կը կառավարէր իրեն հաւատարիմ գունդերը, «այլ եւս թեւերը ծալլած չէր կարող դիտելու (ըստ իւր բացատրութեան), իրեն հաւատարիմներուն զիւցազնական վերանորոգիչ պայքարը»: Բուլիա 16ին առաւօտ յետ խոստովանելու և հաղորդուելու, անցաւ Սպանիոյ սահմանազլուխքը և մտաւ ի վէրա: Իշխանին վեհանձն արքայական կերպարանը, բարձր հասակը, աներկիւղ հրամանատարի մը համբաւը, անկեղծ հաւատարիմ կենակցութիւնը, և որ մեծն է քան զամենայն՝ ճշմարիտ եռանդուն աստուածսիրութիւնը, արդէն զբաւած էին իրեն Հիսիսային գաւառաց ժողովուրդներուն սիրտը, և վէրա թագաւորավայել շքեղ ընդունելութիւն մը ըրաւ իրեն: Հոնկէ հրատարակեց առ բոլոր Սպանիացիս միանալ իրեն հետ և կռուիլ ընդդէմ յեղափոխութեան՝ Աստուած, իսպրևելիք և թագաւոր զբօշակին ներքեւ: Դեռ ինքը ի Սպանիա չմտած, արդէն իր գունդերը սկսեւ ին ամեն կողմ յաջողութիւններ ունենալ ընդդէմ հասարակապետականաց: Գոն Ալֆոնսոս և Սաբալս զօրավարը Ռիբոլէ քիչ հեռու, Ալպէնի քով, նշանաւոր յաղթութիւն մը տարեր էին, ուր մեռեր էր Կարինէտտի հասարակապետականաց զօրավարը. յաջորդեր

Գոն Կարլոս
ի Սպանիա. —
ի Կուէրնիքա
Թագաւոր հռչակ
կուել:

էր կուստաւայի քով ուրիշ յաղթութիւն մ'ալ՝: Այս ամեն յաջողութիւնք իր կարապետ մը կ'ընթանային իր անուան:

Սգոստոս Չին Բիսքայա գաւառին կուէրնիքա աւանը հասաւ: Ամեն կողմ տօնական կերպարանք մը առած էր և Դոն կարլոս շրջապատեալ իր շքեղ սպայակուտէն, յետ երդման Բիսքայայի օրինակսն իշխանութեանց առջեւ, կուէրնիքայի բազմադարեան ծառին ներքեւ, ըստ աւանդութեան, թագաւոր հռչակուեցաւ կարլոս Է յորջորջմամբ. և հոնկէ հրատարակութիւն մը ըրաւ զոր կը վերջացնէր գոչելով «կեցցէ՛ կրօնք, կեցցէ՛ Սպանիա, կեցցեն՝ օրինականք՝. կեցցէ Բիսքայա»: Երանդագին ծափահարութիւնք ընդունեցան այս խօսքերը. ապա բոլոր ժողովրդով և քաղաքավարիչներով գնաց մայր եկեղեցին, ուր երգուեցաւ զոհարանական աղօթքը:

Սակայն եւրոպական ոչ մի պետութիւն ճանչցաւ կարլոս Էի թագաւորութիւնը. և հասարակապետութեան նկատմամբ անգամ ամեն կողմանէ ցուրտ դիտողութիւն մը կար, նա մանաւանդ որ շփոթից մէջ ծնաւ և շփոթից մէջ կը շարունակէր:

Երայրայեզ հասարակապետականք կ'ամրանան կարթան գինէի մէջ:

3. — կարլոսեանց յաղթանակներուն վրայ Պի ի Մարգալ խնդրեց խորհրդարանէն որ առ ժամա խափանութիւն սահմանողիք իրաւունք. Հարաւային գաւառները պաշարման վիճակի մէջ դրուին: Ժողովքին մէջ ծայ-

1. Գրեցին լրագիրք որ այս կոռոյն մէջ կարլոսեան զնդապետներէն ու մանք անգթութիւններ զործեցին և կամ խիստ մեկնեցին զինուորական օրէնքը՝ և ի մասնաւորի Մանուէլ Անտա կրուզ հրամանատարը: Դոն կարլոս իմանալով, իր Տան հազարապետին՝ մարզիգ Վալտէսպինայի ձեռքով պատուիրեց անոր անմիջապէս թողլու համանատարութիւնը և հեռանալ Սպանիայէն և բնաւ չզառնալ. ապա թէ ոչ հրացանի կը բռնուի: Սանտա կրուզ Հպատակեցաւ:

Սակայն ամբողջ կարլոսեան կոններուն մէջ, այսօրինակ ամբաստանութիւնք ստէպ եղած են իրեն զօրավարաց զէմ, որոնք այսպէս անսիրելի ըրին կարլոսեան խնդիրը:

2. Fueros. Բիսքայայի և Նավարրայի գաւառք ունէին զանազան իրաւունքներ ինքնավարութեան. և այս իրաւանց պաշտօնեայքն էին օրինականքը:

րայեղ մասը բողոքեց և դուրս ելաւ սրահէն, մնացեալ երեսփոխանը հաւանեցան պաշտօնարանի առաջարկին: Երայրայեղը զայրացած թողուցին մայրաքաղաքը և ցրուեցան գաւառները, կռուելու ընդդէմ պաշտօնարանին. ապստամբեցնելով քաղաքները. և ամենէն առաջ բռնեցին կարթագինէ ծովային բերդաքաղաքը, տիրեցին վեց մարտանաւերու և հոն վարչութիւն մը կազմեցին Վիճակ Մոսրցիոյ անուամբ, որուն նախագահ եղաւ զօրավարն Կոնդրէտաս, որ Մադրիդէն փախեր եկեր էր: Երայրայեղներու հետ միացան նաեւ Հանրագգայիքը, և ապստամբիւնը տարածուեցաւ Վալէնցայի, Կատիչէի և Սէվիլիոյ մէջ: Խորհրդարանը յանդիմանեց զՊի ի Մարգալ, Կոնդրէրաս զօրավարին փախստեան նկատմամբ և Պի ի Մարգալ հրաժարեցաւ նախագահութենէն և միաբան նաեւ ամբողջ պաշտօնարանը. և տեղը ընտրուեցաւ պաշտօնարանի զլուխ Երիկուա Սալմէրոն. Սալէր՝ Ալտաքին Գործոց պաշտօնեայ, Էլեմտից՝ կարվայալ. Արդարութեան Ռոտրիկուէց. Պալանցա՝ Գաղթականութեանց և ուրիշ աննշան անուանք: Երբ պաշտօնարանը իբր սուպուտակք հոչակեց կարթագինէի ապստամբած նաւերը, որով և ամեն օտար նաւ կրնար զանոնք հալածել կամ կալանաւորել:

Սակայն այս սպառնալիքը բնաւ երկիւղ մը չ'ազդեց: Սէվիլիա հրատարակեց իր Հասարակոթիւնը Պարիսին նման, որուն մէջ կը մտնէին նաեւ Կատիչէ, Կորտովա և Հուէլվա գաւառք: Ստացուածք հաւաքական հոչակուեցան. աշխատաւորք շահերնին հաւասար պիտի բաժնէին, հաստատուն բանակ կը վերցուէր, և պիտի զբաւուէին եկեղեցական կալուածք: Հաստատուեցաւ Հասարակաց փրկութեան յանձնաժողով մը որ անմիջապէս գոցել տուաւ եկեղեցիները, բանտարկեց քահանայքը, հասարակաց կալուածոց ձեռք դրաւ, բացաւ կարմիր դրօշը և կը պատրաստէր ընկերական շատ մը նորութիւններ, երբ Պավիա զօրավարը հասարակապետական գունդերով զՍէվիլիա պաշարեց և յետ ահաւոր կրակի մը Յունիս 29ին, որ տեւեց կէսօրէն մինչեւ գիշեր, առաւ զայն և ապա

չուեց կատիչէի և ուրիշ քաղաքաց վրայ. որոց կրցաւ տիրել աւելի դիւրութեամբ, որովհետեւ ծայրայեղը և հանրազգայինը արդէն փախեր էին այրելով քարիւղով շատ մը պալատը և դիւանը: Քիչ օր վերջը Մատինէց կամպոս տիրեց վալէնցայի, բայց չկրցաւ առնուլ զկարթագինէ. միայն բրուսիացի և անգղիացի նաւը կրցան կալանաւորել ապստամբ մարտանաւերէն երկուքը, որոց մէկուն մէջ կը գտնուէր նոյն ինքն կոնտրէրաս զօրավարը²:

կոնտրէրաս ազատ ձգուեցաւ. որ փութով 2000 զինուոր և հրանօթը ժողուեց և Մաղրիդի վրայ չուեց. բայց բռնադատուեցաւ կրկին ապաւինիլ ի կարթագինէ, թողով վարչութեան ձեռքը իր հրանօթքը և պաշարքը:

Իսկ կարլոսեանը (զոստոս 18ի պաշարեցին զէստէլլա, ուր հասաւ նաեւ Դոն կարլոս: Մաղրիդի վարչութիւնը 3000 զինուորաց բանակ մը ղրկեց, որոց կը հրամայէին վիլլապատիէրնա և Սանտա Պազ զօրավարք, զԴոն կարլոս երկու կրակի մէջ բռնելու համար: Թագապահանջը հետը առած 2000 զինուոր, ընդառաջ գնաց եկող բանակին, և ցրուեց զայն: Յետոյ դարձաւ յարձակմամբ առնելու զէստէլլա որ (զոստոս 24ին անձնատուր եղաւ, և Դոն կարլոս շնորհեց պահանջողին, որոնք էին 600 անձինք, իրենց պատուոյն վրայ երդուրննալով չկոտելու իրեն դէմ, ազատ մեկնիլ: Ստացաւ դարձեալ 1200 հրացանք և շատ մթերք: Սպայից թողուց իրենց սուրբեր:

Դոն կարլոս իր ճամբարը հաստատեց յէստէլլա ուր թողուց 12,000ի բանակ մը: Յետոյ իր զօրավարք տարածուեցան վալէնցա, Մուրցիա, Արագոնա, Տոլէդօ, Բուրգոս, Աստուրիա. և 10,000 կարլոսեանք չուեցին

Դոն կարլոս
կը տիրէ Էստէլլայի և հիւսիսային միջին
գաւառաց:

1. Այս նաւերը յետոյ դարձուեցան առ Հասարակապետութիւն և սարժկեց Դերնուետ նաւը որ անգղիական զօրակաւ զէնք և մթերք կը բերէր կարլոսեանց:

Ամբողջ քաղաքական պատերազմին ժամանակ այլ և այլ անգամ պատահած են իրաց և գերեաց փոփոխութիւնք. զորս չենք յիշեր ամեն անգամ. և այս վայրագ կոիւնբեր, ստէպ ունէին նաեւ իրենց ասպետական կողմը, յորս կը ճանչցուէր սպանիական արիւնը:

պաշարելու զԻրաօ, այսպէս սպառնալով նաեւ Սան Սէրաստիանոյի:

4. — Այս պատահարաց առջեւ Մադրիդի վարչու-
թիւնը բոլոր մայրաքաղաքը եղած զօրավարը ժողովքի
կոչելը էր զինուորական որոշողութեան մը համար: Խոր-
հրդարանին նախագահը՝ մարզիզն (Օրէնսէ, որ չափա-
զանց կը դատէր ծայրայեղներուն նկատմամբ եղած թրշ-
նամութիւնը, հրաժարեցաւ պաշտօնէն և իրեն յաջորդեց
Նիկոլա Սալմէրոն: Պաշտօնարանին գլուխ անցաւ Կաս-
տէլար, որ իրեն գրաւիչ ճարտարիսօսութեամբ նկարա-
զրեց Կորդէսին՝ Սպանիոյ տազնապալից վիճակը. և առա-
ջարկեց ի զէն կոչելու բովանդակ պահեստը և դրամ
ըուէարկելու «Ո՞վ ունինք մեզ բարեկամ յԵւրոպա, գո-
չեց. ո՞վ մեզ կը լսէ, ո՞վ զմեզ կը ճանչնայ, կղզիացեալ
ենք, բոլորովին միայնակ, չկայ մէկը քովերնիս. մէկ
հոգի անգամ զմեզ չճանչնար: Իսկ մեր թշնամի՞ք. Մեր
թշնամիք ունին իրենց բարեկամքը Եւրոպիոյ ամեն մայ-
րաքաղաքաց մէջ: Մեր բանակը անկարգացած է մե-
ծաւ մասամբ, անոնցը ոգեւորեալ տոկունութեամբ և զիւ-
ցազնութեամբ. մենք մէջերնիս պառակտեալ ենք նա-
խանձներով, քէներով, անոնք ամենը մէկ հոգւոյ մը
վրայ դրած են վստահութիւննին: Ժողովք մը ունինք
որ ամբողջ եօթնեակ մը կ'անցնէ անձնական խնդիրնե-
րով, փոփոխակի նախատինքներով, ամենայն տգեղ կեր-
պերով, մինչդեռ հրդեհը զմեզ պաշարեր է, մինչդեռ Պատ-
մութեան էջերը կը սպառնան անդառնալի կերպով զմեզ
դատապարտելու՝»: Խորհրդարանին մեծագոյն մասը որ
ի սկզբան ոչ պահեստ և ոչ դրամ տալու մտադիր
էր. Կաստէլարի ճարտասանութենէն ձգուած, ըուէարկեց
(Օգոստոս 17ին եթէ դրամ և եթէ զինուոր: Հինաւուրց
զօրավարը որոնք քաշուած էին գործունեայ հրամանա-
տարութենէ, առաջարկեցին բանակը դառնալ, յորս նաեւ
Սէրրանօ մարաջախտը, որ պատրաստ կը ցուցընէր ինք-

Մադրիդի վար-
չութիւնը. —
Կաստէլար՝
գլուխ Գործա-
դիր իշխանու-
թեան:

զինքը հայրենեացը համար հրամայել «զօրաբաժնի մը, գունդի մը, ջոկատի մը» և իր սուրը կը դնէր ի ծառայութիւն ազատութեան»:

1873

Սեպտեմբեր 9ի գումարման կաստէլար յետ նկարագրելու բովանդակ Սպանիոյ մէջ հասարակապետական մասին խառնաշփոթ ընթացքը և յետ յայտարարելու որ «Եւրոպա այն ատեն պիտի ճանչնայ սպանիական հասարակապետութիւնը, երբ սա կարենայ պահել տալ օրէնքները. և կարգ, կանոն թագաւորէ երկրին մէջ», առաջարկեց որ պաշտօնարանին տրուի լիազօր իշխանութիւն և խորհրդարանի գումարմունք ձգուին մինչև 2 Յունուար 1874 տարուան: Խորհրդարանը քուէարկեց որով և կաստէլար գլուխ անցնելով գործադիր իշխանութեան, առ ժամա դադրեցուց սահմանադրական իրաւունքները: Չէրալլոս զօրավարը զրկուեցաւ կարթագինէի վրայ որ յետ ամբարտակ բարձրացնելու ի թիկանց քաղաքին, Նոյեմբեր 26ին ահաւոր ուժակոծում մը սկսաւ, այսպէս մեծապէս աւերելով քաղաքը: Սակայն ծայրայեղք անձնատուր չ'եղան և վարչութիւնը յետս կոչելով զՉէրալլոս. զրկեց Դոմինկուէց երիտասարդ զօրավարը:

Իսկ հարաւային բանակներուն ընդհանուր հրամանատար անուանեց զՄորիոնէս զօրավարը որ յաջողեցաւ 8000 զինուորօք մտնելու ի Տոլոսա և հոն ամրանալու: Տոլոսայի առմանէն վերջը Մորիոնէս չուեց էստէլայի վրայ, միաբան Պրիմօ դէ Ռիվէրա զօրավարին: Նոյեմբեր 7ին գտնուեցաւ կարլոսեան Եօաքուին Էլիօ զօրավարին դիմաց որ 12,000 հոգով վանեց զՄորիոնէս, հարիւրաւոր անձինք սպաննելով: Որով պատերազմական երկու գործողութիւնքն ալ նպաստաւոր չ'եղան վարչութեան:

Ծ. — Հասարակապետական վարչութեան համար կը շարունակէին դարձեալ կուրայի ապստամբութեան տագնապները: Ի Սպանիա ազատականաց իշխանութեան հասնելով, կուրացիք աւելի պահանջողք եղբր էին և պարզապէս անկախութիւն կ'ուզէին: կուրացիք շատ կրած

կուրայի
ապստամ-
բութիւնը. —
Միացեալ
հանգաց սպա-
նալիքը:

էին սպանիացի կառավարիչներէն, անիրաւ տուրքերով, հարստահարութիւններով. և իրենց տառապագին ցաւը չէր լսուած մայր հայրենիքէն: Անկարելի եղեր էր ներկայացուցիչք ունենալ խորհրդարանին մէջ, փակուած էին իրենց համար մատակարարական պաշտամանց դռները, նոյն իսկ ի կուրա. չունէին ազատ տպագրութիւն մը և հիմա որ մայր հայրենեաց խառնակութիւնը իրենց առիթ մ'էր պահանջին ձեռք բերելու, չէին ուզեր դուրաւ հանդարտիլ, մանաւանդ որ յայտ իրենց գաղտ խրախուսող էին Միացեալ Նահանգք, ոչ այնչափ իրեն միացնելու նպատակաւ, որչափ իր վաճառաշահութեանը պատճառաւ: Սպանիա դարուս մէջ միշտ զբաղեցաւ կուրացւոց ապստամբութեամբ. որոց զլուխ կեցած էր ընդհանուր հրամանատարն Չէսպէտէս: 1869ի Փետրուարի մէջ Քուէզատա զօրավարը յաջող յաղթութիւններ ունեցաւ և սպանիացի կուսակալն Դուչէ՝ կուրացւոց ներուստ առաջարկեց և իրենց խնդիրներէն գոմանս ընդունեցաւ, բայց անոնք մերժեցին պահանջելով լիովին ազատութիւն: Չիրքո Վիլլաս վիճակը ապստամբեցաւ և իրեն զլուխ դնելով Քուլով լեհացի զօրավարը, շատ անգամ յարձակումներով նեղեց սպանիական բանակը: Սպանիա 1869էն մինչեւ 1871 տարին, 300 միլիոն ֆրանք զրկած էր, որոնք սպառեցան. և 80,000 զրկուած զինուորներէն միայն 12,000 մնացեր էին. մաս մը պատերազմէ և մաս մ'ալ ժանտաջերմէն սպանուելով: Կուրացիք 1869ի Ապրիլի 10ին իրենց երեսփոխաններ զրկեցին կուրացմար քաղաքը որ կուրայի կեդրոնն է, և հոն հասարակապետութիւն մը հոչակուեցաւ որուն նախագահ ընտրուեցաւ Չէսպէտէս և Մանուէլ Քուէզատա ընդհանուր հրամանատար: Ռզնութիւններ հասան Միացեալ Նահանգներէն և ժորդան զօրավարը որ յաջորդեր էր Մանուէլ Քուէզատայի, յաղթութիւն մը տարաւ Սպանիացւոց վրայ: Նոր գունդեր հասան Սպանիայէն ընդ ամենը 110,000 զինուոր յորոց 70,000ը կամաւորք. բայց այնքան տիրած էր անկարգութիւնը բանակին մէջ, որ այդքան ստուար գունդեր չկրցան յաղթել 25,000 ապստամբաց՝ նա մանաւ-

1870 Յունիս:

ւանդ բանտարկեցին զՌուչէ կուսակալը և զինքը արտորեցին: Յաջորդ կառավարիչք՝ Կարալլէրօ դէ Ռոդաս, Բալմաչէդա, Չէրալլոս, Պիէլտայն՝ բան մը չկարողացան ընել նա մանաւանդ Պիէլտայն հաշտութիւն առաջարկեց Չէսպէտէսի, որ չ'ընդունեցաւ. և Կուրայի անկախութեան պաշտպանք սահմանեցին որեւէ պայմանով չ'ընդունիլ սպանիական հպատակութիւնը. որովհետեւ բնաւ վստահութիւն մը չունէին սպանիական վարչութեան խոստմանց վրայ:

Այս միջոցներուս էր որ Վիրձիկիոս նաւը, որ ամբարիկեան դրօշ կը կրէր, երկցաւ Սանդիակոյի մօտերը: Սպանիացի Տորնոյօ մարտանաւը կանխապէս գիտնալով որ ապստամբներ և վաճառանենգութեան մթերք կը պարունակէր, հալածեց զայն և ձգեց մինչեւ անգղիական ջուրերուն մէջ: Վիրձիկիոս ամենայն ինչ ծովուն և կրակին տուեր էր, ածուխը պարպած ըլլալով. և երբ սպանիական մարտանաւը սկսաւ ուժակոծել, այն ատեն անձնատուր եղաւ: Նաւուն մէջ կային 165 անձինք յորս Չէսպէտէսի եղբայրը և Ռիան զօրավարը: Ամեն ալ փոխադրուեցան սպանիական մարտանաւին վրայ և Նոյեմբեր 2ի զինուորական ատեան մը կազմուելով, նախ հինգ անձինք մահուան դատապարտուեցան և անմիջապէս հրացանի բռնուեցան. յետոյ կարգաւ ուրիշներ ալ, յորս կային նաեւ ամերիկեան և անգղիական հպատակներ: Տեղական օտար հիւպատոսք մեծապէս յուզուեցան. ամեն ջանք ըրին ազատելու իրենց հպատակները, բայց ի զուր: Այն ատեն հեռագրեցին իրենց պետութիւններուն, միջնորդելու ի Մազրիդ, սակայն լուր մը չեկաւ: Միացեալ Նահանգաց վարչութիւնը յուզուեցաւ և հրամայեց նաւատորմիդ մը ճամբայ հանել սպանութեանց վրէժն առնելու և պահանջել Վիրձիկիոս նաւը որ կը կրէր ամերիկեան դրօշակ: Սպանիա բողոքեց իր անմեղութեանը համար, պատճառ բերաւ ծովուն ներքեւ հեռագրի թելին խանգարուած ըլլալը և խոստացաւ սպանելոց ընտանիքները լիովին գոհացնել և Վիրձիկիոս նաւը դարձնել Միացեալ Նա-

հանգաց: Այսպէս առ ժամս փարատեցաւ կոռույ մը տագնապը, առանց սակայն Կուրացւոց ապստամբութեան վերջանալուն¹:

6. — Յունուար 2ի խորհրդարանը բացուած ժամանակ, Կաստէլար իր լիազօր իշխանութեամբ չէր կրօնացած երկիրը լաւագոյն վիճակի մը մէջ դնել և իրեն դիմաց գտաւ զօրաւոր ընդդիմութիւն մը յորս նաեւ Սալմէրոն խորհրդարանի նախագահը, որ կը պահանջէր՝ զրկուին պաշտօն վարելէ եպիսկոպոսներէն ոմանք, որոնք Դոն Կարլոսի կողմը կը բռնէին. կը պահանջէր դարձեալ Պալիա Մորիոնէս և Լոպէզ Դոմինկուէզ զօրավարները և երկու պաշտօնեայք փոփոխուին: Կաստէլար չ'ընդունեցաւ. պաշտօնարանին ուղղութեան վրայ վիճարանութիւնք տեւեցին կէսօրուան ժամը 2էն մինչեւ առաւօտեան ժամը 4, և երբ աջակողմեան երեսփոխան մը վստահութեան քուէ առաջարկեց պաշտօնարանին, Կաստէլար ունեցաւ 100 քուէ ընդդէմ 120 քուէից: Կաստէլար անմիջապէս տուաւ հրաժարականը: Բայց չկար ուրիշ զօրաւոր կամքով անձ մը վարչութիւն ստանձնելու. և երբ Սալմէրոն բանակցութեանց զբաղած էր նոր պաշտօնարանի մը կազմութեան, ժողովքին սրահը մտաւ սպայ մը Պալիա զօրավարին նամակով մը առ Սալմէրոն, որով Մադրիդի հրամանատարը կը հրամայէր նախագահին ցրուելու ժողովքը: Սալմէրոն ընդդիմացաւ և մինչեւ աղաչեց զԿաստէլար յանուն ազատութեանց, մնալ պաշտօնարանին զլուխ, բայց Կաստէլար յանձն չ'առաւ: Արդէն Պալիա զօրավարը գրաւել տուեր էր ժողովքին սրահը զօրքերով, ծանուցանելով նոր վարչութեան կազմուիլը: Նոյն օրը պաշտօնական լրագիրը կը

Կաստէլար
պաշտօնարանին
անկումը. —
Սէրրանօ մարալ
խախտը
զլուխ վարչութեան.
Կարթագինէի
սումը:
1874

1. Որոնց վրայ զրկուեցաւ, կարլոսեանց կոիւներէն վերջը, Յովէլար զօրավարը: 1876 և 1878ի Մարդինէզ կամպոս զօրավարը որ ներուժն շնորհելով, գերութեան բարձմամբ, տուրքերը թեթեւեղեցնելով, կրցաւ առ ժամս կուրացիքը խաղաղել: 1884ի տրուեցաւ Սպանիական սահմանադրութիւնը: Բայց կղզեցիք գոհ չէին և ապագայ ժամանակի պահուած էր իրենց ըզժիցը կատարումը:

հրատարակէր հրովարտակ մը ստորագրուած ի Սէրբանոյէ, որով նոյն ինքն Սէրբանո գլուխ կը նշանակուէր սպանիական հասարակապետութեան և պաշտօնարանին. և զայս կը հաղորդէր բոլոր գաւառաց կուսակալներուն և հրամանատարներուն: Սէրբանո մարաջախտին, Գուքս Տորբէյի՝ մեծ անունը, ամեն կողմ վստահութեամբ ընդունուեցաւ և ուր որ փոքր ընդդիմութիւն մը յայտնուեցաւ, զինուորականը զայն ընկճեցին: Սէրբանո ոգնականք իրեն ընտրեց Արդարութեան՝ Քրիստինոս Մարդոս, Պատերազմի՝ Երուվան Բավալա, Ելեւմոխի՝ Յոզէ Էքէկարէ, Իրովային զօրութեան Երուվան Տոպէտէ ի կարբալլօ, Կերքին Գործոց՝ կարգիւս Ռուից. Արտաքին Գործոց՝ Սագաստա, վաճառականութեան՝ Թոմաս Մարիա Մոսքուէրա, Գաղթականութեան՝ Բալագուէր: Կաստէլար այսօրինակ անսահմանադրական վարչութեան մը ղէմ բողոքեց. բայց իր բողոքը արձագանգ մը չունեցաւ: Բունուար Ծին պաշտօնական լրագիրը կ'արդարացնէր Պավիա զօրավարին արտօնայտարարներ, հայրենեաց փրկութեան համար և կ'ապահովցնէր որ 1868ի և 1869ի սահմանադրութիւնը լիովին ի գործ պիտի դրուէին:

Այս պետական հարուածին առթիւ Գոն Ալֆոնսոս Բուրբոն, որդի Իզաբէլլայի Թագուհւոյն, առաջին անգամ կոչ մը ուղղեց առ ազգն, յիշեցնելով իր իրաւունքները Սպանիոյ Թագին. և թէ իրմով միայն, այն է սահմանադրական միապետութեամբ, կարող էր Սպանիա խաղաղիլ:

Նոր վարչութիւնը սաստկացուց կարթագինէի պաշարումը, նոր գունդեր դրկեց կարմոնա զօրավարին հրամանատարութեան ներքեւ և վարչութիւնը Բունուար 10ին տիրեց Ատալայա բերդին, անպատասպար գրտնելով զայն¹: Ատալայա բերդը կը տիրէր քաղքին վերայ, որով անկէ վերջը անկարելի էր կարթագինէի ընդ-

1. Ըսուած է որ Սէրբանոյի վարչութիւնը դրամով կրցաւ ստանալ Ատալայա բերդին անպաշտպան թողուիլը:

դիմութիւնը: Բունուար 12ին ապստամբներուն գլխաւոր-
ները մտան Նոմանցիա մարտանաւը և աներկիւղ անց-
նելով հասարակապետական պաշարողաց առջեւէն, ուղ-
ղուեցան դէպ ի Ալճէրի. և Նոմանցիա Բունուար 14ի
(Րանի դիմաց խարխաւ ձգեց՝:

Կարթագինէ աւերեալ և խղճալի դիրքի մէջ մնացեր
էր: Ներքին Գործոց պաշտօնարանը խնդրեց և ստացաւ
խորհրդարանէն մեծամեծ գումարներ. և ոգնութիւնը զրը-
կուեցան աւերեալ և արդէն սովը տիրած քաղաքին:

7. — Ընդհակառակն կարլոսեան բանակը յաջո-
ղութեամբ կը յառաջէին վալէնցիոյ, կատալոնիայի,
Նաւարայի և Բասքի գաւառաց մէջ: Դոն Կարլոս իր
ճամբարը դրած էր Տուրագոյի մօտ, ուր ունէր 3(0)X(X)
զինուոր և զօրաբաժիններուն կը հրամայէին Իորրէզա-
րէց և Լիցցարագա զօրավարները: Տրիստանի զօրավարը
10(0)X(X) զինուորօք, Փետրուարի սկիզբները տիրեր էր
Մանրոտա բերդաքաղաքին, շատ միջերը ձեռք բերելով:
Կարլոսեանը տիրեցին նաեւ Պորտագալէտի, որ պատուար
մ'էր Բիլրաօյի. և սաստկացուցին Բիլրաօյի պաշարումը:
Փետրուար 22ին Դոն Կարլոս լուր դրկեց կաստիլո հրա-
մանատարին իր 5000 զինուորօք անձնատուր ըլլայ-
րայց նա երբ մերժեց, այն ատեն սկսաւ ուժակոծուածը:
Դոն Կարլոս առ ժամս թողուց զԲիլրաօ և դիմեց ի Տո-
լոսա, ուր մտաւ մեծ հանդէսով Մարտ 5ին. և եպիսկո-
պոսը զինքը ընդունեցաւ գոհարանական ազօթքով: Ապա
ելաւ այցելութեան վիրաւոր զինուորաց ամենուն մի-
թարական խօսք մը ըսելով: Յետոյ թողուց զՏոլոսա և
դիմեց ի Բիլրաօ, ուր հասեր էր նաեւ Սէրրանօ մար-
շալար:

Բիլրաօյի դե-
մաց հաստա-
կապետակա-
ն յաջողու-
թիւնը:

Որովհետեւ թագապահանջին վերջին մեծ յաջողու-
թիւնը մանաւանդ Պրիմօ դէ Ռիվէրայի գունդերուն վը-

1. Պաղլիոյ վարչութիւնը ի սկզբան չթաղուց որ ազատման ցամաք
կլին Յետոյ բանակցելով Սպանիոյ վարչութեան ձեռ. շնորհակցաւ որ
կլին և քրտին, բայց Սպանիա չդառնալու պայմանաւ: Իսկ Նոմանցիա
նուր զրկուեցաւ Սպանիոյ վարչութեան:

րայ, մեծ յուզումն պատճառեր էին ի Մաղբիդ, Սէր-
րանօ այս սոգնապար առիթ առնելով ինքզինքը գլուխ
անուանել տուաւ հասարակապետութեան և իր անձը
անբռնաբարեյի, անպատասխանատու: Բետոյ պաշտօնարա-
նին գլուխ դնելով զՄարալա զօրավարը, մեկնեցաւ զԲիլ-
րաօ ազատելու պաշարումէ. որովհետեւ այդ քաղաքին
անկումը, մանաւանդ իր ռազմագիտական դրիցը պատ-
ճառաւ, մահացու հարուած մը կրնար ըլլալ Հասարա-
կապետութեան:

Յետ զինուորական խորհրդոյ մը, Սէրրանօ որոշեց
յարձակիլ Թշնամառն վրայ թէ ծովէն և թէ ցամաքէն
և բռնադատել պաշարումը վերջնել: Մարտ ՉԳին հա-
սարակապետական բանակը շարունակ կրակ մը սկսաւ
կարլոսեան գոնդերուն վրայ. որ տեւեց նաեւ երկրորդ
օրը: Երկու կողմանէ ալ կը կռուէին մուկիս եռան-
դեամբ, արժանաւոր բարձր նպատակի մը. արիւնահեղ
խառնուրդ մը ծագեցաւ, յորում կը մարտնչէր հետի, նոյն
իսկ Տոպէզէ ծովակալը: Հասարակապետականաց կող-
մանէ ծանր վիրասորուեցան Լոմա և Պրիմօ դէ Ռիվէրա
զօրավարը, մեռաւ Քուինտանա հազարապետը և կար-
լոսեան կողմանէ ինկան Սլա զօրավարը և բազմաթիւ
սպայք: Փիշերը վրայ հասնելով երկու բանակը քա-
շուեցան իրենց ճամբարները: Դոն Կարլոս հրատարա-
կեց իբր յաղթութիւնը իր կողման. և համարեցաւ որ
ալ եկաւ ժամանակ վարչութիւն մը ձեւացնելու և պա-
տերազմի պաշտօնեայ անուանեց զէօ զօրավարը, Ներ-
քին Փորժոց և Ելեմտից զԿաման Պինար և Ուրտաքին
գործոց վիլանէր ծովակալը:

Իսկ Սէրրանօ, որուն ներկայութիւնը կարեւոր էր
ի Մաղբիդ, զօրավարաց խորհրդով ծրագիր մը հաստա-
տելով Բիլրաօյի ազատութեան. և հրամանատարութիւնը
Մանուէլ Քոնցա զօրավարին յանձնելով, մեկնեցաւ ի
մայրաքաղաք:

Չօրավարն Քոնցա, սպանիական տիրուր քաղաքա-
կան պատերազմին արի հրամանատարներէն մին, ան-
միջապէս խիստ կարգապահութիւն մը հաստատեց բա-

նակին մէջ և յետոյ առ սակաւ սակաւ մօտենալով կարլոսեան գունդերուն, Ապրիլ 28ին բովանդակ թափով, ամեն կողմանէ այնպիսի յարձակում մը սկսաւ, որ Մարտ 1ին կարլոսեան զօրավարք Լլիօ, Տորրէկարէյ, Մէնտիտի, Լարամէնտի, Վէլասգօ և Լիցցարագա, անհնար համարեցան մնալ իրենց դիրքերուն մէջ և Դոն Կարլոս գիշեր ատեն խորհրդի կանչելով հրամանատարները, հրամայուեցաւ պաշարումը վերցնել: Լիկորոդ օրը հասարակապետական գունդերը մեծ յաղթանակաւ մտան ի Բիլրասօ և Սէրրանօ գիֆոնքա ընդհանուր հրամանատար անուանեց Հիւսիսային բանակին, լիազօր իշխանութեամբ:

Քոնքա Բիլրասոյէն մեկնեցաւ պաշարելու զԼատէլլա կարլոսեանց կեդրոնը, ունէր հետը 30,000 զինուոր: Մարաջախտն Քոնքա յանկարծական երագ շարժմամբ մը անցաւ զԼգան, հասաւ Լարրագո, յառաջեց դէպ ի Վիլլատուէտս և Յունիս 24ին Լատէլլայի դիմացն էր: 25ին առաւօտը Մարտինէց կամսլոս և Լքակուէ զօրավարք, տիրեցին շրջակայից այլ և այլ պաշտպանութեանց և 26ին Լքակուէ արդէն կը գտնուէր քաղքին ըով: Այսպէս զօրավարն Քոնքա 26ին կրակ հրամայելով իր 30 Թնթանօթից, ընդհանուր յարձակումն հրամայեց, և գունդերուն յառաջելը պիտի պաշտպանէին բարձունքներուն հրանօթքը: Լատէլլա թէ առնուէր, կարլոսեան խնդիրը ամենածանր հարուած ընդունած պիտի ըլլար և կարլոսեանց այն օրուան քաջութիւնը հասաւ գերագոյն զիւցազնութեան մը: Կարլոսեանք հրացանի ծայր սուին դրած, ինկան հասարակապետական գունդերուն վրայ ահաւոր ջարդ գործելով. և երբ զօրավարն Քոնքա անձամբ դիմեց խառնուրդին մէջ և կը խրախուսէր զինուորը և հրամաններ կուտար, հլացանի գնդակ մը կողը ծակելով, ելաւ միւս կողմանէ և զինքը մեռեալ գետին տապալեց: Իր ըովը եղող սպայք հագիւ կրցան մարմինը յափշտակել և ձիու վրայ դրած փախցնել բանակը:

Լատէլլայի դիմաց կարլոսեանց զօրավարքը:

Քոնքա զօրավարին մօտը:

Քոնքա մարաջախտին մեռնելով, հրամանատարութիւնը ստանձնեց հնագոյն զօրավարն Լքակուէ, որ ան-

հնարին տեսնելով յարձակումը շարունակել, հրամայեց նահանջել դէպ ի Լարրազա և Դաֆալլա, թողլով յաղթողին ձեռքը ընդ մեռեալ և ընդ վիրաւոր 1542 անձինք: Կարլոսեանք իրենց կորուստը յայտարարած են 400 զինուոր:

Յաղթութենէն վերջը Դոն Կարլոս և իւր ամուսինը «Թագաւորը և Թագուհին» ինչպէս կը գրէին կարլոսեան լրագիրք ի Սպանիա, և օրինաւորական լրագիրք ի Գաղղիա, յաղթանակաւ մտան յԷստէլլա և անմիջապէս այցելան վիրաւորաց, ամենայն խնամք և փոյթ ցուցնելով: Այս առթիւ հասարակապետական լրագիրք եւս մեծապէս գոված են Դոն Կարլոսի, և իշխաննուշույն մանաւանդ զՔոտ սիրտը և բարի անձնաւորութիւնը, որ ջանաց օգնութեան հասնելու նաեւ Էստէլլայի շրջակայ գիւղօրէից աւերներուն և փնասներուն:

Էստէլլայի պարտութիւնը և Քոնքայի մահը մեծապէս յուզեց և վշտացուց զՄադրիդ և զվարչութիւնը: Սէրրանօ անմիջապէս խորհրդի կանչելով պաշտօնարանը, զգօրավարն Մարալա՝ Նախագահ պաշտօնարանին և մտերիմ բարեկամ Քոնքա մարաջախտին, ընդհանուր հրամանատար անուանեց Հիւսիսային բանակին, Սազաստա անցաւ գլուխ պաշտօնարանին և զօրավարն կոտոնէր պաշտօնեայ պատերազմի:

Քիչ օր վերջը հասաւ ի Մադրիդ Քոնքայի մարմինը, որուն ժողովուրդ և վարչութիւն արքայապայել յուղարկաւորութիւն ըրին: Ամբողջ քաղաքը, պաշտօնեայք, զօրավարք որոց գլուխ էր ինքնին Սէրրանօ, դազաղաց ետեւէն կ'երթային և թաղուեցաւ Աղոգայի եկեղեցւոյն մէջ:

Պատմութեանս սահմանէն դուրս կ'ելլէինք թէ ուզէինք մի առ մի համրել և պատմել Էստէլլայի պատերազմէն վերջը եղած հոս հոն բազմաթիւ զուպարածք հասարակապետականաց և կարլոսեանց մէջ փոփոխակի բաղդերով. ի Տէրանէլ կորսնցուցին կարլոսեանք. ի կուէնցա յաղթեց Դոն Ալֆոնսոս, Մադրիդի դքսին եղբայրը, որով մայրաքաղաքէն 25 մղոն հեռու հասած էր,

կարլոսեանց յաջողութիւնքը ի կադալոնիա, հասարակապետականաց Լըրոյի ափունքը նահանջը, մերթ գերեաց փոփոխութիւնքը և մերթ փոփոխակի անգութ հրամաններ և աւերմունքներ¹, Ալվարէս զօրավարին Լըրոյի փուարթիայի տիրելը յաղթութեամբ մը հասարակապետականաց վրայ, որոց կը հրամայէին Մարիոնէս և Մարալա, Լարրագայի և Սէլ Ուրճէլի քով հասարակապետականաց պարտութիւնք, Մադրիդի վարչութեան Արտաքին Գործոց պաշտօնէին թուղթը առ Պետութիւնս Եւրոպիոյ ընդդէմ կարլոսեանց « անգթութեան », Դոն Կարլոսի գիրը « առ ըրիստոնեայ պետութիւնս » որ « իրաւամբ թագաւոր Սպանիոյ » կը դիմէր առ ըրիստոնեայ պետութիւնս, և կը խնդրէր որ « զինքը դատեն իր գործերէն և ոչ թշնամեաց ամբաստանութիւններէն », իր արդարացումը հասարակապետականները տասանորդած ըլլալուն և բրուսիացի Շմիտ սպայն սպանելու նկատմամբ² :

8. — Եւրոպա որ մինչեւ այն ատեն անտարբեր աչօք կը դիտէր այս եղբայրասպան կռիւը, քիչ քիչ զգուեցաւ կարդալով ամեն օր երկուստեք եղած արիւնհեղութիւնք և անգթութիւնք. և սկսան դիւանական բանակցութիւնք վերջ մը տալու համար: Բիսմարք՝ որուն ձեռքն էր այժմ Եւրոպայի կշիռը, չէր կարող համակրիլ Դոն Կարլոսի ծրագրին և գաղափարաց, ինքը՝ որ կա-

Հասարակապետութիւնը և եւրոպական պետութիւնք:

1. 1874 Յուլիս 19 Էստեկտարտէ կարլոսեան լրագիրը կը հրատարակէր հրաման մը. « Որովհետեւ Հասարակապետութիւնը թագաւորին կողմը բռնող զինուորականաց և օգնողաց զոյքը զբաւեր է. կը հրամայենք որ հասարակապետութեան կողմը բռնող զինուորաց և օգնողաց ընտանիք, թողուն թագաւորին զունդերուն բռնած երկիրները և զբաւուին իրենց զոյքերը »:

Այսօրինակ հրամաններ եղած են և սպանմանց նկատմամբ. պատերազմի մէկ սպանուողի մը տեղ, միւս կողմը ուրիշ մը սպանել կու տար:

2. Դոն Կարլոս ինքզինքը արդարացուցած է « տասանորդելու » մասին, որ փոխանակ ամբողջ յանցաւոր զունդը հրացանի բռնելու, զթութեան համար, տասնէն մէկը պատժեր էր: Իսկ բրուսիացի լրագրին թղթակիցը « բռնուեր էր զէն ի ձեռին, որով իրաւացի էր պատիժը. նոյնը կ'ընեմ թէ վաղը այսպիսի իր մը զարձեալ պատահի »: Դոն Կարլոս խստիւ արգելած էր, օտարագրի կամաւորք ընդունելու իր զունդերուն մէջ. « (Ստարք պէտք չեն մտնել մեր վէճին մէջ » կ'ըսէր:

թողիկուսիան դէմ պատերազմ մը սկսեց էր ի Գերմանիա չէր կրնար կաթողիկուսիան՝ այն է Գոն կարլոսի յաղթանակը տեսնել ի Սպանիա և միտեցաւ Հասարակապետութեան կողմը: Ջանաց որ Անգղիա եւս յայտնապէս իրեն համաձայն երեւայ, սակայն Մեծին Բրիտանիոյ վարչութիւնը, թագուհւոյն խօսքովը յայտարարեց, որ ցաւելովն հանդերձ Սպանիոյ վիճակին վրայ, փնասակարագոյն կը համարէր հեռանալու ոչ միջամտութեան քաղաքականութենէն: Գաղղիա Ջանաց գոհացնել զՌիսմարք, իոստանալով ամենայն հսկողութիւն զինուոց վաճառանենգութեան: Գերմանիա յայտնապէս զրկեց երկու մարտանաւք հսկելու իրեն հպատակաց շահերուն և նպաստելու հասարակապետականաց¹: Բիսմարք քիչ վերջը քայլ մը եւս յառաջեց և Եւրոպիոյ Պետութեանց դիւաններուն Յայտագիր մը զրկեց որով կը համարէր «Եւրոպիոյ խաղաղութեան համար հասած է ժամանակը, ճանչնալու Սպանիոյ ներկայ վարչութիւնը»: Աւստրիա և Գաղղիա անմիջապէս յանձն առին, յետոյ ամեն Եւրոպիոյ տէլութիւնք կարգաւ, բաց ի Ռուսիոյ: Գերմանիա ու Աւստրիա փութով զրկեցին իսկ իրենց ներկայացուցիչքը, որոնք պաշտօնական շքով ընդունուեցան Սեպտեմբեր 4ին Մէրլանօ Նախագահէն և ներկայացուցին իրենց թղթերը²: Մարաջախտը մասնաւոր ուշադրութեան նիւթ ըրաւ Գերմանիոյ ղեւպանը, նախ զինքը ընդունելով և ջերմ շնորհակալ ըլլալով Բիսմարք իշխանին «ինքնարեւարար ջանիցը», յորդոր ըլլալով այսպէս միւս Պետութեանց: Քիչ ժամանակուան մէջ հասան նաեւ Անգղիոյ, Գաղղիոյ, Իէլնիոյ և Պորտուգալի ներկայացուցիչք: Այս պարագայն զՀասարակապետութիւնը

1. Գիւանագիտական Ցիշտակարան (Mémorial Diplomatique) Թի 39 էջ 612:

2. Հռչակեցին լրագիրներէ ոմանք որ կարլոսեանք զաւ պատրաստած էին, ի Մարտիոյ դեպքանները բերող շոգեկառքը ճամբէն զսուս հանելու համար: Կարլոսեանք բացարձակապէս միշտ հերքած են այդ ամբաստանութիւնը:

բարձրացնելով, մահացու հարուած մը կու տար կարլուսեան դատին:

Մարաջախտն Աէրրանօ քաղաքականապէս կարգադրելով Հասարակապետութեան վիճակը, իր ամբողջ ուշադրութիւնը դարձուց այն միջոցներուն վրայ, որովք կարելի էր ջաղիսել կարլոսեանքը և գլխաւորները հանել Սպանիայէն դուրս: Քաղաքական պատերազմը արհամարհ ըրեր էր իր հայրենիքը բոլոր աշխարհի առջեւ. ժամանակի լրագիրք լի են տխուր արկածներու պատմութեամբք և խիստ հրամաններով, յորս մանաւանդ ամբաստանուած է Դոն Ալֆոնսոս, Դոն Կարլոսի եղբայրը: Երկու կողմանէ բազմաթիւ գերիները աղքատ և ցաւալի վիճակի մէջ էին. բանակները զրկուած էին շատ մը կարեւորներէ, ինչպէս հոգացուէին գերիները: Մարաջախտն Աէրրանօ առաջարկեց սօ Դոն Կարլոս երկու կողման գերիները կուրա ղրկել որ հոն կուրին ապրատամբութեան դէմ, ի շահ հասարակաց հայրենեաց. սակայն Դոն Կարլոս հակառակ համարեցաւ զինուորաց երդման: Երան այլեւայլ անգամ գերեաց փոփոխութիւնք, բայց այս միջոցը քաղաքական պատերազմը արծարծել էր:

Այսու հանդերձ Դոն Կարլոս զօրբաժիններու նոր կարգադրութեան մը առթիւ խոհեմութիւն համարեցաւ իր եղբայրը, Դոն Ալֆոնսոս, հրաժարեցնելու ընդհանուր հրամանատարութենէ և խորհուրդ տալ ելլել Սպանիայէ: Դոն Ալֆոնսոս, եղբորը բարւոյն դիմամբ, թողուց հրամանատարութիւնը, որ տրուեցաւ Տորրէկարէյ զօրավարին, և իր Մարիա դէ Լա Նիէվէս ամուսնոյն հետ, որ ամեն վտանգի մէջ ընկերեր էր իրեն, անցաւ Գաղղիա:

Շարունակեցին կարլոսեան և հասարակապետական գունդեր փոփոխակի բաղդով իրենց կոիւնին: Հասարակապետականաց զօրավարն Լազէռնա պաշարեց զիրուն որ կարլոսեանց ձեռքն էր. բայց ապա յանկարծ թողուց քաշուեցաւ: Ասկէ զայրացած իր գունդերէն 500 հոգի մը որոնք աւարառութեան մը կը սպասէին, տարածուեցան մօտակայ գիւղերը և շատ աւերմունքներ գործեցին:

Լազէճնա զինուորական ատեան մը հաստատեց և յանցաւորներէն բռնուողները խիստ կերպով պատժուեցան: Ուրիշ զինուորական խորհուրդ մ'ալ կազմեցին կարլուսեան զօրավարք որ դատի կանչեց Յէրալլոս հինաւորց զօրավարը, որ Լազէճնայի գունդերուն դիմաց քաշուեր էր և անոր տեղ հրամանատար դրուեցաւ Էգանա:

Սէրրանօ բանակը կը մեկնի:

Գ. — Քաղաքական պատերազմին այսպէս երկարելը տաղտկացուցեր էր զՄադրիդ և բոլոր գաւառքը. և յայտնի փնաս մ'էր Հասարակապետութեան որ անկարող կը դատուէր այսպէս զայն վերջացնելու. և Սէրրանօ իմացած էր զաղտ խլրտիւն մը զինուորականաց և ատենակալաց մէջ ի նպաստ սահմանադրական միապետութեան մը, զահը կոչելով զԴոն Ալֆոնսոս՝ Իզաբէլլայի որդին. այսպէս համարելով գոհացնել եթէ ազատութիւն ուզողք և եթէ թագաւոր մը ուզողք: Արդէն Նոյեմբեր 28ին, Սպանիոյ Առաջը, վարչութենէն զաղտ, փափազնին իմացուցած էին ի Լոնտրա առ Դոն Ալֆոնսոս և իշխանը պատասխանած էր սահմանադրական Միապետութեան մը ծրագրով, վերջացնելով թուղթը որ «*Ինչ ալ ըլլայ ճակատագիրս, միշտ պիտի ըլլամ լաւ սպանիացի մը, լաւ կաթոլիկ ինչպէս բոլոր իմ նախնիքս, և ազատական՝ ինչպէս ժամանակի անձ մը*»: Սէրրանօ գիտէր նոյն իսկ իր բարեկամ, Պրիմօ դէ Ռիվիէրա զօրավարին նպաստաւոր կարծիքը Ալֆոնսոսի նկատմամբ: Սէրրանօ արդեօք զինուորական արտայատութեան մը վախէ, թէ յետին հարուած մը անձամբ փորձելու համար, և այսպէս ցրուելու Դոն Ալֆոնսեան կուսակցութիւնը, վարչութեան հոգերը յանձնեց Սագասոյայի. և Դեկտեմբեր Գին մեկնեցաւ Հիւսիսային բանակը, ամբոխին «*կեցցէ՛ Սէրրանօ*» աղաղակներուն մէջէն:

Մարաջախտը հասաւ ի Մերանտա և անկէ ի Լոգրօնօ ուր էր ընդհանուր հրամանատարութիւնը. ապա գնաց ի Վիտտորիա, յետ այցելելու զինուորական հանդերձանաց, կրկին դարձաւ ի Լոգրօնօ, ուր պիտի պատրաստուէր Լատելլայի տիրելու ծրագիրը: Քանի որ այդ ամուր կեդրոնը կարլուսեանց ձեռքն էր, տակաւին երկար

պիտի տեւէր քաղաքական պատերազմը, անհրաժեշտ հարկ էր տիրել անոր։

Յունուար 6ին՝ Լոմա, Բլանկո և Պորտիլլո հասարակապետական զորավարք, չուեցին Տոլուսայի վրայ, սակայն Յունուար 7ին ()յածրունի և Ռէնտէրիայի քով զարնուեցան կարլոսեաններէն և ետ դարձան։ Յունուար 8ին աւելի գունդերով Լոմա զօրավարը կարլոսեանց Ուրնիէտա ճամբարին վրայ սկսաւ կրակ թափել։ կարլոսեանք որոնց կը հրամայէր Մոգրովէյօ զօրավարը, դիմեցին թշնամուոյն վրայ և սուինով ահաւոր կռիւ մը սկսան և վանեցին զԼոմա որ վիրաւորուեցաւ, ինչպէս նաեւ Մոգրովէյօ. և հասարակապետականք հազիւ կրցան ապահովնալ Սան Սերաստիանոյի մօտերը։

Այս կռիւներուն և ձախողանաց լուրերը Մադրիդ հասնելուն, արդէն քիչ օր առաջ ընդհանուր տհաճութիւնը պայթելով, վերցուցեր էր հասարակապետական վարչութիւնը, զոր անկարող դատեր էր Քաղաքական պատերազմին վերջ մը տալու համար. և հաստատեր էր Սահմանադրական Միապետութիւն մը։

10. — Դեկտեմբեր 30ին Մարտինէզ կամպոս և Յովէլար զօրավարք իրենց գունդերով արտայայտութեամբ մը գ'իտն Ալֆոնսոս բուրբոնեան թագաւոր հռչակեր էին Սպանիոյ։ Դոյն օրը անմիջապէս վարչութիւնը կալանաւորել տուաւ զկանովա դէ կաստիլլօ, ալֆոնսոսի պաշտօնական գլուխը, և ուրիշ կուսակիցներ։ Պաշտօնական լրագիրը ծանր կերպով պախարակեց այդ «անըմբռնելի արարքը, որ պատճառ պիտի ըլլար քաղաքական նոր պատերազմի մը»։ Բայց պաշտօնարանը չէր կրնար կարծել որ 24 ժամք բաւական պիտի ըլլային փոխել բանակը և ընդհանուր միտքերը. և երբ իրեն հաւատարիմ ֆուսցած սպայից ձեռքով ուզեց իմանալ բանակին կարծիքը, իմացաւ որ գունդերը բացարձակապէս պիտի չկոտէին արտայայտութեան դէմ և պիտի չ'երթային ընդդէմ Մարտինէզ կամպոսի։ Այն ատեն Սագասոյա յետ կանոնաւորապէս բողոքելու իր պաշտօնակցաց հետ գիտուորական այս արտայայտութեան դէմ, քաշուեցաւ վար-

Ջինուորական Արտայայտութիւն մը գ'իտն Ալֆոնսոս բուրբոնեան թագաւոր կը հրատարակէ։

չութենէն: Արդէն առանց իր հրաժարելուն ալ Պրիմօ դէ Ռիվէրա զօրավարը բանտէն հանելով զկանոժաս դէ կասդիլլօ, յանձնե՛ր էր իրեն անմիջապէս վարչութիւն մը կազմելու յանուն Դոն Ալֆոնսօսի. և Մադրիդի բանակը Դեկտեմբեր 31ին հաւաքուեցաւ և զոչեց « Կեցցէ՛ Ալֆոնսօս Երկոտասաներորդ»: Նոյնը ըրին Բարչէլլոնա, Սարակոսա, Կատիչէ, Սանտանդէր և ուրիշ բազմաթիւ քաղաքներ, առ որս հեռագիրը ծանուցե՛ր էր Մադրիդի արտայայտութիւնը:

Լուրը փութով հասաւ և ի Լոգրօնօ, Հիւսիսային բանակը, ուր զօրավարը և սպայք բնաւ հակառակ տրամադրութիւն մը չցըցուցին. նա մանաւանդ հայրենեաց խաղաղութեան համար օգտակար համարեցան այս արտայայտութիւնը: Սէրրանօ կոչեց առ ինքն Լազէոնա զօրավարը և հարցուց կարծիքը, որ յայտնապէս իօսեցաւ ի նպաստ Դոն Ալֆոնսօսի թագաւորութեան մը, յուսով հայրենեացը խաղաղութեան: Այն ատեն Սէրրանօ Հիւսիսային բանակին հրամանատարութիւնը զոր ունէր, տալով Լազէոնայի և ծանուցանելով որ կը հրաժարէր վարչութեան նախագահութենէն, մեկնեցաւ անմիջապէս ի Սարակոսա, ուսկից անցաւ ի Գաղղիա, Բիարից և Պարիս¹:

Դոն Ալֆոնսօս որ արտայայտութիւնը լրոյն վրայ Լոնտրայէն Պարիս եկած էր իր մօրը Իզաբէլլա թագուհւոյն քով վախիւսքի պալատը, հոնկէ Յունուար 6ի նամակով մը առ կանոժաս դէ կասդիլլօ կը հաստատէր զինքը նոր կազմուած թագապահ պաշտօնարանին գլուխ. և կ'ընդունէր իրեն ըրած տրամադրութիւնքը: Արդէն կանոժաս իր կուսակցութեան ներկայացուցիչն էր 1873էն ի վեր:

11. — Դոն Ալֆոնսօս ժի՛ւ այս միջոցիս 19 տարուան էր և իր ուսումներն սկսած էր վիեննայի թերեզիսուսմ, Ազնուականութեան վարժարանին մէջ: Թագա-

1875 Յուլի 2.

Դոն Ալֆոնսօս
ի Սպանիա. —
կանոժաս դէ
կասդիլլօ պաշտօնարան:

1. Սէրրանօ մարաջիստը երկար ժամանակ բնակեցաւ ի Գաղղիա, յետոյ դարձաւ ի Սպանիա և բազմեցաւ ձերակուտին մէջ: Վախճանեցաւ ի Մադրիդ 1885ի Նոյեմբերի, միշտ ամենէն յարգուած:

ւոր հռչակուելուն պէս առաջին գործն եղաւ ի Պարիսէ հեռագրով իմացնել առ Պիոս թ' պապը, որ իւր կնքահայրն եղած էր, և խնդրել անոր օրհնութիւնը. զոր ստացաւ անմիջապէս: Այցելութեան զնաց Գաղղիոյ Հասարակապետութեան Նախագահին՝ Մակ Մահոնի և Արտաքին Գործոց պաշտօնէին՝ Դրքազ դուքսի, որոնք իրրեւթագաւոր ընդունեցան զինքը: Դոն Ալֆոնսոս, կանովադէ կաստիլլոյի խորհրդին համեմատ, անմիջապէս մեկնեցաւ ի Սպանիա Մարսիլիայի ճամբով, ուր արդէն հասեր էր սպանիական նաւատորմից մը զինքը տանելու, պաշտօնարանին և Մադրիդ քաղաքին նուիրակներով: Յունուար 7ին յետ արքայական ողջոյններու, նաւատորմիցը մեկնեցաւ. և Ծին հասաւ ի Բարչէլլոնա, ուր կը սպասէր իրեն Մարտինէց կամպոս ուրիշ զինուորականներով և սպիտակ ձիով մը անհամար ամբոխին կեցցէններուն մէջէն ուղղուեցաւ ի մայր եկեղեցին, ուր երգցուեցաւ գոհաբանական աղօթքը: Յունուար 10ին հասաւ ի վալէնցա, հոն եւս խանդավառ ընդունելութենէ մը վերջը դիմեցին ամենը մայր եկեղեցին գոհաբանական աղօթքի. ետքը արքեպիսկոպոսը յորդոր մը խօսեցաւ առ սպանիացիս խաղաղութեան համար: Ի վալէնցա Դոն Ալֆոնսոս զօրահանդէս մը կատարեց և Յունուար 14ին շքեղ հանդիսաւոր մուտքն ըրաւ ի Մադրիդ: Պաշտօնարանը պալատը հասնելուն, երկու հրովարտակը ստորագրել տուաւ, առաջնով կ'ապահովուէին Սպանիոյ պարտամուրհակաց առ օտարս վճարուելիք կտրօնները. և երկրորդը՝ Եկեղեցւոյ գրաւուած բայց տակաւին չգանձուած գոյքերը յետս կը դարձուէին: Քիչ օր վերջը Ներքին գործոց պաշտօնարանը շրջաբերականով մը չափաւորեց տպագրութեան ազատութիւնը, արգելելով խօսիլ ընդդէմ վարչութեան և թագաւորին. և իմանալով որ արմատականք կը յուզուէին ընդդէմ Դոն Ալֆոնսոսի թագաւորութեան, իրենց զուխը զՌուից Ծորիլլա հրակիրեց աքսոր մեկնելու: Պաշտօնարանը հաստատեց ասպետական կարգերը զորս վերուցեր էր հասարակապետութիւնը:

Պետութեանց
ընդունիլը:

Էրիտասարդ թագաւորը որ իր գահը պարտական էր զինուորականաց, Յունուար 18ին մեկնեցաւ Հիւսիսային բանակը. ուր գտաւ եռանդագին ընդունելութիւն. հոնկէ խօսեցաւ առ ամեն Սպանիացիս «Եթէ կը կոուիք, կ'ըսէր, միապետութեան համար, ես եմ միապետութեան ներկայացուցիչը, եթէ կը կոուիք կաթոլիկ կրօնքին համար, ես եմ ձեր կաթոլիկ թագաւորը. եմ և պիտի ըլլամ սահմանադրական թագաւոր»: Դոն Ալֆոնսոս իմացուց օտար Պետութեանց եւս իր գահ ելլելը. Աւստրիա, Գաղղիա, Պորտուկալ, Ռուսիա և Բրուսիա անմիջապէս ընդունեցան թագաւորութիւնը և հաստատեցին յարարելութիւնքը:

Դոն Կարլոսի
հրատարակու-
թիւնը. — Յաղ-
թութիւնքը:

12. — Դոն Ալֆոնսոսի թագաւոր հռչակուելուն, Դոն Կարլոս խորհուրդի կանչեց իրեն զօրավարքը. որոնք վճռեցին՝ որ շարունակուի օրինաւորութեան պատերազմը: Այն ատեն Դոն Կարլոս հրատարակութիւն մը ըրաւ առ ազգը յայտնելով իր մեծ ցաւը որ իւր արեանակիցներէն իշխան մը, գործիք կ'ըլլար Յեղափոխութեան. «Իմ պատիւս, իմ բանակիս պատիւը, ինձի ուրիշ բողոք չեն թողուր, բայց ինչ որ կազմակերպուած է թրնդանօթներուս անդիմադրելի ճարտարախօս բերաններէն: Սպանիացիք յանուն Աստուծոյ, յանուն մեր Սպանիոյ, կ'երդնում անբիծ պահելու մեր փառօք լի դրօշակը, նշան՝ փրկարար սկզբանց, որ այսօր մեր յոյսն է և վաղը մեր երջանկութիւնը»: Դոն Կարլոսի այս խօսքերը յուզիչ տպաւորութիւն մը ունեցան իր հաւատարիմներուն վրայ: Ուրճէլի արքեպիսկոպոսը, զինքը արժանի համարեցաւ, այս խօսից համար, կարոյոս Մեծ տիտղոսի և զօրավարն Լիցցակարա ընդհանուր հրամանատար կեդրոնական գաւառներուն, պանծացուց առ բանակն «Կարլոս Եթեաներորդ թագաւորին անվկանդ հաստատութիւնը»: Այս հրատարակութեան յաջորդեցին երկու յաղթութիւնք ի Լակար և ի Լորկա նոյն իսկ Դոն Ալֆոնսոսի ներկայութեամբ: Փետրուար 11ին Լագէնան զօրավարը մտեր էր յ(տէյտա քաղաքը ուր հասաւ նաեւ Դոն Ալֆոնսոս թագաւորը և մերձաւոր բլրոյ մը վրայ ելած

կը դիտէր զԼատէլլա և շրջակայ գիւղերը, յորս Լակար և Լորգա. և նոյն գիշերը կ'անցնէր ի Սան Կրիստոբալ: Երկրորդ առաւօտ կարլոսեանք կրաւքուի վրայէն յանկարծ հասան և չուեցին դէպ ի Լակար, ալֆոնսեանք յանկարծակիի գալով փախան ի Լորգա և հոն հասնելով կարլոսեանք, արինահեղ կոխ մը ծագեցաւ և թագաւորականք փախան հարիւրաւոր մեռեալներ թողլով դաշտին վրայ և ապաւինեցան իրենց ճամբարը (տէյտայի մօտ): Թագաւորը հազիւ ազատեցաւ վտանգէ և հետը խօսող զօրավար մը վէրք մը ընդունեցաւ ուսին: Այս պատահարին վրայ Լազէռնա հրաժարեցաւ հրամանատարութենէն, նոյնը ըրաւ նաեւ Պրիմօ դէ Ռիվէրա: Դոն Ալֆոնսոս գնաց ի Պամպէլոնա և յետոյ Յովէլլար զօրավարին հետ հանդիսով մտաւ ի Բուրկոս և Փետրուար 13ին դարձաւ ի Մադրիդ:

Այս ամենը կարլոսեանց վերջին յաջողութիւնք էին սակայն, որովհետեւ ի Մադրիդ միապետական կուսակցութեանց մէջ բանակցութիւնք կ'ըլլային միութեան համար: Սագասդայի արքունիք յաճախելը, Ալֆոնսոսի հրովարտակը առ ազգն, շատ մը ազատութեանց խոստմամբ, Հոլմայ քահանայապետին զԳերապայծաւ Սիմէոնի հաստատուն նուիրակ զրկելը ի Մադրիդ, մեծ տպաւորութիւն սկսան ընել կարլոսեան գլխաւորաց վրայ: Կապրէրա հինաւուրց զօրավարը որ թէպէտ ուղղակի չէր մասնակցած կարլոսեան պատերազմներուն, սակայն միշտ պահեր էր իր հին սէրը և ազդեցութիւնը, յանակնկալս հրատարակեց, որ պէտք էր վերջ տալ այսպէս բզբտուելներու և սկսիլ խաղաղութեան և նոր կազմակերպութեան դար մը: Առաջարկեց առ Ալֆոնսոս թագաւորը և ընդունեցաւ որ Բասքեան և Նավարրայի զաւառաց մնան իրենց օրինակաբար, որ կարլոսեան սպայք և զինուորք, եթէ գան առ Ալֆոնսոս, պահեն իրենց աստիճանները և ընդունին դրամական փոխարինութիւն մը կրած վնասնուն համար: Ուղղեց նաեւ հրատարակութիւն մը առ կարլոսեանս՝ զինաթափ ըլլալու: Դոն Կարլոս պատասխանեց՝ զկարբէրա մատնիչ հրատարակելով և ար-

Զօրավարաց
ոմանց հեռա-
նալը:

տաքոյ օրինաց: Այսու հանդերձ կապրէրայի դաշինքը ունեցաւ իր ազդեցութիւնը և կարլոսեան գունդերը սկսան թօթափիլ: Չգեցին բանակը նաեւ երկու բուրբոնեան իշխանք իրեն արենակիցք, յարգալիբ նամակով մը, յորում կը յայտնէին որ իրենք պատերազմ սկսած էին ընդդէմ Յեղափոխութեան և հասարակապետութեան. հիմա որ Սպանիա ունեցաւ միապետութիւն մը և այն բուրբոնեան Տանէն, այլ եւս նպատակ մը չէին տեսներ պատերազմելու, և կը հրաժարէին իրմէ:

Այս պարագայից վրայ աւելցաւ պաշտօնարանին 80,000 պահեստի զինուոր ի զէն կոչելը: Պրիմօ դէ Ռիվէրա պատերազմի պաշտօնեայ անուանեցաւ, իրեն տեղ կատալոնիա ղրկուեցաւ Չէրալտոս զօրավարը և Յովէլար՝ ի վալէնցա, Տորրէկարէյի գունդերուն դէմ: Պատերազմը սաստկապէս պիտի մղուէր քանի որ Սպանիա գրեթէ ամբողջովին ճանչցաւ Ալֆոնսոսի թագաւորութիւնը և արտաքին Պետութիւնք զայն ընդունեցան: Կարլոսեանց ձեռքը մնացեր էին միայն Բիսքայա, Նավարրա և կատալոնիա. միանգամայն խստիւ փակուած էր Կադալիոյ կողմանէ պաշարի և մթերքներու մուտքը:

13. — Յունիս 20ին զօրավարն Յովէլար Լուչէնայէ չուեց դէպ ի վիսդարէլլա, ուր սպասեց իրեն Տորրէկարէյ և վնասելով Ալֆոնսոսեանց յառաջապահը, քաշուեցաւ ի կանտավիէյա: Յովէլար դիմեց ետեւէն, հոն հասաւ հինգ օր վերջը և Մարտինէց կամպոս և երկու բանակները միանալով չուեցին պաշարելու զկանտավիէյա և գերելու զՏորրէկարէյ: Սակայն յետինս զթրշնամին խաթելու համար, սակաւ վաշտեր հոն թողով, ինքը քաշուեցաւ յԱրագոնա: կանտավիէյա անձնատուր եղաւ և կարլոսեան 160 սպայք և 1600 զինուոր իրենց պատուոյ երդման վրայ, ազատ թողուեցաւ: Այս յաջողութեան ուրիշներ ալ յաջորդեցին, Բլանկօ զօրավարը կուիպոցքուայի մէջ վանեց կարլոսեանքը. վէյլէր, Դրլատոր և Արրոնտօ զօրավարք կրցան դէմ դնել Սաբալս զօրավարին և նահանջել տալ. և ֆուէզատա որ Հիւսիսային բանակին հրամանատար անուանուեր էր,

Թագաւորական բանակին յաղթութիւնը:

շարունակարար կը սեղմէր Լատէլլայի պաշարման շրջանակը: Քուէզատա մտաւ նաեւ ի Վիտտորիա, սակայն կարլոսեաններէն փն ստուած, կրկին քաշուեցաւ ի Միրանտա: Մարտինէց կամպոս մտաւ ի կատալոնիա, և դիմեց պաշարից Ուրճէլ նշանաւոր քաղաքը: Յովէլլար ամբարացաւ Լըրոյի ափունքը, այսպէս փակելով կարլոսեանց կատալոնիայի մուտքը:

Մադրիդի վարչութիւնն ալ ձեռք առաւ պատերազմական ամեն խստութիւն կարլոսեանց նկատմամբ, զորս ապստամբ հրատարակեց. հրամայեց գրաւելու անոնց ստացուածքը ամեն կողմ կալանաւորելով միանգամայն նպաստողքը: Դոն կարլոս նամակով մը առ Ուլթոնսոս թագաւոր, բողոքեց այս «անգթութեանց» դէմ: «Եթէ այս ամենը ստիպուած ես ընելու իբրեւ թագաւոր մը կուսակցութեան» կը գրէր, «կը կարեկցիմ քեզ անկեղծօրէն: Իս որ եկայ ըլլալու թագաւոր բոլոր Սպանիոյ, բու կուսակիցներդ հանգիստ կը թողում իմ հողիս վրայ»: Մադրիդի Նեբրին գործոց պաշտօնեայն՝ Ռոմէրօ Ռորէլզօ, ղրկեց զՊօլօ ծովակալը այրելու և աւերելու կանտարրիայի վրայ Դոն կարլոսի հաւատարիմ մնացած գիւղերը, նոյնը բրաւ Քուէզատա զօրավարը ի Վիանա, որով հազարաւոր անձինք արսորուեցան և բիւրաւոր ընտանեաց գոյքեր, որոնց զաւակունք կը զինուորէին կարլոսեան բանակին մէջ, գրաւուեցան: կարլոսեանք ոտն առ ոտն սկսան քաշուիլ դէպ ի հիւսիս:

Մարտինէց կամպոս իր ստուար բանակովը չուեց Ուրճէլի վրայ ուր ամբարացիք էր Լիցցարակա զօրավարը և զայն պաշարից ամեն կողմանէ. կտրեց նաեւ հաղորդակցութիւնը կաստէլ Չիուտատէ, ուսկից միայն կ'առնուին ջրոյ պաշար: Յետ աննշան կռիւներու, կարլոսեան զօրավարը առանց ջրոյ մնալով, Յուլիս Չիին բացաւ քաղքին վրայ սպիտակ դրօշը և անձնատուր եղաւ: Մարտինէց կամպոս հրաման տուաւ պահանորդին ելլելու քաղքէն զինուորական պատուով և իր յարգանքը ցուցնելու համար առ Լիցցարակա, ազատ թողոց երթալ ի Գադղիա կամ ի Բարչէլլոնա: Բայց Ուրճէլի եռան-

Ուրճէլի անունը:

դուն կարլոսեան եպիսկոպոսը, կալանաւոր զրկեց Ալի-
կանտէի բերդը, և Յուլիս 28ին յաղթանակաւ մտաւ
յՈւրճէլ: Իսկ զօրավարն Լիցցարակա գնաց ի Ռարչէլ-
լոնա, հոնկէ ի Մաղրիդ, ապա բոլորովին ազատ թո-
ղուելով, նորէն գնաց առ Դոն Կարլոս. նա մանաւանդ որ
յետինս պէտք ունէր զօրավարներու. Տորրէկարէյ ինք-
նին պահանջած էր զինուորական ատենէ մը դատուե-
լու. Մէնտիրի զօրավարը անցաւ ի Գաղղիա, հրատա-
շակելով հոնկէ, որ ալ եւս չէր կոուեր Ալֆոնսոս թա-
գաւորի բանակներու դէմ: Պէտրալս զօրավարը եւս որ
կ'ապաւինէր ի Գաղղիա, կալանաւորեցաւ սահմանա-
զըլխոյն վրայ. 7(0) զինուորք անցան Գաղղիոյ սահմա-
նագլուխը և զինաթափ եղան, նոյնպէս ուրիշ բազմա-
թիւ սպաներ: Այսու հանդերձ կարլոսեանք իրենց դիւ-
ցագնական արութեամբ ունեցան յաջողութիւններ և մա-
նաւանդ Հոկտեմբեր 24ին Տրինիտայի բարձանց վրայ՝
Լուսիէրի մօտ, ուր կը հրամայէր նաեւ կոմսն Կազէր-
տայի, բուրբոնեան Սիկրիլիոյ, ազգակից Դոն Կարլոսի
և Դոն Ալֆոնսոսի: Դոն Կարլոս զինքը մարաջախտ ա-
նուանեց և քիչ վերջը ըրաւ զլուխ Սպայակուտին: Կար-
լոսեանք ունեցան ուրիշ փոքր յաջողութիւններ ալ կուի-
պուիցիայի մէջ և ուրակոծեցին զՍան Սէրաստիանօ և
Հէրնանի, բայց առանց արդիւնքի մը:

Յովէլլար գո-
րավարը կուրա
կը զրկուի:

Այս միջոցիս կրկին սաստկացաւ Միացեալ Նահան-
գաց սպառնալիքը կուրայի ապստամբութեան նկատմամբ
և նախագահն Կրանտ ծանոյց որ թէ Սպանիոյ վարչու-
թիւնը չկարենար վերջացնել, Միացեալ Նահանգք պիտի
բռնադատուէին վերջ մը տալ այդ ապստամբութեանց,
որոնք մեծապէս վնաս էին իրեն վաճառականութեան:
Բովանդակ Սպանիոյ անձնասիրութիւնը յուզուեցաւ և
այս անգամ Դոն Կարլոս զինադադար մը առաջարկեց
առ Ալֆոնսոս թագաւոր և զինուորական աջակցութիւն
զկուրա ընկճելու համար. սակայն վարչութիւնը յանձն
չ'առաւ, և զՅովէլլար զօրավարը զրկեց ի կուրա փո-
խանակ Բալմաչէտայի:

Վարչութիւնը մերժեց նաեւ Իզարէլլա թագուհուն, Ալֆոնսոսի մօտ ի Սպանիա գալու խնդիրը, և անոր բանակցութեան համար զրկած նուիրակը՝ զՄարֆորի որուն դէմ տժգոհութեանց պատճառաւ ծներ էր 1869ի Յեղափոխութիւնը, կալանաւորեց. ի զուր բողոքեց Իզարէլլա. առ ժամս իրեն գոհութիւն մը չտրուեցաւ. և ամենայն որոշողութիւն թողուեցաւ խորհրդարանի բացմանէն վերջը: Արդէն վարչութիւնը հրատարակեր էր որ ընտրութիւնը, այս անգամ միայն ընդհանուր քուէով պիտի ըլլային Յունուար 20ին և խորհրդարանը պիտի բացուէին Փետրուար 15ին:

14. — Ընտրութեանց մէջ պաշտօնարանը յաղթեց և Փետրուար 15 Դոն Ալֆոնսոս ժի՛, բացաւ խորհրդարանը մեծ շքով: Թագի խօսքին մէջ յիշեց Սպանիոյ բարեկամական յարաբերութիւնը բովանդակ պետութեանց հետ և նոյն իսկ Միացեալ Նահանգաց հետ համաձայնութիւն մը գոյացեր էր կուբայի նկատմամբ: Յետոյ խօսեցաւ Ելեւմտից վերաբերեալ ըլլուելիք բարուրմանց համար, ինչպէս նաեւ ամեն ճիւղի մատակարարութեանց մէջ և վերջացուց խօսքը որ ամեն ճիւզն պիտի թափէր փութով խաղաղելու զՍպանիա:

Ընտրութիւնը և խորհրդարանին բացումը:

Արդէն երկու զօրավարքն Քուէզատա և Մարտինէց կամպոս, յետ քիչ մը ատեն դադար տալու ընտրութեանց պատճառաւ, այժմ 100,000 զինուորօք քիչ քիչ կը շրջապատէին զկարլոսեանս որոց թիւը 35,000 իջեր էր: Թողուցին կարլոսեանք զԲիլբասօ, Դուրանգօ և Վերգարա. Մարտինէց կամպոս, Լոմա և Քուէզատա զօրավարք, զանոնք վանեցին մինչեւ Նավարայի հիւսիսային ծայրը, տիրելով ամբողջ Բիսքայայի և Ալվայի: Ուրիշ կողմանէ Մորիոնէս զօրավարը տիրեց Օյազանի և առաւ զէլքայբար: Կարլոսեանք բռնադատուեցան թողուլ նաեւ զՏոլոսա և քաշուեցան ի Վէրա, ուր կազէրտայի կոմսը և Պէշուլա զօրավարը յուսահատ ընդդիմութենէ մը վերջը բռնադատուեցաւ ապաւինիլ ի Գաղղիա: Նոյնը բրին նաեւ Տորրէկարէյ և Սարալս զօրավարները: Մանաւանդ որ Պրիմօ դէ Ռիվէրա զօրավարը քայլ առ քայլ տիրե-

Ալֆոնսոս ժի և բանակը:

լով կարլոսեան ամրութեանց, մօտեցեր էր Էստէլլայի և Փետրուար 18ին փոքր կոռուով մը կրցաւ գրաւել Մոնտէյուրա բարձունքը, որոնք կը տիրէին Էստէլլայի: Անկէ վերջը անօգուտ էր որ և է ընդդիմութիւն և օրուան խընդիր էր Էստէլլայի տիրելը:

Էստէլլայի անձնատուր ըլլալը:

Վարչութիւնը փափագեցաւ որ կարլոսեան վերջին և զօրաւորագոյն ամրութիւնը առնելու պատիւը թագաւորին ընծայուի. և Ալֆոնսոս լիք խորհրդարանի բացմանէն վերջը Փետրուար 16ին հասաւ Քուէզատայի բանակը, իրրեւ ընդհանուր հրամանատար. և Էստէլլա Փետրուար 19ին անձնատուր եղաւ. ուր արդէն կարլոսեան սակաւ գունդեր մնացեր էին: Երկրորդ օրը Ալֆոնսոս յաղթանակաւ մտաւ քաղաքը, յետոյ գնաց նաեւ ի Տուլոսա և շարունակեց դիւրին յաղթական ընթացքը ի Սան Սէրաստիանօ և մինչեւ Գաղղիոյ սահմանագլուխը, առանց ընդդիմութեան մը:

Գոն կարլոս կ'անցնի ի Գաղղիա:

Գոն կարլոս յետ կորսնցնելու Տուլոսա և Վէրա, յետ անդունդներու մէջ գլորելու իրեն մնացած սակաւ հրանօթքը, իրեն հաւատարիմ մնացած վաշտերով հասաւ յՈլլավէ. ուր առ ինքն երզումէ ազաւ ըրաւ բոլոր իրեն սպայքը և զինուորքը, ապա Լիցցարագա զօրավարին և 2000 զինուորօք Ռոզիսփարի հովիտէն, Փետրուարի 26ին գիշերը հասաւ Առնէկուի կամուրջը, մօտ ի Վալկարլոս, Գաղղիոյ սահմանը. և հեռագրով ի Պարիս, խընդրեց Գաղղիոյ պետութեան ասպնջականութիւնը: Մակ Մահոնի վարչութիւնը պատուէր ղրկեց իշխանութեանց ամենայն պատուով ընդունիլ զինքը և ծանոյց որ ազատ էր բնակելու Գաղղիոյ հիւսիսային գաւառաց մէջ: Գոն կարլոս Մարտ 1ին հասաւ ի Պարիս, ուր գաղղիացի օրինաւորականք իրեն մեծ ընդունելութիւն ըրին իրրեւ «աներկիւղ պաշտպանի իրենց հաւատոց և օգոստափառ


1876

1. Յետոյ ժամանակաւ երբ պաշտօնապէս գաղղիացի օրինաւորականաց ալ թագապահանջը հռչակուեցաւ, այն ատեն Գաղղիոյ վարչութիւնը իրեն ալ, ինչպէս ուրիշ թագապահանջներու, արգիւնց Գաղղիոյ մուտքը:

ներկայացուցիչ իրենց քաղաքագիտական յուսոյն»։ Դոն կարլոս Պարիսէն երկու հրատարակութիւն ըրաւ, մին առ Սպանիացիս, միւսը առ իւր բանակը, որով կ'իմացնէր որ «իւր զրօշակը ծալած կը պահէր մինչեւ որ Աստուած սահմանէ կաթոլիկ և միապետական Սպանիոյ փրկութեան օրը»։ Պարիսէն անցաւ ի Լոնտրա՝։

Դոն կարլոսի Սպանիայէն ելլելովը, թէպէտ կարլոսեան խնդիրը չէր վերջանար և շարունակեց յապագային, բայց կը լմննար քաղաքական պատերազմը։

1. Դոն կարլոս իր եռանդուն կաթոլիկ սկզբանցը համար երբէք համակրութիւն չվայելեց յԱնգղիացոց, Անգղիայէն անցաւ յԱմերիկա, ապա զարձաւ յԵւրոպա և շրջեցաւ ամեն կողմ, ամեն կողմի օրինաւորականներէն և կաթոլիկներէ ջերմ ընդունելութիւն գտնելով։ Յետոյ հաստատուեցաւ ի Վենետիկ։ Նամբորի կոմսին մահուանէ վերջը, ժառանգեց իրր մերձաւոր ազգական, Հենրիկոս Լիթ արքայական բնակութիւնը ի Կորիցիա որ զազդիացի օրինաւորականաց ստեպ այցելութեան տեղի մ'է և ուր ստեպ ընշած են «կեցցէ՛ թագաւորը»։ Իտալիա և Աւստրիա միշտ յարգած են այսպիսի արքայական վեհանճն հիւր մը։ Դոն կարլոս մէկ միայն արուզաւակ ունի Դոն Ջէմ։ Իսկ զստերքը ամուսնացած են կայսերական և արքայական իշխաններու հեր։ Բոլոր զաւակները ունեցած է առջի կնկանէն, իշխանուհին Մարգէրիտա որ վախճանեցաւ յամին 1892։ Դոն կարլոս երկրորդ անգամ ամուսնացաւ զազդիացի Թոշան Տանէ Մարի Բեթթի հետ։



Գ Լ ՈՒ Խ Ժ Դ .

ԱՔԳԻԻԼ ԱԶԻԶ ԵՒ ԱԱԼԻ ՓԱՀԱ

1. Արդիւ Ազիզ. — Աալի փաշա. — 2. Վաքըֆներու ժառանգութիւլը. — Օտարագգեաց կալուած ունենալու իրաւունքը. —
3. Արդիւ Ազիզի երթը Պարիսու Յուցաշանդիսին. — Աալի փաշա թագապահ է Կ. Պօլիս. — 4. Արդիւ Ազիզ է Պարիս. — 5. Արդիւ Ազիզ յԱնգղիա և Լոնդրա. — 6. Արդիւ Ազիզ է Վեննա և Մաճառասան. — Անցք զանուրեան զաւաններէն. — 7. Գարժը է Կ. Պօլիս և ուղեւորութենէն յուսացուած արդիւնքներ. —
8. Պետութեան և Արդարութեան Ատեանները. — Կրթական հաստատութիւնք. — Կերքին դաւեր. — 9. Աղաթոն էֆէնտի և իւր մահը. — Յովհաննէս ամիրա Տատեան. — 10. Եւթէնի կայսրուհին է Կ. Պօլիս. — ուրիշ թագաւորագուն այցելութիւնք. — 11. Էջիպատոսի թուրքոյ հետ յարաբերութեանց վատնալը. — 12. Աալի փաշայի մահը. — Վարչութեան տկարանալը. — Մահմուտ Կլզղիմ փաշա. — 13. Արդիւ Ազիզ կ'ուզէ փոխել ժառանգութեան կարգը է նպաստ իւր որդւոյն:

Արդիւ Ազիզ և
Աալի փաշա:

1. — Որչափ որ լաւ սկզբնաւորութիւն մը ունեցեր էր Արդիւ Ազիզի թագաւորութիւնը և Սուլթանը ինքզինքը պատրաստ ցըցուցած էր ամեն եւրոպական բարեկարգութեանց և յառաջադիմութեանց, այսու հանդերձ նախնապէս բացուած դրամական անդունդը չէր գոցուած և ներկայ եղած դրութիւններով անկարելի էր թուրքոյ կլիւմուտը զուգակշռել: Գրամի պակասութիւնը ընդհանուր տագնապ մը ծնաւ և զգալի ըրաւ դեռ ուրիշ շատ մը բարեկարգութեանց պէտքը: Հարկ էր հոգալ և բարձրացնել նաեւ ժողովրդեան աշխատաւոր և

նեղուած դասը: Լուրջ հայրենասէրներէն ոմանք համարեցան որ ժամանակը եկած է և հարկ է թուրքիոյ հին ոճը և օրէնսդրութիւնը փոխել: 1867ի Մարտի մէջ Մուսղաֆա Ֆազլը փաշան, Եգիպտոսի փոխարքային եղբայրը, որ ի կ. Պօլիս կը բնակէր և Պալատան մէջ մեծ պատիւ ունէր, բաց նամակ մը կ'ուղղէր առ Սուլթանը, նկարագրելով թուրքիոյ աղքատ դրութիւնը, դաստիարակութեան ընդհանուր պակասութիւնը, տրոց հաւաքման վատ և կեղեքիչ եղանակը, գաւառաց ամենատժգոհ վիճակը, Ելեւմտից անկանոնութիւնը և Գանձուն նուազութիւնը. որով ամենայն ինչ գէշ կ'ընթանար և հաւասարապէս նեղուած և տժգոհ կ'ընէր թէ թուրք և թէ քրիստոնեայ հպատակը. մանաւանդ աւելի զթուրքերը որոնք ընտանիքնին օտար երկիր չկարենալով փոխադրել, ստիպուած էին միշտ թուրքիոյ մէջ ապրիլ: Մուսղաֆա Ֆազլը փաշա կը լմնցնէր իր բաց նամակը թախանձելով զԱբդիւ Ազիզ՝ Սահմանադրութիւն մը տալու Եւրոպիոյ թագաւորաց օրինակին հետեւելով, և այսպէս փրկելու հայրենիքը աղետալի վիճակէ մը: Մուսղաֆա Ֆազլը փաշա կ'աւելցնէր որ ինքը և իր բարեկամները արդէն թուրքիոյ յարմար Սահմանադրութեան մը ծրագիրը պատրաստած են: Քիչ օր վերջը Մուսղաֆա Ֆազլը փաշայի զաղափարքը տպուած տետրակով մը սփռուեցան մայրաքաղաքին մէջ և Պալատան բարձրաստիճան պաշտօնեայք բողոքեցին այս «յանդուգն» խորհրդոյն դէմ: Կ. Պօլսոյ բոլոր լրագրութիւնը իր սովորական հնաւանդ շողոքորթութեամբ ձայն բարձրացուց պարսակելու Մուսթաֆա Ֆազլը փաշայի բողոքները, յայտարարելով բոլոր «(սմանեան Պետութեան հպատակաց հանգիստ և երջանիկ կացութիւնը Սուլթան Աբդիւ Ազիզի հովանաւորութեան ներքեւ»: Իսկ ինքը Սուլթանը պաշտօնապէս տժգոհութիւն մը չյայտնեց:

Յայտնի էր որ Մուսթաֆա Ֆազլը փաշա բերան մը կ'ըլլար նոր կուսակցութեան մը որ քիչ քիչ կը յանէր թուրքիոյ մէջ: Այդ կուսակցութիւնը սկսած էր ըմբռնել որ այնքան ազգերէ և մրցումներէ կազմուած

երկիր մը, միայն սահմանադրութեամբ մը կրնար միաձեւութիւն մը և Հասարակաց գործոց յառաջադիմութիւն մը ստանալ: Արդէն կը տեսնուէր ընդհանուր ցեղական բորբոք մը և ազգային բերում մը, Ֆրագլը փաշա և իրեն կուսակիցք որոնք յետոյ ժամանակաւ Նրիտասարոյ թուրք անուամբ կոչուեցան, Ազգաց ինքնիշխանութեան պատուար մը և միանգամայն գոհութիւն կը համարէին զՍահմանադրութիւնը: Բնական է որ եթէ կ'երեւակայէին անմիջապէս եւրոպական սահմանադրութեանց վրայ կաղապարեալ սահմանադրութիւն մը, մեծապէս կը սխալէին: Բնութրովին տարբեր էին հաւկամանքները: Զկար տակաւին այնքան կրթեալ տարր մը, կազմելու այդ իօսարանական ժողովքը: Կրթութեամբ միայն կրնան յարգուիլ փոխադարձ ազատութիւնք խօսից և գործոց մէջ, ապա թէ ոչ խօսարանը աննպասակ է և նուաստացուցիչ: Թուրքիա տակաւին պատրաստ չէր իօսալ անական վարչութեան: Նախնապէս կրթութիւնը մեծ քայլ մը առած պէտք էր ըլլալ որուն սնհոգացուեր էր: Եւ Աալի փաշա որ զրական մ'տը մ'էր, չհամոզուեցաւ Սահմանադրութեան մը և առ ժամ ուրիշ բարեկարգութեանց հետամուտ եղաւ:

Վաքըֆներուն
ժառանգութիւնը.
— Ոտարագ-
զեաց կալուած
ունենալու ի-
րաւունքը:

2. — Թուրքիոյ մէջ կրօնական կալուածները վաքըֆ կը կոչուին, որոնք երկու տեսակ կը բաժնուին քաղաքային և դաշտային: Այս կալուածները չունէին սեպհական կալուածներու արտօնութիւնքը ժառանգութեանց և վաճառմանց նկատմամբ, որովհետեւ կը պատկանէին կրօնական հաստատութեան մը և կամ մզլիթի մը: Վերջին ժամանակի վէճիրները ըմբռնած էին որ վաքըֆի այս դրութիւնը հասարակաց կենաց մէջ անտեղութիւն մ'էր և արգելք շահագործական նպատակներու: Սուլթան Մէհմետի ժամանակ դաշտային վաքըֆները ստացուածքի արտօնութիւն ստացան, որով և հրաման ծախուելու: Այս վերածման փոխարէն տուրք մը հաստատուեցաւ ի նպաստ վաքըֆին, որուն կը պատկանէր վաճառեալ երկիրը: Սակայն դարձեալ, ըստ նախկին օրինաց, թէ կալուածատէրը մեռնէր և չունենար արու գա-

ւակ, կալուածը չէր անցներ մերձաւոր ժառանգաց և կրկին կը դառնար վաքըֆին. որ ըսել է շարժման մէջ եղած դրամազուրիս մը կը վերցուէր վաճառականական հրապարակին վրայէն:

Ալի փաշա վստահ Արդիւլ Ազիզի ազատական գաղափարաց վրայ, ջանաց, յաղթեց, անցաւ կրօնական կանխակալ կարծիքներու վրայէն և վերջապէս նոր օրէնքով մը կրցաւ աշխարհակոնացնել վաքըֆները: Կայսերական նոր հրամանագիր մը Բունիս 17ին կը ծանուցանէր որ «Երկրագործութեան և վաճառականութեան յառաջադիմութեանը համար» կը սահմանէր որ՝ եթէ վաքըֆի տէր մը մեռնի և չունենայ արու կամ էգ զաւակ, այն ատեն կալուածը անցնի իր ամենէն մերձաւոր ժառանգին: Գարձեալ վաքըֆ կալուած մը կրնար պարտուց տեղ գրաւի ծառայել: Բայց հրամանագիրը կը ծանուցանէր որ ներկայ օրէնքը միայն Սուլթանէն հաստատուած վաքըֆներուն համար է. և կամ այն վաքըֆներուն համար, որոնց տէրն մեռնելով և ուղղակի ժառանգ չունենալով, կալուածը տէրութեան անցեր է:

Վաքըֆ կալուածներուն եղած շնորհքին փոխարէն, արժէքին համեմատ 15% տուրք մը զրուեցաւ որ բաժնուեցաւ հինգ տարուան վրայ:

Բայց վաքըֆի նկատմամբ եղած օրէնքէն շատ աւելի յառաջադիմական քայլ մը կրնայ համարուիլ այն օրէնքը, որով «Օտարազգի հպատակը կրնային քաղաքային կամ դաշտային կալուածներ ստանալ Թուրքիոյ ամեն զաւառաց մէջ բաց ի Հէճագէ¹: Օտար երկրի հպատակը, որոնք կալուած պիտի ստանային, պիտի ենթարկուէին միանգամայն օսմանեան հպատակաց հաւասար ամեն հողային և կալուածական օրէնքներու, և իրենց սնանկութիւնը պիտի դատուէր օսմանեան դատարաններէ:

1. Արարիոյ այն զաւոր, որ կը գտնուին մահմէտական կրօնի սուրբ համարուած տեղերը:

Այս երկու հողային և կալուածական օրէնքները մեծ կարեւորութիւն մը ունէին թուրքիոյ համար. և ներքին կալուածական օրէնսգիտութեան համար նոր ժամանակ մը կը բանային, ընդհանուր գոհութիւն մը տալով թէ հպատակ և թէ օտարազգի քրիստոնէից և միանգամայն թուրք յառաջացեալ մասին: Երկու բարեկարգութիւնք էին ամենակարեւորք, զորս Աալի փաշա ջանացեր էր հրատարակել դեռ Արդիւ Ազիզ չմեկնած ի Պարիս Յուցահանդէսին: Արդէն այս մեկնումը նշանակ էր որ թուրքիա հանդարտ և անվախ վիճակի մէջ էր, և թէ Աալի փաշա արդէն վարչական մեծ ազդեցութիւն ունէր:

Արդիւ Ազիզի երթը ի Պարիս. — Աալի փաշա թագապահ ի Կ. Պոլիս:

3. — Նապոլէոն Գ Պարիսու Տիեզերական Յուցահանդէսին հրաւիրած էր բոլոր կայսերք, թագաւորք և իշխանք: Մայիսի սկիզբները գրած էր իւր դեսպանին ի Կ. Պօլիս, Պ. Բուրէ, մտերմաբար խմանալու որ արդեօք Սուլթանն ալ կ'ընդունէր այսպիսի հրաւեր մը: Արդիւ Ազիզի հաստատական պատասխանին վրայ, քիչ օր վերջը Նապոլէոն Գ ինքնագիր նամակով մը, հրաւիրեց զԱրդիւ Ազիզ Պարիսու Յուցահանդէսին: Սակայն այս հրաւերին ընդունելութեան լուրը մեծ յուզումն պատճառեց Կ. Պոլսոյ կրօնական շրջանակներուն մէջ: Առաջին անգամ էր որ օսմանեան ինքնակալ մը և խալիֆա մահմէտականութեան, օտար և այն քրիստոնեայ հողի մը վրայ պիտի կոխէր: Կրօնամուրք այս գործը ոչ միայն ընդդէմ Ղուրանի կը համարէին, այլ և արտաքսապէս նուաստութիւն մը իսլամութեան խալիֆային. շէյխիսլամը մերժեց հաստատական ֆերվա տալու, ցոյցեր և բողոքներ եղան ընդդէմ Սուլթանին, որոց սակայն կարեւորութիւն չտուաւ Աալի փաշա. և որոնք լմնցան շէյխիսլամի պաշտօնանկութեան և գլխաւոր յուզիչներուն ձերբակալուելով¹:

1. Կրօնամուր օսմիկը հանդարտեցնելու համար, ճարտարամիտ ձայն մը տարածուեցաւ որ՝ Սուլթանը սուրբ ի Գազզիա կոխած ժամանակ, իւրբեւ խալիֆա սէր կ'ըլլար երկրին, ըստ հոնկէ ելլելու ժամանակ նորէն զայն կը թողուր տեղոյն իշխանութեան:

Արդիւ Ազիզ վարչութեան ամեն հոգեբոր յանձնեց Ալի փաշայի, որուն վրայ լիովին վստահութիւն ունէր. մի առ մի ընդունեցաւ Պետութեան բարձր պաշտօնեայքը և հպատակ ազգապետները և մասնաւոր ուշադրութիւն ունեցաւ Յունաց և Հայոց պատրիարքներուն, որոնք իրենց ազգակցաց կողմանէ եկեր էին ողջերթ մաղթելու: Ընդունեցաւ նաեւ ամեն Պետութեանց ղեսպանները և Յունիս 10ին յետ կատարելու կէսօրուան աղօթքը Օրթագիւղի մզկիթը, դարձաւ Դուլմա Բահճէ, ուսկից քիչ վերջը օտարազգի շարուած ղեսպանական նաւերուն մէջէն անցնելով կայսերական մակոյկով, ելաւ Սոյրսնիկ մարտանաւը որ զինքը պիտի տանէր և որուն պիտի ընկերակցէին Օրիսան և Ազիզի գրահաւորը և Տալիս, Իամայիլ և Պէրիվի Պիպի պետական նաւերը: Արդիւ Ազիզ իրեն ուղեկից առած էր իր եղբորորդի իշխանները՝ Մուրադ և Արդիւ Համիդ էֆէնտիները, իր որդին Եուսուֆ Իզէդդին էֆէնտի, Արտաքին Գործոց պաշտօնեայն՝ Յուստ փաշա, կայսերական ղեւանին թարգմանը՝ Աարիֆի պէյ և Արքունի ճարտարապետը Սարգիս պէյ Պալեան: Կային ուրիշ բազմաթիւ բարձրաստիճան անձինք, բժիշկներ, սպայք, թիկնապահներ և ծառայք: Միաբան կ'երթար մինչեւ ի Պարիս նաեւ Պ. Իուրէ, Գաղղիոյ ղեսպանը, իր ղեսպանական նաւով և անգղիական ղեսպանատան առաջին քարտուղարը՝ Մուր. Սուլթանը ընդունած ըլլալով նաեւ Անգղիոյ Թագուհոյն հրաւերը ի Լոնտրա:

Արդիւ Ազիզ Յունիս 26ին հասաւ ի Նսպոլի և 29ին մտաւ ի Տուլոն շրջապատուած գաղղիական, անգղիական և իտալական մարտանաւերէ, որոնք ճամբան միացեր էին զՍուլթանը տանող գրահաւոր նաւերուն: Նսպոլէոն Գ մասնաւոր նուիրակութիւն մը զրկեր էր ի Տուլոն, որ շքեղ ընդունելութիւն մը ըրաւ կայսեր: Հոն էին նաեւ զինքը պատուելու համար Մուսթաֆա Ֆազլը փաշա և օսմանեան ղեսպան՝ Ճէմիլ փաշա: Արդիւ Ազիզ Յունիս 30ին հասաւ ի Պարիս, Լիոնի կայարանը, ուր կը սպասէր իրեն կայսրը՝ բովանդակ ար-

ըունիրով: Յետ ողջոյններու, կայսերը, ժողովրդեան անհամար կեցցէներուն մէջէն ուղղուեցան ի Տիւլլըրի կայսերական տան կառքերով¹: Եւժէնի կայսրուհին շրջապատուած իր պատուոյ տիկնանցմէ կը սպասէր Սուլթանին կայսերական պալատան սանդխոց գլուխը, և ըստ կանխաւ յարմարութեանց, նախ Արդիւ Ազիզ խօսեցաւ և ներկայացուց իր ուղեկիցըը, յետոյ կայսրուհին: Այս պաշտօնական այցելութենէն վերջը Սուլթանը տարուեցաւ Շանգ Լյիզէի պալատը:

Արդիւ Ազիզ
Պարիսու մէջ:

4. — Սուլթանը առաջին օրերը պաշտօնական այցելութիւններով անցուց, որոց մէջ մասնաւոր դիտուեցաւ Նապոլէոն Գի գահաժառանգ որդւոյն այցելութեանը փոխարէն, Երեսուֆ Իզէզդին էֆէնտիի այցելութիւնը, մինչ ըստ օսմանեան օրինաց Մուրատ իշխանն էր թագաժառանգ. և այս այցելութեան մէջ, դիւանագէտը ուզեցին ըմբռնել քիչ տարի վերջը Արդիւ Ազիզի բրած շանքերը ի նպաստ իւր որդւոյն յաջորդութեան:

Սուլթանը ի Պարիս իշխանազուններ ընդունելէ վերջը, ընդունեցաւ բազմաթիւ Գաղղիոյ նշանաւոր անձինքը գիտնական ու արուեստական համբաւ ունեցող անձինք. օսմանեան հպատակներ և օսմանեան հպատակութիւն ունեցող վարժարանաց տեսուչք², ուսուցիչք և աշակերտք. զոհ մեծապէս Գաղղիոյ նման յառաջացեալ երկրի մէջ իր հպատակացը բռնած պատուաւոր դիրքէն: Իրեն հպատակը իրենց ուղերձներուն և մաղթանքներուն մէջ՝ յայտնապէս կ'ըսէին յոյսերնին, փութով եւրոպական բարեկարգութիւնքը և յառաջադիմութիւնքը տեսնել նաեւ ի թուրքիա՝ իրենց հայրենեաց մէջ:

1. Ժամանակին լրագիրք կը պատմեն Արդիւ Ազիզի շքեղ մուտքը ի Պարիս: Առաջին կտորին մէջ էին Արդիւ Ազիզ Նապոլէոն Գ և դիմացնին Ֆրանս Փաշա, որ գաղղիարէն լեզուի վարժ ըլլալով, թարգման էր կայսերաց: Իրկրորդ կտորին մէջ էին Մուրատ, Արդիւ Նամիտ, Երեսուֆ Իզէզդին իշխաններն և ժողովն Մուրատ իշխանը:

2. Յորս և Մուրատեան վարժարանի Տեսչութիւնը, զոր պատուեց շքանշանովք:

Արդիւ Ազիզ գնաց նաեւ ի վէրսայլ, սքանչացաւ և գաղափար մը ստացաւ Գաղղիոյ վերջին թագաւորաց շքեղ կեանքին վրայ: Այցելեց Սէն Սիր զինուորական վարժարանին, Անկեւանոցին և ուրիշ նշանաւոր զինուորական և արուեստական տեղերու: Կապուէնն Գ ի պատիւ իւր կայսերական հիւրին 50,000 զօրաց զօրահանդէս մը կատարեց լա կոնկորդ հրապարակին մէջ և քաղաքային վարչութիւնը՝ լուսավառութեամբ զարդարեց Օտէլ դը Վիլը:

Սուլթանին այս իշխանական այցելութեանց միջոց, իր Արտաքին Գործոց պաշտօնեայն, հռչակաւորն Ֆուատ փաշա, զբաղած էր աւելի շահադիտական այցելութեանց և համախմբութեանց: Դրամական, վաճառականական հաստատութիւնք և մեծ ընկերութիւնք երեկոյթներ և ճաշեր տուին Ֆուատ փաշայի, բնական է ներկայ և ապագայ յոյսերով, որոց մէջ կը ճառախօսուէին թուրքիոյ քաղեւիթ օգուտները Սուլթանին այս ուղեւորութեանէն: Ֆուատ փաշա, արթուն և ճարտար խօսող և դատող, ըստ պարագային կը պատասխանէր եռանդուն գոհութեամբ: Լրագրապետները մեծ կարեւորութիւն տուած էին որ զիրենք ընդունելով ըսած էր «Սուլթանին ուղեւորութիւնը ի Պարիս և ի Լոնդրա Արեւելքի քրիստոնեայ ազգաց բարոյական և նիւթական վիճակին բարւոյրման գրաւականն էր¹»:

Արդիւ Ազիզ արեւելեան պերճ ճոխութեամբ գերազանցելով մեծապէս միւս բոլոր կայսերական հիւրերը, Պարիսէ չմեկնած 75,000 ֆրանք յանձնեց Սէնի քաղաքապետին Պարիսու աղքատաց համար, 100,000 ֆրանք Շանգ լիլիզէի պալատան սպասաւորաց, և 75,000 ֆրանք դարձեալ կայսրուհւոյն պաշտպանութեան ներքեւ եղող բարեգործող կուսանաց: Իսկ Տէրութեան պաշտօնէից և

1. Արդիւ Ազիզ եկեղեցական իշխանութեանց՝ Պապի Կոնիքակին և Պարիսու Գերապայժառ Տ'Աբրուա արքեպիսկոպոսին այցելութեան զրկած էր իր փառս սաքարը:

բարձրաստիճան անձանց և զինուորական պետերու նշաններ բաժնուեցան. փոխադարձաբար նոյնը ըրաւ նաեւ Նապոլէոն Գ: Արդիւ Ազիզ վերջին օրերը մասնաւոր տեսակցութիւնք ունեցաւ կայսեր հետ, ինչպէս Ֆրուտ փաշա Ռուհէի հետ:

Արդիւ Ազիզ
Անգղիա և
Լոնդրա:

5. — Յուլիս 11ին այն ամեն շքեղութեամբ որով ընդունուած էր գալստեան ժամանակ Արդիւ Ազիզ, նոյնպէս տարուեցաւ Նապոլէոն Գէ Հիւսիսային կայարանը, և մեկնեցաւ դէպ ի կալէ իշխանագուններով և իր հետեւորդներով, միաբան ունենալով նաեւ անգղիական կ. Պօլսոյ թարգմանը: Ի կալէ կը սպասէր իրեն Անգղիոյ Պետութեան նուիրակութիւն մը պետական (Ոգլլրն մարտանաւով և օսմանեան դեսպանը Միւզիւրուս փաշա: Յուլիս 12ին մտաւ ի Դուվր, ուր ընդ առաջ եկած էին իրեն Գալլէսի թագաժառանգ իշխանը և թագուհւոյն հօրեղբայրը՝ կէյմպրիճի դուքսը: Դուվրէն մինչեւ Լոնդրա մինչեւ Բրկկինգամ պալատը, ուր պիտի բնակէր Սուլթանը, յաղթական ընթացք մ'էր, անգղիական ժողովրդեան ըրած եռանդուն ընդունելութեան պատճառաւ:

Երկրորդ օրը Արդիւ Ազիզ գնաց Ուինսորի պալատը, ուր թագուհին կը սպասէր իրեն և Վիկտորիա իր հինգ տարուան սուգը թողլով, այն օրը ամենայն շքեղութեամբ ընկերեց Սուլթանին: Արդիւ Ազիզ նոյն երեկոյ Գալլէսի իշխանին հետ Գովընդ Գարտըն թատրոնը գնաց, ուր անգղիացի ժողովուրդը եռանդնալից ցոյց մը ըրաւ իրեն: Միւս օրը թագաժառանգ իշխանին հետ այցելեց Վուլվիչի նաւարանին. Յուլիս 17ին Պորթսմութ գնաց և Սթիթհէտի դիմաց թագուհին ի պատիւ իր կայսերական հիւրին՝ 49 մարտանաւերէ նաւահանդէս մը տուաւ. և յետոյ ի յիշատակ այն օրուան, նուիրեց անգղիական ժադէրիտի բարձր կարգը: Լոնդրայի ժողովուրդն ալ զՍուլթանը Լոնդրայի քաղաքացի անուանեց: Շքեղ ընդունելութիւն մը տրուեցաւ Արդիւ Ազիզի նաեւ Հնդկաստանի Պաշտօնարանի կողմանէ, արեւելեան դիւթիչ ճոխութեամբ և Սուլթանը սիրով ընդունեցաւ Մէնչըսդրի հայ վաճառականաց յիսուն անձանցմէ կազմեալ

նուիրակութիւնը, որ եռանդուն ուղերձ մը կարդաց առ Սուլթանը. և Արդիւ Ազիզ յայտնեց իր մեծ գոհութիւնը, այդպիսի հպատակաց մէջ գտնուելով: Իր արքայական այցելութիւններէ վերջը, առանձին այցելութեամբ մը պատուեց միայն զՏիկինն Պալմէրստոն, յայտնելով իր մեծ ցաւը որ մեծ պաշտօնէին ողջութեան օրով, չէր կրցած կատարել այդ պարտքը:

Ինչպէս ի Պարիս՝ նաեւ ի Լոնդրա ընդունեցաւ Արդիւ Ազիզ գիտնական և արուեստական բարձր անձնաւորութիւնները, յորս մասնաւորապէս զԼորտ Սթանլէյ, որուն հետ երկար խօսեցաւ և Պէյճ նշանաւոր ճարտարագետը՝ որուն յայտնեց թուրքիոյ մէջ Երկաթուղեաց հաստատելու իղձը: Արդիւ Ազիզ (գոստոս շշին թողուց զԼոնդրա և Գալլէսի իշխանին ու Կէյմպրիճի դքսին հետ հասաւ ի Գուվը, ուր կը սպասէր իրեն (զպարտարքայական շոգեմարտ, որ ուրիշ պետական նաւերու ընկերակցութեամբ, մեկնեցաւ զինքը կալէ տանելու:

Սուլթանը Լոնդրայէ մեկնած ժամանակ շոտլանդի գումար մը յանձնեց էր քաղաքագլխոյն, մայրաքաղաքին աղքատաց համար. ուրիշ գումարներ ալ բաշխած էր բարեգործական տեղեաց: Կալէ հասնելուն շնորհակալութեան հետագիր մը ըրաւ առ թագուհին առ Գալլէսի իշխանը և առ դուքսն Կէյմպրիճի:

Սուլթան Արդիւ Ազիզ կանխաւ հրաւերներ ընդունած էր Բեյճիոյ թագաւորներէն, ինչպէս նաեւ Աւստրիոյ Փրանկիսկոս Յովսէփ կայսրէն: Անոր համար հարկ եղաւ որ անցնի Բեյճիայէն և ի Լիէժ ճաշէ Լէոփոլտ թագաւորին հետ: Սիրալիր դիմաւորումն և տեսակցութիւն մը ունեցաւ ի Կոպլէնց Պրուսիոյ Գուլլիէմոս թագաւորին հետ և Յուլիս շշին հասաւ ի Վեննա:

6. — Փրանկիսկոս Յովսէփ կայսրը մարաջախտի համազգեստով շրջապատուած բոլոր արշիդուքսերէն, կայարանի մէջ կը սպասէր (սմանեան ինքնակալին: Արդիւ Ազիզի հասնելուն, կայարանը թնդաց կէցցէներով և յետ ողջոյններու և պաշտօնական ներկայացմանց, երկու ինքնակալը ուղեւորեցան Շէյմպրին պալատը և

Արդիւ Ազիզ
ի Վեննա,
Բէշդ, Անցք
Գանուրեան իշխանութիւններէն:

նոյն երեկոյ շքեղ հացկերոյթ մը տուաւ Աւստրիոյ կայսրը առ Արդիւ Ազիզ, որուն ներկայ էին բոլոր արշիդուքսերը: Երկրորդ օրը Սուլթանը ընդունեցաւ օսմանեան հպատակաց պատգամաւորութիւնը, հոս ալ յայտնելով իր գոհութիւնը այդպիսի յառաջադէմ հպատակներ տեսնելով. յետոյ ներկայ գտնուեցաւ կայսեր հետ Թնդանօթաձիգ գունդերուն զօրահանդէսին և եռանդնալից կեցցէներ ստացաւ երեկոյեան հանդիսաւոր թատրոնի ժամանակ:

Յուլիս 31ին Արդիւ Ազիզ մեկնեցաւ Վեննայէն Դանուբի ճամբով: Փրանկիսկոս Յովսէփ, բոլոր արշիդուքսերը և Վեննայի բարձր ազնուականութիւնը ընկերեց Սուլթանին մինչեւ շոգեհաւ. և շոգեհաւը մեկնելու պահուն անհամար կեցցէներ լսուեցան: Աւստրիոյ մայրաքաղաքը կարծես չէր հաւատար օսմանեան Սուլթան մը հիւր ունենալուն վրայ:

Մաճառք որոց համակրութիւնը թուրքիոյ նկատմամբ հանրածանօթ է, թերեւս հին արեւակցութեան պատճառաւ, խնդրեր էին նուիրակութեամբ մը, նոյն բաղդը, նոյն պատիւը իրենք ալ ունենալու: Արդիւ Ազիզ երեկոյ հասաւ ի Բէշդ, որ ամբողջովին լուսաւորուած էր, մեծ տօնական օրերու նման: Եւ սակայն գիշերուան պահուն պատճառաւ շոգեհաւէն չելաւ և ընդունեցաւ միայն Դանուբեան գաւառաց օսմանեան կուսակալը՝ Միտհատ փաշա, յետոյ այնքան նշանաւոր: Երկրորդ օրը ելաւ ի Բէշդ և աննկարագրելի եռանդով և կեցցէներով ընդունուեցաւ մաճառ ժողովրդէն. այն կէսօրը ճաշեց թագաւորական պալատը: Երեկոյեան կրկին մտնելով ի շոգեհաւ, մեկնեցաւ Բէշդէն անհամար կեցցէներով:

Դանուբի ուղեւորութիւնը Հունգարիոյ մասին մէջ, գեղեցիկ, արգաւանդ և լաւ մշակուած երկիրներ կտրելով, հմայիչ երեւոյթ մը ունէր. որուն կը միանար ամեն կողմ ժողովրդեան ցրցուցած համակրանքը: Շրջակայ ժողովուրդը խուռն բազմութեամբ կը դիմէին գետափի կայարանները պատուելու զՍուլթանը: Պէլկրատի դիմացէն անցնելու ժամանակ, բերդերէն 101 Թնդանօթի

հարուածք պարպուեցան և բերդօրէից զինուորը ողջոյնի կեցան: Թէպէտ Միլան իշխանին Բէլկրատ չգտնուիլը ունէր իր իմաստը: Երբ Սուլթանը Ռուսճուր հասաւ, հոն եկաւ զինքը պատուելու Ռուսմանիոյ կարող իշխանը: Ի Ռուսճուր իմանալով որ Զարը Ղրիմ կը գտնուէր, ըզֆուատ փաշա զրկեց իր ողջոյնը տանելու:

Սուլթանին նախկին դիտաւորութիւնն էր ցամաքէն ուղեւորութիւնը շարունակել Աղբիւնուպօլսոյ վրայէն. սակայն Ռուսճուր ընդ առաջ եկող թուրք պաշտօնեայք, ծրագիրը փոխել տուին և բոնադատեցին որ ծովէն մտնէ ի կ. Պօլիս: Համարուեցաւ որ թուրք պաշտօնեայք չուզեցին որ Սուլթանը աչքով տեսնէ յետ Հունգարիոյ մշակեալ և բարգաւաճ երկիրներուն, Տաճկաստանի խեղճ վիճակը. բայց կային ուրիշ պատճառներ և երկիւղներ ալ թուրք կրօնամուլ խումբէն:

7. — Աբդուլ Ազիզի Վոսփօրէն մուտքը Սոսրասնիկ մարտանալով, որուն կը հետեւէին ընդ առաջ գացող աւագանւոյն, դեսպանութեանց, ազգապետաց, ժողովրդեան անթիւ շոգեմաւրք, և մակոյկք արեւելեան ճոխութեամբք, ամեն նկարագիրներէ վեր է: Ինչպէս նաեւ Պատմութենէ դուրս կը համարինք նկարագրելու երեք գիշեր Վոսփօրի եզերք, ի Ստամբուլ և Բերա եղած լուսաւորութիւնք և հրաձգութիւնք, յորս ամենէն ճոխ և դիւթիչ համարուեցաւ Եգիպտոսի փոխարքային ըրածները Լամիրկէնի պալատան առջեւ:

Այս միջոցիս միանգամայն արդէն սկսեր էին Դուլմա-Բահճէի պալատան մէջ Սուլթանի կողմանէ ընդունելութիւնք՝ նախարարաց, դեսպաններուն, բարձրաստիճան պաշտօնէից, Պատրիարքներուն և ամեն կրօնքի զխաւորներուն և ազգապետներուն: (Սրուան մէջ ընդունելութիւնք էին և գիշերները լուսաւորութիւնք և երեկոյթք, յորս արեւելեան ճոխութեամբք, և մաս մ'ալ շողորթութեամբք, կը մրցէին մէկ մէկու հետ նախարարներ, հարուստներ և մինչեւ օտարազգիք: Յարդ կը յիշեն այն օրերը տեսողը մոզական երեկոյթները և մանաւանդ վէզիրին տուածը իր Բէրէքի պալատան մէջ, որուն նմանը

Աբդուլ Ազիզի
յարժք: Ուղեւորութենէն
յուսացուած
արդիւնքներ:

ոչ ոք կը յիշէր: Արդիւ Ազիզ քանի մը անգամ գիշերները ելաւ պտըտելու և տեսնելու լուսաւորութիւնը և հրաձգութիւնը. բնական է իր այս մերձաւորութեամբ ժողովրդեան սիրտը գրաւելով: Այս հանդէսը միայն մայրաքաղաքին մէջ չէին, այլ գաւառներուն զլիաւոր քաղաքներն ալ մրցեցան հանդէսներով և լուսավառութիւններով և քան զամենը գերազանցեցին Զմիռնիա, Ադրիանուպօլիս և Տրապիզոն:

Բայց այս հանդէսներէն աւելի կը շարունակէր բոլոր ազգաց զարմանքը Սուլթանի մը ուղեւորութեան վրայ յիշրոպա: Շատերը նաեւ յետ կատարուելուն, անհաւատալի երազ մը կը համարէին: Սուլթաններուն պատմութիւնը, պալատան խորհրդաւոր կեանքը իւր բիւրազգի գոյներով նկարագրուած, զիրենք բացառիկ անձնաւորութիւն մը կազմած էր, գոգցես անմատչելի և երկիւղալի: Յանկարծ Արդիւ Ազիզի երեւոյթը սովորական իշխանի մը նման, ոչ միայն թագաւորաց այլ նաեւ գիտնականաց և արհեստագիտաց հետ ընտանի վարմունքը կը ցուցնէր բովանդակ աշխարհքի, որ մեծ յեղափոխութիւն մը կատարուեր էր ի Թուրքիա, յայտնի է մասնաւորապէս քրիստոնեայ հպատակաց ջանքովը. և նոր թուրք սերունդը անոնց հետ շփմամբ, տարբեր ոճով կ'ըմբռնէր նոյն իսկ զուրանի շատ մը վճիռներ. որ Թուրքիա քաղաքականացեալ ճամբու մը մէջ կը մտնէր. եթէ չ'ըլլայ ձեռք մը որ զայն կեցընէ: Արդիւ Ազիզի այս ուղեւորութիւնը արդէն այս մեծ յոյսը ծներ էր իր լուսամիտ հպատակաց միտքին մէջ: Անոնք, մեծաւ մասամբ քրիստոնեայք, կը սպասէին ի հիմանց նորոգութիւն մը. քայլ առ քայլ մտքովն հետեւեր էին Սուլթանին գացած տեղերը և նշանակեր էին անոր լսածները և ըսածները. կը համարէին որ եկաւ ժամանակը կանոնաւոր հսկողութեան ներքեւ Ելեւմուտք մը ունենալու. Արդարութեան ատեանները կաշառքներէ սրբելով, իր արդար վիճակին մէջ դնելու. և գաւառներուն գերի վիճակը բարձրացնելու: Արդիւ Ազիզ ըմբռնած էր իր հպատակաց սպասածը և անհոգ չեղաւ

արհամարհելով, նա մանաւանդ կրէտէի ապստամբութիւնը որ դեռ կը տեւէր կայսրութեան այնքան վնասներով. զիտէր որ կուսակալաց կեղեքիչ դրութենէն առաջ եկած էր: Ի զուր Աալի փաշա երթալով ի կրետէ իր համոզիչ լեզուով ջանացեր էր ապստամբութիւնը մարել. խոստումներու հաւատացող չկար. իրօք պէտք էր սկսիլ բարեկարգութիւնները, և Աալի փաշա խրախուսեց իր տէրը փութով ձեռնարկելու:

8. — Պետութեան Ատեանի մը հաստատութիւնը, առաջին կարեւորը համարուեցաւ, և դրուեցաւ թէպէտ շատոնց առաջարկած էր Աալի փաշա: Ընտրութիւնը Սուլթանին և նախարարաց ձեռքն էր: Անդամոց կէսը քրիստոնեայք եղած և կէսը մահմէտականք: Արդիւ Ազիզ անձամբ բացաւ զայն Թունիսի մէջ, և այս առթիւ անհամար բազմութեան առջեւ կրկնեց մահմէտականաց մեծամասնութեան համար անախորժ հաստատութիւն մը. որ բոլոր հպատակք հաւասար էին իրեն համար, ինչ ալ ըլլար կրօնքնին: «Ինծի համար, ըսաւ, բնաւ տարբերութիւն մը չկայ մահմէտականի և քրիստոնէի մէջ: Մինչեւ այսօր քրիստոնէից կրօնքը և իրաւունքները պաշտպանուած էին. բայց քրիստոնեայք մեծ պաշտօններու չէին կանչուեր. դեռ հին դրութիւնն էր այդ. հիմա ամեն պաշտօնի դուռը, նոյն իսկ մեծ վէզիրութեան, բաց է քրիստոնէից առջեւ: Վստահացէք ինծի, կ'ուզեմ իմ հպատակացս երջանկութիւնը, առանց խտրութեան կրօնքի և ցեղի»: Առաջին անգամն էր որ օսմանեան սուլթան մը այս լեզուն կը գործածէր բոլոր ժողովրդեան առջեւ, և որչափ որ ինքն և Աալի փաշա կ'ըմբռնէին ըրած քայլերնուն ծանրութիւնը մոլեռանդն մահմէտականաց աչքին. սակայն հաստատամիտ երկրին բարութեան համար, չվարանեցան հրատարակելու:

Անկէ վերջը նոր ծրագիրք և բարեկարգութիւնը մէկգմէկ յաջորդեցին, որոց ամենուն ոգին մեծ վէզիրն էր Աալի փաշա. սակայն Արդիւ Ազիզ լիովին վստահութեամբ իւր պաշտօնէին վրայ, ցրցուց կառավարչական պարտուց ճանաչումը: Բացուեցաւ Գալաթա Սարայի.

Պետութեան
Ատեանը. Գալաթա Սարայի
Լիկնոր. —
Գալա Սուլթանին
դէմ:

1868

կայսերական լիկէոնը, յար և նման գաղղիական լիկէոնաց ծրագրով. եւրոպացի նա մանաւանդ գաղղիացի ուսուցչաց ուղղութեան ներքեւ¹, ուր պիտի կրթուէին միաբան իսլամ և քրիստոնեայ պատանիներ. այսպէս փոխադարձ ճանչնալով մէկզմէկ ի մանկութենէ, ապագային միաքայլ պիտի ծառայէին հայրենեաց:

Լիկէոնի հաստատութեան յաջորդեցին աստղաբաշխական և օդերեւութական դիտարանք, յետոյ դատարանական բարեկարգութիւնք. Ներքին Գործոց պաշտօնաւանի կազմութիւնը, չափուց և կշռոց տասանորդական դրութեան վերածումը՝ որ թէպէտ շատ ընդդիմութիւն և դժուարութիւնք կրեց և կը կրէ հաստատուելու համար: Յետոյ գաւառները մայրաքաղաքին մօտեցնելու, և վաճառականութեան մեծ մղումն տալու համար, Ալալի փաշա սկսաւ ընդհանուր թուրքիոյ Երկաթուղեաց ծրագիրը: Եւ որպէս զի շինութիւնը բոլորովին չձանրանայ գանձուն, Արդիւ Ազիզ նախ մեծ գումար մը ստորագրեց, որուն հետեւեցան նախարարք և հարուստք: Թուրքիա արդէն շատոնց միացած էր Եւրոպիոյ հետ հեռագրական թելով: Աւելի երազելու համար այս յարաբերութիւնքը դրուեցաւ նաեւ ծովու ներքեւ թելն ալ:

Կ. Պօլսոյ ներքին կեանքն ալ որ արդէն Սուլթան Արդիւ Մէճիտի օրով սկսած էր եւրոպական կերպարանք մը առնուլ, Արդիւ Ազիզի օրով և մանաւանդ Եւրոպայէ դարձէն վերջը, Բերա բոլորովին Արեւմտեան մայրաքաղաքաց ձեւն առաւ. յորս թագաւորք և իշխանք կը մասնակցին և կը խրախուսեն թատրոններ և զուարճութիւններ: Արդիւ Ազիզ զանազան անգամ գտնուեցաւ ժողովրդեան հետ Նաումի թատրոնը և ուրիշ զուարճութեանց տեղեր, անվախ և վստահ ամբոխին վրայ²:

1 Գալաթա Սարայի Լիկէոնը թէ ի սկզբան և թէ շարունակութեան մէջ ունեցած է պատուաբեր հայ ուսուցիչներ:

2 Իննեւտասներորդ դարու երկրորդ կիսուն ապրողները ի Ա. Պօլիս լաւ կը յիշեն Նաումի թատրոնին հաստատութիւնը և հառարակաց կենաց մէջ անոր կատարած և ստացած մեծ դերը: Նաումը ճարտարամիտ անձ մ'էր Ասորի-

Այս նորութիւնները, որոնք, ըստ սոփրայից, հակառակ էին ղուրանին, մեծապէս յուզեցին կրօնամուկ ոգիները և Սուլթանին կենաց դէմ զաղտնի դաւաճանութիւն մը կազմուեցաւ որ տեղիք պիտի ունենար Նոյեմբերի մէջ. բայց իմացուեցաւ, և դաւաճանք բռնուելով պատժուեցան, մեծաւ մասամբ աքսոր ղրկուելով ի Բէնկազի կամ Արարիա: Այս դաւաճանութիւնը որչափ որ տպաւորութիւն մը չ'ըրաւ Արդիւ Ազիզի վրայ. սակայն յայտարար մ'էր մահմէտական տարրին մեծապէս յուզուելուն ընդդէմ բարեկարգութեանց, որոնք մանաւանդ քրիստոնեայ Եւրոպայէ կ'առաջարկուէին:

Գ. — Մատակարարական ասպարիզի բարեկարգութեանց մէջ, Արդիւ Ազիզի խոհական և անխոնջ օգնական եղբր էր հայազգին Գրիգոր Աղաթոն էֆէնտի, որ Մայիսի մէջ տակաւին 45ամեայ կը վախճանէր ի Պարիս. ուր ղրկուած էր Պետութեան կարեւոր գործոց համար և Արդիւ Ազիզ ի նշան իւր մեծ գոհութեան դեռ նոր զինքը անուանեք էր Պաշտօնեայ Հասարակաց Աշխատութեանց. այսպէս առաջին անգամ պաշտօնեայ անուանելով հայազգի մը: Աղաթոն էֆէնտի ի մանկութենէ լուրջ և ուսումնասէր, ստացեր էր ճէզայիրեան Մկրտիչ աղայի համարումը, որ զինքը Գաղղիոյ Երկրագործութեան կրիսեոնի հոչակուած վարժարանը ղրկեց, ուսկից առաջին կարգի վկայականով դառնալով ի Կ. Պոլիս, Թէշիտ փաշա զինքը վերատեսուչ դրաւ յԱլիս-

Գ. Աղաթոն էֆէնտիի մահը:

1868

Քնն: Շատ տարիներ Կ. Պոլիս և Եգիպտոս կը մրցէին, թատերական եղանակին ունենալու: Ղհատմ: Արդիւ Ազիզ իր ներկայութեամբ կը խրախուսէր Նատուի թատրոնը որ Կ. Պոլսոյ բարձր ընկերութեան համար այն եղած էր, ինչ որ Օպերա Գաղղիոյ մայրաքաղաքին համար: Սուլթանին համակրանաց նշան, յիշենք հետեւեալը, ժամանակին լրագրէ մը առնելով. «Ոգոտափառ Սուլթանը անցեալ կիրակի Նատուի թատրոնը իր ներկայութեամբ պատուելուն առթիւ, Նատուի 200 լիւրա և թատրոնին տնօրէնութեան 800 լիւրա շնորհեց: Օրերոյ Նատու ալ Նորին Վեհափառութեան թատրոն մտած ժամանակ, փունջ մը ծաղիկ ներկայացուց, որուն համար Նորին Վեհափառութիւնը իրեն 50 լիւրա շնորհեց»: Մասիս 1868 Մարտ 30. — Բերայի Պ. Մանասի թատրոնի օթեակները, միշտ բռնուած էին փաշաներէ. և ուր կ'երգէին Եւրոպայի հոչականուն երգչուհիք և երգիչք:

դէֆանօ հաստատուած Երկրագործական վարժարանին, որուն փակուելէն վերջը դրամական անձկութեան պատճառաւ, ճէզայիրլեան Մ'կրտիչ Աղա, որ այն ատեն ստանձնեիր էր Ասորոց գաւառներուն մաքսերը, զԱղաթոն էֆէնտի գանձապահ դրաւ:

Մ'կրտիչ Աղայի աղէտքներէն և անկմանէն վերջը¹, Պետութիւնը որ արդէն գնահատեւ էր Աղաթոն էֆէնտի հաշուակալական կարողութիւնըը, զինքը անդամ անուանեց Փանձուն Հաշուակալութեան ժողովքին. և ապա վերատեսուէ թղթատարութեանց և Հեռագրոց. և այդ մատակարարութեան մէջ մտցուած եւրոպական շատ մը կարգեր, իրեն արդիւնքն են: Այս պաշտօնով մասնակցեցաւ ի Պարիս 1865ի Համաշխարհական թղթատարական ժողովքին. և Նապոլէոն Գ. Լէժիոն տ' (Մնէօրի մեծ խաչը նուիրեց իրեն: Կանչուած էր Սուլթանի վստահութենէն իրր պաշտօնեայ Հասարակաց Աշխատութեանց, այդ ճիւղին մէջ ալ բարեկարգութիւնք մտցնելու, երբ մահը վրայ հասաւ. և սակայն իրմով չլինցաւ իր տուած մղումը: Աղաթոն էֆէնտի զոյգ Օտեան Գրիգոր էֆէնտի, սկզբնապատճառք կը համարուին ութ տարի վերջը ի Թուրքիա սահմանադրական յառաջադիմութեանց շատ մը քայլերուն և Միտհատ փաշա իրենց աշակերտ մ'էր²:

Մայրաքաղաքը արտասովոր շքեղ յուզարկաւորութիւն մը կատարեց իրեն, սիրելի էր ամենուն իր բնտանի, զուարթ և խոհեմ բնաւորութեամբ: Գազաղին ետեւէն կ'երթային 30,000է աւելի անձինք, յորս Սուլթանին կողմանէ Ալի պէյ արարողապետը, Գազղիոյ դեսպանը, եւրոպական ուրիշ դեսպանութիւնք. և զլիաւոր

1. Տես Պատմ. ժամանակակից Բ. Հտ. ԳԼ:

2. Աղաթոն էֆէնտի պետական անհամար զբաղումներով հանդերձ, մեծ եռանդեամբ կը զբաղէր Ազգին հասարակաց գործոց. նման իր բարեկամին, Օտեան Գրիգոր էֆէնտիի: Խառնուելի թաղական ժողովքին նախ անդամ ելլած էր, ապա նախագահ, միշտ հոգ տանելով եկեղեցւոյն և զպրոցիին. իր օգնելովը գանազան աղքատ գաւառացի աշակերտք զրկուած են ուսանելու ի Պարիս և ի Կրիւնեան:

պաշտօնեայք. ինչպէս նաեւ արեւելեան Հասարակութեանց գլխաւորները¹ : Մայրաքաղաքին եւրոպական լրագիրք որոնք անկեղծօրէն լաւագոյն գիտէին գնահատել նորա կարողութիւնքը, թուրքիոյ ներկայ վիճակին մէջ իր մահը հասարակաց աղէտը մը կոչեցին : Ի Պարսի Օսմանեան դեսպանը՝ ճէմիլ փաշա, ըսած էր պաշտօնապէս ցաւակցողաց «Մահը թուրքիայէն մեծ քաղաքացի մը, Սուլթանէն անձնուէր ծառայ մը, և մեզմէ ամենասիրելի բարեկամ մը յափշտակեց...» : Պարոն Վիլիոմէ, տնտեսագիտաց ժողովքին մէջ ըսեր էր. «Պարոնայք, Աղաթոն էֆէնտի մահը, զգալի կորուստ մ'է տնտեսագիտութեան համար, անմոռանալի իւր բարեկամաց և անողոք բոլոր մարդկութեան համար» : Աղաթոն էֆէնտի՝ միայն մէկ մանչ զաւակ մը ունէր :

Յաջորդ տարին վախճանեցաւ ուրիշ մեծ հայ մը եւս, Յովհաննէս Ամիրայ Տատեան, որ 1832ին կայսերական իրատեով, իւր հօրը Առաքել Ամիրայի յաջորդեր էր օսմանեան Պետութեան վառօղակետութեան մէջ : Յովհաննէս Ամիրայի մեծ արդիւնքն եղած է յետ այցելելու Եւրոպիոյ գործարանաց, թուրքիոյ մէջ բանալու նմանօրինակ գործարաններ : Իր վերակեցութեամբ կանգնուեցաւ Նիկոմիդիոյ չուխայի գործարանը, Հէրէքէի մետաքսեայ կերպաններու գործարանը, Բէյքոզլի խաղախորդի գործարանը, Չէյթուն Բուրնուի երկաթի ձուլարանը և ուրիշ մեքենական գործարաններ, որոց համար ստէպ կը ճանապարհորդէր յԵւրոպա : Սուլթան Մահմուտ և Սուլթան Աբդուլ Մէճիտ, մեծապէս գնահատելով իր արդիւնքը, իրեն շնորհեցին Իֆթիխարի նշանը և Առաջին Ուլայի աստիճանը : Բայց այս նշաններէն անհամեմատ վեր ուրախութիւն ունեցաւ, երբ կրցաւ ստանալ Աբդուլ Մէճիտէ, միս և հաց Ս. Փրկիչի հիւանդանոցին համար :

Յովհաննէս Ամիրայ Տատեան,
1869

1. Գազադին ծոպերը բոնած էին Ալի պէյ, Օտեան էֆէնտի, Չամիչ Յովհաննէս էֆէնտի, Համաճեան Սարգիս էֆէնտի և Պրանկո էֆէնտի : Դամբանականը խօսեցաւ նախ իր մտերիմ խորհրդակիցը Օտեան Գրիգոր էֆէնտի, յետոյ Սարգիս Յովհաննէս էֆէնտի և Ալեքիզէն էֆէնտի :

Յովհաննէս պէյ Տատեան, մեր Ազգին ուրիշ մեծա-
նուն ամիրաներուն պէս յառաջադիմութենէ վեր սիրող
էր կրօնից և կրթութեան: Խրախուսած է Մխիթարեան
Միաբանութիւնը տպագրել տալով գիրքեր. և մանաւանդ
Աշխարհագրութեան քարտէսները, գտնելով իր եռան-
դեանը համապատասխանող անխոնջ աշխատող մը, զՀ.
Գարբիէլ Ալվազովքսի և ճարտարամիտ տպագրութեան
համար զՍորկունճեան Հ. Յովհաննէս: Ինքը եւս գրած
է մեքենական և պատմական նիւթեր, որոնք մեծաւ մա-
սամբ անտիպ կը պահուին ընտանեացը քով¹:

Եւժէնի կայ-
սրունչին ի
Կ. Պօլիս. —
Ուրիշ թագաւո-
նագանց՝ այցե-
լութիւնը:

10. — Արդիւլ Ազիզի յԵւրոսլա թագաւորազանց
այցելութիւնը, բնական է պիտի ունենար իր փոխա-
դարձը: Ընդերկար խօսուեցաւ որ ժամանակին ամենէն
ազդեցիկ իշխողը, Նապոլէոն Գ, Կ. Պօլիս պիտի եր-
թար փոխադարձ այցելութեան պարտքը կատարելու:
Լրագիրք այս լուրը գարնան սկիզբը իբր ստոյգ հոշա-
կեցին և մայրաքաղաքը քանի մը օր մեծ յուզումն և
հռանդն զգաց: Սակայն գաղղիական կայսրութիւնն ալ
սկսեք էր իր ճգնաժամերը. և Նապոլէոն Գ, ներքին քա-
ղաքականութեան հոգով զբաղած և կայսրութեան ազա-
տական ձեւ մը տալու ստիպուած, չէր կարող հեռանալ
մայրաքաղաքէն. և որոշեց իր տեղը ղրկելու զկայսրու-
հին, որ Սուլթանի այցելութենէն վերջը, պիտի երթար
յԵզրիպտոս Սուէզի ջրանցքին բացման ներկայ գտնուելու:

Կայսրուհին Եւժէնի, վենետկոյ և Աթէնքի ճամբով
Հոկտեմբեր 16ին հասաւ ի Կ. Պօլիս, գաղղիական Լզրոյ
մարտանաւով, շրջապատուած ուրիշ նաւերէ: Աւրէն մին-
չեւ Չանաքքալէ, կայսերական նուիրակութիւն մը ընդ ա-
ռաջ գացեր էր, ուր արդէն կը սպասէին նաւերով Գաղղիոյ
դեսպանը բոլոր իր պաշտօնեաներով. ի Կ. Պօլիս գաղ-
ղիական գաղթականութեան նուիրակութիւնը, շատ մը

1. «Հիմա՞ծ է նաև Ազատլիի Ս. Աստուածածին եկեղեցին. Մարի
գիւղի եկեղեցին, Նարբէ Փարոսի վարժարանը. ուրիշ վարժարաններ իզմի-
րի գաւառին մէջ»: Հրանտ Ասատուր, Գեղունի:

կաթոլիկ Հասարակութեանց ներկայացուցիչը, յորս նաեւ հայ-կաթոլիկ նուիրապետութիւնը: Այս ամեն նաեւ բողոքող և փառաւոր մուտք մը ունեցաւ կայսրուհին. զղբողեացաւ բոլոր մայրաքաղաքը և թնդանօթներուն ձայնը կը խափանուէր կեցցէներուն զոչումէն: Էջող մարտանաւը խարսխեց Դոլմա Բահճէի դիմաց: Սուլթանը ընդ առաջ գնաց իր կայսերական հիւրին, եւրոպական ամենայն օրինօք. և ընկերեց անոր մինչեւ ի Բէյլէրբէյ կայսերական օթեւանի մէջ պատրաստուած բնակութիւնը, ուր իջաւ Էլժէնի իր բազմաթիւ հետեւորդով, յորս էր նաեւ ժողովէն Միւրա իշխանը, ազգակից Նապոլէոնի: Նոյն երեկոյ անմիջապէս կայսրուհին իր Պատուոյ տիկիններով այցելութեան գնաց ի Դոլմա Բահճէ Մայր թագուհոյն և Առաջին Տիկնոջ: Այս ընդունելութեան ներկայ էին միայն Եուսուֆ Իզէդդին կայսրորդին և Սուլթանի երկու փոքր աղջկուհիք: Կայսրուհին այս քիչ օրերուն մէջ յորս ֆնաց ի կ. Պօլիս, ներկայ գտնուեցաւ այլ և այլ հանդիսից: Դիտեց Սէլամլըքի արարողութիւնը Պէշիկ-թաշի Ճամլլօքօկէն, շրջեցաւ կ. Պօլսոյ զբօսանաց տեղերը, Քէհատղանէն սկսեալ. ներկայ գտնուեցաւ զօրահանդէսի մը ի Հիւնքեար Իսկէլէսի: Բնդունեցաւ դեսպաններ, եւրոպական շատ մը պատգամաւորներ. և մասնաւոր խնամք յայտնեց գաղղիական գաղթականութեան և գաղղիական վարժարանաց և բարեգործական տեղեաց: Եկեղեցական պատգամաւորութեանց մէջ ամենէն աւելի

1. Սուլթանին կողմանէ Էլժէնի կայսրուհոյ նշանակուած երկու Պատուոյ տիկնանցմէ մին էր՝ Մարիոնքա Տիկին Տիւզեան, Երզրէրքեան գերդաստանէն, ամուսին Միւրան բէյի, որ իր բարձր կրթութեան հետ, ունէր նաեւ զազգիարբէն լեզուի վարժ գիտութիւն մը, որով և ինքն էր թարգման կայսրուհոյն առ մայր թագուհին այցելութեան միջոց: Այցելութենէն վերջը Սուլթանը զկայսրուհին տարաւ ճաշի սենեակը և նստան սեղանի: Սուլթանին ալ կողմը նստած էր իշխանն ժողովէն Միւրա և ձախ կողմը մեծ վէզիբը Աալի փաշա: Իսկ կայսրուհին նստած էր Աբդիւլ Ազիզի հանդէպ, երկու Պատուոյ Տիկնանց մէջ: Գիշերը, սեղանէն վերջը, կայսրուհին Բէյլէրբէյ դարձած ժամանակ, բոլոր վոսփորի ափունք և ամեն նաեւ լուսաւորուած էին շքեղապէս. և այդ բիւրաւոր լոյսերը ցոյլով ջրոյն մէջ, հմայիչ տեսարան մը կը կազմէին, որուն համար կը հիանար կայսրուհին:

պատիւ ընծայեց հայ—կաթոլիկ նուիրապետութեան, որուն զլուխը Գերապայծառ Անտոն Հասունեան, մասնաւոր յարգանաց և ուշադրութեան նիւթ եղաւ կայսրուհւոյն. նա մասնաւանդ կիրակէ օրուան կրօնական պարտքը կատարելով յեկեղեցին Ս. Աստուածածին ի Բերա, մեծ ժողովրդականութիւն ստացաւ հայ—կաթոլիկ հասարակութեան մէջ, այսպէս բարձրացնելով Սուլթանի դիմաց անոնց զլուխը զՀասունեան կաթողիկոս—պատրիարքը և հայ—կաթոլիկ հասարակութիւնը՝:

Եւ մէնի կայսրուհին չմեկնած, հասան ի Կ. Պօլիս յետոյ Սուէզ երթալու համար՝ Աւստրիոյ կայսրը, Բրուսիոյ թագաժառանգը, քիչ վերջը Հոլանդայի թագաւո-

1. Հասունեան պատրիարքը, արթուն և քաղաքազէտ միտք, կայսրուհին Պարիսէն չմեկնած, հաշուելով որ մէկ կիրակէ օր մը պիտի ունենայ ի Կ. Պօլիս. զկայսրուհին այն օրը ծայնաւոր պատարագի հրամցուց ի Ս. Աստուածածին Բերայի, ձեռամբ Փուլոմճեան Պետրոս Բէյի, պետական և տնտեսադատական նշանաւոր անձին, և ընդունեցաւ խոստումը: Երբ կայսրուհին հասաւ ի Կ. Պօլիս, և լատին եպիսկոպոս—նուիրապր և կղերք զանց զինքը կիրակի օր հրամցնելու ծայնաւոր պատարագի, տխուր մնաց լսելով որ արդէն Հասունեան պատրիարքը կանխապէս ստացեր էր խոստումը: Մեծ հանդերձանք եղան յեկեղեցին: Վալիտէ Սուլթանը զանազան անգամ եկաւ տեսնելու թէ զարդարանքները կ'ըլլային ըստ պատշաճին: Կիրակի օր եկեղեցւոյն դուռը զկայսրուհին իր բոլոր շքեղ հետեւորդներով, ընդունեցաւ Հասունեան պատրիարքը իր բոլոր եպիսկոպոսներով: Եւ որովհետեւ այն միջոցին հաւարուած էր կաթոլիկ Ազգային Միւնւնդոսը, ներկայ կը գտնուէին 22 Եպիսկոպոսը, յորս և Վենետիոյ, Վեննայի Աբբայը՝ Աբջպիսկոպոսն Կուրղ Հիւրմիւզեան և Աբբ. Յ. Պոզաճեան: Կայսրուհին խոնարհեցաւ համբուրեց Հասունեանի աջը. ապա իրեն պատրաստուած աղօթարանը դնաց, իր քով թարգման ունենալով պատրիարգի փոխանորդ զԳերապայծառ Ազարեան, յետոյ յաւորդ Հասունեանի և քան զնախորդն աւելի ևս նուրբ քաղաքազէտ: Չայնաւորէն վերջը կայսրուհին ծնրաղիւր օրհնութիւն խնդրեց իրեն, կայսեր և կայսրորդոյն համար և կրկին համբուրեց Պատրիարգին տէր: Հանդեսին ներկայ էր դասին մէջ աթոռով և լատին Եպիսկոպոսը Գերապ. Փուլոն: Կայսրուհւոյ նոյն օրը Ս. Աստուածածին երթալը, Գերապ. Հասունեանի պատրիարքութեան ամենէն փայլուն օրերէն մէկն էր: Նրոյնը ըսին Կ. Պօլիս բոլոր քաղաքազէտք: Կայսրուհին յետոյ ի յիշատակ այն օրուան, զրկած է թանկագին Վերափոխման հիւսուած պատկերը:

Իսկ հայ էջմիածնական Հասարակութեան պաշտօնական ներկայացուցիչը և եկեղեցական նուիրապետութիւնը զմտեալ դիրք մը բունցին նկատմամբ կայսրուհւոյն. թերեւ, որովհետեւ Գաղղիա յԱրեւելս պաշտպան է կաթոլիկութեան:

Հայ էջմիածնական Հասարակութիւնը, մեր ազգին փրկութիւնը շատ ժամանակներ Ռուսէն յուսաց և ըստ այնմ գործեց. և զանազան առիթներու մէջ մերժեց Գաղղիոյ ձեռնտուութիւնը, որուն թուրքոյ չէր մտեմա-

րին եղբայրը. և ուրիշ ազգերէ եւս իշխանք և բարձրաստիճան անձինք: Արդիւ Ազգիզ, ամենուն ալ իր աստիճանին համեմատ արեւելեան շքեղ ընդունելութիւններ ըրաւ, մանաւանդ Փրանկիսկոս Յովսէփ կայսեր, որուն ընդ առաջ զրկած էր մինչեւ ի վառնա Սուրբաբի մարտանաւով զվէջիրը Աալի փաշա, և սէրտարը էքրէմ էօմէր փաշա: Կայսրը կու գար աւստրիական պետական նաւով, որուն կ'ընկերանային Միջերկրականի աւստրիական մարտանաւերէն շատերը: Մարտանաւը, յորում էր կայսրը Հոկտեմբեր 28ին հասաւ ի Կ. Պօլիս և խարիսխ ձգեց Դոլմա Բահճէի առջեւ. ուր դիմեց Սուլթանը փառաւոր մակուկով մը և զինքը հիւրընկալեց ի Դոլմա Բահճէ: Փրանկիսկոս Յովսէփ քանի մը օր հիւր եղաւ Արդիւ Ազգիզի և միաբան այցելեցին նշանաւոր տեղեր: Մնդունեցաւ նախարարները, դեսպանքը և աւստրիական հպատակները: Նոյն շքեղ լուսաւորութիւնք եղան Վոսփորի վրայ, ինչ որ Եւթէնի կայսրուհւոյն համար. թէպէտ յետնոյս համար ժողովրդեան կողմանէ եղածները անհամեմատ վեր էին: Գաղղիա և կայսրութիւնը իր մեծութեան զագաթնակէտը կը գտնուէր. մինչ Աւստրիա նոր ելած էր Սաղովայէն: Փրանկիսկոս Յովսէփ եւս մեկնեցաւ ի Սուէզ:

11. — Մինչ բոլոր Եւրոպա, բոլոր գիտնականք, աշխարհիս ամեն կողմէ կը դիմէին Էջիպտոս աչքովսին տեսնելու և հաստատելու այդ մեծ զաղափարին իրականացումը յետ հազարաւոր տարիներու, տեսնելու Միջերկրականի և Կարմիր ծովուն մէկգմէկ գրկելը, և պսակելու Լսէփսի մեծ և յանդուգն հանճարը, Թուրքիա՝ Էջիպտոսի տէրը, որ դեռ երկու տարի առաջ նոր շնորհ-

Էջիպտոսի և
Թուրքիոյ մէջ
յարարելու
Քեանց վատա-
նալի:

կան յարբերութենէն և ազգեցութենէն օգտուեցան շատ ազգեր. յորս, և Լիբանոսն ևն ևն: Եղան անհասնելի որոնք չկրցան ծածկել իրենց մեծաբանքը առ վճահաբառ ներկայացուցին Ազգի մը, որուն մատենագրութիւնը ամենէն համակրելին եղած էր հայ ազգին համար, և ուր կրթուած էին հայ շատ մը նշանաւոր անձինք. և վայելիք էին Նապօլէոն Գի վարչութեան հովանաւորութիւնը: Այս անձանց թիւէն եղաւ Արքեպիսկոպոսն Նար բէյ, երբեմն չ. Խորէն Գալֆայեան՝ ի Միթիթեան Սիլասէն վճենտոյ:

քննելու ըրելու էր Մէհմէտ Ալիի յաջորդաց. Խտիվ պատուանունը տուելու էր Խամայէլ փաշային, և անոր անդրանկան յաջորդութեան իրաւունք. և այսպէս ապագային մէջ. հիւսա մինչ օտարք կը դիմէին յԵգիպտոս, թուրք կառավարութիւնը ոչ միայն չէր երթար զԵգիպտոս կենալու այդ մեծ հանդիսին, այլ և ծանր կերպով գտնուելու էր Եգիպտոսի վարչութեան հետ: Խամայէլ փաշա խտիվ անուանուելէն վերջը, ուզելու էր գործել ինքնիշխանարար իրրեւ անկախ պետ մը: Առանց հրամանի փոխառութիւն ըրելու էր, պատերազմական նաւեր գնելու էր, երեսփոխանական ժողովք մը կազմելու էր ի Գահիրէ. և իր անուամբ հրաւիրելու էր թագաւորները և իշխանները Սուէզի բացման: Բ. Դուռը բողոքեց խտիվին անկախ գործելուն վրայ, սակայն Խամայէլ փաշա տեղիք չտուաւ: Երկար եղան բանակցութիւնք: Խտիվը՝ իր քարտուղարը թալաթ փաշա ի Կ. Պօլիս զրկեց բացատրութիւններ տալու, սակայն Ալի փաշա պարզապէս պահանջեց վերանայնով մը որ «Եգիպտոս իր նաւատորմիցը յանձնէ թուրք Պետութեան, ցամաքային զօրաց թիւը նուազեցնէ, ամեն տարի Բ. Դրան զրկէ Եգիպտոսի Ելեւստից հաշիւը. և առանց Սուլթանի հաւանութեան ոչ փոխառութիւն մը կատարէ և ոչ ազգի մը հետ դաշնակցութիւն»: Եգիպտոսի փոխարքայութիւնը չէր ուզած ընդունիլ այս պայմանները և թուրքիա կը պատրաստուէր իր իրաւունքները նոյն իսկ զօրութեամբ պաշտպանելու, երբ Գաղղիա և Անգղիա, որոց վնասը մեծ պիտի ըլլար թէ Եգիպտոսի զրամական վիճակին պատճառաւ Սուէզի թղթերը ինկնային, միջամտելով համոզեցին զԽամայէլ փաշա ընդունելու Բ. Դրան պահանջները:

1873

Յետոյ ապագային մէջ երբ մեռաւ Ալի փաշա, երբ տկարացաւ Արդիւ Ազիզի կառավարութիւնը, այն ատեն Խամայէլ փաշա կրցաւ քաղցրութեամբ ետ ստանալ Սուլթանէն այն իրաւունքները:

Բայց Սուէզի պարտաթուղթերուն յԱնգղիա և ի Գաղղիա լիովին ծախուած օրէն, յայտնի էր որ Բ. Դուռը

քիչ քիչ պիտի կորսնցնէր յԵգիպտոս իր տէրութիւնը ի նպաստ այն Պետութեանց, որոնք առաջին գնողքն եղեր էին ջրանցքին պարտաթղթոց. և որոց դրամական մեծ շահը կը ստիպէր գիրենք հսկելու Եգիպտոսի վրայ և զայն դնելու ապահով բարեկարգ ճոխ դրից մէջ, փոխադարձ օգտուելու համար¹:

12. — Սուէզի ջրանցքին բացմամբ կը կնքուէր 1869 տարին և կը բացուէր 1870, որ վերիվայր ըրաւ Եւրոպիոյ քաղաքական հաւասարակշռութիւնը Գաղղիացոց յաղթուելովը ի Պրուսիոյ, և Նապոլէոն Գի անկմամբը: Քիչ մը ժամանակ կարծես եւրոպական քաղաքականութիւնը անտէր, անգլուի մնաց:

Ասլի փաշայի մահը. վարչութեան տկարանալը. — Մահուտ Նէղիմ փաշա:

Այս պարագաներուն մէջ մեռաւ Էօմէր փաշա, նշանաւոր սպարապետը և հիւանդացաւ Ասլի փաշա, աշխատութիւնէ հիւծեալ: Արդիւ Ազիզ և Նոյն իսկ եւրոպական Պետութիւնք ամեն ջանք ըրին ազատելու մահունէ թուրքիոյ միակ վստահանալի պաշտօնեայն, սակայն կարելի չեղաւ, և Ասլի փաշա միռաւ Սեպտեմբեր 18ին: Նոյն օրը մայրաքաղաքը տխուր կերպարանք մը առաւ, ամենայն ոք ապագայն կը մտածէր. Ասլի փաշայի մեռնելով Տաճկաստան կը կորսնցնէր արթուն հրակող մը: Այս տպաւորութիւնն էր ամենուն սրտին մէջ և այն պատճառաւ ահ մը տիրեց բարձր և խոնարհ շրջանակաց մէջ. որովհետեւ Սուլթանը պիտի մնար առանց այնպիսի խոհեմ խորհրդակցի մը:

Ասլի փաշայի տեղ վէզիր դրուեցաւ Մահմուտ Նէղիմ փաշա, որ չունէր բնաւ իր նախորդին ո՛չ շրջահայեաց քաղաքագիտութիւնը և ոչ խոհեմութիւնը: Իրայրայեղ ոռուսասէր, անմիջապէս Պալատան մէջ փոփոխակի ազդեցութեանց կոիւնները և նախարարական յաջորդութիւնք սկսան: Մահմուտ Նէղիմ փաշա պաշտօ-

1. Իմամայի փաշա ջրանցքի բացման հանդէսներուն շքեղութեանց համար հարիւրաւոր միլիոն ծախսած էր: Կրթ մնաց առանց դրամի և մինչեւ սնանկութեան վտանգ մը կը տեսնուէր, Անգղիա անմիջապէս գնեց իրմէ 100 միլիոնի ջրանցքին արժէթէրքէն:

նանկ եղաւ 1873ի Մարտին. և տեղն անցաւ Միտհատ փաշա: Սա եւս փութով պաշտօնանկ ըլլալով, կանչուեցաւ Հիւսէյին Աֆնի փաշա. յետոյ Էսաատ փաշա, մինչև ուսական ազդեցութեամբ նորէն կանչուեցաւ Մահմուտ Նէդիմ փաշա:

Սուլթան Աբդուլ Ազիզ կ'ուզէ փոխել սամանեան գահուն յաջորդութեան օրէնքը:

13. — Զօրավարն իկնաթիւէֆ ուսական դեսպանը ի Կ. Պօլիս, ճանչնալով Աբդուլ Ազիզի տկար կողմը և մէկ իղձը, նպաստաւոր և խրախուսող եղեր էր անոր, որով և ստացեր էր Սուլթանին համակրութիւնը և վստահութիւնը. մինչև Սուլթանը դեսպանաց մէջ զատիկայ միայն բարեկամը կը կոչէր: Աբդուլ Ազիզ առանց մեծ դժուարութեան շնորհեր էր Եգիպտոսի Խտիվին ուղղակի յաջորդութեան իրաւունքը. կը յուսար որ մահմէտական ժողովրդեան ընտանենալով այդ գաղափարը, օր մը նոյն օրէնքը կրնայ մտցնել ի Կ. Պօլիս. այսպէս իրեն յաջորդ ընել իր Եուսուֆ իզէդդին որդին. մինչ բնական ոճով պիտի յաջորդէր իրեն կայսերական ցեղին տարիքով մեծագոյն իշխանը, որ էր Մուրատ էֆէնտին, որդի Սուլթան Աբդուլ Մէճիտի: Քանի որ Ալի փաշա ողջ էր, Աբդուլ Ազիզ զգուշացաւ իր գաղափարը հրատարակելու: Ալի փաշա գիտէր որ սրբազան օրինաց դէմ այդօրինակ խնդիր մը, պիտի զայրացնէր բոլոր սոֆթաները և նոյն իսկ ժողովրդեան մեծ մասը. և կարող էր Աբդուլ Ազիզի անձին նկատմամբ աղետալի հետեւանք ունենալ և այսպէս կորսնցնել մինչև այն ատեն ձեռք բերուած բարեւաւութիւնը ալ: Բաց աստի Մուրադ էֆէնտի անձնականապէս շատ սիրելի էր ժողովրդեան, մանաւանդ քրիստոնէից, իր հեզահամբոյր բնաւորութեամբը, որ կը յիշեցնէր իւր հայրը՝ Աբդուլ Մէճիտ: Այս սիրելութիւնը նախանձ ձգեր էր Աբդուլ Ազիզի սրտին մէջ և զՄուրադ իշխանը խիստ հսկողութեան մը ներքեւ ենթարկեր էր՝ Այս հալածանքը փոխանակ նուազե-

1. Երբ ի Պարիս Մուրադ էֆէնտի Աբդուլ Ազիզի և իր եղբոր՝ Աբդուլ Համիտի հետ, հաշի կը գտնուէր ի Տիւրքիոյ, յանկարծ կայսրուհին

ցնելու, աւելցուցելը էր ժողովրդեան համակրանքը: Արդիւ Ազիզ ըմբռնեց այդպիսի օրինաց փոփոխութեան անկարելութիւնը, մանաւանդ այսօրինակ հանդամանքներու մէջ: Որով Արդիւ Ազիզի այս փափագը ոչ միայն արդիւնք մը չունեցաւ, այլ աւելի զայրացուց իրեն դէմ կրօնասէր սոֆիստները:

Մայրաքաղաքին այս ներքին շփոթութեանց ժամանակ, կրնայ գուշակուիլ գաւառաց աղէտալի վիճակը և կուսակալաց բռնած ընթացքը. որով այն գաւառները որոնք արդէն ունէին միջոց և պատրաստուած էին, յարմար ժամանակ համարեցան ապստամբութեան դրօշը բանալու, և ջանալ ազատելու օսմանեան իշխանութենէն:

Իւսման հարցուց առ Ֆուատ փաշա, պաշտօնեայ Արտաքին Գործոց, որ այս միջոցին երկու կայսերաց մէջ թարգմանի պաշտօն կը վարէր. թէ արդեօք կայսերապուն իշխանք զազդիարէն գիտէին: Երբ կայսրուհւոյն այս խօսքերը Ֆուատ փաշա կը թարգմանէր առ Սուլթանը, Մուրադ առանց նախ իր հօրեղբորէն հրաման անելու, պատասխանեց փութով. Այո՛, վեհափառ, ես զազդիարէն կը խօսիմ: Արդիւ Ազիզ մեծապէս զայրացաւ և սեղանէն վերջը մեծ յանդիմանութենէ մը յետոյ, հրամայեց որ անմիջապէս Կ. Պօլիս գառնայ և հետը չտարաւ ի Լոնդրա և Բէռլին: Ինքն ալ մայրաքաղաք գառնալուն, զՄուրադ էֆէնտի ասիական վասիփորի վրայ պալատի մը մէջ զրեթէ փակեց:

Գ Լ ՈՒ Խ Ժ Ե .

ՊԱԿԱՆԵԱՆ ԱԶԳԱՅ ԱՊՍՏԱՄԲՈՒԹԻՒՆ ՅԵՂԱՓՈԽՈՒԹԻՒՆ Ի Կ . ՊՕԼԻՍ ՄՈՒՐԱԳԻ Ե . ԱՐԳԻԻԼ ՀԱՄԻԳ Բ .

1. Պալկանեան ժողովրդոց սոճոհ վիճակը . — Ինքնիշխանութեան ձգտումը . — 2. Հէրձէգովինայի ապստամբութիւնը . — 3. Բուլղարիոյ ջարդերը . — 4. Յեղափոխութիւն ի Կ . Պօլիս . — 5. Արդիւ Ազիգի զահընկէցութիւնը և մահը . — 6. Սուլթան Մուրատ Ե, և զահընկէցութիւնը . — 7. Սուլթան Արդիւ Համիդ Բ . — 8. Սերբիացիք կ'ուզեն օգնել Հէրձէգովինայի . — Միլան իշխանին հրատարակութիւնը . — 9. Մոնտէնէկրոյի բանակը . — Նիկոլա իշխանը . — 10. Արդիւ Քէրիմ փաշա . իր յաղթութիւնքը Սերբիացոց դէմ . — Պեւզրատ չուելը . — 11. Բանակցութիւնք Մեծ պետութեանց . — Ընդհանուր մահմէտական ոգոյն զարթումը . — 12. Ճիւնիսի յաղթութիւնը . — Ռուսիոյ վերջնագիրը :

Պալկանեան
ժողովրդոց
սոճոհ վիճակը .
— Ինքնիշխան-
ութեան
ձգտումը :

1. — Պալկանեան ազգայ և մանաւանդ քրիստոնեայ մեծամասնութեան տրտունջները և կռիւնները ընդդէմ թորքաց շատ հին են . և արդէն կանխապէս տեսանք շատ անգամ ապստամբութիւններ, փոփոխակի յաղթութիւններ և վերջապէս առ ժամանակեայ հանդարտութիւն մը . միշտ Բ . Դրան բարեկարգութեանց սովորական դարձած խոստումներով, որոնք անգործադրելի կը մնային : Թամին 1856 Պարիսու դաշնաժողովը, Եւրոպիոյ մեծ Պետութեանց հսկողութեան ներքեւ դրած էր վերջին անգամ խոստացուած բարեկարգութեանց գործադրութիւնը .

բայց ինչպէս միշտ, այն անգամ ալ դաշնաժողովոյն ցրուելէն վերջը, միաբան գործելը անկարելի կ'ըլլար և իւրաքանչիւրը վրէժխնդիր կը կենար, որ այս կամ այն պետութիւնը չմիջամտէ թուրքիոյ ներքին գործոց մէջ, որով բարեկարգութիւնք անգործադրելի կը մնային: Կ. Պօլսոյ վարչութիւնը կը լսէր զանոնք պատրիարքներէն, կը բողոքէր որ դարման պիտի տանէր, յետոյ կը ջանար եղածը ծածկելու, ոչ առ չարութեան, այլ առ անկարողութեան. որով քրիստոնեայք ստիպուած էին ամեն տառապանք և խայտառակութիւն կրելէ զատ, զլուխ ծոկ և խոնարհիլ: Քանի որ տէրութիւնը անկարող էր զաւառաց մէջ, որ և է բողոքի մը գոհութիւն տալ, աւելի ահաւոր կերպով վրէժխնդրութեան նիւթ ընել էր: Եւ որովհետեւ 1870էն վերջը լրագրութեան ազատութիւնն ալ սեղմուեցաւ, անոր համար թէ Եւրոպա և թէ ի կ. Պօլիս չէին գիտեր թէ Պալկաններու, փոքր Ասիոյ ու Հայաստանի մէջ ինչ էր ժողովրդեան կրածը կուսակալներէն, բանակէն, և քիւրտ, լէզկի, չէչէն ինքնազուլս ցեղերէ և բէյէրէ: Ժողովրդեան մաս մը փախստեամբ ամեն օր կ'անցնէր օտար երկիրներ և մանաւանդ ի Ռուսաստան. դեռ Ամերիկա այնքան ընտանի չէր, և մաս մը թողլով զաւառները կը կեդրոնանար ի կ. Պօլիս և ծովեզերեայ քաղաքները, ուր անհամեմատ կերպով վեր էին կենաց հանգամանքները:

Ջարմանք չէ որ այսօրինակ կացութեան մէջ զրտնուող ժողովուրդ մը կամ ի յուսոյ կամ ի յուսահատութենէ փնտոէ ազատութեան միջոցները: Պալկանի ժողովրդոց 1872էն վերջը ամեն պատրաստութիւն այդ նպատակն ունէր: Ա՛լ չէին ուզեր լսել թուրք վարչութիւնէն բարեկարգութեանց խոստումներ, որոնցմով շատ տարիներ օրօրուեր էին, այլ եւս չէին հաւատար Եւրոպիոյ Պետութեանց հսկողութեան, որոնց նպատակն էր իրենց սեպհական վաճառականութեանց շահերը, մրտքերնին դրին կուրիլ մինչեւ վերջը ամբողջական ինքն-իշխանութեան համար. միայն յոյս մը ունենալով Ռուսիոյ վրայ իրրեւ կրօնակից և ցեղակից, որ արդէն շատ

առիթներու մէջ ցըցուցեր էր իր համակրանքը և օգնութիւնը :

Հէրձէգովինայի
ապստամբութիւնը :

2. — Ապստամբութեան առաջին նշան տուողն Եղաւ Հէրձէգովինա, որ ի զուր աղաչած էր շատ անգամ ոչխարի տուրքին և գլխահարկի նուազումը և տեղացի պահապան զինուորութիւն : Թուրք վարչութիւնը պատասխանի տեղ, աւելի շատցուց զանոնք : Հէրձէգովինայիք գաղտ Եւրոպայէն բերել տուին հրացանք և պաշարք և 1875ի Օգոստոսի առջի օրերուն մէջ զինեալ խումբեր Ստոլայի շրջակայքը, Մոնտէնէգրոյի մօտ, ապստամբութեան դրօշը կանգնեցին, որ փութով տարածուցաւ ամբողջ Հէրձէգովինայի և Բոսնիոյ մէջ . և խումբ խումբ զինեալ ապստամբներ պատասպարուեցան անմեռ ձենալի լեռանց մէջ և չուզեցին այլ եւս հաւատալ և խոնարհիլ : Երբ Անգղիոյ, Գաղղիոյ, Ռուսիոյ, Գերմանիոյ, Աւստրիոյ և Իտալիոյ հիւպատոսք Մոստար գացին ապստամբութեան գլխաւորներուն հետ բանակցելու և զանոնք համոզելու, յետ ընդերկար թափառելու, հազիւ քանի մը գլխաւորներ տեսնելէ վերջը ապարդին դարձան տեղերին :

1875

Բ. Գուռը խիթալով որ Եւրոպիոյ Մեծ Պետութիւնք ուզեն միջամտել, ինքը կանխեց և Գեկտեմբեր 12ին ֆեյրման մը հանեց, որով կը խոստանար ապստամբաց, Գործադիր իշխանութիւնը բաժնել դատականէն : Այսպէս դատաւորք՝ ընտրութեամբ պիտի ըլլային, տուրքը պիտի նուազէր և հպատակաց հաւասարութիւն պիտի ըլլար, առանց կրօնքի խտրութեան : Ապստամբք բնաւ չուզեցին լսել, որով սկսան ընդհարմունք և արիւնհեղութիւնք Հէրձէգովինայի մէջ :

Բոլոր Ռուսիա ձայն բարձրացուց և վարչութիւնը յետ ընդերկար խորհրդակցելու Աւստրիոյ և Գերմանիոյ հետ, դիւանական ծանուցագիր մը առաջարկեց Բ. Գրան, ըստ որում պիտի տրուէր կրօնական ազատութիւն, պիտի վերցուէր ազարակային տուրքը, ուղղակի տուրքերը ¹

պիտի գործածուէին Հէրձէգովինայ համար . և միջազգային հսկողութիւն մը պիտի դրուէր բարեկարգութեանց գործադրութեանը համար : Այս ծանուցագիրը Աւստրիոյ դիւանապետը՝ կոմսն Անդրաշի գրած ըլլալուն համար , Պատմութեան մէջ ֆնացած է Նրունուցադիր Անդրաշիի անուամբ : Բ . Դուռը 1876ի Փետրուար 2ի ընդունեցաւ Անդրաշիի ծանուցագիրը , սակայն ապստամբները իմացուցին որ չեն ընդունիր զայն , մինչեւ որ թուրք քառասուն վաշտերը չ'ելլեն Հէրձէգովինայէն : Բ . Դուռը մերժեց այս պահանջը , և ամեն բան դարձաւ իր առջի վիճակին :

Թշնամութիւնը գարնան սկսան սաստկութեամբ : Մուխթար փաշա 14,000 զինուորօք եկաւ պաշարեց Նիքսիչ և Պիվա , սակայն ամեն օր Սերբիայէն և Մոնղէնէզրոյէն կամաւորներ կը դիմէին ի Հէրձէգովինա և ապստամբք ոչ միայն դէմ դրին Մուխթար փաշայի բանակին , այլ և ունեցան փոքր յաղթութիւններ :

1876

Այս միջոցիս էր որ Սէլանիկի թուրք ամբոխը յարձակեցաւ Գաղղիոյ և Գերմանիոյ հիւպատոսներուն վրայ և զանոնք սպաննեց¹ : Բոլոր Եւրոպա յուզուեցաւ . Ռուսիոյ Ադեքսանդր Բ . կայսրը կորչաքով իշխանին հետ Բէռլին գնաց . հոն հասաւ նաեւ Անդրաշի կոմսը և զրեցին Բեռլինոս Յուշագիրը որով կը պահանջէին Բ . Դոնէն Անդրաշիի ծանուցագրին գործադրութիւնը , վրան աւելցնելով ապստամբաց պահանջներէն շատերը . և մանաւանդ թուրք զինուորաց՝ երկրէն դուրս ելլելու : Անգղիա չուզեց միանալ երեք Պետութեանց հետ և ահեղ նաւատորմի մը քսան մեծ զրահաւորներէ կազմուած , զրկեց Տարտանէլլիի բերանը ի Պէզիքա . որով և թուրքիա ըմբռնելով եւրոպական Պետութեանց անհամաձայնութիւնը , փոյթ մը չըցցուց Բէռլինու Յուշագիրը ընդունելու :

6 Մայիս :

1. Պատճառը՝ հարուստ տաճիկ մը յափշտակած ըլլալով բուլղար աղջիկ մը . սա ծածուկ գրութեամբ մը , կրցաւ փախչիլ : Թուրք ամբոխը յուզուեցաւ որ աղջիկը կամովին ընդունած էր մահաժողովուրդները . հաւատեցաւ սպիտակ մէջ : Երկու հիւպատոսը՝ որոնք սելանակցի էին , դուրս ելան ամբոխը հանդարտեցնելու և հոն սպանուեցան :

Բուլղարիոյ
Հարդերը :

3. — Սակայն Անգղիոյ անտարբերութիւնը չի տեսցնուց և երբ բոլոր Եւրոպա լսեց թուրք վարիչներու բուլղար ժողովրդեան տուած ահաւոր տառապանքները և տանջանքները, յուզուեցաւ բոլոր Անգղիա և բրիտանական կառավարութիւնը միացաւ Հիւսիսային Եւրոպիոյ Երեք մեծ Պետութեանց, պախարակելու օսմանեան կառավարութեան անհոգութիւնը և պատասխանատուութիւնը : Չորս Պետութեանց բողոքը, իր համակրալից արձագանքը ունեցաւ ամեն ազգաց մէջ Բուլղարիոյ նկատմամբ, մանաւանդ որ անգթութեանց դէմ բողոքին գլուխ կեցած էր Գլադստոնի նման ազատական և ազնուական, անշահասէր ոգի մը : Կրնար ըսուիլ որ այն օրուրն է ծնած էր Արեւելեան պատերազմը և պալկանեան ազգաց ազատութիւնը : Թէպէտ և Բուլղարներուն նեղութիւնքը նոր չէին, որոնք սակայն աւելի սաստկացեր էին 1864էն վերջը, երբ թուրք կառավարութիւնը հոն ղրկեց բնակելու կովկասէն գաղթեալ չէրքէզները : որոնք նոյն իսկ կ. Պոլսոյ մէջ կը գործէին ամեն եղեռն և աւազակութիւն : և թուրք վարչութիւնը պատժեց երբեմն այն հայ լրագիրները, որոնք ամեն օր բռնադատուած էին բողոքելու գողութեանց և աւազակութեանց դէմ¹ : Բուլղարիոյ մէջ չէրքէզներուն միացած էր և տեղացի թուրք ամբողջ որ զայրացած Հէրձէգովինայի ըրիստոնէից ասպրատամութեան վրայ, բուլղար ըրիստոնեաներէն կ'ուզէր վրէժն առնուլ² :

1. Այս մասին Մասիսի դրածները և կրածներն ինքնին պատմած է :

2. 1875ի Հոկտեմբերի կը սկսին Բուլղարաց դէմ առաւապանքները : Անգղիոյ հիւպատոսաց հեռագիրք առ Իրենց ղեսպանը ի կ. Պոլիս, բազմաթիւ ահաւոր ղեպքեր կը պատմեն : Հոկտեմբերի մէջ Սուլթի գիւղին թուրքերը կը յարձկին բուլղար տներուն վրայ, կը բռնաբարեն աղջկունք, կանայք, կը վիրաւորեն կը սպաննեն էրիկ մարդիկ և գտածներն կը տանին : — Թուրք հարիւրապետ իր մը զնդով, ըրիստոնեայ գիւղ մը կը մտնէ, տեղոյն գլխաւորները շղթայի կը գարնէ և յետ շատ մը տանջելու, աւանց մերկ կուրծքին վրայ բորբոքած սպունգ և տաքցուցած քարեր կը դնէ : Քետոյ քանի մը ոսկի առնելէ վերջը, ազատ կը ձգէ : Արիշ զինուորականք կրակ կու տան զիւղերու և փախստականները իբրեւ որս՝ կը սպաննեն հրացանի հարուածով : Այս օրինակ ղեպքեր շատ են :

Բուլղարը կրկին և կրկին աղերսներ գրեցին առ Բ. Դուռը և առ Սուլթանն իսկ, յիշելով թղթի մը մէջ որ «Թշուառութիւնը և յուսահատութիւնը յեղափոխութիւն կը ծնանին»: Սակայն ի Կ. Պօլիս մտիկ ընող չկար. մանաւանդ Ալալի փաշայի մահուրնէ վերջը Բ. Դուռը փաշաներուն անձնական հակառակութեանց ասպարէզ դարձած էր: Այն ատեն բուլղարը, որոց մէջ մտեր էին նաեւ սլաւ յեղափոխական յանձնախումբէն, 1876ի Ապրիլի մէջ ապստամբութիւնը հրատարակեցին յՍթուրէյ և ի Սթրիէլիցա՝ որ մօտ է Պազարճըքի: Ապստամբը, քիչ մը շատ կանուխ, իրենց թագաւոր և թագուհի մը անուանեցին. և իբրեւ նորոգած Բուլղարիոյ հին թագաւորութիւնը, սփռուեցան գիւղերու մէջ, բոլոր ժողովուրդը ոտը հանելու, պատմելով անոնց որ ոռւս բանակ մը պատրաստ էր օգնութեան գալու: Սպաննեցին գիւղերուն մէջ նաեւ հարիւրէն աւելի թուրքեր, զոմանս ահաւոր տանջանքներով խորովելով կրակի վրայ:

Սակայն այս ապստամբութիւնը չունէր բնաւ կազմակերպութիւն մը. և 1000 օրինաւոր զինուորք բաւական էին զայն ընկճելու: Բայց թուրք կառավարութիւնը մտածեց ահաւոր օրինակ մը տալ ուրիշ քրիստոնեայ հպատակաց. և բուլղարներուն անկախութեան յոյսը բոլորովին խեղդել: Այդ նպատակաւ զրկեց ի Բուլղարիա 10,000 խաչիքոզոյք, որոնք յարձակելով գազանաբար, մանաւանդ Պազարճըքի և Ֆիլիպէի սանճաքները, արեան մէջ թաթխեցին բովանդակ Բուլղարիան, առանց խտրութեան սպաննելով անմեղը և յանցաւորը, ծերը և տղան. չմնաց անօրէնութիւն զոր չգործեցին: Լրագիրը սպաննելոց թիւը 60,000էն աւելի համարած են, բայց երբէք 20,000էն նուազ չէին ջարդուածները¹: Օրինաւոր զունդերը որոնց կը հրամայէին

1. Անգղիոյ զորձակատարը Սթր Բարինկ՝ ընդարձակ տեղեկագիր մը տուած է առ իւր վարչութիւնը, ուսկից կ'առնում հետեւեալ երկու քստՊեւ. ի ղեպքերը: Բատաք գեղեցիկ և ճարտարարուեստ քաղաք մ'էր 6000 բնակչօք: Մայիս 9ին Աճմէտ աղա անունով յաճուչ մը կը մտնէ հոն պա.

Շէֆքէթ փաշա, Ֆազլը փաշա, Ռէուֆ փաշա և Նէճրիպ փաշա, հրաման ստացած էին նուաճելու Սլիմիա, Գուրնովա և Գապրովա: Նէճրիպ փաշայի կանոնաւոր զունդերը բաշիբոզուքներէն վար չմնացին, Սէլոյ-Եէնիքէյի մէջ 150 հոգի սպաննեցին յորս կային քսան կանայք, տասը տղայք և եօթը հաւատաւոր կուսանք: Բոյաճըքէյի մէջ 146 հոգի սպաննեցին՝ որոց մէջ կային վեց կանայք: Գրանովայի վանքը ամբողջովին այրեցին իր հարուստ գրատունովը: Շէֆքէթ փաշա Լյամպուլի երթալով, հոն առանց դատի մը, երեք հարիւր էրիկ մարդիկ հրացանի բռնեց:

Այս ջարդերուն լուրերը յուզեցին բոլոր Եւրոպա: Անգղիոյ մէջ լրագիրք և ժողովրդական գումարումներ վարչութենէն կը սլահանջէին դարման մը տանել «այս զազանութեանց»: Գլադստոնի ահեղ խօսքերը ընդդէմ թուրք վարչութեան, ամեն կողմ ընդունուեցան ծափահարութեամբք. իսկ Ռուսիա և սլաւեան ազգերը արդէն պատրաստ էին զիմելու ի Բուլղարիա ազատելու իրենց եղբարիքը:

շիրոզուքներով, Բնակիչք որ երբէք ապստամբած չէին, կը յայտնեն իրենց հպատակութիւնը: Աճմէտ աղա խոստացաւ մէկու մը մագին չղպչելու տուրք մը պահանջեց: Բայց նոյն երեկոյ ջարդը սկսաւ տնկ տուն: Զարդէն վերջը կողպատեցին և կրակի տուին քաղաքը: Հազար երկու հարիւր անձինք եկեղեցի ապաւիններ էին: Թուրքերը զանոնք հրացանի բռնեցին պատուահաններէն: Յետոյ կ'զմնար, լաթի և փայտի կտորներ քարիւղի մէջ թաթիւնելով, բորնկցած վրանին կը նետէին: Մէկ միայն պատու մը ազատեցաւ մահուանէ:

Անգղիացի զործակատարը երկու ամիս վերջը այց ելլելով այդ տեղերուն, զեռ զիակները հոն ձգուած զտաւ սոսկալի վիճակի մէջ: Խոտոջի մը մէջ վաթսունէն աւելի զլուրիններ գտիւ է, մեծաւ մասամբ կանանց: Բատարի սպանելոց թիւը կը համարուի 5000, Դոյն ահուելի ղէպքերը եղան ի Բլրուսդիցա որ 2000 բնակիչ ունէր և 1000էն աւելի սպանուեցան: «Մարդ մը իր ձեռքով սպանեց իւր կինը և երկու աղջկունքը, զանոնք խոյտտականք ազատելու համար, յետոյ ասորճանակը իր զլիւուն պարպեց»: Կրիւր չորս օր տեւեր էր և բնակիչներէն մաս մէկ եկեղեցի ապաւիններ էր: Խշխաւու թիւերը Թնդանօթք զրկեց: Դերսի եղող թշուաք բանակցութեան մտան և խոստացուեցան ազատ ելլելու: Բայց առաջին դուրս ելլողները անմիջապէս զրան տռնու: Հրացանի բռնուեցան և միւս ներսիները քարոյեցան: Շատ մը տղայք, աղջկունք ալ զերի տարուեցան վաճառուելու զազա ի կ. Պօլիս և ուրիշ կողմեր:

Այլ միայն Ռոսնիա և Հերձէզովինա չէին որ թուրք վարչութեան լուծը վերջապէս կ'ուզէին թոժափել, այլ բոլոր պալկանեան ազգերը, յորս նաեւ Սերբիա և Մոնղոնէկը: Երեք Պետութիւնք, դեռ իրենց ոճով, սահմանեցին մէջերնին, բոնադատել զՍուլթանը գործադրելու իէնդինու Յուշագիրը. և երբ այդ քայլը պիտի կատարէին Մայիս 30ին, լսուեցաւ յանկարծ որ արդէն առջիօրը, ներքին, պալատան յեղափոխութիւն մը գահընկէց ըրեր էր զՍուլթան Արդիւ-Ազիզ, և տեղը դրեր էր զՄուրադ Ե, իր եղբորորդին:

4. — Երբէք օսմանեան պետութիւնը չէ ունեցած այնպիսի դրամական ահաւոր տագնապ մը ինչպէս Արդիւ Ազիզի թագաւորութեան վերջին տարիներն, յորս անհաշիւ ճոխութիւն մը, սնանկութեան դիրքի մէջ դրեր էր արդէն աղքատ գանձը: Տժգոհութիւնը սկսաւ սոֆթաներէն. ասոնք առաջին անգամ իրենց տրտունջը յայտնեցին Մայիս 11ին ցոյցով մը: Իրենցմէ 600 հոգի սպառնական և միածայն քայլով անցնելով կեդրոնական փողոցներէն, ներկայացան Պալատան դուռը, և կը գոչէին որ պաշտօնանկ ըլլան ճէյխիսլամը և Մահմուտ Կէդիմ փաշա վէզիրը և տեղը դրուի Մէհմէտ Ռիւշտի փաշա: Կը պահանջէին որ անմիջապէս վճարուին բանակին յետամնաց ոռճիկները և զօրաւոր միջոցներ ձեռք առնուին Հերձէզովինայի ապստամբութիւնը նուաճելու: Կար մայրաքաղաքին մէջ ուրիշ տժգոհ խումբ մ'ալ, մեծաւ մասամբ կազմեալ յԵւրոպա ուսեալ երիտասարդութենէ, որոնք առաջին անգամ յայտնապէս տուին Սահմանադրութեան մը անունը. ասոնք ալ իրենց զլուի ունէին զՄիտհատ փաշա: Արդիւ Ազիզ գոհացուց զՍոֆթաները և փոխեց ճէյխիսլամը և վէզիրը, որոց տեղ կանչեց զՀայրուլահ էֆէնտի և զՄէհմէտ Ռիւշտի փաշա և զՄիտհատ փաշա եւս, պաշտօնեց անուանեց, առանց մասնաւոր պաշտօնարանի մը, ուզելով գոհացնել նաեւ երիտասարդ բարք կոչուածները:

Յեղափոխութիւն ի Կ. Պոլիս. — Արդիւ Ազիզ գահընկէց:

Սակայն ասիկայ միայն՝ դարման մը չէր հրապարակին վրայ եղած դրամական տագնապին, որովհետեւ

գանձը բնաւ դրամ չկար : Մայիս 22ին պաշտօնեայր խնդրեցին Սուլթանէն որ իր անձնական գանձէն վեց միլիոն ստէրլին փոխ տայ Հասարակաց Դանձուն : Արդիւ Ազիզ մերժեց պաշտօնէից խնդիրը : Այս մերժումը վճիռ մը եղաւ գործադրելու Արդիւ Ազիզի գահընկէցութիւնը զոր մտածեր էին Հիւսէյին Աֆէի փաշա՝ պատերազմի պաշտօնեայն , Մէհմէտ Ռիւշտի փաշա մեծ վէզերը և Միտհատ փաշա և գահը նստեցնել զՄուրադ էֆէնտի, Արդիւ Մէհիտի անդրանիկը : Եւ որպէս զի ամենայն ինչ օրինաւոր համարուի ըստ Դուրանին , նախ Շէյխիսլամէն Ֆեթվա մը ստացան ընդդէն Արդիւ Ազիզի, իբրեւ կործանիչ օսմանեան տէրութեան և ֆեսասկար իսլամութեան . յետոյ ծովային զօրութեան պաշտօնեայն Ահմէտ Քայսէրլի փաշա հրաման ընդունեցաւ ծովէն ու ցամաքէն զունդերով պաշարել Դուլմա Բահչէի պալատը : Բեղափոխութիւնը 30ին գիշերը պիտի գործադրուէր , բայց որովհետեւ Արդիւ Ազիզ զունդերուն տեղափոխութենէ կասկած մը ստանալով , զրկեր էր կանչելու զՀիւսէյին Աֆէի փաշա , պատերազմի պաշտօնեայն , որոշուեցաւ անմիջապէս կատարելու յեղափոխութիւնը և մէկէն տուեցան զինուորական հրամանները : Բետոյ Հիւսէյին Աֆէի փաշա գնաց իմացնելու Մուրադ իշխանին , որ զինուորական աղմուկէն ահուզող պահուրտեր էր սենեկի մը անկիւն , անմիջապէս իրեն հետեւելու : Իշխանը կը դողար , սակայն վախէն հետեւեցաւ : Հիւսէյին Աֆէի փաշա զինքը նաւակ նստեցուց և տարաւ Սէրասքէրի պալատը , ուր հաւաքուած դաւակից զինուորական զուխք և բարձրաստիճան անձինք « կեցցէ թագաւորնիս » գոչելով զինքը ողջունեցին :

Թանձնուեցաւ Ռէտիֆ փաշայի որ նախագահ էր Պատերազմական խորհուրդին , իմացնելու Արդիւ Ազիզի իր գահընկէցութիւնը : Կէս գիշերէն երկու ժամ վերջը Ռէտիֆ փաշա ներկայացաւ Դուլմա Բահչէի պալատը , արթնցընել տուաւ զԱրդիւ Ազիզ , իմացուց իր գահընկէցութիւնը և հրաւիրեց թողուլ Դուլմա Բահչէ և մեկնել

Թոփ գափուի պալատը և ի զուր էր ո՛ր և է ընդդիմութիւն մը:

Ծ. — Արդիւ Ազիզ ի սկզբան բարկութեամբ հակառակեցաւ նախատեց « մատնիչ » կոչելով զանոնք որ իրեն այս հարուածը կու տային. որոնք աշակերտած էին իրեն հաստատած Զինուորական վարժարանին, որոց ինքը, կ'ըսէր, բարեբարած էր. և չորս կողմը օգնութիւն մը կը փնտռէր: Բայց երբ ներքինները դիտել տուին՝ որ բանակը արդէն պաշարած էր զՊալատը. այն ատեն քիչ քիչ հանդարտեցաւ և կրօնական ճակատագրականութեամբ « Աստուծոյ կամք » ըսաւ և համակամեցաւ: Արթնցուց մայրը և տղաքը որ մօտ էին, և նաևակ մտնելով անցաւ Թոփ Գափու, հետը զումար մը առած: Հինգ օր վերջը մեռած գտնուեցաւ սենեկին մէջ, երակները կտրուած, արեան լճի մէջ, քովն ալ փոքր մկրատ մը¹: Շքեղ յուզարկաւորութիւն մը ընել տուաւ Մուրադ Ե, իբրեւ գահու վրայ մեռնող Սուլթանի մը, և նոյն օրը ի յիշատակ վախճանելոյն ողորմութիւններ բաշխուեցան:

Արդիւ Ազիզ գահին կեցու թիւնը և մահը:

Ծ. — Յեղափոխութեան երկրորդ օրը մայրաքաղաքը իր սովորական կերպարանքին մէջ էր. բնաւ նորութիւն մը, յուզում մը չէր տեսնուէր: Մուրադայ գահակալութեան օրը, կէսօրէն վերջը հաւաքուած բոլոր աւագանւոյն առջեւ, Սուլթանին առաջին քարտուղարը Սատուլահ բէյ, կարգաց առ Մէհմէտ Ռիշտի մեծ վէզիրը ուղղեալ Հարր որով Մուրադ Ե կը հրամայէր որ՝ ազատութիւնը ապահովեալ ըլլայ ամենուն, խիստ հսկողութիւն ըլլայ Եւեմտից վրայ, բարեկարգուին Արդարութեան, Հասարակաց կրթութեան և միւս պաշտօնարանները. կայսերական ծախուց գումար երեսուն միլիոն ֆրանք նուազի, կայսերական հանքերը ուղղակի Եւեմտից պաշ-

Սուլթան Մուրադ Ե. և գահին կեցու թիւնը:

1. Ի սկզբան հոչակուեցաւ իբր անձնապանութիւն մը. յետոյ կ'զան մըրաստանութիւնը և դատաստանը որոնք այլօրինակ վճռեցին. և պատժեցին հեղինակը:

տոնարանէն կախուսմն ունենան և միով բանիւ ամբողջ կայսրութեան մատակարարութիւնը կառավարուին « ըստ պիտոյից երկրին և ըստ ժամանակիս ազատ գաղափարաց » : Բնական է այսօրինակ վարչութեան ծրագիր մը ուրախացուց բոլոր հպատակըը, մանաւանդ որ Մուրադ Ե թագաժառանգ եղած ժամանակ ազատամիտ իշխանի մը գաղափար տուած էր : Գահը բարձրանալուն իրեն խորհրդական առեր էր նշանաւոր Ձիարէյը, նոր քաղաքըն զուլիը, որ 1868էն ի վեր Պարիս և Լոնդրա էր, աշխատակից Մուսթաֆա Ֆիզլը փաշային, և որ կանխապէս Արդիւ Ազիզի քով ալ վարած էր զանազան պաշտօններ : Մուրատ Եի թագաւորութեամբ Նոր Թուրքիա գահը բարձրացած համարուեցաւ իր ամեն սահմանադրական յոյսերով ¹ :

Եւրոպոյ Պետութիւնք մի առ մի ընդունեցան այս եղած փոփոխութիւնքը. յոյս մը ծնաւ որ նոր բարեկարգութիւնք թերեւս մերձաւոր Բալկանեան ապստամբութեանց դիմացն առնուն : Ռուսիա, Աւստրիա և Գերմանիա սահմանեցին դիտելու նոր Սուլթանին ընթացքը և անորոշ ժամանակի մը թողուցին Բէռլինու Ռուշագրին ներկայացումը առ Սուլթանը : Բայց Բոսնիոյ և Հէրձէգովինայի ապստամբք չուզեցին մէկէն համոզուիլ իրենց գացած կայսերական նուիրակներուն իրաստմունքներուն : Նա մանաւանդ որ Կ. Պօլիս կորսւնցուցեր էր իր հանդարտութիւնը. և վարչութիւնը նոր տագնապի մը մէջ մտեր էր : Արդիւ Ազիզի հաւատարիմ զինուորականաց մէջ կար գնդապետ մը կովկասցի՝ Չէրքէզ Հասան : Հիւսէյին Ալիի փաշա իմանալով անոր վրէժխնդիր զգացումները, ուզեց Բաղտատ զրկել : Չէրքէզ Հասան ճարտարութեամբ կրցաւ խորհրդոյ սենեակը մտնել ատրճանակը ձեռքը և սպաննեց զՀիւսէյին Ալիի

1. Նոյն օրը կաթճեքթա տ'իտալիա, Իզմիրի իր թղթակցէն նամակ մը կ'ընդունէր այս տարօրինակ տեղեկութեամբ որ « թուրք մասսոն Օրիսենիէ յոժը, տօնեց իր Մուրադ եֆենտի եղբայրակցին գահը ելլելը : Ճաշին ներկայ էին իտալոյ և Անգլոյ լոժերուն ներկայացուցիչք և ուրիշները » :

փաշա և Ռաշխտ փաշա՝ պաշտօնեայ Արտաքին Գործոց. վերաւորեց Ահմէտ Քայսերի փաշա, յետոյ ինքն ալ բռնուեցաւ և երկրորդ օրը կախուեցաւ: Ռաշխտ փաշայի տեղ Արտաքին Գործոց պաշտօնեայ ղրուեցաւ Սալֆէթ փաշա, արդէն ծանօթ և յարգուած եւրոպական տէրութիւններէ. և Հիւսէյին Աֆէի փաշայի տեղ ղրուեցաւ Արդիւլ Քէրիմ քաջ և խոհեմ համբաւով զօրավարը:

Սակայն Մայիսի յեղափոխութիւնը, Արդիւլ Ազիզի գահընկէցութիւնը, անոր տխուր մահը, դարձեալ պաշտօնէից սպանուիլը, յեղափոխութեան գիշերը՝ իր ամեն եղբրական պարագաներովը, մեծ տպաւորութիւն ունեցած էին Սուլթան Մուրադի արդէն հիւծեալ ուղեղին վրայ. և փութով մտաւորական այլայլութեան նշաններ տուաւ, մինչեւ ինքզինքը սպաննելու մտաբերել: Հարկ եղաւ խիստ պահպանութիւն մը դնել վրան. և (Պոստոս 31ին, վերջապէս պաշտօնեայք որոշեցին իր գահընկէցութիւնը, թագաւորելէ երեք ամիս վերջը: Շէյխիսլամը տուաւ Ֆէրվա մը որով կը յայտնէր թէ բացառիկ պարագայիս մէջ, քանի որ խալիֆայն զուրկ է յիմացականութենէ, կարելի էր տեղը օրինաւոր յաջորդ մը դնել:

7. — Անմիջապէս պաշտօնէից խորհուրդը որոց մէջ ամենէն ազդեցիկն եղեր էր Միդհադ փաշա, հաւաքուելով գահընկէց հրատարակեց զՄուրադ Ե և Սուլթան հուշակեց անոր Համիդ եղբայրը, 35 տարեկան որ Արդիւլ-Համիդ Բ անունը առաւ: Մուրադ իր բոլոր հետեւորդներով Չրադան կայսերական պալատը ղրկուեցաւ: Կոր Սուլթանը, բնաւ կայսերական գահուն չերազող, մինչեւ այն ատեն քաջուած կեանք մը ունեցեր էր, թէպէտ ճանչցուած էր իբրեւ սրամիտ, խոհական իշխան մը. և իբրեւ զիտուն իսլամ մը, մեծ ժողովրդականութիւն ստացած էր: Արդիւլ Համիդ իշխանութիւնը

Սուլթան Արդիւլ Համիդ Ե
1876

1. Մինչեւ իր մահը, որ պատահեցաւ զեռ տարի մը առաջ, եղաւ յոյժ փոքր կուսակցութիւն մը, որ ուզեց ժխտել այդ մտաց այլայլութիւնը. և զանազան անգամ փորձեր ուզեց բնել զինքը սպասելու Չրադանէն:

ձեռք առած օրէն ցըցուց խիստ կեանք մը և հաստատուն վարչական միտք մը: Թուրքիոյ ներկայ երկու մեծ վէրքերն էին դրամական տագնապը և Բալկանեան պատերազմը: Առաջինին դարման տանելու համար նախ սկսաւ անձնական զոհոգութիւններով և նոյն իսկ խնայական կեանքով մը: Իսկ երկրորդին համար եռանդնաւորեց Թուրք ժողովրդեան ոգին, և բիւրաւորք դիմեցին կեանքերին տալու իրենց Թագաւորին համար:

Սերբիացիք
կ'ուզեն օգնել
Հէրձէգովինայի: - Միւսն
Իշխանին հրատարակութիւնը:

Տ. — Արդիւ Ազիզի գահընկէցութենէ վերջը, Սուլթան Մուրատ Եր գահը բարձրանալուն ընդհանուր ներուժն հրատարակած էր Բալկանեան ապստամբաց, թէ վեց շաբաթուան մէջ զէնքերնին վար դնեն . միանգամայն նախապէս հրատարակուած բարեկարգութիւնը կը շնորհուէին նաեւ Բոսնիոյ և Հէրձէգովինայի: Սակայն երկու գաւառները խուլ եղան այդ հրաւերին: մանաւանդ խրախուսուած Սերբիոյ և Մոնտէնէգրոյի զաղտ վիճակորդական պատրաստութիւններէն ընդդէմ Թուրքիոյ: Ի. Գուրը կասկածեցաւ այս հանդերձանքներէն. ինքն ալ Նիշի մօտ 40,000 զինուոր հասցուց և զրով մը բացատրութիւն պահանջեց թէ Միւսն և թէ Նիկոլա իշխաններէն իրենց պատրաստութեանց նկատմամբ: Երկուքն ալ պատասխան տուին որ ստիպուած էին իրենց պաշտպանութեանը հսկել, քանի որ սահմանազուխներուն մօտ կը շատնային Թուրք զունդեր և ապստամբ խումբեր: Սերբիա և Մոնտէնէգրո մէջերնին զաղտ յարձակողական և պաշտպանողական դաշինք դրին: Սերբիոյ մէջ պատրաստութիւնը մեծ եռանդեամբ յառաջ կը մղուէին, որուն մասնակցած էին նոյն իսկ կանայք, իրենց ոսկեղէնքը և զարդարանքը նուիրելով հասարակաց գանձուն, որովք կը գնուէին ձի, թնդանօթ և հրացան: Բեկբատի մէջ ազգային փոխառութիւն մը կատարուեցաւ. յայտնի էր պատերազմելու նպատակը, որուն ի գուր Զանացին դէմ կենալ մեծ պետութեանց ներկայացուցիչը: Ամեն օր (միտինա լրագիրը կը զրգոէր ոգիները և կը քարոզէր որ հասաւ սերբիական միութիւն մը կազմելու ժամանակը բոլոր Եռակօ-սլավոններէն մէկ

գլխի մը ներքեւ : Յելզրատի Ակադեմիայի նախագահին խօսքերուն համեմատ « Այլ եւս լիոններ և գետեր չէին բաժներ զՍերբիա, զԽուուադս, Սլովենների և Ֆուլդարիա » : Ռիտզիչ՝ յանդուգն պաշտօնեայն, սլաւ Գուփոյ մը, ինչպէս կ'ըսէին, յայտնի քարոզած էր որ Սերբիա գէնքերը վար չդնէր, մինչեւ որ չյաղթէ թուրքին : Միլան իշխանը զՉէնայէֆ ռուս զօրավարը, Թուրքաստանի դիցազնը, Սերբիա հրաւիրեց իր բանակին գլուխը անցնելու . և թէպէտ Չէնայէֆ այլ և այլ պատճառներով աղէկ չէր տեղնուած Չարէն, այսու հանդերձ ռուս զօրավարի մը և շատ մը ռուս կամաւորաց ներկայութիւնը Ռալկաններու մէջ, ապստամբութեան ուրիշ կերպարանք մը տուաւ . և տեսնուեցաւ արդէն Ռուսիոյ ապագայ նպատակ մը :

(Սամանեան Պետութիւնը, որ մինչեւ այն ատեն չէր տուած այն մեծ կարեւորութիւնը Ռալկաններու մէջ եղածին, այս նոր պարագաներուն վրայ, անմիջապէս գէնքի կանչեց պահեստները և քիչ օրուան մէջ Ռալկաններուն ներքեւ հասան 120,000 զինուորը, ամենն ալ տոկուն, ամենն ալ կրօնական պատերազմի եռանդով վառուած :

Յունիսի վերջերը Միլան իշխանը վերջնագիր մը դրկեց առ Ռ. Գուուր, յայտարարելով որ երկու արեւնակից ազգաց ապստամբութիւնը, միշտ յուզման պատճառ էր իր ժողովրդեան և կ'առաջարկէր որ իր բանակը մտնէ Հէրձէգովինա, Ռոսնիա և Ռուլդարիա, զանոնք խաղաղելու համար : Դիկուա իշխանն ալ գրեց առ Ռ. Գուուր որ « շարունակ անորոշ և շփոթ վիճակի մէջ չորս կողմանէ, ստիպուած էր վերջնական որոշողութիւն մը ընել » : Միլան իշխանը բանակով Ալեքսինաց գնաց, և Ռուլիս Լին հրատարակեց իր ժողովրդեան որ՝ Թուրքիոյ բռնած ընթացքին պատճառաւ կը բռնադատուէր պատերազմ սկսելու . և թէ իրեն հետ էին Ռոսնիա, Մոնտէնէգրո, Ռուլդարը և յոյն ցեղերը :

Գ. — Եւ յիրաւի Մոնտէնէգրո զարմանալի երազութեամբ փութով պատրաստեց 20,000 զօրաց բանակ մը և չուեց դէպ ի սահմանագլուխը : Դիկուա իշխանը

Մոնտէնէգրոյի բանակը. — Դիկուա իշխանին յաղթութիւնը :

միտքը դրած էր թուրք գունդերը վանելով իր ճամբէն, հասնիլ Հէրձէգովինայի մայրաքաղաքը՝ Մոսկաւր . ոտք հանել բոլոր քաղաքները և աւելի ոյժ մը տալ ապրատամբուեան : Այս եռանդով Մոնտէնէգրոյի բանակը յաղթեց նախ Մուխթար փաշայի Դրէպոյի մօտ և Մահմուտ փաշայի Պոտկորիցայի քով . և պաշարեց Մէտուն, Նիքսիչ և Պոտկորիցա , միշտ կռնակէն պաշտպանուելով անատիկ դիրքերով , լերանց մօտ : Թուրք զօրավարք իրենց առաջին ձախողութեան վրէժն առնելու համար Քուչիի մօտ 28,000 զօրօք յարձակեցան 5000 մոնտէնէգրեցոց վրայ : Օսմանեան բանակին մէջ կային 300 գէյդէք և 5000 յաւիրոզուչ , որոնք աւելի վնասակար եղան բանակին : Ահաւոր խառնուրդ մը տեսեց քանի մը ժամ , մոնտէնէգրոցիք կը կռուէին դիցազնարար , առանց քաշուելու՝ և կատարեալ յաղթութիւն մը ունեցան սպաննելով թուրք բանակէն 4700 զինուոր : Մոնտէնէգրոյի այս յաղթութիւնը բոլոր Եւրոպիոյ մէջ մեծ զմայլումն և գովեստ ստացաւ . այսու հանդերձ Նիկոլա չկրցաւ բանալ Մոսթարի ճամբան , և իր յաղթութիւնը արդիւնք մը չունեցաւ սերբիացի բանակին յաղթուելով : Յըցուց միայն Եւրոպիոյ որ Մոնտէնէգրօ քաջ բանակ մը ունէր և ի հարկին լաւագոյն պայմաններ պիտի ստանար¹ :

10. — Սերբիոյ բանակը որ հազարապետ Նիգոլիչ , Պատերազմի պաշտօնէին Չանքովը , հասած էր 80,000 զինուորի , Չէռնայէֆի հրամանատարութեան ներքեւ չորս մասի բաժնուած էր : Առաջին բանակին ի Չայչար՝ կը հրամայէր Լէսթանին , Երկրորդին՝ Ստորին Դրինայի քով , կը հրամայէր Ռանքօ Ալէմպիչ , անկա-

Արդիւլ Քէրիմ փաշա . Արբիացոց վրայ յաղթութիւն . 80. — Ինչորայ կը չուէ :

1. Մի անգամ ընդ միշտ բանք որ եթէ Սերբիոյ և եթէ Մոնտէնէգրոյի բանակներն շատ անգթաբար վտրուեցան թուրք բնակչաց և զինուորաց չեա , չտովմայ Օֆիեիոնէ լուրջ լրագրին թղթակիցը կը գրէր . «Որ կեցրտնական հիւանդանոց բերուած վիրաւոր թուրք զինուորները , ահելի կերպով կրճատուած են մոնտէնէգրոցիներէն . բաց ի պատերազմի մէջ ընդունած վերքերէն , կարուած են ինդհերուն քիթը , շրթունքը , սկանչները» : Թիւ 256 :

րող սպայ մը, որ այդ աստիճանին հասեր էր Օրբէնովիչներուն եռանդուն կուսակից ըլլալուն համար . Երբորդին կը հրամայէր եօթանասնամեայ հազարապետն Նթազ՝ Եսավորի ըով . Չորրորդին հրամանատարն էր ինքը Չէննայէֆ , որ բռնած էր Սոֆիայի ճամբան և հոն պիտի դիմէր Միլան իշխանին հետ : Ռազմագէտը կը մեղադրեն Չէննայէֆի այս ծրագիրը , որ անշուշտ Միլան իշխանին անձնական փառասիրութիւնը գոհացնելու համար էր, մտնելու ի Սոֆիա . և թերեւս հոն ալ իշխան հրատարակուելու : Պէտք էր, կ'ըսեն , որ Սերբիոյ բանակը դիմեր Բոսնիոյ վրայ , ձեռք տար Մոնտէնէգրոյի յաղթող բանակին և ոտք հաներ բոլոր Բոսնիա , որ անհամբեր կը սպասէր : Մինչդեռ Բոսնիա կտրուած և առանձին մնալովը, իրեն զուլիս անուաներ էր իշխան Պետեր Քարաճօրճէվիչը, հակառակորդ Օրբէնովիչ ցեղին և թիկնածու Սերբիոյ Գահուն : Այսու հանդերձ Միլան իշխանին յանդուգն ծրագիրը, եռանդնաւորեց ամեն կողմի սլաւները և սլաւասէրները : Ամեն կողմանէ սկսան թափիլ դրամք, օգնութիւնք, կամաւոր զինուորք : Իէլզրաղի մետրապոլիտը՝ կրցաւ մէկ միլիոն դուկադ նուէր հաւաքել : Ալավոնիայէն, Խոուադներէ և Գանուբէն եկած կամաւորք, Բոսնիայի ուրիշ կամաւորաց հետ, տասը գունդերէ բաղկացեալ ջոկատ մը կազմեցին, որոց հրամանատար եղաւ աւստրիացի հին սպայ մը՝ զօրապետն Պուդնիք : Սերբիա ունեցաւ բազմաթիւ բանակ մը, սակայն առանց կանոնաւոր կազմակերպութեան և առանց փորձ հրամանատարներու, և մանաւանդ զրեթէ բոլորովին զուրկ էր ձիաւոր գունդերէ , որոնք ներկայ դարուս մէջ, պատերազմի որոշիչ դեր մը կատարած են : Հազիւ կային քանի մը խումբ կամաւոր իսազախը և չէրքէզը և անզղիացի Մըր-Իվոր սպային լրտեսող ձիաւորները : Հետեւակ զինուորաց գունդերն ալ, Բլաննավաց՝ նախկին Պատերազմի պաշտօնէին ժամանակ, առանց փորձերու թողուած , պատերազմին յանկարծակի վրայ գալով, չունէին պէտք եղած վարժութիւնը . անոր համար հազարապետն Լէսժանին չկր-

նալով Օսման փաշայի վարժ գունդերուն ղէմն առնուլ, յետ շատ անգամ կոռուելու Վէլիքը-Իսվորի քով, վերջապէս թողուց զՉայչար: Ռանքօ Ալէմպիչ յաղթուեցաւ Բիէլինայի քով և բոլորովին կ'ոչնչանար բանակը, թէ որ չ'օգնէին Օրէսքովիչ հազարապետին և Պուզնիք զօրապետին գունդերը: Հարաւային Արեւմտեան կողմը, Եւզվորի վրայ, Արդիւ Քէրիմ բաղխեց Մագ հրամանատարին գունդերը: Մագ թէպէտ վիրաւորուած, շարունակեց կոռուելու. նոյնպէս իրեն տեղապահ Չոլագ Անտիչ հազարապետը:

Պատերազմին ամեն գործողութիւնքը կը դառնային Մորավայի ձորին մէջ, որ Բէլգրադի բանակի կրնար համարուիլ: Չէնայէֆ յաջողութեամբ սկսեր էր իր ընթացքը, քաջ յարձակմամբ տիրեր էր Բարինա-Ալավայի ամուր ճամբարին. և նիշ թողով իր յառաջապահը, մղել էր Աք-Փալանքայէն ղէպ ի Բիրոտ: Հրամայեց նաև Սդրադիմիրովիչ հրամանատարին յարձկիլ Աք-Փալանքայի վրայ, ուր թուրքերը ամրացած էին: Բայց Սդրադիմիրովիչ ետ քշուեցաւ. և Չէնայէֆ բռնադատուեցաւ դառնալու ղէպ ի Ալեքսինաց և Տէլիկրատ, և ամրանալու Մորավայի ձորերուն մէջ¹:

Արդիւ Քէրիմ որ սահմաներ էր չուել ի Բէլգրադ պէտք էր որ տիրեր այդ երկու բերդաքաղաքներուն. միանգամայն Լէսփանինի գունդերէն ի թիկանց չնեղուելու համար, պէտք էր որ զանիկայ բոլորովին բաժներ Չէնայէֆի գունդերուն յարարերութենէն, Դիմոքի ձորէն, կնայէվացի ճամբով: Իրեն համար ամենակարեւոր էր բռնել զկնայէվաց: Ամեն օր նոր օգնութիւններ կը հասնէին թուրք բանակին, նաև հեռաւոր մահմէտական

1. Սդրադիմիրովիչ որ աւստրիացի սպայ էր և առանց հրամանի եկած էր ի Սերբիա, իր այս պարտութեանը պատճառ համարելով Միլան իշխանին վարչութիւնը, ուզեց տապալել զՄիլան և տեղն անցնել տալ զՔարաճէօրճիւիչ իշխանը: Գաւր իմացուեցաւ և արտորուեցաւ Սերբիայէն Աւստրիա: Աւստրիոյ վարչութիւնը զինքը պատժեց անհրաման Սերբիոյ մէջ զինուորութիւն վարած ըլլալուն:

աշխարհներէ: Մեքքէէն Կ. Պօլիս հասեր էին 12,000 արար ձիւտորք. Հնդկաստանի մահմէտականք մեծամեծ գումարներ ղրկեր էին: Գունդեր ղրկեր էր նաեւ Էգիպտոսի փոխարքայն և ասոնք ամենը ուղղուեցան ի Միթրովիցա և Նովի-Բագար. և բանակին թիւը հասաւ մօտ 200,000ի: Յուլիս 28էն 29ին գիշերը Ահմէտ Էյուպ փաշա քալեց դէպ ի Սերբիոյ սահմանագլուխը, իրեն օգնական ունենալով զՀաֆըզ փաշա: Սիւլէյման փաշա անցնելով սահմանագլուխը Պանտիրոլոյէն, յարձակեցաւ Հորվադովիչի վրայ որ 6000 հոգով ամրացեր էր ի կրամատա. և յետ եօթը ժամ դիւցազնական կոռոյ մը երկու կողմանէ ալ, տիրեց անոր և միացաւ Ահմէտ Էյուպ փաշայի: Բանակները երկու օր հանգիստ ընելով, Օգոստոս 3ին յարձակեցան կնայէվացի վրայ և քանի մը ժամ կռուելէ վերջը մտան կնայէվաց: Իսկ Արդիւլ Քէրիմ փաշա փոխեց, Ալեքսինացի և Տէլիկրատի ճամբաներով, Բէլզրադի վրայ դիմելու ծրագիրը, և սահմանեց Մորավայի ձախ ափունքէն չուել մայրաքաղաքին վրայ. և Ալի Սայիպ փաշա բռնեց ռազմական դիրքերը: Չէնայէֆ ու զուշակեց Արդիւլ Քէրիմի նոր ծրագիրը, և չ'իմացաւ թուրք բանակին կեդրոնանալը Մորավայի ձախ ափանց վրայ: Հարկ էր աճապարել. արդէն Ահմէտ Էյուպ և Ալի Սայիպ փաշաները Մորավան անցեր էին Սուփուվացի մօտ Օգոստոս 25էն 30: Այս ծանր դրութեան մէջ Չէնայէֆ իր քիչ զինուորօք դիւցազնական յանդգնութեամբ մը ինքն ալ անցաւ գետը և յարձակեցաւ թուրք գունդերուն վրայ. սակայն անոնց հաւաոր կրակը մեծ կոտորած և շփոթութիւն մը ձգեց սերբ բանակին մէջ, որոց վրայ նախկին պարտութիւնները արդէն լքումն և անվստահութիւն բերեր էին: Թուս կամաւոր սպաները իրենց օրինակով ջանացին խրախուսել սերբերը, արգիլել փախուստը, բայց ի զուր: Թուրք գունդերը զօրաւոր բաղխամամբ ջնջեցին իրենց դէմ ամեն արգելք և ազատ ճամբայ բացին դէպ ի Բէլզրադ: Արդիւլ Քէրիմ փաշա որոշեր էր անմիջապէս դիմելու մայրաքաղաքին վրայ, երբ Կ. Պօլսէն հրաման եկաւ իրեն դադրե-

ցնելու թշնամութիւնքը . որովհետեւ Մեծ Պետութիւնք միջամտեւ էին հաշտութեան մը համար :

Բանակցու-
թիւնք . —
Թուրք և մահ-
մկտական ու
զուլայի գարթու-
մը .

11. — Միւլան իշխանը պատերազմին ձախորդ և վտանգաւոր ընթացքը տեսնելով . իր կարծածէն և յուսացածէն շատ տարբեր գտնելով թուրք բանակը, վախնալով եւս որ կորսնցնէ իր ամբողջ երկիրը և իշխանութիւնը, Օգոստոս 24ին երբ թշնամին իր հողին վրայ սկսաւ տեսնել, այն ատեն դիմեց հսկող Պետութեանց ներկայացուցիչներուն, որ միջնորդեն հաշտութեան մը, ընդ մէջ Բ. Գրան և Սերբիոյ : Դեսպանք անմիջապէս իմացուցին Սերբիոյ փափազը առ Բ. Գուռը, բայց սա մէկէն չ'ընդունեցաւ, սպասելով նորանոր յաղթութեանց լուրերու . և երբ Արդիւլ Քէրիմ փաշա յաղթական, բռնած էր Բէլգրադի ճամբան, Բ. Գուռը Յուշազրով մը, Պարիսու դաշանց ստորագրող Պետութեանց իմացուց իր պահանջքը՝ — 1. Սերբիոյ իշխանը ընտրուելէն վերջը կ. Պօլիս պիտի գայ, իր յարգանքը մատուցանելու առ Սուլթանը . 2. Այն չորս բերդերը որոնք իրբեւ ի պահպանութիւն յանձնուած էին Սերբիոյ իշխանին, և որոնց տէրը Սուլթանն էր, նորէն պէտք է անցնին կայսերական բանակին ձեռքը : 3. Տեղացի զինակրութիւնք ջնջուած են և Սերբիա իր ներքին խնդրութեան համար 10,000 զինուորէ և երկու լուծ հրանոթէ աւելի չէր կրնար ունենալ :

Այս պահանջները խիստ և ապօրինաւոր երեւցան Պետութեանց, մանաւանդ Ռուսիոյ, և սակայն այդ Պետութիւնք տարբեր չէին վարուած իրենց ձեռքին տակ եղած ազգերուն հետ . և ամենարնական էր որ Բ. Գուռը պահանջէր վերցնելու Սերբիոյ ձեռքէն այն բարոյական և նիւթական ոյժերը, զորս ինքը շնորհեւ էր և որոնցմով, կը համարէր, թէ նա զեղծեւ էր ընդդէմ իրեն շնորհողին : Այս էր թուրքաց զգացումը . և ի կ. Պօլիս հասարակաց կարծիքը չէր ըմբռնեւ, նա մանաւանդ զայրացած էր որ ինչո՞ւ օտար Պետութիւնք կուզէին միջամտել իրենց հպատակաց հետ կռիւններուն մէջ . և չէին թողուր ընկճելու հպատակ ապստամբները, ու

ըովհետև անոնք քրիստոնեայ էին: Եւ պէտք է զուրցել՝ որ Արդիւ Ազիզ զահընկէցութենէ վերջը և մանաւանդ Արդիւ-Համիդ Բի Թագաւորելով, Թուրքիոյ հայրենասէր մասը, նոր ոյժ մը զգացեր էր, կ'ուզէր իր բարձրութիւնը և ոչ հաւասարութիւնը միւս հպատակ ազգաց նկատմամբ՝, և ընդհանուր համերաշխութիւն մը կամ համիրաւոյթիան մը սկսած էր մահմէտական բոլոր իշխողներու մէջ, որոնք կ'այցելէին նաեւ Կ. Պօլսոյ. հոն ընդունելու իրենց կրօնապետին հրամանը: Արդիւ Համիդ իր գահակալութեան առաջին օրէն մասնաւոր հոգ մը ունեցեր էր, բանակը բարեկազմելու և անձնական իսկ ինայողութեամբ և նուէրներով օգնել զինուորական հանդերձանքներու. Արդէն կը սկսեր արդիւնքը վայելելու: Բ. Դրան պահանջներուն, Ռուսիա իրրեւ պատասխան մը՝ առաջարկեց Աւստրիոյ, միաբան բռնել զՌոսնիա և Հէրձէզովինա: Սակայն այս մասին համամիտ չ'եղաւ Անգղիա. որ Արեւելքի այս բոլոր յուզմանց մէջ, Ռուսիոյ գաղտ ծրագիրները կը զուշակէր և ինքն ալ չէր ուզեր անկէ խոնարհ մնալու: Արեւելեան ամեն ինդրոց խորը թէ թափանցենք. կը գտնենք Ռուսիոյ և Անգղիոյ ազդեցութեանց մրցմունք: Անգղիա՝ Ռուսիոյ առաջարկին տեղ ինքը Բ. Դրան չորս առաջարկներ ըրաւ. 1. Պահել Սերբիա և Մոնտէնէգրօ իրենց նախկին վիճակին մէջ. 2. Բ. Դուռը վեց մեծ Պետութեանց հետ ստորագրէ

1. Կոյն իսկ Վաքըր որ երիտասարդ Թուրքիոյ ձայնը կը համարուէր կը սպանոր յայտնապէս որ «ճգնաժամին միջոց, չկարծեն մեր Թշնամիք որ իրենց դէմը միայն կայսրութեան իսլամները պիտի գտնեն: Կովկասի, Կեդրուկանի Ասիոյ, շնդկաստանի, Ափրիկէի, Ովկիանիոյ կղզիներու մահճատական, միով բանիւ բոլոր հաւատացեալք պիտի նետուին իտանուրդին մէջ առիժներու պէս, և ամբողջ աշխարհս պատերազմի դաշտ պիտի դարձնեն: Կթէ Բուսիոյ և Հէրձէզովինայի մահճատականաց հրաման արուէր կոռելու ապստամբաց դէմ, շատոնց անոնք անհետացած էին: Բաւական է որ իսլամ լիֆայութիւնը իօսի. պիտի սարսափին կայսրութեան Թշնամիք: Այն ասն Անգղիա պիտի կրնայ իր 70,000 զինուորներով սանձել 120 միլիոն շնդկաստանի մահճատականքը: Կթէ Կերպս կ'ուզէ նորէն Խաչակրութիւն սկսիլ, մենք պատրաստ ենք»:

պայմանագրութիւն մը, որով Բոսնիա և Հերցեգովինա տեղական ինքնավարութիւն մը ունենան առանց անկախութեան. 3. Նոյն շնորհները ըլլուին Բուլղարիոյ. 4. Անմիջապէս զինադադարումն ըլլուի : Բ. Դուռը յետ ինն օրուան, պատասխան տուաւ որ մայրաքաղաքին մէջ ընտրական խորհրդարան մը պիտի հաստատէր թիչ ատենէն, որուն մէջ պիտի գտնուէին ամեն գաւառաց ներկայացուցիչք, որով աւելորդ էր ինքնավարութիւն մը : Միւս մասերուն ալ կը պատասխանէր վերիվերանց բացատրութիւններով : Սեպտ. 11ի Չարին ծննդեան տարեդարձին, մեծամեծ ուրախութիւններ և հանդէսներ կատարուեցան ի Սերբիա, իբրեւ պաշտպանի Սերբիոյ, մանաւանդ որ Չարը թիչ առաջ կնքահայր եղած էր իր ներկայացուցչի ձեռքով, Միւս իշխանին Աղեքսանդր նորածին գաւակին. և Սերբիոյ բանակին ինդութիւնը մեծ եղաւ երբ Սեպտեմբեր 16ին Չէռնայէֆ զօրավարը, 50 քահանայից ներկայութեամբ, զՄիւս իշխանը, թագաւոր հռչակեց Սերբիոյ բանակին առջեւ «կեցցէ՛ արքայ Միւս Ա.» գոչելով : Բայց Միւսն ուրախանալով հանդերձ, հրաժարել ցցուց այդ տիտղոսէն. մանաւանդ որ Չարը մեծապէս տժգոհացեր էր այդ յանկարծական հրատարակութեան նկատմամբ : Այս պատահարաց ժամանակ Չարը որ Լիվատիա կը գրտնուէր, հեռագրեց իր դեսպաններուն, որ անտարբեր աչքով չէր կրնար տեսնել Բալկաններուն մէջի աւրինհեղութիւնը և թէ կ'առաջարկէր վեց շաբաթուան Չինադադար մը, ինդիւրները վճռապէս որոշելու համար : Բ. Դուռը պատճառ բերելով որ այդ ինդիւրները հաստատուելիք խորհրդարանէն և Մերակուտէն պիտի վիճուէին, որով ժամանակի կարօտ էր, առաջարկեց վեց ամսուան Չինադադար մը : Ռուսիոյ վարչութիւնը մերժեց այդ վեց ամիսը. բանակցութիւնը միացին ապարդիւն և Բ. Դուռը հրաման ղրկեց առ Արդիւլ Քէրիմ փաշա, թշնամութիւնը շարունակուելու :


12. - Արդիւլ Քէրիմ փաշա որոշեց վճռական հարուած մը տալ Սերբիական բանակին, որուն զօրաւոր մասին կը հրամայէր Չէնայէֆ զօրավարը՝ ձիւնիսի քով. ձախովը կոթնած Դէլիկրատի վրայ և աջովը, որուն կը հրամայէր Հորվաթովիչ, կրիւշէվացի վրայ։ Հոկտեմբեր 19ին սկսաւ թուրք բանակին մոլեզին բախումը որ երեք օր տեւեց, յորս Սերբիացիք կորսնցուցին 10,000 հոգի։ Յետոյ Նիշէն կանչելով նոր զունդեր՝ որոնց կը հրամայէր Տէրվիշ փաշա, Հոկտեմբեր 29ին յարձկեցաւ ձինիսի վրայ. տիրեց նախ Ռումլիքի յետոյ ձիւմիշտի. և ահաւոր բաղիւմամբ Չէնայէֆէն բաժնեց զՀորվաթովիչ, որուն զունդերը յաղթուելով, թողուցին զկրիւշէվացի։ Չէնայէֆ մնալով առանց իր Աջին, քաշուեցաւ Դէլիկրատ. բայց վախնալով որ հոն բոլորովին պաշարուի թուրք բանակէն, հեռացաւ նաև անկէ. զինուորաց մաս մը ցիրուցան եղան և Ալեքսինաց անպաշտպան մնալով, անձնատուր եղաւ ինչպէս Դէլիկրատ բերդաքաղաքը։ Այս պատերազմին մէջ ռուս կամաւորք կոռեցան դիւցազնաբար. իսկ սերբիացի զինուորք թողուցին և փախան։ Ռուսք մինչեւ վերջին կէտը պատերազմեցան, թողլով դաշտին վրայ մեռեալ 120 սպայ և 2500 կամաւոր զինուորք։ Արդիւլ Քէրիմ երբ պատրաստ էր չուելու Բելգրադի վրայ Մուրավայի ձորէն, Բ. Գոնէն հրաման մը եկաւ երկու ամսուան զինադադարման մը, որ յետոյ երկարեցաւ մինչեւ Մարտ։

Սերբիացիք կը յաղթուին ի ձիւնիսի. - Ռումլիքի վերջնապատումն։

Հոկտեմբեր 30ի գիշերը, իշխանն Գորչաքով, զուանապետ Ռուսիոյ կայսեր, հեռագրած էր առ զօրավարն Իզնատիէֆ դեսպան ի Կ. Պօլիս, ներկայացնելու Բ. Գրան վերջնագիր մը, որ եթէ ըստ մեծ Պետութեանց որոշողութեան, Սերբիա և Մոնտէնէգրօ պիտի պահէին իրենց նախկին վիճակը, աւելորդ էին ուրեմն օսմանեան զինուորական արշաւանքները և արիւնահեղութիւնները։ Անոր համար եթէ Բարձրագոյն Գուռը յետ կրկին 24 ժամերու չուզէ գործնականապէս զինադադար ընելու, այն ստոնն դեսպանը անմիջապէս պիտի թողու զկ.

Պօլիս , բոլոր կայսերական զեսպանատան պաշտօնեաներով :

Այս սպառնալիքին վրայ Ռ. Դուռը անզգիացի լորտ էլ վրըդ զեսպանին յորդորանաց մտիկ ընելով , ստորագրեց զինադադարումը երկու ամսուան համար . և անմիջապէս նոյնը խմացուց Արդիւլ Քէրիմի : Ետոյ զրկուեցան եւ ըրոպացի զինուորական նուիրակը զինադադարման գծերը որոշելու :



Գ Լ ՈՒ Խ Ժ Զ .

Կ . ՊՕԼՍՈՅ ԳԵՍՊՈՆԱԿՈՂՈՎԸ .

Թ Ո Ւ Բ Ք Ս Ա Հ Մ Ա Ն Ա Գ Ի Բ Ո Ւ Թ Ի Ի Ն Ը

1. Կ. Պօլսոյ դեպքանաժողովը. — 2. Գաւ Աբղիւլ Համի-
դի դէմ. — Միդհազ փաշա մեծ վէզիր. — 3. Թուրք սահմանա-
դրութիւն. — 4. Մաճառք թուր մը կը նուիրեն Աբղիւլ Քէրի-
մի. — 5. Գեոսպանաժողովոյն բուռն վիճարանութիւնը. — 6.
Օսմանեան մեծ ժողովքը. — Պետութեանց պահանջներուն մեր-
ժումը. — Գեոսպանաժողովոյն ցրուումը. — 7. Պալատան մէջ Միդ-
հազ փաշայի դէմ ամբաստանութիւնը. — Միդհազ փաշայի պաշ-
տօնընկէցութիւնը և աքսորը. — 8. Էդէմ փաշա պաշտօնարան.
— 9. Սերբիոյ հետ հաշտութեան դաշինք. — Յանակցութիւնը
Մոնտէնէգրոյի հետ. — 10. Աբղիւլ Համիդ թուրք խորհրդարանը
հանդիսաւոր կերպով կը բանայ. — 11. Լոնդրայի Գիւանագի-
րը. — 12. Յ. Գուրը կը մերժէ դիւանագիրը. Ռուսիոյ և Թուր-
քիոյ յարարերութեանց խզումը. — 13. Պատերազմին ժայնը ու-
մանեան խորհրդարանին մէջ :

1. Անգղիա որ չէր կարող առանց կասկածանքի
մնալու, Ռուսիոյ վարչութեան այսքան պաշտպանող ա-
ռանձնաշնորհեալ ղրութեան, առաջարկեր էր Հոկտեմ-
բերի մէջ, որ ի Կ. Պօլիս դեպքանաժողով մը գումարուի
Բալկանեան խնդրոց նկատմամբ : Ռուսիոյ վարչութիւնը
անտարբեր մնացեր էր այս առաջարկին և շարունակեր
էր իր զինուորական պատրաստութիւնքը : Չարը, Մոս-
քուայի քաղաքային ժողովոյն առջեւ Նոյեմբեր 12ին,
գովեր էր զՄոնտէնէգրո « որ դիւցազն գոնուեր էր ինչ-
պէս միշտ » և եռանդուն բացատրութեամբք խօսեր էր

Կ. Պօլսոյ
Գեոսպանաժո-
ղովը :

« կրօնքով և ցեղով եղբարց » նկատմամբ, որոց « ապահովութեան համար ձեռքէն եկած ամեն միջոց պիտի գործադրեն »: Անգղիա չուզեց Ռուսիոյ թողուլ այս նախաձեռնութիւնը և զԼորդ Սուզբրի նշանաւոր քաղաքագէտ և պաշտօնեայ Գաղթականութեանց, զրկեց Գերմանիոյ, Աւստրիոյ և Իտալիոյ արքունիքները շրջելու, և զանոնք համոզելու Դեսպանաժողովի մը կարեւորութեանը նկատմամբ: Երեք Պետութիւններն ալ յանձն առին առանց մասնաւոր եռանդի մը: Արդէն Բիսմարք, Լըրոպիոյ քաղաքագիտութեան ղեկավարը, յայտնած էր խորհրդարանի մէջ որ Գերմանիա չէր ուզեր կաթիլ մը արիւն թափել, ուր չկար գերմանական շահ մը: Գուլիէլմոս Ա յայտնեց առ Լորդ Սուզբրի որ իրեն ազգականութեան կապը Չարին հետ, չէր ներքեր ո՛ր և է տհաճեցուցիչ քայլ մը առնլու Ռուսիոյ նկատմամբ:

Աւստրիա այնքան ազգութիւններէ բաղկացեալ, բրնձնադատուած էր չէզոք դիրք մը ունենալ. նոյնպէս Իտալիա որ բնաւ շահ մը չէր տեսներ միջամտելու թուրքիոյ և Պալկանեան ազգաց մէջ: Այսու հանդերձ ամեն Պետութիւնը ալ չ'ընդդիմացան Դեսպանաժողովի մը, եթէ յանձն առնուին Ռուսիա և թուրքիա: Պետրբուրկի վարչութիւնը այն յուսով որ իր պահանջները ընդունելի ընել տայ, ընդունեցաւ դեսպանաժողովի մը գումարումը: Արդէն Գորչաքոֆ իշխանը Յայտագրով մը կ'իմացնէր Նոյեմբեր 13ի, որ ռուս բանակը պիտի չուէր դէպ ի թուրք սահմանազլուխը: Իսկ Բ. Գուռը կանխաւ խորհած ըլլալով իր ըսելիքը և ընելիքը, չուզեց բոլոր Եւրոպիոյ Պետութեանց կարծիքին դէմ դնելու. և Սալֆէթ փաշա խոհական ծանուցագրով մը ընդունեցաւ դեսպանաժողովը « խաղաղութեամբ կնճիոնները լուծելու համար »: Բարիզու Գաշնաժողովոյն Պետութիւնը անմիջապէս անուանեցին իրենց ներկայացուցիչները, որոցմէ ոմանք արդէն դեսպան էին ի Կ. Պօլիս. միւսներն ալ փութով հասան թուրքիոյ մայրաքաղաքը: Գերմանիոյ կողմանէ Պարոն Վէրթէր արդէն դեսպան ի թուրքիա, Աւստրիա—Հունգարիոյ կողմանէ՝ կոմսն Չիչի և պարոն Գալիչէ, Գաղ-

դիոյ կողմանէ կոմսն Բուրկուայն՝ դեսպան, և կոմսն դր Շոտորտի. Մեծին Բրիտանիոյ կողմանէ՝ մարզիգն Սոլզբրի և սըր Հէնրի Էլիըզ դեսպանը. Խտալիոյ կողմանէ կոմսն Կորտի դեսպանը. Ռուսիոյ կողմանէ զօրավարն Իզնատիէֆ: Իսկ Թուրքիոյ կողմանէ Արտաքին Գործոց պաշտօնեայն՝ Սավֆէթ փաշա, Բէռլինու օսմանեան դեսպան Էդհէմ փաշա, Քարաթէտորի փաշա և Համամ-ճեան Սարգիս էֆէնտի՝ ընդհանուր քարտուղար Արտաքին Գործոց Պաշտօնարանին: Որոշուեցաւ որ նախ մասնական գումարումներ ըլլան, որոց մէջ պատրաստուին ընդհանուր գումարմանց առաջարկուելիք նիւթերը. և այս մասնական ժողովքներու նախագահ ընտրուեցաւ նոյն իսկ Իզնատիէֆի առաջարկելովը, Լորդ Սոլզբրի: Իսկ ընդհանուր գումարմանց նախագահ ընտրուեցաւ Սավֆէթ փաշա:

Փութով սկսան առանձնական գումարմունք, որոց մէջ Ռուսաստան յայտնեց իր բազմաթիւ պահանջները. բայց Իզնատիէֆ տեանելով որ նոյն իսկ Լերոպիոյ Պետուիւնը հակառակ պիտի ըլլային, այն ատեն իր պահանջները նուազեցուց, և առաջարկեց որ Ռուսաստան բանակով մը բռնէ զԽուզարիա. եւրոպական Բանձնաժողով մը հաստատուի հսկելու բարեկարգութեանց գործադրութեան վրայ. Թուրքերը թողուն Սերբիոյ մէջ բռնած տեղերը և բնաւ չստանան դրամական տուգանք. Մոնտէնէգրոյի քաջութեանց փոխարէն, իրեն երկիրը, ընդարձակուի: Ժողովքը յետին երկու յօդուածներն և ոչ իսկ ուզեց վիճարանել, որով մնացին միայն առջի երկու յօդուածները:

2. — Կ. Պօլտոյ մէջ յուզուեցաւ թուրք ժողովրդեան և նոյն իսկ շատ մը քրիստոնեայ հպատակաց ոգին Ռուսիոյ պահանջին և արհամարհոտ եղանակին դէմ: Կային հպատակ ազգեր որոնք այն՝ չէին ծածկեր թուրք վարչութեանէն կրածնին, բայց բնաւ համակրութիւն մը չունէին ընկղմելու սլաւական համայնատար ովկիանոսին մէջ: Թուրք ժողովուրդը յետ իր բանակին յաղթութեանց, չէր կրնար տեղիք տալ Ռուսիոյ. գոհա-

Կա. Արգիւ
Համիդի դէմ. —
Միդհատ փաշա
մեծ վեղիբ:

ցնել զՍերբերը, որովհետեւ ապստամբեր էին. և զՔուլզարիա, Կ. Պոլսոյ ճամբան, յանձնել ռուս բանակին: Ալեքան զայրացան ոգիները մինչեւ աւագանւոյն մաս մը զվարչութիւն տկար ամբաստանելով, ծածուկ դաւով մը յեղափոխութեան կ'ուզէր դիմել: Իմացուեցաւ և դաւաճանք բռնուեցան որոց մէջ կային նաեւ երկու փաշայք: Գաւաճանութիւն մ'ալ պատրաստուած էր Միդհասո փաշայի ղէմ սլաւական ընկերութեան երկու նուիրակներէ: Սակայն բռնուեցան դաւաճանք. և թէպէտ Ռուսիա պահանջեց որ իրեն հպատակք իւրեն յանձնուին, այսուհանդերձ թուրք կառավարութիւնը ժխտեց: Ռուսիոյ պահանջներուն և ներքին յուզմանց առջեւ, մեծ վէզիրը Մէհմէդ Ռիւշտի փաշա, իր ծերութիւնը պատճառ բերելով, խնդրեց Սուլթանէն ազատ ընելու զինքը իր պաշտօնէն: Գեկտեմբեր 19ին կայսերական հրովարտակ մը մեծ վէզիր կ'անուանէր զՄիդհադ փաշա¹, որուն արդէն Արդիւ Համիդ յանձնած էր ի սկզբանէ, Սահմանադրութիւն մը պատրաստելու խնամքը և արդէն պատրաստ էր և կը մնար միայն հրատարակելը²:

1. Միդհադ փաշա ծնած էր 1825ի. և ուսումները կատարած էր ի Կ. Պոլիս. բայց դեռ երիտասարդ ուղեւորելով յԷյրուպա, շատ յարաբերութիւնք ունեցած էր քաղաքագէտ անձանց հետ, և ի Կ. Պոլիս մեծ սիրով կը խօսէր, կը վիճէր և կենակցութիւն կ'ընէր քրիստոնեայ յատուազմ տարրին հետ, յորս աստիճան սեղին բնած էին Աղաթոն էֆէնտի և Գ. Օսման: 1868ին փաշայի աստիճանով կուսակալ զրկուեցաւ յԵւրոպա և Պրիցլտ: Հին մտայնած բարեկարգութիւնը՝ Ֆուատ փաշայի ուշադրութեանը և համարմանը նիւթ եղան. որ զինքը Կ. Պոլիս կանչեց և յանձնեց զատաներուն նկատմամբ օրէնադրութիւն մը կազմելու: Յետոյ Հինգ տարի խուլգարիոյ կուսակալ եղաւ, որ շինեց զպրոցներ, կամուրջներ և ճամբաներ: 1867ի Սուլթանը զինքը Կ. Պոլիս կանչեց և ըրաւ Պաշտօնեայ Հասարակաց շինութեանց: Բայց Հին-թուրք խումրին սիրելի չ'ըլլալով, զրկուեցաւ: Իրաք-Արապի. 1871ի կանչուեցաւ ի Կ. Պոլիս և 1872ի Յուլիսի մեծ վէզիր անուանուեցաւ: Բայց Հազիւ 2 ամիս մնաց պաշտաման մէջ: Էրը Բալկանի իշխանութիւնը ապստամբեցան և ժողովորդը յուզեցաւ Մահմուտ Նիկիւի փաշայի ղէմ, Արդիւ Ազիզ զՄիտհադ, ժողովրդեան սիրելի, պաշտօնեայ անուանեց ասանց տիտղոսի:

2. «Մեթերդոզների համար զուցէ հերարքըրաշարք լինի լսել թէ միայն հայազգի բարձր պաշտօնատար, Գրիգոր Արսակ Օսման էֆէնտի, իմրագրած է զԵրասրապէս այդ սահմանադրութիւնը»: Մշակ 1877 թիւ. Նշամակ Թիւր

Թուրք Սահմանադրութիւնը:

3. — Դեսպանաժողովը իր առաջին ընդհանուր գումարումը պիտի ընէր Դեկտեմբեր 23/ին: Ինչոր նուիրակը դիմեր էին մասնաւոր եռանդով մը լսելու թուրք Պետութեան տրամադրութիւնքը, որ անխռով թողուցեր էր եւրոպական նուիրակաց վիճարանել, որչափ կ'ուզեն: Երբ դեսպանաժողովոյն նախագահը Սալֆէթ փաշա պիտի բանար նիստը, յանկարծ որոտացին թնդանօթներու ձայներ և բոլոր սրահը թնդաց: Անմիջապէս վեր կանգնեցաւ Սալֆէթ փաշա և ըսաւ մասնաւոր ուրախութեամբ մը « Տեսարք, այս թնդանօթներու ձայնը որ կը լսէք, կ'աւետեն Սահմանադրութեան մը հրատարակումը, որ պիտի փոխէ բոլոր թուրքիոյ վիճակը »: Կերպով մը հասկցնել էր որ յայտնեալ ըստ Սահմանադրութեան ամենայն հաւասարութիւն ըլլալով, թուրք և քրիստոնեայ հպատակաց մէջ, աւելորդ էր գալ վիճելը ի նպաստ քրիստոնէից: Այսուհանդերձ դեսպանք թուրք նուիրակներուն ներկայացուցին այն ամեն կէտերը, յորս համաձայն գտնուեր էին. մանաւանդ Պետութեանց տրուելիք սպանովոսթեան նկատմամբ: Թուրք նուիրակները շատ սիրով առին գրութիւնը, յայտնեցին որ պատասխանելու համար ժամանակ պէտք էր, մանաւանդ որ ըստ հրատարակուած Սահմանադրութեան, այդ իւրնդիրները պէտք էին վիճուիլ նաեւ Խորհրդարանէն: Այսպէս լմնցաւ Դեսպանաժողովին առաջին հանդիսական նիստը. և այն օրուրնէ դեսպանք կրնային ըմբռնել, գործոյն ընթանալիք ճամբան: Երբ գումարմանց պալատէն դուրս ելան դեսպանք, բովանդակ էր. Պոլիս զարդարուած և տօնախմբութեան մէջ գտան: Քիչ ժամ առաջ Բ. Դրան ծովահայեաց հրապարակին մէջ 101 թնդանօթի որոտումով, հրատարակուիւ էր Սահմանադրութիւնը և ամեն կողմ « Կեցցէ՛ Սուլթան » կը յսուէին:

Քիտից: Չայս ինձ հաստատած է հայագրի մեծանուն քաղաքագետ մը, տակաւին կենդանի, այն ժամանակին ի կ. Պոլիս. աւելցնելով միայն՝ որ կանխապէս զազափարին յղացման մէջ, կար նաեւ. Աղաթուն էֆէնտի:

կրեկոյեան րոլոր քաղաքը լուսաւորուեցաւ: Սուլթանը ներկայացաւ ճամբու ֆեռուկի վրայ և կեցցէները թնդացուցին րոլոր արուարձանը: Ամբոխը, որուն մեծամասնութիւնը երիտասարդութիւն էր և մանաւանդ քրիստոնեայ երիտասարդութիւն, իստն կրիտասարդ բարբերով, դիմեց նաեւ Միդհատ փաշայի ապարանքը ուր ետանդնալից կեցցէներ գոչեց, որոնք շատ մը նախանձներ ծնան բարձրագոյն շրջանակաց մէջ:

Թուրք սահմանադրութիւնը, նմանութիւն մ'էր եւրոպական այլեւայլ ազգաց սահմանադրութեանց. կը հոշակէր կայսրութիւնը անբաժանելի. Սուլթանն էր իսլամական մահմէտականաց և իշխող բովանդակ (սամանցուց) ունեւնալով արեւմտեան սահմանադրական Պետութեանց առանձնաշնորհութիւնը. կայսրութեան հպատակք օսմանցիկ կը կոչուէին և անրոնարարելի իրենց ազատութիւնը - իսրամուրիւն և Պետուրիան կրօնքը - հասարակութեանց կրօնական առանձնաշնորհութիւնը ապահովուած էին և ազատութիւն ամեն կրօնքի պաշտամունքներու - ազատութիւն տպագրութեան, ազատութիւն ուսման - նախնական կրթութիւնը ստիպողական, իրաւունք ընկերութեանց, իրաւունքը աղերսի առ Խորհրդարան, օրինաց առջիւ ամենուն հաւասարութիւն, առանց կրօնքի խրտրութեան պաշտամանց մէջ ընդունելութիւն, հաւասար բաժանմունք հարկաց և անոնց հաւաքումը մասնաւոր օրէնքով, ապահովութիւն սեպհական ստացուածոց և բնակութեան անրոնարարելիութիւն:

Ոչ որ կրնար ազատ ըլլալ իր բնական դատաւորներէն: Ունկնդութիւնը հասարակաց առջեւ պիտի ըլլային. ամենայն որ իրաւունք ունէր պաշտպանութեան, վճիռները պիտի հրատարակուէին - Պաշտօնարանը բնաւ չէր կրնար միջամտել դատաստանական գործոց մէջ - արգիլուած էր անձնական բռնի աշխատութիւնք և տանջանքներ - Պաշտօնեւանքը պատասխանատու կ'ընէր, ամբաստանուած պաշտօնեաները պիտի դատուին բարձր Ատենէն - հասարակաց պաշտօնեայք չեն կրնար պաշտօնանկ ըլլալ առանց օրինաւոր պատճառի - պատասխանատու էին և

չէին արդարանար թէ որ իրենցմէ բարձրագոյն պաշտօնեայ մը օրինաց դէմ բան մը պատուիրած ըլլար:

Երկու էին Խորհրդարանը, Երեսփոխանաց և Մերակուտին. - Սուլթանը Խորհրդարաններուն հետ պիտի հաղորդակցէր պատգամադրով - Խորհրդարանը ազատ էին ըուէի և կարծեաց մէջ - արգելուած էր հրամայական կամք - օրինաց նախաձեռնութիւնը պաշտօնէից և երեսփոխանաց Խորհրդարանին կ'լինար - Խորհրդարանէն վճռած և ծերակուտէն հաստատուած օրէնները պիտի ստորագրէր Սուլթանը - ծերակոյտը իրաւունք ունէր սահմանադրութեան դէմ օրէնքները մերժելու և ետ զրկելու Խորհրդարանին - երեսփոխանը անբռնարարելի էին - Գատաւորը չէին ըլլար պաշտօնընկէց առանց յանցանաց. կը հաստատուէր Հաշուէտուն մը, որուն անդամք առանց Խորհրդարանի գիտութեան չէին փոխուիր - Հաշուէտունը ամեն տարւոյ վերջը պիտի ներկայացնէր Խորհրդարանին՝ ամբողջական Ելեւմուտըր. Գաւառաց մատակարարութիւնը կունենային կեդրոնէն բաժնուած դրութիւն մը - գաւառական և քաղաքական ժողովները ընտրութեամբ պիտի ըլլային¹: Սահմանադրութիւնը բնաւ փոփոխութիւն մը չէր կրնար կրել, առանց երկու Խորհրդարաններուն հաւանութեան և Սուլթանին հաստատութեան:

Այս էր ահա ()սմանեան Սահմանադրութիւնը, գրեթէ ամբողջովին նոյն արեւմտեան ազգաց Սահմանադրութիւններու հետ. այս հիմնական տարբերութեամբ որ 1876ի Թուրքիոյ ժողովրդեան տասնին վեցերորդ մասը ոչ լմբռնած և ոչ պէտք զգալու կարող էր, սահմանադրութեան մը. փափագողներէն շատերն ալ յորս

1. Սահմանադրութիւն մը հաստատուելով և ամեն գաւառ իր ներկայացուցիչն ունենալով ի Ա. Պոլիս, պիտի զգարէին Պատրիարքաց իրաւունքները գաւառաց վրայ. և անկէ վերջը որ և է տրտունջ երեսփոխանաց միջոցաւ պիտի հազորդուէր Բ. Գրան: Հայ ազգը մեծապէս յուզուեցաւ և զայրացաւ Միտհայ փաշայի դէմ: Բայց այս բնական հետեւանք մ'էր Սահմանադրութեան. միայն թէ այն գործադրուէր ուղղապէս:

նաև լուրջ անձինք, թէ թուրք և թէ քրիստոնեայ, պիտի տեսնէին փութով որ գաւառաց մէջ վարչական և մատակարարական դրութիւնը, սահմանադրութիւն մը հրատարակելով չէր բժշկուէր: Բոլոր տժգոհութիւնք պիտի կեդրոնանային գաւառներուն անտանելի կեանքին վրայ: Եւ այդ կեանքը օրինաւոր դիրքի մէջ դնելը շատ դժուար պիտի ըլլար Թուրքիոյ մէջ, նախ պաշտօնատարաց և ապա շատ մը թափառական, աւարառու բնակող ցեղերու պատճառաւ. զորս Բ. Դուռն իսկ ստիպուած էր շոյել և շահիլ, ուրիշ կերպ կարողութիւն չ'ունենալով խստանալու: Առ ժամս Սահմանադրութեան Դեկտեմբեր 23ին հրատարակութիւնը, բարձր շրջանակաց ձեռքը միջոց մը համարուեցաւ եւրոպական Պետութեանց պահանջներուն պատասխան մը տալու. և դեպանաժողովը անկարող ընելու համար, ցուցնելով որ իրենց պահանջները մաս առ մաս հակառակ էին կայսրութեան ուրաժանելիութեան և ինքնիշխանութեան:

Մահաց թուրք
 Եւ կը նստին
 Արդիւ Քերիմ
 Ժաշի:

1. — Դարձեալ օսմանեան Պետութիւնը յետ իր բանակին տարած յաղթութեանց, բնական էր, բնաւ միտուած չունէր խոնարհելու Դեսպանաժողովոյն կամացմանաւանդ որ զինադադարումը ցրտութիւն մը բերեր էր օտարազգի սլաւասէրներու սրտին մէջ և զաղբեր էին Ռուսաստանէ և ուրիշ կողմի սլաւներէ նուիրատուութիւնք պատերազմող ազգաց: Թուրքիա ապստամբութիւնը լծեցած կը տեսնէր և չէր վախցած զԱրդիւ Քերիմ Ժաշա, ընդհանուր հրամանատարը, քիչ ժամանակուան համար կ. Պոլիս կանչելու: Արդէն Չէնայէֆ ալ թողուցեր էր հրամանատարութիւնը՝

Թուրքիոյ զինուց յաջողութեանը վրայ մեծ ուրախու-

1. Չէնայէֆ ինքզինքը արձամարնուած տեսնելով, թողուց զԱրդիւ իր նախնիքը դաժնալու: Ինչո՞ւ նախ ի նստեր էր Քերիմը, Մեծ զուրնեկուայի բանակը, հրաման նստաւ Պատրուրկէն թողլու Ռուսիոյի հողանցաւ Ի Բաղա, ուսկից Սաթկանութիւնը զինքը անմիջապէս հանց և նստելու կըցաւ ապափոխի Մազրէա: Ի Սերբիա Յացած ուրիշ կամուարք ալ թողնել զԱրդիւ:

Թին յայտներ էր մանաւ ժողովուրդը, որուն բարեկամութիւնը իր ցեղակցին հետ, ժամանակակից Պատմութեան մէջ միշտ նկատուած է: Բէշտի և ուրիշ բազմաթիւ ուսանողը եռանդնալից ցոյցերով ողջունելու էին թուրքաց ամեն մէկ յաղթութիւնը: Ասով գոհ չ'իղան. այլ միաբան վեհեցին Արտար Լըրիմ՝ Արդիւ Քէրիմ փաշայի շքեղ թուրք ընծայելու ակամակուտ երախակալով՝: Սասնողաց նախարակութիւն մը մեկնեցաւ Բէշտէն գայն Կ. Պոլս քերելու: Տրչատ աստորիական հողին վրայ շատ նախատնըներ կրեց և Յունուար Չին հասաւ ի Կ. Պոլս, ուր շքեղ ընդունելութիւն մը իրենց պատրաստուել էր: Երբ թուրք կը տանէին առ Արդիւ Քէրիմ փաշա, Սուլթանը ներկայացաւ իր պատուհանը և ողջունեց ժառանգ նախարակութիւնը, որ փոխադարձ կեցցեցներով ողջունեց զինքը, յետոյ թուրք յարգանաց մաղթանքներով նախարեցաւ առ Արդիւ Քէրիմ փաշա, որ այն որք իր փառացը զազաթնակէտը հասած էր: Մահառ նախարակութեան Բէշտ դառնալուն, հոն ալ մեծ հանդէսներ եղան՝:

5. — Բնական է այս նախարակութիւնը ունեցաւ իր ախար ազդեցութիւնը դեպքանաժողովոյն նախարակաց վրայ, որոնց նպատակն էր մասնաւորապէս ահաբեկ զթուրքիա և պահանջածնին ստանալ: Արդէն որք որ կը լսուէին Ռուսիոյ զինուորական պատրաստութիւնը, ի Բնաբարիա թնդանութիւնը հասնելը, և որս բանակաց զէպ ի Փրութ յառաջելը: Դեպքանաժողովոյն ստանալ, երկու խաղաղութիւն քարոզելը, թէ թէ թաւաղական խող մը սկսաւ երեւնալ թուրք վարչութեան, Ռուսիոյ պետութեան ժամանակ շահեցնելու համար: Եր նախարակները որ ի սկզբան աւելի համազարկ կ'ընէ-

Դեպքանաժողովոյն մէջ որսուն վեհաբանութիւնը:

1. Մինչայստե՛ս թուրք կ'ըսուի որ ամենայն կը պատկանէին Ռուսաց յոսն Կոստանայի մը և Մահառց մնաց բնակը կ'ըն պատկանալով ժամանակը:
 2. Տարբի մը վերջը ի փոխաբեկ այս համակցութիւնը նախարակութեան և ուսուցիչ: Արդիւ Չափի փոխադարձ նախարակութիւն մը պրկեց ի Ռուս Կոստանայի Մաթիաս Կարգիմ, ժամանա քաջ Մաղաւորայիմ, մէկ սեռապրկի:

ւային, այն օրը որ զգացին թէ անհրաժեշտ պիտի ըլլար զէնքի դիմելու, աւելի անլսող եղան եւրոպական դեսպանաց պահանջած 33 յօդուածներուն, որոց ամենէն մի առ մի հրաժարեցան, պատճառելով կայսրութեան անկախութիւնը և խօսարանին կամքը գիտնալու պէտքը:

Դեսպանք բռնադատուեցան տեղիք տալու շատ կէտերու վրայ. բուն խօսակցութիւնք եղան երկու կողմանէ: Երբ խնդիրը եկաւ Բաշլարիոյ չարդերուն վրայ, և պետութեանց նուիրակը կը յանդիմանէին զԹուրքիա, Էդհէմ փաշա յիշեցուց ուրիշ ազգաց մէջ եղածները, ի Հնդկաստան, ի Պարս: Դեսպանաժողովը այլ եւս աննպատակ չ'երկարելու համար, դեսպանք առաջարկեցին որ Թուրքիա ընդունի գոնեայ հետեւեալ երկու պայմանքը.

1. Որ զաւաններէն ոմանց ընդհանուր կուսակալը Բ. Դուռը անուանէ հինգ տարուան համար, կանխաւ ստանալով մեծ Պետութեանց հաւանութիւնը:

2. Որ հաստատուի Հսկողութեան Յանձնաժողով մը. որուն անդամքն անուանուին Պետութիւններէն. որոնք պիտի հսկէին Բ. Դրանէն խոստացուած բարեկարգութեանց զործադրութեան վրայ: Լորդ Սոլզբրի իմացուց որ եթէ այս երկու յօդուածները չ'ընդունուէին, ինքը կը մեկնէր Կ. Պօլսէն, և հետեւանքին ամեն պատասխանատուութիւն կը թողուր Բ. Դրան վրայ:

6. — Թուրք նուիրակները չ'մերժեցին Լորդ Սոլզբրիի և միւս դեսպանաց այս վերջնագիրը. պատասխանեցին օրինական ձեւով որ այդ երկու յօդուածները կայսրութեան անկախութեան կը դպչէին և մտածելու ժամանակ խնդրեցին: Բ. Դուռը անմիջապէս Պետութեան մեծ ժողովք մը զոււարեց, որուն մէջ մտան քաղաքական, զինուորական և կրօնական ամեն գլխաւորք: Յունաց պատրիարքը, բուլղարաց էկզարքը, բացակայ գտնուեցան հիւանդութիւն պատճառելով: Հոն էին Հայոց պատրիարգական փոխանորդ՝ Յովհաննէս քահանայ Մկրեան, Հրէից Ռարունապետը և նորադանդ հասարակութեան գլուխը, ընդ ամենը 240 անձինք յո-

(1) ամանեան
ընդհանուր ժողովք. Պետութեանց պահանջին մերժումը
- Դեսպանաժողովին
ցրուումը:
Յունուար 18.

րոց 50ը ըրիստոնեայք : Նախագահ բազմեցաւ մեծ վէզիրը Միդհատ փաշա, որ բացաւ նիստը նախ պատմելով Բուլղարիոյ ապստամբութիւնը, Սերբիոյ և Մոնտէնէգրոյի հետ պատերազմները և Պետութեանց հետ բանակցութիւնը : Նկարագրեց թուրքիոյ ներքին դրամական և զինուորական վիճակը, աւելցնելով որ թէ մերժուէին այն երկու առաջարկները, միայնակ պիտի տանէին ահաւոր պատերազմի մը ծանրութեանը . և ինքը անկեղծօրէն ժողովքին բացատրելով ներկայ դրութիւնը, անոր որոշողութեանը կը սպասէր :

Ժողովքը գրեթէ միաձայն գոչեց որ աւելի յանձն կ'առնուր մահ, քան այդօրինակ անպատուութիւն մը : Մէկ հայ մը և մէկ թուրք միայն համարձակեցան ընդդիմանալ . պատերազմը աղետարեւ համարելով թուրքիոյ համար : Հայն էր Պ. Յակովբ Մատթէոսեան, բողոքական Հայոց պետը, և թուրքն էր վաճառականութեան պաշտօնեայ՝ Հալէթ փաշա : Իսկ 'Իեսպանաժողովոյն առաջարկներու անընդունելի լինելու մասին խօսողներուն մէջ նշանաւոր հանդիսացան Յովհաննէս քահանայ Մկրեան և Էնֆիէճեան Գրիգոր վարդապետ : Յետինս ընտիր թրքախօս և ճարտասան, ոգեւորեց թուրքերուն եռանդը՝ տեղիք չտալու դեսպանաց : Բաց ի նախասացեալ երկու անդամներէ չստորագրեց նաև Հալիմ փաշա, Եզիպտոսի խտիվին եղբայրը :

Արդարեւ ժողովքին մէջ ամենէն աւելի բարձր լսուեցան, բայտ վկայութեան ականատեսներու, ըրիստոնեայ կրօնապետներուն և ռարունապետին ձայները : Բայց չկարծուի որ միայն շողոքորթութեան զգացումն էր, որ այսպէս կը թելադրէր իրենց . այլ ռուս օրինաց իր կրօնէն դուրս յայլոց հալածանքը : Իսկ Հրէից կացութիւնը՝ ի Ռուսիա այտնի էր : Եւ թուրքիոյ հպատակ ազգերը, որոնք սրտերնուն մէջ ունին միշտ թուրքիոյ բարձր հովանաւորութեան հետ կամ զատ թէ ոչ ինքնիշխանութիւն ,

1. Մշակ 1877 թիւ 6. Նամակ թիւրքիայից :

րայց ազգային կեանք մը, իրենց հայրենի կրօնըով, բնականապէս խորշում մը կը զգային ուս ճնշող աշխարհակալութենէն. և այս զգացումն էր որ կը մղէր ոչ-բրիտանացի ազգերը, բողոքել երկու յօդուածներուն դէմ: Այս պատճառարանութիւնը քիչ ամիս վերջը կը կրկնէր Ներսէս վարժապետեան պատրիարքը առ դեսպան Անգղիոյ Սըր Լայարդ¹: Խորհուրդի կանչուողը լաւ ըմբռնեցին որ Պետութիւնը քրիստոնեայ ազգաց վիճակը բարւոքելու համար չեն ժողուած ի կ. Պօլիս, այլ և՛ րուսական պատերազմի մը առջեւ առնելու համար՝ ընդ մէջ Ռուսիոյ և Անգղիոյ, որ կրնար ամենուն համար ալ ծանր հետեւանքներ ունենալ:

Գեասպանածու-
ղովոյն ցրուու-
մը:

Գեասպանք Յունուար 29ին ժողովուեցան լսելու Բ. Դրան պատասխանը: Սավֆէթ և Լյւհէմ փաշայք ծանուցին մեծ ժողովքին որոշողութիւնը, հրաւիրելով զԳեասպանաժողովը վիճելու ուրիշ յօդուածոց վրայ, թէ կը հաճի: Լորդ Սուլզբրի և միւս դեսպանք ըմբռնեցին որ թուրքիոյ վարչութիւնը տեղիք պիտի չտար. ծանուցին որ իրենք անմիջապէս կը մեկնէին մայրաքաղաքէն, բայց ընթացիկ գործոց համար կը թողուին գործակատարներ. և քիչ օրուան մէջ ալ մեկնեցան: Թուրք վարչութիւնը անտարբեր ցըցուց ինքզինքը. նա մանաւանդ Միդհատ փաշա յետ ընդունելու Յունուար 24ի մի առ մի դեսպանները, որոնք եկել էին հրաժեշտի ողջոյնը տալու, անմիջապէս իմացուց զաւստաց կուսակալներուն, որ դեսպանաց մեկնելը բնաւ չէր նշանակիր խզումն յարաբերութեանց, որոնք պիտի շարունակուէին գործակատարաց միջոցով, այսպէս իրենք ալ շարունակեն առաջուան պէս հիւպատոսաց հետ յարաբերութիւնը: Իսկ Արտաքին Գործոց պաշտօնեայն Սավֆէթ փաշա, թղթով մը առ թուրք դեսպանս այն Պետու-

1. Մասիս 1877 Սեպտ. 4. 18. Հոկտեմբեր 13: Սատրազամ Միդհատ փաշա, անձամբ փնայ Հայոց պատրիարքարանը, շնորհակալ բլլալու: Հայոց հաստատարիմ զգացմանց: Կրէք սատրազամ մը գացած չէր պատրիարքարան:

թեանց ըով, որոնք Դեսպանաժողովը կազմեր էին, բացատրեց որ անկարելի էր ընդունիլ այն երկու յօդուածները, որոնք կը վիրաւորէին Սուլթանին վեհափառութիւնը և կայսրութեան անկախութիւնը: Իւ որովհետեւ մտ էր Զինադադարման վերջը, Միղհատ փաշա գրեց առ իշխանն Սերբիոյ Միլան՝ և առ իշխանն Նիկոլա Մոնտէնէգրոյի, որ ուղղակի բանակցին իրեն հետ հաշտութեան մը համար: Երկու իշխանք ալ ընդունեցան առաջարկը:

7. — Իւ որպէս զի չկարծուի թէ Դեսպանաժողովոյն ցրուելով մոռցուեցան խոստացուած բարեկարգութիւնք, կայսրութեան պաշտօնական լրացիլը, Յունուար 28ին իրատէ մը հրատարակեց որով իրաւունք կը տրուէր քրիստոնեայ զաւակաց, ընդունելի ըլլալ զինուորական դպրոցներու մէջ, մինչ առաջ միայն մահմէտականք կ'ընդունուէին: Կը ծանուցանէր որ առաջիկայ Մարտին բացուած պիտի ըլլար Խորհրդարանաց. և ընտրութեանց համար կը խոստանար ազատութիւն և պաշտպանութիւն: Միղհատ փաշա խնդրեց Անգղիայէն զՍտիֆըն Գալ՝ ելեւմտից կարգաւորութեան համար: Դարձեալ գոհացնելու համար դեսպանները որոնք պահանջեր էին քրիստոնէից համար ալ բարձր պաշտօններ, զՍալա փաշա յոյն՝ Արշիպեղազոսի կուսակալ կ'անուանուէր, հայազգին կոստան փաշա, միւսթէյար՝ Բոսնիա և Հէրձէգ Վիլայէթին. և Վասսա էֆէնտի յոյն՝ միւսթէյար նոր կազմուած Քոսսովօ կուսակալութեան: Երայէս Աղաբէկեան Մարկոս էֆէնտի Միւսթէշար անուանուեցաւ Վանայ՝: Ահմէտ Վէֆիք փաշա՝ Նախագահ Խորհրդարանին:

Պալատան մէջ հակառակուած թիւն Միղհատ փաշայի դէմ. — Պաշտօնընկէցութիւնը և աքսորը:

1. Ոգնական կուսակալի:
2. Պաշտօնարանին բարի դիտաւորութեանը յայտարար, զնոնք հետեւեալը Մասիսի 27 Մարտի թուականէն 1877. «Աղաբէկեան Մարկոս էֆէնտին, իր պաշտօնատեղին հասնելուն պէս, իսկոյն փութացեր է հարկեղած անմիջական բարուքմանց ձեռնարկելու. Քաղաքին բոլոր տաճիկ ստիկանաց վրայէն զէնքերն առնուելով, իրենց տեղը ճամբուեր են իբր պարզ քաղաքացի. և ոստիկանութեան՝ ինչպէս նաեւ հասարակաց ապահո-

Միդհատ փաշա արտաքին Պետութիւններու հետ վիճելու ժամանակ, ներքին մեծ հակառակորդներ ունեցեր էր, որոց զլուխ էր Մահմուտ Տամատ փաշա, Սուլթանին քեռայրը, բարեկամ Խզնատիէֆի, որ ամբաստանեց զՄիդհատ փաշա իրբն Անզղիոյ կողմը հակելով, վնասող Պետութեան շահերուն: Դարձեալ ուրովհետեւ, ըստ նոր Սահմանադրութեան Պաշտօնարանին զլուխն էր պատասխանատու, և Միդհատ փաշա շատ մը ստորին պաշտօնէից փոփոխութիւններ ըրեր էր. ամբաստանուեցաւ որ զիկտատորութիւն կը վարէ զեղծանելով իր դիրքէն:

Իւ Միդհատ քիչ օր առաջ նամակաւ մը առ Սուլթանն յայտնած էր որ անցաւ այն ժամանակը, յորում Սուլթանը միապետ կարող էին կառավարել: Հիմակուան սատրազամը պատասխանատու էր իր խղճին և Ազգին առջեւ. և ինքը ուրիշ կերպով չէր կրնար կառավարել¹:

Միդհատի գործելու եղանակը ոչ-սահմանադրականը դատուեցան. Փետրուար 5ին Միդհատ փաշա Պալատը կանչուեցաւ. և հոն Սուլթանին քարտուղարը իրեն իմացուց որ պաշտօնանկ եղեր էր և իղեղիկ մարտանալը արդէն պատրաստ էր զինքը Թուրքիայէն դուրս հանելու, ո՛ւր որ ինքն ուզէ: Միդհատ փաշա ճակատագրական համոզմամբ զլուխը խոնարհեց. ուզեց ընտանիքը տեսնել, բայց հրաման չտրուեցաւ և բարձրաստիճան զինուորականէ մը տարուեցաւ իղեղիկ մարտա-

վութեան պահպանութիւնը և հսկողութիւնը Հայոց յանձնուեր և, ասոնցմէ նոր ոստիկանութիւն մը կազմուելով և զէնք, (սուր, սրվովներ). արուելով այս նորակազմ Հայ ոստիկանաց: Գիշերուան պահպաններն ալ որ ստճիկ են եղեր, անոնց անդ նոյնպէս զինուորեալ հայեր զրուեր են... Հայ ոստիկանաց և գիշերապահներուն ալ կառավարութեան կողմունկ բաց որոշ արտօնութիւն արուեր է որ ձերբակալութեան ընդդիմացողը, յետ հրաւիրին, եթէ տաճիկ ալ ըլլայ, անմիջապէս զարնեն զայն»): Բնական է այս կարգադրութեան վրայ քաղքին տաճիկներէն երեւելիներէն զանգատեր են աս կուսակալը, բայց նա մտիկ չէ ըրած և ճամբեր է լսելով որ «Իրենց տիրութեան հրամանը և պատուիրը յարգելէն զատ ուրիշ բան չունին ընելու»:

1. Կամակ Միդհատ փաշայի, հրատարակեալ 23 Յունուարի République française լրագրին մէջ:

նաւր, որ անմիջապէս մեկնեցաւ մայրաքաղաքէն: Միդհատ փաշա խնդրեց տարուելու ի Շիրա, անկէ անցաւ ի Բրինդիսի և Նապոլի, միշտ յուսով յանկարծ հեռագրով ետ կանչուելու, ինչպէս շատ անգամ պատահած է նախորդ վէզիրներու: Բայց փոխուեր էին ժամանակը¹:

8. — Միդհատ փաշայի մայրաքաղաքը ձգելէն վերջը. բոլոր աւագանւոյն առջեւ կարդացուեցաւ Սուլթանին Հարր որ կ'իմացնէր Միդհատ փաշայի պաշտօնանկ ըլլալը, ըստ Սահմանադրութեան, և կայսրութենէն դուրս հանուիլը ինչ ինչ պատճառներու համար. և կը յաւելուր որ « Սահմանադրութեան ինձ տուած իշխանութեամբ կ'անուանեմ զԼիզէմ փաշա՝ մեծ վէզիրութեան պաշտօնին: Նոյն ֆէրմանով կ'անուանուէին Ճէվոէթ փաշա՝ Պաշտօնեայ Ներքին Գործոց, Գատրի փաշա՝ Նախագահ Պետութեան Ատենին, Բովհաննէս Չամիչ էֆէնտի՝ Պաշտօնեայ Վաճառականութեան և Երկրագործութեան. Ասիմ փաշա՝ Պաշտօնեայ Արդարութեան, Գոստաքի էֆէնտի Ատոսիտէս՝ միւսթէշար Ներքին Գործոց, Բովհաննէս էֆէնտի Սաքրզ՝ միւսթէշար Հանրային կրթութեան, Սատրզ փաշա՝ Պարիսու դեսպանը՝ ընդհանուր կուսակալ Դանուբեան գաւառացի:

Լիզէմ փաշա պաշտօնարան.

Լիզէմ փաշա անմիջապէս շրջաբերականով մը առ ընդհանուր կուսակալս և բանակին հրամանատարները, իմացուց Սուլթանին վստահութենէն վարչութեան զԼուի կանչուիլը. իմացնելով Սահմանադրութեան իրենց վրայ դրած պատասխանատուութիւնը, որով ամենայն արթնութեամբ, հաւատարմութեամբ և առանց խտրութեան

1. Հարցոցի որ մը հայագգի ամենայնպէս, հինաւորց և ամենածանօթ զիւանագլտի մը, որ կարող էր զիտուլ մանրամասն՝ Միդհատ փաշայի այսօրինակ անկման և աքսորի ստոյգ պատճառները — «Մարդկային կենաց ամենարեակն պատճառով մը, պատասխանեց. զոր չ'ըմբռնեց Բիւմարքի նման մեծ միաց մը և վշտացաւ: Այնուց կանոն է՝ անոնք որ պատճառ եղած են մէկուր բարձրանալուն, բնական իրաց բերմամբ, և ոչ չարութեամբ, պիտի հետացոյն, մշանջնուստը երախտագրութեան տարակալ չ'ըլլալու համար»:

օսմաննհան հպատակաց մէջ, պիտի հսկէր ամենուն իրաւանց պահպանութեան համար:

Սերբիոյ հետ հաշտութեան դաշինքը. — Մոնտէնէգրոյի հետ բանակցութիւնը:

Գ. — Էդհէմ փաշա շարունակեց իր նախորդին սկսած հաշտութեան բանակցութիւնըը Սերբիոյ և Մոնտէնէգրոյի հետ: Արդէն պատերազմը շատ աղքատութեան և թշուառութեանց մէջ ձգեր էր զՍերբիա. և Միլան իշխանը հակամէտ էր խաղաղութեան, որով Ռիստիչ պաշտօնեայն առաջարկեր էր իրրեւ հիմն հաշտութեան նախ՝ Սերբիա պատերազմէն առաջին վիճակին մէջ դրուի. 2. Լիովին և անպայման ներումն. 3. Գաշինքէն տասուերկու օր վերջը թուրք բանակը թողու Սերբիոյ հողը և բռնած բերդերը: Բ. Դուռը ընդունեցաւ այս պայմանքը. որով երկու նուիրակք եկան ի կ. Պօլիս վիճելու նաեւ Բ. Դրան աւելցուցած պայմաններուն վրան, որոնք էին. Ա. Արգելք նոր բերդեր շինելու. Բ. Սերբ դրօշակին ըով բանալ միշտ օսմաննհան դրօշակը և Գ. Հաւասարութիւն իրաւանց Սերբիացւոց և Հրէից. և արգելք զինուած խումբեր ձեւանալու: Փետրուար 27ին դաշինքները ստորագրուեցան երկու կողմանէ:

Մոնտէնէգրօ եւս պատրաստ էր հաշտութեան, ըստ ունէր զանազան պահանջներ: Կուզէր Աղբիականի վրայ Սութորինայի նաւահանգիստը և սահմանաց ընդարձակութիւն մը Ալբանիոյ և Հէրձէգի կողմէն, մէջը առնելով նաեւ Նիքսիչ բերդաքաղաքը: Էդհէմ փաշա տեղիք չտուաւ. չհրաժարեցաւ նաեւ Մոնտէնէգրօ իր պահանջները Ռուսիոյ թելադրութեամբ, որ Մոնտէնէգրեան նաւահանգստով մը Աղբիականի վրայ, տազնապ կ'ուզէր յարուցանել Աւստրիոյ: Արդէն ծանր էր իրեն Փրոսիի վրայ հաւաքած 400,000ով բանակը դարձնել Ռուսիա, փոխարէն մը չստացած: Այսպէս ոչ միայն հաշտութեան դաշինքը չկատարուեցաւ Մոնտէնէգրոյի հետ, այլ նաեւ զինեալ խումբեր երբեմն երբեմն սկսան յարձկիլ Ռուսիոյ և ուրիշ կողմեր թուրք պահանորդաց վրայ: Միւրիտիւններն ալ զէնք առին մահամէտական ալբանիացիներուն դէմ: Ռուսիոյ սլաւասէր ընկերութիւնը, Մոնտէնէգրոյի մէջ թշուառութեանց օգնելու պատրասակաւ,

չատ մը ալիւր զրկեց և ուրիշ պաշարներ. ինչպէս նաեւ ընտիր հրացանք և պատերազմական մթերք: Սաւֆէթ փաշա ջանալով որ պատերազմի մը ստաջըը առնուի, ընդունեցաւ որ զինադադարը յետաձգուի մինչեւ Ապրիլի 13:

10. — Այս յուզմանց ժամանակի մէջ կատարուեւր էին ամեն կողմ երեսփոխանական ընտրութիւնք, որոնք առաջին անգամն ըլլալով և այն ի թուրքիա, չէին կարող ճշգրիտ արտայայտութիւն մը ըլլալ ժողովրդեան կամայ. և կուսակալք ունեցեր էին իրենց մեծ ազդեցութիւնը: Այսուհանդերձ ընտրութիւնք կատարուեւր էին խաղաղութեամբ և երեսփոխանք թուով 86, արդէն հասեր էին ի կ. Պօլիս: Ատոնցմէ 48ը մահմէտականք էին և 38 քրիստոնեայք, յորոց 17ը յոյն, 10ը հայ, 8 սլաւ է երեք արար քրիստոնեայք՝ Լիբանանու կողմերէն: Ընդհանուր գիտողութեան նիւթ եղաւ որ Հայք համեմատաբար աւելի էին և ընդհանրապէս համարձակ իօսողք: Ազրիանուպօլիս զրկեր էր զԹուրքն էֆէնտի, Հալէպ զԽարաճեան Մանուկ էֆէնտի, անաչառ հոետոր մը, Այարն՝ զՍպարթալեան Յակովբ էֆէնտի, Տիարպէջիր՝ զՅովսէփ էֆէնտի Գազազեան. կարին՝ զԴանիէլ էֆէնտի Խարաճեան և Պալլարեան Համազասպ էֆէնտի, Սերաստիա զՅակովբ էֆէնտի Շիրինեան, Պրուսա զԵւրուեան էֆէնտի, Ատանա՝ զՊզտիկեան էֆէնտի, իսկ Պօլսոյ ընտրութեանց մէջ յաղթեր էին Մաքսուտեան Սեպուհ էֆէնտի, Սէրվիչէն էֆէնտի, որ ապա Միհրան պէյ Տիւզեանի հետ մտաւ ի ծերակոյտը, և Յովհաննէս էֆէնտի Ալլահվէրտեան, որ Խորհրդարանին միանգամայն դեր նախագահ ընտրուեցաւ: Պաշտօնարանը, ըստ Սահմանադրութեան, անուանեց նաեւ ծերակոյտը 30 անդամներէ, յորս եօթը էին քրիստոնեայք: Այսպէս երկու Խորհրդարանք պատրաստ ըլլալով, Սուլթանը անձամբ բացաւ օսմանեան առաջին Խօսարանը:

Մարտ 19ին, Դոլմա Բահճէի շքեղ սրահին մէջ հասարակեւր էին պաշտօնեայք, ծերակուտի անդամք, երեսփոխանք, կայսրութեան բարձրաստիճան անձինք, բա-

Արդիւ Համիդ
հանդիսաւոր
կերպով կը բա-
նայ Խորհրդա-
րանը:

նակի գլուխները, քաղաքական և կրօնական թուրք պետեր, քրիստոնեայ ազգապետք և եւրոպական պետութեանց գործակատարք, որոց մէջ կը պակսէին միայն Ռուսիոյ և Գերմանիոյ ներկայացուցիչք: Սուլթանը իր պալատականներով ներս մտնելուն, խանդավառ ընդունելութիւն մը գտաւ. յետոյ յոտին կեցած, մեծ վէզիրին տուաւ թղթերու գլանիկ մը, որ կը բովանդակէր թագին ճառը. և նա յանձնեց կայսերական ատենադպրին որ կարդաց զայն բարձր ձայնով: Սուլթանը այս ճառին մէջ կը պատմէր նախ թուրք Պետութեան սակաւ առ սակաւ անկումը, ուղիղ սկզբունքներուն մոռցուելով մինչեւ իր պսպուն, Սուլթան Մահմուտի, ժամանակ. որ գկայսրութիւնը յառաջադիմութեան ճամբուն մէջ դրաւ: Նոյն ճամբան շարունակեց իր հայրը Արդիւ Մէճիտ, հրատարակելով գթուեղիմաւ, բայց Ղըրմու պատերազմը արգելք եղաւ շատ մը բարեկարգութեանց գործադրութեան: Խաղաղութենէն վերջը, կայսրութեան ամբողջութիւնը բոլոր Պետութիւններէն ապահովուած ըլլալով, շատ յառաջադիմութիւններ կրնային ըլլալ, բայց շատ մը նենգերու և թշնամութեանց պատճառաւ, վարչութիւնը բռնադատուեցաւ մեծամեծ բանակներ պատրաստ ունենալ, որով եղան և մեծամեծ ծախքեր: Նաեւ վատթար մատակարարութիւն մ'ալ միանալով ասոնց, առաջ բերին տէրութեան դրամական տագնապը: Սուլթանը այսպիսի դժուարին ժամանակի մէջ ստանձնելով իշխանութիւնը, նախ ջանաց կայսրութեան անկախութիւնը ապահովելու, ապա բարեկարգութեանց համար հրատարակեց Սահմանադրութիւնը, որով, ինչպէս քաղաքականացեալ Պետութեանց մէջ, զագգը մասնակից կ'ընէր, օրէնքներու հաստատութեան և հասարակաց գործոց մատակարարութեան: Այսպէս հաստատուեցան խորհրդարան մը և ծերակոյտ մը, որով կ'ապահովուին ազատութիւն, հաւասարութիւն և Արդարութիւն:

Յետոյ թագի ճառը յիշեց կարգաւ այն օրէնքները որոնց վրայ պիտի վիճէին խորհրդարանը. ընտրական

օրէնք, գաւառական և հասարակութեանց օրէնքներ, քաղաքական դատավարութիւն, դատաստանարանաց կազմակերպութիւն, պաշտօնէից յատաճադիմութեան կամ հանգստեան թողակի օրէնք. օրէնք տպագրութեան, օրէնք Ելեւմտից և Հաշուէտան: Պիտի մտածուէին միջոցը ապահովելու օտարաց առջեւ դրամական վարկը և խնամք պիտի տարուէին հանրային կրթութեան: Ամենէն վերջը գովեց ժողովրդեան հայրենասիրութիւնը և բանակին անձնանուիրումը. յայտնեց Սերբիոյ հետ հաշտութիւնը, յուսացնելով որ նոյնը փութով պիտի կատարէ և Մօստէնէգրոյի հետ: Եւ եթէ Անգղիոյ առաջարկութեամբ ի կ. Պօլիս հղած դեսպանաժողովը չունեցաւ համաձայն վերջաւորութիւն մը, սակայն այսու ետ չմնացին յանձն առնուած բարեկարգութիւնք: Ընդ փոյթ իր անկեղծ և լուրջ վարչութիւնը պիտի գրաւէր բոլոր Եւրոպոյի համակրութիւնը և բարեկամութիւնը¹:

11. — Ռուսիա բնաւ կարեւորութիւն մը չտուաւ Սահմանադրութեան մը հրատարակուելուն. նա շարունակեց զինուոր հասցնել սահմանագլխի մօտ և մանաւանդ Քալաֆազի դիմաց, ուսկից դիւրին էր անցնել Դանուբը. և ծածուկ դաշինք դրաւ Ռուսմանիոյ թէ վարչութեան և թէ երկաթուղեաց տեսչութեան հետ: Այն օրուրնէ Ռուսմանիա տարբեր ընթացք մը սկսաւ թուրք վարչութեան նկատմամբ. տրտնջաց որ Սահմանադրութիւնը զՌուսմանիա իբրեւ հպատակ տէրութիւն մը կը նկատէր. դարձեալ կը պահանջէր որ սահմանագլուխը նորէն գծուի: Ռուսիա զրկեց զիզնատիէֆ մեծ պետութեանց արքունիքները, իմանալու թէ ինչ կը մտածէին յետ Դեսպանաժողովոյն այնպէս « արհամարհուած » ցրուելուն. առաջարկելու միանգամայն որ բողոքոյ Արձուագի մը զրկուի առ թուրք վարչութիւնը: Իսկ եթէ Ռ. Դուռը չ'ընդունի, այն ատեն Եւրոպա կարող

Անգլոսոյի
արձանագիրք:

1. Խօսարարին առաջին գումարման համար, յորում պիտի վիճուէր Ելեւմուտքը, իստող գրուեցան Սեպտեմբրի 15-ին Վարսուտեան, Մանակ Է. Քէնտի Խարաճեան և Ռուրէն Էֆէնտի:

էր Ռուսիոյ յանձնել բունադատիչ միջոցներ ձեռք առնելու : Անգղիա ընդերկար յանձն չ'առաւ այս առաջարկը , խորհուրդ տալով սպասելու Սահմանադրութեան գործադրուելուն : Իգնատիէֆ Պարիս մնաց մինչեւ որ Ռուսիոյ ի Լոնդրա դեսպանը , կոմսն Շուվալովֆ, կրցաւ համոզել զԱնգղիա Արձանագրին համար : Այն ատեն Իգնատիէֆ անցաւ ի Լոնդրա և տեսակցեցաւ Լորդ Տէրբիի և Լորդ Բիկոնսֆիլդի հետ, որոնք միաբանեցան միւս պետութեանց Արձանագիրը զրկելու , յուսալով այսպէս թուրք-ոռուս պատերազմի մը զիմացն առնուլ : Մի և նոյն միջոց Անգղիոյ պաշտօնարարնր պայման դրաւ որ այդ Արձանագիրը 1. Պատերազմի սպառնական խմատ մը չ'ունենայ . 2. Ռուսիա անմիջապէս ցրուէ Փրուժի վրայ ունեցած բանակները : Արձանագիրը ամենէն վերջը կը յաւելուր որ եթէ ի դերեւ ելլէ յուսացածնին, Պետութիւնը կը վերապահեն իրենց, միաբան խորհելու Արիւսիքի քրիստոնէից վիճակը բարւոքելու միջոցները :

Մարտ 31ին Պարիսու դաշանց մասնակցող Պետութեանց դեսպանները ստորագրեցին Արձանագիրը . և նոյն Պետութեանց գործակատարը ի կ. Պոլիս ներկայացուցին զայն առ Սավֆէթ փաշա , որ ընդունեցաւ ազնուութեամբ և յայտնեց որ պատասխանը կու տայ երբ ստանայ վարչութեան , Պետութեան Ատենին և խորհրդարանաց կարծիքները :

12. -- Խօսարանը իր առաջին զուամբման Պատկի ճառին պատասխանին մէջ միաձայն քուէարկեց որ « Ազգաց իրաւանց կանոններուն վրայ հիմնեալ , կը մերժէ օտար Պետութեանց որ և է միջամտութիւն Պետութեան ներքին վարչութեան մէջ , ինչպէս նաեւ հպատակաց և իշխանին մէջ եղած յարաբերութեանց վերաբերեալ որ և է միջամտութիւն մը : Խորհրդարանի այս քուէարկութեան վրայ Սավֆէթ փաշա Ապրիլ 9ին շրջաբերական մը ուղղեց առ Պետութիւնս, մերժելով Արձանագրին պահանջները¹ : Այս մերժողական պա-

Բ. Կոստը կը մերժէ Արձանագիրը . - Ռուսիոյ և Խորհրդարանի յարաբերութեանց խորհրդը :

1. Memorial diplomatique N. 14. Ապրիլ 17. էջ 219.

տասխանին վրայ Գորչաքով իշխանը, Ապրիլ 13ին շրջաբերական մը ուղղեց ոուս դեսպանաց, յորում կ'արդարացնէր Ջարին դիտաւորութիւնը զինուր բռնադատելու գծուրքիս, ընդունելու Դեսպանաժողովոյն և Արձանագրին որոշողութիւնը. և ապահով էր որ « բուլոր Էւրոպա համաձայն պիտի գտնուէր Նորին վեհափառ կայսեր այս կամքին »: Գորչաքովի շրջաբերականին իբրեւ պատասխան մը Սավֆէթ փաշա եւս շրջաբերական մը գրեց առ թուրք դեսպանս, ծանուցանելով որ թուրք կառավարութիւնը չէր կարող ընդունիլ օտար միջամտութիւն մը իր Ներքին Գործոց մէջ, և Արձանագիրը հերքած ժամանակ, ինքը չէր մերժեր բարեկարգութիւնը, « որոնք արդէն սկսեր էին գործադրուիլ¹ »:

Բարձրագոյն Գուռը ըմբռնած ըլլալով որ ոուս վարչութիւնը պատերազմ կը խորհէր, արդէն Ապրիլ 13ին իմացուցած էր Մոնտէնէզորոյի Նիկոլա իշխանին, զինադադարման ժամանակին լրանալը. և որովհետեւ հաշտութեան մը բանագնացութիւնք ի դերեւ ելեր էին, զինադադարումը պիտի չնորոգուէր: Դիտախոյ վարչութիւնը պահանջած էր միջամտելու թուրք-Մոնտէնէզորո հաշտութեան մը համար, զոր Բ. Գուռը չէր յանձն առած, հակառակ համարելով իր ներքին իրաւանց:

Այս ամեն եղելութիւնը յուզեր էին անգղիական խօսարանը. և զանազան հարցանողաց՝ Լորդ Դէրբի պատասխաններ էր՝ որ Անգղիոյ վարչութիւնը բնաւ մասնակցած չէ Շուվալովի շրջաբերականին և ազատ է իր գիտցածն ընելու: Անգղիոյ պաշտօնէին այս վերապահական խօսից վրայ, Շուվալով ատաջարկեց որ թուրքիս լիազօր իշխանութեամբ դեսպան մը ղրկէ ի Պետերբուրգ որ երթայ բանակցի երկու կողման զինաթմափութեան

1. Էւրոպայի դիւանք մեծապէս զոված են Սավֆէթ փաշայի դիւանական շրջաբերականները, յորս կը գտնուէին հատաարապէս կորով և դիւանագիտական հետախնդիր: Իր աշխատակիցն էր միշտ Սարգիս Լեֆնտի Համաճեան:

պայմանաց վրայ: Թուրքիա գուշակեց որ այսպէս Ռուսիոյ վարչութիւնը օգուտներ պիտի պահանջէր. և նուաւ տուեցին համարեցաւ, իրրեւ աղաչաւոր, դեսպան զրկելու ի Պետերբուրգ, և մերժեց առաջարկը: Այն ստեղծեց Վ. Պոլսոյ ռուս դեսպանատունը և բովանդակ հիւպատոսը հրաման ստացան Պետերբուրգէ, անմիջապէս թողլու օսմանեան հողը: Արդէն դեսպանը՝ զօրավարն իգնատիւէֆ. կանխաւ մեկնած էր, իրեն տեղ թողլով գլխուն նէլիդոֆ. և Ապրիլ 15ին Հերքրիոյ պետական նաւը հասեր էր ի վ. Պոլիս տանելու Ռուսիոյ ներկայացուցիչը: Նէլիդոֆ իր դիւանը փոխադրեց Գերմանիոյ դեսպանատունը: Ապրիլ 22ին Արկոնուոյ ռուս շոգենաւր բերաւ վերջին հրամանները և Ապրիլ 23ին կոման Նէլիդոֆ զրկեց առ Սալֆէթ փաշա դեսպանատան առաջին թարգմանը՝ զ(Նու, ծանուցանելու՝ Սրովհետեւ Ռուսիոյ կայսեր ամեն առաջարկըը շարունակաբար մերժուած էին, ուրիշ բան չէր մնար, բայց հրատարակել զիւսնական յարաբերութեանց խզումը և Թուրքիայէն կանչել բոլոր ներկայացուցիչը: Մանոյց միանգամայն որ սուս հպատակաց պաշտպանութիւնը կը ստանձնէր Գերմանիա: Սալֆէթ փաշայի պատասխանը եղաւ անմիջապէս հեռագրել ի Պետերբուրգ օսմանեան դեսպանին, իսկ զիւսնական ամեն յարաբերութիւնը և դատնալ ի վ. Պոլիս. նոյնը պատուիրելով ամեն հիւպատոսաց և գործակատարաց: Այսու հանդերձ Սալֆէթ փաշա, վերջին պահուն, Պարիսու դաշանց ստորագրող պետութեանց միջնորդութեան զիմեր էր. սակայն Գորչաքով պատերազմը հրատարակեալ կը համարէր:

Պատերազմին ժայնը Սամանեան Խորհրդարանին մէջ:

13. — Ապրիլ 25ին Խօսարանը նախ զբաղեցաւ տրպագրական օրէնքի ծրագրով մը: «Վերագրին ընթերցումէն վերջը Խարածեան Մանուկ էֆէնտի բեմն կլաւ և քրիստոնէից պաշտպանութիւն ընելու ռուսական պատրուակը հերքեց, յայտարարելով իւր ազգակցաց և մասնաւորապէս զինքը ընտրող գաւառին (Հալէպի) հայ ժողովրդեան կողմանէ, թէ Ռուսիոյ պաշտպանութեան բնապէտք չունին. այլ գոհ են իրենց ճակատագրէն, և թէ

պատրաստ են ամեն զոհողութիւն ընել՝ իրենց երկիրն և վեհապետը Ռուսիոյ յարձակման դէմ պաշտպանելու (յուսն ծախսո՞ւարուքիւն):

Մաքսուտեան Սեպուհ էֆէնտի հաստատեց Մանուկ էֆէնտի ըսածը և առաջարկեց որ կառավարութիւնը օւրինաց ծրագիր մը շինէ, որպէս զի քրիստոնեայք կարենան աւելի ազդուապէս ծառայել տէրութեան: (յուսն ծախսուարուքիւնը ժողովականաց և ունկեղրաց կողմէն):

Նիքոլաքի Նոֆէլ էֆէնտի և Նիքոլաքի Նաբաշ էֆէնտի Սուրիոյ յոյն և մարօնիտ երեսփոխանք, աւելի եւս ազդուութեամբ հաստատեցին Մանուկ և Սեպուհ էֆէնտիներուն յայտարարութիւնը, ի մեծ գոհութիւն իսլամ երեսփոխանաց, որոնցմէ Խոզանի երեսփոխան Հոճա Մուսղաֆա էֆէնտի բեմն ելլելով, շնորհակալութիւն յայտնեց քրիստոնեայ երեսփոխանաց:

Յետոյ կարնոյ երեսփոխան՝ Համազասպ էֆէնտի Պալլարեան՝ բեմն ելլելով, նախորդ ատենարանից յայտարարութիւններուն ձայնակցելէ ետեւ, աւելցուց թէ ինքը որ հայ է և կարնոյ գաւառին երեսփոխան, այսքան կ'ըսէ թէ Հայերը իրենց իշխանութիւնը կորսնցնելէ ետեւ, հինգ հարիւր տարիէ ի վեր իրենց կրօնքը, լեզուն և ազգութիւնը պահած են օսմանեան իշխանութեան ներքեւ,..... հետեւաբար կ'աւետէ երեսփոխանական ժողովին թէ՛ կարնոյ հայերն երկրին պաշտպանութեան համար զէնք առած և իրենց իսլամ եղբարց հետ օգնութիւններ տուած են: Համազասպ էֆէնտի այս խօսքերն հաստատեց նոյնպէս կարնոյ երեսփոխան Իսանիէ էֆէնտի Խարաճեան աւելցնելով թէ՛ մինչդեռ երեսփոխանաց շատերը նոր կը զգան երկրին պաշտպանութեան հարկը, կարնեցիք արդէն տարիէ մ'ի վեր զգալով, հայ և իսլամ եղբարք ի միասին զինուորած են: Ինքն ալ որ Տէրութեան աստիճանաւոր մ'է, իւր ազգակցաց օրինակ և քաջալերութիւն տալու համար՝ հասարակ զինուորաց կարգը մտեր է:

Ղոնիայի, Ռոտոսդոյի և Շքոտրայի յոյն երեսփոխանք և Ալըրիանուպօլսի հայ երեսփոխան Ռուբէն էֆէնտի,

նմանապէս յայտարարեցին թէ իրենց ներկայացուցած հայ և յոյն ժողովուրդը չեն ընդունիր երբէք Ռուսիոյ պաշտանութիւնը. և թէ ամենն ալ պատրաստ են Ռուսաց յարձակումը վանելու համար ամեն զոհողութիւն ընելու:

Այս յայտարարութեան ի պատասխանի, քանի մ'իսլամ երեսփոխանը հետզհետէ բեմն ելնելով, ջերմ շնորհակալութիւն յայտնեցին քրիստոնեայ երեսփոխանաց, մասնաւորապէս կարնոյ երեսփոխան Մէհմէդ էֆէնտի, հաւաստեց թէ կարնոյ գաւառին քրիստոնեայ ժողովուրդներն իսլամաց հետ մի և նոյն հայրենասիրական զգացմամբք վառեալ են: Հիճազի Արար իւլէմա երեսփոխանն ալ, 'Վուրանէն հատուած մը կարդալով, գովեց և շնորհակալութիւն յայտնեց քրիստոնեայ երեսփոխանաց, « սիրելի եղբարք իմ » կոչելով զանոնք:

Սուրբոյ երեսփոխան Նազաշ էֆէնտի առաջարկեց, որ այս խնդրոյն առթիւ խօսուած ատենաբանութիւնը ամեն լեզուաւ թարգմանուին և հրատարակուին, « որպէս զի աշխարհ ամենայն իմանայ քրիստոնէից կարծիքն և Ռուսիոյ պատրուակին արժէքը »:

Սոյն առաջարկն ընդունուեցաւ:

Հալէպի երեսփոխան Մանուկ էֆէնտի խարաճեան վերստին բեմն ելնելով, յանուն քրիստոնեայ երեսփոխանաց շնորհակալութիւնը յայտնեց իւր իսլամ պաշտոնակցաց յայտնած եղբայրական զգացմանց համար:

Ի վերջոյ Ներքին Գործոց պաշտօնեայ՝ նշանաւորն Ճէվտէթ փաշա՝ յանուն կայսերական կառավարութեան, գոհութիւն յայտնեց իսլամ և քրիստոնեայ երեսփոխանաց հայրենասիրութեանն ու համաձայնութեան համար: Երկար և ջերմ ծափահարութեամբք ընդունուեցան նախարարին խօսքերն և ատենը զոցուեցաւ¹:

1. Մասիս 28 Ապրիլ 1877. Կերսէս Պատրիարկ Վարժապետեան շրջաբերական կոնդակաւ, ի Ս. Գրոց վկայութեամբք, կը յորդորէր հայ ազգը իր զարաւոր հպատակ հնազանդութեան. և ազօթելու «առ Աստուած վասն պահպանութեան անդին կենաց մեր Օգոստոսփառ Թագաւորին Օսմանեանց

Արդէն Ռուսիոյ դեսպանատան թարգմանին յայտարարութիւնէն քիչ ժամ վերջը, Հէրիլիոյ և Արկունայ ուսւ պետական նաւերը, դեսպանատան բոլոր անձինքներով, ճեպընթաց կը կտրէին զՎոսփոր, կը թողուն զԹուրքիա և կը մտնէին Սե յրով: Անհամար ամբոխ մը կը դիտէր այս սպառնական և միանգամայն չարագուշտկ մեկնումը: Անձանց մեկնելէն վերջը, զոցուեցան դեսպանատան փեղկերը և դռները. և գործաւորք կ'աշխատէին պալատան արծուէնշանը վար առնելու և զոցելու մոմշորով պարտէզին վանդակադրան վրայ եղած ուսական արծիւը: Ամբոխը յետ դիտելու ընդերկար, քիչ քիչ յընկուցաւ, ոմն ուրախ ոմն տխուր. քրիստոնեայք ապագայ տագնապներու վախով և մահամէտականք պատեւրագմելու իսանդով: Գիշերը վրայ հասաւ, յաջորդեց անորոշ առաւօտ մը, քաղաքը տարտամ երեւոյթ մը ունէր. բայց մինչեւ երեկոյ որոշ էր պատերազմը և արդէն հրատարակուած:

Սուլթան Նամիա Բ.ի և վսան տնորդուելի գորութեան և յաջողութեան Սամանեան արիագունք բանակին»:

Յայն պտարխարը ազոթը մը շարագրեց, եկեղեցիներուն մէջ կարդացուելու համար. և Ապտուլ Նամիա թէ յոյն թէ հայ Պտարխարները ընդունելով իր ներկայութեան, յայտնեց իր մեծ գոհութիւնը:

Գ Լ ՈՒ Խ Ժ Է .

ՌՈՒՍԱՍՏԱՆԵ ԱՍԻՈՅ ԿԵԴՐՈՒՆԻՆ ՄԷՋ ԵՒ ՅԵՒՐՈՊԱ, 1866-1878

1. Ռուսաստան և Անգղիա. — 2. Ռուսաստանի աշխարհա-կալուսթիւնը Ասիոյ կեդրոնը. — 3. Չէնայէֆ զօրավարը կը տիրէ Թուրքաստանի և Տաշկէնտի. — 4. Ռուսը կը տիրեն Ռուս-խարայի և Խիվայի. — 5. Ռուսաստան և Չինաստան ի Քաշ-կար. — 6. ԱՂՈՒՆԻՒՍՏԱՆ. Մրցումն Ռուսիոյ և Անգղիոյ. — Կա-տամարի Գաշինըը. — Անգղիոյ Գործակատարին սպանուիլը. — 7. Սըր Տրեպերիկ Ռաբրոստ կը տիրէ Քապուլի. կ'ազատէ զՓան-տաշար. — 8. Սըրբէլէֆ զօրավարը կը տիրէ Կէօք Թէպէի. — Մէրվ անճաստուր կ'ըլլայ. — 9. Ռուսաց զաշինըը Պարսից, Ճա-րոնի և Միացեալ Նահանգաց հետ. — 10. Անգրկասպեան երկա-թուղոյն զազափարը. — 11. Ռուս քաղաքականութիւնը յԵւ-րոպա Քուրք-ուս պատերազմէն առաջ. — Իշխանն Գորչաքով.
— 12. Գաղղիա-ուս զաշնակցութեան մը պատճառը.

Ռուսաստան և
Անգղիա

1. — Անոնք որ խորատես մտքով մը չէին զա-տեր Արեւելեան ինկրոյն կրած մեծ այլափոխութիւնը զաղղիա-զերման պատերազմով, զարմացան ի սկզբան որ Ռուսաստան առիթ կը փնտռէր Թուրքիոյ հետ աւ-րուելու և զարմանալի անտարբերութեամբ մը և հապ-ճեպով կը խզէր իր յարաբերութիւնըը Թուրքիոյ հետ: Նապոլէոն Գի և Գաղղիոյ յաղթուիլը, կը ջնջէր իր մտքէն Ղըիմու պատերազմը իր ամեն հետեւանքներով և ինքզինըը ազատ կը զգար Պարսիսու Գաշանց կապերէն: Փոխադարձաբար Գերմանիոյ բարձրանալը զօրութիւն մ'էր Ռուսիոյ համար, դարական և աւանդական բարե-

կամութեանը համար, որուն վրայ աւելցեր էր նաեւ ազգակցութիւնը, Գուլիէլմոս կայսրը մօրեղբայր ըլլալով Աղեքսանդր ձարին: Աղեքսանդր Բ գիտէր որ Ռուսաստան յաջող պարագայից մէջ կը գտնուէր և Անգղիա իր ամենայն նախանձաւորութեամբը Ասիոյ մէջ, չէր կարող յայտնի թշնամութիւն մը ցուցնել յԵւրոպա. նա մանաւանդ Կ. Պօլսոյ Գիսպանաժողովոյն մէջ ջանացեր էր յամենայնի համաձայն երեւնալ ռուս դիսպանին պահանջմանց. յորում կար նաեւ գաղտ քաղաքագիտութիւն մը, զՌուսաստան զբաղեցնել յԵւրոպա. և նոյն իսկ մղել պատերազմի մը մէջ, զինքը տկարացնելու համար. այսպէս յԱսիա անգղիական զօրութիւնը աւելի ապահով ընելու: Եւ յիրաւի վերջին տարիներուս մէջ Ռուսիոյ յառաջախաղացումը յԱսիա, մեծին Բրիտանիոյ ամենէն աւելի հոգի նիւթ եղեր էր:

2. — Սիր-Գարիա գետին՝ հիւսիսային—արեւմուտք կը բնակէին Խրրիւրգր. Կասպից Նրովուն արեւելեան կողմը սփռուած էին բիւրքակեր: Բարձր Սիր-Գարիայի քովն էր Խոքսնտի խանութիւնը, որուն Խոքանտ մայրաքաղաքը ուխտատեղի մ'էր և կեդրոն վաճառականութեան, հոն ըլլալով Ահմէդ Եազաւիի գերեզմանը՝ որ մահմէտականութիւնը քարոզեր էր ի թուրքաստան, Տաշքէնտ և Խոճէնտ: Բարձր Ամու-Գարիայի վրայ էր Բաշի խանութիւնը, Հին Պատմութեան Բակտրիան, որուն մայրաքաղաքն էր Բաշի. դարձեալ Սինդսնտի խանութիւնը՝ թիմուրլէնկի քաղաքը: Ասոնք երկուքն ալ Բուխարայի խանութեան հպատակ եղեր էին: Ստորին Ամու Գարիայի վրայ էր Խիվայի խանութիւնը, արգաւանդ ովասիսներով. և Քաշկարի վրայ էր, Քաշկարի խանութիւնը, որուն մէջ էր Եարքեկտ 40,000 բնակչօք, զոր կառուցեր էր յանդուգն և ճարտարն Եագուպ խան. և վանելով Չինացիները զօրաւոր դիրք մը առեր էր: Ռուսք

Ռուսաստանի աշխարհակալութիւնը Ասիոյ կեդրոնը:

1. Սիր Գարիա և Ամու Գարիա գետերը հին աշխարհագրութեան մէջ կը կոչուէին Յաքարտ և Օքսոս:

1870

չուզելով որ թիւրքիստանի մօտ գտնուի զօրաւոր մահւմէտական իշխան մը, 1868ի Քաշկարի անցքերէն կաւրեւոր դիրքի մը վրայ, Նոտին բերդը շինեցին և զՔուրչա խաղաղելու պատրուակաւ ուր կը մրցէին Գոսրաս և Գարսնյաի ցեղերը, մտան հոն և տիրեցին ամբողջ Իլլիի հովտին որ կը պատկանէր Չինաստանի։ Ռուսաստան Սիրերիոյ և յԱսիա ունեցած կալուածներուն ապահովութեան համար, հարկ կը տեսնէր երթալ յետևու Ալալ Նոփուն վրայ և զայն իրեն պաշտպանութեան հիմն ընել։ Այս երկիրները իրեն կարելոր էին միանգամայն իր ապրանքներուն վաճառանոց մը բանալու համար։ Վերջին դաշինքները Չինաց հետ, մէկ միայն դուռ մը բացեր էր իրեն Չինաստանի համար։ 1860ին հազիւ յետ երկար բանակցութեանց շնորհուեր էր կարաւաններուն, յորս 200էն աւելի անձինք պիտի չ'ըլլային, մտնել չինական սահմաններէն ներս։ Եւրոպա ուսական ճարտարութեան մեծ պէտք մը չէր զգար, որով և Ռուսաստան բռնադատուած կը զգար տարածուելու Ասիոյ կեդրոնը։ Յամին 1844 տիրեր էր իւր-իւրզներուն։ Ապա յառաջեր էր՝ դէպի Խոքանտի իսանութիւնը և նախ Նիմէրման հազարապետը 1860ին և ապա զօրավարն Քուրբարովսքի նուաճեր էին զայն։

Ռուսիոյ այս տիրապետութիւնը վրդովեցին զԱնգլիա և լրագիրք մեծ շառաչով վարչութիւնը կը հրաւիրէին բացատրութիւն ուզել Ռուսիոյ կառավարութեանէն։ Գորչաքով, իր ընտիր-ոճ շրջաբերականով մը, Չանաց հանդարտեցնելու Եւրոպիոյ դիւանները, որ աշխարհակալութեան փափագ մը չէր զՌուսիա մղողը, այլ հաստատուն սահման մը ունենալու համար Սիր-Գարիոյի երկայնութեան վրայ. ուր անապատը և թափառական ցեղեր միշտ վտանգի մէջ դրած էին իր երկիրները և « հիմայ որ կը գտնուին հաստատուն և քաղաքական ոճով կազմուած միջավայրի մը դիմաց, մեր շահը և բանականութիւնը մեզ խորհուրդ կու տան այլ եւս չյառաջելու » :

3. Սակայն Եւրոպա շատ հեռու էր Սիր-Պարիայէ և այս շրջաբերականը կարդացուած պահուն և անկէ վերջն ալ Ռուսաստան քայլ առ քայլ կը յառաջէր: Յամին 1863ի Վէրէժին հազարապետը 1200 հոգով Օրէնբուրգէն, և հազարապետն ՉէնայէՖ 2000 զինուորով Սիրերիայէն միաբանելով, յարձակեցան և առին զՉիմբէնտ և սակաւ սակաւ տիրեցին Թուրքաստանի մեծ մասին:

ՉէնայէՖ գործարար կրտսիւրէ Թուրքաստանի և Տաշքենտի:

Այս աշխարհակալութիւնը շատ անգամ Պետերբուրգի վարչութեան հրամանովն չէին, այլ զօրավարաց եւ անդէն՝ նոր երկիրներու տիրելու և միացնելու մայր հայրենեաց հետ. և Պետերբուրգի վարչութիւնը միշտ պատրաստ էր իր զօրավարաց ըրածը հաստատելու: Թուրքաստան զրկուած զօրավարք միշտ այս ընթացքը բռնեցին և ՉէնայէՖ այսպէս միացուց Ռուսիոյ հետ 1865ին, Արալ ծովէն մինչեւ Խասիոցով լճի մէջեւ եղած երկիրները: Երբ յետոյ Թուրքաստանի ընդհանուր կառավարիչ անուանուեցաւ, ուրիշ բան չմտածեց, բայց ընդարձակել սահմանքը: Պատրուակաւ մը մտաւ Խոջանդի իսանութիւնը, տիրեց Շինագի և Նիազբէքի. և որովհետեւ այսպէս կը կտրէր Տաշքենտի ջուրն ալ, Տաշքենտ որ 80,000 բնակիչ ունէր, բռնադատուեցաւ անձնատուր ըլլալու: Ռուսիոյ օրինակին հետեւելով Բուխարայի խանն ալ դիմեց Խոջենտի վրայ և զայն առաւ Խոջանտի Խիւտայան խանին ձեռքէն: Ռուսիա և Բուխարա դիմացէ դիմաց գտնուեցան Խոջանտի մէջ և Ռուսաստան հարկ էր որ պատրուակ մը գտնէր Բուխարայի դէմ. և այս եղաւ վաճառականաց ոմանց գերի բռնուիլը խանէն: ՉէնայէՖ անցաւ Սիր-Պարիա և մտաւ Ղըզըլ Ղում անապատը, որ զԽոջանտ կը բաժնէ Բուխարայէ, 14 հետեւակ վաշտերով 16 Թնդանօթովք և 1300 ուղտովք: Հասնելով ճիզաք ամրոցին մօտ բարձունքներուն, Էմիրին բանակը վրան յարձկեցաւ և ՉէնայէՖ ստիպուեցաւ հապճեպով դառնալ ի Թուրքաստան. Պետերբուրգի վարչութիւնը զինքը կանչեց ուր շքեղ ընդունելութիւն գտաւ իբրեւ տիրող Թուրքաստանի, ստա-

1866
Փետրուար:

յաւ զօրավարի աստիճանն և Չարը իրեն սուր մը նուրբնեց¹: Իր յաջորդը՝ Ռոմանովսքի զօրավարը, Չ(0)(0) հոգևով չուեց նորէն Բուխարայի Լամիրին վրայ: Կեղրունական Ասիոյ բոլոր մահմէտականը յուզուեցան, մոլլաները սրբազան պատերազմ քարոզեցին և մօտ Յ(0),0(0) զինուոր հաւաքուեցան Լամիրին քով, սակայն Ռոմանովսքի ճարտար զիրքով մը իրճարի մօտ մեծ յաղթութիւն մը կատարեց, սպանելով հազարաւոր անձինք և գերելով թշնամուոյն հրանոթքը: Յետոյ չուելով անապատէն, առաւ Խոճէնտ, (ուրա Գիւրէ և Ղիզար քաղաքները. այսպէս Խոքանտը բաժնեց Բուխարայէն և միացուց Ռուսիոյ. և Բուխարայի Լամիրը յանձն առաւ վճարել պատերազմին ծախքը:

1866
Մայիս 20:

Ռուսը կը տիրեն Բուխարայի և Խիւսայի:

4. — Գորչաքով իր սովորական ոճով զլերուպա և մանաւանդ զՌէնգրիա հանդարտ կեցնելու համար, Պաշտունակուն Երազրին մէջ կը ծանուցանէր որ մինչ ամենապիւրին էր տիրել Բուխարայի, բայց ոռու վարչութիւնը, որ չունէր աշխարհակալութեան փափագ, թողուցեր էր զայն: Միանգամայն զթուրքաստան ոռու կուսակալութիւն մը կը կազմէր, և կը դնէր հոն փոխարքայ մը որ ուղղակի Չարէն կախումն ունէր, առանց պաշտօնաւաններու միջամտութեան:

Երբ 1868ի Բուխարայի Լամիրը չուեց վճարել պատերազմին տուրքը, այն ատեն փոխարքայն թուրքաստանի՝ զօրավարն Քաւֆման, մտաւ Բուխարայի իւանութեան մէջ, յաղթեց Չապան Ատիի քով և առաւ զՄարզանտ: Ուրիշ պատերազմով մ'ալ Չէրարուլախի քով ստիպեց զԼամիրը ստորագրել Բունիս Չի դաշինքը, որով Ռուսաց մշտնջենաւորապէս կը մնար Մարզանտ պատերազմի ծախք պիտի վճարէր երկու միլիոն ոռուլը:

1. Չունայէք ընչ վերջը բաշուեցաւ ծառայութենէ և հաստատեց Ռուսքի Միւր (սուսական աշխարհ) լրագիրը 1874ի, որով ետանդաւորեց գտու ժողովուրդը օգնելու իրենց եզրայր ի Հէրսէզ, Բասնիա և ի Աերբիա: Յամին 1876 անձամբ դնաց զուրի կենալու Աերբիոյ բանակին, ինչպէս տեսանք նախորդ Վերսոյն մէջ:

և վաճառականական տպահովութիւններ կու տար: Այսպէս Ռուսարա հարկատու երկիր մը կ'ըլլար, ինչպէս նաեւ խոքանտ, ուր ոռոսք էմիր զրին զխոտայար. կը հպատակէր նաեւ Զէրաֆշանի ամրոյժ հովիտը, որով կազմուեցաւ Զէրաֆշանի գաւառը:

Ռուս վարչութեան և զօրավարաց աշխարհակալութեան փափագները յաջողութեամբ յառաջեր էին՝ զրոյսուարին էր որ կանգ առնուր: Խիվայի խանը 1868ի և 1870ի գերի վարած էր ոռուս վաճառականներ և օգներ էր խրրիւրգներու՝ ընդդէմ Ռուսիոյ: Այս պարագաները յարմար առիթ էին. 1872ի Դեկտեմբերի, չորս գունդեր զրկուեցան Խիվայի վրայ: Առաջինին կը հրամայէր հազարապետն Մարկոսով, որ յետ թափառելու անապատներուն մէջ 25 աստիճան զրոյէն վար ցուրտով, չկրցաւ յառաջել և յետս նահանջեց: Միւս գունդերուն կը հրամայէին զօրավարն Քաւֆման, և զօրավարն Սքորէլէֆ և Վէրէժըին: Այս երկու զօրավարները հասան Խիվայի դիմաց 1873ի Յունուարին, և ուրակոծեցին քաղաքը, ուսկից փախեր էր խանը: Սքորէլէֆ և Վէրէժըին մտան ի Խիվա, ուր հասաւ նաեւ զօրավարն Քաւֆման. և Ռուսաց տպահովութեան խոտուսներուն վրայ դարձաւ նաեւ խանը. և ինքզինքը հարկատու ճանչցաւ Ռուսաստանի:

Խիվայի ատման վրայ մեծ ուրախութիւններ եղան ի Պետերբուրգ. Չարը հանդիսով գնաց յեկեղեցի գոհարանական աղօթք ընելու և քաղաքը նոյն երեկոյ լուսաւորուեցաւ: Խիվայի հարկատու ըլլալով, Ռուսը աւելի տիրաբար կրնային կարգադրել. այսպէս Ռուսիոյ միացուեցան Ամու Գարիայի աջ ափանց վրայ երկիրները. ոռուս գետային նաւարկութիւն մը հաստատուեցաւ, նաեւ վաճառականական շատ մը առանձնաշնորհութիւնք Ռուսաց համար: Գարձեալ ոռուս դատարան՝ ոռուս հպատակաց համար. նոյն ոռուս դատարանը պիտի քննէր ոռուս և տեղացիներու մէջ եղած խնդիրներ: Խանը պատերազմի տուգանք պիտի վճարէր 2(0) տարուան մէջ 2,2(0),000 ոռուպլր: Եւ որպէսզի Խիվայի խաներուն

այլ եւս ինքնիշխանութեան փորձութիւն մը չգայ , ուստի վարչութիւնը խիվայէ կարաւանով երկու օր հետո Պմու Գարիայի վրայ Շուրախան բերդը կանգնեց :

Ռուսիոյ վարչութիւնը այս աշխարհակալութեանց մէջ ի սկզբան վարուեր էր նման անգղիական քաղաքականութեան ի Հնդկաստան . իր ընդարձակ կայսրութեան չէր միացուցած այդ երկիրները , և թողեր էր իւրաքանչիւրին խանը , հարկատու ընելով զայն . անկարող առանց իրեն հրամանին ո՛ր և է դաշինք մը դնել օտարի մը հետ : Սակայն իր զօրավարք չկրցան ունենալ այն նուրբ և դժուարին անգլիական քաղաքականութիւնը , որով գոհ մնային այդ խաները և կարելի ըլլար իրենց կառավարութիւն մը հպատակութեամբ հանդերձ : Այսպէս նոյն իսկ իրենք ընտրեցին հրաժարիլ իրենց երկիրներէն և Ռուսիոյ վարչութիւնն ալ բռնադատուեցաւ զանոնք միացնել իր մեծատարած կայսրութեան : Թամին 1875 խոջանտի խանին զէմ ապստամբեցան իր հպատակքը և նոյն իսկ որդիքը : Խանը բոլոր իր զանձով և հարէմով ապաւինեցաւ յ(Որէնբուրկ . Ռուսաստան ուզեց վերջնական հարուածով մը վերցնել իր սահմաններուն նկատմամբ ամեն վտանգ : Զօրավարն Տրոտսքի որուն յանձնուած էր տիրել Քոխանտի և առնուլ զայն ապստամբաց ձեռքէն , յանձնեց Սըորէլէֆ զօրավարին այդ գործողութիւնը : Սըորէլէֆ գիշեր ատեն յարձկեցաւ 150 խազախներով թշնամոյն բանակին վրայ . և մինչդեռ թշնամիէն ինկան 11() հոգի , իր ձիաւորներէն ոչ վիրաւոր մը կար և ոչ մեռեալ : Սըորէլէֆի անունը վիպասանական անուանց կարգը անցաւ : Ռուս վարչութիւնը իրեն յանձնեց Քոխանտի տիրելու հոգը . և երեք ամիս շարունակ յանկարծական յարձակումներով տիրեց անոր : Ռուսաստան միացուց զխոջանտ , Ֆիերկուս գոաւտ անուամբ , որուն կուսակալ դրաւ զՍըորէլէֆ զօրավարը : Ուսկից սուր կանչուեցաւ թուրք-ուստապետերազմին դաշտը :

Խիվայի խանն ալ որ ստէպ կոլուներ ունէր իր հպատակաց հետ . կորսնցուց միանգամայն թուրքմէններուն հարկը , որոնք 1875ին Ռուսիոյ հպատակ եղան :

Այն տառն խանր խնդրեց ի Ռուսիոյ որ իր երկիրներն ալ միացունն և ստանայ տարեկան ոտճիկ մը: Ռուսիոյ կառավարութիւնը հսւանեցաւ, կասեց ոտճիկ մը, և խանին իրը պատուանունն մը ռուս տեղապահ—գոյապար Սրէկուրիկի խաղախներուն տխողոսը տուաւ:

5. Յետ խըրիւրզները և թուրքմէնները նուաճուելու, յետ խոքանտի Սմրղանտի և Խիվայի միանալուն, յետ Բուխարայի հարկատու ըլլալուն, ինքնիշխան կը մնար միայն Քաշկարի Երազուպ խանը որ 1864ի վունտեր էր չինացիները և տիրեր էր Քաշկարի և ունէր պաշտպան զԱնզղիա, և կ. Պոլսոյ Սուլթանէն էմիրութեան աստիճան բերել տուած էր: Երազուպ խան ունէր 40,000 զինուորաց բանակ մը, կրթուած լեհ և անզղիացի սպաներէ և պատրաստուած էր պաշտպանուելու Ռուսաց դէմ լեբանց կիրճերուն մէջ: Սակայն չինացիք 1876ին պատերազմ սկսան Քաշկարը ձեռք բերելու համար և Երազուպ խանը 1877ին յետ յաղթուելու չինացիներէ սպանուեցաւ իրենիններէն և Չինաստան առնելով զՔաշկար որ արդէն իրեն կը պատկանէր, պահանջեց բանակով մը նսան Իլլիի հովիտը որ նախնապէս իրենն էր և Ռուսաստան տիրեր էր 1870ին: Ռուսաստան պատրաստ ցրցուց դարձնելու. միայն թէ տրուին իրեն բոլոր ծախրերը: Երկար տեւեցին բանակցութիւնը ի Պետերբուրգ և Չինաց դեսպանը 1879ին դաշինք մը ստորագրեց որով Քուլճա նահանգին հիւսիսային մասը կը մնար Չինաց և հարաւայինը Ռուսաստանի: Չինաստան ուրացաւ իր ներկայացուցչին անհրաման ստորագրածը և դեսպանը հազիւ ազատեցաւ գլխապարտութենէ: Յամին 1880 Պետերբուրգ հասաւ չինացի նշանաւոր քաղաքագէտը՝ մարգրիզն Չէնկ և 1881ի Փետրուարի դաշինք մը ստորագրուեցաւ որով Ռուսաստան կը ստանար ի փոխարէն իր ծախուց Իլլիի հովիտը. բայց բովանդակ Քաշկարի նահանգը կը թողուր Չինաստանի. Քաշկար դուռն ըլլալով ներքին Չինաստանի:

Ռուսաստան և Չինաստան ի Քաշկար:

6. — Ռուսաստանի այս աշխարհակալութիւնը զինքը հասուցիւր էին մինչեւ Աղուանիստան և յայտնի էր

Աղուանիստան. — Մորցումի Ռուսիոյ և Անզղիայ:

որ յայնմհետէ խնդիր ունէր Անգղիոյ հետ որ իրեն Հնդկաստանի երկիրներուն պատուար զրած էր Հիմալայա լեռները և Աղուանիստան: Այս երկրին նկատմամբ ամեն փոքր խօսք և քայլ իր արձագանգը ունէր ի Լոնդրա, ուր մանրակրկիտ նկատողութեամբ կը քննուէին Գաղթականութեանց պաշտօնարանին մէջ. մանաւանդ հիմա որ Ռուսաստան տիրելով Թուրքաստանի, սահմանակից եղեր էր Աղուանիստանի, որուն մօտ կը պահէր բանակ մը:

Յամին 1878ի Յուլիսի մէջ, Թուրքաստանի ընդհանուր կառավարիչը՝ զՍտոլիէտոֆ զօրավարը զրկած էր առ Շիր-Ալի Լամիր Աղուանիստանի, բարեկամական յարաբերութիւնք հաստատելու համար. և Լամիրը Քաւաչլի մէջ շքեղ ընդունելութիւն մը ըրեր էր ուս զօրավարին հարիւր տասն և հինգ թնդանօթի հարուածներով զինքը ողջունելով, մինչ պէտք էին տասուրեք միայն:

Անգղիոյ վարչութիւնը ի Հնդկաստան չ'ախորժեցաւ այս ընդունելութեան և փոխարքայն Լորդ Լիտտոն, ինքն ալ նուիրակ զրկեց զօրավարն սրբ Նիվիլ Չլամբրիէյն առ Շիր-Ալի, պահանջելով որ ճիշդ այն պատիւներով ընդունուի ինչպէս Ռուսաց նուիրակը: Լամիրը մերժեց. նա մանաւանդ մարդ զրկեց ծանուցանելով որ թէ անձնական ճանչտորութիւնը չ'ըլլար, անկարելի չէր որ հրացանի բռնուեր: Սըր Չլամբրիէյն նամակ մը տուաւ առ Լամիրը փոխարքայութեան կողմանէ և պատասխանը պահանջեց. բայց ինչպէս նախորդ նամակներուն, ասոր ալ պատասխան չտրուեցաւ: Անգղիական կառավարութիւնը Նոյեմբեր 20ր վերջնական որ սահմանեց պատասխան մը ընդունելու, սակայն նոյն օրն ալ պատասխան չտացաւ:

Այն ատեն երեք անգղիական բանակք յառաջեցին Խացրերի անցքէն, Խորումի հովիտէն և Ռոլանի ձորէն՝ Բէլուճիստանի մէջ: Ռուսք որ ի սկզբան զրգոներ էին զԼամիրը Անգղիոյ հակառակ, տեսնելով որ այժմ խնդրը Անգղիոյ դէմ պատերազմ մ'էր, ձեռքերնին բաշցցին: Լամիրը միայն կարող չէր Անգղիոյ դէմ կռուել, թողուց

մայրաքաղաքը և ապաւինեցաւ ի թուրքաստան ռուս հողին վրայ. ուր սրտին ցաւէն մեռաւ քիչ վերջը, Փետրուար 21ին: Իր որդին Եաղուպ, յետ քիչ ժամանակ ընդդիմանալու Անգղիացւոց, բռնադատուեցաւ դաշինք մը ստորագրել Անգղիացւոց հետ ի Գաղամարջ Մայիս 26ին, որով Անգղիոյ ձեռքը կը թողուր բոլոր այն անցքերը, որովք Ռուսիոյ կրնար բացուիլ Ինդոսի հովիտը: Անգղիա պահանջեց նաեւ Աղուանիստանի մուտքերուն հսկողութիւնը ընդդէմ Ռուսիոյ և իրաւունք ստացաւ գործակատար մը պահել Քարուլի մէջ: Առաջին գործակատար եղաւ երիտասարդ հազարապետն Գաւանիարի որ Գաղամարջի դաշանց բանակցողն եղեր էր և արդէն ծանօթ Հնդկաստանի փոխարքայութեան մէջ: Գաւանիարի համարելով որ դեսպանական պատկառելի տիտղոսը զինքը կ'ապահովէր ամեն վտանգէ, առանց պահանորդի սկսաւ շրջիլ Աղուանիստանի մայրաքաղաքին մէջ, ուր մեծ էր ատելութիւնը Անգղիոյ դէմ: Օր մը ամբողջ ոտք ելաւ և սպաննեց զԳաւանիարի իր 67 ընկերներով:

1879

Գաղամարջի դաշինքը:

Անգղիոյ գործակատարին սպանուելը:

7. — Հնդկաստանի փոխարքայութիւնը վրէժ խնդրելու համար, Աղուանիստանի վրայ ղրկեց զՍըր Ֆրէդերիկ Ռորըրտս զօրավարը 3000 անգղիացի և 6000 տեղացի չինացիներով: Սըր Ռորըրտս յետ արիւնահեղ կռիւններու, Հոկտեմբեր 21ին մտաւ ի Քարուլ:

Սըր Ֆրէդերիկ Ռորըրտս կը տիրէ Քարուլի:

Եաղուպ խան որուն մասնակցութիւնը յայտնի չէր Գաւանիարիի սպանութեան մէջ, արքայի միայն ղըրկուեցաւ ի Հնդկաստան և զօրավարը գրաւեց զՔարուլ: Սակայն չունենալով ձիաւոր զունդեր, բռնադատուեցաւ անգործ մնալու և պաշարուեցաւ աղուան գունդերէ: Ամիսէն աւելի բոլոր Անգղիա և Հնդկաստան տազնապեցաւ Սըր Ռորըրտսի և ընկերացը կեանքին համար. և մեծ ուրախութեանց նիւթ եղաւ, երբ իմացուեցաւ որ Դեկտեմբեր 25ին անգղիացի բանակ մը մտեր էր ի Քարուլ:

Սըր Ռորըրտսի բանակին մէջ քաղաքական կցորդը, Սըր կրիֆֆոն ծանոյց տեղական իշխանութեանց որ

Անգղիա բացարձակապէս չէր ուզեր Աղուանիստանի միացումը Հնդկաստանի հետ. բայց զայն պիտի բաժնէր քանի մը իշխանութեանց, ինչպէս Շիր Ալիէն ա. ուջ. դարձեալ Քարուլի և աղուան-թիւրքիստանի է-միրք, հաստատուելէն առաջ պէտք էին իր հաւանութիւնը ստանալ:

Անգղիացւոց քաշուելէն վերջը Աղուանիստան բուլղոսի շփոթ կացութիւն մը առաւ. Մոհամմէտ խան՝ կիւզնիի մէջ կ'ուզէր կառավարել, յանուն դեռ մատաղահասակ Մուսա խանի, անդրանիկ որդի փախչող խանին. Բալքի մէջ սկսաւ իշխել Շիր Ալիի եղբոր անդրանիկ որդին Աբդուրահման խան, որ տասը տարի Ռուսաց բով կեցեր էր ի Տաշքէնտ: Հէրաթի մէջ կ'իշխէր էյուր խան, Շիր Ալիի որդւոց մին: Անգղիացւոց դժուարութիւնքը շատցան և անպակաս էին թշնամութիւնք: Հէրաթի խանը՝ էյուր խան, որ կը ջանար ստանալ ամբողջ Արագոս խանի ժառանգութիւնը, 12,000 զինուորացի և 36 թնդանօթներով արշաւեց Անգղիացւոց վրայ և Յուլիս 27ին, Հելմուտ գետին վրայ, արինաւահեղ և մուկգին կռուով մը յաղթեց անգղիացի Բըրրովս զօրավարին որ 2500 զինուոր միայն ունէր: Պատերազմը տեւեր էր առաւօտեան ժամը իննէն մինչեւ կէսօրուան ժամը մէկ: Բըրրովս հագիւ մնացեալ զինուորներով ինքզինքը կրցաւ Գանդահար ձգել, որ հեռու էր 70 մղոն: Զինուորաց մաս մ'ալ անապատներուն մէջ մեռաւ քաղցէն և ծարաւէն: Թշնամին մտեցաւ Գանդահարի:

Այս պարտութեան լուրը մեծապէս յուզեց Անգղիոյ ժողովուրդը, որ կը խիթար միանգամայն Գանդահարի անկման, ուր կային 4000 անգղիա-հնդիկ պահանորդք: Հրամայուեցաւ Սըր Ռոբըրտսի հապճեպով դիմել օգնութեան: Բայց որովհետեւ յԱնգղիա ինկեր էր Լորդ Բիկոնսֆիլդ պաշտօնարանը և յաջորդեր էր Փլազատոն ազատական պաշտօնարանը, որ սահմաններ էր քաշուիլ յԱղուանիստանէ, նա մանաւանդ յԱնգղիա կոչել զԼորդ Լիտտոն Հնդկաստանի փոխարքայն, պատճառ և փա-

փագող այդ աշխարհակալութեան, և տեղը զրկել զլորդ Ռիպպոն, անոր համար Սըր Ռորըրտս չուեց ի Գանդահար. միանգամայն հրակիրեց զԱրդուրահաման խանը, բարեկամ Անգղիոյ, գալ նստիլ ի Քարուլ:

Սըր Ռորըրտս (զգոստոս Տին մեկնեցաւ, հետը ունենալով 2630 անգղիացի և 7150 անգղիա-հնդիկ զինուորք: Հրամայեց Ստիւար գորավարին մտնելու Խայրէր կրճէն յԱղուանիստան և ինքն ալ 20 օրուան մէջ 500 մղոն կտրելով, յետ անցնելու Ախիժի ակցքք որ բարձր է 2750 մէղր, հասաւ Գանդահար, որուն պաշարումը վերուցեր էր Էյուր խան և քաշուեր էր Արգանդար գետին ջրով: Այդ տեղ յարձկեցաւ թշնամուոյն վրայ Սեպտեմբեր 1ին, և զանիկայ բոլորովին ջախջախեց և ցրուեց: Յաղթութեանը յաջողութեան մեծ մասն ունեցեր էր Բաքըր գորավարին յանկարծական դարձուածք մը: Այս յաղթութեամբ Անգղիացիք ձեռք բերին Բըրրովս գորավարին պարտութենէն գերուած երկու թնդանօթքը, ուրիշ 34 թնդանօթք եւս կորսնցուցին 248 անձինք, յորս հազարապիտ մը և գնդապետ մը: Իսկ թշնամուոյն կորուստը քանի մը հազարի հասնուած է:

Սըր Ռորըրտս
կ'ազատէ
զՎանդահար:

1880

Սըր Ռորըրտս թողուց զԱղուանիստան՝ Անգղիա դառնալու համար¹, և հոն իշխան անուանեց զԱրդուրահաման. միանգամայն ջրով դնելով գործակատար մը Հընդկաստանի փոխարքայութեան. որ կառավարող մը պիտի ըլլար խանին, ընդդէմ Ռուսիոյ ազդեցութեան: Եւ զխանը բոլորովին բաժնելու համար ապագայ ո՛ր և է բարեկամութենէ մը Ռուսիոյ հետ, հաստատուն թոշակ մը սահմանեց անոր:

1. Սըր Տրէգլերիկ Ռորըրտս երբ դարձաւ յԱնգղիա, ամեն կողմ և ունեղազին շքեղ ընդունելութիւններ գտաւ: Լոնդրայի յար քաղաքապետ իր Ալլու հայր մէջ իրեն պատուոյ դաշտն մը նուիրեց և Լոնդրայի քաղաքապետութիւն: Անգղիա ի նշան «ազգային երախտապիտութեան» 312,500 ֆրանքաց վարձատրութիւն մը բրտա² Էյուր խանի յաղթողին և զՎանդահար ազատողին:

1881
Փետր. 17.

Այս արշաւանքները դէպի Աղուանիստան, որ Անգղիոյ հարիւրաւոր միլիոն ֆրանքներու ծախքի պատճառ եղեր էին, նպատակ ունէին միայն՝ զՀնդկաստան, զոր լորդ Բիքոնսֆիլդ կայսրութիւն հռչակեր էր 1876ի և զՎիկտորիա թագուհին՝ կայսրուհի Հնդկաց, ազատել Ռուսիոյ ապագայ ո՞ր և է սպառնալիքէ մը և Հիմալայա լեռները և Աղուանիստանը միշտ անանցանելի պարիսպներ պահել ընդդէմ Ռուսիոյ փափագներուն:

Սթորէլէֆ զօրավարը կը տիրէ կէօք թէպէի:

1879
Սեպտ. 9.

8. — Ռուսը չյաջողելով Աղուանիստանի մէջ առաջին տեղին ունենալ, իրենց աշխարհակալութիւնը ուրիշ կողմ դարձուցին, ուր Անգղիա նպատակ մը չ'ունէր, և թիւրքմէն ասպատակները պատժելու պատրուակաւ, ուզեցին տիրել կէօք — թէպէի և Մէրվի: Բայց զօրավարն Լոմաքին որ զրկուած էր այդ նպատակաւ, Դէնկիլ-թէպէի քով յաղթուեցաւ և կորսնցնելով 500 անձինք, յետս նահանջեց:

Լոմաքին զօրավարին տեղ զրկուեցաւ զօրավարն Սթորէլէֆ որ ամեն արթնութիւն ի գործ դրաւ թիւրքմէններուն յանկարծական յարձակմունքները չունենալու, և առ այս օգնեց իրեն իր մանրամասն ծանօթութիւնը երկրին տեղագրութեան¹, որով կրցաւ պաշտպանուիլ մինչեւ որ Քուրդպատքին հազարապետը նոր գունդեր բերաւ օգնութեան: Այն ատեն կանոնաւորապէս պաշարեց զկէօք — թէպէ և յետ քսան օրուան, 1881ի Ռունուար 24ին ընդհանուր յարձակմամբ առաւ զայն արիւնահեղ մոլիզին կռուէ մը վերջը, յորում թշնամին կորսնցուց, կ'ըսեն, 8000 անձինք² և իր հրանօթքը: Սթորէլէֆ յաղթանակաւ մտաւ ի կէօք-թէպէ: Յունուար 30ին ալ Քուրդպատքին տիրեց Ասիաբատի:

1. Ջօրավարն Սթորէլէֆ 1871ի ծպտեալ, թիւրքմէնի զգեստով պտտած և ուսումնասիրած էր այդ տեղերը:

2. Այս կոհնեհրուն մէջ երբէք պաշտօնական թիւ մը չկայ խնեհու կողմանէ սպանուող զինուորաց: Հաւանական է որ թիւերը բարդուած ըլլան, և փոխադարձ նուազեցուցած իրենցը:

Ջօրավար Սըորէլէֆի բովանդակ հոգն եղաւ այդ երկիրները խաղաղելու և բարգաւաճ վիճակի մէջ դնելու. լաւ գիտնալով որ այդ է միայն աշխարհակալութեան մը ապահովութիւնը և շարունակութիւնը: Քրիստոնեայ աշխարհակալութեան մը համարաւէն 16,000էն աւելի թիւրքմէն ընտանիքներ երկիրը թողուցած և անապատները փախած էին: Սըորէլէֆ հանգստութեան խոստումներնորով կրցաւ յաջողիլ զանոնք ետ դարձնել իրենց երկիրները. և թիւրքմէնք ի նշան գոհութեան, հպատակութեան նուիրակութիւն մը զրկեցին ի Պետերբուրկ:

Կէօք-թէպէի առմամբ Ռուսաց բացուած էր Մէրվի ճամբան: Մէրվ Ասիոյ պատմութեան ամենէն նշանաւոր քաղաքներէն մին, իր փայլը ստացած կը համարուի Մեծին Աղեքսանդրի ժամանակէն: Յետոյ անցաւ Պարսեակաց ձեռքը և Կրասոսի 10,000 զինուորքը հոս բերուած կը համարուին: Նշանաւոր եղաւ նաեւ Սասանեանց և Արաբացւոց ժամանակ և յետինքս զայն խորասանի մայրաքաղաք ըրին: Յետոյ կարգաւ անցաւ Մողոլներու, Պարսիկներու և Խաներու ձեռք. և իր անկումը կը սկսի ժԸ դարէն: Երբ Ռուսք դիմեցին տիրելու, հագիւ 10,000 բնակիչ ունէր, յորոց 1500ը Հայք: Քաղաքը Ռուսաց դէմ դնելու վիճակի մէջ չէր, որով 1884ի Յունուար 31ի անձնատուր եղաւ և Ռուսք ապագային մէջ ջանացին պտղաբեր ընելու անոր արգասանդ ոստիանները¹:

Ռուսք կը տիրեն Մէրվի:

9. — Ռուսաց սահմանազուխը ընդարձակուեր և ապահովուեր էր նաեւ Պարսկաստանի կողմէն, մանաւանդ յետ այցելութեան Նասրէտտին Շահին, յամին 1878ի ի Պետերբուրկ, Խլրոպայէ դարձած ժամանակ: Կայսրը, կայսերական ընտանիքը և բովանդակ ժողո-

Ռուսաց դաշինքը Պարսից հետ:

1. Թայմս լրագիրը 1885, Մայիս 26ի թուով կ'ըսէ որ Մէրվի ամբողջ վաճառականութիւնը Հայոց ձեռքն է և կը համրէ վաճառականութեան նիւթերը: Բէրթելօ՝ Հանրագիտական Բառարանին մէջ կ'ըսէ որ «Հայք տարին 4 միլիոն ուսուլի աւելիէ առուտուր ունին ի Մէրվ», Հտ. 28:

վուրդը շքեղ ընդունելութիւն ըրին իրեն: Թուսը բաց ի կէօք—թէպէէ և Ախսապատէ, ունեցան ուրիշ կարեւոր դիրքեր ալ խորասանի սահմանագլխուն վրայ. և իրենց դէպ ի արեւելք և հիւսիս յառաջելուն արգելք չ'եղան ոչ Իիքոնֆիլդ և ոչ Գլադստոն պաշտօնարանները: Թուսը հասած տեղերնին անմիջապէս կը ջանային հարթել ճամբաները և երկաթուղի հաստատել. այսպէս իրենց ամեն մէկ քայլին, յառաջադիմութիւնը և վաճառականութիւնը միարան կ'ընթանային:

Յ Յամին 1875ի ճապոնի հետ բանակցութեամբ մը ստացաւ Սախալին կղզւոյն նաեւ ճապոնի մասը, տալով փոխարէն Քուրիլեան կղզիներէն զոմանս և ամբողջ Սախալինը իրեն եղաւ:

Գարձեալ Ամերիկայի մէջ ունեցած գաւառները վաճառեց Միացեալ Նահանգաց: Արդէն Պէքինի դաշմար 1860ին, իրաւունք ստացեր էր գիտային նաւարկութեան Ամուրի և Օսսուտիի մէջ, որով իր նաւերը կրնային Թուսաստանէ ուղղակի երթալ ի Սան Ֆրանչիսքո:

10. — Այս աշխարհակալութեան բնական հետեւանք մ'էր զանոնք մայր հայրենեաց մօտեցնելու գաղափարը, այսպէս դիւրնցնելով անոնց յառաջադիմութիւնը և պահպանութիւնը. և ահա այն ատեն ծնաւ Անդրկասպեան երկաթուղոյն հսկայական գաղափարը, 30,000 քիլոմէրը երկայնութեամբ: Առաջին անգամ դորա իրագործումը առաջարկեց Ֆէրտինանդ Լըսէպս, Սուէզի ջրանցքին հոչականուն հեղինակը: Բաջորդեցին այլ և այլ գծերու ծրագիրներ: Նախ մտածուեցաւ վաճառականական տեսակէտով մը, երկաթուղին կապել և միացնել Հնդկաստանի հետ, անցնելով Սմրղանտէ, Բուխարայէ և Պէշաւէրէ: Սակայն այս ծրագիրը Անգլիոյ կողմանէ ընդունելութիւն չգտաւ: Թուսաստան որ քիչ վերջը սկսեր էր ընդարձակուիլ Սիբերիոյ կողմանէ դէպ ի Մանչուրիա, աւելի մեծագոյն գաղափար մը յղացաւ: Փափագեցաւ երկաթուղի մը որ զՊետերբուրկ կապէ Խաղաղական ովկիանոսի հետ, բանալով իրեն դիմաց ազատ ծով մը: Այս երկաթուղոյն իրագործումը կը հա-

Միացեալ Նահանգաց հետ:

Անդրկասպեան երկաթուղոյն գաղափարը:

մարէր Ռուսիա ոչ միայն սպառնալիք մը Անգղիոյ, իր մշտնջենաւոր նախանձորդին յԱսիա, այլ և միակ միջոց իր գերիշխանութեան ներքեւ առնելու զՉինաստան, ճապոն և կորէա: Սակայն ապագայն ցրցուց իր հաշիւներուն որքան վրիպակ ըլլալը. և իր աշխատած ժամանակը՝ ունենալու Արեւելից ծայրը այդ գերիշխանութեան մականը, արդէն ուրիշները լռելեայն կ'աշխատէին յառաջադիմութեան ճամբով զայն իր ձեռքէն մշտնջենաւորապէս յափշտակելու:

11. — Որչափ որ Ռուսաստան ամենամեծ կարեւորութիւն մը տուեր էր ասիական խնդրոց և գործունեայ դեր մը ստանձներ էր, զոհելով իսկ մեծամեծ գումարներ և շատ կեանքեր, ընդհակառակն անտարբեր և ամփոփուած դեր մը կատարեց երկար ժամանակ Եւրոպիոյ քաղաքականութեան մէջ: Յամին 1864, թողուցեր էր որ Պրուսիա ջախջախէ զ'իանիմարքա և առնու իւրայի Դքսութիւնը: Յամին 1866 փոյթ չէր ըրած որ Պրուսիա Սաղովայի յաղթութեամբ դուրս հանէ զԱւստրիա Կերմանական Դաշնակցութենէ և գահազուրկ ըլլան Հանովրի, Նասսաի և Կասսելի իշխող Տոնները, որոնք քիչ շատ ազգակցութեամբք կապուած էին Ռումանոֆ Տան հետ. այլ և անտարբեր դիտեց Դարմատտի, Բադէնի և Վիւրտէմբերկի խոնարհիւնները, որոնք կայսրուհիներ տուած էին Ռուսիոյ. և ձեւանայ զօրաւոր Կերմանիա մը որուն զինուորական զօրութիւնը տարածուի Բալտիկի, Վիստուլայի և Դանուբի վրայ, ի փնաս ոռուսական շահերու: Յամին 1870 Ռուսիոյ ձարը և Բրուսիոյ թագաւորը տեսակցեցան յէմս. և Յուլիս Դին, կորչաքով իշխանը, Իլւանապետ Ռուսիոյ, կ'ըսէր առ դեսպանն Անգղիոյ որ « Ռուսիա բնաւ չէր տազնապեր Բրուսիոյ զօրանալէն »: Կորչաքով որ իր կերպին, ոգւոյն և շրջաբերականներուն ընտիր ոճոյն մէջ միշտ պահեց հին դասական ոճը, վրան աւելցնելով նորը, Ռուսիոյ այլափոխութեան ժամանակ ամենակարեւոր պաշտօնեայ մ'էր: « Հին դիւանապետութեան նախապաշարումներէ ազատած, իր գործոց մէջ մասնաւոր ա-

Ռուսիոյ քաղաքականութիւնը յիշուող պաթուրք-ուսպատերազմէն առաջ:

Իշխանն Կորչաքով դիւանապետ Ռուսիոյ:

տեխնիկն մը ունէր առ Աւստրիա . և Բիսմարքի հետ ունեցած սերտ կապը, պատրաստութիւն մ'էր երկու պետութեանց մէջ հաստատուելիք բարեկամութեան . և այս էր իր քաղաքականութեան լիսեռը : Քայլմ ինքը երկու զօրութիւն կը գտնէր . իր հակակրօթեամբ առ Աւստրիա, կը գոհացնէր ռուս ժողովրդեան զգացումը և կը շողոքորթէր նորա ազգային ոգին . իր բարեկամական յարաբերութեամբ Բէռլինու պաշտօնէին հետ, կը համաձայնէր ձարին զգացմանցը առ թագաւորն և ապա առ կայսրն Գուլիէլմոս, մօրեղբայր ձարին : Այսպէս կրնար պարծենալ սիրելի ըլլալու թէ ազգին և թէ ձարին ' » :

Երբ յամին 1870 Լմսի տեսակցութենէն քիչ վերջը, Պրուսիա յաղթական, վերիվայր ըրաւ Եւրոպիոյ քաղաքականական հաւասարակշռութիւնը, Ռուսիա իր ազդեցութեամբը կրցաւ բռնել հանդարտ զԱւստրիա և զԴանիմարքա, որոց տակաւին նոր վէրքերը, խորհուրդ կրնային տալ տազնապնէր յարուցանելու պատերազմին դեռ անորոշ վայրկեաններուն մէջ՝ և այսպէս վրէժ խնդրել կրածնուն : Այս երկու ազգերն ալ բռնադատուած էին Ռուսիայէ, բարեհայեաց չէզոքութիւն մը ունենալու : Երբ Սեպտեմբեր 3ին՝ ձարը լսեց Սէդանի յաղթութիւնը, ուրախութեան բաժակ քամեց իր մօրեղբօրը կենաց և գաւաթն ալ ջաղջախեց : Երբ 1870ի Սեպտեմբերի վերջերը թիէր Ռուսիոյ մայրաքաղաքը հասաւ, ձարին միջնորդութիւնը խնդրելու, բողոքովին ցուրտ գտաւ զԱղեքսանդր Բ . և այդ ցրտութիւնը բաւական եղաւ նոյնպէս անտարբեր ընելու զԱւստրիա, զԱնգղիա և զԻտալիա : Ռուսիա, այս հսկայական պատերազմէն որով այնքան օգտուեցաւ Գերմանիա, մէկ միայն շահ մը պահանջեց՝ վերաքննութիւն մը 1856ի Պարիսու Գաշանց Բ Յօդուածին, որ չափ կը դնէր Սեւ Նրոզուն մէջ իր ունենալիք ծովային զօրութեան : Գիսպանաժողով մը

հաւաքուեցաւ ի Լոնդրա որ ընդունեցաւ Ռուսիոյ պահանջած վերաքննութիւնը, որ էր արդէն հաւանութիւն մը: Թուսաստան յամին 1871 Յունուար 24ի ընդունեցաւ գերմանական կայսրութիւնը և նշաններ դրկեց յաղթական բանակին զօրավարներուն: Արդէն Ֆրէդերիկ Թագաժառանգ իշխանը և Ֆրէդերիկ Կարլ իշխանը, ֆելտմարշալստը էին ռուսական բանակին: Կաղզիոյ յաղթուելէն վերջը եղաւ՝ որ Ռուսիա պատրաստեց Երից կայսերաց ըսուած համաձայնութիւնը. տեսակ մը վեհագոյն ժողովք՝ յԱրեւել և յԱրեւմուտս ազգաց մէջ ծագած խնդիրները լուծելու համար: Հետեւեալ տարին Գերմանիոյ կայսրը գնաց ի Պետերբուրգ իւր այսքան հաճոյակատար քեռորդին ողջունելու և շարունակեցին ուրիշ փոփոխակի այցելութիւնք, որոնք յայտարար էին երկու թագաւորաց և թագաւորող Տանց մէջ փոխադարձ սերտ բարեկամութեան:

12. — Եւ սակայն այս բարեկամական յարաբերութիւնք, բոլորովին անհամեմատ շահեր առաջ բերեր էին երկու ազգերուն: Թուսաստան, ինչպէս յիշեցինք, կրցեր էր ստանալ Պարիսու Դաշանց Բ յօդուածին բարձումը, իսկ Գերմանիա օգտուելով այսպիսի զօրաւոր և այլոց վրայ ազդեցիկ բարեկամութենէ, տիրեր էր գաւառներու, ունեցեր էր պատերազմական ամուր նաւահանգիստներ, ահեղ բանակ մը և եւրոպական գերիշխանութիւնը: Ի սկզբան Ռուսիոյ քաղաքականութիւնը չնախանձեցաւ, բնաւ խէթ մը չզգաց, մինչեւ այն ատեն, երբ տեսաւ որ գերմանացի յաղթական տարրը, մոռնալով իր բարեկամութենէն քաղած պտուղները, ձգտումներ կը յայտնէ նաեւ ռուսահպատակ գերմանացի կամ գերմանախօս ժողովրդոց նկատմամբ, և որոց փոխադարձ համակրութիւնը, զարմանք մը չէր և շատ բնական: Այն օրուրնէ զգաց Թուսաստան որ չափազանց օգներ էր իր բարեկամին ի վնաս իւր իսկ անձին, և իր լուրթեամբը կազմուած գերմանական գերիշխանութեան հարկ էր հակակշիռ զօրութիւն մը փնտոել, որով և ապահովութիւն մը Թուսաստանի ա-

Կաղզիա-ռուս
դաշնակցու
թեան մը պատ-
ճառը:

մեն երկիւղէ՝ Գերմանիոյ կողմանէ: Այն օրուրնէ ծնած էր իր մտքին մէջ Գաղղիոյ հետ դաշնակցութեան մը գաղափարը:

Բիսմարք իր սուր տեսութեամբ գուշակեց և իմացաւ Ռուսիոյ քաղաքականութեան առ այդ միտումը և տազնապեցաւ, հարկ տեսաւ առաջքն առնուլ: Ինքը համարած էր որ Գաղղիա յետ այնպիսի մեծածախ պատերազմի մը, յետ հինգ միլիար վճարման, յետ զինուորականութեան խանգարման և ներքին կուսակցական կոիւններու, երկար ժամանակ պիտի չկրնար իւրոպիոյ քաղաքականութեան մէջ ազդեցիկ և կարեւոր դիրք մը ունենալ, որով երկիւղի կամ նոյն իսկ հոգերու նիւթ մը ըլլալ Գերմանիոյ: Սակայն Գաղղիա փութով յաղթեր անցեր էր ամեն տազնապներէ: Կուսակցութիւնք չկային բնաւ Ազգային Պաշտպանութեան զգացման առջեւ. և Գաղղիա մի էր, երբ խնդիրը իր էութեան և պատուոյն համար էր: Այս ամենը ճանչնալու համար աւելի խորատես գտնուեցաւ Կորչաքով քան զԲիսմարք: Սա մտածեց միայն երկրորդ անգամ վրձնական հարուած մը տալ Գաղղիոյ, քանի որ դեռ վերականգնած չէր լուրրովին: Հարկ էր պատրուակներ հնարել, և Գերմանիոյ բիսմարքեան լրագիրք այլ և այլ յօդուածներով, Գաղղիոյ զինուորական գաղտ հանդերձանքները նշմարել տուին իբր վրէժ՝ առնու համար պարտութեան, և ձեռք բերելու Ալզաս ու Լորէնը. և խորհուրդ կուտային իւրոպիոյ խաղաղութեան համար զԳաղղիա անկարող վիճակի մէջ դնել: Նոյն դիտողութիւնքը և պատճառաբանութիւնքը բրած էր նաեւ ի Պետերբուրգ Գերմանիոյ դեսպանը Ռատովից, առ դեսպանն Գաղղիոյ Պ. Կոնտօ Բիրօն:

Աւելորդ է լսել որ Գաղղիա այս վիճակին մէջ կրնար արդեօք կրկին պատերազմի մը փափագիլ. որով և մեծապէս տազնապեցաւ և իր դեսպանին միջոցաւ

դիմեց առ Աղեքսանդր Բ. որ զՎաղղիա ապահովցուց Ռուսիոյ բարեկամութեան վրայ, թէ Գերմանիա սպառնար պատերազմ մը:

Առ ժամա եւրոպական պատերազմի մը երկիւղները փարատուած կը համարուէին, երբ 1875ի Մայիսի մէջ Բիսմարք իշխանը իւր դեսպանը զիշխանն Հոհենլոհէ զրկեց առ Գուքսն Գը կազ, պաշտօնեայ Վաղղիոյ Առտաքին գործոց, որ յետ բանիւք յայտնելու Գերմանիոյ տօգոհութիւնքը, նոյնը ուզեց թղթով ձգել առ Պ. Գը կազ, որ չ'ընդունեցաւ¹: Վաղղիա իր դեսպանին ձեռքով, որ էր զօրավարն Լըֆլօ, դիմեց դարձեալ առ Աղեքսանդր Բ. սա խոստացաւ երթալու ի Բէրլին և խօսելու իր մօրեղբօր հետ: Եւ յիրաւի քիչ օր վերջը մեկնեցաւ Բրուսիոյ մայրաքաղաքը և հոն կրցաւ հասկցնել Բիսմարք իշխանին սպառնալեաց անտեղութիւնքը և խաղաղութիւնը պահպանելու պէտքը²:

Ռուսիոյ այս համակրութիւնը առ Վաղղիա, ուծացուցին իրմէ զԲիսմարք և գերմանական քաղաքականութիւնը. և Աղեքսանդր Բ և բոլոր Ռուսիա զայն զգաց թրքառուս պատերազմին առթիւ որ կը բացուէր քիչ վերջը, և որով Ռուսիա կը համարէր քաղել այն օգուտները Բալքաններու մէջ և ի Թուրքիա, ինչ որ իր բարեկամութեամբ ստացեր էր Պրուսիա, կեդրոնական Եւրոպիոյ մէջ:

Ռուսիա վստահ իր զօրավարաց վրայ, որոնց համար վարժարան մ'եղած էին ասիական պատերազմները, անվախ նետուեցաւ ի կռիւ:

1. Ֆեկար 1887 Մայիս 21:

2. Կամ Շուվալօֆ, Գեսպան Ռուսիոյ ի Բէրլին, րտած է որ Գուքսնը Ա մեծապէս գարշուրեցաւ, տեսնելով այնքան մտապատերազմ մը. մինչ ինքը բնու բանի մը տեղեկութիւն չունէր: «Երբ կայսրը բրաւ Բիսմարք իշխանին իր լուրջ պատգութիւնքը, նա ամեն յանցանք զինուորականաց, մանաւանդ Մոլդաքի, վրայ ձգեց»: Արքեպ Ռուսոյ Պատմութիւն Ռուսիոյ Գլ. 1. Գ. - Համաթ. Թիւր Ա. Հտ. Գլ. Բ. - Իշխանն Ռուսմարք և գերման գրիչք կամ կ'ուրանան կամ կը լռեն այս եղելութիւնքը:

Գ Լ ՈՒՒ Ժ Ը .

ՌՈՒՍ ԲԱՆԱԿԸ Կ'ԱՆՑՆԻ ԳԱՆՈՒԹ ԵՒ ԲԱԼԿԱՆՆԵՐԸ

1. Ռուս և թուրք բանակները. — 2. Պատերազմի հրատարակումը — Եւրոպական Պետութիւնք. — 3. Ռուս-Ռումէն համաձայութիւնք. — 4. Թուրք բանակին կացութիւնը և Կ. Պօլսոյ վարչութիւնք. — 5. Գանուբի վրայ առաջին կոնւենքը — Երկու թուրք մարտնաւը կ'ընկղմին. — 6. Ռումանիա պատերազմ կը հրատարակէ Թուրքիոյ դէմ. — 7. Մոնտէնէկոյոյ պատերազմը. — 8. Աղեքսանդր ի Ռումանիա — Ռուսը Գանուբը կ'անցնին. — 9. Սիմիոցայի անցքը — Ռուսը ի Բուլղարիա. — 10. Աղեքսանդր Բ. առ Բուլղարս—Բուլղարիոյ վարչական կազմակերպութիւնք. — 11. Ռուսը կը տիրեն Տերնովայի և Նիզոպօլսոյ. — 12 Չօրավարն Գուրքօ կը տիրէ Խային Քէօյի, Քըզանլըքի և կ'անցնի Չըփթայի կերճը. — 13. Ի Կ. Պօլիս ազդեցութիւնք — Արդիւլ Քէրիմ և Ռէզիֆ փաշայք պաշտօնանկ կ'ըլլան. — 14. Մէհմէտ Ալի ընդհանուր հրամանատար — Սիւլէյման փաշա Չըփթա կը ղրկուի:

Ռուս և թուրք
բանակներ:

1. — Աղեքսանդր Բ պատերազմը պաշտօնապէս հրատարակելէն վեց ամիս առաջ, գուշակելով իրաց ընթացքը, միանգամայն թերեւս զինուորական խմբին ազդեցութենէն մղուած, որ կը վառէր պատերազմելու փափազէն, հրամայած էր 1876ի Նոյեմբեր 13ի, երկու մեծ բանակներ կազմել՝ Եւրոպական և Ասիական: Ստաւրինին կեդրոնը պիտի ըլլար հարաւային—արեւմտեան Ռուսաստանի Քիշնէֆ քաղաքը. և երկրորդին՝ Հայաստանի սահմանագլուխը գտնուող, մօտ թուրք սահմանագլխոյն, Աղեքսանդրապօլ քաղաքը:

Քիչ ատենուան մէջ 200,000 զինուորք հաւաքուեցան ի Քիշնէֆ, առնուելով Սոսսայի, Խարքովի, Քիէվի զօրարածիններէն. և ընդհանուր հրամանատար կը նշանակուէր կայսեր եղբայրը՝ մեծ դուքան Նիկոլա Նիկոլայէվիչ, և սպայակուտին գլուխ զօրավարն Նէրոքոչինսքի: Ամբողջ բանակը երկու մասի բաժնուած էր՝ Բառնակ պատերազմող և Բառնակ պահուտի: Պատերազմող բանակին նշանաւոր հրամանատարքն էին զօրավարքն Նիմֆերման, Վաննովսքի, Ճաքովսքոյ, Քրիւտնէր, Ռատէցքի և Սըորէլէֆ (հայր և որդի) և Թագաժառանգ իշխանը: Իսկ ասիական բանակին անուանական ընդհանուր հրամանատարն էր՝ Մեծ դուքան Միքայէլ Նիկոլայէվիչ, բայց գործող հրամանատարն էր զօրավարն հայազգի՝ Լորիս Մէլիքով, որ կը հրամայէր նաեւ զօրարածնի մը: Ուրիշ երեք զօրարածիններու կը հրամայէին զօրավարքն Դէվէլ, Արշակ Տէր Ղուկասով և զօրավարն ՈՂԽՐԾՕ:

Թուրքաց պատերազմող բանակը յԵւրոպա 150,000 զինուորէ բաղկացեալ կը համարուէր, որուն ընդհանուր հրամանատարն էր Արդիւլ Քէրիմ փաշա և իրեն հրամանին ներքեւ էին Ահմէտ Էյուր փաշա՝ հրամանատար Զայչարի, Սաման փաշա՝ հրամանատար Սիլիստրէի, Մէլիմ փաշա՝ Սոուճուքի. և զօրարածնի հրամանատարք Թահիր փաշա, Փազլը փաշա, Հալիլ փաշա, Ռաշիտ Հիւսնի փաշա, Իսմայիլ Քիամիլ փաշա և Ազիզ փաշա: Ասոնք էին Դանուբի բանակին հրամանատարք: Կար դարձեալ Սերբիոյ բանակը և Ալբանիոյ բանակը 30,000 զինուորք, որոց կը հրամայէր Տէրվիշ փաշա:

Սոսսայի թէ հետեւակը և թէ ձիաւորը ինչպէս նաեւ հրանօթք անհամեմատ աւելի էին քան զթուրքացը. բայց թուրքաց ալ նաւատորմիղը թէ թուով և թէ զօրութեամբ վեր կը համարուէր քան զռուսացը: Նրանօթ է ամենուն Սուլթան Արդիւլ Ազիզի մեծ փափագը, իր Թագաւորութեան վերջին տարիններուն մէջ, ընտիր զրահաւորներ ունենալ. որոց համար մեծամեծ գումարներ ծախսեց և որոնք Դոլմա Բահչէի դիմաց միշտ շարուած

կեցան: Իսկ Ասիոյ թրքական բանակին հրամանատարն էր Ահմէտ Մուխթար փաշա 100,000 անուանական զինուորովք: Օսմանեան բանակը թէ յերրոպա և թէ յԱսիա ունէր նաեւ ոգնական անկանոն պաշիպօզուք գունդեր:

Պատերազմի
հրատարակու-
մը և երրօպա-
կան պետու-
թիւնք:

2. — Աղեքսանդր Բ մեկնեցաւ Պետերբուրգէն Ապրիլ 20ին և երեք օր վերջը հասաւ բանակը ի Սիրսուլա. իր հետն ունենալով թագաժառանգ Աղեքսանդր իշխա- նը, զօրավարն Միլիուտին, պաշտօնեայ պատերազմի և իզնատիէֆ զօրավարը՝ թրքառուս պատերազմին գլխա- տոր պատրաստողն: Ապրիլ 24ին կայսրը ընդհանուր զօրահանդէս մը կատարեց ամենայն շքեղութեամբ. հան- դէսէն վերջը իջաւ ձիէն, թմբուկները հնչեցին աղօթքի նշանը և ձարը, սպայակոյտը, բոլոր զօրավարք, սպայք և զինուորք գլուխնին բացին, և Քիշնէֆի եպիսկոպոսը իր եպիսկոպոսական զգեստները հագած, կարգաց պա- տերազմի հրատարակութիւնը, յորում նախ կը պատմէր Ռալկանի քրիստոնեայ ժողովրդոց կրածը, կայսեր ջան- քը անոնց բարօրութեան համար, առ Ռարձրագոյն Գու- ուր եղած բարեկարգութեանց առաջարկը, անոնց մեր- ժուիլը և Ռուսիոյ պատերազմի դիմելը « արդարութիւնը պաշտպանելու համար »: Այս ընթերցման ժամանակ Ա- ղեքսանդր Բ յուզեալ կ'արտասուէր, անշուշտ մտածե- լով նաեւ ըլլալիք արինահեղութիւնքը և պատերազմի աղէտքը: Հասարակաց աղօթքէն վերջը, ձարը հրամա- յեց ամենուն ծնրադրել և ընդունիլ եպիսկոպոսին օրհնութիւնը. յետոյ կայսրը կրկին և կրկին գրկեց իւր Նիկոլա եղբայրը որ բանակներուն գլուխն էր: Ապա կարդրցուեցան ընդհանուր հրամանատար Նիկոլա մեծ դքսին հրամանները՝ սահմանագլխէն անցնելներէն վեր- ջը ժողովրդոց հետ վարուելու մասին. պէտք էին յար- գելու անոնց անձինքը և սեպհականութիւնքը: Կայսրը ողջունեց զօրավարքը, սպայք և զինուորքը և յետոյ քաշուեցաւ դէպ ի Քիշնէֆ, մինչ գունդերէն ոմանք անմիջապէս ուղեւորեցան դէպ ի Ռուսմանիոյ սահման- ները:

Ի կ. Պօլիս եւս հասարակաց աղօթքներ եղան Ս. Սոփիայի մէջ, պատերազմի հրատարակուելուն առթիւ. և Սուլթանը հրատարակութեամբ մը ծանոյց որ պատերազմին աղետից պատասխանատուութիւնը կը ձգէր Ռուսիոյ վրայ: Արդէն « Կայսերական իշխանութիւնը համոզուած է որ Բոսնիոյ, Հէրձէքի և Բուլղարներէն ընկեալ վիլայէթք ապստամբած էին համասլաւ ընկերութեան գրգռմամբ, որոնք կազմակերպուած և վճարուած են Ռուսիայէ »: որ « Սերբիա և Մոնտէնէգրօ իրենց տիրոջը դէմ գէնք առին Ռուսիոյ ուղղակի դրդելովը և երկու տարիէ ի վեր կայսրութեանս ամին աւղտք Ռուսիոյ յայտնի և ծածուկ գրգռուներէն առաջ եկած են »: Կր վերջացնէր իր խօսքը որ « Թուրքիա պատրաստ է կռուիլ և մեռնիլ իր անկախութեան համար »: Կ. Պօլսոյ յոյն և հայ պատրիարքները և ուրիշ կրօնական պետեր, եկեղեցւոյ մէջ և լրագրաց միջոցով յորդորեցին ժողովուրդըը հաւատարմութեան և պարտուց կատարման առ Սուլթանը¹:

Երոպիոյ Պետութիւնք որոնք չէին կրցած պատերազմին առջեւ առնուլ, ջանացին որ պատերազմը գոնէ սահմանափակ մնայ Ռուսիոյ և Թուրքիոյ մէջ, անոր համար ամենն ալ հրատարակեցին որ իսստ չէզոքութիւն պետի պահէին: Անգղիա միայն կր վերսպահէր միջամտելու եթէ յանկարծ իր շահերը այնպէս պահանջէին. և մանաւանդ չէր կրնար ընդունիլ որ Ռուսիա ո՛ր և իցէ փորձ մը ընէ Սուէզի ջրանցքին վրայ: Կորչարով իշխանը նամակով մը առ Կոմսն Շուվալովի ի Լոնդրա, իմացուց որ թէպէտ Եգիպտոս մասն կը կազմէր Թուրքիոյ ամբողջութեան և անոր զինուորք Թուրք բանակին մէջ գէնք կը կրէին. այսու հանդերձ Ռուսիոյ վարչութիւնը Սուէզի ջրանցքը համաշխարհական գործ մը կը նկատէր և պիտի չփորձէր ո՛ր և է արգելք մը: Դրագեցաւ եւս խնդիր մը թէ արդեօք Դանուր

1. Ներսէս Վարժապետեան պատրիարքինը Մասիս 1877 Ապրիլ 16:

գետը չէ՛ր կարելի չէզոք նկատել: Սակայն վճիռ մը չելած արդէն կոխը սկսեւ էր Դանուբի վրայ:

Թուս-Թումէն
համաձայնու-
թիւն: — Թուսը
կ'անցնին
Պրուսը.

§ 3. — Թուսիոյ եւրոպական բանակը չէր կրնար մտնել ի Թուրքիա առանց կոխելու նախ Թումանիոյ հողը. որ թէպէտ 1856ի դաշանց համեմատ ինքնավարութիւն մը ստացած էր սեպհական իշխանով մը, այսու հանդերձ հարկատու էր Թուրքիոյ և անոր ամբողջութեան մաս մը: Անոր համար հազիւ Թուսիոյ ներկայացուցիչը մեկնեւ էր ի կ. Պոլսոյ, Թուրքիոյ Արտաքին Գործոց պաշտօնեայն Սալֆէթ փաշա, ծանուցագրով մը յանուն Սուլթանին, հրաւիրեց զկարողոս իշխանը, ըստ Պարիսու դաշանց 26^ր յօդուածին, հոգալ երկրի պաշտպանութիւնը, խորհրդակցելով Արդիւլ Քէրիմ փաշա ընդհանուր սպարապետին հետ, ընդդէմ ռուսական յարձակման մը սպառնալիքներու:

Արդէն Թումանիոյ վարչութիւնը գուշակած էր Ռ. Դրան ընելիք այս քայլը. ի կշիռ դրած էր Թուրքիոյ և Թուսիոյ բարեկամութիւնքը, ըմբռնած էր որ չէր կարելի տհաճեցնել զԹուսիա, որ այն ատեն կրնար բռնի մտնել ի Թումանիա և աշխարհակալուած երկիր մը համարիլ: Այս տագնապին մէջ լաւագոյն համարեցաւ գաղտ համաձայնութիւն մը ստորագրել Թուսիոյ հետ Ապրիլ 16ին, ըստ որում Թումանիա անցք կը շնորհէր Թուսիոյ բանակին և Թուսիա կը խոստանար յարգել Թումանիոյ ինքնավար կացութիւնը: Սերիշ յաւելուած դաշինքով մը Թումանիա ռուս բանակին տրամադրութեան կը թողուր երկաթուղիքը, գետի նաւարկութիւնք, հեռագրատունք, թղթատունք, և բանակի մը ամեն կարեւորք, բաց ի փոքր վալաքիայէ և Բուքրէշտ մայրաքաղաքին ծառայութիւններէն: Թուսիոյ վարչութիւնը ամեն երկու ամիս պիտի վճարէր ոսկի դրամով բովանդակ եղած հաշիւը:

Թումանիոյ վարչութիւնը կը համարէր որ կրնար արդարացուիլ այսպիսի դաշինք մը իբր ոչ ընդդէմ չէզոքութեան, իրրեւ բռնադատութենէ մը առաջ եկած: Թուրքիա անգէտ այս գաղտ դաշինքին, արդէն Ապրիլ 23ին բողոքեւ էր առ եւրոպական պետութիւնս ռուս

բանակին Ռուսմանիոյ սահմանքը մտնելը, Նոյն բողոքը բրած էր նաեւ Ռուսմանիոյ վարչութեան, զինուը դէմ կեցած չ'ըլլալուն համար: Սակայն Պետութիւնը, որ ըստ Պարիսու Դաշանց զՌուսմանիա մասն կը համարէին թուրքիոյ, ոուս բանակին մտնելը համարեցան հետեւանք պատերազմի, որով և ոչ իսկ նիւթ մը քննութեան:

Ռուսք Ապրիլ 23ին անցեր էին Պրուժը Ունկէնիի մօտ. և նոյն երեկոյ արդէն ոուս ջոկատ մը մտեր էր Եաշ. Ռուսմանիոյ ամեն քաղաքաց և գիւղօրէից պատերուն վրայ կպցնել տալով Նիկոլա մեծ դքսին բարեկամական հրաւէրը առ Ռումէնս: Եւ որովհետեւ գետերով բաժնուած երկրի մը մէջ հարկ էր աճապարել թոնել կամուրջները, մեծ դուքսը զրկած էր Աքոբէլէֆ¹ զօրավարը յառաջապահով, որ ճեպընթաց բայլով հասեր և տիրեր էր սահմանեալ ժամանակէն առաջ Սէրէթի վրայ Պապօշի կամրջին, զոր թէ թուրք օդ հանէին, ոուս բանակը ամիսով կրնար զբաղիլ նոր կամուրջ ձգելու համար:

Ռուսմանիոյ վարչութիւնը այս երազութեան վրայ տազնապեցաւ մեծապէս: Ապրիլ 16ի գաղտ համաձայնութիւնը 29ին պիտի սկսէր գործադրուիլ, յետ խօսարանին ներկայացուելու 26ին: Վարչութեան նախագահը Պրատիանօ՝ բռնադատուեցաւ գաղտ հրաման զրկել կուսակալաց և քաղաքագլուխներու, պաշտօնական յարաբերութիւն մը չունենալ ոուսական բանակին հետ և յորդորել ժողովուրդը թշնամութեամբ չվարուելու Ռուսաց հետ: Միանգամայն առ երեսս բողոք մը բրաւ առ Պետութիւնս, Ռուսիոյ, Ռուսմանիոյ հողը մտնելուն համար: Այսպէս ոուս բանակը առանց դժուարութեան Մայիսի սկիզբը հաւաքուեցաւ ի Ֆորջանի,

1. Բանակին մէջ երկուք էին Աքոբէլէֆը, հայր և որդի: Հայրը տեղապահ զօրավար էր յառաջապահին, իսկ որդին, Քոխանտի զիւցազնը յԱսիա՝ հօրը զօրաբաժնին մէջ հրամանատար էր գնդի մը:

Պլոյէատի և ճիւղորձէվօ: Մ'այլս Եին Նիկոլա մեծ դուք-
 ար եկաւ անձամբ քննեց Բրայլայի, Կալացի և Ռէ-
 նի քով պաշտպանութիւնքը և յետոյ դարձաւ ի Քիշ-
 նէֆ: Բայց այս երազ շարժումներուն յաջորդեց երկար
 անգործութիւն մը անձրեւներուն և ճամբաններուն վտան-
 գուելուն պատճառաւ, և թուրք բանակը այս դան-
 դաղութենէն բնաւ ոգուտ մը չքաղեց:

Արդիւ Քէրի-
 մի կացութիւնը
 և Կ. Պօլիս:

4. — Եւ յիրաւի Արդիւլ Քէրիմ սպարապե-
 տը իր զօրաց թիւը յոյժ նուազ համարելով մտա-
 ծած ծրագիրը գործադրելու համար, մնաց անշարժ
 պաշտպանողական դիրքի մէջ և շարունակ թղթեր հա-
 սուց ի Կ. Պօլիս, նոր գունդեր պահանջելու համար:
 Սակայն գաւառներէն արդէն առնուած էին զինուորա-
 գրեակները և եւրոպացի կամաւոր զինելոց գունդը, ո-
 ռուն կը հրամայէր իսլամացած պրուսիացի Արթուր Բէյը,
 հազար անձէն անդին չ'անցաւ: Վայրկեան մը գա-
 դափար ծագեցաւ քրիստոնէիցմէ զինուոր առնուլ: Յոյն
 և հայ պատրիարքները, իբրեւ պաշտօնական անձինք,
 անորոշ լեզու մը ցրցուցին, բայց քրիստոնեայ լրագիրը
 մեծապէս բողոքեցին որ պատերազմի ժամանակ ա-
 սանկ զինուորագրութիւն մը, քրիստոնեայքը ջարդել
 տալ բսել էր, և խնդիրը լռուեցաւ: Հարկ եղաւ
 վերցնել մայրաքաղաքին վրայէն զինուոր չտալու ա-
 ռանձնաշնորհութիւնը, և զարթիւնները փողոցներուն մէջ
 սփռուելով, կրցան հաւաքել 40,000ի մօտ ամեն կարգէ
 գործաւորք, նաւավարք, որոնք պատերազմի դաշտը պի-
 տի զրկուէին: Եւ որովհետեւ նոր բանակներ ձեւացնե-
 լու համար դրամ կարելոր էր, Ելեւմտից միւսթէշարը
 Զիւհտի Բէյ, զրկուեցաւ ի Պարիս և Լոնդրա, նոր փոխա-
 ոութիւն մը ընելու, թէ հարկ էր Արշիպեղազոսի կղզի
 մը եւս գրաւ դնելով Անգլիոյ:

Այս պաշտօնէին, որուն վրայ մատակարարական
 անհաւատարմութեան ծանր ամբաստանութիւնք կային,
 փոխառութեան մը համար զրկուելը, թուրք խօսարա-
 նին մէջ մեծ վիճարանութիւն յարոյց: Զմիւռնիոյ հա-
 մարձակախօս երեսփոխանը, Խէնիշէհերիզատէ Ահմէտ

էֆէնտի, յանդիմանեց վարչութիւնը և բարձր պաշտօնեայքը, որոնք « միայն պիտի հարստանային այդ փոխառութեամբ »: « Մենք տուինք մեր վերջին փառան, գոչեց. մեր տղաքը սահմանազուտին են մեռնելու ձեզի համար, ձերինները ի՞նչ կ'ընեն: Մինչ գաւառները կը հեծեն ձեր յափշտակութիւններէն, դուք ի՞նչ նուազեցուցիք ձեր շոյալութիւններէն. անզգայ հայրենեաց ցաւերուն, դատարկապորտ կը շրջագայիք ոսկեզօծ կառքերով. և զայն փրկելու համար ոչ դրամիւղ կուտար, ոչ արիւննիդ: Մենք կը կրենք բոլոր բեռները, դուք վայելընները »:

Ամենէն վերջը դառնալով առ պաշտօնեայս գոչեց « Դորա ալ թո՛ղ տանին փողերանոց իրենց արծաթեղէնքը: Մենք պիտի տանք թէ մնաց բան մը, բայց պայմանաւ որ ադոնց պիտի չդպչուին և մենք պիտի հսկենք մեր յետին ունեցածին գործածութեան »: Շարունակեց խօսքը Զիւհտի էֆէնտիի մը պէս անձ մը փոխառութեան ղրկուելուն վրայ, որ եւրոպական լեզուէ բառ մը չէր գիտեր: Երբ խնդիրը քուէարկութեան եկաւ, գրեթէ համաձայն հակառակ քուէ ընդունեցաւ Ելեւմտից պաշտօնեայն՝ Երեսուֆ փաշա. և միւսթէշարը Եւրոպայէն ետ կանչուեցաւ: Արդէն Եւրոպիոյ Պետութիւնք միտումն չէին ցուցըներ նոր պարտքեր տալու թուրքիոյ, քանի որ ճիշդ չէր գտնուած իր նախկին պարտքերուն մէջ: Ելեւմտից պաշտօնեայն խօսարանին մէջ ներքին փոխառութիւն մը առաջարկեց 10⁰/₁₀₀ շահով: Պաշտօնարանը պնդեց այս հնարքին վրայ և Ահմէտ վէֆիք փաշա բացատրեց որ դրամին շահը կայսրութեան մէջ պիտի մնար: Քուէարկուեցաւ, բայց ոչ ոք վստահ էր ապահովութեանը վրայ, որով և աւելի վար ինկաւ դրամական վարկը:

Արդիւ Քէրիմ վարչական այս տագնապներուն մէջ, աւելի շուարած, չունենալով ոչ զինուոր և ոչ դրամ, չկրցաւ յարձակողական ծրագիր մը գործադրել և պաշտպանողական դիրքը նախադասեց Վիտինի և Շումլայի գծին վրայ մինչեւ Հիրշովա: Իսկ Դո-

պրուճայի ճախճախուտ և ջերմոտ գիծը, ուր կային Դուլչա, Իսաչա և Մաչին, սահմանեց թողուլ. հրաման տալով քաղաքապետներուն՝ այրելու քաղաքները և զիւղերը՝ երբ Ռուսը մօտենային: ()տար դեսպանք բողոքեցին այդ հրամանին դէմ, որովհետեւ այդ քաղաքաց մէջ կը գտնուէին իրենց հպատակ վաճառականք. սակայն լսելի չեղան: Անգղիա և Գաղղիա զրկեցին ի կ. Պօլիս իրենց ունեցած դեսպանական մնայուն նաւերն, զանոնք հաւաքելու: Իսկ տեղացիք, մեծաւ մասամբ բուլղարք, ուրոց համար էր այս հրամանը, որպէս զի չմիանան Ռուսաց հետ, մեկնելով իրենց տեղերէն, ինկան բաշխօգուքներուն ձեռքը, որոնք կողոպտեցին զիրենք՝ տանելով գոյքը, եզները. աւերեցին եկեղեցիները և հարիւրաւոր անձինք սպաննեցին: Ի զուր Դիմիտրաքի բէյ, Տուլչայի երեսփոխանը, բողոքեց այս սպանութեանց և աւարառութեանց դէմ խօսարանին մէջ. սահմանուեցաւ միայն որ յանձնաժողով մը զրկուի տեղւոյն վրայ, և այսպէս մնաց խնդիրը:

Դանուրի վրայ առաջին կիւները. — Երկու թուրք նաւեր կ'ընկզմին.

5. — Ռուսաց մինչեւ Դանուր հասնելով, դադրեցաւ գետային վաճառականութիւնը: Դանուրեան համազգային Յանձնաժողովը — որ այնքան մեծամեծ գումարներ ծախսած էր գետին պաշտպանութեան ամբարտակաց համար, — ամեն ջանք ըրաւ զանոնք ապահովելու չէզոքացնելով, բայց ի զուր. ոչ Ռուսիա և ոչ թուրքիա ուզեցին յանձն առնուլ այդօրինակ պատասխանատուութիւն մը. նա մանաւանդ թուրքիոյ նաւատորմիղը անմիջապէս զրաւեց վաճառականական ցորենարարձ օտար նաւեր, պատճառելով որ անոնք Ռուսաց ձեռքը կրնային անցնիլ. և փոխարէն վճարեց թղթադրամ, որոնք ի թուրքիա անգամ կորուստ ունէին 50⁰/₁₀₀: ()սմանեան նաւատորմիղը Դանուրի վրայ կը բաղկանար քսան մեծ մարտանաւերէ որոց ընդհանուր հրամանատարն էր Հուպարդ փաշա, անգղիական Նիվային զօրութեան նաւապետ, և Ամերիկայի յետին պատերազմին մէջ նշանաւոր իր յանդգնութեամբք. ուսկից անցեր էր թուրքիոյ ծառայութեան, մնալով միանգամայն սպայ ան-

գլխական՝ կէս թոշակով: Պատերազմին հրատարակուելուն, կը գտնուէր Դանուբի վրայ, և բռնադատուելով սահմանել իր հպատակութիւնը, ընտրեց թուրքիոյ ծառայութիւնը և աճապարեց եկաւ ի կ. Պօլիս. ուր վարչութենէն տասը տարուան ծառայութեան համար պահանջեց 200,000 ֆրանք: Գանձը դրամ չկար. Հորարդ ֆնաց ի կ. Պօլիս երկար ատեն, որով և Դանուբի նաւատորմոյաց հրամանատարութիւնը վնասուեցաւ, պակսելով սահմանեալ ծրագիր մը և արթուն գործադրութիւն: Մայիս 11ին թուրք Լոսթի ճէլի մարտանաւը սկսաւ ուժակոծել Բրայիլա քաղաքը: Ռուսը հարուածներուն կը պատասխանէին իրենց մարտկոցներէն, երբ հարուած մը ինկնալով մեքենային և աշտարակաց մէջ ահաւոր պայթումով մը երկփեղկեց նաւը, սպաննելով և վիրաւորելով սպայ և նաւաստի¹: Լոսթի ճէլիլի քով եղած միւս նաւերը աճապարեցին փախչիլ, մինչ վիրաւորը կը լողային, տախտակաց բեկորներուն վրայ ի զուր օգնութիւն փնտոնելով: Ռուս շոգենաւակներ հասնելով հազիւ կրցան ազատել սակաւ վիրաւորը. և Դուբասոֆ տեղապահը², կրցաւ մարտանաւին կայմին վրայէն առնուլ օսմանեան մեծատարած դրօշակը:

Այսու հանդերձ Ռուսը ըմբռնեցին որ իրենց հարուածները գրեթէ չէին հասներ թուրք նաւերուն, պէտք էր մօտէն կուռիլ: Դուբասոֆ տեղապահը, հետը առած Չէստաքոֆ և Պետրով տեղապահը, գիշերը շոգենաւակով, յետ ինը միոն լուսթեամբ նաւարկելու, մօտեցաւ թուրք նաւատորմին և ամենէն մեծ մարտանաւին, Հիվզի Ռանման, կողին նետեց ուժանակ մը: Մինչ յանդուգն յարձակողը կը հեռանային, ահաւոր պայթումով բացուեցաւ մարտանաւին կողը, որ ջուր առնելով ընկղմեցաւ սպաններով և նաւաստիներով: Երկրորդ ա-

1. Այս հարուածը սկզբած կը Սամոյլօ տեղապահը, որուն յետոյ Բրայիլա քաղաքը հարուած նուէրներ և քաղաքացիութիւն պարգեւեց:

2. Յետոյ ծովակալ:

ուսում Դուրասոֆ դարձաւ առնչու թուրք մարտանաւին դրօշակը, անհամար դիակներուն մէջէն : Ի դարձին Բրայլա քաղաքը ջերմ ընդունելութիւն ըրաւ իրեն և մեծ դուքան Նիկոլա սեղանակից ընելով երկու տեղապահները, իրենց նուիրեց Ս. Գէորգի Խաչը. ուրիշ նշաններ ալ իրենց ընկերաց :

Քիչ օր վերջը ուրիշ երկու անվախ տեղապահք, Պուշքին և Ռոճէնստովէնսքի, ջանացին նոյն փորձը ընել ուրիշ թուրք մարտանաւերու վրայ Սուլինայի մօտ : Սակայն թուրք նաւերը այս անգամ պատրաստ գտնուելով, յանկարծ սկսան կրակ թափել շոգենաւակներուն վրայ : Ռոճէնստովէնսքի կրցաւ փախչիլ և ազատիլ, սակայն թուրքերը հասան Պուշքինի նաւակին, որուն մէջինները նախ ծովը նետուեցան և ապա գերի բռնուեցան :

Մայիս 7.

Այս պատահարներէն քիչ օր առաջ Վիտինի թուրք ամրոցները սկսեցին ուժեղացնել զՔալաֆաթ ուսմէն քաղաքը, ուր կը համարէին որ ըլլայ Ռուսաց զօրաւոր բանակ մը : Քալաֆաթի թնդանօթները անմիջապէս պատասխանեցին թուրքաց հարուածներուն և այն թնդանօթներու հարուածք իրապէս կը հռչակէին թուրքիոյ և Ռուսանիոյ մէջ պատերազմը : Ռուսը Ապրիլ 16ի համաձայնութեան համեմատ բռնեցին գետին ձախ եզերքը մինչեւ Ալութայի գետակը, և շարեցին իրենց հրանօթքը : Այսպէս ամեն օր շարունակ ուժեղացնուած մ'էր ընդ Վիտին և ընդ Քալաֆաթ, ընդ Բէքէթ և Որսովա, ընդ Ղիուրճէվօ և Ռուսնուր :

6. — Պատերազմը իրականապէս սկսելով թուրք և ռուսէն հրանօթից մէջ, ի զուր էր որ ռուսէն վարչութիւնը լռէր այլ եւս պաշտօնապէս հրատարակելու իր համաձայնութիւնը : Արդէն Ապրիլ 26ին ռուսէն խօսարանը հաւաքուեց իր կարողալու կարողոս իշխանին յայտագիրը, որով կ'իմացնէր նա՝ Ռուսմանիա պահպանող Պետութեանց կողմանէ իր բաղդին ձգուած ըլլալով, կ'ուզէր գիտնալ խօսարանին կամքը. աւելցնելով որ « պէտք եղած ժամանակ պիտի դիմենք հայրենեաց զաւակներուն բազկացը » : Երկրորդ օրը սկսան վիճարանութիւնք խօսարա-

Ռուսմանիա
պատերազմ կը
հրատարակէ
թուրքիոյ դէմ.

նին մէջ Ապրիլ 16ի դաշանց ընդունելութեան վրայ սակայն ընդհանուր վարանմունք մը կար, մեծամասնութիւնը կը վախէր պատերազմէ: Խօսեցաւ Ալտաքըին Գործոց պաշտօնեայն Քոկալնիցէանօ, խօսեցաւ Բրատիանօ, Պաշտօնարանին նախագահը՝ որ գոչեց « Ոչ մի Պետութիւն կ'ելլէ պաշտպանելու զԹուրքիա, մե՛նք, կ'ուզէ՞ք որ պաշտպանենք »: Դաշինքը ընդունուեցաւ 75 քուէիւք ընդդէմ 25 քուէից, սակայն միշտ այն փափագով, որ պատերազմէ խոյս տրուի եթէ կարելի է: Ռումէնք յետ որոյ գրեթէ իրենց անկախութիւնը գտեր էին Դանուբի միւս կողմը, զբաղած իրենց երկրին յառաջադիմութեան, խաղաղ դրացիութիւն մը սկսեք էին թրքաց հետ և պէտք մը չէին զգար պատերազմելու, եթէ Բ. Դուռը Ապրիլ 16ի դաշինքը իր պատերազմի հրատարակութիւն մը ըմբռնած չ'ըլլար և ըստ այնմ չհրատարակէր Մայիս 2ին առ Պետութիւնս, Ռումանիոյ վարչութեան դէմ ծանուցում մը, զայն սպօրինաւոր և ապստամբ կացութեան մէջ հրատարակելով: Ապա յաջորդեցին Քալաֆաթի և ուրիշ քաղաքաց ռմբակոծումները, որով սակաւ առ սակաւ Ռումանիոյ մէջ պատերազմ փափագող կուսակցութիւն մը ձեւացաւ հայրենեաց պաշտպանութեան համար. և Մայիս 5ին ծերակոյտը առ իշխանն Յայտագրին մէջ կ'ըսէր որ « Մեր երիտասարդ բանակը, հպարտ՝ ունենալով դիւցազներէ սերեալ գլուխ մը, գկարոյոս Ա Նոհէնձոյլէրն, պիտի գիտնայ կատարել իր պարտքը »: Եոյն իմաստով պատասխանեց չորս օր վերջը իշխանը, յայտարարելով առ ծերակոյտն բանակին պատրաստ ըլլալը և արութիւնը « իր նախնեացը օրինակին հետեւելով, որոնք քրիստոնեայ քաղաքակրթութիւնը պաշտպանեցին Արեւելքի դրանց քով »: Մայիս 10ին, իշխանը հրովարտակով մը զբանակը երկու կը բաժնէր, իր բարձրագոյն հրամանաց ներքեւ: Չլանիչէանօ հազարապետը գլուխ կ'անուանէր սպայակուտին. զգօրավարն Լուպու՝ հրամանատար Առաջին զօրաբաժնին և զգօրավարն Արեքսանդր Ռատոնիչ՝ հրամանատար Երկրորդ զօրաբաժնին: Միան-

զամայն կը հրատարակէր որ օտար Պետութեանց ծառայող ուսմէն սպայք իրենց աստիճանով կ'ընդունուէին հայրենեաց բանակին մէջ: Այսպէս Ռուսմանիա բաց ի քաղաքաց պահանջներէն, 50,000ի բանակ մը ունենեցաւ հայրենեաց անկախութիւնը ձեռք բերելու համար: Յետ պատերազմը ընդունուելու խօսարանին մէջ Մայիս 11ին, 58 քուէիւր ընդդէմ 29ի, Մայիս 14ին Արտաքին Գործոց պաշտօնեայն՝ Քոկալնիչէանօ, ծանոյց Եւրոպիոյ Պետութեանց որ Ռուսմանիա թուրքիոյ բռնած ընթացքէն բռնադատուած, կը մտնէր պատերազմող կացութեան մէջ: Երթալով տարածուեցաւ պատերազմելու եռանդը և Մայիս 21ի խօսարանը 79 քուէիւր 81 քուէարկուաց մէջէն, հրատարակեց « թուրքիոյ հետ յարաբերութեանց խզումը և Ռուսմանիոյ բացարձակ անկախութիւնը, Վստահ Պաշտպան Պետութեանց արդարութեան վրայ »:

Երկրորդ օրը Բուզրէշտ մայրաքաղաքը մեծ ուրախութեան մէջ էր. ամեն կողմ կը ծածանէին ուսմէնական դրօշակը: Թնդանօթի 101 հարուածք իմացուցին ժողովրդեան որ կարողոս իշխանը անկէ վերջը անկախ իշխող մ'էր: Մերակուտին և խօսարանին ղիւանք պալատը երթալով, ընծայեցին իշխանին ազգին և մայրաքաղաքին մաղթանքները և իղձերը: Մերակուտին նախագահը Դեմետր Բրատիանօ աւելցուց, որ « փութով Եւրոպա պիտի ողջունէ ջեր Բարձրութիւնը՝ Մեծ թագաւոր Ռուսմանիոյ »: Իշխանը յուզուած պատասխանեց որ կը տեսնէր վերջապէս իր ըզձից լրումը և վստահ էր Եւրոպիոյ արդարութեան վրայ: Հասաւ Պլոյէսթիէն Նիկոլա մեծ դուքսը և միաբան մայր եկեղեցին ղիմեցին գոհաբանական աղօթքը կատարելու անթիւ ժողովրդեան հետ, որուն ուրախութիւնը աննկարագրելի էր:

Քիչ օր վերջը կարողոս իշխանը գնաց Փոքր-Վալաքիա, ուր Ռուսք մտած չէին, անձամբ տեսնելու պաշտպանութիւնը. և թրքաց կարկտանման թափած գնդակներուն ներքեւ խրախուսեց իր զինուորը: Ապա

դարձաւ մայրաքաղաքը բանակցելու ոուս սպայակուտին հետ՝ ուսմէն բանակին գործադրելիք դերին նկատմամբ :

7. — Թուրք վարչութիւնը չէր կրնար կասկածել, որ Ռուսմանիա այսպէս փութով հրատարակէր թշնամւոյն կողմն անցնելը և պատերազմի պատրաստ ըլլալը : Թուրք բանակը ի իրկանց թշնամի չունենալու համար, սահմաններ էր Ռուսիոյ հետ պատերազմ չսկսած, զօրաւոր հարուածով մը ջախջախել նախ մոնտէնէզրոցի բանակը և ապա բանակները միացնել Բալկանի ոտքը : Սիւլէյման փաշա 30,000 բանակով մը հիւսիսէն պիտի յարձկէր Գուկայի կիրճերէն և պիտի ազատէր Նիքսիչ, զոր պաշարեր էին մոնտէնէզրոցիք : Արեւելքէն Մէհմէտ Ալի 25,000 զօրքով պիտի մտնէր ի Մոնտէնէզրո Մոռաչայի կողմէն և հարաւէն Ալի Սայիպ փաշա 20,000 զինուորօք Պոտկորիցայի վրայէն անցնելով պիտի մտնէր Զէտայի ձորերէն : Այս երեք բանակքը պիտի միանային Զէթիւնի վրայ և ապստամբութիւնը պիտի խեղդէին մայրաքաղաքին մէջ :

Մոնտէնէզրոցի պատերազմը :

Իսկ Նիկոլա իշխանին բանակը 20,000 զինուորէ կազմեալ էր, որոց կը հրամայէին՝ ինքն իշխանը (սպորդի վրայ իր աները Վուքովիչ՝ կրիստաչի կողմը. և ի հարաւ Ալի Սայիպի դիմաց՝ Բոյո Պետրովիչ, ծերակուտին նախագահը : Այսքան սակաւաթիւ բանակ մը անհնար էր որ համարձակեր այնքան մեծագումար բանակներու առջեւ ելլել, սակայն Մոնտէնէզրոյի լեռնային զիրքերը և դժուարանցանելի կիրճերը մեծագոյն բազմութեան մը պէտք չունէին պաշտպանուելու համար : Պատերազմը Բունիս 1ին սկսաւ : Տաճիկը յարձկեցան հիւսիսէն և հարաւէն : Սիւլէյման փաշա չուեց զէպ ի Գուկայի կիրճերէն և յանձկեցաւ կրիստաչի վրայ : Պետար Վուքովիչ իր գունդերէն մաս մը զրկած էր կորանսքոյի կողմը, որով գրեթէ իր կէս բանակով բռնադատուեցաւ կուրի Սիւլէյման փաշայի հետ : Մոնտէնէզրոցիք իրենց անհամեմատ նուազ թուովն հանդերձ, արուսթեամբ բաղխեցան թուրք գունդերուն հետ, սակայն

Յունիս 4. հինգ ժամ մոլեգնաբար կռուելէն վերջը, յետ կորսնցնելու եօթը հարիւր զինուոր, բաց ի վիրաւորներէ, յորս գլխաւորներէն ոմանք, չկրցան Սիւլէյման փաշայի ընթացքը խափանել և քաշուեցան Պրէսսիէքոյի բով: Յունիս 4ին երեկոյ, թուրք զօրավարը տիրեց Կրիստաչի դիրքերուն, ինքն ալ կորսնցնելով 500 զինուոր և շատ մը վիրաւորք: Յետոյ Յունիս 5ին Սիւլէյման փաշա չուեց Գուկայի կիրճերը և բաղխեց ուժով:

Նիկոլա իշխանը որ դիմեր էր ումբակոծելու գնիքսիչ, բանադատուեցաւ թողուլ զայն և քաշուիլ դէպ ի (Սպրոկ, ուր միացաւ իրեն նաեւ Վուրովիչ: Սիւլէյման փաշա իր յաղթական ընթացքով Յունիս 17ին հասաւ (Սպրոկի դիմաց և տիրեց անոր, անկէ չուեց դէպ ի Զէտայի ձորը ուր պիտի միանար Ալի Սայիպ փաշային հետ: Սակայն վեց օր կռուեցաւ լեռներու մէջ, հազիւ երեք մղոն յառաջելով և հազարաւոր զինուոր կորսնցնելով և հրը հասաւ Զէտայի ձորը, չգտաւ հոն ոչ զՄէհմէտ և ոչ Ալի Սայիպ փաշաները: Առաջինը Մորաչայի վրայ յաջողութիւն մը չէր ունեցած և երկրորդը Մորէքանիքի բով ահաւոր պարտութիւն մը կրելով Քոյո Պետրովիչէ, թուրքեր էր դաշտին վրայ՝ հազարէն աւելի մեռեալ, զէնք, դրօշակ և անբաւ պաշար և քաշուեր էր Սիւլայի մէջ, ուր կրնար պաշտպանուիլ թուրք թնդանօթներով: Սիւլէյման փաշա Զէտայի ձորին մէջ չհանդիպելով միւս փաշաներուն, ինքն ալ դիմեց Սիւլայ, ուր հրաման ընդունեցաւ իր գունդերով նաւ մտնել Բալկաններու պաշտպանութեան երթալու համար: Մէհմէտ Ալի Վիտին պիտի երթար. և Ալի Սայիպ միայն կը մնար յԱռնաւուտլուք, պաշտպանողական կացութեամբ:

Սոնտէնէքրոցիք՝ որոնք մեծ հարուածներ ունեցեր էին Սիւլէյման փաշայէն, ուրախութեամբ լսեցին անոր մեկնիլը, Ռուսաց Դանուբը անցնիլը և դէպ ի Բալկանները չուելը:

Աղերասնոր թ. ի Ռումանիա.
— Ռուսք կ'անցնին Դանուբը:

Տ. — Երբ ռուս բանակները Ռումանիա մտնելով չուեցին դէպ ի Դանուբի եզերքները և ամրացան թրնդանօթներով, ձարը մեկնեցաւ Քիշնէֆէն և Յունիս 6ին

հասաւ ի Պլոյէստի, հետը ունենալով թագաժառանգ իշխանը և վլատիմիր և Սերգիոս որդիքը, կորչաքոֆ իշխանը, իգնատիէֆ զօրավարը և բոլոր իր զինուորական տունը: Հոն եկաւ զինքը ողջունելու Ռումանիոյ կարողոս իշխանը. և ձարը իրեն փոխադարձ այցելութիւնը կատարեց Բուզրէշո մայրաքաղաքին մէջ, ժողովրդեան անհամար կեցցէներուն և ուրախութեանց մէջ. որ այսպէս առաջին անգամ կը զգար անկախ ազգ մը ըլլալը: Աղերսանդը Բ Պլոյէստի դառնալով, ընդունեցաւ նաեւ Սերբիոյ Միլան իշխանին այցելութիւնը, որ եկած էր պարզապէս ողջունելու, պահելով միանգամայն խիստ չէզոքութիւնը, Աւստրիոյ բնաւ կասկածի մը նիւթ չտալու համար: Այսու հանդերձ այս այցելութիւնը կը ստանար իր նշանակութիւնը թուրք վարչութեան առջեւ: Աղերսանդը Բ զՄիլան իշխանը ընդունելով մեծ պատուով և սիրով, յիշեց ոռւս ազգին Սերբիոյ համար ըրած զոհողութիւնքը և մշտտեւ համակրութիւնը:

Կը համարուէր որ Յունիսի սկիզբը Ռուսը պիտի կրնային անցնիլ Դանուբը. սակայն ջուրերուն բարձրութիւնը անկարելի ըրաւ զայն: Յունիս ՉՕին հեծեալներէ և թնթանօթածիգներէ կազմուած բանակ մը, որուն կը հրամայէր զօրավարն Նիմմէրման, հրաման ստացաւ, ինչ ալ ըլլայ, ջանալ անցնիլ գետը: Արդէն երկաթուղուով անթիւ նաւակներ և լաստեր բերուած էին անմիջապէս կամուրջ ձգուելու համար:

Յունիս Չ1էն Չ2ի գիշերը գունդերը դիմացի կողմը հսկողութիւն մը չտեսնելով, սկսան անցնիլ նաւակներով և լաստերով և ուղղուիլ դէպ ի Բուճաքի բլուրները որ քսան քիլոմէրը հեռու էր Մաչինէ. զոր անհրաժեշտ պէտք էր ձեռք բերել կուռելու յենարան մը ունենալու համար:

Կանխապէս տեսանք որ Արդիւլ Քէրիմ Տորրուճայի այս ճախճախուտ ափանց պաշտպանութիւնը ձգեր էր սակաւ գունդերու: Առաւօտեան դէմ Բուճաքի բլուրներուն վրայ եղող բաշիպոզուքները տեսան խազախնե-

րուն սինակաց յառաջելը, իջան մոլեգնաբար կրարինայի ճահիճներուն մէջ և սկսան կոխ մը ջուրերուն և տիղմերուն մէջ: Սակայն փութով բռնադատուեցան փախչելու. և կէսօրին ոուս դրոշակը կը ծածանէր Բուճաքի բարձունքներուն վրայ, որոնք կը տիրէին Մաչին քաղաքին: Արդէն քաղքիս բայմաքամը մէջի մահմէտական բնակիչներով մեկներ էր և կը մնային միայն քրիստոնեայք, որոնք մեծ ընդունելութիւն ըրին ոուս յառաջապահին և որ հասաւ փութով Միմմէրման զօրաբաժինը: Մաչին քաղքով բաց էր Ռուսաց դիմաց ամբողջ Տորբուճա նահանգը. և առանց կոռւի տիրեցին Իսաչայի, Դուլչայի, Պապատաղի և Հիրսովայի. բռնեցին նաեւ զՔէօստէնճէ՝ Սեւ ծովուն վրայ և Մէճիտիէ-Չէնովոտայի գիծը Դանուրի վրայ: Այս ամեն տեղերէն բաշխողուքները ելած ժամանակ, թողուցեր էին աւերակաց կոյտեր և քրիստոնէից դիակներ, չինայելով ճամբաներնուն վրայ ո՛չ ծերոց ոչ կանանց և ոչ տղայոց, և գործելով ամենազգի անօրէնութիւն. ի զուր թուրք կանոնաւոր բանակի հրամանատարը ջանացեր էին խափանել:

Սինիցայի
անցքը. —
Ռուսք ի Բուճ-
աքիս:

Գ. — Սակայն Պրայլայի քովէն Դանուրէն անցքը և Տորբուճայի ճախճախուտ եզերքը, չունէր ռազմագիտական ցանկացեալ օգտակարութիւնը: Անոր համար մի և նոյն միջոց հինգ բանակը կը պատրաստուէին անցնել Սինիցայի քովէն, ուսկից պիտի յառաջէին ի Սիսդովա և Բուլղարիոյ ներսը. և այս անցքը թուրք մարտանաւը կը պաշտպանէին, զորս հարկ էր նախ անգործ վիճակի մէջ դնել:

Կլալացէն և ձիուրճէվոյէն երկաթուղւոյ միջոցաւ բերուեցան շատ մի տորբիլակիր նաւակներ, որոց հրամանատար զրուեցաւ Դովիքոֆ նաւապետը, և ասոնք ձգուեցան Դանուրի վրայ¹: Սպայք և նաւաստիք կարկ-

1. Վլըշակին հուականուն պատկերահանը, իր արհեստին արագայ նիւթեր պատրաստելու համար զացած էր կոխը մօտանց դիտելու և տեսնելու Դանուրի անցքը: Սքրիտոֆ տեղապահին հետ շոգեմակակի մը մէջ

տանման գնդակաց հարուածներու ներքե կ'աշխատէին ամեն կողմ ջրին վրայ տորբիլներ դնելու, որուն արգելք կը ջանային ըլլալ թշնամեաց մարտանաւը իրենց հարուածներով : Այսու հանդերձ թուրք զրահաւորը բռնադատուեցան քաշուիլ Նիկոպօլսոյ նաւահանգստին մէջ, որով Դանուրի անցքը մեծապէս դիւրացաւ Ռուսաց համար :

Նիկողայոս մեծ դուքար թուրք բանակաց և նաւերուն ուշադրութիւնը հեռացնելու համար Սիմիցայի վրայէն, Ռունիս Դին հրամայեց ոմրակոծել զՌուսնուք : Քաղաքացիք, 50,000էն աւելի, բնաւ չէին կասկածեր այսպիսի աղետի մը, որով և գնդակներուն յանկարծակի անձրելը փողոցներուն մէջ, սպաննեց անմեղ ժողովրդեան բազմութիւն մը : Այս մարդասպան և աննպատակ ոմրակոծումը տեւեց հինգ օր, այրեց կործանեց հիւանդանոց, մզկիթ, տուն, խրճիթ, ինչ որ պատահեցաւ : Ողջ մնացող արք և կանայք, ուսերնին առած իրենց տղայքը, հիւանդները և վիրաւորները, քաղքէն դուրս ըլլոց վրայ ապաւինեցան : Հոն մնացին առանց պատրաստարանի և առանց հացի : Ոչ ոք կ'ըմբռնէր այս աղետից նպատակը և պատմութիւնը մեծապէս քննադատած է անակնկալ կերպով ոմրակոծում մը, պատճառ քաղքի մը աւերին և բիւրաւոր անձանց մահուան :

Ռուսը նոյն պատրուակաւ սկսան ոմրակոծում մը նաեւ Նիկոպօլսոյ վրայ որ տեւեց հինգ օր, թէպէտ չունեցաւ Ռուսնուքի չափ ցաւաւի հետեւանք մը : Երբ Ռուսնուքի և Նիկոպօլսոյ թուրք հրանօթք լոցեցին և անկարող էին պատասխանելու, հասաւ Սիմիցայի մօտ նաեւ

կը զսնուրը որ մտեցաւ թուրք մարտանաւի մը և ուսանակ մը նետեց սակայն չպայթեցաւ : և երբ կը փախչէին թշնամեաց հրացանի հարուածներուն մէջէն, վիրաւորուեցան թէ Սթրիտուֆ և թէ Վէրշակին : Սթրիտուֆ կանխաւ չէր ուզած միարան անուշ զՎէրշակին, ըսելով որ թէ « Իս մեռնիմ, հայրենիք ինձի պէս բիւրաւորներ ունի, բայց քեզի պէս նկարիչ, միայն զքեզ ունի » : Վէրշակին վիրաց պատճառաւ չկրցաւ ներկայ ըլլալ Դանուրի անցքին : Ապագայ ահաւոր պատերազմի մը մէջ (ի Ճապոն) նորէն պիտի ըլլար կենակից և մահակից իր բարեկամ ծովակալին :

Յունիս 27.

Աղեքսանդր Բ: Հրաման եղաւ Տրակոմիրոֆ զօրավարին գիշերուան մութով նաւակներով և լաստերով անցնիլ գետը: Սիմիցայէն քիչ վեր կը գտնուէր Սիստովա քաղաքը և անոր մօտ Վարտէրայի գիւղը, ուր բանակած էր թուրք վաշտ մը: Երբ Ռուսաց այլ և այլ գունդեր արդէն անցեր էին մեծ լուսթեամբ, այն ատեն միայն պահապանք նշան տուին վտանգին և փութով հասաւ ջոկատ մը որուն կը հրամայէր Ահմէտ փաշա. և մօտակայ նաւերէն սկսան հրացանի հարուածք, որոց յաջորդեցին թնդանօթի գնդակը, որ ընկղմեցին քանի մը լաստակամուրջը, միարան տանելով զինուորը, ըսպայք և հրանօթք: Առաւօտը ծագելով Սիստովայի հրանօթք եւս սկսան կրակ թափել. երկու կողմանէ ահաւոր էր կռիւը և Ռուսք վտանգաւոր կացութեան մէջ էին, տաճիկ զօրուն բուռն բաղիսման առջեւ: Տրակոմիրոֆ հրաման ղրկեց որ կամուրջէն միայն հետեւակը անցնին և մնան հրանօթք, վասն զի մուկին խառնուրդ մը կը սկսէր: Տրակոմիրոֆ անոնց զլուխ անցած ետանդուն յարձակում մը սկսաւ, և պատերազմը նոր կերպարանք առաւ: Հասաւ նաեւ շոգենաւ մը լի զինուորօք, որոնք անմիջապէս դուրս ելան կռուելու: Այն ատեն թուրք գունդերը սկսան նահանջել. ժամը 11 էր. լոցին նաեւ Սիստովայի թնդանօթք:

Այս յաջողութենէն վերջը զօրավարն Տրակոմիրոֆ շուկց Սիստովայի վրայ, զոր թողուցեր էին թուրք գունդերը քաշուելով ի Տիրնովա, միարան տանելով մահմէտական բնակիչքը: Բուլղար նուիրակութիւն մը ընդ առաջ եկաւ ռուս բանակին, քաղաքը յանձնելու համար. ուր մտան թուրքերը կէսօրէն վերջը, ժողովրդեան անպատմելի ուրախութեան ցոյցերով: Ապա քրիստոնեայ բուլղարք յարձակեցան մահմէտականաց լքած տուներուն և մզկիթներուն վրայ. կոտորեցին և կողոպտեցին ինչ որ գտան: Յունիս 27ին շարունակեցին Դանուբը անցնելու ուրիշ զօրաբաժիններ ալ. 28ին անցաւ Աղեքսանդր Բ իր բովանդակ սպայակուտով: Ռուս բանակին հետ անցաւ նաեւ Բուլղարաց 6000 կամաւորաց լեզեներ, որ

պատերազմին սկիզբը կազմուեր էր բուլղար հին հայրենասէրներէ, յորս էին Պէտքօ Գրակոնով և Ջէքօ Պէտքով նշանաւոր հայրենասէրները:

10. — Աղեքսանդր Բ Դանուբը անցնելուն՝ անմիջապէս հրատարակութիւն մը ըրաւ առ Բուլղարս, յորում յետ յիշելու դարէ մը ի վեր և աւելի Ռուսիոյ ըրած զոհողութիւնքը ի նպաստ թրքահպատակ քրիստոնէից, ի նպաստ մասնաւորապէս Ռուսմանիոյ և Սերբիոյ ազատութեան և անկախութեան, կը խոստանար նոյնը քրիստոնէայ Բուլղարաց « որոց խաղաղութեանը համար զրկուեր էր ի Նախաինամութենէ »: Կը յորդորէր նաեւ մահմէտական Բուլղարները հանդարտ աշխատելու հասարակաց հայրենեաց համար: Ռուսիոյ բանակը պիտի ներէր մինչեւ այն ատեն եղած ատելութեանց և անգթութեանց, և սրբազան պիտի համարէր իրեն համար անոնց ընտանիքները: Կ'իմացնէր որ սակաւ առ սակաւ թուրք իշխանութեան տեղ, Ռուսաց Բուլղարիոյ մէջ յառաջելուն, կանոնաւոր նոր վարչական կազմակերպութիւն մը պիտի հաստատուէր, որուն տեղացի բնակիչք ալ փութով պիտի մասնակցէին և բուլղար լէզէոնը իրրեւ տեղացի բանակ մը, պիտի հսկէր երկրին կարգաց և ապահովութեան:

Աղեքսանդր Բ. առ Բուլղարս, Յունիս 28.

Իւ խօսքերէն գործի անցնելով, իշխանն Ջէրբասը, ծանօթ հայրենասէրը, Բուլղարիոյ կառավարիչ անուանեց որ անմիջապէս հաստատուեցաւ ի Սիստովա: Նոր կառավարիչը Սիստովայի քաղաքապետ անուանեց զՊարոն Կէտոֆ և փոխան-քաղաքապետի՝ բուլղար ծանօթ հայրենասէրն Գրական-Նյանքոֆ, որ արդիւնաւոր եղած էր բուլղար դպրոցներու մասին: Նոր վարչութեան սահմանը ամեն օր նոր տիրուած երկիրներով ընդարձակուեցաւ: Իւրոպիոյ ամեն կողմէ բուլղար ուսանողը դիմեցին, յօժարակամ՝ մտնելու հայրենեաց ծառայութեան մէջ, յորում բուլղար լեզուն սահմանուեցաւ իրրեւ պաշտօնական լեզու և նոր կարգեր հաստատուեցան՝ տրոց հաւաքման, զինուորագրութեան և քաղաքական կազմակերպութեան:

Ռուս կր տիրեն Տերնովայի և Նիկոպոլսոյ:

11. — Ռուսաց անարգել յառաջելուն ժամանակ, Արդիւլ Քէրիմ յամառեալ մնացեր էր իր պաշտպանողական ծրագրին վրայ Ռուսճուր, Սիլիստրի, Վառնա և Շումլա քառակողմանիին վրայ: Ռուսաց յառաջապահը Սիստովայի տիրելէն վերջը հասաւ ի Բիէլա, ուր Սանդրայի վրայ ձգուած էր ընդարձակ կամուրջ մը, և ոռու հեծելոց ջրկատ մը բռնեց կամուրջը: Նիկոպոլսոս մեծ դուրսը հոն փոխադրեց ճամբարը. և Յուլիս 3ին զգօրավարն Կուրքօ զրկեց Տերնովայի վրայ, որ Բուլղարաց հին մայրաքաղաքն էր և ուր կային սակաւ թուրք զունդեր պաշտպանութեան համար: Կուրքօ զօրավարը Բուլղարներէն կազմուած զունդով մը, որուն նեցուկ էր Կովկասու խազախ ջրկատ մը, Յուլիս 7ին բռնեց Մուրատ Բէյ և դիտեց որ թուրք զօրքը կը թողուր քաղաքը և կ'ուղղուէր դէպ ի Օսման Բագար: Բուլիս 9ին Ձէրէլէթէֆ իշխանը յառաջեց դէպի քաղաքը, զոր գտաւ անպաշտպան և ուր Բուլղարք ինչպէս ի Սիստովա, աւրեր կողոպտեր էին թրքաց բնակութիւնը: Հասաւ նաեւ Կուրքօ զօրավարը իր զունդերով և խանդավառ ընդունելութիւն գտաւ Բուլղարներէն: Բուլիս 12ին ալ հասնելով Նիկոլա մեծ դուրսը, ի Տերնովա եւս քաղաքական կազմակերպութիւն մը հաստատուեցաւ և փոխան-քաղաքապետ դրուեցաւ Պ. Բալարանօֆ:

Վեց օր վերջը թուրքերը տիրեցին նաեւ Նիկոպոլսոյ, զոր արդէն 20 օրէ ի վեր պաշարեր էին և թուրնու-Մակրրէլի բերդերէն կը ուժակոծէին: Քաղաքը զրեթէ ամբողջ այրեր էր, սակայն միջնաբերդը դեռ կը պաշտպանուէր 6000 զինուորօք և 60 թնդանօթիւք: Քաղաքապետն էր Հասան փաշա և զինուորական հրամանատար՝ Ահմէտ փաշա, որոնք որոշեր էին կռուիլ մինչեւ որ լմնայ ամեն միջոց: Կային նաւահանգստին մէջ նաեւ երկու նաւք, զորս Նովիքոֆ տորբիլներով ներսը փակեր էր: Թուլիս 15ին առաւօտ Քրուսնէր զօրավարը իր զունդերով յարձկեցաւ քաղքին վրայ, տիրելու Սամովիցայի բարձունքներուն: Թուրքերը արութեամբ

պաշտպանեցին զայն մինչեւ երեկոյեան ժամը 10ը. երկու կողմանէ հազարաւոր անձինք ինկան: Սակայն Ռուսք յաջողեցան տիրել քաղաքը շրջապատող բարձունքներուն և փրկւոնէր հոն հանեց թնդանօթքը: Երկրորդ օրը երբ հրանօթք կրակ սկսան Սամովիցայէ, թուրնու Մակըրէլէ և Իսլացէ. անօգուտ էր ընդդիմութիւնը և երկու փաշայք սպիտակ դրօշ բանալով, անձնատուր եղան 6000 զինուորօք: Ռուսք երաժշտութեամբ մտան աւերակ դարձած քաղաքը և տիրեցին թնդանօթներուն. զինուորական մթերքին և պաշարներուն: Ռուս բանակը տակաւին կը շարունակէր յաղթական ընթացքը ամեն կողմ:

12. — Տիրնովայի առմանէն վերջը զօրավարն Գուրքօ՝ շարունակեց իր երազ ընթացքը, որպէս զի թշնամին չզգացած, հասնի իր նպատակին և անցնի Բալկանները: Տեղեկացած էր որ թուրք ընդհանուր հրամանատարութիւնը գրեթէ բոլոր կիրճերը անպատրաստ պար թողուցեր էր. կային քանի մը պահանորդք ի խային Քէօյ կամ խային Պօղազը և սակաւ զունդեր ի Չրպա: Իշխանն յիշէրէտէլի, որ պատերազմը սկսելուն խնդրեր էր թողուլ Պարխու դեսպանատան ատենադպրութիւնը, բանակը զէնք կրելու համար, լաւ տեղեակ բուլղար լեզուի, մտերմացաւ լեռնականաց հետ, անոնց տարազը վրան առնելով. սորուեցաւ թէ ինչ ճամբով պէտք էր հասնիլ ի խային Քէօյ, ուսկից կը մտցուէր Տունճայի հովիտները: Գուրքօ նախ ղրկեց զզօրավարն Ռաւի՝ իր ոահվիրայ գնդով, ճամբան ընդարձակելու, հրանօթներուն անցանելի ընելու համար, ապա ինքը Յուլիս 12ին մտաւ կիրճը բոլոր զունդերովը և հրանօթներով. 14ին առաւօտն ալ անցեր էր Բալկանները՝ թուրքիոյ պատուարները. և իրեն զիմացը կը բացուէր Տունճայի արգաւանդ հովիտը, կոչուած նաեւ Հովիտ Վարդերու, իր բերքերէն ազնուագունին անունէն:

Զօրավարն
Գուրքօ կը տիրէ
խային Քէօյի, Քըզան-
լեթի. — կ'անցնի
Չրպայի
կիրճը:

1. Պատերազմի ժամանակ կարծիք մ'էր Հայոց մէջ որ «զօրավարն Գուրքօ հայ էր և բուն անունն է Գուրգէն»: 1877 Մշակ թիւ 87.

Բնական է այս բովանդակ չուերու միջոց մեծապէս օգնեը էր իրեն բուղար ժողովուրդը և զինակրութիւնը. յորոց ոչ ոք լուր տուաւ և կամ մատնեց թշնամույն, ուսա գունդերուն շարժումը որով կարելի էր և արգելուլ. որովհետեւ թուրքաց հոն թողուցած 3000 զինուորը բաւական էին ընդդիմանալ Ռուսաց անցքին. այնքան դժուարին էր կիրճը: Այս սակաւաթիւ զինուորը տեսնելով զՌուսս արդէն անցած, տագնապաւ փախան դէպ ի Սլիվնօ, թողլով եկաւորաց ձեռքը իրենց ունեցած պաշարը և պատերազմի մթերքը: Սակայն ճամբուն վրայ և մանաւանդ Եէնի Չաղրայի մէջ, չէրքէզները վրէժինդրութեան համար գտած Բուղանին սպաննեցին: Բուղարք Ռուսաց մուտքին վրայ ամեն կողմ ապրստամբեցան և գեղերու մէջ շատ ընդհարումներ եղան, սպաննուելով երկու կողմանէ ալ:

Չօրավարն Գուրքօ, չէր կրնար գոհանալ խայիւն Բողազի անցքով, որ նահանջի մը պարագայի մէջ, չունէր ընդարձակութիւն և դիւրութիւն. ըստ հրամանի նիկոլա մեծ դքսին, հարկ էր փութով տիրել և Չըպգայի կիրճին: Յուլիս 16ին չուեց դէպ ի Քըզանլըք գեղեցկանիստ քաղաքը, և 17ին հասաւ մօտ, ուր թուրք գունդերը նոր հասեր էին Չըպգայէն. սակայն տեսնելով Ռուսաց բազմութիւնը, յետս նահանջեր էին, թողլով Ռուսաց ձեռքը երեք թնդանօթը և հարիւրէն աւելի գերի: Գուրքօ մտնելով Քըզանլըք որ 12,000 բնակիչ ունէր, յորոց գրեթէ 8000ը քրիստոնեայք, հրամայեց զինաթափ ընել մահմէտականքը և անոնց զէնքերը բաժնեց Բուղարներուն, անոնց յանձնելով նաեւ քաղքին պաշտպանութիւնը: Բայց այդ զէնքերը ամենն ալ միայն քաղքին պաշտպանութեան չգործածուեցան: Անուրանալի է որ Բուղարաց կողմէն ալ ահաւոր անգթութիւնք եղան ընդդէմ մահմէտականաց¹:

1. Ի Բուղարիա եղան զիւղեր յորս քրիստոնեայ և մահմէտական բնակիչք համբաշխարար միարանեցան, որ եթէ ուս բանակը ներս մտնէ, այն ատեն քրիստոնեայք պաշտպանեն զմահմէտականս և փոխադարձաբար թէ թուրք բանակը մտնէ:

Գուրքօ զօրավարը Գրգանլըքի վրայ չուելու ժամանակ, ուրիշ կողմանէ Յուլիս 16ին իշխանն Սվիատորլք Միրսքի, հետեւակաց իններորդ զօրաբաժնով հասեր էր ի Գարրովա, և հրամայեր էր յարձակիլ դէպ ի Չրպգայի անցքը: Այդ անցքին, որ ծովէն 1200 մէդր բարձրութիւն ունի, կը տիրէ Ս. Նիկողա լեռը, որուն վրայ շինուած էին ամենահայեաց և ամուր բերդեր, և շրջապատուած գետնափոր պատասպարաններէ: Ռուսաց գունդերը յառաջեցին չորս սիւնակ. հոն հասեր էր նաեւ մեծ դուքան Նիկողա Նիկողայեվիչ: Ռուսք ահաւոր ընդդիմութիւն գտան զառիվայրներուն վրայ, և յետ ահաւոր սուխնով կոռոյ մը, յորում երկու կողմանէ ալ ինկան հարիւրաւոր անձինք, իշխանն Միրսքի բռնադատուեցաւ նշան տալ նահանջի և սպասել Գուրքօ զօրավարին գալստեան:

Յուլիս 17ի կէսօրէն վերջը զօրավարն Գուրքօ իր հեծեալը ղրկեց նախ ի Չրպգա, Ուշաքով զօրավարին հրամանատարութեան ներքեւ, որ քան զչափն անկասկած յառաջելով, յանկարծ պաշարուեցաւ բաշիրոզուքներէ. որոնք անդադար կրակ թափելով Ռուսաց վրայ, վիրաւորեցին և զՈւշաքով զօրավարը որ հազիւ կրցաւ փախչիլ մօտաւոր անտառ մը և ազատիլ մահուրնէ, թողլով ուրիշ վիրաւորներ: Սակայն թուրք գունդերն ալ այս կոռոյն վրայ քաշուեցան Չրպգայի ներսը:

Զօրավարն Գուրքօ Յուլիս 18ին հասնելով տեղւոյն վրայ, նախ առաջարկեց առ թուրք հրամանատարը անձնատուր ըլլալու. և երբ պատասխան մը չ'ընդունեցաւ, այն ատեն հրամայեց ընդհանուր յարձակումը. զոր շատ տեղ զինուորք կը կատարէին գրեթէ մազլցելով հասնելու Չրպգա գիւղը, որ 800 մէդր բարձրութեան վրայ շինուած էր: Թուրք զինուորք վերէն կարկտանման հարուածք կը տեղային. բայց ոռու զինուորք առանց նայելու քովերնին ինկնողները, կը յառաջէին միօրինակ քաջութեամբ, և նոյնպիսի թափով երբ գրեթէ 700 մէդր բարձրացած էին, թուրքաց կողմանէ տեսնուեցաւ սպիտակ դրօշ մը և ոռու բանակը դադրեցաւ յարձակումէ:

Սակայն յանկարծակի կրկին սկսան հարուածք, որոնք երկար չտեւեցին: Այս յարձակման միջոց ինկան Ռուսաց կողմանէ երկու հազարապետը¹:

Յուլիս 19ին առաւօտ, թուրք սպայ մը եկաւ Գուրքոյի բանակը փաշային նամակով մը, բանակցելու անձնատուութեան վրայ. և երթալէն վերջը պատասխան մը բերելու համար, երբ այլ եւս չդարձաւ, Ռուսք ջուկատ մը դրկեցին և իմացան որ արդէն պահանորդը փախեր էր դէպ ի Ֆիլիպպէ, թողլով պաշարը և պատերազմի մթերքը: Զօրավարն Գուրքօ բռնեց անմիջապէս Զրպգայի բարձունքը և անցքը ամբողջովին. արդէն ուրիշ ճամբով մ'ալ հասեր էր զօրավարն Աքոբէլէֆ. և ամրացուցին քրոս: թնդանօթներով և պահանորդներով:

13. — Այս ամեն պատահարք յայտնի է ո՛րքան մեծ յուզումն և տագնապ կը պատճառէին օսմանեան մայրաքաղաքին, մինչ անտարբեր աչքով մը կը դիտէր ընդհանուր հրամանատարութիւնը: Ութսնամեայ ընդհանուր սպարապետն Արզիւլ Քէրիմ. արդեօք տարիքին հետեւանք թուրութեամբ մը, թէ անիմաստ ծրագրէ և կամ ճակատագրական սկզբունքէ: Ի սկզբանէ ի վեր ամեն ջանք պէտք էր բրած ըլլալ շթողուլ զՌուսս անցնելու Դանուբը, մինչ անգործ և անզգայ մնացեր էր իր վրանին մէջ: Զօրաց անվճար մնալով, ստէպէին փախչողները և կամ ձեւացեալ հիւանդները: Իր սպայակոյտն ալ հրամանատարին նման պարզ դիտող մ'էր: Իրեն հարցնողներուն կ'ըսէր որ ունէր ծրագիր մը. և զինքը պաշտպանողը կը պնդէին որ անկա-

Տագնապ ի կ. Պօլիս. — Արզիւլ Քէրիմ և Ռէտիֆ փաշա պաշտօնանկ կ'ըլլան:

1. Գուրքօ հարցուց յետոյ, սպիտակ դրօշ վերջը կրկին հարուածներուն պատճառը: Հաշտութեան համար եկող սպայն պատասխանեց, որ զինուորք այնքան մօտ տեսնելով զՌուսս, անհրաման պարպեր էին հրացանին:

2. Երբ Ռուսք մտան թուրքաց թողուցած բանակատեղը, հոն հետագրի մը սեան տակ գտան 23 զլուխը ոտու սպայից և զինուորաց. և ուրիշ կողմ մարմինին քստմեղի կերպով կրճատուածք: Այս օրինակ ամենատխուր պատահարք, որոնք ստէպ են, գանց կ'ընենք ամեն անգամ յիշելէ:

բելի էր այսպիսի նշանաւոր հրամանատար մը չունենայ իր խորհուրդները: Առ Արդիւ Համիդ սուլթան որ մեծապէս տազնապեր էր Ռուսաց Սիստովայի անցքին ժամանակ և կշտամբեր էր զինքը, ինքը խոնարհութեամբ պատասխան տուած էր « չտազնապելու. բնաւ կարեւորութիւն մը չունէր Ռուսաց անցնիլը. ես ունիմ ծրագիր մը որով Իանուրը անցնողը, այլ եւս չեն դառնար իրենց հայրենիքը. կը ինդրեմ ըսել կ. Պօլսոյ եֆէնտիներուն որ հանդարտ թողուն զիս և արգելք չ'ըլլան ծրագրիս »: Սուլթանը պահանջեց գիտնալ իր ծրագիրը. և Արդիւ ֆէրիմ պատասխանեց որ եթէ վրաս ունիք վստահութիւն, թողուցէ՛ք ինձ. իսկ թէ ոչ՝ փոխեցէք զիս »: Այն ատեն Սուլթանը նեղացած, զիէտիֆ փաշա՝ պաշտօնեայ պատերազմի, միարան Նամըք փաշա մարաջախտին, Շումլա զրկեց քննութիւն մը բանալու. և Պատերազմի պաշտօնէութիւնը առ ժամանակեայ կերպով ստանձնեց Մահմուտ Դամադ փաշա, քեույր Սուլթանին, որուն ազդեցութիւնը մեծ էր Պալատան մէջ: Մի և նոյն ժամանակ ծովային զօրութեան պաշտօնեայն Ռէուֆ փաշա, կտրիճ չէրքէզ մը, բայց ոչ ռազմագէտ, Ադրիանուպօլիս զրկուեցաւ հրամայելու նոր կազմուած բանակի մը ամեն տեսակ տարրերէ. որուն նպատակը պիտի ըլլար ամրացնելու զՉրպա և չթողուլ Ռուսաց ո՛ր և է անցը մը: Անոր համար մայրաքաղաքին զայրոյթը և յուզումը մեծ եղաւ, երբ լսուեցաւ խային խողազի և Չրպայի առումները. և ամենայն ոք տազնապէն զթշնամին կ'երեւակայէր արդէն կ. Պօլսոյ դուռը հասած: Հարկ եղաւ որ վարչութիւնը պատուիրէ լրագրաց նախ սուտ հանելու, և ապա մեղմացնելու այս պատահարը:

Այսու հանդերձ անկարելի էր ծածկել եղելութիւնը և գիտցաւ ամենայն ոք որ Ռուսաց բանակը կ'ըսպառնար նաեւ Իշէնի Զաղրայի և Լակի Զաղրայի: Ամեն տեսակ ամրաստանական ձայներ տարածուեցան ընդհանուր սպարապետին և պատերազմի պաշտօնէին նկատմամբ. որոնք պաշտօնանկ ըլլալով, աքսորի սահմա-

նուեցան : Յուլիս 23ի պաշտօնական լրագիրը ծանոյց որ վարչութիւնը դատի ներքեւ կը դնէր զԱրդիւլ Քէրիմ և Իէտիֆ փաշաները : Պատերազմական ատեան մը կազմուեցաւ, որուն նախագահ անուանուեցաւ մարաշախտն Նամըք փաշա, որ այս պատճառաւ կանչուեցաւ Շումլայէ : Դատաւորներէն մին էր նաեւ մարաշախտն Հալիմ փաշա անդամ ծերակուտի և հօրեղբայր Ազիպտոսի խտիվին : Եւ որովհետեւ Արտաքին Գործոց պաշտօնեայն Սալֆէդ փաշա, խորհրդոյ մէջ տխուր նկարագրեր էր թուրքիոյ զինուորական կացութիւնը, պաշտօնանկ եղաւ և տեղը դրուեցաւ Արիֆի փաշա, որուն յետոյ յաջորդեց Սէրվէր փաշա :

Նոյն Ատեանը պիտի դատէր նաեւ զԷշրէֆ փաշա, հրամանատար Թուսճուքի. ուրիշ առնուած քաղաքներու փաշաներ, յորս նաեւ Արտահանի Հիւսէյին Սաբրի փաշայն, որուն վրայ կաշառակերութեան ամբաստանութիւն կար ¹ :

Մէհմէտ Ալի
փաշա ընդհանուր
հրամանատար կ'ա
նուանուի :

14. — Բանակին ընդհանուր հրամանատար անուանուեցաւ զօրավարն Մէհմէտ Ալի փաշա, երբեքն Յուլիոս Գէտրուա, ծնեալ ի Համբուրկ. որ տակաւին 16ամեայ, նաու մը ծառայելով փախել էր ի Կ. Պօլիս. և հոն ընդունելով մահմէտականութիւնը, փաշայի մը պաշտպանութեամբ կրցեր էր մտնել Պանկալտի Զինուորական վարժարանը. և ապա նշանաւոր եղեր էր 1867ի և 1869ի ի Կրետէ, յետոյ ի Թեսալիա, Սերբիա և Մոնտէնէգրօ. և ներկայիս հրամանատար էր վիտինի :

Մէհմէտ Ալի փաշա յիսնամեայ էր և գործունեայ. բանակը հասնելով, նախ հոգ տարաւ կարգապահութեան, և քովը կոչեց օսմանեան ծառայութեան մեջ եղող եւրօպացի զօրավարներէն զԲաքըր փաշա, զՔլապկա, Բլում և Սորէքէր զօրավարները, որոնք մէկզի թողուած էին


1. Դատր շատ ամիսներ տեւեց, և երբ երկիւղ կար որ յայտնուին պալատական շատ մը գաղտնագործ հարազտութիւններ, մանաւանդ նկատմամբ Մահմուտ Գամաղ փաշայի, այն ատեն ամբաստանեալքը արտօրուեցան ի Լ. Լինոս :

իրբեւ օտարք. և անմիջապէս տեսնուեցաւ եռանդ մը և գործունէութիւն, որոնք ազդեցին պատահարաց վրայ:

Վարչութիւնը կոչեւ էր Մոնտէնէզըոյն Բալկաններու ոտքը և զՍիւլէյման փաշա, որ յաջող ռազմագիտութիւն ցըցուցեւ էր Մոնտէնէզըոյի պատերազմաց մէջ և Ալէքսինացի առմամբ: Սիւլէյման փաշա հասնելով երազարար Դէղէ Աղաճի ճամբով, անմիջապէս բռնեց Քարարունարի դիրքը, որ Եէնի Զաղրայի և Լսկի Զաղրայի հետ եռանկիւն մը կը կազմէ. և յարարերութիւնը հաստատեց Ռէուֆ փաշայի բանակին հետ:

Մէհմէտ Ալի և Սիւլէյման փաշաներուն հրամանատարութիւնքը սկսած ժամանակ, Ռուսք ունեցեւին ուրիշ յաջողութիւնք ալ Ասիական կողմը:

Սիւլէյման
փաշա ղէպ է
Զրպա:



Գ Լ ՈՒՆ Ժ Թ .

ՀԱՅԱՍՏԱՆԻ ՄԵՋ ԹՈՒՐԳ-ՌՈՒՍ ՊԱՏԵՐԱԶՄ

1. Ասիական ոսու բանակը. — զօրավարն Լորիս Մէլիքով
- 2. Թուրք բանակը. — Ահմէտ Մուխթար փաշա. — 3. Տէր Ղուկասով զօրավարը. — Տէր Ղուկասով կը տիրէ Բայազիտի, Իւչքիլիսէի և Աւաշկերտի. — 4. Աշերսանյորուպօլի բանակը. — Հայոց սիրաւիբ ընդունեցիւթիւնը. — 5. Ախլցիսայի բանակը. — կը դիմէ ղէպ յԱրտաշան. — 6. Արտաշանի առումը. — 7. Արտաշանի առման լուրը ի Կ. Պօլիս. — 8. Ռուսը կը չունն կարսի վրայ. — Մուխթար փաշա կը թողու զԿարս. Բէնքէի Ահմէտի կոնը. — 9. Ռիոնի բանակը. — 10. Ռուսը կը տիրեն Աջրուայի եզերքներուն. — 11. Ռուսը ղէպ ի Բաթում. — 12. Թուրքաց արշաւանքը ի Սոխում Քալէ. — Թուրքիոյ յաշողութիւնքը և յաղթութիւնքը. — Ելկոնիկով հազարապետը կը վանկ Թուրքերը. — Թուրքերը կը մեկնին Սոխում Քալէէն. — 15. Հայաստանի թուրք բանակին կացութիւնը. — Կը յաղթուի ի Տրում Տաղ. — 16. Թոփ Տաղրի յաղթութիւնը. — Յաղթութիւն ի Միլլի Տիւզ. — 17. Տէր Ղուկասովի նահանջը ղէպի Խրեւան. — Քիւրտերու անօրէնութիւնք. — 18. Բայազիտի պաշարումը ի Թուրքաց. — Տէր Ղուկասով կ'ազատէ բայց կը թողու:

Ասիական ոսու
բանակը. — զօ-
րավարն Լորիս
Մէլիքով:

1. — Ռուս կառավարութիւնը թուրքիոյ եւրոպա-
կան գաւառաց վրայ պատերազմած ժամանակ, իր աւան-
դական զրութեամբ արշաւանք մը սահմաններ էր նաեւ
ասիական գաւառաց, և մանաւանդ ճիշդ Հայաստանի
վրայ, որուն ժողովրդեան համակրութեանը վրայ լիովին
վստահ էր. և որ միշտ օգններ էր իրեն, մանաւանդ
ճամբայ բացեր էր ոռուս աշխարհակալութեան, թէ ի
կովկաս և թէ ի Հայաստան:

Ասիոյ բանակը կը կազմուէր 180,000 զինուոր-ներէ, որոց ընդհանուր հրամանատարն էր անուամբ և պատուով մեծ դուքան Միքայէլ. այնքան սիրելի կով-կասի ժողովրդոց իր փոխարքայութեամբը հոն: Բայց իրական ընդհանուր հրամանատարն էր հայազգի զօ-րավարն Լորիս Մէլիքով: Բանակը չորս զօրաբաժնի վերածուած էր. առաջինն էր Ռիոնի բանակը 30,000 հոգով, որուն հրամանատարն էր զօրավարն Օքլորճօ, երկրորդն էր Ախլցխայի բանակը 35,000 զինուոր, հրա-մանատար զօրավարն Դէվէլ. երրորդն Երեւանայ բա-նակը 40,000 զինուորօք, որուն հրամանատարն էր հայազգի, հայասիրտ զօրավարն Արշակ Տէր Ղուկա-սով. չորրորդ բանակին, որ կազմուած էր 60,000 զինուորներէ կը հրամայէր զօրավարն Լորիս Մէլիքով:

Լորիս Մէլիքով այս միջոցիս յիսուն և երեք տա-րուան էր: Արդէն նշանաւոր 1854ի Շամիլի դէմ կռիւ-ներուն մէջ, 1855ի կարսի պաշարման ժամանակ հա-զարապետի աստիճան ընդունեք էր և լաւ կը ճանչնար այդ երկիրները: Ռուս վարչութիւնը հայազգի զօրավար մը ընդհանուր հրամանատար անուանած ժամանակ, լաւ գիտէր որ ինչ քաղաքագէտ և հաճելով գործ մը կը կատարէր նկատմամբ այն թրքահայ երկիրներուն, որոց մէջ պիտի մտնէր իր բանակը: Լորիս Մէլիքով հրամա-նատարի ռազմագէտ և քաջ յատկութեանց հետ, ունէր միանգամայն քաղաքագիտական թափանցող սրամտու-թիւն մը և արեւելեան գրաւիչ վարմունք մը և լեզու: Ինքը հայ և իշխանական ցեղէ սերեալ, արդէն ծանօթ և յոյժ համակրելի էր թրքահայոց, մանաւանդ ի կ. Պօլիս, ուր Չարին կողմանէ երբեմն նուիրակ գացած էր, Վատթէոս կաթողիկոսը ոռուս պետական նաւով բերե-լու ի Ռուսաստան: Այդ առթիւ թրքահայ ազգասի-րաց խանդը հասուցեք էր իր գերագոյն աստիճանին. որոնք յետ այնքան գերութեանց դարբնու, կ'ողջու-նէին հայ զօրավար մը, ըլլայ թէեւ ոռուսի ծառայութեան մէջ: Բայց որ ուրախալին էր՝ կ. Պօլսոյ այն ժամա-նակին վարչութիւնը հաճութեամբ դիտեք էր ի պատիւ

հայ զօրավարին հայ ազգէն արտայայտեալ տոհմային և ընտանեկան ուրախութիւնքը: Մայրաքաղաքին մէջ լաւաւ զովեստը և համակրութիւնք լրագիրները տարածելի էին գաւառաց մէջ. և ի Հայաստան իրրեւ հրամանատար մտած ժամանակ, արդէն ծանօթ և սիրելի տիպար մ'էր իր ազգայնոց: Զօրավարն Լորիս Մէլիքով ուրիշ ոուս զօրավարաց բաղդատմամբ այս առաւելութիւնն ալ ունէր որ կը խօսէր արշաւելիք երկիրներուն լեզուները. այս միայն յատկութիւնը շատ մը թուրք և քիւրտ ցեղապետներ շահեցաւ ոուսաց կողմը. զորս աւելի հաստատուն պահելու համար, վարչութիւնը կուրծքերնին զարդարեց շքանշաններով: Եթէ ոուս բանակը իր ընթացքին մէջ միշտ գրեթէ բարեկամներու հանդիպեցաւ, այդ արդիւնք էր հայ սպարապետին և հայ զօրավարաց ներկայութեան: Լորիս Մէլիքով ի սկզբանէ նշանաւոր քաղաքագիտական գործն եղաւ, պատերազմէն առաջ իր սպայակուտով Էջմիածին երթալն և հոն կաթողիկոսէն իր սուրը օրհնել տալն: Աւելորդ է բացատրել այս լրոյն ամենամեծ ազդեցութիւնը բոլոր հայ ազգին վրայ թէ ի Ռուսաստան և թէ ի թուրքիս: Զօրավարն Լորիս Մէլիքով՝ ժողովրդեան ազատարարի կերպարանք մը կը ստանար. և ամեն հայ որ սիրող էր հայ եկեղեցւոյն և իր աւանդութեանց, պէտք էր իր դուռը բանար անոր առջեւ:

Ապրիլ 24ին Մեծ Դուռն Միքայէլ յանուն Աղեքսանդր կայսեր, պաշտօնապէս հռչակեց պատերազմը և « Թանուն Աստուծոյ, Հայրենեաց և Զարին, յառաջ » կարդաց բանակին: Այն օրուրնէ չորս բանակները շարժեցան դէպ ի սահմանագլուխ: Եւ որովհետեւ հայ, վրացի, պարսիկ և թուրք ժողովուրդը զինուորաց բանակ մը միշտ Աստուծոյ պատիժ համարած է, որ մարտիներու կոյտի նման, իջած երկիրը կը չորցնէ, կը լմցնէ. հայ սպարապետը կայսերական հովանաւորութիւն խոստացաւ ամեն ժողովրդոց, որ անմիջապէս հպատակին. և զինուորաց պատուիրեց՝ առածնին անմիջապէս վճարել հաստատուն գիներով,

զորս գլխաւորք պիտի սահմանէին: Գիւղացին մեծապէս ուրախացաւ այս պատրաստ վճարման վրայ. և ամենուն ցանկալի դարձաւ օր մը առաջ ոռուս զօրաց գալուստը:

2. — Այսպիսի բաղդաւոր և յաջող պարագայից մէջ գտնուող բանակի մը դիմացն առնելու համար, թուրք վարչութիւնը ունէր Հայաստանի մէջ մօտ 100,000 զինուոր, բայց ցրուած Բաթումի, Արտահանի, Կարսի, Բայազետի և Կարնոյ ամրութեանց մէջ: Ընդհանուր հրամանատարն էր Ահմէտ Մուխթար փաշա մարաջախտը. ուսեալ զօրավար մը, և թուրք երիտասարդ զօրավարաց մէջ հազուադիւտ ռազմագէտներէն մին: Մուխթար փաշա ծնած էր ի Բրուսա յամին 1837 և ուսման փայլուն ընթացք մը կատարած էր Կ. Պօլսոյ Զինուորական Դպրոցին մէջ զոր շարունակած էր միշտ առանձին¹: Բամին 1854 տեղապահի աստիճանով մասնակցած էր Ղրիմու պատերազմին, բայց իր անունը համբաւ ստացեր էր 1860ի Սէրտար էջրէմ Խամէր փաշայի Գարատաղցոց դէմ պատերազմի առնն, զժնշամին ջախջախելով իւտղուքի կիրճերուն մէջ: Անմիջապէս գնդապետ անուանուեցաւ. և պատերազմէն վերջը ուսուցիչ Բերդերու զինուորական դպրոցին մէջ: Արդիւ Ազիզ զինքը իր Խուսուֆ Իզէզդին որդւոյն դաստիարակ դրաւ և միաբան այցելեցին Խտալիա, Գաղղիա, Անգղիա, Ֆերմանիա, Աւստրիա. ամեն կողմ

Թուրքիոյ բանակը. — Ահմէտ Մուխթար փաշա:

1. Բամին 1882 ի Կ. Պօլիս գտնուած ժամանակ, Հետաքրքրութեամբ ժամանակակից ղեկըրու և ղեմքերու յետած էի որ գրեթէ ամեն տաւառ տեղ՝ բայց մտքուր զգեստներու մէջ սեղմուած սպայ մը, Քաղկեդոնէն դէպ ի կամուրջ գացող շոգենախն սենեկի անկիւն մը քաշուած, աչքը բնաւ թղթակազմ պրակներէ վեր չէր հաներ. շատ հազուադիւտ կամ անգիւտ յատկութիւն մը թուրք զինուորականի համար, և այն այդ ժամանակներոյ: Կերպարանքն կասկածեցան որ ըլլայ Մուխթար փաշա և հարցնելով իմացայ սխալած չ'ըլլալս: Անկէ վերջը իմ ամենամեծ Հետաքրքրութիւնս էր առանց մասնուելու, ընթերցած գրքոյկները ինչ նիւթի վրայ ըլլալը սուր աչքով մը կարենալ տեսնալ: Եւ գտայ որ գրեթէ միշտ էին ուսումնասիրութիւնք հրազինոց կամ հեծելաց գործածութեան մասին, գաղղիարէն լեզուաւ: Այս բաւական է յայտնել իր զինուորական արժէքը:

պատիւներ ստանալով և ամեն կողմ դիտելով և սուրուելով: Յամին 1870 Յէմէնի պատերազմին ժամանակ լիվայութեան աստիճանը առաւ և պատերազմին յաջող վերջանալովը, մարաջախտ անուանուեցաւ: Մեր ժեց միշտ պաշտօնարանի մը գլուխ ըլլալը, ընտրեց հրամանատարութիւններ ի կրէտէ, Շումայ, կարին, Հէր-ձէկովինա: 1876ի զինադադարէն վերջը, նորէն կրետէ ղրկուեցաւ, և երբ 1877ի սկիզբները պատերազմի մը հաւանականութիւնը ծագեցաւ, իրեն հրաման եղաւ անմիջապէս կարին երթալ և Չորրորդ բանակին գլուխ ըլլալ: Սակայն Մուխթար փաշայի յատկութեան չէր համապատասխաններ բանակը: Կը պակսէր զրամ. կը պակսէր դարձեալ ձիաւոր զօրքը, նա մանաւանդ որ ընտրելագոյն գունդերը ղրկուած էին եւրոպական կողմը և ի զուր կը բողոքէր Մուխթար փաշա շատցնելու բանակը: Իր բանակատեղին հաստատած էր ի կարին, որ գրեթէ միշտ ոռւս յարձակմանց աւանդական նպատակն եղած է:

Սակայն Մուխթար փաշայի յատկութեան չէր համապատասխաններ բանակը: Կը պակսէր զրամ. կը պակսէր դարձեալ ձիաւոր զօրքը, նա մանաւանդ որ ընտրելագոյն գունդերը ղրկուած էին եւրոպական կողմը և ի զուր կը բողոքէր Մուխթար փաշա շատցնելու բանակը: Իր բանակատեղին հաստատած էր ի կարին, որ գրեթէ միշտ ոռւս յարձակմանց աւանդական նպատակն եղած է:

3. — Երեւանայ, Ախլցխայի և Աղեքսանդրոպոլի ոռւս բանակները յետ նուաճելու ճամբաներնուն վրայ քիւրտ և քարաքարաք ցեղերը, յետ ճամբաները բռնելու, պիտի միանային կարսի ներքեւ. և յետ զայն ընկճելու պիտի չուէին դէպ ի կարին: Երաւանայ բանակը որուն կը հրամայէր զօրավարն Տէր Ղուկասով, պատերազմին հրատարակութենէն երեք օր վերջը սկսաւ յառաջիկ դէպ ի Բայազիտ, որ իբր բերդաքաղաք, չունէր յիրաւի նախկին կարեւորութիւնը, սակայն պէտք էր ձեռք բերել իր մէջէն անցնող Գավրէժ—կարին—Տրապիզոն ճամբուն տիրելու համար. և յետոյ մօտենալ Աղեքսանդրոպոլի բանակին դէպ ի կարս: Բայազիտի բնակիչք մեծաւ մասամբ թուրք էին, քիւրտ և սակաւաթիւ հայեր: Ապրիլ 27ին երեկոյ Չինկիլի լեռանց մէջ գիշերեց. Երկրորդ օրը բանակը երկու սիւնակ կազմուելով, յառաջեց դէպ ի սահմանագլուխը, աջը Գուշաքի ճամբով և ձախը ()րկայէն: Ապրիլ 29ին բանակը մտաւ Մուրատ Սուի ձորերուն մէջ: Այնքան աւրուած էին ճամ-

Ռուս բանակ-
ները դէպ ի
կարս. — Տէր
Ղուկասով զօ-
րավարը կը տի-
րէ Բայազիտի,
իւշ Քիլիսէի և
Աւազկերտի:

բաները, որ օրը հազիւ 15 քիլոմէտր կրնային չուել. և զինուորը զրեթէ միշտ իրենք ստիպուած էին քաշելու քնդանօթները, որոց օգնելու կը վազէին սիրով տեղացիք՝ մանաւանդ Հայերը:

Մոլոթար փաշա իր պաշտպանութեան զիծը չ'ընդարձակելու համար, պատուիրած էր Բայազիտի պահանորդին՝ քաղաքը թողուլ եթէ Ռուսք մօտենային: Քաղքին Ալի Քիամիլ կուսակալը այս հրահանգին վրայ 2000 պահանորդներով և իր կանանոցով թողուցեր էր քաղաքը, քաշուելով դէպ ի կարին և Տրապիզոն: Ապրիլ 30-ին Ֆիլիպպով հազարապետը, զուրի կրեւանայ բանակի սպայակուտին, մօտեցաւ Զանգիզօրի, որ Բայազիտէ երեք մղոն հեռու է. և քննելով և լրտեսելով որ թուրք զունդերը կը քաշուին, յատաջեց և բռնեց Զանգիզօր: Հասաւ նաեւ Տէր Ղուկասով զօրավարը, որուն դիմաւորեցին Բայազիտի քրիստոնեայ և մահմէտական հոգեւորականները. և տուին իրեն Ալի Քիամիլի մէկ նամակը՝ որով քաղքին բնակիչքը և զինուորական հիւանդները կը յանձնէր նորա վեհանձնութեան: Տէր Ղուկասով յետ խոստանալու իր պաշտպանութիւնը այն ամեն անձի որ զինուր չ'ընդդիմանար, մտաւ Բայազիտ. իմացաւ և խստիւ պատժեց որոնք որ կուսակալին մեկնելէն վերջը աւարառութիւն ըրած էին. Քովալէսքի հազարապետը Բայէզիտի հրամանատար անուանեց. իսկ քաղաքին շահապ դրաւ տեղացի մահմէտականներէն Չաւուշօղլու Շէրիֆ էֆէնտի:

Բայազիտի առումը, թէպէտ առանց պատերազմի, ունեցաւ իր ազդեցութիւնը մերձակայ քիւրտ ցեղերու վրայ, որոց գլխաւորքը սկսան իրենց ծառայութիւնքը և հպատակութիւնը ընծայել Տէր Ղուկասովի: Քանի մը օր մնաց ի Բայազիտ, երկրին մատակարարութիւնը տեղացիներով կարգաւորելու համար, որոց մէջ անուանեց մահմէտականներ ալ: Բետոյ թողուց քաղքին պաշտպանութեան համար 2000 զինուոր և չուեց Տիատինի վրայ, որուն վիճակին մէջ կը բնակէին մօտ 15,000 քիւրտեր: Տիատին ինքնին չուէր կարեւորութիւն մը,

բայց անոր տիրելով, ձեռք բերած կ'ըլլար վանայ ճամբան և հայտէրանլի քիւրտերուն վրայ ազդեցութիւն մը: Տիատինի մօտերը քանի մը հազար պաշտօնաւոր հաւաքուեալ էին. որոնք երբ հետուանց տեսան իշխան Ամիրլոքվարիի գունդերը, զորս ղրկել էր կանխաւ զօրավարն Տէր Ղուկասով, անմիջապէս ցրուեցան. և Տէր Ղուկասով տիրելով Տիատինի, հոն ալ թողուց պահանորդք վանայ ճամբան պահելու համար: Յետոյ ամբողջ բանակով մտաւ Մուրատ Սուլի ձորը, հասաւ Ս. Յովհաննէս վանքի մօտ (Իւշ Քիլիսէ). ուր բոլոր հայ զինուորականք ուխտերնին կատարեցին: Թուրքերը իւշ Քիլիսէի մէջ շատ ցորեն հաւաքել էին յափշտակութեամբ, հայազգի զօրավարը տէրերուն դարձուց և աղքատաց սերմ բաշխեց: Հոն իմացաւ Տէր Ղուկասով զօրավարը որ թշնամի գունդեր բանակած էին Քարաքիլիսէ, Ալաշկերտ և Աշխանէ. անոր համար տասուերկու օր մնաց ի Ս. Յովհաննէս, իր բանակը կազմելու և պատրաստուելու յանկարծական յարձակման մը: Սակայն այդ թուրք գունդերը, Ռուսաց մօտենալով՝ հեռացան. և Յունիս Կին Տէր Ղուկասով Քարաքիլիսէ մտաւ առանց պատերազմի: Քարաքիլիսէի աջ կողմէն կ'անցնի Շահեօլու ճամբան, որ կաղզմանի վրայով կարս կ'երթայ. և որովհետեւ Լորիս Մէլիքովի բանակը արդէն տիրել էր կաղզմանի և կը պատրաստուէր կարս չուելու, զօրավարն Տէր Ղուկասով իր ծրագիրը կատարած կը համարէր Աղեքսանդրոպօլի բանակին մօտեցած ըլլալովը. և բնակեցաւ Մուրատ Սուլի արգաւանդ և ջրոտ ձորերուն մէջ. միանգամայն տիրելով Ալաշկերտի և Չէյտիկեանի:

Աղեքսանդրոպօլի բանակին յատուցելու. — Տեղացւոց սիրտիւր բնորոշելու յեկտիթիւնը:

4. — Երեւանայ բանակին այս շարժմանց ժամանակ Աղեքսանդրոպօլի բանակն ալ կատարել էր իր ծրագիրը: Մեկնած առաջին օրը, շատ նեղութեամբ հրանօթքը անցուցեր էր Արփաչայէն. և այն՝ օգնութեամբ տեղացի Հայոց. որոնք սիրով դիմել էին հայրենասիրական մեծ յոյսերով: Երբ զօրավարն Լորիս Մէլիքով մօտեցաւ սահմանազլխին, սկսան այլ և այլ

ցեղերու բէյեր ընդ առաջ գալ, խոստանալով հպատակութիւն և օգնութիւն: Այլ և այլ դիմող կամաւորներէ գունդ մը ձեւացուց որոնց հրամանատար դրաւ Քիշմիր շէֆ զօրավարը:

Աղեքսանդրոպօլի բանակին առաջին հանգիստը եւ դաւ ի Մուլա Մուսա, սահմանագլխին մօտ: Երկրորդ օրը զօրավարն Լորիս Մէլիքով հրաւիրեց բոլոր տեղացի հայերը իր վրանին առջեւ և մեծածայն կարդաց Մեծ դուքս Միքայէլի հրատարակութիւնը առ հայ ազգը. որով Ասիոյ պատերազմը հայ ժողովրդեան ապագայ երջանկութեան նպատակի մը համար կարծես ձեռնարկուած կ'երեւար: Այդ հրատարակութիւնը որ կ'ապահովցնէր հայ ազգին ամեն պաշտպանութիւն, ընդունելի եղաւ ուրախալից կեցցէներով: Ապրիլ 26ին բանակը անցաւ Կարսչայը, որ Արփաչայի առուակ մ'է. ջուրը ցած ըլլալով թէ զօրքը և թէ հրանօթք անցան դիւրութեամբ: Գետէն անդին հայ զիւղերու բնակիչք, սիրով ընդունեցան ոռու սպայքը և զինուորները, որոց մէջ ունէին ծանօթներ և ազգակիցք: Լորիս Մէլիքով սէր կը ցուցրնէր հպատակողներուն և խոստութիւն հակառակ երեւոյցներուն: Շահնատար գիւղին բնակիչքը փախած ըլլալնուն համար, զօրավարն Լորիս Մէլիքով ի իրատ ուրիշ զիւղերու, կործանել տուաւ Շայնատարը: Ընդհակառակն Չիւրիւք Տէրէի բնակիչք՝ հայ, յոյն, մահմէտական, իրենց հոգեւորականներով ընդ առաջ եկան Լորիս Մէլիքովի, նուիրելով աղ և հաց: Հայ զօրավարը սիրով ընդունեցաւ զամենը և ծանոյց որ « (Պոստափառ Չարը կը թողուր ամենուն իրենց կրօնքը, լեզուն և սովորութիւնքը. տեսէք զիս, կ'ըսէր, գիտէք որ ոռու չեմ ծնած, կը պատկանիմ հայ եկեղեցւոյ և իմ մայրենի լեզուս հայերէնն է, և սակայն այսօր հրամանատար եմ ոռու գունդերու. վասն զի (Պոստափառ կայարը միայն արդեանց կը նայի. և չնայիր որ մէկը կրօնքով հայ է կամ յունադաւան կամ մահմէտական: Բանակիս մէջ կան թուրք, չէրքէզ և թաթար զօրավարներ »:

Զօրավարն Լորիս Մէլիքով տեղեկանալով որ Հաճի Վէլիի մօտ կը գտնուէր թուրք բանակ մը, հոն զրկեց իր բոլոր հեծելագունդը: Բայց թուրք գունդերը հրաման չունենալով կոուելու, քաշուեցան Կարսի վրայ: Երկրորդ օրը ոուս բանակը բռնեց Հաճի Վէլի, որ Շուրակէլի գլխաւոր տեղն է: Ապրիլ 28ին բանակը հասաւ Զայիմ, Կարսէն քսան քիլոմէտր հեռու, հիւսիսային արեւմտեան կողմը. և հոն բանակեցաւ. հաստատելով Աղեքսանդրոպօլի հետ հաղորդակցութիւնը. և Չավչավածէ իշխանը զրկեց հեծեալ գունդով մը Կարսի չորս կողմը լրտեսելու: Մուխթար փաշա թողուցեր էր Կարսը և քաշուեր դէպ ի կարին: Չավչավածէ իշխանը նախ մտաւ Քանիքէօյ, անկէ անցաւ Լիճակերտ և Չալիճա, աւրեց Կարսէն Կարին գացող հեռագիրը և մօտեցաւ Կարսի մինչև Վիզինքէօյ: Այս տեղն էր որ փոքր գուպարած մը ունեցաւ Կարսէն ելած թուրք գունդերու հետ և յաջողութիւնը թուրքաց կողմն էր, երբ յանկարծ ասոնք Կարս քաշուեցան և Չավչավածէ բռնեց Վիզինքէօյ և հոն հաստատուեցաւ. աւելորդ գունդերը զրկելով առ Լորիս Մէլիքով, որ Մայիս 6ին մտնելով ի կաղզման, Երեւանայ բանակին հետ հաղորդակցութիւնը հաստատեր էր:

Ախլցիսայի
բանակը դէպ ի
Արտահան.

Ծ. — Երրորդ կամ Ախլցիսայի բանակը որուն կը հրամայէր զօրավարն Իէվէլ, Ապրիլ 28ին անցեր էր սահմանագլուխը, ուղղուելով դէպ ի Արտահան, Հայաստանի հին քաղաքներէն մին. անուանի շրջակայից բարեբերութեամբ կուր գետին պատճառաւ և բարեխառն կլիմայով: Արտահան լաւ ճամբաներով կապուած էր Ախլցիսայի, Բաթումի և Կարսի հետ. նշանաւոր կեդրոն մ'էր և նշանաւոր բերդաքաղաք, որուն հրամանատարն էր Հիւսէյին Սարրի փաշա: Զօրավարն Լորիս Մէլիքով գՆէրէմէթէֆ զօրավարը զրկած էր լրտեսելու կարսի հիւսիսակողմը: Մուխթար փաշա բանակած էր Պարտէզի մօտ: Շէրէմէթէֆի զինուորները Բերդիկ Զայի քով հանդիպեցան թուրք գունդերու որոնց հետ կոխ մը ծագեցաւ: Ռուսերէն շատերը ինկան և մնացեալը փախան Զայիմ:

Նոյն օրը զօրավարն Լորիս Մէլիքով բռներ էր թուրք զինուորական թղթատարը¹, որուն մէջ կար նաեւ նամակ մը Արտահանի հրամանատարէն առ կարսի հրամանատարը՝ իր մեծը. յորում մանրամասն կը նկարագրէր ամրութեանց վիճակը, տկար կողմերը և ձեռք առած միջոցները: Լորիս Մէլիքով մտածեց որ հարկ էր փութով յարձակիլ Արտահանի վրայ, որ և է նոր փոփոխութիւն մը չ'եղած, և լուր ղրկեց Դէվէլ զօրավարին՝ չուել Արտահանի վրայ. ինքն ալ 15,000 զօրքով կը խոստանար օգնելու: Զօրավարն Դէվէլ թողուց զԲաքիրէ խաթուն և յառաջեց Էօլչէքէ և Տաղստանէ դէպ ի Արտահան. ուր հասաւ նաեւ Լորիս Մէլիքով. և սահմանուեցաւ կիւլիավէրտի ամրոցին կողմանէ, — որ տկար համարուած էր, — յարձակումը տալ: Հրամայեց նաեւ Հայման զօրավարին՝ իր գունդերով Արտահանի հարաւակողմը՝ կուրճիբէկ երթալ. հոն գիշերը կազմել հրանօթքը և առաւօտը կրակ թափել կիւլիավէրտի ամրոցին և Արտահան քաղաքին միջնաբերդին վրայ:

6. — Հոս պէտք է յիշենք որ Սէվաստապօլի պատերազմէն վերջը, թուրք վարչութիւնը մեծ հոգ տարած էր Արտահանի բերդերուն. ասոր չորս կողմը նոր և բազմաթիւ ամրոցներ շինուեր էին անզդիացի երկրաչափներու առաջնորդութեամբ. մասնաւորապէս Իքալի թապիա, Սինկէր թապիա, Խար թապիա, Քայապաշը, Ճուխուն, Ռամազան թապիա և կիւլիավէրտի, որոց վրայ կային 35 կրուպ թնդանօթք: Իսկ պահանորդն էր 10,000 զինուոր, որոց կը հրամայէր Հիւսէյին Սարրի փաշա, Հիւսէյին Ալնի փաշայի աներծագը. որ տեղապահութենէ, յանկարծ հազարապետ անուանուեր էր և յետոյ հրամանատար ղրկուեր էր յԱրտահան: Մայիս 14ին նաեւ Ախլցխայի բանակին մեծագոյն մասը տեղաւորուեցաւ կիւլիավէրտի բարձունքներուն զի-

Արտահանի ամրութիւն:

1. Թէպէտ կասկած ալ եղած է մատնութեան մը: Այսօրինակ ղկար՝ միայն այս չէ:

մաց: Երկրորդ առաւօտը կանուխ Լորիս Մէլիքով ան. ձամբ այց ելաւ ամեն դիրքերուն և ժամը ութին յար. ձակման նշանը տուաւ: Անմիջապէս քառասուն Քնդանօթը ահաւոր կրակ մը սկսան թափել Արտահանի բերդերուն վրայ, որոնց՝ թուրքերը քաջութեամբ կը պատասխա. նէին: Բերդերուն շարունակ կրակին ներքեւ Ամիրա. ճիպոթ հազարապետին գունդը սկսաւ քայլ առ քայլ և երբեմն մազլցելով ելլել ԿիւլիաՎէրտի բարձունքը. ո. բոց հասնելու համար, հարկ էր կարգ կարգ պարիսպները անցնիլ. ամեն պատի տակ կոխը կը նորոգուէր և ամեն պատ իբրև բերդ մը կ'առնուէր: Ժամը 10ին Եղիսա. բէթուպօլսոյ գունդը անձրեւի նման գնդակներուն ներ. քեւ, գիւցազնութեամբ մրցելով, վերջապէս հասաւ կա. տարը և վանեց հոնկէ թուրք պահանջողը դէպ ի միջնա. բերդը և Արտահան: Բայց անկարելի եղաւ հոն Քնդանօթ. ներ հաստատել, թրքաց անդադար ուժերուն պատաս. խանելու. և Եղիսարէթուպօլսոյ գունդը՝ որուն միացեր էր նաև Քուպանի գունդը, քաշուելու վրայ էին, երբ Լորիս Մէլիքով տեղեկանալով ԴէՎէլ զօրավարին կա. ցութեան վրայ, փութով վազցուց Հայման զօրավարը իր սինակով: Անմիջապէս պատերազմին կերպարանը փոխուեցաւ: Ամիրաճիպոթ հազարապետին գունդերը և ունդեամբ դիմնցին բերդին վրայ հիւսիսային կողմանէ, մինչ Հայման զօրավարը Բազուի և Երեւանի վաշտե. րով, երկու վերսոզ ճամբայ կտրելով, թշնամույ կրակին ներքեւ, հարաւային կողմանէ սկսաւ ելլել դէպ ի բեր. դը: Թուրք պահանջողը որ դիմացեր էր մօտաւոր բար. ձունքներէն թափուած կրակին, քանի որ բերդը իրեն պատասպարան ունէր, տեսնելով որ թշնամին անվրէժ պիտի տիրէր անոր. յանկարծ զաղբեցուց կրակը և սկսաւ փախչիլ դէպ ի Արտահան: Քանի մը ծեր զի. նուարներ չուզեցին թողուլ բերդը. և հոն կոտուելով քաջարար ինկան: Սարբի փաշա խանալով պահա. նորդին փախուստը, ելաւ Արտահանէն զանոնք նորէն դէպ ի բերդը մղելու, բայց փախչողներուն հեղեղին հետ մէկտեղ, ինքն ալ նորէն Արտահան մտաւ: Որով

տիրեցին Կիւլիավէրտի բերդին, ուր հասաւ փութով նաեւ զօրավարն Լորիս Մէլիքով, ընդունուելով զինուորացմէ մեծածայն կեցցէներով: Անմիջապէս, յանուն Միւքայէլ մեծ դքսին նշաններ բաշխեց յարձակման մէջ քաջացողներուն:

Կիւլիավէրտի կոհուր երկու կողմանէ ալ ծանրագնի եղած էր, և երկու բանակը ալ հարիւրաւոր մեռեալներ ունէին: Բերդին մէջ մնացեր էին տասր թնդանօթք, շատ մը պատերազմական մթերք. բայց ամենէն աւելի՝ Ռուսը կը տիրէին բերդի մը, որ կ'իշխէր քաղքին վրայ: Հայման զօրավարը անմիջապէս թնդանօթքը զիտեղելու զբաղեցաւ. և մէկ զիշերուան մէջ բարձրացուց անոնց պատսպարան ամբարտակները:

Երկրորդ օրը զօրավարն Լորիս Մէլիքով նուիրակ մը ղրկեց առ Սարրի փաշա, որպէս զի անձնատուր ըլլայ, սակայն թուրք հրամանատարը մերժեց առաջարկը: Լորիս Մէլիքով Մայիս 17ին կէսօրուան ժամը 3ին անաւոր ուժակոծում մը սկսաւ Արտահանի պարսպաց դէմ: Ժամը 4¹/₂ին զիտեց պարիսպներէն մէկ մասի մը: Փնասուիլը և թուրքաց այն կողման հրանօթներուն լուծը: Այն ատեն հրաման ղրկեց Հայման զօրավարին, այդ մասէն յարձկիլ քաղքին վրայ: Անմիջապէս Երեւանայ և Բագուի գունդերէն մաս մը, որոց զլուխ կեցաւ ինքնին զօրավարն Հայման, իջաւ հեղեղատը և դիմեց դէպ ի Սինկէր թապիա: Թուրքերը տեսնելով որ անկարելի էր դիմանալ այդ յարձակման, սկսան իջնել դէպ ի կուր գետը, իրենց հալածող ունենալով Երեւանայ գունդը: Այս միջոցիս զօրավարն Դուխովսքի յառաջեր էր դէպ ի քաղաքը և փախստէից հետ մտեր էր արուարձաններուն մէջ, ուր սկսեր էր քայլ առ քայլ մրցում մը: Սակայն կարելի չէր տիրել քաղաքին, մինչև Ռուսը չբռնէին կուրի կամուրջը, անցնէին աջ կողմը, և տիրանային միջնաբերդին: Այն ատեն Հայման զօրավարը առաւ հետը երկու հարիւր զինուոր, նետուցաւ անոնց հետ կամրջին վրայ և արիւնահեղ մրցումէ մը վերջ, անցաւ կուրի միւս կողմը և ճամբայ բացաւ:

ոուս բանակին դէպ ի քաղաքը: Այս վարկենէն պատերազմին ելքը յայտնի էր: Թուրքերը ի սկզբան խառն ի խուռն սկսան նահանջել և յետոյ քաղաքին միւս կողմէն փախչել, փախստէից մէջ էր նաեւ Սարբի փաշա, որ զիմեց դէպ ի Կարին: Իր սպայակուտին հրամանատարը Ահմէտ աղա քաջարար կոուելով, ինկեր մեռեր էր: Լոնցին թնդանօթները և Ռուսք կեցցէներով մտան Արտահան. Լորիս Մէլիքով հոն թողուց Երեւանայ զունդը իբր պահանորդ, անոնց հրամանատար ղնելով Տոլստոյ հազարապետը. և զՄիչէնքօ հազարապետը Արտահանի զինուորական հրամանատար դրաւ: Երկրորդ օրը ոուս հեծեւազօրը փախստէից ետեւէն ինկաւ. որոց մաս մը խուճը խուճը Արտանուչէն և ճորոխի ճամբով կրցաւ Բաթում հաւաքուիլ: Քիւրտ և աճարացի բէյերը իրենց մարդիկներով իրենց տները դարձան:

Լորիս Մէլիքով Արտահանի առման պաշտօնական տեղեկագրին մէջ զՀայման զօրավարը «Օրուան դիւցազնը» կոչած է: Ռուսաց կորուստը 2000 մարդէն աւելի կը համարուի, նոյնչափ մ'ալ մեռան թուրքաց կողմանէ¹. ասոնցմէ բոնուեցան նաեւ շատ գերիներ: Արտահանի առմամբ կը բացուէր Ռուսաց առջեւ Կարսի ճամբան. և Կարսը կը բաժնուէր Բաթումէն և Կարինէն. միանգամայն կը ստիպէր զՄուխթար փաշա թողու Սողանլուի գիծը:

7. — Այս նիւթական հետեւանքներէն զատ Արտահանայ առումը բարոյական տխուր տպաւորութիւն մը ունեցաւ թուրք մայրաքաղաքին վրայ. ուր Արտահան անառիկ կը համարուէր իր զրից և պահանորդին քաջութեան պատճառաւ: Ասիոյ բանակին ընդհանուր հրամանատարը Մուխթար փաշա, հեռագրով պահանջեց որ Սարբի փաշա զինուորական ատեանով զատուի: Նոյնը կը պահանջէր մայրաքաղաքին ժողովուրդը: Արտահանի

Արտահանի
առման լուրը ի
Կ. Պօլիս:

1. Թուրք զրիքը իրենց կորուստը կը դնեն 1850 անմիջ և Ռուսացը 3000ի մօտ:

անկման լուրը ցնցեց ամեն թուրք դասակարգ, սուլթանն սկսեալ ցլետին քաղաքացին : Երկրորդ օրը Մայիս 11, օսմանեան նորածին խօսարանին մէջ կարնոյ հայ երեսփոխանը, Համազասպ էֆէնտի, նոյնը պահանջեց պաշտօնարանէն . և ժողովքը հրաւիրեց որ երկրորդ օրը պաշտօնէից մին բացատրութիւն մը տայ Արտահանի առման վրայ, որուն բերդերուն համար այնքան մեծագումար ծախքեր եղեր էին ¹ :

Երկրորդ օրուան նիստը շատ յուզեալ եղաւ : Քանի մը հարիւր սոֆթայք՝ երեսփոխանական խօսարանին երկաթի վանդակաղրան առջև գումարուեցան . և իրենցմէ նուիրակութիւն մը ներկայացաւ խօսարանին, Արտահանի առման նկատմամբ բացատրութիւնը ինդրելով : խօսարանին նախագահը Ահմէտ վէֆիր փաշա՝ պատասխանեց, որ արդէն ժողովքը այդ ինդրով կը զրաղէր և թէ քանի որ ժողովուրդը երեսփոխանական ժողովք մը ունի, ա՛յլ պէտք չէ ուղղակի միջամտէ . և յորդորեց Սոֆթաները ցրուելու՝ «կեցցէ Սուլթան» գոչելով . ինքն ալ անմիջապէս նիստը վերցուց :

Հետեւեալ օրը Պալատան մէջ նախարարը ժողովքի գումարուեցան . և Կ. Պօլիս ու շրջակայքը պաշարման վիճակի մէջ դրուեցան . խստութիւն մը տիրեց լրագրաց և այն անձանց վրայ, որոնք կը պահանջէին Միտհատ փաշայի դարձը : Երեք օրուան մէջ 300 հոգի աքսոր զրկուեցան . որոնց մէջ էին Երիտասարդ թուրք կոչուածներուն զխաւորը՝ Ահեհա էֆէնտի, Իսմայէլ, Քէմալ, Քիչիւք Լմին, Մահիր բէյերը : Կ. Պօլսոյ ամեն կողմը լրտեսներ տարածուեցան դիտելու թէ ինչ կը խօսուի : Խափանուեցան այն լրագիրք՝ որոնք Ռէտիֆ փաշայի դէմ խօսեր էին . և խիստ հսկողութիւն դրուեցաւ Մուրատ Եր բանտուած պալատան չորս կողմը : Միանգա-

1. Համազասպ էֆէնտի ի մէջ այլոց խօսից թատ . «Ղրիմու պատերազմին ժամանակ, Արտահան այժմու գորութիւնը շուննալով, երկու տարի դիմացաւ . իսկ հիմա անելի ամուր և հզօր վիճակի մէջ գրուած բլլաւով, չկրնալ դիմանալ ինչքի դժգոհ » : Մատիս լրագիր 1877 :

մայն լուր մը տարածուեցաւ, որ «Արտահանի առումը ստոյգ չ'երևար». և թուրք ամբոխը հաւատաց և հաստատեց. որով քիչ մը հանդարտեցաւ:

Ռուսը կը չուեն
դէպ ի կարս:

Տ. — Զօրավարն Լորիս Մէլիքով Արտահանի առման վրայ բանակին երեք օր հանգիստ տալէն վերջը, յետ քաղաքապետ դնելու մեծ դքսին կողմանէ զՊոպոզօ զօրավարը և հրամանատար Կոմարոֆ հազարապետը, չուեց դէպ ի կարս: Ախլցիայի բանակին մէկ մասը գնաց, բռնեց նաև Օլթի, զոր թուրքերը առանց պահանորդի թողուցեր էին: Բայց երբ Շահին փաշա նոր գունդերով յառաջեց դէպ ի Օլթի, այն ատեն ռուս գունդը թողուց զայն և քաշուեցաւ Պէննէքի վրայ: Իսկ Մուխթար փաշա Արտահանի առմանէն վերջը, խոհեմութիւն համարեցաւ թողուլ զկարս և քաշուիլ Մովին. մանաւանդ որ Մայիս 16ի Կոմարոֆ զօրավարի գունդերէն ջոկատ մը, որուն կը հրամայէր Չուլայէֆ զօրավարը, մինչեւ կարսի ներքեւը երեւցեր էր և վաներ էր թուրք պահանորդը մինչեւ քաղաքը¹: Արդէն Լորիս Մէլիքով սահմաններ էր կանոնաւորապէս պաշարել զկարս և անոր մօտեցնել բանակները, որոց պիտի հրամայէին ինքն զօրավարն Լորիս Մէլիքով և զօրավարքն Հայման և Դէվէլ. իրենց բանակատեղիքն պիտի ըլլային Մէզրէ, կարսի արեւելեան-հիւսիսային կողմը, Արտահան՝ ի հիւսիս, և Արտոսդ՝ հարաւային-արեւմտեան կողմը:

Մուխթար փաշա կարսի հեռ հաղորդակցութեան գիծը պահելու համար, զՄուսա փաշա 1000 չէրքէզ հեծեալներով զրկեց դէպ ի կարս: Մուսա փաշա Սողանլու Տաղը անցնելով, երեկոյեան եկաւ բնակեցաւ Իէնկլի Ահմէտ, ուր կարսէն կարին գացող ճամբան երկու կը բաժնուի: Լորիս Մէլիքով որ Արտոսդ կը

1. Չուլայէֆ զօրավարը յաղթութենէ վերջը, երբ կը խնդակցեր իր ռուս զօրատանցի գունդին հետ, թշնամեաց զնոյակ մը գինքը վիրաւորեց: Տարուեցաւ Զայիմ բանակատեղը և հոն մեռաւ:

չուէր, լսելով Մուսա փաշայի ներկայութիւնը, յանձնեց Չավչավածէ իշխանին, յարձկելու թուրք հեծելոց վրայ: Իշխանը հետը առնելով ձիաւորաց վաշտ մը և 16 հրանօթք, Մայիս 10ի գիշերը հասաւ Բէնկլի Սհմէտ, և գիւղը պաշարեց: Մուսա փաշա իր չէքէզներով մոլեգնարար կոռեցաւ գիւղէն ելլելու համար, և մօտ 600 անձինք սպանուեցան: Մնացեալքը, 400ի մօտ, փախան ի Նրվին, ուր էր Մուխթար փաշայի բանակը: Ազատողաց մէջ էր նաեւ Մուսա փաշա: Բէնկլի Սհմէտի կոհիւր Մուխթար փաշայի շատ վնասակար եղաւ, արդէն սակաւաթիւ հեծելազօրը բոլորովին նուազեցնելով: Մուխթար փաշա կարսի հետ հաղորդակցութիւնը պահելու մտածութենէն յուսահատեցաւ և բերդաքաղաքը ինքնիրեն մնաց:

Լորիս Մէլիքով որ արդէն հասեր էր կարսի մօտ, ամեն կողմանէ 45 թիւումէր հեռաւորութեամբ պաշարման գիծ մը դրաւ: Յունիսի սկիզբը մեծ դուքսն Միքայէլ, անձամբ եկաւ ի Մէզրէ, պաշարման վիճակը քննելու. և Յունիս 5ին առաջին ուումը մը նետուեցաւ կարսի բերդերուն վրայ: Անկէ վերջը մինչեւ Յունիսի կէսը, ամեն օր, ումրակոծումը տեւեց թահմազ բերդին վրայ: Յունիս 14ին թուրքերը փորձեցին քաղքէն ելլելով աւրել Ռուսաց պատնէշները. բայց զօրավարն Հայման վանեց զիրենք: Յունիս 17էն մինչեւ 23 Ռուսք միակերպ հարուածեցին Գարատաղ, Արաբ և Միւխլիս բերդերը. 23ին յարձակում մը եւս բրին բայց ետ մղուեցան մեծ կորուստներով. և Յունիս 25ին թողուցին կարս և դիմեցին ի Սողանլու. ուր բանակած էր Մուխթար փաշա:

9. — Ապրիլ 24ին Ռիոնի բանակը հրաման րուտացեր էր սահմանազուխը անցնելու: Իր նպատակը պիտի ըլլար Բաթում քաղաքը և ճորոխի հովիտը. ուսկից կլնար վեր ելլել դէպ ի Բաբերդ, կարին և կամ կարս, երկու ճամբով. մին ճորոխով Արդուին և Բաբերդ, միւսը հին Օֆ կամ Օֆիս աւանէն՝ բարձրանալով դէպի Ապեր և մօտենալով կարնոյ ճամբուն: Գարձեալ պիտի ջանար

Ռիոնի բանակը. — Օրլորձօ զօրավարը. — Հասան Թահսին փաշա. — Չուրուքուլի Ալի փաշա:

ծովուն կողմանէ արգելուլ ո՛ր և իցէ օգնութիւն մը թրքաց :

Սակայն Ռուսաց համար շատ դժուար էր փութով Բաթում հասնիլը. հեղեղատներով, կիրճերով և բարձունքներով լի էր կովկասի այդ մասը, և թշնամի լազ ցեղեր շատ էին. որոնք Ռուսաց վրայ կրկին թշնամութիւն կը տեսնէին՝ քաղաքական և կրօնական: Թիոնի բանակին արշաւելիք երկիրը փոքր էր, բայց դժուարութիւնը մեծ: Մինչեւ Բաթում 45 քիլոմէտր երկրին մէջ 11 հեղեղատը կային անցնուելիք. որոնք Ապրիլի վերջը լի էին ջրով և թուրքերը այդ հեղեղատաց մօտ բլուրներուն վրայ՝ թնդանօթներով ամրացեր էին : Ռուսք երեք ճամբով կրնային մտնել թուրք հողը. այս երեք ճամբաները կը միանային Մուխասսթէտի քով. անկէ վերջը կար միայն մէկ ճամբայ, որ կ'երթար մինչեւ Ձիխէ Միրի ծովուն մօտ. և ծովեզերքէն կը շարունակուէր մինչեւ Բաթում:

Թիոնի բանակը իր դիմացն ունէր թուրք 20,000ով բանակ մը, որոց ութ հազարը լազ պաշտպօզուք էր, հմուտ երկրին ամեն դարձուածքներուն. ամենն ալ մուկուանդն մահմէտականք, որոնք վազեր էին իրրեւ սըրբազան պատերազմի մը: Բնդհանուր սպարապետն էր Հասան թահսին փաշա, քաջ զինուորական մը: Մուխասսթէտի քով բանակած էր լազ պետ մը՝ Չուրուք սուլի Ալի փաշա. հինգ հազար հետեւակօք և երեք գունդ ձիաւորներով: Թիոնի բանակը երեք մասի բաժնուած, յառաջեց դէպի օսմանեան սահմանազուխը: Չախ թեւը, որուն կը հրամայէր Դէնիթէկօֆ զօրավարը, յառաջեց Չուլուխէն, աջ թեւը Շէֆքէթիլէն և միջինը Ուզուրկէթէն: Այս երեք գունդերը հազիւ երեք օրուան մէջ կրցան միանալ իւրի քով, Շէլէմէթիէֆ զօրավարին հրամանատարութեան ներքեւ: Պէտք է այս ալ ըսենք, որ Թիոնի բանակին գործողութիւնք, միշտ դանդաղութեամբ կատարուեցան: Շէլէմէթիէֆ զօրավարի գունդերը յառաջեցին դէպի Մուխասսթէտ, ուր էր Չուրուքսուլի Ալի փաշա. ձախ թեւը փոքրիկ ընդդիմութենէ մը վերջը՝ բռնեց լէկվա գիւղը և իջնալով

(Օրջամուրի, մեծ թափով մը բաղխեց Ալի փաշայի դիրքը: Պատերազմը տեւեց տասնութէկ ժամ. առաւօտեան ժամը եօթէն մինչեւ երեկոյեան վեց. և ուս գրիչը անգամ մեծապէս գոված են Ալի փաշայի անվեհեր ընդդիմութիւնը, որ այն օրը մինչեւ դիւցազնութեան կէտին հասաւ. որով և այնքան բարձրացուց իր անունը ի կ. Պօլիս: Եւ այն օրը երկու կողմանէ ալ հարիւրաւոր անձինք ինկան: Բայց երկրորդ օրը Շէլէմէթիէֆի կրկին յարձակման վրայ, թողուց Վոլխասութէտ և քաշուեցաւ դէպ ի Չուրուքսու, որով Ռուսը բռնեցին Օրջամուրի ճամբաները:

Սակայն թուրք բանակին նոր օգնութիւններ կուգային Բաթումէն, որոնք կ'ամրացնէին Չուրուքսուի գիծը և խուցուպանի բարձունքը: Մայիս 11ին Օքլորճօ զօրավարը, ընդհանուր հրամանատար, հրամայեց Դէնիւրէկով զօրավարին բռնել խուցուպանի գիւղը. մինչ Շէլէմէթիէֆ զօրավարը պիտի տիրէր Մուխասթէտէն դէպի ծով ճամբան: Առաւօտեան ժամը երեքին՝ զօրավարները սկսան իրենց սահմանեալ շարժումը: Չօրավարն Դէնիւրէկովի կ'ավարս և խուցուպանի գիւղերուն համեմուտ համար, պէտք էր կտրեր անտառներ և մացառուտներ: Արդ հազիւ Դէնիւրէկով անտառին մէջ մտած էր, անընդհատ կրակ մը սկսաւ մօտակայ Աչքուայի բարձունքներէն, և շատ անձինք ինկան կամ վիրաւորուեցան. որոց մէջ էր նաեւ Լվտոքիմով գնդապետը: Այն ատեն Օքլորճօ զօրավարը հրամայեց որ գունդերը նահանջեն, ուժերը ամփոփելու և յետոյ դիմելու Աչքուայի գծերուն վրայ:

10. — Հասան թահսին փաշա որ լաւ բմբռնած էր Աչքուայի գծին կարեւորութիւնը, հոն զրկած էր 6000 զինուորք, որոնք ծառերուն ետեւ պահուրտած երազածիք հրացաններով անընդատ կրակ կը թափէին Ռուսաց վրայ: Առաւօտեան ժամը ութին միջոցները Օքլորճօ զօրավարը հրամայեց Սեվաստապօլի զօրաբանէն ջոկատի մը, Բարանովսքիի հրամանատարութեան ներքեւ՝ յառաջել դէպ ի թշնամույն կեղրոնը, չնայելով

Ռուսը կը տիրեն Աչքուայի կղերներուն:

Թշնամույն կրակին: Երկու կողմանէ հարուածներու մրցում էր, երբ Օքլոքո զօրավարը պատուիրեց Իէնի-բէկոֆի, սուիններով յարձկել Թշնամույն վրայ: Ռուս գունդերը այս հրամանին վրայ ահեղաձայն կեցցէներով դիմեցին Թուրքաց դիրքերուն վրայ, որոնք սկսան հտ նահանջել և Թողին Ռուսաց ձեռքը Աչքուայի վրայ եղած բարձունքը: Միեւնոյն միջոց Շէլէմէթիէֆ զօրավարը կը փորձէր Աչքուայի ուրիշ գծով մը՝ տիրելով Խուցուպանի, մօտենալ Քինթրիսը ջրանցքին: Առաւօտեան ժամը 4ին Լայստէլ գնդապետին զօրքը մօտեցաւ Աչքուայի և մտաւ մացառուտի մը մէջ, ուր պահուրտած Թշնամին, անդադար կրակ մը սկսաւ ոռուս գունդին վրայ և վիրաւորուեցաւ նոյն իսկ Լայստէլ գնդապետը, որ չուզեց հրամանատարութիւնը թողուլ և շարունակեց հրամանները տալու: Գունդերը իրեց հրամանատարին արութենէն վառուած՝ սուինով յարձկեցան Թուրքաց վրայ, որոնք անցան Աչքուայի միւս կողմը: Ռուսը ետեւէն անցան, գիրենք ձախ թեւէն ալ վանելու. սակայն այդ անցնիլը իրենց դարան մը եղաւ. և Թուրքերը ահաւոր կրակ մը սկսան թափել՝ գետը անցնող զինուորաց վրայ, որոնք սկսան ցրուիլ ապաւէն փնտռելու մացառուտներուն մէջ, և շատերը մեռան: Շէլէմէթիէֆ հրամայեց որ դառնան դէպ ի աջ կողմը: Այս միջոցիս Հասան Թահսին փաշա ջ(XX) հետեւակօք և Յ(X) ձիաւորօք անցաւ Աչքուան Ռուսացմէ երեք քիլոմէդր վեր, և յանկարծ ինկաւ Քու-թայիսի գնդին վրայ: Եթէ Հասան փաշա աւելի թուով գունդեր բերած ըլլար, նոյն օրը բոլորովին պիտի ջարդուէին Շէլէմէթիէֆի գունդերը. սակայն երբ իր գունդերը յոգնած էին, օգնութիւններ հասան ոռուս զօրապետին, որ արդէն գետը անցած, ընդհանուր յարձակումն պատուիրեց և բռնեց բարձունքներէն զոմանս: Այս անգամ նահանջի կարգը Թուրքաց էր, որոնք վախնալով Թշնամին շրջապատուելու, զահալիժարար սկսան քաշուիլ ի կարուլէտ և Չիխէ Նիբրի: Կէսօրուան մօտ կրակը դադրած էր և Աչքուայի ափունքները Ռուսաց ձեռքն էին: Ռուսաց անձանց կորուստը 1000էն աւելի կը համարուի, Թուրքացը աւելի նուագ:

Խուսք զեզ ի
Բաթում:

11. — Թուրքերը Աչքուայի գիծը կորսնցնելով, ամփոփուեցան Քինդրիսքի մօտ, որուն ձախակողմեան ասփանց մօտ կային Սամէրայի բարձունքը, որոնց վրայ թնդանօթներ զետեղուած էին և կը տիրէին հիւսիսէն եկող ճամբաներու: Սամէրայի կոնակը, ծովուն եզերքն էր Ձիխէ Նիրի ճամբան, որ Բաթումի բանալի համարուած էր և ուր թուրքերը զօրաւոր բերդեր հաստատած էին. և տեղացի մահմէտական ժողովուրդը ամենայն եռանդով պատրաստուած էին թուրք զօրաց հետ միաբան արիւն թափելու, ոչ-մահմէտական պետութեան մը լծոյն ներքեւ չ'ինկնալու համար: Իրենց անկարելի կ'երևար որ կարենան ապրիլ ոռւս պետութեան իշխանութեան ներքեւ. և պիտի վիճակէր իրենց թողու տներին, հայրենիքնին և գաղթել թուրք գաւառներ: ()-ըլորճօ զօրավարը ըմբռնեց որ հարկ էր անկարող ընելու տեղացի ժողովուրդը, և անոնց վրայ հսկող դիրք մը ունենալ: Այս պաշտօնը յանձնուեցաւ հայ Մէլիքով գնդապետին, որ քայլ առ քայլ վանելով տեղացի անկանոն զինակիրները, մօտեցաւ Խուցուպանի և բռնեց այնպիսի դիրք մը որ կը հսկէր կարուէտի վրայ. և լազերը չէին կարող շարժում մը ընել: Սուրիշ գունդեր ալ բռնեցին զՍամէրա և վանեցին թուրքերը Ձիխէ Նիրիի վրայ: Յետոյ մինչ ամենայն ոք կը կարծէր որ Թիոնի բանակը պիտի իյնայ Բաթումի վրայ և պիտի տիրէ անոր, յանկարծ կանգ առաւ իր ընթացից մէջ. թերեւս համարելով որ խաղաղական ուրիշ հնարքներով կարենայ տիրել անոր:

12. — ()ամանեան Պետութիւնը ոռւս բանակներուն տագնապ մը տալու համար, մտածեց յանկարծ փոխելու պատերազմին դաշտը. սահմանեց ուժակոծել Սեւ ծովու վրայ զՍոխումքալէ, տիրել անոր, ապստամբեցնել չէրքէզ, ապղազ և չէչէն մահմէտական ժողովուրդները և անոնց հետ մէկտեղ վլադիկաւկասի ճամբով ինկնալ Տփղիսի վրայ: Այս գաղափարը նոր չէր. նոյնը մտածեր էր յամին 1855ի Ղլիմու պատերազմին ժամանակ Լօմէր փաշա. սակայն չէր կրցած յաջողիլ. դիմացը ունենալով

Թուրքաց Սո-
խումքալէի ար-
շաւանքը:

զօրաւոր բանակ մը և բազմաթիւ մահմէտական մէկմէկու նախանձոտ ցեղեր, որոնք միութեան մը տարերք չէին կրնար ըլլալ:

1576

Թուրք և ռուս պատերազմին հրատարակուելուն կ. Պօլսոյ և Տաճկաստանի մէջ չէրքէզ, ապրազ ցեղերու պանդխտած կամ փախած ազդեցիկ անձինք, անմիջապէս կ. Պօլսոյ մէջ Բանձնաժողով մը կազմեցին, որուն նպատակը պիտի ըլլար յարաբերութեան մոտեցիկ իրենց հայրենիքներուն հետ, զանոնք ծածուկ պատրաստել ապստամբութեան, և կ. Պօլսոյ վարչութիւնը համոզել, երթալ ազատել մահմէտական ժողովուրդները: Ապրազիտանէ եկած լուրերը յոյս տուին թուրք վարչութեան, որ յանձնեց Փոքր Ասիոյ և կովկասի ծովափանցը նաւատորմի հրամանատարին, Հասան փաշայի, որ կտրիճ նաւազն մ'էր ուսեալ յԱնգղիա, արշաւել Ապրազիստան և փորձել ապստամբեցնել մահմէտականքը ընդդէմ Ռուսիոյ:

Հասան փաշա Բաթումի նաւահանգստէն մեկնեցաւ Մայիս 10ին. և 12ին արդէն կտավուտայի դիմացը կը գտնուէր. որ Սոխումէն 74 քիլոմէտր է դէպ ի հարաւ: Հոն անմիջապէս ռումբեր արձկելով, վանեց պահապան խազախները. և հազար չէրքէզ ցամաք հանեց: Երկրորդ օրը նաւատորմիդը ուժակոծեց նաեւ Օչէմչիրի, և 14ին հասաւ Սոխումքալէի դիմաց, որ արշաւանքին նպատակն էր: Սոխումի մէջ հազիւ 1000 տուն բնակիչ կար. բայց բարեբեր երկիր մը՝ շրջապատուած լաւ մշակուած պարտէզներով, յարմար էր բանակի մը կեդրոնատեղին ըլլալու: Հասան փաշա երկուքուկէս ժամ ուժակոծելով քաղաքը, հրդեհով և աւերով, փլատակաց կոյտ մը դարձուց զայն. յետոյ Սոխումի հարաւային կողմը զօրք հանելով, բռնեց ռուս քաղաքը և կանգնեց օսմանեան դրօշակը: Սոխումքալէի հրամանատար կրավճէնքօ զօրավարը հաւաքելով ռուս պահանորդը, Քոտոր գետին միւս կողմը քաշուեցաւ:

Այս փոքրիկ տիրապետութիւնը, ունեցաւ կ. Պօլսոյ մէջ իր մեծ շահաչը: Մզկիթներուն մէջ գոհութեան

աղօթքներ կարդացուեցան: Կ. Պօլիս գիշերը լուսավա-
ռուեցաւ, ճէյիս իւլ իսլամը զՍուլթան Արդիւլ Համիդ
Ղափի (Քաղթող) հռչակեց և զպատերազմը Ղէզա (սուրբ
պատերազմ): Մեծամեծ յոյսեր ծնան ձեռք բերելու
ամբողջ Ապղազիստան և թերեւս վրաստանն ալ: Հարկ
էր մոռցնել ժողովրդեան Արտահանի պարտութիւնը :
Փութով չորս զրահաւոր նաւեր, չորս բեռնարած և
մէկ ընթացիկ մարտանաւ 10,000 զինուորներով պա-
տրաստուեցան մէկնելու, դէպի Սեւ յրով: Արշաւան-
քին ընդհանուր հրամանատար դրուեցաւ հազարապետ
Ֆազլը փաշա: Մայիս 24ին Մայիտ փաշա, Սուլթանի
զինուորական Տանը պետը՝ գնաց մեկնելիք նաւերը.
և Սուլթանին կողմանէ կարգաց օրհնութիւններ և քա-
ջալերութիւններ: Մայիս 25ին նաւատորմիզը ճամ-
բայ ելաւ և Դումա Բահճէի դիմացէն անցնելու ժամա-
նակ, անհամար եռանդնալից «Կեցցէներ» գոչուեցան
Սուլթանին:

13. — Այս միջոցիս Սոխումըալէի քով կը շարու-
նակուէին փոքր կոիւներ և տիրապետութիւններ, որոնց
մէջ մասնաւոր պէտք է յիշել Չիլ կամ Չիհիլ ամրո-
ցին առումը ճարիր փաշայէն 5000 զինուորօք: Կոտոյն
մէջ սպանուեցան երկու կողմանէ 200 զինուորէ աւելի
և թրքաց ձեռքը ինկան 10 թնդանօթք, որոնք յետոյ
օսմանեան նաւով մը Կ. Պօլիս դրկուեցան և թոփհանէի
հրապարակը դրուեցան: Թէ Սուլթանը և թէ ժողո-
վուրդը գնացին տեանելու պատերազմական այս աւար-
ները, որոնցմէ ոմանց վրայ կային Սուլթան Արդիւլ
Մէհիտի թոքոսն. և հաւանականարար Ռուսը գե-
րեր էին գանոնը 1855ի կարսի պատերազմին մէջ:
Մայիս 23ին 3000 չէրքէզը բռնեցին նաեւ Ատլէր,
որով ճէլկոփնիկով հայ հազարապետին հրամանատա-
րութեան ներքեւ եղած ոռու գունդերը Սոչիի գետին
ետեր ամրացան:

Թուրքաց ուրիշ
յաջողութիւնք.
Չիլի կոիւր.

Չիլի ամրոցին առմանէն վերջը երբ հասաւ Կ. Պօլ-
սէն նաեւ Ֆազլը փաշա, Տահիկը սահմանեցին գոր-
ծադրել իրենց մեծ ծրագիրը: Բոլոր ապստամբ ապա-

զաներէ և չէր քէզներէ գունդեր կազմեցին, իրենց օգնական ունենալով Ահմէտ Կումպուլատ տեղացի բէյը. և պատրաստուեցան չուել դէպ ի Քուլթայիս և Վրաստանի կեդրոնը: Բայց այս միջոցիս ինկուրի բանակը կազմուեի էր Ախազոֆ զօրավարին հրամանատարութեան ներքեւ՝ և Տաճիկը երկրին ներսը թափանցելու համար հարկ էր որ յարեւմուտս կոուէին Քուբանի խազախներուն հետ, ի հիւսիս Շէլկովնիկովի և ի հարաւ կրավչէնքօ զօրավարին ջոկատներուն հետ. միայն ծովը բաց ունենալով իրենց թիկանց, և այն ջերմ ամիսներուն ժամանակ, մնացին ճահիճներուն մէջ. որով մահառիթ հիւանդութիւնները և տենդերը տարածուելով զինուորաց մէջ, պաղեցուցին պատերազմելու եռանդը: Պազըր փաշա ուզեց ցամաքէն անցնիլ Փոթի և միանալ Բաթումի բանակին հետ. այս պատճառաւ Մասնատիկ և Շահրէր զրահաւորները սկսան կրակ թափել հարաւային ուսս գունդերուն վրայ. բայց անոնց ներս քաշուելովը, գնդակները չհասան և թրքաց փորձը մնաց ապարդիւն:

14. — Անկէ վերջը թուրք բանակը միշտ կորուստներով ստիպուեցաւ քաշուիլ ծովեզերքը և դէպի նաւերը: (Չոստոս 7ին Շէլկովնիկով հազարապետը Սոչիէն անցաւ Սանտրիպշ անկէ Գաղրիպի և Գաղրայի անցքը: (Չոստոս 8ին բռնեց Կոլդախվարեան անցքը և Բզիւրիի քով յաղթութիւն մը կատարեց թրքաց վրայ և զանոնք վանեց: Երկրորդ օրը Ապղազներուն գլխաւորները ներկայացան հնազանդելու համար: (Չոստոս 9ին Շէլկովնիկով յարձկեցաւ Պիցոնդայի մէջ թուրք պաշտպոզութիւններուն վրայ, որոնք միաբան կանոնաւոր զինուորներուն, դէպ ի նաւերը փախան: (Չոստոս 11ին ալ Շէլկովնիկով տիրեց Կտաւուտա ամրոցին. որով թրքաց ապաւէն կը մնար միայն Սոխումքալէ, զոր արդէն իրենց աւերակ դարձուցեր էին: Կ. Պոլսոյ վարչութիւնը ըմբռնեց որ ալ նպատակ չկար հոն զինուոր

Շէլկովնիկով
հազարապետը
կը վանէ թուր-
քերը. — թուր-
քերը կը մեկնին
Սոխումքալէ
ընդ:

պահելու. և Հորայրդ փաշա ծովակալին յանձնեց շ(0) նաւերով երթալ և բերել զինուորները: Արդէն չէր կարելի ուշանալ, քանի որ ()գոստոսի վերջերը Ալիսազոֆ և Բարիչ զօրավարները և Շէլկովնիկով հազարապետը մտոցեց բին Սոխումի:

Թուրք զօրաց հետ մեկնեցան հազարաւոր սպազար և չէրքէչք, որոնք զէնք առեր էին Ռուսաց դէմ: Թուրք վարչութիւնը Փոքր Ասիոյ մէջ տեղաւորեց զանոնք, որոնք ամեն գացած տեղերնին վախ սփռեցին սպաննութեամբ և աւարառութեամբ:

15). — Սակայն այս ձախողութիւնը և մանաւանդ կանխաւ Արտահանի առումը և ի կ. Պօլիս սոֆիսաներուն շտապալից ցոյցը, ունեցեր էին իրենց բարեբեր հետեւանքները Մուխթար փաշայի բանակին համար: Վարչութիւնը պահեստէն մաս մը ի զէն կոչեց Փոքր Ասիոյ մէջ, որոնք դրամի հետ միարան զրկուեցան Ասիոյ բանակին: Մուխթար փաշա ինքը եւս դրամով լազիստանէն նոր գունդեր հաւաքեց: Հարիւրէն աւելի կրոպ թնդանօթք երկար ժամանակէ ի վեր ձգուած էին Տրապիզոնի ծովեզերքը և կիսովոր մէյրուս հրապարակը: Մուխթար փաշա անոնց փոխադրութեան պարտքը բաժնեց իւրաքանչիւր տեղւոյ վրայ. հարիւր անձինք պարտական էին գրաստ մը զրկելու: Կենդանի մատակարարել չկրցողք՝ իրենք քաշեցին զանոնք. այսպէս քիչ ատենուան մէջ թնդանօթք իրենց սահմանեալ տեղերը զետեղեցան: Ասիոյ մէջ քիչ բանակ այնքան կանոնաւորութիւն և կարգապահութիւն ունեցած է թէ ճամբարի և թէ պատերազմի մէջ ինչպէս Մուխթար փաշայի բանակը. և թէպէտ արդեանց մեծագոյն մասը կ'ընծայուի սպայա-

Հայաստանի
Թուրք բանա-
կին կացու-
թիւնը:

1. Մեծ զումարներ զրկեցին պատերազմի ծախուց համար նաեւ Հնդկաստանի մահմեդականք:

Բ. Գուրու որոշեց որ տէրութեան պաշտօնեայք և բարձրաստիճան պաշտօնակալք իրեց ձիերը բանակին նուիրեն: Հրամանագրին ընթերցմանէն վերջը Սպարապետին Գուրու, ուր հաւաքուած էին պաշտօնեայք և պաշտանակալք, ամենն ալ ինքնարեւարար նուիրեցին իրենց կտորերուն ձիերը և հետի դարձան:

կուտի գլխուն Ֆէյզի փաշայի, երբեմն բարոն Քահլաման՝ ազգաւ մաճառ, այսու հանդերձ պէտք է վկայել որ մեծ էր Մուխթար փաշայի ազդեցութիւնը՝ եթէ ուսեալ և եթէ զայլս յարգող բնաւորութեամբ:

Մուխթար փաշա օգնութեանց սպասելով, Նրվին քաշուած էր այնպիսի դիրքի մը վրայ, որ ունէր երկու ճամբայ դէպ ի կարս: Իր աջ թեւը բանակած էր Հինձք գիւղը, հազիւ մղոն մը հեռու կարնէն. կը հսկէր Օլթիի ճամբուն վրայ, հաղորդակցութիւն ունենալով միանգաւ մայն Հասանդալէի և Քէօփրիքէօյի հետ: Իսկ ձախ թեւը որուն կը հրամայէր Մէհէմէտ փաշա թաթլընը. գատէ, կը գրտնուէր ի Դէլիբարա, Բայազիտէն անցնող Խորասանի ճամբու վրայ. և բռնած էր այն ճամբաները, յորոց թշնամին Բասնի դաշտերէն կրնար չուել Էրզրումի վրայ:

Թուրքերը կը
յաղթուին ի
Դրոմտաղ:

Ձորավարն Տէր Ղուկասով հրամանատար կրեւանի բանակին, որ Բայազիտ առնելէն վերջը չուեր էր դէպ ի կարս և կարին, միանալու միւս բանակաց հետ, սահմանեց բաղսելու Մէհէմէտ փաշայի բանակը. և Յունիս 14ին Դրոմտաղի բարձունքներուն վրայ տեղաւորեց իր հրանօթքը. և 16ին առաւօտ հրամայեց գունդերուն, հրանօթներուն կրակին պաշտպանութեան ներքեւ, յառաջելու թուրք գունդերուն վրայ: Թուրք բանակը Ռուսաց յառաջելը տեսնելով, ինքը եւս սկսաւ կրակը. և պատերազմը մոլեգին կերպարանք մը առաւ, մանաւանդ երբ ոռու գունդերը յարձկեցան թուրք պատնէշներուն վրայ: Թուրք գունդերը կը կուռէին ամենայն արութեամբ սակայն Դրոմտաղի բարձունքներուն թնդանօթները ջախջախեցին ջոկատները և նոյն իսկ հրամանատարը՝ Մէհէմէտ փաշա, սուրը ձեռքը ինկաւ հարուածէ մը: Այն ատեն թուրքերը սկսան հապճեպով նահանջել, հետերնին տանելով սակայն ամեն պաշար և մթերք. այնպէս որ երբ Ռուսը տիրեցին բանակին, չգտան բնաւ իր մը: Մէհէմէտ փաշայի յաջորդը Մուսղաֆա փաշա, 12 մղոն հեռու քաշուեցաւ նոր պատնէշներու ետեւ. և հոն հաւաքեց ցրուած զինուորները:

Մուխթար փաշա չ'այլայլեցաւ Գրոմտաղի պարտութեան վրայ. բայց և ամեն ջանք պէտք էր ընել որ Երեւանայ բանակը չ'միանայ Աղեքսանդրոպօլի բանակին, որ կը չուէր ԽՎԻՆԻ վրայ. անոր համար հաստատեց՝ նախ երթալ րադիսել զՏէր Ղուկասով և ապա դառնալ պաշտպանել զԽՎԻՆ՝ Լորիս Մէլիքովի հանդէպ: Տէր Ղուկասով որ լսեր էր վանայ վալիէն քիւրտերու խմբով զԲայազիտ պաշարելը, վախելով որ յետուստ չ'ունենայ թշնամի բանակ մը, թողոց 19ին զԴրոմտաղ և գնաց բանակեցաւ ի Դաքար: Հոն եկաւ զինքը փնտոելու Մուխթար փաշա, թողլով ի ԽՎԻՆ՝ Ֆէյզի և Քիւրտ Խամայէլ փաշաները:

16. — Մուխթար փաշա բանակը երեքի բաժնեց. միոյն կը հրամայէր Մուսղաֆա փաշա, միւսոյն Շահին փաշա և երրորդին Հակքի բէյ, որ հրաման ստացաւ նախ յարձակիլ: Մուխթար փաշայի Դաքարի կուռն որոշումը և րադիսման երազութիւնը, մեծ գովեստներ ընդունած է ռազմագէտներէ: Հակքի բէյ քիչ ատենուան մէջ կրցեր էր զԻրուսս վանել րարձունքներէն և զանոնք բռնել. մինչ Շահին փաշա իր հրանօթները քաշել տուած էր բլրոյ մը զլուխ, որ Պատմութեան մէջ մնաց թոփտողը՝ անուամբ, և սկսաւ յանակնկալս ահաւոր կրակ մը թափել Իրուսաց վրայ: Տէր Ղուկասով ըմբռնեց որ անհրաժեշտ էր տիրել այդ բլրան. և մինչ երազ դարձուածքով մը կը ջանար զայն պաշարել, թուրք հեծելագօրը որոց կը հրամայէր Մուսղաֆա փաշա, դիմեց խափանելու այդ շարժումը. և մոլեգին խառնուրդ մը ծագեցաւ երկու կողման հեծելոց մէջ. յորում ի սկզբան փոփոխակի եղաւ յաջողութիւնը երկու կողմանէ, բայց ամենէն վերջը ռուս հեծեալը սկսաւ նահանջել: Տէր Ղուկասով այն ատեն հետեւակ գունդերը ղրկեց, որոնք մեծ արութեամբ հասան թրքաց ամբարտակներուն. և յաղթութիւնը իրենց կողմը կը կարծէին, երբ Մուխթար փաշա հրամայեց պահեստին՝ սուլնով յարձակիլ թշնամոյն վրայ: Թուրքերը ձեռք բերին իրենց կորանցուցած դիրքերը, որոց նորէն տիրե-

Յաղթութիւն
ի Թոփ Տաղը:

Յունիս 24:

ցին Ռուսք. այսպէս երկու անգամ. մինչեւ զիշերը վրայ հասնելով, իւրաքանչիւր բանակ քաշուեցաւ իր շճամբարը: Ռուսաց կողմանէ ինկեր էին 500էն աւելի և թրքաց կողմանէ 300 հոգի, բայց շատ էին վիրաւորք երկու կողմանէ ալ:

Երկրորդ օրը մինչ Մուխթար փաշա կը պատրաստուէր պատերազմը սկսելու, դիմացը քանի մը վաշտք տեսաւ միայն. որոնք մնացած էին Տէր Ղուկասովի բանակին նահանջը պաշտպանելու, որոնց միացան յետոյ նաեւ այն գունդերը, զորս զրկեր էր Լորիս Մէլիքով, լսելով լրարբերէ Երեւանայ բանակին ոչ յաջող կոխը ի թոփտաղը: Մուխթար փաշա զՏէր Ղուկասով հարուածելէն վերջը, փութով մեկնեցաւ դէպ ի ՆՎին, ուր կը դիմէր նաեւ Լորիս Մէլիքով:

Յարթութիւն
Միւլի-Տիպի:

Աղեքսանդրոպօլի բանակը կարսի դիմացէն հեռացեր էր Յունիս 21ին. և 22ին երեկոյ հասեր էր ի Սարըղամը, Հայաստանի ծառալից և գեղեցկադիտակ տեղերէն մին, զոր շատ ուղեւորք զմայլմամբ նկարագրած են, համեմատելով Հելուետիոյ և Տիրոլի ամենէն գեղեցիկ դիրքերուն: Սողանլուի լեռանց շղթան հիւսիսէն հարաւ կ'երթայ. և երկու ճամբայ կան զինքը կտրելու. մին հիւսիսէն՝ Պարտէզ գիւղի մօտ, միւսը հարաւէն՝ Միլլիտիւզէն և Մժնկերտէ: Լորիս Մէլիքովի ծրագիրն էր հարաւի ճամբէն մտնել, կեղծելով զթշնամին բաղխելու խորասանի ճամբուն վրայ. և յանկարծ բոլորակով մը ինկնալ ՆՎինի վրայ: Աննկարագրելի դժուարութեամբ տարուեցան հրանօթքը Միլլիտիւզի բարձր տափարակին վրայ. ուսկից կը տեանուէր թուրք բանակին ծուխը, և բանակեցան Մժնկերտի քով: Յունիս 25ին առաւօտ գունդերը հրաման ընդունեցան չուելու դէպ ի ՆՎին. և Կէտիլէրի մօտ հովտին մէջ սահմանուեցաւ յարձակիլ թշնամուոյն վրայ, քանի որ դեռ Մուխթար փաշա ՆՎին չէր դարձած: Կէսօրուան ժամը մէկին պատերազմին հրամանը տրուեցաւ: Յարձակումը պիտի սկսէր կեղրոնի զօրաբաժինը ուր Տփղիսի գունդերուն հրամանատարն էր զօրավարն Կոմարոֆ, որ պիտի անցնէր խանիչայր

և պիտի բաղխէր զթշնամին. իրեն ի թիկանց նեցուկ ունենալով Չավչավածէ իշխանին հեծեալգունդը: Կեդրոնի գունդերուն յառաջացած ժամանակ, արդէն ձախն ալ հետեւեր էր, և յաջողութեամբ կրցեր էին տիրել թուրքերուն առաջին պատնէշներուն, նա մանաւանդ թուրք գունդեր նահանջել կը սկսէին, երբ պատերազմին տեղը հասաւ Ֆէյզի փաշա. խրախուսեց գունդերը, տուաւ հրամաններ և հաստատաքայլ դիմեց Ռուսաց ընդառաջ, իրեն նեցուկ ունենալով իսմայէլ փաշայի հեծեալգունդը, մինչ Ռուսաց ձիաւորք դեռ չէին հասած պատերազմին կեդրոնը: Ռուսաց գունդերը զուրկ յենարանէ մը, սկսան բացուիլ: Ֆէյզի փաշա ետեւէ ետեւ նոր գունդեր յառաջ կը բերէր և Լորիս Մէլիքով տեսնելով որ անհնար էր թուրքաց զիրքերուն տիրել, հրամայեց նահանջել և բռնել առաւօտեան զիրքերնին: Այսպէս յաղթութիւնը կը մնար թուրքաց, որոնք կորսընցուցին 500ի չափ անձինք, մինչ Ռուսաց կորուստը անցաւ 800ը, յորս շատ մը սպայք, որոց անձնանուիրումը¹ մեծ եղեր էր:

17. — Երկրորդ առաւօտը Լորիս Մէլիքով իմացաւ Մուխթար փաշայի դարձը ուրիշ 22 շուկատներով. և խոհեմութիւն չհամարելով հոն մնալը, յետ մեռեալները թաղելու և վիրաւորները սայլերու վրայ տեղաւորելու, հրամայեց դառնալ Միլիտիւզի տափարակը. ոսկից իջնալով Սողանլուի բարձունքը, չուեց դէպ ի կարս, և Յուլիս Յին հասաւ ի Մէզրէ, ուր էր ընդհանուր ճամբարը:

Տէր Ղուկասովի նահանջը դէպ ի Երեւան:

1. Գաղղիացի Temps (ժամանակ) լրագրին թղթակիցը կը պատմէ, որ Լորիս Մէլիքով, նկատելով թուրքաց բազմութիւնը, վարանած էր պատերազմելու հրաման տալ. բայց ապա բռնադատուեցաւ, Տէր Ղուկասովի լուսնակը՝ այսպէս փրկելու համար վտանգաւոր կացութեանէ:

Լսած եմ տեղեակ որուսեայ անձերէ որ Լորիս Մէլիքով պատերազմին սկիզբէն ի վեր, շատ զիտողութիւնք ցրած էր ասիական բանակին սակաւաբութեան համար. և մինչեւ այդ պատճառաւ չէր ուզած հրամանատարութիւնը առնուլ, եթէ Բարձրագոյն Տեղէ իրեն բռնադատութիւն չ'ըլլար:

Երեւանայ և Աղեքսանդրապոլի բանակներուն պարտութիւնը և նահանջըր, ամենատիտուր տպաւորութիւն մը ունեցան տեղացի հայ և քրիստոնեայ ժողովրդոց վրայ. որոնք վստահ ոուս բանակին անպարտելութեանը, ըստ այնմ համակրանօք ընդունեցին զՏէր Ղուկասով, Լորիս Մէլիքով և ուրիշ համարիւն զօրավարները. ոգնելով յամենայնի նւթապէս և բարոյապէս, և յոխորտանօք իսկ ընդդէմ մահմէտական տարրին : Հիմայ թուրք բանակին և տիրապետութեան կրկին դարձը, իր ներշնչած վրէժխնդրութեան երկիւղով, բռնադատեց Յ(ՈՈ)էն աւելի հայ ընտանիքներ թողուլ տնեւնին տեղերնին, և հետեւիլ Տէր Ղուկասովի բանակին. ուրով Երեւանայ բանակը ստիպուած՝ դանդաղութեամբ և խոհեմութեամբ կը յառաջէր : Եթէ թշնամին երազ հալածէր Տէր Ղուկասովի բանակը, կարող էր մեծ փնասներ տալ և ի սպառ ոչնչացնել. բայց ետեւէն ղրկուած չէրքէզ և քիւրտ ձիաւորք, թըշնամին հալածելէն աւելի, զբաղեցան գիւղերը մտնել, աւազակութիւն և ամեն անօրէնութիւն ընել : Միայն ի Ղարաքիլիսէ կրցան հասնիլ վերջապահին. և բաղխելով յափշտակել պաշարէն մաս մը : Յետոյ այլ եւս չ'երեւցան, որով Տէր Ղուկասով կրցաւ հանգիստ հասնիլ ի Ս. Յովհաննէս : Միտքը դրած էր, իայագիտը ազատելու չգացած, ապահով տեղ մը դնել իրեն հիւանդները, վիրաւորքը և Ռուսաց ապաւինող հազարաւոր հայ ընտանիքները որոնք հասան յիզդիր՝ Յուլիս Յին Երեւանայ նահանգին մէջ. այսպէս հանգստացան ամենը ոուս հողի վրայ : Եւ իր այս փայլուն և մարդասիրական նահանջին համար, անձամբ բանակը եկաւ իրեն խնդակցելու մեծ դուքան Միքայէլ Նիկողայէվիչ¹ :

1. Այս գաղթեայ հայ ընտանիքներուն համար անմիջապէս օգնութիւններ ղրկուեցան Տփղիսու և Կովկասու հայերէ, Քանձնաժողովէ մը, որուն նախագահն էր Աղեքսանդր Անանով և քարտուղար Գրիգոր Աւթրուշի : Մեծ ջանքեր և նպաստներ ըրին ՊՊ. Աղ. Մանտաշեանը, Խատիսեան, Գուլուխանեան, Սուրբունով և այլք :

Իսկ Լորիս Մէլիքով որ չուեր էր դէպ ի Կարս, իմանալով որ Յուլիս 4ին Մուխթար փաշա հասեր է ի Քրրքրունար, Կարսէն քանի մը ժամ հետու, այսքան սակաւաթիւ գունդերով անխոհեմութիւն համարեցաւ շարունակելու Կարսի պաշարումը և յանկարծ բռնուիլ երկու կրակներու մէջ. Յուլիս 6ին հրամայեց պաշարող բանակին ետ քաշուիլ և բանակը տարաւ ի Քուրուդէրէ, Աղեքսանդրոպօլի ճամբուն վրայ, որով և ոռւսական սահմանագլխէն ոչ հետու:

Մուխթար փաշա Յուլիս 7ին հասաւ ի Չիֆթլիք. Կարսէն քանի մը ժամ հետու՝ հաստատեց հաղորդակցութիւնն Կարսի բանակին հետ և յաղթանակաւ մտաւ քաղաքը. ուր հասաւ նաեւ անգղիացի Քէմպալ զօրավարը իբրեւ բանակին հետեւող կցորդ: Մեծ եղաւ ներքին պահանորդաց և պաշարուող բնակչաց ուրախութիւնը պաշարումէն ազատելուն համար. նոյն իսկ հայազգի բնակչաց, որոնք պաշարման ժամանակին, միշտ կասկածով մը իբրեւ լրտեսք նկատուած էին. և յորոց մի քանին, իբրեւ մատնիչք պարիսպներէն ողջ գահավէժ ձգուեր էին Կարս Չայի հեղեղատներուն մէջ, ըստ պատմելոյ օրագրութեանց¹:

Երբ Լորիս Մէլիքով քաշուեցաւ իր հին բանակատեղին ի Չայմ և անկէ յինիքէօյ՝ Աղեքսանդրոպօլի մօտ խոտաւէտ դաշտերը, և յառաջապահ գունդերը բունցին զԽալիբ օղլու և Սուրադան, այն ատեն Մուխթար փաշա չուեց մինչեւ ի Վիզին քէօյ և Հաճի Վէլի: Եւ յառաջելով միշտ դէպ ի ձախ, հասաւ ոռուս սահմանագլուխը յԱնի և բռնեց Կարսէն մինչեւ Անիի գիծը:

Տէր Ղուկասով իզդիրէն մեկնեցաւ Յուլիս 8ին, երթալ ազատելու զԲայազիտ, զոր թուրք և քրիտ խումբեր պաշարեր էին: Տէր Ղուկասով դէպ ի Աղեքսանդրոպօլի բանակը մեկնած ժամանակ, թողուցած էր Բայազիտի մէջ 1600 զինուորաց պահանորդ մը: Իր մեկ-

Քիւրտերու և
նօթնութիւնը:

1. Յայտ է թէ եղան աներեւութացած անձինք:

նեւէն վերջը վանի կուսակալը Ֆայրզ փաշա, վանէն Ռիթլիսէն և Մուշէն բաշիրոզուքներ հաւաքեց Բայազիտի վրայ յարձկելու համար. և որովհետեւ աղոնք բաւական չէին, խնդրեց հայտարանել ըրբտրուն ճէլալէտտին շէյխէն, իրեն կամաւորներ ղրկելու. և փութով աւարի յուսով, հաւաքուեցան գիշակեր թուշուհներու պէս, 15,000էն աւելի վայրագ բարբարոսներ, որոնք դեռ բանակը չեկած, ճամբան 24 գիւղեր այրեցին, կողոպտեցին: Դիմեցին նաեւ Ս. Բարթող վանքը, ուր ապաւինեցին փախստեայ բնակիչքը արք և կանայք, մանկունք և աղջկունք: Հոն չմնաց անօրէնութիւն որ չգործեցին. և ապա հետերնին տարին անոնցմէ մաս մը: Մաս մ'ալ փախստեամբ ազատեցան ի Պարսկաստան և ի Սալմաստ: Այս ըրբտ գունդերը գացին միացան Ֆայրզ փաշայի հաւաքած մարդկանց, և դիմեցին Բայազիտի վրայ, զոր պաշարեցին Յունիս 17ի: Ռուս հազարապետն Գովալեւաքի անկարելի համարելով պաշտպանել քաղաքը, մարդ ղրկեց առ Ֆայրզ փաշա, և առջարկեց պատուաւոր անձնատրութիւն մը: Փաշան ընդունեցաւ. պայմանաւ որ զինուորականք քաղքէն անգէն մեկնին: Երբ պահանորդէն մաս մը առանց զէնքի ելաւ քաղքին դռնէն. այն ատեն ըրբտրը յարձկեցան վրանին և սպանեցին զանոնք: Մնացեալ պահանորդք տեսնելով զայս, քաղքին դռները գոցեցին և ներսը պատսպարուեցան: Բայց չունենալով բաւական պաշար և ջուր, մանաւանդ թիւ, բան մը չկրցան ընել. և սկսաւ իրենց համար ահաւոր պաշարում մը, թշնամեաց գնդակներուն ներքեւ որ տեւեց 23 օր:

Մուխթար փաշա իմանալով պահանորդին դէմ եղած անպատիւ մատնութիւնը, մեծապէս զայրացաւ. և

Բայազիտի
պաշարումը ի
թրքաց:

1. Մ'վ կարդացած չէ Բաֆֆի «Ջալալեդդին» և չէ սոսկացած. և սուկայն դեռ փոքր պատկեր մ'է բաղդատամբ իրականութեան, զորս լսած ենք ականջով:

2. Այս պաշարումը լի դիւցազնական դէպքերով, ներշնչած է Բաֆֆի գրել «Խեք» պատմական վէպը:

հրաման զրկեց կախելու յանցաւորները և ճամբելու քիւրտերը¹ . որով Ֆայրզ փաշա բռնադատուեցաւ 8000էն աւելի քիւրտեր վարձատրելով զրկել տեղերինն . որոնք փայլզ փաշայի դէմ տեղոհութեան ոխը հանեցին հայ գիւղերէ, յամենայն անօրէնութիւնս զործեցին հայ ժողովրդեան և քրիստոնէից վրայ և նոյն իսկ թուրք ժողովրդեան դէմ . զի այդ ժողովուրդը մահմէտականութենէ աւելի յարեալ է յափշտակութեան և ամենազգի անօրէնութեան² :

Բայազիտի մէջ պաշարուածները յետ 23 օրուան, յանկարծ լսեցին հեռուանց Տէր Ղուկասովի թնդանօթներուն ձայնը, որ «իրենց համար այնքան քաղցր հնչեց ինչպէս օտար հեռաւոր աշխարհի մէջ մայրենի լեզուն», ըստ բացատրութեան պաշարուողներէն մէկուն:

1. Այլ յանցաւորներէն 21 անձինք ալ Տէր Ղուկասով կախել տուաւ Բայազիտ մտնելէն վերջը:

2. Քիւրտերուն բրած ահսելի անօրէնութիւնքը յուզեց բոլոր Արեւելքի քրիստոնեայ ազգերը և նոյն իսկ թուրքերը . և բարձր պաշտօնական շրջանակներէ կանխաւ սպանաւորներ չբռնեցին արդարաւէր, բարոյասէր և հայրենասէր երեսփոխաններու լեզուն, յայտնապէս բողոքելու թուրք Խոտարանին մէջ: Գիններ հոս բոտ թարգմանութեամբ Մտախի լսմագրութեան:

«Առջիտես եֆեհտի խօսք անբլով երկար ատենաբանութեամբ մը բացատրեց Ասիոյ մէջ Քրտաց երևոյն շայտց կրած անթիւ ազլտքները ու չարիքը . բռնով թէ ի՞նչ զեղծումներ որ զործուեցան Բուսէլիի և Բուզաբիոյ մէջ, նոյնը զործուելու վրայ է երկար ատենէ ի վեր Քրտաց ձեռք շայտտանի մէջ: Սակայն Յոյներն և Բուզաբը Աբրապիոյ մէջ տեսարկներ հրատարակելով և բողոքոյ ձայներ բարձրացնելով, Աբրապիոյ ուշադրութիւնը իրենց կրած ստաւապանաց վրայ հրաւիրեցին, մինչդեռ շայնքը գուրկ ըլլալով այլ միջոցէն՝ լուսթեամբ սարին և հանդուրժեցին իրենց կրած ցանձ տառապանաց: Բայց միթէ արդարութիւն է որ շայն՝ Տէրու թեան ամենին աւելի հնազանդ և հպատակ ազգն՝ այսպէս չարչարուի և կեղեցուի, նոյն իսկ մեր տէրութեանս դէմ ապստամբող Քրտաց ձեռքը: Աւստի և վաղորդփոյթ այս անտանելի վիճակին վախճան մը տրուիլը կ'առաջարկէ»:

Ասլիտէս Էֆէնտիէն ետեւ կարնոյ երեսփոխան Պալլաբեան շամազապ Էֆէնտի խօսք աննով, ընդարձակ բացատրութիւն մը տուաւ Շահ Նուսէյինի որդայն՝ Նիւսէյին պէյի, Մշոյ Ջիպրանցի Քիւրդերուն, վասնայ շայտարանցի Ալիի և իսկ մը ուրիշ վրանարնակ Քրդաց և Ազիրէթներու զործած չարեաց վրայ: «Աստեց զլիսաւորներն, երբնն կը բռնուէին և կը բռնաարկուէին, բայց շատ չ'անցած թող արուելով, աւելի կատաղութեամբ իրենք առէլ անգլութիւնները ձեռք կ'անուրն: Վալիններէն և միւլէսարիֆներէն շատեր ալ կան՝ որ այլ Քրդաց զործակից և համախոհ գանուած են, որոնք անունը հարկ չեմ տեսներ այժմ յայտնապէս յիշատակելու: Իսկ

Պայլոց փաշա գիտէր որ իր հաւաքած գունդերը քաջ էին յարձկեալու և յափշտակեալու, բայց ոչ պատերազմելու. որով անմիջապէս աներեւութացան:

Տէր Ղուկասով
կ'ազատէ զհա-
յագիտ և կը
թողու:

Երկրորդ օրը Տէր Ղուկասով մտաւ ի Բայագիտ, զոր գտաւ աւերակ դիրքի մէջ և ուր շատ դժուարին էր պահանորդի մը մնալը և պաշտպանուիլը. որով հետը առնելով հայ և քրիստոնեայ ընտանիքներ, որոնք կ'ուզէին գաղթիլ, դարձաւ նորէն յիգդիր: Այսպէս ուսասական արշաւանքէն Հայաստանի մէջ, կը մնար Ռուսաց ձեռքը միայն Արտահան:

Բոլոր Եւրոպա զարմացաւ ոուսական բանակին այսպէս ապարդիւն արշաւանքին վրայ, ունենալով մանաւանդ համակիր ժողովուրդ մը, օգնող իր աշխարհակալութեան. ինչպէս եղած էր երկու դարէ ի վեր՝ ուսամեն արշաւանքներու ի Պարսկաստան, ի Կովկաս, ի

շատ ազէկ գիտեմ որ այդ Քրտերուն ազատ թող արուիլն ամեն անգամ 10,000 ոսկիի կ'ըլլար իրենց: Կրք կը հարցնէի կուսակալներուն, թէ ինչո՞ւ Քրտերոր չեն պատժուիր, որոց համար երկու վաշտ զօրք բաւական է, և այսպէս անպատիժ թոյլ կը արուի որ շարունակեն իրենց չարագործութիւնները. կը պատասխանէին ինձ՝ թէ այս գործոյն մէջ հիքքեթի հիքքեթեր (պետական վերապահայ զազանիք) կայ: Վերջէն խելամուտ եղայ, թէ ինչ է եզեր այդ պետական զազանիք յսածնին. այդ հիքքեթը սակեզեր թէ՛ կառավարութիւնը անոր համար այդ վիճակին մէջ կը պահէ եզեր զՔրտերոր, որ եթէ Հայերը Հայաստանի մէջ ապստամբական շարժում մը ընեն, Քրտերոր զանոնք զսպեն. և մէկ մ'ալ որ թէ պատերազմ բացուի Ռուսիոյ դէմ, Քրտերը (սամանեան բանակին կամուար զօրք՝ օգնութիւն պիտի ընեն եզեր:

Ահա հիմայ յայտնապէս սենունեցաւ թէ այդ Քրտերոր՝ որ տէրութեան պիտի օգնէին, որոց զօրքերն են եզեր. այն Քրտերոր որք իրազուրկեան ժամանակ անպատիժ կերպով և անխցճօքէն Հայերը չարագործին և կեղեքեցին, հիմայ ալ պատերազմի ժամանակ տէրութեան մասնութիւն և զաւանանութիւն կ'ընեն: Ասոնք իրենց ո՞ր օգտին և ո՞ր յատկութեանցը համար արդեօք այսքան պաշտպանութիւն զտած էին, մինչև Հայաստանի բնակչաց արեւը ծծելու չափ... ուրեմն ասոնց չարեաց և ազեպիցն վախճան տալու համար, անմիջական միջոցներ ձեռք առնուլ հարկ անհրաժեշտ է:

Վասիպաքի բէյ խօսք տունով, նախորդ երկու ասենարաններուն ըսածը հաստատեց. միանգամայն և առաջարկեց՝ որ այս խնդիրն անմիջապէս Բ. Գիւտըր զրկուելով, անմիջական զորժադրութիւնը խնդրուի, Բոլոր իսլամ երեսփոխանք ալ համամիտ և ձայնակից եղան թէ՛ սոյնս ուսալարկութեան և թէ՛ վերոյիշեալ ասենախօսներուն յայտնած կարծեացը, հետևաբար որոշուեցաւ զբնւ առ Բ. Գիւտըն՝ որպէս զի անմիջական ազդու միջոցներ ձեռք առնուին: Փոռմարումն 14 Յունիսի 1877:

Հայաստան: Անյաջողութեան պակասութիւնը պէտք էր փնտռել նոյն իսկ ոուս բարձրագոյն զինուորական կազմակերպութեան հրամանատարութեան մէջ և ոչ ուրիշ տեղ: Այլ և այլ փոքր թերութիւններ միարան գալով, այնպէս ըրին, որ Լորիս Մէլիքովի նման փորձ և արի զօրավար մը, ստորին զտնուեցաւ Ֆէյզի փաշայի և Մուխթար փաշայի դիմաց: Լրագիրք մինչեւ երկինք բարձրացուցին յետնոց ռազմագիտութիւնը և արթուն մատակարարութիւնը, ամեն կողմ պախարակելով ոուս բարձրագոյն մատակարարութեան կարեւորութիւն մը շտալը իր հրամանատարին բողոքներուն և խորհուրդներուն: Թուրքաց ասիական բանակը ամեն օր կը ստուարանար նոր զունդերով Անկիւրիայէն, Ղոնիայէն, Խարբերդէն, Տիարպէքիրէն և Պաղտատէն: Մուխթար փաշայի ազդեցութեամբ՝ Կարսի նոր վալի զրկուեցաւ Մուստաֆա փաշա և Կարնոյ համար Հասան փաշա, երկուքն ալ բանակին օգնելու եռանդով լցուած, երկուքն ալ նոր պահեստներ պատրաստելու հրահանգներով: Իէրվիշ փաշայի նոր օգնութիւնը զրկուած էին. և Թուսք տակաւին շատ հեռու էին Բաթումի տիրելէն զոր դիւրին կարծեր էին: Թուսք պատերազմին սկիզբը ունենալով երազ յաջողութիւնք և յաղթութիւնք յԵւրոպա և յԱսիա, ոուս լրագրութիւնը մեծապէս բարձրացուց իր բանակը և զօրավարքը, և ոչնչացուց թուրք զինուորքը և հրամանատարքը: Ընդհանուր կարծիք մը ձեւացաւ որ հարիւր ոուս զինուոր կարող էր կոտիլ 5(Պ) թուրքի դէմ. և ինամը շտարուեցաւ ջոկատները և վաշտերը իրենց օրինաւոր թուին հասցնել: Թուս սպայակոյտը և բանակը կը կարծէր դիմացը միշտ ունենալ Սարրի փաշա մը կամ Արդիւլ Քէրիմ մը: Մեծապէս տագնապեցնող ձախողութիւնք յԱսիա և յԵւրոպա, փոխել տուին իրենց կարծիքները, փոխել տուին և միջոցները. կարեւորութիւն տրուեցաւ հրամանատարութեան և թուոյ: Այն օրուրնէ պատերազմին բաղդը կրկին դարձաւ Թուսաց կողմը:

Գ Լ ՈՒՆ Ի .

ՊԼԷՎՆԱՅԻ ԵՒ ՉՐՊԳՆԱՅԻ ՇՈՒՐՋԸ

1. Անգղիոյ նաւատորմը Կ. Պոլսոյ մօտ. — 2. Ռոման փոշա եւ իր բանակը ի Պէլէֆնա. — Պէլէֆնայի առաջին պատերազմը. — 3. Ռումէն-Ռուս Գաշնակցութիւն. — Պէլէֆնայի երկրորդ պատերազմը եւ Հեռեւանքները. — 4. Գուրգո զօրավարը. — Խաքի Ջազրայի կոտորածը. Քուրք եւ ըրիտօնեայ զաղթականութիւնը. — 5. Մոնաէնէզրոյի հիկոլա իշխանին յաջողութիւնը. — 6. Սիւլէյման փաշա ի Չրպզա. Յարձակումը-նահանջը. — 7. Կրկու կողման բանակաց կացութիւնը Պէլէֆնայի զիմաց. — 8. Պէլէֆնայի երրորդ պատերազմը. — 9. Պէլէֆնայի պաշարումը. — 10. Մէհմէտ Ալի ի Շումլա. — Քարաշասանի յաղթութիւնը. — 11 Քոլաէլիֆայի պարտութիւնը. — Մէհմէտ Ալի կր կոնչուի ի Կ. Պոլիս. — 12 Սիւլէյման փաշա ընդհանուր հրամանատար. — Չրպզայի վրայ յարձակումը եւ անյաջողութիւնը:

Անգղիոյ նաւատորմիցը Կ. Պոլսոյ մօտ:

1. — Պատերազմի հրատարակուելէն ընչ վերջը, ռուս բանակին Դանուբը անցնիլը, ինչպէս տագնապեցուցեր էր զԿ. Պոլիս, ոչ նուազ քաղաքական յուզումն պատճառներ էր և ի Լոնտրա. ուր չէր կարծուեր որ այսպէս փութով և առանց յամառ ընդդիմութեան մը, ռուս բանակը անցնի զԴանուբ: Հրաման ղրկուեցաւ աւելցնելու նաւական զօրութիւնըը ի Մալտա և ի ձիբրալտար: Իսկ երբ Գուրքօ զօրավարը կրցաւ անցնիլ կայծակնօրէն Բալկանները և բռնեց զԲրզանյուք և Չրպզա. երբ բանակը մօտեցաւ Ֆիլիպպէի և Ալբերանուպօլսոյ և տարածուեցաւ Բուլղարիոյ ամեն կողմ, վտանգաւոր կացութիւն մը սպառնալով նոյն իսկ թուրք

մայրաքաղաքին, որով և Միջերկրականի, այն ատեն հրաման ղրկուեցաւ որ անգղիական նաւատորմիդն Մալտայէն և ձիբրալտարէն փութայ ի Բէսիբա՝ Գարտանէլլի կրճին մօտ նաւահանգիստը, պատրաստ ո՛ր և է անակնկալ ղէպքի մը: Անգղիա միանգամայն մտերմական ոճով առաջարկեց առ թուրք կառավարութիւնը, որ ուրիշ նաւատորմիդ մ՛ալ հասցնէ կէլիպօլուի դիմաց, իբրեւ պատուար մը ռուսական ո՛ր և է փորձի մը: Սակայն թուրք կառավարութիւնը շնորհակալ եղաւ, ծանուցանելով որ այդ նաւերը կ'ընդունէր, «թէ գային իբրեւ դաշնակցի. ապա թէ ոչ օսմանեան բանակը իր երկիրը և իր պատիւը պահելու համար, պիտի թափէր արեան յետին կաթիլը»:

Արդիւ Համիդի վարչութիւնը աւելէ համարձակութեամբ կրնար տալ այս պատասխանը, երբ մանաւանդ Ռուսաց առջի յաղթանակներուն յաջորդեցին քանազան պարտութիւնք թէ յԵւրոպա և թէ յԱսիա:

2. — Գուրքօ զօրավարին երազ յաղթութիւնք յորդորեցին զմեծ դուքսն Նիկոլա, ընդհանուր սպարապետ բանակին, յանդուգն ծրագրի մը զործադրութեան. որով պիտի բաժնէր մէկմէկէ թուրք բանակները, ոսր պիտի հանէր ամեն կողմի բուլղարները, պիտի տիրէր Ադրիանուպօլսոյ, և կ. Պօլսոյ տիրելու սպառնալիքով մը, պիտի ստիպէր զթուրք վարչութիւնը հաճոյակատար հաշտութեան մը: Այս ծրագրով պատուիրեց թագաժառանգ իշխանին սաստկացնել Ռուսնուքի պաշարումը և գայն բաժնել Շումլայի բանակէն: Ինքն ալ ամբողջ բանակովը փոխադրուեցաւ ի Տիրնովա. յանձնեց Քրիւզներ զօրավարին պահելու Սէմ գետին գիծը և տիրելու Լովաքի և Պլէշնայի մանաւանդ, ուր Գ(), Ո() զօրքով, հասեր էր Սաման փաշա վիտի գիծը պաշտպանելու համար¹: Քրիւզներ Պլէշնայի տիրելու հոգր

(Սաման փաշա և իր բանակը ի Պլէշնա:

1. Սաման փաշա ուրիշներն զատուելու համար թողալը կոչուած էր, յիշողիկա ծնած ըլլալուն պատճառաւ: Իր ուսումը բրած էր ի կ. Պօլսո

յանձնեց Շիլդէր Շուլդնէր զօրավարին: Թուս զօրավարք
 գրեթէ վարժուած Արդիւլ Քէրիմի անգործ զրուժեան,
 ապահով էին յարձակմամբ մը անպատրաստ գտնել
 խուրքերը և տիրել Պլէշնայի, որ փոքրիկ բաղաբ
 մ'էր բլուրներու մէջ թաղուած 12,000 բնակչօք, մաս
 մը թուրք և մնացեալը՝ ռուլգար: Պլէշնա ներկայ պա-
 տերազմէն առաջ գրեթէ անծանօթ էր ամենուն և բնա-
 ուզմագիտական կարեւորութիւն մը չէր կարծուեր ունե-
 նալ, ըլլալով հանդերձ կեդրոն շատ մը ճամբաներու:
 Ունէր խճուղի մը դէպ ի Նիկոպօլիս, որ հետու էր
 միայն 36 քիլոմէդր, ճամբայ մը դէպ ի Թուսճուք՝
 Իիէլայի վրայէն 180 քիլոմէդր, դէպի Սոֆիա խճուղի
 մը 170 քիլոմէդր, Օրխանիէի վրայէն. ուրիշ խճուղի
 մ'ալ դէպ ի Ֆիլիպպօպօլիս 159 քիլոմէդր՝ Լովացի
 Տրայանի և Քարլովայի վրայէն: Թուս սպայակոյտը ուշ
 ըմբռնեց յոր մեծ վրիպակ ըրած էր Նիկոպօլսոյ տիրե-
 լէն վերջը, անմիջապէս զՊլէշնա բռնած չ'ըլլալուն
 դեռ (1)սման փաշա չհասած:

Պլէշնայի ա-
 ռաջին պատե-
 ռագմը:
 1877

Թուլիս 2(1)ին առաւօտը զօրավարն Շիլդէր Շուլդ-
 նէր իր գունդերը 6(0)(0) զինուորքը երկու սիւնակ բաժ-
 նելով, հրամայեց յարձկիլ Պլէշնայի վրայ: (1)սման փա-
 շա սպատուիբեց պահանջորդին թոյլ տալ Թուսաց յա-
 ուջելու և սկար ընդդիմութիւն մը կեղծել: Առաջին սիւ-
 նակը կեցցէներու գոչիւնով, թափով անցաւ երկու
 բանակաց մէջի հեղեղատը. և որովհետեւ թշնամին միշտ
 կը նահանջէր, հալածելով զայն մտաւ մինչեւ բաղաբը:
 Այն ատեն հրաման եղաւ թուրք զինուորաց. և ահաւոր
 կրակ մը սկսաւ տանց պատուհաններէն և տանիքնե-
 րէն, զորոնք բռնեց էին զինուորք. և հազարէն աւելի
 անձինք ինկան, յորս նաեւ զօրավարն Նորրինկ և հազա-
 րապետն Թոգէնրատու: Հագիւ զօրավարն Պոխիդոնոֆ

և բանակը մտեր կը 1853ին: Միշտ նշանաւոր գտնուելով, յիշմէն և ի
 Ալբրիա, պատերազմին սկիզբը միւշիթի աստիճան ստացեր էր և զրկուեր էր
 զՆիկոպօլիս պաշտպանելու. 1896ի ահաւոր դէպքերուն մէջ, կ'ըսեն, որ
 Օսման փաշա յիշեց գթով մը, իր հայ քաղաքացիքը փրկելու:

չորս ժամուան մէջ կրցաւ ողջ մնացեալքը հասաքելով նահանջել առաւօտեան դիրքերուն մէջ: Կրկրորդ սիւնակը, որուն կը հրամայէր հազարապետն Քլայնհաւս, չուելով Պլէվնայի վրայ կրէվիցայի կողմէն, յարձակմամբ տիրեր էր երկու կարգ պատնէշներու. բայց երբ մօտեցաւ երրորդին, ահաւոր կրակ մը սկսան թափել թուրք հրացանք, ուսկից մեռան նաեւ շատ մը զնդապետք և սպայք. սպանուեցաւ նոյն իսկ Քլայնհաւս հազարապետը: Իրեն յաջորդող Բաթաշէվ հրամանատարը, ընդերկար կռուեցաւ արութեամբ ստացած գծերը չկորսնցնելու համար. բայց թուրք նորանոր գունդերու հասնելով, ստիպուեցաւ նահանջ հրամայել. և խազախ ձիաւորաց պաշտպանութեան ներքև կրցաւ քաշուիլ մինչեւ ի Բուլղարէնի. որով թուրք գունդերը կրկին տիրեցին պատնէշներուն: Պլէվնայի այս առաջին պատերազմը ցըցուց Ռուսիոյ և բուլոբ Էւրոպիոյ թուրք զինուորին քաջութիւնը՝ լաւ հրամանատարէ առաջնորդուած ժամանակ: Կոյն օրուան Ռուսաց կորուստը եղեր էր, ըստ պաշտօնական իրենց ծանուցագրին, 2771 զինուորք և 64 սպայք: Թուրքացը հազար մը կը համարուի: Ռուս սպայից երեքին երկուքը, աննման արութեամբ կռուելով ինկեր էր դաշտին վրայ. և ցաւալի եղաւ մեծապէս ամեն ազգի, որ այսպիսի անձնանուէր ազնուական դիւցազուններու մարմինքը չյարգուեցան վայրագ բաշիրողուքներէ, որոնք անդամահատեցին անոնց կերպերով:

Ռուլիս 17ին զօրավարն Սուրադոֆ տիրեր էր Լուվացի (կամ Լոֆշայի) որ 35 թիւումէդը հետու էր Պլէվնայէն և որ ունէր 12,000 բնակիչ, հրեք եկեղեցի ջրիստոնէից, տասնէն աւելի մզկիթք, երկսեռ վարժարանք ջրիստոնէից, և հարուստ վաճառատունք: Պլէվնայի պարտութենէն վերջը Ռուլիս 27ին, երբ թուրք գունդեր երեւցան քաղքին դիմաց, Ռուսք ձգեցին գայն և թրքաց բռնելէն վերջը, բաշիրողուք գունդեր ահաւոր ջարդ մը ըրին ջրիստոնէից, ամեն անօրէնութիւններով. և փողոցները անանցանելի էին դիականց բազ-

մութենէն, յորս մեծաւ մասամբ անմեղ տղայք, մարց գրկերէն յափշտակուած ¹ :

Ռուսն և Ռուս
պաշնակցու-
թիւն :

3). — Երբ Յուլիս 20ի պարտութեան լուրը հասաւ Տիրնովա՝ Նիկոլա մեծ դքսին, ըմբռնեց անմիջապէս որ Օսման փաշայի բանակին պատճառաւ ի Պլէշնա, ինչ վտանգաւոր կացութեան մէջ կը գտնուէր ռուս բանակը : Կարող էր թուրք զօրավարը Վիտի եզերքէն չուելով, առնուլ կրկին զՆիկոպոլիս և կտրել ռուս բանակին Գանուրի նահանջը . և ինքը չունէր այնքան զինուոր, թուրք բանակին այդ շարժումը խափանելու :

Այս երկիւղը մոռցնել տուաւ իրեն ամեն փափկանկատողութիւն նկատմամբ Աւստրիոյ . մէկդի դնել տուաւ ռուսական իրոխտ զգացումը, որով մինչեւ Պլէշնայի առաջին պատերազմը, չէր ուզած ընդունել պաշտօնապէս ռուսմանիացի բանակի մը աջակցութիւնը : Պլէշնայի կռուէն վերջը, պէտք ունենալով անմիջապէս գունդերու, Սիստովայի ճամբան պահպանելու համար, մտածեց հանել Նիկոպոլսէն ռուս պահանորդը և դնել հոն ռուսմանիացի գունդեր . որոնք երկար ժամանակէ ի վեր

1. Բնորը իշրոպա յուզուեցաւ բաշիրոզուք զօրաց այս անուր անգթութեանց վրայ և բողոքեց աս Բ. Գուսը՝ որ ներելի չէր այսօրինակ զինուորութիւն գործածել : Բ. Գուսն ալ իր կողմանէ բողոքեց ընդդէմ Ռուսաց, սրտց պաշտպանութեան ներքեւ Բուլղար ապստամբք ամեն վայրենութիւն . ներ ըրեր էին թուրք փոզերու . զոր օրինակ .

Ի Քատաք թուրք զեղ մը, Սիստովայի մօտ, 100 տուն, 200 մարդ, 300 կանայք . միայն եսթը հոգի մնացեր էին :

Ի Բալովան թուրք զեղ, Տիրնովայի մօտ, 250 տուն, 700 մարդ, 1200 կանայք : Մէկ մարդ մը միայն ազատած կը կարծուի ջարդէն :

Ի Քարաբունար 100 տունք, 200 մարդ, 300 կանայք : Երկու հոգի միայն սոջ մնացեր են :

Այսպէս կը շարեն դեռ ուրիշ գիւղեր, զորս աւելորդ կը համարիմ յիշատակել : Չիփիլիս կատալիքա՝ կրօնական պրակը մանր կը յիշէ իր 1 Ակպաւմերէր 1878ի թուոյն մէջ ուրիշ յասկուածներով իրեն թղթակցէն :

Ռուս և ռուսաէր լրագիրք և պրակը կ'ըսեն որ այս ապստամբք Բուլղարք, այն Բուլղարներն էին զորս զօրավարն Գուրգօ ապստամբեցուց և սրտց զէնք բաժնեց պաշտպանելու տեղերին ընդդէմ թուրք զօրաց և բնակչաց : Անոնք այդ զներբըր ատած յարձկեցան թուրք զիւզերու վրայ և ջարդեցին անմեղ մարդիկ : Այդ քրիստոնեայ բաշիրոզուքներէն հարիւրաւորք և հազարաւորք կ'երթային Ռուսաց բանակին ևտեհէն և շատ անօրէնութիւններ գործեցին :

անհամբեր կը սպասէին յիսւաց, մեծ դքսին ակնարկի մը: Չարին և կարող իշխանին մէջ այս համաձայնութիւնը մեծ ուրախութեամբ լսեց ուսմանիացի բանակը. և զօրավարն Մանու 25էն 26ի գիշերը, երաժըշտութեան և խնդութեան գոչիւններով անցուց իր գունդերը բուլղար հողին վրայ դէպ ի նիկոպօլիս: Իսկ այս քաղցիս ոուս գունդերը մեկնեցան դէպ ի Սիստովա պատերազմին դաշտը: Երկու բանակը մէկմէկու հանդիպելով, հրամանատարք մէկմէկու ձեռք սեղմեցին, բանակները կեցցէ՛ գոչեցին, երկու դրօշակք մէկզմէկ ողջունեցին և նիկոպօլսոյ բերդին վրայէն հանուելով ոուս դրօշակը, կանգնուեցաւ ուսմանիացի դրօշը:

Մեծ դուքսն նիկոլա ըմբռնեց որ պատերազմին ելից վրայ մեծ նշանակութիւն պիտի ունենար Պլէշնայի թուրք բանակ մը (սման փաշա զօրավարով. և հարկ էր հոն կեդրոնացնել ամեն տրամադրելի գունդեր և փութով տալ յարձակումը: Հրաման զրկուեցաւ ճախովսըոյ իշխանին որ ժի՛ բանակով կը դիմէր (սման Բազարի վրայ, թողուլ հոն քիչ մը զօրք և գալ ի Պլէշնա. նոյնօրինակ հրաման տրուեցան ուրիշ բանակներու ալ, գունդեր և վաշտեր զրկելու: Թուսք այս շարժումները կատարեցին դիւրութեամբ, որովհետեւ (սման փաշա զիրենք նեղելէն կամ հալածելէն աւելի կարեւոր դատեր էր այս միջոցին իր զօրքը գործածել Պլէշնայի պաշտպանութիւնը ընդարձակելու և ամրացնելու Բուքովա գիւղէն մինչեւ ի կրէվիցա, և ասկէց դէպ ի Ռադիսիէվօ գիւղը և Պլէշնա, կարգ կարգ փոսերով և պատնէշներով: Թուրք ճարտարապետք ամենէն աւելի հիւսիսակողմը ամրացուցին եռակարգ հողակոյտ տափարակներով, մէջ ընդ մէջ կրուպ թնդանօթներով, որոց ետեւը պատսպարուած էր հետեւակ զօրքը: (սման փաշա նոր հասած օգնութիւններով կրցեր էր կազմել 60,000) ի բանակ մը:

Պլէշնայի կրկնօրոյ պատերազմը և հետեւանքները:

Իսկ ոուս բանակին թիւը ճախովսըոյ իշխանին հասնելովը 32,000) ի կը բարձրանար: ճախովսըոյ բանակեցաւ ի Քարանսողան, Պլէշնայէ քսան քիլոմէդր հեռու և մտաւ հաղորդակցութեան Քրիւտրնէրի հետ, այսպէս ա-

ուանձին երկու սինակով պիտի ումրակոծէին և պիտի յարձկէին Պլէֆնայի վրայ, մինչ զօրավարն Սքորէլէֆ իսպախներու վաշտով մը, պիտի հսկէր Լովացի ճամբուն վրայ, ուսկից թուրք զունդեր յարձկելով, կրնային Ռուսաց հաղորդակցութիւնքը կտրել :

Մեծ դուքան Նիկոլա հրաման զրկեց Ռուլիս Յօին կատարել յարձակումը և ոռու զունդերը շարժեցան : Երբ առաւօտեան մառախուղը քիչ մը փարատեցաւ և ոռու բանակին Աջը որուն կը հրամայէր Քրիտներ, ժամը եօթին տեսուեցաւ թուրք բերդերէն, այն ատեն սկսաւ կրակը, որուն պատասխանեցին Ռուսք : Զօրավարն Քրիտներ ի բնէ զգոյշ և հանդարտ, չուզեց անմիջապէս սկսիլ յարձակումը կրէվիցայի վրայ, որուն պէտք էր տիրել յառաջելու համար. իսկ իշխանն Նախովսքոյ յետ հանելու թնդանօթներ բլուրներու վրայ, սկսաւ ումրակոծել Ռատիսիէվօ գիւղը, որուն նախ հարկ էր տիրել Պլէֆնայի վրայ յարձկելու համար : Բայց հագիւ Ռուսք սկսեր էին կրակը, թրքաց հրանօթը շարունակ կարկտանման հարուածովք լոցուցին Ռուսաց հրանօթքը : Այն ատեն Նախովսքոյ հրամայեց տիրել պատնէշներուն : Թուրք հետեւակը սպասեց հանդարտութեամբ մինչեւ որ մօտեցան ոռուք և ապա սկսաւ սուրնով մոլեգին կռիւ մը : Այսու հանդերձ Ռուսք անհամար կորուստներով տիրեցին երկու գիծ պատնէշներու և թուրք կը նահանջէին դէպի Պլէֆնա, երբ (սման փաշա հանեց քաղքէն բազմաթիւ թարմ զունդեր, որոնք քաղքին շրջապատ հողաբլուրներէն ահաւոր կրակ մը սկսան Ռուսաց վրայ. որուն յաջորդեց աղաղակաւ և թափով հեղեղօրէն յարձակում մը և անխնայ կոտորած մը : Նախովսքոյ՝ Ռատիսիէվոյի բլուրի մը վրայէն դիտեց տեսարանը և սոսկաց. մութը սկսաւ կոխել և կոխը կը շարունակուէր : Անկարելի էր այսպիսի յոգնած, սպառած զունդերով կռիւը շարունակել. և Նախովսքոյ հրամայեց նահանջելու : Սակայն աւելի արիւնահեղ պիտի ըլլար նահանջը, եթէ Սքորէլէֆի ձիաւորք չհասնէին պաշտպանելու զայն, որով զունդերը

ցիրուցան ամեն կողմ թողլով մեռեալ և հիւանդ հասան ի խոզոդ և ի Պէլիսքոդ:

Իսկ զօրավարն Քրիւղնէր, յետ ընդերկար վարանելու յարձակողական բախում մը սկսելու, երբ տեսաւ կէսօրէն վերջը Շախովսքոյի գունդերուն դիմումը, այն ատեն ինքն ալ հրամայեց Վէլիամինոֆ զօրավարին, բաղխելու Կրէվիցայի բերդը: Զինուորք մեծ եռանդով յարձկեցան. մտքերնին դրած էին Յուլիս 30ի պարտութեան վրէժն առնուլ՝ և եղաւ ժամանակ մը յորում յետ մեծ կորուստներու, տիրեցին երկու գիծ պատնէշներու: Բայց թրքաց կրակը շարունակ կը հնձէր հարիւրաւորներ: Հազարապետն Ստեփանով, որ սուրը բացած յառաջ կը մղէր գունդերը, ինկաւ գնդակէ մը և բանակէն դուրս տարուած ժամանակ մեռաւ: Կոռոյն տեղը հասաւ և Վէլիամինոֆ զօրավարը. արեւը խոնարհելու վրայ էր, Քրիւղնէր հրամայեց յարձակման վերջին փորձ մ'ալ, սակայն գունդերը զարնուեցան թրքաց բանակներուն, — որոց կը հրամայէր ()սման փաշայի օգնականներէն մին Լամին բէյ, — իրրեւ ժայռի մը, և մեծ կորուստներով ետ վանուեցան: Այն ատեն բարոն Քրիւղնէր հրամայեց նահանջել դէպ ի Բուլղարէնի: Այն գիշերը և երկրորդ օրը բաշիրոզուքները դիմեցին թշնամոյն վիրաւորաց վրայ. զանոնք սպաննեցին դառնապէս, յետոյ կողոպտեցին և մերկացուցին մարմինները: Թուրք յաղթութեանց ստէպ յաջորդեցին այս քստմնելի տեսարանք: Կանոնաւոր թուրք զինուորութիւնն իսկ բերնով և գրով բողոքեց առ իրենց հրամանատարս. բայց այդ բաշիրոզուք զինուորք, արդէն այդ նպատակաւ եկեր էին մասնակցելու. պատերազմին և յանցանքը թուրք բարձր զինուորական ուղղութեան վրայ կ'իյնար:

Պէլճնայի այս երկրորդ պատերազմը շատ արիւնահեղ պայքար մը եղած է: Խուս պաշտօնական տեղեկութիւնք, նոյն ատուր իրենց մեռեալքը և վիրաւորքը կը հանեն 169 սպայ և 7136 զինուոր: ()սման փաշա Քէպէտ միշտ ճշգրիտ իր տեղեկութեանց մէջ, իր նոյն

օրուան կորուստը կը դնէ 100 մեռեալ և 300 վիրաւոր :

Պատերազմին բուռն ժամանակ, երբ ոռւս բանակին պահեստըն անգամ լմնցան, այն ատեն մեծ դուքսն Նիկոլա հրաման զրկեց առ ոռւմանիացի զօրավարն Մանու ի Նիկոպօլիս, իր գունդերովը զիմել պատերազմի դաշտը. բայց նա, գիտակ որ ոռւս վարչութիւնը դեռ կը վարանէր զՌումանիա դաշնակից հռչակելու, և միանգամայն վշտացած որ ոռւս սպայք և զօրավարք արհամարհանաց նիւթ մը ըրած էին ոռւմանիացի սպայքը և հրամանատարքը, պատասխանեց որ առ ինքը հրաման մը պէտք էր գալ իր կարող իշխանէն : Մեծ դուքսն Նիկոլա զայրացաւ Մանու զօրավարին դէմ, կարող իշխանը զմեծ դուքսը հաճելու համար Մանուի տեղ՝ զրկեց Անկէլէսքա հազարապետը : Բայց և այս պարագայն պատճառ եղաւ, որով Ռուսաստան զիմեց Ռումանիոյ պաշտօնական դաշնակցութեան. և կարող իշխանը իբրեւ դաշնակից, իրեն ազատ բանակովը պիտի անցնէր ի Բուլղարիա կռուելու թրքաց դէմ յաւանակից խորհրդակցութեամբ :

Պէլճիսայի զիմաց Ռուսաց այս պարտութիւնը անբացատրելի երկիւղ մը ձգեց բոլոր շրջակայ քաղաքաց Բուլղարներուն սրտին մէջ, որոնք անյաղթելի կը կարծէին զՌուսս. և ամեն կողմ ձայն տարածուեցաւ՝ որ թուրք չէրքէզներ գիւղերը պիտի սկսէին այրել և սպաննել : Ամեն կողմանէ սկսան փախչիլ դէպ ի Ռումանիոյ սահմանքը, հետերնին կրելով անկողնով հիւանդներն անգամ : Սխտովայի ժողովուրդը այնքան խառնիխուռն զիմեց Դանուբը անցնելու, որ խառնադանձին մղուելէն եղան գետը ինկնողներ և մեռնողներ. շատերը շունչերնին ի Բուրքէշտ առին : Իսկ թրքաց վստահութիւնը և արութիւնը անհամեմատ բարձրացաւ ամեն կողմ (Սուման փաշայի յաղթութեամբ : Ի կ. Պօլիս ուրախութիւնք եղան և լուսավառութիւնք. Սուլթանը պալատ բերել տուաւ (Սուման փաշայի զաւակունքը և նուէրներով պատուեց : Իսկ (Սուման փաշայի, (Սումանիէ նշանին ստաջին

կարգը ղրկեց՝ ակնակուռ. միանգամայն իրեն իշխանութիւն տուաւ նշաններ բաշխելու քաջացողներուն և արդիւնատուներուն:

Ռուսաստան մեծապէս ցնցուեցաւ Պլէվնայի երկրորդ պարտութեան վրայ. համարուեցաւ որ բանակին նուազութիւնն էր պարտութեան պատճառը և կայսերական հրովարտակ մը ի զէն կոչեց 180,000 պահեստներ: Միանգամայն հրաման ղրկուեցաւ որ Ռուսաստանի ամեն մէկ բանակ զօրաբաժին մը ղրկէ ի Բուլղարիա և կայսերական պահապանք Պետերբուրկէն անմիջապէս հասան ի Բուլղարիա: Կայսրը, որ հասեր էր Նիկոլա մեծ դքսին ջով ի Բիէլա, ուր առ ժամա հաստատուեր էր հրամանատարութիւնը, վշտացեալ էր մեծապէս և չէր կրնար յանձն առնուլ, որ իր բանակը թողու զբուլղար ժողովուրդը, որ զինքը այնքան հանդէսներով ընդուներ էր իբրեւ ազատարար մը: Հրամայուեցաւ որ թագաժառանգ մեծ դքսին գունդերը որոնք Լոմը անցնելով մօտեցեր էին Ռուսճուքի, դառնան Նանտրայի գիծը: Թողուեցան միայն Նիմֆերմանի գունդերը Տորբուչայի ճահճալից տափարակաց վրայ, ուր տենդը կը հնձէր պատերազմի հաւասար, որովհետև երկիւղ կար որ խըտիվի որդին Հասան փաշա, իր եգիպտական գունդերովը յարձկի Վառնայի ճամբով Քիւստէնճէի վոյս: Սակայն այս եգիպտական գունդերը, որոնք մեծ յոյսերով և տօնախմբութիւններով ընդունուեցան ի Կ. Պօլիս, ամբողջ պատերազմին միջոց աւելի տագնապ մը եղան թուրք զօրավարաց քան նպաստ:

Ռուսիոյ ձախողութիւնք յանկարծական այլայլութիւն մը բերին նաեւ եւրոպական ընդհանուր քաղաքականութեան վրայ: Ռուսիոյ հակառակ նշանաւոր լրագիրք սկսան համարձակ խօսիլ «Կաւէ ոտքերով հսկայ արձանին վրայ» որուն մօտ կը տեսնային «անկումը»: Անգղիա կ'ուզէր ազդել Աւստրիոյ վրայ և բաժնել զայն ի Ռուսաստանէ, Աւստրիոյ միջոցով կ'ուզէր ցրտացնել և զԳերմանիա: Աղեքսանդր Բ ունեցաւ ծանր վայրկեաններ, բայց յաղթանակեցին իր ուղղութիւնը

1877

և ազգակցութիւնը, որոց զոյգ կ'ընթանար և կորչա-
 քովի դիւանական ճարտարմտութիւնը, որով Աւստրիոյ
 և Գերմանիոյ կայսերը տեսակցութեամբ մը յիսխըլ
 (Պոստոս Տին, հաստատեցին չբաժնուիլ իրենց երրորդ
 դաշնակից կայսրէն, ինչ ալ ըլլայ զինուց բազդը: Եւ
 այն ժամանակէն, ի փոխարէն, զաղտնապէս սահմանեալ
 համարուեցաւ Բոսնիայի և Հէրձէքի առ Աւստրիա
 անցնիլը, որով Աւստրիա չէր կրնար թուրք բանա-
 կին յաղթութիւնը տեսնել անտարբերութեամբ: Բնդ-
 հակառակն իր ժողովուրդներէն Մաճառը՝ կ'ուզէին որ
 վերնայ չէզոքութիւնը. և իրենք կարենան դիմել յօգնու-
 թիւն թրքաց: Արդէն ամեն մէկ թուրք յաջողութիւն,
 մեծ ուրախութեամբ կ'ընդունուէր ի Մաճառստան:

Գուրգո գորա-
 վարը. — Էսկի
 Զագրայի կո-
 տորածը:

4. — Այս պատահմանց ժամանակ զօրավարն
 Գուրգո, յետ իր առաջին յաջողութեանց, հրաման
 ստացեր էր խափանել (սման փաշայի, Սիւլէյման փա-
 շայի և Բէուֆ փաշայի բանակներուն միացումը: Բէուֆ
 փաշա բանակած էր Տունչայի հովիտը Իէնի Զաղրայի
 և Էաքի Զաղրայի մօտ: Զօրավարն Գուրգո իր բանակը
 երկուքի բաժնեց և յետ 17 ժամ շարունակ չուելու,
 Յուլիս 29ին հասաւ Իէնի Զաղրայի դիմաց, զոր թուրք
 գունդերը թողուցեր էին. և ապա չուեց յԷաքի Զաղրա-
 Յուլիս 31ին Ճուկանլիքի մօտ փոքր գուպարածով մը
 կրցաւ ցրուել թուրք զնուրիսուն վաշտեր. և երբ կը հա-
 մարէր մտնել յԷաքի Զաղրա և բազմացնել պահանջու-
 ղը, իմացաւ լրարբէ, որ Սիւլէյման փաշա պաշարեր է
 զայն 3000 զինուորօք: Այն ատեն անկարելի համարի-
 լով կոտուիլ, թողուց պահանջողը իր բազդին և հեռա-
 ցաւ քաղքէն, որուն տանց հրդեհի ծուխերը արդէն
 մինչեւ երկիրը կը բարձրանային: Ռուս պահանջողը՝
 Բուլղարը, ընդ ամենը 496 անձինք, կոտուի էին զի-
 ցազնարար. և մօտ երեք հարիւր անձինք, մեռեալ ին-
 կեր էին. մնացեալքը բռնադատուեր էին փախչիլ, և
 թուրք գունդերը մտեր էին քաղաքը, բայց կորսնցնելով
 848 զինուոր և 18 սպայք: Յետոյ մտան քաղաքը
 ալբանիացի բաշիրոզուքներ, որոնք վայրենի կոտորած

մ'ըրին մնացած ըրխտոնեայ քաղաքացւոց, չխնայելով ոչ հրանդին, ոչ ծերուն, ոչ կանանց և ոչ տղայոց: Շատերը ողջ ողջ նետեցին այրած տուներուն կրակնեւուն մէջ¹:

Պլէվնայի սպարաութենէն վերջը, մեծ զուքսն Նիկոլա հրաման զրկեց առ Գուրգօ, բոլոր բանակովը նահանջել Բալկաններուն միւս կողմը: Գուրգօ ետ դարձաւ Խայինպօղազի ճամբով. և Լէօխտէմբէրկի իշխանը որ ի Քրզանլըբ էր չուեց ամրանալու ի Չրպգա, իր բանակին ետեւէն ունենալով հազարաւոր բուլղար ընտանիքներ, որոնք կը փախչէին թրքաց վրէժխնդրութենէն և բաշիրգուքներուն անօրէնութիւններէն: Եւ սակայն չէր կարելի որ ամբողջ բուլղար ժողովուրդը կարենար գաղթել: Ինուս իշխանութիւնք մասնաւոր կազմակերպութիւն մը չէին կարգադրած ադոնք պաշտպանելու կամ գաղթել տալու ըրխտոնեայ մերձաւոր երկիր մը, զոր օրինակ ի Իտալիան: Այն բուլղարները որ մեծ ուրախութեամբ ընդունեցին էին զԹուրքս և որոնք չկըրցան գաղթել, բոլորն ալ գրեթէ, արք և կանայք, տըղայք և չափահասք, ահաւոր տանջանքներով սպաննուեցան բաշիրգուքներէն. և ծառերը, քստմնելի է ըսել, լի էին կախուածներով: Բոլոր Եւրոպայի լրագրութիւնը ոտք ելաւ և յետ ամբաստանելու թուրք վարչութիւնը,

1. Ականատես գերմանացի Աւերուրգի լրագրին թղթակիցը, բարեկամ թրքաց, յետ «կատաղի ոստանանք» կոչելու այդ բաշիրգուքները կը յարէ «կրկու տարի առաջ Մայիս ամսուն մէջ Քրզանլըբէն Լաքի Զաղրայի ճամբորդութիւնը ըրեր էի: Ամբողջ վարդերու արտեր՝ իրենց հոտը սփռեցին սոցուն մէջ: Հազարաւոր սոխակներ կ'երգէին այդ թուփերուն վրայ: Առխտատէր բուլղար աղկոնք, մաքուր հագուած, դէպ ի Քրզանլըբ կը վարէին իշուկներ, վրանին կողմին՝ վարդով լեցուած: Ամեն կողմ ուրախութիւն էր: Մարդ ինքզինքը երկրային դրախտի մէջ կը կարծէր: Կը հիմայ ինչ տարբերութիւն, ո՛վ Աստուած իմ, վարդատունկները կտրուած բանակին կրակ վառելու համար. կարմիր վարդերու սեղ հոտ հոտ կարմիր արեան լիներ մարգերուն վրայ, վարդերու բուրուսին սեղ, հազարաւոր մարդկանց և կենդանիներու գիականց գարշելի հոտը, սոխակներու սեղ՝ գիշակեր թրուունք երամովին թափեր էին որտեղուն վրայ. և այն գեղանի աղջկանց սեղ, որոնք կ'աշխատէին երգելով, հիմայ ահուկի բաշիրգուքներ լեցուեր էին»:

ծանր կերպով մեղադրեց նաեւ ոուս քաղաքականութիւնը և ոուս զինուորականութիւնը, որ յետ զրգոնելու և ոտք հանելու այդ դժբաղդ ժողովուրդները, հիմա անտարբեր կերպով կը բաշուէր, մատնելով զանոնք դահճին ձեռքը:

Շատ աւելի բանաւոր և մարդասէր գտնուեցաւ թուրք կառավարութիւնը նկատմամբ ոուսի ձեռաց ներքեւ եղող մահամէտականաց, զՍոխումըսալէ թողլու ժամանակ: Հազարաւոր չէրքէզ և ապղազ ընտանիքներ գաղթեցին տէրութեան ծախիւք ի Փոքր Ասիա և ի Կ. Պօլիս . որոնք սակայն իրենց աւարառութիւններով անարժան գտնուեցան յետոյ հիւրասիրութեան: Արդիւ Համիդ՝ Չրաղանի, Բէյլէրբէյի և Քեաղատհանէի իր պալատներուն յարակից շէնքերը պանդխտելոց յատկացուց: Թուրք իւլէմայէն բարձրաստիճան անձինք իրենց պալատները տուին թուրք և քրիստոնեայ փախըստէից և Հնդկաստանէն եկած անվերջ գումարներէն հոգացուեցան իրենց հացը, փայտը և կարեւորքը: Մեծ նպաստներ հասուց վիրաւորելոց նաեւ Կուրճիք Մահկի ընկերութիւնը, յար և նման Կարճիք Խայի հաստատութեան, որուն նախագահ դրեր էր Սուլթանը զԱրիֆ բէյ¹:

Զարդերը և աւազակութիւնները ոչ միայն պատեւազմի դաշտին վրայ կատարեր էին թուրքերը, այլ նաեւ հանդարտ քաղաքաց մէջ, ինչպէս յԱդրիանուպօլիս²: Անգղիոյ դեսպանը, սրբ Լայարտ բողոքեց սաստկապէս. և Սուլթանը Եւրոպայի կարծեաց զոհութիւն տալու համար, զկուսակալը իբրանլիմ փաշա պաշտօ-

1. Կըմսերի գուբոր, որդի Լուի Ֆելիպ թագաւորին, նախագահ Գաղղիոյ Կարճիք Խայի, զրկեց. 20,000 ֆր.:

2. Վեհաձեմ և հարուստ տիկինն Լէաի Սարէնֆորս, բուլղարաց մեծ բարերարուհին, շատ մը պաշարներով դիմեց օգնելու արկածեալներուն. և գոնէ զոմանս փրկել մահուրէն: Հասնելով յԱդրիանուպօլիս, ի շաւ Ամերիկա պանդոք, թուրքերը իմացան իրեն հոն գտնուիլը, անմիջապէս վազեցին ի բանտ և չորս բուլղար, մահուան սահմանեալներէն, բերին և կախեցին իր պատուհանին հանդէպ: Հրատարակութեան Աշխարհագրական ընկերութեան:

նանկ ըրաւ և տեղը զրկեց զԱհմէտ վէճֆիք փաշա երբեմն նախագահ թուրք խօսարանին՝ Սակայն Զարգերը շարունակեցին անջնջելի արատ մը բերելով թուրք բարձրաստիճան հրամայողներուն:

5. — Թուրք բանակին թուլլարիոյ ամեն կողմանէ ամբողջութեանն օգուտ քաղեց Մոնտէնէգրոյի Նիկոլա իշխանը որ Սիւլէյման փաշայի մեկնելէն վերջը, Յուլիս 21ին դիմեց Նիքսիչի վրայ և նախ տիրեց շրջակայ փոքր աւաններուն: Սեպտեմբեր 8ին յարձակեցաւ ամեն կողմանէ Նիքսիչի վրայ: Թուրք պահանորդը որ կը կազմուէր 1200 զինուորէ, ո՛ր և է օգնութեան յոյս մը չունենալով, անձնատուր եղաւ պատուաւոր պայմաններով, և իշխանն Նիկոլա թողուց որ թուրք զունդերը մեկնին իրենց զէնքերով ի Գուցկօ: Մոնտէնէգրոցիք մտան ի Նիքսիչ, ուր գտան 19 թնդանօթք և շատ մը պատերազմական մթերք: Նիկոլա իշխանը այս յաջողութիւնը հեռագրեց առ Աղեքսանդր Բ որ կոչած է Ղնիկոլա իր «ամենամտերիմ բարեկամ մը»: Յետոյ իշխանը հանդարտաքայլ առանց դժուարութեան տիրեց Պրոյէսք և Բիլէք բերդերուն և թուրք վարչութիւնը զբաղած Ռուսիոյ դէմ, բան մը չկրցաւ ընել ընդդէմ Գարատաշցոց:

Մոնտէնէգրոյի Նիկոլայ իշխանին յաջողութիւնը:

6. — Սակայն թորքաց համար աղետալին եղաւ երկու մեծ հրամանատարներուն Մէհմէտ Ալիի և Սիւլէյման փաշաներուն անհամաձայնութիւնը. որով չ'օգտուե-

Սիւլէյման փաշա ի Զրպօ գաւ. - Ցարժաօ կումր. - Նիսօ հանչր:

1. Ահմէտ վէճֆիք փաշա եզական տիպար մը եղած է ներկայ ժամանակներու. Թուրքիոյ մէջ իր վարքը զարմանալեաց կարգը անցած է, խօստապահանջ կանոնաւորութեամբ և պարզութեամբ: Նրազմամբ յոյն էր, բայց ապա մահմէտական եղած: Մտերի ուսումն և կրթութիւն առած էր ի Պարիս. որով և ի Ա. Պօլիս կը հիւրընկալէր իր պալատը նշանաւոր գիտնականներ. իր կիներ ալ յոյն էր ազգաւ: Գիտեմ զՊրոթֆ. Սախաւ նշանաւոր հայագէտը, որ ի Ա. Պօլիս, իւր տունը հիւր եղած է և ուսած թրքերէնր: Ի Պարիս գետպան եղած ժամանակ, վա՛յ էր այն պաշտօնատարին որ ժամը իննէն քանի մը վայրկեան վերջը մտնէր. ինքը անձամբ դուր հսկողութիւն կ'ընէր: Սուլթան Զամիդ զինքը խօսարանին նախագահ դրած էր, որովհետեւ լաւ գիտէր լեզունը երկարախօսները կամ հակառակողները, բայց չեօր էին իրմէ ազատական և սահմանադրական գաղափարք: ԶԱղբիւնուպօլիս զոգացուց բոլոր բէյերը և զինուորականները:

ցան մէկմէկու բանակէ և յապաղելովն չկրցան օգնել ()աման փաշայի: Մէհէմէտ Ալի փաշա՝ ծննդեամբ գերման և քրիստոնեայ, ապա տաճկացած, միշտ ատելի էր թուրք հնաւանդ կուսակցութեան, որ բոլոր իր համակրութիւնը նուիրած էր առ Սիւլէյման փաշա, հմուտ թրքերէնի և քաջ զինուորական մը: Այս թուրք մուլեանդն կուսակցութեան և մանաւանդ պալատական գաղտ նենգաւորութեանց զլուխ համարուած էր Մահմուտ Իսամաղ փաշա, Սուլթանին ընտայրը. որով վստահ Սիւլէյման փաշա անպատիժ մնալու, փոյթ չ'որու հնազանդելու Մէհէմէտ Ալիի հրամաններուն, իրեն հետ գալու միանալու՝ և փառասէր խորհրդով մը միտքը դրաւ Ռուսաց ձեռքէն կրկին առնուլ Չրպագայի անցքը, որուն կորուստը այնքան վիշտ պատճառեց էր ի կ. Պօլիս:

Սիւլէյման փաշա ()գոստոս 16ին չուեց ղէպ ի Չրպագ. գիտէր որ ռուս պահանջողը հազիւ 4000ի կը հասնէր, մինչ ինքը ի հարկին կարող էր հաւաքել 40,000ի բանակ մը: Իր ծրագիրն ամենապարզ էր. յառաջել միշտ առանց ուշ դնելու կորուստներուն: Ռուսք զՉրպագ ամրացուցեր էին նոր բերդերով և հրանոթներով. հրամանատարն էր զօրավարն Ստոլէտով և իրեն օգնական զօրավարն Իէրոյինսքի: Ս. Նիկոլա ղժուարին ղիրքին կը հրամայէր հազարապետ կոմսն Տուստոյ, համհարզ կայսեր. երկու կողերուն հրամանատարքն էին հազարապետք Իէրապովիչ և Լյպինսքի: ()գոստոս 20ի առաւօտը Սիւլէյման փաշա յառաջ մղեց իր գունդերը ղէպ ի բարձունքը, որոց վրայէն անբեւոյթ ղիրքերէ շարունակ կրակ մը հարիւրաւոր կեանքեր կը փռէր գետին, մինչեւ խափանել վերելքին անցքը ղիականց բազմութենէն: Սիւլէյման փաշա շարունակ թարմ գունդեր կը հասցնէր, որոնք մագլցելով կը ջանային ղէպ ի վեր բարձրանալ. սակայն հազիւ փոքրիկ տափարակի մը վրայ կ'ելլէին, անմիջապէս թնդանոթի հարուած մը զիրենք կ'աներեւութացնէր: Դոյն աւուր թրքաց կորուստը անցաւ 3000ը, մինչ Ռուսք 200 անձինք միայն կորսնցուցին: Երբ գիշերը հասաւ, թուր-

քերը կրցելու էին բռնել Այբրրոճէրէլ դիրքը և վրան երկու թնդանօթք դնել:

Սիւլէյման փաշա համարելով որ Ռուսը յոգնած, կարող չեն այլ եւս դիմանալու, ժամը գիշերուան ութին, թարմ գունդերով նոր յարձակում մը սկսաւ՝ լուսնի լուսով: Ռուսը հրացանի մը նշանէն, ամենը պատրաստ կանգնեցան և մութին մէջ երկուստեք սկսան տեղաւարարի գրնդակներ: Օրը լուսացաւ և Սիւլէյման փաշա շարունակեց յարձակումը: Իսկ Ռուսաց մթերքը նուազելով, դանդաղութեամբ կը կռուէին և ստէպ լուր կը դրկէին առ զօրավարն Ռատէյքի, հասնել օգնութեան՝ Գարրովայի ճամբով: Սիւլէյման փաշա երկրորդ գիշերն ալ շարունակեց կռիւր և մօտակայ տեղերէ զինուոր հաւաքած ըլլալով, երրորդ օրը իր այնքան կորուստներով հանդերձ, ունէր ձեռացը ներքև 50,000 զինուոր. և առաւօտը չժագած, բուն ուրակոծում մը սկսաւ Բէտէք և Այբրրոճէրէլ դիրքերէն, որոց վրայ 18 հրանօթ գետեղեր էր. միանգամայն գունդեր զրկեց որ կտրել ջանան Գարրովայի հետ հաղորդակցութիւնը: Ռուսաց կողմանէ բուլղար յառաջապահ գնդին ցրցուցած անձնանուիրումը և քաջութիւնը մեծ եղաւ այն օրերուն մէջ, չորսին երեքը ինկաւ հայրենի հողուն վրայ: Թուրք գունդեր յանկարծ դիմեցին Բէդէքխոյ լեռան վրայ և ահաւոր մրցում մը սկսաւ ռուս Շվաբ հրամանատարին սակաւաթիւ զօրաց հետ: Շվաբ՝ որուն այն աւուր արութիւնը դիւցազնութեան հասաւ, կեցաւ հաստատուն իր տեղը. հինգ անգամ նոր օգնութիւնը ուզեց Ստոլէտով զօրավարէն և չորս անգամ ստացաւ սակաւաթիւ խումբեր. իսկ հինգերորդին պատասխանեց զօրավարն Ստոլէտով, որ այլ եւս մարդ չունէր՝ ամենը մեռած էին կամ վիրաւոր, ինքն ալ իր մարդիկներով թող կռուի մինչեւ արեան վերջին կաթիլը, մինչեւ հասնին թերեւս Ռատէյքի գունդերը: Եւ Ռատէյքի գունդերը յիրաւի հապճեպ ընթացքով հասան երեկոյեան ժամը 6ին, և յետ զինուորական խորհրդակցութեան մը, Ռուսը թարմ գունդերով և առատ մթեր-

ըով սկսան սարսափելի կրակ մը: Գիշերը վրայ հասաւ և Սիւլէյման փաշա հրամայեց ուժեղացնել զազդընեն լու, հանգչելու յետ երեք օր երեք գիշեր շարունակ կռուելու. յորս կորսնցուցեր էր 7(XX) զինուոր: Ռուսը ևս կորսնցուցեր էին 2(XX) հոգի:

Նոյն գիշերը նոր օգնութիւնը հասան Ռատէցքի զօրավարին. երկրորդ օրը հասաւ նաև զօրավարն Գրակոմիրոֆ ուրիշ գունդերով և հրամայուեցաւ շարունակ կրակով մը թուրքերը վանել Բէտէքխոյի բարձունքէն, որով կը սպառնային Գարրովայ ճամբուն: Երբ Ռատէցքի և Գրակոմիրոֆ միաբան կուտային հրամանքը, թշնամուոյն կողմանէ գնդակ մը, ծանր կերպով վիրաւորեց Գրակոմիրոֆ զօրավարին ծունկը, որ նուազեալ պատերազմէն դուրս տարուեցաւ: Յարձակման գլուխ կեցաւ նոյն ինքը զօրավարն Ռատէցքի. և Էրդոմիրի գունդը իր զօրավարին վիրացը վրէժը առնելու համար, այնքան թափով կռուեցաւ, որ թուրքերը տեղի տուին և Ռուսը սուլինի արիւնահեղ կռուով մը տիրեցին Բէդէքխոյի: Անկէ վերջը Ռատէցքի ինքը սկսաւ յարձակումը, զՍիւլէյման փաշա Չրպզայէն հեռացնելու համար. բայց ինքն ալ չկրցաւ վանել մօտակայ անտառախիտ բլրէ մը թուրք գունդեր, որոց կը հրամայէր Վէյսէլ փաշա: Սա թողուց որ Ռուսը յառաջեն և տիրեն նոյն իսկ երկու կարգ պատնէշներու. ապա յանկարծ կարկուտի նման հրացանի հարուածներ թափեց վրանին, որով բռնադատուեցան Ռուսը նահանջել մեծ կորուստներով, և ամրացան իրենց նախկին դիրքերուն մէջ: Իսկ Սիւլէյման փաշա Յուլիս 27ին, վերջին բուռն ուժեղացում մը սկսաւ ուս դիրքերուն և տեսնելով որ ալ անհնարին էր զանոնք խափտել, դադրեցուց յարձակումը, պատուիրեց ճարտարապետներու ամրացնել Բէդէք և Ալքըրընէքէլ, ձեռք բերած դիրքերը. և հոն, յետ բազմաթիւ պահանորդներ դնելու, ինքը սկսաւ քաշուիլ, անխմաստ յարձակմամբ զոհելով 2(,000)է աւելի կեանքեր, բաց ի վիրաւորներէն որոց թիւը կ'անցնէր 15,000ը և որոնցմով լեցուեցան Քըզանլըքի, Ադրիանուպօլսոյ և Կ. Պօլսոյ հիւանդանոցները:

Բարերարդարար Սիւլէյման փաշայի զօրաւոր բա-
րեկամք պաշտպանեցին զինքը Կ. Պօլսոյ մէջ, որով
փոխանակ պաշտօնընկէցութեան, քիչ վերջը ունեցաւ
նաեւ յառաջադիմութիւն:

7. — Եւ սակայն հարկ էր լեցնել այս կոտու-
րուող զինուորաց տեղ: Սուլթանի հրովարտակ մը ի
զէն կոչեց անոնք 1. որ դրամով ուրիշներ զրկելը էին
իրենց տեղ. 2. անոնք՝ որոց թիւը չէր ելած. 3. ա-
ռաջին և երկրորդ կարգի պահեստը. 4. որոնք որ թէ-
պէտ քսան տարեկան չկային բայց ունէին ոյժ զի-
նուորելու. 5. անոնք՝ որ 4() տարին անցուցեր էին,
բայց կարող էին զէնք գործածելու: Փութով հազարա-
ւորը հաւաքուեցան զրօշակի ներքեւ և զրկուեցան
պատերազմին դաշտը յԵւրոպա:

Կրկու կողման
բանակաց կա-
ցութիւնը
Պլէվնայի դե-
մաց:

Արդէն Նիկոլա մեծ դուքսն ալ Պլէվնայի քով հա-
ւաքեր էր 80,000 զինուորք, որոց եկան միանալու
30,000 ռումէնք ալ ընդ հրամանատարութեամբ Կա-
րոլ իշխանին: Երբ (Ռոստոս 28ին ռումէն գունդերը
պիտի անցնէին Դանուբը, շքեղ սպայակոյտով մը հա-
սաւ նաեւ իշխանը, և իր կողմանէ Բրատիանօ խօսեցաւ
առ զինուորս յիշեցնելով իրենց նախնեաց քաջութիւն-
քը. արդէն Ռումանիա խզեր էր իր կապը Խուրբիոյ
հետ և հրատարակեր էր ինքնիշխանութիւնը, հիմա կը
մնար յայտնել պատերազմի դաշտին վրայ արժանաւո-
րութիւններն. պանծացուց երիտասարդ իշխանը որ «կ'ա-
ռաջնորդէր իրենց փառաց ճամբուն մէջ». և վերջացուց
խօսքը կեցցէով մը, որուն պատասխանեց բովանդակ
բանակը: Ապա գունդերը մտան թուրք հողը և ուղղուե-
ցան դէպ ի Պլէվնա, միանալու ռուս Արեւմտեան Բա-
նակին՝ որ կազմուեր էր ի Պորադիմ, Պլէվնայի մօտ՝ Բու-
լիս 31ի պարտութենէն վերջը, և որուն հրամանատար
անուանուեր էր զօրավարն Նրոտոֆ, կայսերական պա-
լատան հազարապետ մը: Քիչ հեռու ի Սէլվի, բանա-
կած էր զօրավարն Սվիտոպօլսք Միրսքի. այս երկու
բանակներուն հաղորդակցութիւնը կը պահպանէր իս-
զախներու ջոկատով մը զօրավարն Սքորէլէֆ, Քոխան-
տի դիւցազնը:

Ռուս և թուրք բանակներն երկու ամիս անտանելի տաքերուն պատճառաւ զգուշացան կռուէ. և իւրաքանչիւրը պաշտպանութեան փոսեր և պատնէշներ պատրաստեց: Սգոստոս ՅԱր, որ Ռամազանի առաջին օրն էր և միանգամայն տարեկարձ Սուլթանին գահակալութեան, Սաման փաշա յազխութեամբ մը տօնելու համար, 25,000 զօրքով և ընտիր հեծելագնդով մը դուրս ելա Պէլէվնայէն զէպ ի Նփկալէվից և Պէլիշատ, ուր հաւաքուած էին 30,000 ռուս զինուորք: Սաման փաշա բազխեց այդ դիրքերը. ստաւ երկու գիծ պատնէշքը մեծ կորուստներով. բայց նոր գունդեր չհասանելով, ստիպուեցաւ նահանջել Ռուսաց շարունակ հասած թարմ գունդերուն դիմաց, և քաշուիլ ի Պէլէվա. տանելով հետը ընդ մտեալ և ընդ վիրաւոր 20,000էն աւելի անձինք: Ռուսք եւս կորսնցուցին 1,000 անձինք. որով այս կռիւր բնաւ օգուտ մը չունեցաւ Սաման փաշայի, նա մանաւանդ մեղադրուած է սլսպիսի աննպատակ կռուի մը համար:

Նոյն օրը Նիկուա մեծ դուքսը հրամայեց Սրբէլէֆ զօրավարին բռնել Պէլէվնայէ Լովացի ճամբան, և իմէրէտինսքի իշխանին յանձնեց յարձակմամբ տիրել Լովացի: Իմէրէտինսքի երեք սիւն բաժնեց իր գունդերը և Սեպտեմբեր Յին, յետ նախ ուրակոծելու քաղքին ամրոցները, կէսօրէն վերջը ժամը 2¹/₂ ին հրաման տուաւ ընդհանուր յարձակման մը: Քաղաքը մտնելէն առաջ անհրաժեշտ կարելոր էր տիրել կարմիր լերան, զոր արիւնահեղ և մուկգին մլրցմամբ բռնեց Սըրբէլէֆ զօրավարին Տէրիարին ջոկատը: Անկէ վերջը քաղաքը իրենց ձեռքը կրնար համարուիլ: Թուրք պահանորդը որ 3000 զինուորէ կը կազմուէր և կը կռուէր քաղքին պարսպաց ներքեւ, բռնադատուեցաւ խառն ի խուռն քաղաքը դիմել. և Ռուսք անցան Սսէմը և ետեւնէն մտան ի Լովաց. որուն փողոցներուն մէջ ծագեցաւ սուխնով վայրենի կռիւ մը, յորում սպանուեցաւ գրեթէ բովանդակ թուրք պահանորդը. և ըստ վկայելոյ ականատեսից, ռուս զինուորքը կատարեցին քաշիբոզուր-

ներուն դերը. որուն համար բողոքեց բոլոր լյարտպա: (Սաման փաշա Լովացի կողմէն թնդանթներուն ձայնէն, բանակով մը դիմեց օգնութեան, բայց ճամբուն վրայ իրեն պատուար գտաւ Սքորէլէֆի խազախներուն զունդը. և մինչ կը պատրաստուէր բաղխելու, խնայաբողջին առնուելը և ետ դարձաւ:

Երիտասարդ զօրավարն իմէրէտինսքի, որուն անունը այս կողուով Գուրգօ և Սքորէլէֆ զօրավարաց անուան հաւասար սիրելի և ժողովրդական եղաւ ռուս զինուորին, պահանորդ թողլով Լովացի մէջ, աճապարեց հասնիլ Պլէֆուայի դիմաց: Սահմանուած էր Սեպտեմբեր 11ին Չարին տօնախմբութեան օրը բնդհանուր յարձակումն տալ Պլէֆուայի վրայ: Սրչափ որ պատերազմին պիտի հրամայէր իշխանն կարող, այսու հանդերձ մեծ դուքան Նիկոլա իր բնածին եռանդովը և անհամբերութեամբ, ինքը եւս եկաւ անձամբ տեսնելու և տալու վերջին հրամանքը:

8. — (Սաման փաշա Պլէֆուայի մէջ ունէր 50,000)էն աւելի զինուոր. նուազ քան ինչ որ ունէր Յուլիա 31ին. բայց իր պաշտպանողական եզական հանճարովը, այս քառասուն աւուրց մէջ կրկնապատկեր էր ամրութիւնքը, որոց զլուի դրած էր ծերունի զօրավարն Ազիլ փաշա, Ղլխիու պատերազմին մէջ քաջացող սպաներէն մին, զոր զինուորք իր բարութեանը համար Պապա կը կոչէին: (Սաման փաշա ամեն հոգ թափած էր այդ պաշտպանութեանց համար և կ'ըսէր իր համհարզ զօրավարաց, որ Պլէֆուա դաշոյն մ'է Ռուսաց կողին, և ցորքան դիմանար, Ռուսք չէին կարող յառաջել:

Սեպտեմբեր 6ին 100,000 ռուս և ռուսէն զինուորք պատրաստ էին յարձկելու Պլէֆուայի վրայ. և որովհետեւ Յուլիա 31ի սլարտութեանը պատճառ համարուեր էր ոմբակոծման տկարութիւնը, որոշուեցաւ յարձակմանէ չօրս օր առաջ սկսիլ ոմբակոծել և աւերել բերդերը, մանաւանդ զկրէվիցա. որուն տիրելով կը համարէին տիրել Պլէֆուայի: Ռուս սպայակուտին մէջ կար նաեւ այս համոզումը որ (Սաման փաշա տեսնելով թշնամոյն անկող

Պլէֆուայի կը-
րորդ պատե-
րագմը:

բանակը, անմիջապէս պարպէ գՊլէմնա և փախչի դէպ ի Սոֆրա, որով և գունդեր զրկուեցան բոնելու այդ ճամբան:

Սեպտեմբեր 7ին առաւօտ միահամուռ հրանօթից որոտումը, իմացուց Պլէմնայի ուրակոծման սկսիլը. և նոյն երեկոյ բանակը հասան Աղեքսանդր կայսրը, մեծ դուքսն Նիկողա և իշխանն Կարու: Կիշերը դադրեցաւ ուրակոծումը և ամբողջ գիշերը ծեր Աղիլ փաշա աշխատեցաւ բերդերուն կրած վնասը դարմանելու: Երկրորդ առաւօտը կրկին սկսաւ ուրակոծումը: Սոււմէնք իրենց հարուածները կ'ուղղէին Կրէվիցա կամ Վէրիմ Թուրքիայի վրայ. և իրենց նոր եռանդովը փորձեցին յարձակումներ եւս. և փոքրիկ գուպարածներու մէջ ունեցան յաջողութիւններ: Այն ատեն Աքորէլէֆ զօրավարը և խմբէտինսքի իշխանը յառաջեցին հեծելագործով, հրանօթները լաւագոյն դիրքերու վրայ գետեցելու. և զօրավարն Աքորէլէֆ առաջին թափով յաջողեցաւ բռնել Պլէմնայէ կէս քիլոմէտր հեռու բլուր մը: Սեպտեմբեր 8ին և 9ին շարունակեց ուրակոծումը և Սեպտեմբեր 9ին զօրավարն Նոտոֆ տիրեց Սաղիսէվոյի բերդին յառաջատեղեաց: Սեպտեմբեր 10ին ամբողջ օրը և գիշերը շարունակեց անդադար ուրակոծումը. և զօրավարն Աքորէլէֆ հեղեղանման անձրեւի մը ներքեւ չուելով, տիրեց բլրոյ մը որ կը նայէր Պլէմնայի վրայ և հոն ամրացաւ: Ամբողջ գիշերը անձրեւեց և տիղմը ամեն կողմ երկու թիզ բարձրութեան հասած էր: Սեպտեմբեր 11ին առաւօտը անձրեւը տկարացաւ. բայց թանձր մառախուղ մը պատեր էր գՊլէմնա և շրջակայ բարձունքը: Ժամը 9ին նշան տրուեցաւ պատերազմին և սկսան թնդանօթք իրենց ուրակոծումը մշուշին մէջ. և զօրավարն Աքորէլէֆ յառաջեց դէպ ի թշնամուոյն դիրքերը: Մի և նոյն ժամանակ զօրավարն Դորբովսքի իր որսորդաց գունդերովը յառաջեց Պլէմնայի ձախ կողմը գտնուած բերդի մը վրայ: Սակայն մառախուղը սկսեւ էր քիչ մը փարատիլ և Թուրքաց կրակը մեծ ջարդերով ցրուեց ոռու գունդերը և մահա-

ցու վիրաւորեց Դորրովաքի զօրավարը, որ մեռաւ պատերազմէն դուրս հանուելու ժամանակ¹։ Զօրավարն Սթրէլէֆ տեսնելով Դորրովաքիի գունդերուն տկարանալը, նոր զօրքով հոն դիմեց և հրամայեց շարունակել յարձակումը։ Իր գունդերը հրացանը ձեռուրնին թանձր մշուշի մէջէն հասան բերդին մօտ. և ահա թուրքերը սկսան գնդակները թափել վրանին կարկտի պէս։ Սթրէլէֆ սուրը ձեռքը ամեն կողմ կը հասնէր, ամեն կողմ հրամաններ կուտար և կը տեսնէր իր շուրջը հարիւրաւորաց փոռիւր։ Իր զինուորները լքանելու վրայ էին՝ երբ հաւաքեց մնացեալ զօրականը, անցաւ անոնց զլուխ, առանց գլխարկի՝ որովհետեւ գնդակ մը առեր տարեր էր զայն, երեսը վառողէն սեւցած, զգեստները ծակծկած և պատուտած, յարձկեցաւ բերդին վրայ մեծածայն կեցցեներով առ Չարն։ Անխնայ և մոլեգին կոխ մը սկսաւ. Ռուսը առանց մեռեալքը նայելու, հասան բերդը և մտան հոն. ուր շարունակեցին արիւնահեղ սուխի կոխը. թուրք պահանորդը գրեթէ ամբողջովին ինկաւ. և Սթրէլէֆ տիրեց բերդին 45(Պ) կեանք զոհելով։

Այս յարձակման միջոց զօրավարն Քրիլով հրաման ստացեր էր տիրելու Ռատիսէվոյի ամենէն մօտ բերդին։ Թուրքերը թողուցին որ Քրիլովի գունդերը յառաջեն. և երբ մօտեցան իրենց, այն ատեն զարհուրելի կրակ մը սկսան վրանին և այն դժբաղդ զինուորներէն հազիւ քանի մը հոգի ազատեցան։ Քրիլով նոր փորձ մը ըրաւ ուրիշ գունդերով, բայց անոնք ալ նահանջեցին մեծ վնասներով։

Չախ թեւը, զոր կը կազմէր ռուսանիացի բանակը, և որուն կը հրամայէր զօրավարն Չեռնատ, Ռուսանիոյ պատերազմի պաշտօնեայն, հրաման ստացաւ տիրելու

1. Այր բանակէն զուրս կը տարուէր, հանդիպեցաւ Սերգէյ Վերեշիկինը և ինչպէս որ իր կողմանը պազատի մեծ զուրս հսկիտայի, որ Ս. Վերցալ նշանով վարձատրել այն ութը որոտրդ զինուորք, որ իրենց կենաց զոհողութեամբ զինքը իսանուորդէն հաներ էին։ Մեծ զուրսը յետոյ կատարեց ապերսը։

կրէվիցայի բերդին, որ կը տիրէր Պլէշնայի վրայ: Երիտասարդ գունդերը, համբաւոյ մը եռանդէն ոգեւորուած, մեծ թափով մը իջան բերդին ներքեւ եղած փոսը. և անթիւ կեանքերու կորուստով երկու անգամ մեծ թափով յարձկեցան բերդին վրայ և երկու անգամ ալ վանուեցան. բայց երրորդ անգամ նուազ էին թուրք զինուորները. և երբ Ռումէնք մոլեզին մրցելով հասան ըլլոյն ծայրը և կը համարէին տիրած ըլլալ բերդին, տեսան որ ըլուրը կոնակը ունէր տափարակ հովիտ մը և բուն բերդը անդր էր քան զհովիտը: Առանց յուսահատելու յարձկեցան միւս բերդին վրայ, բայց թուրքերը զարհուրելի կրակով մը, այնպէս սկսան ձգել այն գեղեցիկ երիտասարդութիւնը, ինչպէս խոշոր կարկուտ մը կը ձգէ ծառոց պտուղը: Կայսրը որ կը դիտէր բարձունքէն այս սրտանմիկ տեսարանը, չկրցաւ բռնել արցունքը: Ռումէնք վանուեցան կորանցնելով 12(X) զինուոր և 4() սպայք: Հասաւ երեկոյ և սակայն Ռուսք շյուսահատելով, ուզեցին բերդին տիրելու վերջին փորձ մ'ալ բնել: Ռուս և ռումէն պահեստներ շարունակարար առանց ուշ դնելու կրակին և գետին փոսողներուն, մղուեցան յառաջ բերդին ներքեւ և հոն, մօտ երկու ժամ սուրով և սուխնով մոլեզին կուոյ մը, վերջապէս Ռումէնք մտան ի կրէվիցա. բայց ներսը ուրիշ բան չգտան բայց եթէ դիականց կոյտեր և վիրաւորք, որոնք դառնազոչ կը հեծէին: Թշնամին զբերդը թողլէն առաջ խանգարեր էր բոլոր ամրութիւնքը:

Ռուս սպայակոյտը կը համարէր, որ կրէվիցա բերդը Պլէշնայի վրայ տիրելուն, նոյն գիշեր (Սաման փաշա պիտի պարպէր քաղաքը. և մեծ եղաւ զարմանքնին երբ առաւօտը լուսանալով, տեսան որ (Սաման փաշա նախահոգութեամբ արդէն ուրիշ բերդ մ'ալ շիներ էր կրէվիցայէ 25() մեղր հետու դէպ ի Պլէշնա, առաջնոյն հաւասար զօրաւոր և բնդարձակ, որով այնքան զհոգութեամբք ստացուած դիրքը կը կորանցնէր իր կարեւորութիւնը:

Ընդհակառակն թուրք բերդերը առաւօտը կանուխ

սկսան ումրակոծել Սքորէլէֆ զօրավարին բռնած երկու դիրքերը, որոնք կը փակէին իրենց Սոֆիայի ճամբան, Սքորէլէֆի հրանոթք, որոց կը հրամայէր զօրավարն Քուրոպատկին, ամենայն եռանդեամբ կը պատասխանէին: Զօրավարն Սքորէլէֆ երկու անգամ սպայ մը զրկեց առ զօրավարն Լէվիցքի, փութով օգնութիւն զրկելու. սակայն ռուս սպայակոյտը այնքան կարեւորութիւն տուած էր կրէվիցայի ամրոցին, որ չուզեց ուրիշ կողմ գունդեր ցրուել և Սքորէլէֆ, որուն զինուորըր շարունակ կը հնձուէին, մնայով առանց նոր օգնութեան, քաշուեցաւ երկու բերդերէն. որոց անմիջապէս տիրեցին թուրքերը¹:

Սեպտեմբերի վեց սրտուան կռիւներուն մէջ Ռուսը կորսնցուցեր էին մօտ 15,000 զինուոր ընդ մեռեալ և ընդ վիրատու. իսկ թուրքացը կը համարուի քանի մը հազար միայն: Ռուս հրամանատարը զինադադար մը խնդրեց այնքան մեռելները թաղելու համար: Սաման փաշա տեղագրական գննութեան մը կասկածէ, քանի մը օր վարանեցաւ ընդունելու. այսպէս զիսկունք և վիրատուք ինն օր մնացին դաշտին վրայ՝ անթաղ և անօգնական. և բոլոր իշխուպա քստմնեցաւ իմանալով յետոյ շատ մը մանրամասնութիւնք, մանաւանդ վիրատուաց նկատմամբ:

Ռուսանիացի բանակը զինուորական եռանդով մը՝ ուզեց փորձել, տիրելու կրէվիցայի երկրորդ բերդին և ումրակոծեց զայն Սեպտեմբերի 15ի, 16ի և 17ին: Ապա 18ին, գունդերը յատաջեցին մինչեւ փոսերը, ուր սուինով կոուեցան թուրք պահանորդաց հետ: Սեռու հոն Նիկոլայ Լեոհան հագարապետը. ծանրապէս վիրատուութեցան զնղապետն Հանդոքա, կայինէպոս Գիմետը և ուրիշ սպայք: Իշխանն կարող յետ կորսնցնելու քանի մը հարիւր զինուոր, հրամայեց նահանջել:

1. Սքորէլէֆ յետոյ ծանր կերպով ամբաստանած է զԼէվիցքի, իբրև թէ յետինս լեհացի՝ նախանձեր էր սուս զօրավարին համբարուն:

Պլէֆուայի պա-
շարտմբ:

Գ. — Պլէֆուայի ներքեւ երբորդ պատերազմը, Ռուսաց կողմանէ այնքան մեծ պատրաստութեամբք և յոյսերով սկսուած, յայտնի ցրցուց որ անկարելի էր (Սաման փաշայի ռազմագլխութեան և ըաջ բանակին յաղթել յարձակումնքներով. որով ռուս սպայակոյտը բունադատուեցաւ. պաշարման ծրագրի մը դիմել, մեծապէս վշտացեալ. որովհետեւ Պլէֆուայի սյոգպէս մնալը, ոչ միայն կը նուագեցնէր իրեն համբաւը, այլ նաեւ վերլովայր կ'ընէր իրենց երեւակայած արագրնթաց գազափարը յԱղդրիանուպօլիս և ի մայրաքաղաքը:

(Սաման փաշա թշնամուդն շարժումներէն գուշակեց որ կանոնատը պաշարում մը պիտի սկսէր. պաշարում մը՝ որ կրնար երկար տեւել, ըսնի որ իր կողմանէ սահմանած էր դիմանալու մինչեւ վերջին միջոցը. և կ. Պօլսէն խնդրեց թէ գինուոր և թէ առատ մթերք և պաշար: Միանգամայն շեշտեց սո Պատերազմի պաշտօնարանը՝ ամեն հնարք ձեռք առնուլ ապահովելու Պլէֆուայի հազորակցութիւնը Սոֆիայի հետ (որխա-նիէի ճամբով: Ի կ. Պօլիս Պատերազմի պաշտօնեայն բմբոնեց (Սաման փաշայի խնդրոյն կարեւորութիւնը և փութով գրկուեցաւ: Շէվրէթ փաշա կանոնատը և պահեստի գունդերով պահպանելու (որխանիէի ճամբան: Շէֆրէթ փաշա Բուլղարներու ջարդերու մասին ամբաստանուած ըլլալովը, համակրելի անուն մը չունէր, և Ռուսը գին դրած էին իր գլխոյն, այսու հանդերձ աներկիւղ գինուարական մ'էր. մեծ աշխուժով հոգաց (որխանիէի ամբութիւնքը: Գարձեալ հազարէն աւելի արջաս հատաքեց. և 10,000 կտրիճ գինուորներ հետք առնելով, յետ այլ և այլ գուպարածներու Ռուսաց զրկած ջոկատներու դէմ, յաջողութեամբ և խոհեմութեամբ գանոնք մտցուց ի Պլէֆուա Սեպտեմբեր 23ին: (Սաման փաշա ըսնի որ Սոֆիայի ճամբան բաց էր, աճապարեց Պլէֆուայէն հանելու բոլոր աւելորդ բերանները: Քրիստոնեայ բուլղար բնակիչները դրաս փոսեր փորելու և գինեց թուրք ըսպարացիները: Ինքը անձամբ կը շրջէր ամեն օր ամբութիւնքը տեսնելու և

կարեւորը հրամայելու . որով արդէն պատասպարուած Պէճվանն քիչ ստեղծուան մէջ առաջնակարգ բերդաքաղաքի կացութեան մէջ դրաս : Յոյս ունէր որ իր այսպէս արուժեամբ դիմացած ժամանակ, օր մը միարան գործելով Մէհէմէտ Ալիի և Սիւլէյման փաշայի բանակներուն հետ, ամբողջ գորատոր պատուար մը պիտի ըլլային ոռոսական արշաւանքին :

10. — Սակայն միւս բանակներուն գլուխները չունեցան ()սման փաշայի անխոնջ և արթուն ռազմագիտութիւնը : Մէհէմէտ Ալի երբ հասաւ Շումլա, Լոմի բռնակը, ինչպէս կը կոչուէր Արեւելեան բանակը, լքեալ և անգործ կացութեան մէջ կը գտնուէր և կորսնցուցեր էր շատ մը գորատոր պատերազմական դիրքեր և շատ բաղաքներ ալ անպատասպար թողուցեր էր . և եթէ Չարէվիչի երկչոտ ընթացքը չ'ըլլար, արդէն այդ կէտերը գրաւուած կ'ըլլային ի Ռուսաց : Ալեքսանդր Չարէվիչ, որ Ռուսներէ բանակին հրամանատար անուանուեր էր, 50,000 գորաց բանակ մը զրկեր էր Լոմի գծին վրայ . ()գոստոս ՎԱին Ռուսը շարունակ ուրակոծեր էին զՌուսները, որուն կը հրամայէր ութանամեայ Փայզելլի Ահմէտ փաշա . այն որ ի կ. Պօլիս ազատեր էր Չերքէզ Հասանի կոտորածէն : Ռուսներէ ուրակոծման երկրորդ օրը Ահմէտ փաշա ինքն ալ ուրակոծեր էր զճիւրիւրէվո : Այսու հանդերձ թրքաց բանակին մէջ տիրած էր անհոգութիւն մը . յայտնի է որ Ռուսներէ ոռոս բանակին մէջ ալ չկար Քուրգոյի կամ Սըրէլէֆի եռանդեան ոգին :

Մէհէմէտ Ալի
ընդհանուր
հրամանատար
ի Շումլա :

Երբ Մէհէմէտ Ալի փաշա հասաւ ի Շումլա իրրեւ ընդհանուր հրամանատար, առաջին գործն եղաւ ամրացնելու զՌազկրատ և Լաքիճուսա . զՖրուստ փաշա իր հեծելագործով կանչեց ի Ռազկրատ . և այս գունդերուն շարժումը պաշտպանելու համար, զԱզիզ փաշա հետեակ գունդերով զրկեց բռնելու զԼաւրճի : Ֆրուստ փաշա կատարեր էր իր ուղւոյն վտանգատոր մասերը, երբ Ազիզ փաշա լսեց Ռուսաց Լաւրճիի վրայ չուելը : Ազիզ փաշա ընդատաջ գնաց անոնց, որոնք թուով շատ

աւելի էին իրմէ. մոլեգին բաղիւտմ մը եղաւ, յորում գնդակէ մը մեռաւ Ազիզ փաշա և Հեծելագորուն հրամանատարը, Ֆէյզուլա փաշա, եսթը հարուած ընդունեցաւ. բայց այս կոխը հետեւանք մը չունեցաւ: Մէհէմէտ Ալի հոգ տարաւ զինուորաց մէջ բարեկարգութիւն մտցնելու, նա մանաւանդ որ, Ասիայէն ալ շարունակ նոր զինուորք և զէյրէրներ կը հասնէին, յորս նաեւ հայեր ալ՝ Ռուսք Ռուլա Յ(Ս)ին Պլէշնայի պարտութեան հոգով գրաւած, զինքը հանդարտ թողուցին, և Չարէվիչ միշտ զգուշաւոր, յանակնկալս չընտելելու որոգայթի մը մէջ, նոր գունդերով և թնդանութներով կ'ամրացնէր Լոմի և Երանտրայի իրեն բռնած անցքերը:

Քարահասանի պատերազմը:

Իսկ Մէհէմէտ Ալի իր գունդերը կազմելէ և կանունաւորելէ վերջը, հաստատեց իր ծրագիրը՝ կտրել Չարէվիչի բանակը որ կը տարածուէր Ռուսուքէն Տիրնովա երկայն գծով մը, բռնած ըլլալով զՊուլթանքէյ, Պոպքէյ և Քարահասանքէյ, որ հանգոյց մ'էր շատ ճամբաներու. և ապա բաղիւն և վանել զայն դէպ ի Բիւլյա, դէպ ի Կանուր: Թուրք գունդերը իրենց տեղափոխութեանց միջոց, ունեցան այլ և այլ գուպարածներ Ռուսաց հետ՝ յԱզայլար, ի Սատրնա, ի Սպահլար, ի Վիտրնա և Քատրքէյ, փոփոխակի բաղդերով. բայց իրենց նպատակը պիտի ըլլար բաղիւն Քարահասանքէյ կարեւոր դիրքը, ուր Ռուսք Յ(Ս) զօրաց և Տ(Ս) հեծելոց պահանորդ մը ունէին, որոց կը հրամայէր զօրավարն Լէոնոֆ: Թուրք բանակը որ պիտի բաղիւն գՔարահասան, Չ(Ս), (Ս) զինուորէ կազմուած էր, որոց կը հրամայէին Ասաֆ փաշա, Դէմիր փաշա և Սարիա փաշա: Սեպտեմբեր 4ի առաւօտեան ժամը ութին, Դէմիր փաշա բաղիւնց գՔարահասան՝ ճակատէն. սգնութեան հասաւ իրեն փութով նաև Սարիա փաշա:

1. Հիմարտութեան համար պէտք է բռնել, որ զմրազարար այցանկանոն կազմակազմ գունդերուն մէջ կային հայեր ալ, յորս խմբակաւ մը իսկ՝ Աւետիս Էֆէնտի անուամբ. վաճառակին Կրտսցայի լրագիրներէն ուսանք զէյրէրները ամրաջղովին հայերէն համարեցան, որ անտեղի է. ուսանք ալ կը գրեն թէ Թուրք բանակին մէջ ընդ ամենը 7(Ս), (Ս) ևն աւելի հայք կային, որ սուս է բուրավին:

և որովհետև շատ մօտ էին մէկմէկու, թողուցին թնդանոթքը և սուրնով արիննահեղ պայքար մը սկսան: Մէհէմէտ Ալի բլրէ մը կը դիտէր կռիւր. եղաւ վայրկեան մը որ տարակուսեցաւ. յաղթուածեան վրայ. և փութացուց կուռն տեղը զԽաբբըր փաշա վեց ջոկատով, որ արգիւնց ոուս զօրաբաժիններուն, օգնութեան հասնելու պահանորդին: Ամբողջ օրը տեւեց բաղխումը և Ռուսք քաշուեցան: Երեկոյեան ժամը 7ին Նէճիբ Սարիտ և Ասաֆ փաշաներուն գունդերը, որոց հետ էին նաև երկու եգիպտացի գունդեր, մտան ի Քարահասանքէյ, ուր գտան Չ(Պ) հրացան, պաշար և զգեստեղէնք: Երկու կողմանէ ալ ինկեր էին մօտ 5(Պ) անձինք: Երկրորդ օրը Չարէվիչը հրամայեց ՅՅԳ զօրաբաժինն որ բանակած էր ի Հայտէրքէյ, նահանջելու ի Պալամորցա:

11. — Իսկ Մէհէմէտ Ալի իր ծրագիրը շարունակելով, երկրորդ օրը յարձակեցաւ Քոլղէլիէվացի վրայ, զոր կը պաշտպանէր զօրավարն Արնուղի: Ռուս պահանորդը թշնամուցն բազմութեան առջեւ նահանջեց յԱբլովա, որուն վրայ յարձակեցաւ Իբրահիմ փաշա և տիրեց: Թուրք Աջ թեւին այս գործողութեանց ժամանակ, Չախ թեւը որ կազմուած էր եգիպտացի գնդերէ և որոց կը հրամայէր Խտիվի որդին Հասան փաշա, հրաման ստացաւ երթալ ի Պոպքէյ, ուսկից կային երկու ճամբայ ի Տիրնովա և ի Բիէլա զորս պիտի բռնէր, ոուս բանակին նահանջը կտրելու համար: Բայց եգիպտացի բրտասարդ իշխանը, նախ իր ուզած կերպով սկսաւ կատարել շարժումները և երբ հարկ էր օգնել Սալիհ փաշայի որ կը վանէր զՌուսս, դադրեցաւ պատերազմել, որով Ռուսք հանգստեամբ նահանջեցին ի Բիէլա: Ասաֆ և Սարիք փաշայք վանելով զՌուսս, տիրեցին անոնց թողուցած տեղերուն, մինչեւ ի Սինանքէյ: Բե-

Քոլղէլիէվացի դիմաց պարտութիւնը:

1 Ամբողջ պատերազմին ժամանակ եգիպտացի իշխանը և իր գունդերը շատ մեղադրանաց նիւթ հղան բայց զօրավարք չէին կարող յայտնապէս յանդիմանել, իշխանը ամենաբարձր պաշտպանութիւն ունենալով:

տոյ թուրք բանակը չուեց դէպ ի Չայիրբէյ և մօտեցաւ Չէրքովնայի, ուր փոսերով և պատնէշներով ամրացած էր ուս բանակը և որուն հրամանատարն էր զօրավարն Տատիշէֆ: Մէհէմէտ Ալի կեղծ յարձակումով մը ուզեց իմանալ թշնամոյն տկար թեւը, յետոյ բոլոր ուժով զայն բաղիւնու համար: Տատիշէֆ գուշակեց թշնամոյն խորհուրդը և այն ատեն գունդերուն հրամայեց պատերազմելու, երբ յայտնի տեսաւ թշնամոյն բաղիւնմը: Երուրուքլէրի դիմաց երկու բանակը քաջապէս զարնուեցան. յաղթութիւնը Մէհէմէտ Ալիի կողմն էր ի սկզբան. բայց երբ պէտք ունեցաւ պահեստի գունդերուն, անոնք չէին հասներ և Հասան փաշայի գունդերը դեռ չէին կատարած իրենց սահմանեալ շարժումները: Տատիշէֆ երազապէս՝ ամեն կողմ կը հասցնէր գունդեր և վաշտեր. զօրավարն կոչքով դիպագնաբար յառաջ կը մղէր զանոնք և պատուար մը կ'ընէր թուրքաց առջեւ. որոնք յետ կորսնցնելու Տ(Պ) անձինք՝ բռնադատուեցան նահանջելու և բռնելու առաւօտեան պատերազմէն առաջ դիրքերին: Երկրորդ օրը Մէհէմէտ Ալի զինագաղար խնդրեց մեռելները թաղելու: Այսպէս երկու բանակը երկու օր դիմացէ դիմաց կեցան մէկմէկ դիտելով. բայց երրորդ օրը Մէհէմէտ Ալի իմանալով Տատիշէֆի հասած օգնութիւնքը և ինքը անվստահ Չ(Պ)(Պ) կզիպտացիներուն վրայ, որոնք Յ(Ս)(Պ) բանակին մեծագոյն մասը կը կազմէին, Սեպտեմբեր 25ին հրամայեց նահանջելու դէպի յԱյազլար և բռնելու Սեպտեմբեր 4ի պատերազմէն առաջ, Լոմի վրայ ունեցած դիրքերը:

Ի կ. Պօլիս
կանչուիւր:

Այս իր անյաջողութիւնը յարմար առիթ եղաւ իր նախանձորդաց, ի կ. Պօլիս զինքը անկարող ամբաստանելու: Հոկտեմբեր 2ին Մէհէմէտ Ալի հրաման մը ընդունեցաւ Պատերազմի պաշտօնարանէն, որ զինքը ի կ. Պօլիս կը կոչէր և իրեն տեղ ընդհանուր հրամանատար կ'անուանէր զՍիւլէյման փաշա: Բայց ի կ. Պօլիս, Մէհէմէտ Ալի բերանացի կրցաւ արդարացնել ինքզինքը՝ որով կրկին սպարապետ զրկուեցաւ ի Հերձէկովինս:

ուր սակայն չհասած հրամայուեցաւ դառնալ ի Բուրգարիա և Սիւլէյման փաշայի հետ գՊլէֆնա ազատել պաշարումէն :

12. — Սիւլէյման փաշա որ ընդհանուր հրամանատար կ'անուանուէր Եւրոպական բանակին , սոքրատ ծնողաց զաւակ էր, ծնեալ յամին 1838, որ իր ուսման եռանդով և յաջողակութեամբը մինչեւ իսկ Մատենազրութեան ուսուցիչ եղած էր Կ. Պօլսոյ Պանկալդիի Չինուորական վարժարանին մէջ : Հոն զգաց զինուորական կոչում մը : Բամին 186() մտաւ Դէրվիշ փաշայի բանակին մէջ ընդդէմ Մոնտէնէգրոյի, ուր անձնական քաջութեան պատճառաւ զնդապետի աստիճանը ստացաւ : Բետոյ մտաւ Արդիւ Ազիզի թիկնապահաց մէջ : Ապա զրկուեցաւ ի կրեմէ. և այն կռիւններուն մէջ այնքան նշանաւոր եղաւ, որ Արդիւ Ազիզ ի նշան գոհութեան զինքը անուանեց Տեսուչ Պանկալդիի Չինուորական վարժարանին. զոր բարձրացոյց մեծապէս և զայն զրաւ Եւրոպիոյ զինուորական վարժարանաց աստիճանին մէջ : Բետոյ Սիւլէյման փաշա զրկուեցաւ իրրեւ հրամանատար յիշմէն և ի Սերբիա, Արդիւ Քէրիմ փաշայի օգնական : Մոնտէնէգրոյի պատերազմաց մէջ յաջողութիւնքը արդէն տեսանք. իսկ Չրպայի անցքին վրայ փորձած արիւնահեղ յարձակումը, բազմ ունեցաւ չքննադատուելու ի Կ. Պօլիս :

Սիւլէյման փաշա ընդհանուր հրամանատար :

Սիւլէյման փաշա միշտ սեւեռեալ Չրպայի տիրելու խորհրդով, զոր ամենակարեւոր կը համարէր թըշնամին Բալկաններէն անցին ձգելու համար, Սեպտեմբեր 17ին 3000 կամաւորաց գունդ մը կազմեց, որոց հրամայեց մագլցելով Ելլէ մինչեւ Ս. Նիկողա բերդը : Ասոնց յարձակման նեցուկ պիտի ըլլային Սալիհ փաշա, Վէյսէլ փաշա և Ռէճիբ փաշա : 3000 կամաւորքը լուս-

Չրպայի վրայ յարձակումը. — Անյաջողութիւնը :


1. Այս միջոցիս Սիւլէյման փաշա զրեց շատ մը մատենադրական, իմաստասիրական և զինուորական գրութիւններ : Իր Լէրոպիոյ Պետաւրեանց Պատմութիւնը, ընդերկար դասագիրք ծառայած է վարժարանաց մէջ :

նի լուսով գիշերուան ժամը 11ին հրեք խումբ բաժնուած ճամբայ ելան. մէկ խումբին գլուխ էր սրբ կէմբըլ անգղիացի գնդապետը, այն ատեն թուրքիոյ ծառայութեան մէջ: Կամաւորք մագլցելով կը բարձրանային ժայռէ ժայռ հրացանը կոնսակնին: Յանկարծ լսեց ուս պահանորդը. նշան տրուեցաւ և հրացանի գնդակները սկսան կարկուտի պէս տեղալ: Կամաւորք կը յառաջէին առանց ուշ դնելու իրենցմէ անդունդներու մէջ մեռեալ գլորուողներուն: Երբ այգը սկսաւ ծագիլ, արդէն շատ ճամբայ ըրած էին և իրենք զիրենք գտան Ս. Նիկոլայ բերդին քով, և հոն սկսաւ սուրբրով կռիւ մը: Ճատ թուրքքը մղուելով գլորեցան անպունդներու մէջ, որոնցմէ ոմանք, բռնութեամբ միարան քարշելով՝ տարին ուս գինուորներ: Անման եղաւ այս կամաւորաց քաջութիւնը, որոց հազարապետն ալ Համտի բէյ ինկաւ գնդակէ մը հարուածեալ. իրենք վերջապէս յաջողեցան ելլել լեռան գագաթը և կանգնել կարմիր մահիկի դրօշակ մը, լուր դրկելով առ Սիւլէյման փաշա Չըպգայի տիրած ըլլաւնին և փութացնելով օգնութիւնը: Սալիհ և Վէյսէլ փաշաները երբ վկամաւորս տեսան Ս. Նիկոլա լեռան վրայ, սկսան իրենց սահմանեալ յարձակողական դերը, բայց Ռէճիբ փաշայի յամելը և Ռատէյքի զօրավարին զրկած երկու գունդերը Տիայէլնիքօ հազարապետին առաջնորդութեամբ, կերպարանափոխ ըրին կամաւորաց յաջողութիւնը, որոնք արդէն սակաւաթիւ ջնացել էին: Ռուսք յարձկեցան կամաւորաց վրայ որոնք կը կոռէին դիւցազնաբար. մաս մը ինկաւ մեռեալ և մաս մ'ալ մղուելով գլորեցաւ դէպ ի անդունդները և ամբողջ լեռը ծածկուեցաւ մեռեալներով և վիրաւորներով: Այսպէս Սիւլէյման փաշայի երկրորդ յարձակումը ուրիշ արդիւնք չունեցաւ, բայց եթէ նորէն քանի մը հազար երիտասարդ կեանքերու կորուստ: Իւ մեղադրուեցաւ Սիւլէյման փաշա որ մինչ կամաւորք կը կոռէին առիւծաբար, ինքը վրանին մէջ, լուրբրու կը սպասէր և շէր վազած անձամբ կառավարելու յարձակումը ինչպէս ուրիշ անգամ: Մեղադրուեցան նաեւ հրեք փաշաները և առաւել Ռէ-

ճիւր փաշա. որոց հասնիր թէ չ'օգնէր իսկ տիրելու Ս. Նիկողայի, բայց յամենին պատերազմական յանդանը մ'էր :

Այս պատերազմէն հինգ օր վերջը Սիւլէյման փաշա կ'անուանուէր ընդհանուր հրամանատար Մէհէմէտ Ալի փաշայի տեղ : Սիւլէյման փաշայի տեղ Բալկանի բանակին հրամանատար անուանուեցաւ Ռէնուֆ փաշա որ հրամանատար էր ի Շումլա զօրաբաժնի մը՝ և իրեն տեղ դրկուեցաւ Թահիր փաշա :

Ռուսք ևս անկէ վերջը մեծամեծ փոփոխութիւնք մտուցին իրենց պատերազմական խորհրդի անձանց և ծրագիրներու մէջ, որոնք փութով ունեցան իրենց յաղթող արգիւնըր յերտպա, ինչպէս սկսեր էին ունենալ և ի Հայաստան : Ըմբռնուեցաւ թուրք զինուորաց բաջութիւնը և ըստ այնմ բազմապատկուեցաւ իրենց ալ զինուորաց թիւը և բանակը կանչուեցան զինուորական ծանօթ կարողութիւնք, որոնք՝ ի սկզբան, արհամարհուած թողուեր էին :



Գ Լ ՈՒ Խ Ի Ա .

Կ Ա Ր Մ Ի Ա Ռ ՈՒ Մ Ը Ի Թ ՈՒ Ս Ա Յ

1 Տէր Ղուկասով զօրավարը և Իսմայել Հակոբի փաշա Խզ-
 դիրի զինաց. — 2. Լորին Մելիքով և Մուխթար փաշա Ախու-
 բանի եզերքները. — Մուխթար փաշա կը տիրէ Քրզու Թեփէի
 — 3. Խուսը կը սկսին յարձակուիլ Կահէիէլի վրայ. — 4.
 Լազարէլ զօրավարը և Աւան Տաղի պատերազմը. — Թուրք
 բանակը անմատուր կ'ըլլայ. — 5. Տէփէ Բոյնուի պատերազմը.
 — Խուսաց յաղթութիւնը. 6. Կարնոյ վիճակը. 7. Թուրք
 կը յաղթեն ի Թոսի Տաղը. — 8. Լազարէլ հրամանատար Կար-
 սի բռնակէ. — Պաշարուին. — 9. Կարսի ընդհանուր յարձա-
 կուիլը. 10. Կարսի տուներ ի Խուսաց. — 11. Հեռեւանքը
 մահապահան ցեղերու վրայ. — 12. Մուխթար փաշա ի Կարին.
 կը կոչուի ի Կ. Պօլիս. — 13 Գերվիշ փաշայի բանակը ի Բա-
 քուս:

Տէր Ղուկասով
 զօրավարը և
 Իսմայել Հակ-
 օբի փաշա Խզ-
 դիրի զինաց:

1. — Զօրավարն Տէր Ղուկասով յետ ազատելու
 Բայազիտի պահանջուրը, նահանջէր էր ուսս հողի վը-
 րայ, զէպ ի Խզդիր: Իսմայել Հակոբի փաշա իր կանո-
 նաւոր և անկանոն զինուորներով զինքը հաւաքելու նպա-
 տակաւ, հասաւ մինչեւ Մուսունի կիրճին մուտքը (Վոս-
 տոս 1ին. և հոն ձայն տուաւ քիւրտ ցեղերու, որոնք
 Թափեցան իր բանակը և անոնցմով միարան ձեւացնե-
 լով 34,000ի բանակ մը, (Վոստոս 5ին երեք ճամբով՝
 Զօրի, Քէրվանսարայի և Որկովի անցքերէն մտաւ ուսս
 հողը և յառաջեց մինչեւ յԱլիքոշաք, ամեն կողմ ա-
 ւելրելով: Եարձակեցաւ նաեւ Գալֆալուի վրայ, որ Խզ-
 դիրէն վեց քիլոմէրը հեռու է, բայց չկրցաւ առնուլ. և
 մինչեւ (Վոստոսի 7ը մնաց իր բռնած զիրքերուն մէջ:

Չօրավարն Տէր Ղուկասով որ հետը հագլւ 8000 զինուոր ունէր, ստէպ օգնութիւն խնդրեր էր Ալեքսանդրապօլէն, որոնք հասան առ սակաւ սակաւ (Ոգոստոսի մէջ, Եկաւ նաեւ Յովհաննէս Լազարէվ հայ քաջ զօրավարը, որ զՃամիլ կալանաւորեր էր իր լեռներուն մէջ և իր աներկիւզ քաղաքականութեամբ ուս պետութեան թագին վրայ աւելցուցեր էր Գաղստանի ընդարձակ նահանգները: Սակայն զինուորական բարձր շրջանակներու նախանձուն միշտ զոհ, պատերազմին սկիզբը մէկդի թողուեր էր, և հիմայ դժուարին՝ պարագաներու մէջ, բռնադատուած դիմեր էին իր քաջ և աներկիւզ առաջնորդութեան՝:

Դոր եկած օգնութիւնք Տէր Ղուկասովի բանակը հասուցին 20,000 անձանց. և այն ատեն սահմանեց ուս հողէն վանելու իսմայիլ Հակըի փաշային բանակը: Ոգոստոս 18ին թողլով յիգիր զզօրավարն Սամոյլօֆ պահպանութեան գունդերով, ինքը առաւ հետը երեք սինակը, որոց կը հրամայէին զօրավարն Լազարէվ, Նրիդովիչ և Ամիլախարի, և յառաջեց դէպ ի Մուլլա-Ղամիր, ուր դրաւ բանակը. որովհետեւ այդ դիրքով կրնար կտրել իսմայիլ փաշայի հաղորդակցութիւնը Մուխթար փաշայէն: Բռնեց նաեւ զկողմը՝ Երասխի վրայ:

Իսմայէլ փաշա յորձեց դիմել Խզիրի վրայ, բայց չկրցաւ մտնելու. իր անկանոն ասպատակ գունդերը ինկան հայ գիւղերու մէջ և գործեցին աւարառութիւնք, սպանութիւնք և անլուր անօրէնութիւնք: Տէր Ղուկասով ազնուական նամակով մը առ իսմայիլ Հակըի փաշա բողոքեց իր խուճերուն գործած աւարադութեանց և

1. «Յովհաննէս Գաթեան Լազարէվ ծնվել է Դեռնում 1828 թուականին: Ստանուով սարրական կրթութիւն սեղային գաւառական գործում, Լազարէվը սկսաւ գերձակութիւն սովորել. բայց աւանմին սկը ունենալով դէպ ի զինուորական ծառայութիւնը, թողեց անկ ու թելը ու գնաց Գաղստան. ու մտաւ Ռուսաց զօրքերի շարքը. իրիւ հասարակ զինուոր»: Մշակ 1902 թիւ 245: Ի Գաղստան կարգաւ ստացաւ սպայութեան աստիճանը: Իսկ Դամիլը բռնելով, համբար ժողովրդական եղաւ բոլոր Ռուսաստան և յերրօգաւ: Այս մասին նկատմամբ ժամանակակից Պատմ. Ա. Հաս. Գլ. Ի:

անորձնութեանց զէմ: Այդէն նոյն օրինակ ծանր ազգա-
բարութիւն մը բնդուներ էր և Մուխթար փաշայէն:
Բայց իամայիլ փաշա չէր կարող արգիլելու. պէտք էր
այդ վայրենի խումբերը տուններնին զրկել, գոր չէր ու-
զեր իամայիլ փաշա, որովհետեւ ըիջ կանոնաւոր զի-
նուոր ունէր¹:

Իամայիլ Հակբի փաշա իջաւ բարձունքներէն ուր
ձիւներ սկսեր էր երեւնալ. եկաւ բնակեցաւ Գալֆալու
տաւանին զիմաց Խզդիրի մօտ, և հողակոյտներ բարձրա-
ցոյց զայն ուրակոծելու նպատակաւ: Սեպտեմբեր 1 ին
ի թիկանց յԽզդիր հասաւ՝ զօրավարն Տէր Ղուկասով,
ինքնին պաշտպանութեան զլուխ կենալու. հասան նաեւ
ըիջ օր վերջը զօրավարն Պաւլով, կովկասու բանակին
սպայակուտին զլուխը և զօրավարն Դէվէլ: Սեպտեմբեր
1 Տին թուրքերը սկսան ուրակոծել զԳալֆալու. երկրորդ
օրը նոյնպէս շարունակեցին և կէսօրէն վերջը յարձակե-
ցան աւանին վրայ. բայց վանեցան ոռու գունդերէն:
Իամայիլ Հակբի փաշա մինչեւ Սեպտեմբեր 27 չչար-
ժեցաւ: Դոյն օրը ամպամած մութ երկնքի ներքեւ յա-
ռաջեց զէպ ի Խզդիր և բաղիւնեցաւ Դէվէլ զօրավարին
գունդերուն հետ: Թուրքերը ահաւոր թափով մը յետ
կատաղի մրցման, տիրեցին Քարահասար տափարակին.
ուր վիրաւորուեցան Քարէնին հազարապետը և Դէվէլ
զօրավարը: Բայց երբ հասան Ամիրախովարի զօրավա-
րին օգնութիւնը և կովկասի զրտկուր, այն ատեն իս-
մայիլ Հակբի փաշա հրամայեց նահանջու: Խուս գուն-

1 Մուխթար փաշա պատերազմէն առաջ իտք մը ուղղոր էր առ իմ
բանակը որ կը սկսի «Յանուն Ամենակալին Աստուծոյ». յորում խոսի
կ'արգելուր սպանութիւն. որ «պատերազմ զուրո սարսափելի սծիր մ'է ընդ-
զէմ օրինաց, սպանանել մարդ մը, Աստուծոյ ամենէն սքանչելի ստեղծա-
դործութիւնը»: Կը զգուշացնէր յափշտակութենէ «և ո՛ր և է կրից զործե-
րէ»: Կը պատուիրէր յարգելու ամենուն կրօնքը «Ամեն մարդ ինչ կրօնք
այ ունենայ. Աստուծոյ սգնիւ արարածն է»: Կը յորդորէր «խնամել թշու-
մայն վիրաւորքը, թագել յարգանոց մեծեալները յետ պատերազմին, և սի-
րով վարուիլ գերիներուն հետ»: Մուխթար այս գեղեցիկ պատուէրներէն
առաջ, պէտք էր համոզեր Պատերազմի պաշտօնարանը չ'ընդունիլ բանա-
կին մէջ քիւրտ, չէրքեզ, ապագա բաշիրոզուք վայրենի ասորը:

դերը գիրենք հալածեցին մինչեւ ութը մղոն, ապա ետ դարձան, ըստ հրամանի Տէր Առկասովի, որովհետեւ Զարուխճիի մտաբերը, ջուրը բաւական չէր այնքան գինուոր յագեցնելու համար:

Կրկու բանակները 15 օր մը անգործ մնացին, զբաղած Մուխթար փաշայի և Լորիս Մէլիքովի բանակաց մեծ կոտույ մը պատրաստութեան յուրերով. որոց զորկեցին իրենց գունդերէն ալ: Խամայի Զակբի փաշա Հսկանմբեր 16ին ուզեց կրկին փորձ մը ընել Գալփալուի վրայ. բայց ետ վանեցաւ. և երկրորդ օրը յուր աննելով Մուխթար փաշայի պարտութեան յԱլանա Տաղ, և խմանալով որ սուս սինակ մը կազգամանի ճամբով հասեր է Արաշկերտի դաշտը, այն տտեն իր նահանջը պարտկելու համար, գունդ մը թողլով յԱլիքոչաք, լսելեայն անհետացաւ իր գունդերովն դէպ ի կարին, ուր սկսեր էր բաշտիլ նաեւ Մուխթար փաշա:

2. — Երկրի պատերազմէն վերջը, Լորիս Մէլիքով թողուցեր էր զկարս և բաշուեր էր դէպ ի Աղեքսանդրոպոլ՝ Պալտիվանի և Ախուրեանի՝ մէջ. ընդհանուր հրամանատարութիւնը դնելով ի Քէլիք Տէրէ և յատաջարահքը յԻւչթէփէ, Անիի և Քրզըլ թէփէի բարձունքներուն վրայ: Բետինս տափարակի վրայ ստանձին բարձրացած լեռ մ'է: Աղեքսանդրոպոլ խճուղով կապուած էր կարսի և Անույ հետ. և այս երեք կէտերը միացուելով եռանկիւն մը կը կազմեն որուն յարակից է միշտ Ախուրեանը: Եւ այս եռանկեան մէջ կոտեցան թուրք և ռուս բանակները երեք ամիս: Մուխթար փաշայի Զախը, կարսէն 16 յիւլմէղը հեռու, Փոքըր և Մեծ կահնիլէր կոչուած բարձունքներուն վրայ տարածուած էր. կեդրոնը՝ Ալանա Տաղին բարձրութեանց վրայ դէմ յանդիման Քրզըլ թէփէի. իսկ Աջը կ'երկննար Անիէն անդին բլուրներու վրայ: Մեծ Գուրան Միքայէլ, Աղեք-

Լորիս Մէլիքով և Մուխթար փաշա Ախուրեանի կ'զերբները:

1 Ախուրեան կամ Արփաշայ:

սանդրոպօլի բանակը եկած էր, անձամբ գլուխ կենսա-
յու գինուորական գործողութեանց . հոն կանչուեր էր
(որրու չէ՛վ զօրավարը և եկեր էին նաև Ալխազով և
Բեհրուտեան Շէլկոֆնիկով հայ հազարապետները, որոնք
գիւորքս վաներ էին Սոխումքայէն և խաղաղեր էին
Սի Նոփուն արեւելեան երկիրները :

Երկու բանակները ամբողջ Յուլիս ամիսը կեցան դի-
մաց էրմաց և փոփոխակի մէկգմէկ լրտեսելու և զխտելու
առթովք, պատահեցան զանազան զուպարածներ . որոց
մէկուն ժամանակ թուրք 12(Պ) հեծեալը, որոց կը հրամայէր
Մուսթաֆա փաշա, անցնելով Ախուրեանը իջան մինչեւ
Բայրնտուր, Աղերսանդրոպօլի մօտ, առանց ընդդիմու-
թեան մը . անկէ անցան յԱստախան . յետոյ իջան Ա-
խուրեանի աջ ափունքը մինչեւ Արագօղլու : Լորիս
Մէլլիբով խմանալով զայս, գունդեր զրկեց Աստախանի
քով կտրելու թուրք հեծելագօրուն նահանջը : Այն ատեն
Մուսթաֆա փաշա հետը առած 3(ՊՊ) հեծեալ և հրա-
նօթք, դիմեց Սոսսաց հանդէպ . յայտնի էր պատերազմի
մը սպառնալիքը . բայց երբ Մուսթաֆա փաշա լսեց որ
Մուսթաֆա փաշա արդէն անցեր է վտանգաւոր կէտը,
այն ատեն ինքն ալ նահանջեց իր զիրքերուն մէջ :

(Գոստոսի մինչեւ 15ը երկու բանակը անշարժ կե-
ցան տեղերնին . բայց 16ին, Անիի աւերակներէն վեր
բնակող ոռւս գունդերը շարժեցան դէպ ի Քրզըլ Թէփէ,
միանալու կեղրոնին . ուրիշ գունդեր ալ զիգուեցան Սո-
պաթանի ետեւ, ուր զօրաւոր էր թուրքաց կայսրութիւնը .
և Վոմարով հազարապետը իր չէրքէզներով յաստջեց
դէպ ի Մեծ Երանի : Փութով Հիւսէյին Համիտ փաշա,
երբեմն զկարս պաշտպանողը, վազցուց իր հեծեալը .
երկու կողման ձխտորաց մէջ խառնուրդ մը սկսաւ և
երկու կողմանէ հարիւրէն աւելի անձինք ինկան . հա-
սան երկու կողման հետեւակք ալ, բայց յանկարծ
Ռուսը քաշուեցան իրենց զիրքերը և չչարունակեցին
կոխիւ : Մուսթաֆա փաշա լաւ բարոնեց, որ Քրզըլ Թէփէ
միշտ սպառնալիք մ'էր իր բանակին, և հարկ էր հոնկէ
խախտել Ռուսերը :

(Գոստոս 25ի երեկոյ արեւը մոնեւէն վերջը բազմաթիւ գնդեր լեռեայն ճամբայ ելան դէպ ի Քըզըլ թէփէ. ժամը 2ին հասան կղզիացեալ լեռան մօտ, մինչ ամեն կողմ լուսթիւն էր և հողակոյտներ բարձրացնելով գետեղեցին հրանօթը և յանկարծ սկսան կրակ թափել Քըզըլ թէփէի վրայ : Ռուս պահանորդը յետքիչ ժամանակ պատասխանելու, քաշուեցաւ լեռան ստորոտը հեղեղատին մէջ և թուրք գունդերը տիրեցին լեռան և անմիջապէս հրանօթներ փոխադրեցին հոն : Առաւօտեան դէմ ժամը 4ին, Ռուսը յետ ուրակոծելու լեռը, յարձակեցան կրկին զայն առնելու, բայց թուրքերը իրենք ալ կրակ թափելով շարունակ ամբողջ օրը, կրցան պահել դիրքերին. և Ռուսը երեկոյեան քաշուեցան իրենց բանակը, յետ կորսնցնելու ընդ մեռեալ և ընդ վիրատը : 3000 զինուոր : Վիրատրեւոց մէջ էին իշխանն Չավչավաձէ և Քոմարով հագարապետը : թուրքաց կողմանէ մեռեր էին 500 անձինք և 1200 վիրատրը : Սակայն Մուխթար փաշայի այս յանկարծական հարուածը և յաղթութիւնը մեծ համբաւ ստացաւ Լըյուպայի մէջ և Սուլթանը ինքնագիր զովասանական նամակով մը իրեն շնորհեց Կլագի (Ֆաղթոյ) անուանակոչումը¹ :

Մուխթար փաշա կը տիրէ Քըզըլ թէփէի :

Քըզըլ թէփէի առմանէն վերջը Լորիս Մէլիքով բանակին ընդհանուր հրամանատարութիւնը փոխադրեց ի Քարայալ և բանակը կեդրոնացուց Ռաշ Քատրըլարի և Պալալիպանի մէջ. միայն քանի մը դիտարանք թողուց Անիի և Խչ թէփէի բարձունքներուն վրայ : Իսկ

1. Կ. Պօլսոյ Հայոց պատրիարքը այս առթիւ ինդակցութեան թուղթ մը գրեց առ Մուխթար փաշա, յանձնարարելով միանպաստան պաշտպանել լաւ այն կողմի հայ ժողովուրդը : Մուխթար փաշա իր պզտումիտ պատասխանին մէջ, յետ շնորհակալութեան պատրիարքին պնդելով զպաշտպանելու յետ պահանջներու որ միշտ ջանացած է պաշտպանելու հայ ազգը, կը յատկաւ : «Քրոջհետեւ պատերազմի ժամանակ ամեն կողմերէ և զանպան ցիղերէ զօրք կը հասցնուի, ասոնց մէջ գտնուած անկիրթ մարդիկ ամեն հարստահարութիւնը կ'ընեն ոչ միայն Հայոց այլ և մահմէտական ժողովրդոց վրայ : Բայց կատարութիւնը միշտ ետեւ է այդպիսիները պատժելու» :

Սաման փաշա իջաւ լեռներէն և բանակին հրամանա- տարութիւնը հաստատեց կերքանայի մտ, զէմ յանդի- ման Քրզրլ թէփէի վրայ բռնած դիրքերուն: Սեպտեմ- բեր ամիսը անցաւ ատանց պատերազմի մը: Ռուսաց կողմանէ մեծ էր պատրաստութիւնը. և շարունակ հա- սած սգնութիւնը բանակը 7(),(X(X)ի հասուցեր էին շ(X) թնդանութովք. մինչ թուրքաց բանակի թիւն իջեր էր 4(),(X(X)ի, 7() թնդանութովք: թուրքաց բանակը նուա- գեր էր երկու պատճառաւ. նախ՝ շատ մը քիւրտ, չէր- քէզ, ասորի և արար խումբեր, տեսնելով որ կ'արգի- լուէր իրենց ատարտութիւն և սպանութիւն, նա մա- նաւանդ կը պատժուէր կախապանով, թողոցին թուրք բանակը և փախան: Կըկրորդ՝ յանկարծ կ'. Պօլսոյ Պա- տերազմի պաշտօնարանը կարեւոր դատեց ոյժ տալ ա- յելի Էրրոպայի բանակին, և Ախոյ բանակէն գունդեր կանչեց Պլէֆնայի մտ. այսպէս՝ մինչդեռ մինչև այն ժամանակ թուոց ատաւելութիւնը օսմանեան բանակին կողմն էր, հիմա բազմութիւնը Ռուսացն էր: Մոտիթար փաշա ունէր ուրիշ տազնապներ ալ, որոնք ոչ նուազ քան գատաջինս գինըը կը տկարացնէին. չկար դրամ, վճարմունք կը յապաղէին. ապրուստի նուագութիւն կար. ագանելիք յետին խեղճութեան մէջ էին: Ի զուր Մոտիթար փաշա կը գրէր ի կ'. Պօլսա և կը բողոքէր. մայրաքաղաքին մէջ յանկարծ փոխուեր էր քաղաքակա- նութիւնը և նախկին կարեւորութիւնը չէր տրուեր կար- սի, և Ախոյ կողման պատերազմին:

3). — Ռուս ընդհանուր հրամանատարութիւնը տե- պեակ էր ամեն բանի լրտեսներու ձեռքը, որոնք ա- ռատ էին, արդիւնք տեղացի ժողովրդեան կացութեանը. քրիստոնէսայր ընդհանրապէս համակրելով ռուս բանա- կին և թուրքերը օսմանեան գորաց: Մեծ դուքան Մի- քայէլ, զօրավարները խորհրդի հաւաքեց. զՄոտիթար փաշա կարսէն կտրելու եղանակի մը համար. և մինչ զօրավարն Սրբուչէվ կը պնդէր որ այդ կարելի էր միայն Անիի ետեւէն շրջանով մը ի թիկանց զթշնա- մին բաղիւնելով, մեծամասնութիւնը սահմանեց՝ բաղիւն

Ռուսաց կը սկսին յարձա- կումը կռահի- լէրի վրայ:

ճակատէն Երանի լեռները, զՄուխթար փաշա բաժնել կարսէն, մղել զինքը յԱլաճա Տաղ և հոն փճացնել իր բանակը: Յարձակումը սահմանուեցաւ Հոկտեմբեր 2ին: Աջ թեւին 20,000 զինուորաց, պիտի հրամայէր զօրավարն Լորիս Մէլիքով. որ երեք սինակով պիտի յառաջէր, յորոց մին պիտի բաղխէր զՓոքրն Երանի. ուրիշ սին մը, որուն պիտի հրամայէր զօրավարն Շէրէմէթիէվ, պիտի յարձակէր Մեծ Երանիի վրայ. և երրորդ սին մը պիտի պաշտպանէր այդ շարժումները: Կեղրոնի բանակը, որուն հրամանատարն էր զօրավարն Հայման, պիտի չթողուր որ Սուպաթանի և Քըզըլ թէփէի թուրք գունդերը շարժին: Իսկ Չախը, որուն կը հրամայէր զօրավարն Լազարէվ, կեղծ բաղխմամբ մը Քըզըլ թէփէի, հոն պիտի քարշէր Մուխթար փաշայի մեծագոյն զօրութիւնը: Ուրիշ ազատ գունդ մ'ալ Շէլկովնիկով զօրավարին հրամանատարութեան ներքեւ պիտի անցնէր Ախուրեանը ի Գոմք, և պիտի կեղծէր յարձակում մը թրքաց Աջ թեւին ծայրը:

Երկրորդ առաւօտ երբ արեւուն ճառագայթները կարմրցուցին Մասեաց գագաթը, Մուխթար փաշա, որ արդէն գիտէր Ռուսաց բաղխումը և բաժներ էր իր գունդերը ըստ ռազմական օրինի, վարանեցաւ Ռուսաց նոր ծրագրին վրայ, որուն կեղծ ըլլալը չգուշակեց ի սկզբան, և իր հրամանատարաց նոր հրամաններուն ժամանակ, արդէն Շէրէմէթիէվ արիւնահեղ կոռով մը տիրեր էր Մեծ Երանիի, սպաննելով 450 պահանորդքը. և աւելի մեծագոյն յաջողութեամբ զօրավարն Ռէհրուզ Շէլկովնիկով կրցեր էր բռնել Ալաճա Տաղին արեւելեան սեպերը, յորս մագլցելով ելեր էին իր զինուորքը և տիրեր թուրք պատնէշներուն. հոն կը սպասէր օգնութեան, յաղթութիւնը ամբողջացնելու համար: Սակայն ընդհանուր հրամանատարութիւնը իրեն նպատակ դրած ըլլալով անհրաժեշտ տիրել Փոքր Երանիի, ուր Ռէշիտ փաշա և Քիազիմ փաշա անխոնջ կերպով կ'ընդդիմանային և Վիզին գեղէն օգնութեան հասեր էր նաեւ Ֆազըլ փաշա, չկրցաւ և չմտածեց օգնութիւն դրկել Շէլկովնիկովի, որ տեղիք տուաւ:

Հիւսէյին, Շէվքէթ և Իրրահիմ փաշաներուն բաղիմանցը և կրկին անցաւ Ախուրեանը, Լազարէվի գունդերուն պաշտպանութեան ներքեւ: Ռուսք տակաւին ընդերկար կոռեցան Փոքր Եահնիի դէմ, բայց չկրցան յաղթել թրքաց արթուն ընդդիմութեան. և գիշերը վրայ հասնելով դադրեցան կոռելէ, կորսնցնելով ընդ մեռեալ և ընդ վիրաւոր 3000 անձինք: Նոյնքան մ'ալ կը համարուի թրքաց փնասը:

Երկրորդ օրը թուրք բանակը սկսաւ ուրակոծել զՄեծ Եահնի և տկար պատասխան գտնելով, փորձեց յարձակում մը, զոր վանեց Հայման զօրավարը: Բայց Ռուսք ջրոյ նուազութիւն պատճառելով, թողին Մեծ Եահնին և քաշուեցան իրենց նախկին դիրքերուն մէջ: Մուխթար փաշա աճապարեց բռնելու զՄեծ Եահնի: Սակայն իր զինուորաց սակաւութեան պատճառաւ թողուց զՔրզըլ Թէփէ, Սուպթան, Կերքանա, զորս անմիջապէս բռնեցին Ռուսք: Մուխթար փաշա յուսահատած կ'. Պօլսէ նոր օգնութիւն ընդունելէ, դիմեց առ Խամայիլ Հակըի փաշա. ուսկից քիչ վերջը ունեցաւ 5000 զինուոր:

4. — Ռուս ընդհանուր հրամանատարութիւնը, լրտեսներէն գիտնալով Մուխթար փաշայի գունդերուն սեւկաւութիւնը, յարմար ժամանակ դատեց բազմաթիւ զօրաբաժիններով, ըստ Օբրուչէվի ծրագրին, բաղխելու Մուխթար փաշայի դիրքերը, յետուստ գունդեր հասցնելով. և Մեծ Դուքան Միքայէլ յանձնեց Լազարէվ զօրավարին, 23 շոկատովք, 28 վաշտերով և 78 թընդանօթիւք Անիի ետեւէն շրջելով, բաղխել զՔշնամին կոնակէն, մինչ ուրիշ զօրաբաժիններ պիտի բաղխէին ճակատէն: Լազարէվ Հոկտեմբեր 9ին մեկնեցաւ Օղուզլուէն, անցաւ Ախուրեանը կրխաչի քով և թուրք հողը մտնելու համար կրկին զայն անցաւ ի Քրզըլ Քիլիսէ, և Հոկտեմբեր 13ին արդէն կը գտնուէր ի Տիկոռ և յԱզրակ. հասած տեղէն զինուորական հեռագրով միշտ հաղորդակցութիւնը պահելով ընդհանուր հրամանատարութեան հետ. և այս ճարտարութիւնը պատճառ եղաւ

Լազարէվ զօրավարը և Ալանա Տադի պատերազմը:

յաղթութեան: Ճամբան միացաւ իրեն հետ նաեւ Տէր Ղուկասով իր 8000 զինուորօք:

Յետ որոյ չէրքէզ, ապազա և քիւրտ ասպատակը հեռացեր էին թուրք բանակէն, որոնք աւարառութեանց ժամանակ կը լրտեսէին նաեւ թշնամուոյն բանակը, Մուխթար փաշա շատ անգամ անտեղեակ մնաց թըշնամուոյն շարժումէն: Հոկտեմբեր 14ին Լազարէվ դիտեց որ թրքաց գունդերը աւելի ի Բազարճըր կը գտնուին, զանոնք քովընտի թողլու համար տիրեց Շատրրօղլուի բարձունքներուն. բացաւ իրեն վիզին գեղի ճամբան և յանկարծ թուրք բանակին կոնակէն սկսաւ ահաւոր ուժակոծում մը: Մուխթար փաշա այս անհաւատալի ի թիկանց ուժակոծման վրայ զարհուրեցաւ. և ինքնին վազեց դատելու զինուորական կացութիւնը և վտանգը: Ռազմագէտը ըսած են որ իր զօրաց կրկին թուով բանակին դիմաց անխմաստ էր Մուխթարի կոռուիլը և իր զօրքը ազատելու համար անմիջապէս պէտք էր նահանջել յարեւուտը դէպ ի կարս. սակայն նա իր սովորական անշփոթ բնաւորութեամբ այնքան յուսահատ չդատեց կացութիւնը: Փութով երեք գունդ բերել տուաւ Բազարճըրէն. զորս միացնելով իսմայիլ փաշայի զրկած գունդերուն, մղեց Ռուսաց վրայ: Լազարէվ այդ բանակին դէմ զրկեց իր հեծելագունդը Մալամա հազարապետին հրամանատարութեան ներքեւ. որոնք ելլելով մինչեւ բարձունքը, ահաւոր կրակով մը վանեցին թուրք գունդերը և տիրեցին Շատրրօղլուի: Սակայն վիզին գեղի և Բազարճըրի տիրելու համար, հարկ էր նախ տիրել ուրիշ բլուրներու ալ, զորս Մուխթար փաշա կանխաւ ամրացուցեր էր, և ազոնց բաղխումը յանձնուեցաւ Շէլկովիկով զօրավարին. որուն զինուորաց եռանդուն յարձակման չկրցան դիմանալ թուրքերը. մանաւանդ երբ հասան և Մալամա հազարապետին հեծեալքը, և փախան խոտն ի խոտն: Այսպէս Հոկտեմբեր 14ին Լազարէվի յանձնուած գունդերը կը գտնուէին Մուխթար փաշայի բանակի կոնակը, և թուրք զօրավարին կը մնային կարսի հետ հաղորդակցութեան համար երկու:

լեռնային ճամբաներ՝ Չիֆթ Թէփէսի և Սիվրի Թէփէսի, Լը սակայն Մուխթար չուզեց ապաւինիլ ի կարս և փութով հրանօթք գետեղեց Չիֆթ Թէփէսիի վրայ, երկրորդ օրը Լազարէվի բանակը ուժեղացրեց ի համար:

Մեծ Գուրան Միքայէլ որ Լազարէվի հաստատած հեռագիրներուն միջոցաւ շարունակաբար տեղեկացեր էր ուս գունդերուն յաջողութեան, յետ խորհրդակցելու Լորիս Մէլիքովի հետ, յանձնեց Հայման զօրավարին 34 ջոկատով, ձիաւոր վաշտերով և 104 հրանօթիւք, երկրորդ օրը, Ավլիար լեռան վրայի թշնամեաց բանակը ճակատէն ուժեղացրեց: Ուրիշ գունդեր ալ Ռոր զօրավարին հրամանատարութեան ներքեւ պիտի օգնէին Հայմանի: Հոկտեմբեր 15ի առաւօտեան ժամը 5ին, հրաման եղաւ Հայման զօրավարին չուելու Ավլիարի վրայ. մինչ Քուցմինսքի զօրավարը, Ռորի զօրաբաժնէն՝ պիտի խախտէր Թուրքերը Ալաճայէն և պիտի վանէր դէպ ի Բարձր Ալաճա: Ուրիշ գունդեր ալ երկու յարձակող գունդերուն հաղորդակցութիւնը պահելու պիտի հակէին: Մի և նոյն միջոց պիտի յառաջէր զօրավարն Լազարէվ, իր շարժումները կարգադրելով ճակատին յարձակմանց համեմատ:

Մուխթար փաշա Ավլիարի ապառաժներուն վրայ զօրաւոր ամրոցներ բարձրացուցեր էր. բայց չկար զինուոր պաշտպանելու. Մուխթար փաշա հագիւ 2000 զինուորք թողուցեր էր հոն, երեք թնդանօթովք: Զօրավարն Հայման ժամը 9ին սկսաւ ուժեղացնել զԱվլիար. թուրք պահանորդը դիւցազնաբար կոռեցաւ և Մուխթար փաշայի ղրկած սակաւ օգնութիւնը՝ չէին կարող զինքը փրկել Ռուսաց եռեւէ ետեւ հասած գունդերէն և հրանօթներէն: Երբ կէսօրը Հայման զօրավարը հրամայեց ընդհանուր յարձակումը, ուս գունդերը որոտածայն կեցցէնբու աղաղակաւ հասան մինչև լեռան ծայրը և կանգնեցին իրենց յաղթական դրօշը: Մուխթար փաշա որ դեռ կրնար ազատել բանակը ի կարս, Չիֆթ Թէփէսիի ճամբով, չուզեց փախուստ մը յանձն առնուլ: Թանձնելով Խամէր փաշայի, իր երկրորդին, շա-

րունակել պատերազմը Հայմանի գունդերուն դէմ, ինքը՝ գնդապետ սըր Առնոլտ Քէմբալի հետ, որ Անգղիոյ Տէրութեան պատերազմին համար զինուորական կցորդն էր, քաշուեցաւ կարսի և Վիզին գեղի մէջ տեղ լերան մը վրայ, պատերազմին վիճակը քննելու՝:

Ավլիարը առնուած ժամանակ ուրիշ կեցցէններու գոչում մ'ալ իմացուց որ Լազարէվի գունդերէն յառաջապահը որոց կը հրամայէր Շէլկովնիկով զօրավարը, տիրեր էր Վիզին գեղի արեւմտեան բարձունքներուն և Լազարէվի ու Հայմանի գունդերը, մէկմէկու ձեռք կու տային: Այն ատեն սկսաւ Թրքաց տազնապալից խառն ի խուռն փախուստը Չիֆթ Թէփէի ճամբով դէպ ի կարս: Երկու ոռւս զօրարածիններու միացման տեղը հասաւ նաեւ Մեծ Դուքսն Միքայէլ և հրաման ըրաւ Հայման զօրավարին, բռնելու Վիզին Քէոյի և Չիֆթ Թէփէսի մէջ եղած դիրքերը, մինչ զօրավարն Լազարէվ զթշնամին կը վանէր դէպ ի կարս: Անհամար բազմութիւն մը խոնկեցաւ կարսի դրան դիմաց: Քաղքին հրամանատարը Հիւսէյին փաշա, ջոկատ մը դուրս հանեց, սուփնը հրացանի ծայրը, և սպառնացաւ փախըստական զինուորաց, որպէս զի դառնան իրենց դիրքերը, բայց ի զուր. սարսափը տիրեր էր ամենուն սիրտը. շատերը փախան դէպ ի կարին: Նոյն գիշերը հասաւ ի կարս նաեւ Մուխթար փաշա և մինչ կը տրամադրէր միջոցներ Աջ Թեւը փրկել և կարս քաշել, իմացաւ որ անձնատուր եղեր էր այն: Էօմէր փաշա լսելով Ավլիարի առումը, ինքզինքը բոլոր ոռւս բանակէն շրջապատուելու երկիւղէն հրամայեց նահանջելու:

1. Ուր Առնոլտ Քէմբալ, միշտ, ներկայ գտնուեցաւ Մուխթար փաշայի պատերազմաց. բայց ոռւս սպայակոյտը այլ և այլ անգամ բողոքեց որ «չէզորութեան սահմանները չէր յարգեր»: Սըր Քէմբալ, կաստոն Լըմէ գաղղիացին Բիեք Պիլքոյիքի Քիթակիցը և Կէյի Նիւսուի յօդուած դրկող Սըր Ս' Դոնովան, ընտրելագոյն պատմիչներն են պատերազմիս, յորոց շատ տեղ սպտուած են: Առոնց հաւասար են և առ Тейлорս րապիւր Քիթակցութիւնը:

Թուրք բանակը
անձնատուր
կ'ըլլայ:

բայց Լազարէվի և Ամիրաճիրոֆի հեծեալը այնպէս պաշարեցին, որ անկարելի էր նահանջել և Լամէր փաշա իր բանակովը անձնատուր եղաւ Լորիս Մէլիքով զօրավարին. որ նկատի առնելով թուրք բանակին քաջ կոխը և ընդդիմութիւնը, բոլոր զօրավարաց և սպայից շնորհեց իրենց զէնքերը, ձիերը և անձնական ունեցածները: Իսկ զինուորը զէնքերնին պիտի յանձնէին Ռուսաց: Այսպէս անձնատուր կ'ըլլային 7000 զինուորը և 250 սպայք, յորս Լամէր փաշա, կիրթ անձնաւուրութիւն մը, հրամանատար զօրաբաժնի. Հաճի Ռէշիտ փաշա, աներձագ Մուխթար փաշայի. Հասան փաշա՝ զլուխ սպայակուտին. Շէֆքէթ փաշա, Մուսղաֆա փաշա, Ահմէտ փաշա, Լամէր թահիր փաշա և ուրիշ բարձրաստիճան սպայք:

Երկրորդ օրը, բոլոր այս գերինները տարուեցան վիզին գեղ. ուր այցելեց իրենց Մեծ Դուքսն Միքայէլ, խնդակցելով իրենց քաջ դիմադրութեան վրայ. սպա զինուորը և սպայք զրկուեցան ի Քէօրիւք Դէրէ և փաշաները ի Տփղիս, ուր քանի մը օր ժողովրդեան հետաքրքրութեան նիւթ եղան և անկէ ի Պետերբուրկ: Բանակին անձնատուր ըլլալէն առաջ փախեր էին չէքէզ Մուսա փաշա և զօրաբաժնի զօրավար՝ Շամիլ Ղազի Մէհէմէտ փաշա՝ որդի հռչականուն Շամիլի: Ասոնց զլուխները ռուս տէրութիւնը գնոջ դրած էր. պատերազմի ժամանակ, ոչ ըստ պատերազմական օրինաց կողուելուն համար:

Աղեքսանդր Բ կայսրը որ կը գտնուէր ի Գորնի Շոուտէն, նամակով մը յայտնեց իր մեծ ուրախութիւնը և գոհութիւնը Ալաճա Տաղի յաղթութեան համար առ մեծ դուքսն Միքայէլ, շնորհելով միանգամայն Ս. Գէորգի Առաջին աստիճանի խաչը, զոր ոչ ոք ունէր ռուս մեծ դուքսերէն: Լորիս Մէլիքովի տուաւ նոյն կարգին Երկրորդ աստիճանի խաչը, զոր տուեր էր նաեւ Նիկոլա Մեծ դքսին, Գանուրը անցնելուն առթիւ: Զօրավարքն Լազարէվ, կուբուքի և Շէլկովիկով, ստացան Երրորդ կարգի խաչը. զօրավարն

Ռոր և իշխանն Չավչավածէ, աւելի ստորին նշաններ, ինչպէս նաեւ զօրավարքն Բարանով, հրամանատարքն Քիշմիշէվ և Երիսդով և երկու մահմէտական հազարապետք ճավա խան Եիրվանզատէ և Աղա խան Եիրվանզատէ: Ալաճա Տաղի կռիւր կը փճացնէր արդէն թրքաց սակաւաթիւ բանակին նշանաւոր մաս մը. որով և մեծ ազդեցութիւն կ'ունենար պատերազմին հետեւանքին վրայ:

Տէվէ Բոյնուի
պատերազմը:

5. — Մուխթար փաշա Հոկտեմբեր 17ին զբաղեցաւ հաւաքելու փախած և նահանջած գունդերը և կազմեց 16,000ի բանակ մը, յորոց մեծ մասը թուրոց ի կարս պահանորդը զօրացնելու համար և հետը առաւ 2800 զինուոր և 10 թնդանօթք, որոցմով որոշեց քաշուիլ կարնոյ մօտ և սկսիլ նորէն բանակ մը կազմել թշնամույն ընդդիմանալու համար: Երկրորդ օրը մեկնեցաւ կարսէն. և Պարտէզի ճամբով Հոկտեմբեր 20ին հասաւ ի Քէօփրիւքէօյ, ուր կը միանան կարսի և Բայազիտի ճամբաները. և ուր եկաւ իրեն հետ միանալու իսմայէլ Հակըի փաշա, որ Ալաշկերտի և Չէյտէկեանի ճամբով ութ օրուան մէջ 190 քիլոմէտր կատարած էր թնդանօթներով միասին, և ի թիկանց հալածող ունենալով զՏէր Ղուկասով. որ ի զուր ջանաց անոր նահանջը կտրելու. և ապարդիւն բաղխում մ'ալ ըրաւ Տէլիպապայի անցքին դիմաց: Իսմայէլ փաշա անվտանգ միացաւ Մուխթար փաշայի հետ. սակայն իր բանակին քիւրտ, չէրքէզ, արաբ բաշիրոզուքները, Ռուսաց յաղթութենէն վերջը փախեր էին, ուստի իր քովը հազիւ 8000 հօգի մնացեր էին. որով Մուխթար ընդ ամենը զրեթէ 12,000 զօրաց բանակ մը կ'ունենար:

Հայման զօրավարը Սոդակուի թանակ կոչուած գունդերով որոնք 15,000 անձինք էին և որոց վրայ աւելցան Տէր Ղուկասովի 8000 զինուորքը, դիմեց պաշարելու զարդնք: Իրուք յառաջեցին նախ Հասանքաւէ, զոր թողուցեր էր Մուխթար փաշա և քաշուեր էր Տէվէ Բոյնուի նեղ կիրճերուն մէջ, զորս ամրացուցեր էր Ֆէյզի փաշա: Բայց Հասանքաւէ պարպելու ժա-

մանակ իր վերջապահին կրցան հասնիլ Հայմանի հեծեալքը Հոկտեմբեր 29ի գիշերը, և արիւնահեղ կոռուով մը գիշերուան մութին մէջ, շատ զինուոր սպաննեցին. յետոյ Ռուսք բռնեցին զՀասանքալէ, և հեծելագորր յառաջեց Նոյեմբեր 3ին մինչեւ Գուրուճուք, կարնէն 10 քիլոմէդր հեռու: Զօրավարն Հայման իր բանակը երկուքի բաժնեց, որոց միոյն պիտի հրամայէր զօրավարն Տէր Ղուկասով, միւսոյն զօրավարն Գեվէլ: Տէր Ղուկասով իր գունդերէն երկու սիւնակ կազմեց, մին՝ իշխան Ամիրաճիրոֆի առաջնորդութեան ներքեւ, որ պիտի գործէր Չիֆթլիքի դիմաց, միւսին կը հրամայէր զօրավարն Բրոնէվսքի: Այս երկու սիւնակը ունէին 30 թնդանօթ: Նոյնպէս զօրավարն Գեվէլ երկու սիւնակ բաժնեց իր զօրքը, միոյն կը հրամայէր զօրավարն Ավինօֆ, որ հաղորդակցութիւնը պիտի պահէր Բրոնէվսքիի սիւնակին հետ, միւսոյն կը հրամայէր զօրավարն Շաք՝ Հանճուղազ և Քիւլլի գեղերուն մէջ: Այս երկու սիւներն ալ ունէին 40 թնդանօթք: Այս զօրքերէ զատ, կարնոյ ճամբան բռնած էին երկու հեծելոց սիւնակք. միոյն կը հրամայէր զօրավարն Ամիրախովարի, միւսոյն Քալբուլա Խան: Մուխթար փաշա, Ուզուն Ահմէտ տափարակին պաշտպանութիւնը յանձնեց Մէհմէտ փաշա հազարապետին, որ այնքան քաջացեր էր ի Քըզըլթէփէ: Աջը յանձնեց Խամայէլ Հակքի փաշային, որուն պիտի օգնէր Ֆէյզի փաշա՝ և կեդրոնը իրեն պահեց, որպէս զի ինքնին հսկէ Տէվէ Բոյնուի կարեւոր անցքին:

Առաւօտեան ժամը 9ին, նախ թուրք հրանօթք սկսան բաղխել ռուս բանակը, որուն պատասխանեցին ռուս հարիւրաւոր թնդանօթք շարունակ կրակով, որուն յաջորդեց Շաք զօրավարին գունդերուն յարձակումը. ասոնք կէսօրուան դէմ կրցան Քիւլլիի մօտ տեղաւորուիլ: Մուխթար փաշա կարնէն նոր օգնութիւններ

1. Թնդանօթ հունգարացի. և իր նախկին անունն էր Քոհլման:

ղրկեց իսամայէլ փաշայի, զՌուսս վանելու Քիւլլիի մօտ եղած դիրքերէն, բայց անկարելի եղաւ. Քէպէտ իսամայէլ փաշա քանի մը անգամ փորձեց աներկիւղ թափով մը: Փէյզի փաշայի բազուկը գնդակ մը ծակեր անցեր էր, բայց նա կը շարունակէր հրամայելու իր գունդերուն: Թուրքերը կը կոռէին մեծ անձնանուիրմամբ իրենցմէ կրկինէն աւելի բանակի մը դէմ: Ամիրաճիրօֆ իշխանին գունդերը երեք անգամ յարձակեր էին Ուզուն Ահմէտ տափարակին տիրելու, և երեք անգամն ալ վանուեր էին: Մուսթար փաշա այդ դիրքին կարեւորութեան համար, նոր վաշտեր օգնութեան հասուցեր էր. որոնք ոչինչ էին Ռուսաց բազմութեան և հրանօթներուն բաղդատմամբ: Թուրք բանակը եօթն թնդանօթ միայն ունէր Չոպան տաղի վրայ, որոնք մերթ ընդ մերթ ոււմբեր կ'արձկէին Ամիրաճիրօֆի սիւնակին վրայ: Լըրեկոյեան ժամը չորսն էր երբ ուս զօրավարը հրամայեց ընդհանուր յարձակում մը մեծ թափով, և զինուորը բլրէ բլուր, փոսէ փոս ցատքելով, յետ արինահեղ մրցման տիրեցին Ուզուն Ահմէտի և Տէվէ Բոյնուի կիրճին հիւսիսակողման բարձունքներուն. ուսկից թուրք զինուորները խառն ի խուռն սկսան փախչիլ: Այն ատեն զօրավարն Հայման հրամայեց Քալբուա խանին, ձիաւորներով անցնիլ կիրճը, բռնել Կարնոյ ճամբան և կտրել Թրքաց փախուստը: Իսու ձիաւորաց այս շարժումը աւելի շփոթեց թուրք զինուորները, որոնք իրենց նահանջը կտրուած կը տեսնէին և անկարելի ընդդիմութիւն մը այն նեղ կիրճերուն մէջ սակաւ հրանօթովք. և բազմութիւնը սկսաւ փախչիլ: Ի զուր ֓էյզի փաշա ջանաց դէմ դնել փախստէից. նոյն իսկ իսամայիլ փաշա, խիթալով որ Կարնոյ ճամբան բռնուի, ինքն ալ նշան տուաւ նահանջի և աճապարեց դէպ ի կարին: Այս նահանջը կամ փախուստը Տէվէ Բոյնուի կիրճերէն, մութ աւտեն, ի հեռուստ ունենալով նաեւ Ռուսաց ուժակոծումը, շատ աղիտաբեր եղաւ թուրք բանակին:

Ռուսաց յաղթութիւնը:

Երբ փախստականք հասան Կարնոյ դուռը, ներս մտնելու համար մոլեգին կռիւներ ծագեցան. որովհետեւ

կուսակալը Հասան փաշա, հրամայել էր վանել՝ քաղաքը մտնել ուզող զինուորքը:

Զորավարն Հայման, իսմայիլ փաշայի գունդերուն նահանջը կտրելու համար բաց ի Քալքուլա խանէն, վազցուցեր էր նաեւ Ամիլախավարիի հեծեալքը և Մոգ. տոքի խազախները, սակայն իսմայիլ փաշա յառաջել էր և գիտցաւ անոնցմէ ազատիլ: Իսկ Մէհէմէտ փաշա՝ յետ թափառելու մութին մէջ իր գունդերով Տէվէ տաղ և մինչեւ Հաֆըզ փաշա բունար, հասաւ անվտանգ ի Կարին: Արդէն զիշերուան ժամը 11ին հոն ապաւինել էր նաեւ Ֆէյզի փաշա: Մուխթար փաշա զիշերը յԱզիզիէ անցուց բերդը և երկրորդ առաւօտ մտաւ ի Կարին: Թուս գունդերը զիշերեցին իրենց բունած զիրքերուն մէջ, և զօրավարն Հայման, ննջեց Մուխթար փաշայի վրանին ներքեւ: Թրքաց կորուստը ընդ մեռեալ և ընդ վիրաւոր կ'անցնէր 2500ը. թնդանօթներէն մեծ մասը և շատ մը մթերք և պաշար մնացեր էին թշնամայն ձեռքը: Թուսաց վիրաւորքն էին 680 և մեռեալքը 200:

Կարնոյ վիճակը:

6. — Կարին՝ Հայաստանի մայրաքաղաքը, ուր ապաւինել էին թուրք հրամանատարք, ունենալով իսկ բերդեր, չէր կրնար ամուր քաղաք մը համարուիլ: Կարին, որ 70,000 բնակիչ ունէր, աւելի նշանաւոր էր իր վաճառականութեան զիրքով թէ Հայաստանի, թէ Միջագիտաց և մանաւանդ Պարսկաստանի նկատմամբ: Ունէր բերդ մը և պաշտպանութեան երեք ամրոցք, յորս կարելորագոյնն էր թոփ Տաղը, որ մինչեւ 700 մէդր ընդարձակութիւն ունէր, պարունակելով իր մէջը Ազիզիէ բերդին երեք բարձրացած ամրութիւնքը: Կար նաեւ պաշտպանութիւն մը՝ Մեճիտիէ. և ամրոց մը ի Ս. Նշան: Ունէր իր մէջը 140 կտոր հրանօթք և 6000ի մօտ զինուորք: Նոյեմբեր 5ին Տրապիզոնէն ուրիշ 4000 զինուորք հասնելով, Մուխթար փաշա զասոնք ընդ հրամանատարութեամբ Մէհէմէտ փաշայի ղրկեց ի թոփ Տաղ: Հոն հաստատեց նաեւ իր բանակատեղին Թուսաց շարժումը զիտելու համար:

Կարնոյ բնակչաց մեծամասնութիւնը՝ հայ, յոյն, հրեայ, պարսիկ, մեծ հայրենասիրութիւն մը չէր զգար զքաղաքը պաշտպանելու Ռուսաց դէմ, կենաց վտանգաւ և նուիրակութիւն մը զրկեց առ Մուխթար փաշա, խնդրելով որ զքաղաքը ուժակոծուելու վտանգի մէջ չդնէ: Մուխթար փաշա պատասխանեց որ պիտի հարցնէր ի Կ. Պօլիս: Ռուս բանակէն պատգամաւոր մը եկաւ պահանջելով որ անձնատուր ըլլայ. նոյն պատասխանը տուաւ, խնդրելով երեք օր ժամանակ: Այս միջոցիս բովանդակ ուս բանակը եկեր բռներ էր Տէվէ Բոյնուի և Կարնոյ մէջի ճամբան և Թոփ Տաղի դիմաց ամրոց մը կը բարձրացնէր ուժակոծելու թէ զբերդը և թէ զքաղաքը: Մուխթար փաշա ժողովքի կանչեց քաղքին զինուորական և քաղաքական իշխանութիւնները, թուրք խօսարանին երեսփոխանները, յորս Պալլարեան և Խարաճեան էֆէնտիք, կրօնական զուլանները և նշանաւոր քաղաքացիներ. և սահմանուեցաւ անձնատուր չ'ըլլալու¹:

Մուխթար փաշայի օրինակը, որ այսպիսի ծանր և իրմէ անկախ զրութեան մէջ կը ջանար մինչև վերջը կատարել իր պարտքը, ամօթ շնչեց շատերուն և շատերն ալ խրախուսեց:

1. «Կարնոյ կուսակալէն առ Մեծ. Իպարքոսն եկած Հեռագիր մը գոհութեամբ կը ծանուցանէ թէ Կարնոյ առաջնորդ Գեռ. Յարութիւն Արեւպետոսն իրեն ներկայանալով, յայտներ է թէ Կարնոյ հայ ժողովուրդը պատրաստ է ձեռքէն եկած ամեն ծառայութիւն մատուցանել և մինչև իսկ իր արեան վերջին կաթիլը նուիրել՝ ի պաշտպանութիւն իրաւանց Օսմանեան պետութեան, որոյ բաղղին հետ կապուած կը ճանաչէ Հայոց ազգին բազոր: Սոյն Յայտարարութեան համեմատ, վերջին պատերազմին մէջ Կարնոյ Հայերն անձնանուիրաբար ամեն նպատակ և օգնութիւն մատուցեր են տէրութեան զօրաց: Բարձր. Մեծ Իպարքոսը սոյն Հեռագիրը կիրակի Ս. Պատրիարքին զրկեց, իր յատուկ գոհութիւնն և շնորհակալութիւնն ալ անկցնելով: Ս. Պատրիարք հայրն ալ փութացաւ երէկ զրել քաղքի մը առ Կորին Բարձրութիւն՝ ծանուցանելով թէ Կարնոյ առաջնորդն գատ, Տրապիզոնի, Մշոյ, Վանայ և Կարսի առաջնորդներն ու ժողովուրդներն ալ անձնանուիր ծառայութիւններ մատուցած են և հանապազ կը մատուցանեն տէրութեան, Հետեւաբար կը խնդրէ որ այս հինգ առաջնորդաց վարձատրութիւն մ'ըլլայ յատուկ շքանշաններով»: Մատիս 1877. Հոկտ. 6:

Անկորդ է գիտել տայ, որ տպագրութեան ազատութիւն չեղող երկրի մը մէջ լրագրի գրութիւնք են: Չեմ գիտեր կար հայ մը «պատրաստ իր ա-

Թուրք կը յազ-
ութն ի թոփ
Տաղը:

7. — Հայման զօրավարը համարեցաւ որ յանկարծակիան հարուածով մը կարենայ տիրել Կարնոյ: Թոփ Տաղը Կարնոյ բանալին էր. թէ տիրէր անոր, քաղաքը պէտք էր անձնատուր ըլլալ: Սահմանեց գիշեր ատեն երկու սիւնակով աջէն և ձախէն յարձակիլ վրան և առնուլ կոռուելով: Դոյեմբեր Տէն 9ի գիշերը սկսաւ յարձակումը: Ի սկզբան յանկարծակիի բերելով, յաջողեցան մտնել Մէհիտիէ ամրոցը և պահանորդը կալանաւորեցին. բայց երբ կը համարէին յառաջիկ դէպ ի Ազիզիէ, Մէհէմէտ փաշա ելաւ գունդով մը բերդէն, և թափով մը մթոյ մէջ ինկաւ Ռուսաց վրայ և մոլեգին կոռուով, զանոնք վանեց նոյն իսկ Մէհիտիէ բերդէն: Ռուս հրամանատարութիւնը նոր գունդեր ղրկեց, որոնք նորէն յարձակեցան թոփ Տաղի վրայ. բայց թուրք ամրոցներուն թնդանօթք և միանգամայն խաւարը զիրենք մեծապէս շփոթեց: Պատերազմը շարունակեց երկրորդ առաւօտը և մինչեւ կէսօր: Ռուսք տեսնելով որ անկարելի էր տիրել թոփ Տաղի, քաշուեցան իրենց զիրքերու մէջ, յետ կորսնցնելու հարիւրաւոր անձինք: Ալաճա Տաղի և Տէվէ Բոյնուի պարտութիւններէն վերջը այս յաղթութիւնը եռանդնաւորեց թուրք սպայից և զինուորաց սիրտը, յորս մարեր էր ամեն յոյս: Այսու հանդերձ Մուխթար փաշա խոհեմութիւն համարեցաւ զրկելու յերզնկա, Պետութեան զիւանը և ռազմական մթերքը. և բնակչաց պատուիրեց, ունենալ ութ ամսուան պաշար կամ զաղթել Կարնէն, քանի որ ղեռ

րեան վերջին կաթիլը տալու): Ի Կ. Պօլիս Սուլթանը յանկարծ փափազ յայտնել էր որ զանազան ազգերէ կազմուի պալատան պահանորդը, յորս ըլլան նաև 300 Հայք: Պատրիարքարանը և ազգին մեծերը այնքան ցրտութեամբ ընդունեցան այս փափազը, որ Սուլթանը ինքնին իր արթնութեամբ ըմբռնեց և լոյս: Ապա մայրաքաղաքին զինուորները պատերազմի զաշտ զրկելու համար, մտածուեցաւ քրիստոնեաներէ քաղաքապահ զունգի կազմել: Ցոյնք և Հայք մեծապէս վրդովեցան և բողոքեցին, մինչ չկար տրին թափելու ինդիր մը:

Այս պատեհիւ ըսեմ որ թէ թրքահայ և եթէ ուսահայ ինքնազիր յօղուածք այս պատերազմին նկատմամբ, լաւատես են ի նպաստ իրենց վրայ տիրակաւոր պետութեան, որով և անվստահելիք:

բաց էր Տրապիզոնի ճամբան: Ռուսը բմրոնեցին որ առ ժամս անկարելի էր առնուլ զկարին, և նախ հարկ էր տիրել կարսի:

8. — Մեծ Գուբան Միքայէլ զՄուխիթար փաշա գէպ ի կարին վանելէն վերջը, երկու բանակը կազմեր էր, մին՝ յսնակ Սոդակուսի, ուրիշ մը յսնակ կարսի, 25,000 զինուորներէ 140 թնդանօթիւք, որուն նպատակը պիտի ըլլար պաշարմամբ առնուլ զկարս. և այս բանակին հրամանատար կարգուեցաւ զօրավարն Լազարէվ¹:

Լազարէվ հրամանատար կարսի յսնակին:

Բանակը տարածուեցաւ Մէզրէէն՝ Մէլիք գեղ, Չուկաուտ, Սարատան, Տիւզ Վէրան, Արավարդան, Վօզկալի, Դամրա, Ազատ գեղ, Մուղարածըք և Վիզին գեղիսկ հրամանատարութիւնը հաստատուեցաւ ի Տիքմէ: Զօրավարաց խորհրդեան մէջ զօրավարն Լազարէվ պնդած էր որ զկարս պաշարմամբ չէր կարելի նուաճել, քանի որ շատ պաշար ունէր և ձմեռը որ վրայ կը հասնէր և սաստիկ էր Հայաստանի այդ գաւառներուն մէջ, մեծապէս աղետալի պիտի ըլլար ոուս բանակին. և հարկ էր փութալ յարձակմամբ տիրել կարսի: Լազարէվ նախադաս համարեցաւ զիշերային յարձակումներ:

Լորիս Մէլիքով նախ ուզեց խաղաղ միջոցներով փորձել տիրել քաղաքին և պատգամաւոր զրկեց կարսի հրամանատար Հիւսէյին փաշայի՝ անձնատուր ըլլալու:

Հոկտ. 25.

Թուրք հրամանատարը որ ունէր 15,000 զինուոր և շատ ամսուան պաշար, առաջարկեց որ զինուորք և սպայք ելլեն դուրս իրենց զէնքերով, մթերքներով և պաշարներով: Լորիս Մէլիքով յանձն չ'առուս. որով

1. Մյակ լրագիրը 1902ի 245, 246, 247, 248 թիւերուն մէջ հրատարակեց կարսի առման պատմութիւնը, անորով զօրավար Լազարէվի կենսագրութենէն, զոր զբաժ է սուս զինուորական ծանօթ պատմագիրն՝ զօրավարն Պատտո, թարգմանութեամբ Պ. Լէոյի: Աւելցուցած է ինչ ինչ և Քիշմիշի զօրավարի Թրքաձայաստանի պատերազմէն: Ընականապէս այդ գրութիւնը մեծապէս յարգի է. և տեղ տեղ օգտուեցայ ինչպէս պիտի տեսնուի:

պէտք էր տիրել քաղաքին յարձակմամբ: Նոր գունդեր բերուեցան Արտահանէն և պաշարման թնդանօթք Աղեքսանդրուպօլէն, որոնք մասնաւորապէս ուղղուեցան կարս Չայի աջ կողմը. Հաֆըզ փաշա, Քանլը և Սուվարի բերդերուն վրայ, ինչպէս նաեւ դէպ ի քաղաքը: Նոյեմբեր 9ին Ռուսք միաբերան ումրակոծուամ մը սկսան քաղքին և բերդերուն վրայ, որ տեւեց գիշեր ու ցորեկ. և զարհուրելի կերպով փնասեցին Բայրամ փաշա թաղին, որուն բնակիչք փոխադրուեցան հեռաւոր կողմեր: Կը յուսային այսպէս վհատեցնել պահանորդը և բռնադատել անձնատուութեան:

Սակայն ընդհակառակն գտան մոլեգին ընդդիմութիւն մը և տեսնուեցաւ որ եռանդեամբ կ'աշխատէին նոր ամրութիւնք բարձրացնելու: Այն ատեն Լորիս Մէլիքով ալ որոշեց փութով յարձակուամ մը, այն կողմերէն մանաւանդ, որոց տկարութիւնքը իրեն յայտնի էին: Նոյեմբեր 11ին զօրավարն Լազարէվ 48 թընդանօթք տեղաւորեց Հաֆըզ բերդին հողակոյտներուն դիմաց, զայն ումրակոծելու համար. 12ին թուրք յառաջապահք գուշակելով թշնամտյն միտքը, դուրս ելան քաղքէն, յարձակեցան Քարաճէօրէնի վրայ և կը յուսային որ Ռուսք վերցնեն Հաֆըզ բերդին դէմ տեղաւորած թնդանօթները, բայց չյաջողեցան: Զօրավարն Ալիսագով որուն յանձներ էր Լազարէվ Հաֆըզի վրայ յարձակուամը, կէսօրէն վերջը յառաջ մղեց Քութայիսի գունդը, որուն կը հրամայէր Ֆրէդէիվ հազարապետը: Ֆրէդէիվի գունդը անխոնջ արութեամբ կուուեցաւ մինչեւ գիշեր և ամենէն վերջը եռանդուն թափով մը փախչողաց հետ յաջողեցաւ մտնելու բերդը և վանել քնացեալ սակաւ պահանորդքը: Ֆրէդէիվ իր ջոկատով քնաց հոն մինչեւ առաւօտ, բայց հրաման մը չ'ընդունելով. թողուց զՀաֆըզ և թուրք վաշտեր անմիջապէս տիրեցին:

Կարսի վրայ
ընդհանուր
յարձակումն:

9. — Հաֆըզ բերդին այսպէս դիւրաւ տեղիք տալը, աւելի հաստատեց ընդհանուր հրամանատարութիւնը՝ յամենուստ յարձակուամ մը տալու, և այն, գիշեր ա-

տեն: Զորավարն լազարէվ ընդհանուր հրամանատար կարսի պաշարման բանակին, հինգ սիւնակը ձեւացուց. առաջնոյն կը հրամայէր զօրավարն Գոմարոֆ, որ թաթլընայի վրայէն շրջանով մը պիտի բաղիւէր թահմասի բարձունքը և Չիմ բերդը. Երկրորդին կը հրամայէր փոխան հազարապետի վահան Մէլլիքով, ազգակից ընդհանուր հրամանատարին, որ Չիֆթլիք գեղէն պիտի բաղիւէր զՉիմ. Երրորդին կը հրամայէր զօրավար Կոման Գրաբբէ՝ որ Գարաճէօրէնի կողմէն պիտի յարձակէր Քանկու բերդին վրայ և այս սիւնակին հետ միաբան պիտի զործէր. Չորրորդ սիւնակն ալ որուն կը հրամայէր Վոժտաքին հազարապետը: Հինգերորդին կը հրամայէր Ալխազով զօրավարը որ Քուսթայիսեան երեք գնդերով և Վլատիկաւկասի երկու ջոկատներով, պիտի յարձակէր Հաֆրզ բերդին վրայ: Կազմուեցան վեցերորդ և եօթներորդ սիւնակներ ալ. առաջինը Չէրէմիսսինոֆ հազարապետին հրամանատարութեան ներքեւ որ Գոմբ և Ճարա գիւղերէն պիտի ուժակոծէր Լազ-թէփէսի և Միսիս բերդերը և երկրորդը Շատինով զօրավարին հրամանին ներքեւ, Ռիտցէվսլի զօրավարին հետ պիտի բաղիւէր Արաք և Քարատաղ բերդերը: Ուրիշ գունդեր ալ Շէրէմէթիէֆ զօրավարին և Չէրքատոֆ իշխանին հրամանատարութեան ներքեւ պիտի հսկէին կարնոյ ճամբուն Սալուտէն, Գմբէթէն և Չիֆթլիք գեղէն. պահեստի գունդերը լազարէվ իրեն հետ առաւ կարս Չայի աջ կողմը. ըստ պիտոյից զրկելու համար՝ իսկ պատերազմին ամբողջական ուղղութեան պիտի հսկէր ընդհանուր զործօն հրամանատարը՝ զօրավարն Լորիս Մէլլիքով, որ բանակած էր ի Գոմաճոր: Սահմանուած էր Նոյեմբեր 13ի գիշերը կատարել ընդհանուր յարձակումը, բայց նոյն

1. «Այսոյն ամրոջը ծրագիրը ինքը լազարէվի ուշադրութիւնը գործին այն բանի վրայ, որ նրա կազմած ծրագրի մէջ չկայ ցուցմունք, թէ ինչ կարգաւ պէտք է նահանջել, նա վճռականապէս ասաց. «Նահանջում չկայ»: Պ. Լ. Մրակ 1902 թի. 243»:

աւուր ցուրտը, ձիւներ արգելեցին. և յիտաձգուեցաւ Նոյն մերեր 17ի, լուսնի լոյսն ալ օգնական ունենալու համար: Բարձակումէն երկու օր առաջ զօրավարն Լազարէվ, Բարձրագոյն արտօնութեամբ խաչեր և նշաններ բաժնեց առջի պատերազմներուն մէջ քաջացողներուն, այսպէս գամներ խրախուսելով առաջիկայ կռիւներուն համար. և Նոյնմերեր 17ին գիշերը ժամը ութ և կիսուն երբ զինուորը զրոյէն 10 աստիճան վար ցրտով մը և պայծառ լուսնի լուսով պատրաստ էին ճամբայ ելլելու, Լազարէվ ընթացաւ բոլոր գունդերուն ճակատը՝ ամենուն շնորհաւորեց յաղթութիւն և ի վերջոյ վերցուց զխարկը, խորին ակնածութեամբ խաչակնքեց զօրքերը և աւելցուց «Աժմ գնացէ՛ք, Աստուած Ձեզ հետ՝»: Ձինուորը ճամբայ ելան լուռութեամբ. ամեն գունդ հետը ունենալով մէկ հայ ուղղեցոյց ². չկար հրաման խօսելու անգամ, թշնամին չ'արթնցնելու համար: Սակայն ժամը 9ին թուրքերու կողմանէ հրացանի քանի մի հարուածը, նշան էր որ թշնամույ շարժումը զգացուեր էր և ի զէն կը կոչէր բանակը: Ռուսք տակաւին կը յառաջէին լուռութեամբ, սակայն թուրքերը սկսան ամեն կողմանէ հրացանի գնդակը թափել կարկտանման ոռուս զօրաց վրայ և յանկարծ կեցցէներու որոտընդոստ աղաղակ մը տարածուեցաւ լուռութեան մէջ, և իմացուեցաւ որ Մէլիքով հազարապետի սիւնակը մոլեգնաբար կռուելով մտեր էր Սուվարի բերդը. և սուրինով պատերազմէ մը վերջը լուսնի լուսով տիրացեր էր ամրոցին: Վահան Մէլիքով այս յաջողութեամբ կուզէր դիմել և բաղխել զՉիմ, բայց ըստ հրամանատարութեան ծրագրին, կրպասէր անհամբեր Գոմարոֆի սիւնակին նշանի մը, որ ուրիշ կողմանէ պիտի բաղխէր զՉիմ: Այս միջոցին կատաղի կռիւ մը ծագեր էր Քանլը բերդին դիմաց: Ռուսք և թուրք երեք ժամ կռուեցան արութեամբ և ինկաւ

1. Անդ. շարունակութիւն:

2. Անդ.

մեռեալ զօրավար կոման Գրարբէ և հազարապետն Բէ-
լիսքի:

Լազարէվ զրկեց զԲիւլմէրինկ հազարապետը մեռնող
հրամանատարին տեղ, տալով միարան Չավչավածէ իշ-
խանը իր հեծեակներով. թուրք նոր օգնութիւնք հա-
սուցին. կէս զիշերը անցեր էր և դեռ պատերազմին
ելըը տարակուսական էր: Բիւլմէրինկ մարդ զրկեց օգ-
նութիւն ինչորեւու. Լազարէվ դեռ պահեստը չէր ուզեր
գործածել. ինքը անձամբ դիմեց խրախուսելու կոռուղ-
ները. գնդակները չորս կողմէն կը թռչէին. չորս կողմը
կը փռուէին անկհնդան մարդ, ձի և ինքը անվախ ան-
ասան կեցած էր անոնց մէջ¹: Լորիս Մէլիքով լուր
զրկեց Լազարէվի որ թուրքերը կրկին տիրեր էին Սու-
վարիի՝ Չիմի յարձակումը չէր յաջողած և Հաֆըզ ու
Քանլը բերդերուն կոխը կը շարունակէր անորոշ. խոր-
հուրդ կու տար մտածել նահանջի եղանակը: Լազարէվ
լուր զրկեց ինչորեւու որ շարունակուի պատերազմը. «Թէ
զիշերս չտիրեմ, վաղը կը տիրեմ», աւելցուց: Այս մի-
ջոցիս կեցցէներու ահեղ գոչիւն մը և օդուն մէջ պայ-
թուցիկ կրակներ իմացուցին որ Ալխազովի զունդերը
տիրեր էին նախ Քարատաղի և ապա Հաֆըզ բերդին:

1. «Յանկարծ նրա ետեւում մի ինչ որ շփոթութիւն ինկաւ. շատե-
րը իջան միաններից, Լազարէվը հասկցաւ թէ ինչ բան է դա, բայց նոյն
ինկ յետ էլ չցարձաւ և միայն հարցրեց. «Մի՞՞ է վերաորվել»: — «Պո-
րուչիկ Լազարէվը, Չերդ Գերագանցութիւն». պատասխանեց մէկի գողա-
ցող ժայնը: — «Իսանէլ»: Կարճ ասաց գեներալը: Նրա ղեմքի վրայ մի
հատ շիւ էլ չը դողաց, թէև վերաորումը նրա սիրելի եզրօր որդին էր:
Իս նրա մեծ եղբայր Բէջանի որդին էր, մի երիտասարդ թնդանօթածիզ,
որ իր ընդունակութիւններով մեծ յոյսեր էր տալիս: Նա գնում էր Էր-
զրում և կամաւոր էր մտնել իր հօրեղբոր սփիտայի մէջ, թէ և հօրեղբայրը
արգելել էր այդ: Միայն շտուրմից յետոյ, վերազանաւով իր վրանը,
Լազարէվը ազատութիւն տուեց իր մէջ եռացող և երկար ժամանակ զսպող
վշտին: Նա լաց էր լինում երախայի նման: Վէրքը մահացու էր. գնդակը
անցեր էր քունքից քունք և կտրել էր աչքի ներվերը: Իծբարդ երիտա-
սարդը կուրացաւ. նա ուշաթափված էր. բայց քանի որ կեանք կար մէջը,
նա շարունակ երգում էր ամենամարտը, թարմ և հնչիւն ժայնով: «Մեռ-
նող պատանու այդ երգը, ասում է Մէդչերսկին իր Յիդդադիսներէ մէջ,
— մի սոսկալի բան էր... Իս այժմ էլ լսում եմ նրան»: Պ. Լ. Պոտտո
գեներալին գրութենէն: Մշակ 1902 թիւ 247.

Այսպիսով սրինակին Պէդէիէվ հազարապետը, ինչպէս առաջին անգամ, առանց ուշ դնելու թշնամոյն կրակին, յարձակամար տիրեց բլրան ոտքը եղած հրանօթից. ապա մինչ թուրք զինուորք կը փախչէին, ինքը հինգ շուկատով դիմեց ետեւնէն և յետ արիւնահեղ մրցման տիրեց Քարատաղի, որ կարսի բանալի համարուած է: Պէդէիէվ հազարապետին նման, Քոցէլքով հազարապետը յետ քայլ առ քայլ մոլեգին կոռույ մը, մտաւ Հաֆրզ բերդը, ուր կոռուելով ինկաւ գրեթէ բոլոր թուրք պահանորդը: Առաւօտեան ժամը երկուքն էր, դեռ գիշերուան խորը. և Ռուսք բռներ էին Քարատաղէն մինչեւ կարս Չայ ամրութիւնքը, որով քաղաքը բաց էր իրենց դիմաց: Այն ատեն Այսազով և Բիւլմէրիսկ զօրավարաց գունդերը չուեցին դէպ ի քաղաք, որուն մէջ անբացատրելի սարսափ և խառնակութիւն տիրեց էր: Բոլոր թուրք բնակիչներ իրենց գոյքերէն կարեւորքը առած, ապաւիններ էին Հայոց տները: Լազարէվ յետ յանձնելու Բաոււմ զօրավարին ստանձնելու քաղաք մտնող գունդերուն հրամանատարութիւնը, ինքը դիմեց կրկին Քանլը մարտկոցին վրայ, որ տակաւին կ'ընդդիմանար:

Եւ որովհետեւ լաւ թրքերէն կը խօսէր, մօտեցաւ ամբարտակի մը և իմացուց հրամանատարին, Տավուտ փաշայի, որ արդէն գրեթէ ամեն բերդերը առնուեր էին և ի զուր էր ընդդիմութիւնը և արիւնահեղութիւնը: Երբ փաշայն պատասխանեց որ պիտի կոռէր մինչեւ վերջին մարդը, Լազարէվ հրամայեց բերել թնդանօթները և սկսիլ շարունակ ումրակոծում մը: Այն ատեն թուրք հրամանատարը անձնատուր եղաւ:

Կարս Չայի աջ կողմը այսպէս յաջող գործողութեանց ժամանակ, զօրավարն Քոմարոֆ որ սահմանուածէն տարրեր ճամբով չուեր էր Չիւմ բերդին վրայ, հասնելով մօտ, զրկեց զՌուչքիէվ հազարապետը, Պիատկորսքեան գունդերով բաղխելու զայն: Մի և նոյն միջոց Ատաստէվիչ հազարապետը ցոյց մը պիտի ընէր թահմասի վրայ: Բուչքիէվ քանի մը անգամ կարծեց տերելու Չիւմ

և միշտ վանուեցաւ: Երբ վերջին փորձ մը եւս ուզեց ընել կեցցէններու աղաղակաւ, թշնամւոյն ուումքի մը պայթիւնէն անկենդան ինկաւ հազարապետն Ռուչքիէզ և իր գունդերը նահանջեցին:

Սակայն հարկ էր տիրել Չիմի և հազարապետն Մէլիքով որ այնքան ընդերկար ի զուր սպասեր էր ֆոմարով զօրավարին, երբ տեսաւ որ վերջապէս հասեր են հոն ֆոմարովի գունդերը, ինքն ալ Սուվարիէն դիմեց ի Չիմ և գնդակներու զարհուրելի կոխ մը սկսաւ երկուստեք, յորում ծանր վիրաւորուեցաւ և վահան Մէլիքով հազարապետը:

Զօրավարն ֆոմարով որ շարունակ օգնութիւն զրկեր էր, մեծագոյն աղէտքի մը զգուշութեան համար, առատեան դէմ հրամայեց իր զօրացը նահանջելու: Կոյն հրամանը տուաւ նաեւ հազարապետն Չէրէմիսսինոֆ որ ի սկզբան յաջողքեր էր տիրելու Լազթէփէսի պատնէններուն:

Իսկ Շատիլով զօրավարը երբ լսեց Քարատաղի առնուիլը, Ռիտցէսքի զօրավարը սիւնակով մը զրկեց Արաբ բերդին վրայ: Կ'երթային առաջէն կամաւոր խումբեր որոց կը հրամայէր ԼԳամեայ թորչէսքի սպայն որ առաջին եղաւ իր կամաւորաց մէջ, մազլցելով ելլելու բերդին տափարակին վրայ և կանգնելու ռուս դրօշակը: Թուրքերէն որոնք որ սպանուած չէին, գերի բռնուեցան և մաս մ'ալ փախան: Ռուս գունդերը փախստականները հալածելով, բռնեցին կարս Չայի հեղեղատին գլուխը: Այսպէս գետին աջ կողմի բոլոր բերդերը Ռուսաց ձեռքն էին և Ռատով զօրավարը բռնեք էր քաղքին գլխաւոր կէտերը. և վլատիկաւկասեան գունդը մտեր էր միջնաբերդը, զոր թշնամին թողուցեր էր: Հազիւ երբեմն թնդանօթի հարուածք կ'արձկուէին, Մուխլիս, Վէլի փաշա և Չիմ բերդերէն, որոնք թրքաց ձեռքն էին տակաւին:

Երբ օրը սկսաւ լուսանալ, Ռուսք տեսան որ թուրք մնացեալ գունդերը իջնելով Չիմ և Լազթէփէսի բերդերէն կը չուէին մաս մը դէպ ի վողկալի և Չիֆթիլիք

և մաս մը Այնալրի վրայ: Անմիջապէս զօրավարն Ռոր գունդեր զրկեց թուրք բանակին նահանջը կտրելու, ուրիշ գունդեր ալ զրկեց զօրավարն Գոմարով՝ փախստականքը կողմնակի բաղխելու և զօրավարն Չէրբատով հեծելագունդ հասուց Արավարդանի ճամբան բռնելու: Ապա հազարապետն Բաղիէվսքի և հազարապետ իշխանն Լըրիստով ինկան թուրք հեծելոց ետեւէն և ցրուեցին զանոնք յետ սպաննելու հարիւրաւոր անձինք: Իսկ հետեւակ բանակը կը չուէր դէպ ի վողկալի և երբ ինքզինքը պաշարուած տեսաւ՝ անձնատուր եղաւ: Կոյնը ըրին Չիֆթլիք և Արավարդան չուողները, երբ Ռուսք առջեւնէն ճամբանին կտրեցին:

Կարսի ստումը
ի Ռուսաց:

10. — Զօրավարն Չէրբատով իմացաւ որ Կարսի հրամանատարը Հիւսէյին Ալիի փաշա և բերդորէից ուրիշ հրամանատարը 150 հոգևով փախեր էին դէպ ի Պոզկուշ, դիմեց ետեւնէն և սպաննեց շատ անձինք: Երեսուն հոգի միայն կրցան ազատիլ, յորս էր նաեւ Հիւսէյին Ալիի փաշա: Չէրբատովի հեծեալը ի դարձին հանդիպեցան ուրիշ խումբերու ալ որոնք կ'իջնային Միւխլիսի բերդէն և Չաքմաքի բարձունքներէն. ետեւնէն դիմեցին և ամենն ալ անձնատուր եղան: Հագիւ քանի մը հարիւր ձիաւորը կրցան փախչիլ ի Կարին: Միւս ամեն զինուորը կամ մեռան կամ անձնատուր եղան: Այսպէս Կոյնմբեր 15ի կէսօրին Կարս կը մնար Ռուսաց ձեռքը 303 թնդանօթովը շատ մը մթերովը և պաշարներով: Գերի կ'ըլլային Ռուսաց 17,000 զինուոր, յորս հինգ փաշայք և 800 սպայք: Կային դարձեալ 4500 վիրաւորք և հիւանդք, զորս Լորիս Մէլիքով նամակով մը զրկեց ի Կարին առ Մուխթար փաշա: Այսպէս ինքը ազատելով մեծ նեղութենէ մը և տալով թշնամուոյն տագնապ և հոգ պարէնի, թուրք հրամանատարութիւնը ինչպէս նաեւ բոլոր թրքասէր լրագիրք կոչեցին զայն Ռուսաց յետին «անգթութիւնը»: Յայտնի է այսպիսի ցուրտ եղանակի մը շատ հիւանդներ մեռեր էին ճամբան:

Կոյնմբեր 19ին Մեծ իշխանն Միքայէլ Նիկոլայէ-

վիչ հանդէսով մտաւ ի Կարս քովն ունենալով զլորիս Մէլիքով և շքեղ սպայակոյտ մը: Իրեն ընդ առաջ եկան քաղաքական ժողովքը, քաղքին նշանաւոր անձինք, որոնք ընծայեցին բերդին բանալիները և աղ ու հաց: Դիմաւորողաց մէջն էր նաեւ Աղուանեան Հայոց Կախկոպոսը: «Յարգելի հովիւր, պատերազմի սկիզբէն չէր դադրած ցոյց տալ անձնանուիրումը և համակրանքը Ռուսաց շահերին, և մասնակից էր եղածին համար անոնց ուրախութեան և հրճուանաց¹»:

11. — Կարսի առումը մեծ ազդեցութիւն ունեցաւ Հայաստանի, Կովկասի և Տաղստանի մահմէտական կէս ինքնագլուխ և կէս ապստամբ Քիւրտերու, Լէզկիներու և Չէչէններու վրայ: Ասոնք ստէպ գուպարածներ ունեցեր էին Ռուսաց հետ, յորս յիշենք ի Լավաշ, Սեպտեմբեր 23ին, ի Քուտիշ Սեպտեմբեր 24ին, ի Քայքէնդ Սեպտեմբեր 30ին և ի Ղէմիքէնտ Հոկտեմբեր 2ին: Կարսի առմամբ այդ ցեղերուն զլխաւորքը՝ Լէզկի Ալի Բէկ և Ռամ-Գուլիէվ հնազանդեցան անմիջապէս:

Կարսի առման հետեանքները մահմէտական ցեղերու վրայ:

1. Մշակ 1902 թիւ 248:

Էլ սակայն սա մինն էր անոնցմէ, որոց հաւատարմութեան համար առ Քուրք Պետութիւնը, Կ. Պոլսոյ պատրիարքոս նշան ինդրեր էր:

Կարսի պէս ամուր քաղաքի մը այսպէս փութով անուիրը, բնական է շատ կասկածներ ծնուց մտքերու մէջ՝ մատնութեան մը: Սակայն տակաւին յետ 28 տարիներու այս կասկածները պաշտօնական հաստատութիւն մը չ'աւան, ժամանակին լուրջ Պրակներու մէջ երեւցածներէն յիշենք մէկ հատի մը տողերը. «Ռուսք այնքան քիչ պարծեցան այդ յաղ-Քուրքեան վրայ, որ յայտնապէս ոյժ առաւ մատնութեան մը կասկածը փաշայի մը կողմանէ, որ անհոգ Քողուց պաշտպանութեանց տեղեր. որով Ռուսք բաց գտնելով անցքեր, կըրցան ի յետուստ ինկնալ. յետ շահելու պաշտպանողքը: Էլ այդ մատնիչը կամ վատը, նման այն փաշային որ պատերազմին սկիզբը անոնց հրացանի հարուած մը պարպելու Քողուց Արտաշէնի բերդը, մեռաւ, կ'րսեն քիչ սր վերջը, ի Տփղիս: Թեքեւս յաղ-Քողը արժանի կերպով վարձատրեց զինքը, ըստ զինուորական սրինաց»:

Չիփիքս՝ կատարիքա: 1878 թիւ 661: Էթէ Ռուսք շատ չպարծեցան Կարսի առման վրայ, պատճառն այն էր որ զԿարսը, Ռուսաց տէրութեան տուողը, հայազգի գորավար մ'էր: Ինչպէս հայազգի ուրիշ գորավարներ ինն և տասներորդ Գարսի մէջ ուրիշ շատ գաւառներ տուր էին Ռուսաց: Էլ փոխարէն...: Կարսի փութով անուելուն առթիւ ծամծմուած է նաեւ հայ ազգին անունը: Սակայն Հայ ժողովուրդը կամ հոգեւորականութիւնը քուս էր կարող գիտնալ բերդորէից ուզգմագիտական և պաշտպանողական կասկածները և անտեղի է այդպիսի իր մը մտածելն անգամ:


Կարսի անկմամբ Հայաստանի պատերազմին վճիռ տրուած կը համարուէր: Կարս էր Կարնոյ պարիսպը, որուն ինկնալով յայտնի էր Կարնոյ առումը եւս շուտ կամ քիչ վերջը: Մեծ Դուքսն Միքայէլ յետ միացնելու Կարսի և Չըլտրրի սանճագութիւնները Կարս գառասանուան ներքեւ, զՊոպքա զօրավարը կուսակալ անուանեց և ինքը մեկնեցաւ ի Տփղիս, յանձնելով Լորիս Մէլիքովի 10,000 զօրօք պաշարել զԿարին. ուրուն առումը ուշացաւ միայն ցուրտ ձմեռուան և բարձրադէզ ձիւներուն համար: Այսու հանդերձ Ռուսք այս միջոցին ալ տիրեցին Խնուսի, Կէզի, Հինձքի, Մաղիկի և ուրիշ մօտակայ աւաններու, առանց ընդդիմութեան մը. փոքր զուպարածներ ունենալով Միւհիր Ալի հետ, որ Քարաբաքներու խումբերով Կարնոյ չորս կողմերը կը պտըտէր աւելի ասպատակելու գիւղերը, քան օգնելու պաշարողաց՝:

1. «Կրոյեմբեր Սին կատարված պատերազմումը Տորտ Աղբիբէի մտ, Պ. Զորաբը, Անզլիայի ներկայացուցիչը Խրգիրիմում, քիչ էր մնացել, որ սպանուի. երբ դա թաղութեամբ ընկել էր Թիւրքերի մէջ, որ արգիւն դրանց ոտու վերաւորուածների կոտորելում: Բազաւորապէս այդ նրան բողոքովին յաջողվեցաւ. և այդ լուրը հասնելով զԱխաւոր հրամանատար Մուխթար փաշայի (որ շատ մարդասէր և քնքոյշ մարդ է) աւելի ամուսնացրեց այն բարեկամութեան կապը. որ արդէն զոյուսթին ունէր այդ երկու ազնիւ անձինքների մէջ:

«Անզլիայի ներկայացուցիչը Խրգիրիմում Պ. Զորաբը, Հայ է ազգով, և յայտնի է իր խելօք և ազնիւ գործունէութեամբ»: Մշակ. 1877 Գեկտ. 2): Թուրք-ռուս պատերազմին քաղաքագիտական և մարդասիրական գիւր կատարող անճաւորութեանց մէջ, պարտք կը համարիմ յիշել նաեւ զՊ. Կոմիտաս Հէքիման. ծնեալ ի Տրապիզոն յամին 1854, յետոյ աշակերտ Մուրաթեան վարժարանին (1870) ի Պարսի և վճնեսիկ, Թարգման երկար ատեն Անզլիոյ հիւպատոսարանին ի Տրապիզոն, և մերթ փոխանակ հիւպատոսի: Իսկ Թուրք բանակին մէջ Անզլիոյ զինուորական կցորդին համհարգ, և շատ առիթներու մէջ իր ծանօթ և անխոնջ մարդասէր և ազգասէր բնասութեամբ առ ամեն քաղաքական թշուառս բանտերու և հիւանդանոցներու մէջ, և ամեն տեղ: Կոյն արագաճաս եռանդուն սիրտը ունեցաւ պատերազմէն վերջն ալ առ ամեն թշուառս. մանաւանդ՝ թէ ըլլային ազգայինց: Ոգնեց իր բովանդակ կարողութեամբ անխտիր ազգային կրթական ամեն հաստատութեանց, մանաւանդ վարժարանաց: Ինքն էր հանդիսադիր տան բարեգործական և Թատերական նիւրկայացուցմանց. և ինչպէս իր կեանքը եղեր էր այլոց օգնելու համար, նոյնպէս քաղաքական ազգային անպարտ թշուառներու բանտէ ազատելու համար վերջին ճիւղը, 52 ամեայ տարու զինքն ի գերեզման երկու տարի առաջ, թողլով չորս մտտաղահասակ զաւակունց: Լացին անխտիր քրիստոնեայք և մանկտականք:

12. — Մուխթար փաշա Գեկտեմբեր Չփին ելաւ Մուխթար փաշա ի կարնէ և գնաց ի Բարերդ, հաստատուն միտքը դրած, շա է Ա. Պօլէս: իր անխոնջ և յոյսը չկտրող բնաւորութեամբ, նոր բանակ մը հաւաքելու և գարնան պատերազմով զՌուսս վանելու համար Հայաստանէ: Բայց հազիւ հասեր էր ի Բարերդ, կ. Պօլսէն հրաման ստացաւ, անմիջապէս մայրաքաղաքը դառնալու: Այսպէս թուրք վարչութիւնը ի Հայաստան ոչ բանակ ունէր պատերազմելու և ոչ սպարապետ:

13. — Արդէն ի Բաթում եւս Դէրվիշ փաշայի բանակը 9000 զօրաց հասեր էր, շարունակ գունդերու Բալկանները կանչուելով. որով Դէրվիշ փաշա նոյեմբերի վերջերը թողուց Խոցուբանի ռազմագիտական դիրքերը և ամփոփուեցաւ Բաթումի չորս կողմերը: Թուրք վարչութիւնը առ ժամս լքանելով ասիակողման պատերազմը, իր զօրութիւնքը կը հաւաքէր Պէլզնայի մօտ, զայն ազատելու համար:



Գ Լ ՈՒ Խ Ի Բ .

Պ Լ Է Վ Ն Ա Յ Ի Ա Ն Կ ՈՒ Մ Ը

1. ՊԼԷՖՆԱՅԻ ԴԻՄԱՅ ՌՈՒՍԱՅ ՄԵԾ ԲԱՆԱԿԸ. — Ջօրազարն ՏՈՒԼԷՐԷՆ ՀՐԱՄԱՆՆԱՏԱՐ ԱՅԱՐՄԱՆ. — 2. ԿՈՐՆԻ ԴՈՒՐՆԻՅԻ և ՏԵԼԻՉԷ ԱՄՈՒՆԵՐԱԳՄԻՆԵՐԸ. — 3. ՊԼԷՖՆԱ ԱՅԱՐՈՒՄ. — 4. ՄԷՀԷՄ ԱԼԻ ԴԷՎ Ի ՌԻՄՆԻԷ. — 5. ՍԻԼՎԵՍՏՆԱՆ ՓԱՇԱ ԴԷՎ Ի ՊԼԷՖՆԱ. — ՄԷՆՔԱՅԻ ԱՄՈՒՆԵՐԱԳՄԸ. — 6. ՅԷՆՆԱՅ, ՍԻԼՎԵՍՏՆԱՆ ՓԱՇԱՅԻ ԵՂԹՈՒԹԻՆԵՐ. — 7. ՄԷՆՔԱՅԻ ՅՈՎ ԵՐԿՐՈՐԴ ԱՄՈՒՆԵՐԱԳՄ և ԱՄՐՈՒԹԻՆ. — 8. Ի ՊԼԷՖՆԱ ԱՅԱՐԻՆ ԱՎՈՒՄ. — ՄԵԾ ԴՈՒՐՆԱՆ ՆԻԿՈՒՄ Կ'ԱՌԱՂԱՐԿԷ ԱՆՃՆԱՏՈՒՐ ԲԼԼԱԼ. — ՈՍՄԱՆ ՓԱՇԱՅԻ ՄԵՐԺԵԼՐ. — 9. ՈՍՄԱՆ ՓԱՇԱՅԻ ԵԼՔԸ. — ՎԻՐԱՆՈՐՈՒԵԼՐ. — 10. ՈՍՄԱՆ ՓԱՇԱՅԻ և ԲԱՆԱԿԻՆ ԱՆՃՆԱՏՈՒՐ ԲԼԼԱԼԸ. — 11. ՌՈՒՍ ԲԱՆԱԿԸ Ի ՊԼԷՖՆԱ:

ՊԼԷՖՆԱՅԻ ԴԻՄԱՅ ՌՈՒՍԱՅ ՄԵԾ ԲԱՆԱԿԸ:

1. — ՈՍՄԱՆ ՓԱՇԱՅԻ ՊԼԷՖՆԱՅԻ ՈՐՈՑ ԿԵՐԵԼ և ԵՐԵՐ ՓԱՅԼՈՒՆ ԵՂԹՈՒԹԻՆԵՐ, ԲՈՆԱԴԱՄԵՐ ԷՒՆ ԲՆԱԿԱՆԱՐԱՐ ՈՒՍ ԱՄՈՒՆԵՐԱԳՄԻ ԱՅԱՇՈՆԱՐԱՆԸ ԻՐ ՄԵԾԱԳՈՅՆ ՉՕՐՈՒԹԻՆԵՆԵՐԸ ՀԱՍՏՆԵԼՈՒ ՀՈՆ. և ԲԱՌՆԱԼՈՒ ԱՅՆ ԽՈՉՐՆԴՈՒՄ, ՈՐ ԱՄԻՆԵՐՈՎ ԱՐԳԵԼՔ Կ'ԸԼԼԱՐ ԻՐ ԵՂԹՈՒՄ և ԱՄՈՒՆԵՐԱԳՄԻ ԵՂԹՈՒՄ ԿԱՄԱՐԱԾԻՆ: ԸՆԴՀԱՆՈՒՐ ՀՐԱՄԱՆԱՏԱՐՈՒԹԻՆԸ ՄԻԱՅ ՄԻՉՈՒ ՆԻԿՈՒՄ ՄԵԾ ՂՔԱԻՆ ՃԵՌՔԸ, ԻՆՉԱԿՆ ՄԵԾ ՀՐԱՄԱՆԱՏԱՐՈՒԹԻՆԵՆԵՐ ՈՒՆԷՒՆ ՉԱՐԷՎԻՉԸ, ՎԼԱԴԻՄԻՐ ՄԵԾ ԴՈՒՐԱՅ, ՄԵԾ ԴՈՒՐԱՆ ՆԻԿՈՒՄ՝ ՈՐԴԻ ԸՆԴՀԱՆՈՒՐ ՀՐԱՄԱՆԱՏԱՐԻՆ, ԵՐԿՈՒ ՈՒՄԵՆՈՒՐԿԻ ՂՔԱԵՐ: ԲԱՅ ՈՐՈՎՀԵՄԵ ԲԱՐՃՐ և ՍՈՐԻՆ ՉՐՋԱՆԱԿԱՅ ՄԷՂ ԸՆԴՀԱՆՈՒՐ ԷՐ ՂՓՉՈՒԹԻՆԸ, և ԿԱՅԱՆԱԿԱՆ ԸՆՏԱՆԵՍԱՅ ԱՆՂԱՄՔ Կ'ԱՄՐԱՍՏԱՆՈՒԷՒՆ ՈՉ ԵՂԹՈՒՄ ԲԱՐՃՐ ՀՐԱՄԱՆԱՏԱՐՈՒԹԵԱՆՅ, ԱՄՈՒՆԵՐԱԳՄԻ ԱՅԱՇՈՆԱՐԱՆԸ ԱՅՆ

ատեն յուզուեցաւ. և դիմեց առ զօրավարն Տոտլէքէն, Սէվաստապօլի պանծալի պաշտպանողը և ռուս զինուորականութեան նեստորը, որ նախանձներու պատճառաւ մէկդի թողուած էր, փութով երթալ ի Պլէշնա. և մեծ Դուքսն Նիկոլա իրեն յանձնեց Պլէշնայի պաշարման ծրագրի կազմութիւնը և անոր զործադրութեան հսկողութիւնը: Արդէն շարունակ նոր զունդեր կը հասնէին ամեն կողմանէ և պաշարման բանակը հասեր էր 100,000 անձանց:

Զօրավարն
Տոտլէքէն հրա-
մանատար պա-
շարման:

Սաման փաշա կը տեսնէր այս ամեն հանդերձանքը. և իր արթուն մտքովը կը դատէր որ Պլէշնա չէր կարող երկար պաշտպանուիլ այնքան բանակներու դէմ. քանի որ հեռու էր 120 քիլոմէտր ճամբով ո՛ր և է յեւնարանէ մը. և առաջարկեց Պ. Պօլսոյ վարչութեան՝ քանի որ դեռ յետուստ բաց էր Ռիխանիէի և Սոֆիայի ճամբան, թողուլ զՊլէշնա և քաշուիլ յՌիխանիէ. ուր կրնար հաւաքել 100,000 զօրաց բանակ մը. և կոնակ ունենալով նաեւ զՍոֆիա, կարող էր խափանել ռուս բանակին յառաջացումը: Սակայն ի կ. Պօլիս վարչութիւնը, հրամայեց մնալ ի Պլէշնա, խոստմամբ շարունակ հասցնելու զինուոր և պաշար: Սաման փաշա պնդեց իր առաջարկին վրայ, ցուցնելով որ փութով կրնար կտրուիլ այդ մէկ ճամբան ալ, արդէն սպառնացեալ բազմաթիւ թշնամի բանակէն: Սակայն կ. Պօլսէն հակառակ հրամանին վրայ, հնազանդեցաւ. բայց մտքով չհամոզուած¹:

Իրուս հրամանատարութիւնը Զննողութեան յանձնարարեց իր կազմեց, ընդ հրամանատարութեամբ Քրիլով զօրավարին, որուն պաշտօնը պիտի ըլլար հսկել Պլէշնայի ճամբուն

1. Զայս լսած եմ և Սաման փաշայի սպայակուտի պատկանող բարձրաստիճան անձի. որուն հետ ուզեալով առիթն ունեցած եմ պատերազմէն երեք տարի վերջը: Սոյն վերոյառեցալ զհիմնորականը, որուն անուանը կը լսեմ զիս ողջ ըլլալուն, Սաման փաշայի հաւատար և յիրս յիրս աւելի կը զովէր նաեւ զթէվթիք փաշա, ռազմական ճարտարագետ, և զլուի Սաման փաշայի սպայակուտին:

վրայ, և արգելուլ ո՛ր և է օգնութիւն մը առ (Սաման փաշա : Սեպտեմբեր 20)ին պաշարներու հարիւրաւոր սայլեր (Օրխանիէ քաղքէն ճամբայ ելեր էին ղէպ ի Պլէշնա. իրենց պաշտպանող ունենալով 10,000) զինուոր. որոց կը հրամայէր Ահմէտ Հիֆզի փաշա : Զօրավարն Գրիւով փութով զիմեց ղէպ ի Դոլնի-Դուբնիք ուր հանդիպեցաւ Ահմէտ Հիֆզի փաշայի գունդերուն. երեք ժամ կռուեցաւ հետը, բայց կասկածելով ելը մը նաեւ Պլէշնայէն, որով կը բռնուէր երկու կրակի մէջ, յետս նահանջեց. այսպէս զինուորը և սայլը մտան ի Պլէշնա : Սուրիշ պաշարներ և զինուորը՝ մտուցին դարձեալ Հոկտեմբեր 12ին Օրխանիէի ճամբով, Շէֆքէթ փաշա և Սուլթանին փեսայ՝ Քեազիմ փաշա. որոնք մնացին ի Պլէշնա (Սաման փաշայի քով՝ մինչեւ Հոկտեմբեր 20), միաբան խորհրդակցելով պաշար և զինուոր մտցնելու եղանակին վրայ Սոֆիայի և Օրխանիէի ճամբով : Շէֆքէթ փաշա այս նպատակաւ միշտ գունդերովը պատրաստ պիտի ըլլար յ(Օրխանիէ :

Կորնի Տուրնի-
քի պատերազմ
մը.

2. — Խուսաց շարունակ օգնութիւնը բանակը Հոկտեմբերի վերջերը հասուցեր էին 150,000ի, 558 թնդանօթովք : Կանչուեր էր Պետերբուրկէն նաեւ կայսերական հեծելազունըը և հրամանատար անուանուեր էր անոնց զօրավարն Գուրգօ, կանչուելով Բալկաններէն, որուն յանդուգն քաջութիւնը յարմար դատուեր էր Սոֆիայի խճուղին թրքաց ձեռքէն առնելու համար : Առ այս պէտք էր տիրել նախ Կորնի-Դուբնիքի գիւղին, որ ընդմէջ Պլէշնայի և Օրխանիէի, զօրաւոր դիրք մը եղեր էր թրքաց, և ուր բանակած էր Ահմէտ Հիֆզի փաշա 7000 պահանորդով : Կորնի Դուբնիքի կոնակ էին դարձեալ Տէլիշ և Դոլնի Դուբնիք աւանները, զորս ամրացուցեր էին թուրքերը. և Տէլիշի հարաւակողմը բանակած էր Շէֆքէթ փաշա մօտ 10,000 զինուորօք : Զօրավարն Գուրգօ Կորնի Դուբնիքի վրայ յարձկած ժամանակ, ուրիշ գունդեր պիտի հսկէին որ օգնութիւնը չհասնին Պլէշնայէն և Դոլնի Դուբնիքէն. և պիտի ջանային կտրելու թրքաց նահանջը : Կորնի Դուբնիքի բաղ-

խելու սահմանուած գունդերը Լրեք սին բաժնուած ան-
 ցան վիդ գետը Հոկտեմբեր 23ի գիշերը. և 24ին տա-
 ւօտը Ռուսը հինգ անգամ աւելի զօրօք և 82 թնդանօ-
 թովը ահաւոր ուրակոծում մը սկսան գիւղէն դուրս
 պաշտպանութեանց դէմ. մինչ Տոտլէքէնի պաշարման
 գունդերը կը ուրակոծէին զՊլէվնա, (Սաման փաշայի
 ելքի մը արգելը ըլլալու համար, Ահմէտ Հիֆզի փաշա
 իր չորս թնդանօթներովը և քաջ պահանորդովը ընդդի-
 մացաւ երկար ատեն և մանաւանդ նահանջ մը կեղծե-
 լով դէպ ի միջնաբերդը, ետեւէն ձգեց ուսա գունդերը
 և ապա յանկարծ դառնալով առատ կրակով մը, սպան-
 նեց հարիւրաւոր անձինք, յորս հազարապետ մը և
 սպայք. վիրաւորուեցան նաեւ հրամանատար մը, եր-
 կու զօրավարը և երկու հազարապետք:

Գուրգօ զօրավարը դիմեց կուոյ տեղը նոր հրաման-
 ներ տալու. բայց լսեց որ ջախջախուեր էր նաեւ Տէ-
 լիշի վրայ դրկուած սինակը:

Այդ սինակը որուն կը հրամայէր զօրավարն Չէ-
 լէչէվ 2000 հոգուով ժամը 9¹/₂ին հասեր էր ի Տէլիշ և
 ժամը 10ին յանձկեր էր բերդին վրայ, և տիրել իսկ
 առաջին պատնէշներուն՝ մեծ կորուստներով: Եւ երբ կը
 համարէր տիրելու նոյն իսկ բերդին, յանկարծ հասան
 պատերազմին տեղ թուրք թարմ գունդեր, որոնք կեր-
 պարանափոխ ըրին պատերազմը: Ռուս հրամանատարը
 տեսնելով որ անկարելի էր տիրել բերդին, հրամայեց
 սինակին նահանջելու, իր անձանց կէսը թողլով վի-
 րաւոր կամ մեռեալ պատնիշաց ներքեւ: Այն ատեն
 պատահեցան այն ահռելի անգթութիւնք, որոնք զգուս-
 նօք լըցուցին բոլոր Եւրոպա, ընդդէմ թուրք բանա-
 կին անկանոն զինուորաց¹: Պատնիշաց ներքեւ բաց ի
 հարիւրաւոր մեռեալներու, կային 300 չափ վիրաւորք:

Տէլիշ պատե-
 րազմը:

1. Կրկու անգիտացի բժիշկը որ Տէլիշի պահանորդաց մէջ էին, քիչ
 օր վերջը երբ գերի եղան պահանորդին հետ, վկայեցին այս անգթութեանց
 կատարուելուն:

Թուրք զինուորը յարձկեցան վրանին և անգթաբար տանջելով կտրեցին անոնց քիթ, ականջ. զոմանս կապեցին և կուրծքերնուն վրայ կրակ վառեցին :

Զօրավարն Գուրգօ այս պարտութեան լրոյն վրայ աճապարեց ընդհանուր յարձակումը Կորնի Դուբնիքի վրայ. խիթալով որ Շէֆքէթ փաշա կրնար հասնիլ Ռադոմիրցայի ճամբով: Ժամը Յին կէսօրէն վերջը սկսաւ ընդհանուր յարձակումը: Ռուսք թափով մը սկսան կռուիլ պատնէշներուն ներքեւ, որոց եզերքը եղած փոսերը կը լեցուէին իրենց դիակներով: Կայսերական պահանորդք իրենց գալուստը ի Պետերբուրգէ յաղթութեամբ մը կ'ուզէին տօնախմբել և աննկարագրելի էր իրենց թափը և մղումը: Մութը սկսաւ կոխել, թրքաց զինուորը սկսան պակսիլ. իրենց թնթանօդք ալ չէին ծառայեր թշնամեաց մօտենալովը և պակսեր էին հրացանի մթերք: Գուրգօ վերջին յանձակում մ'ալ հրամայեց և կայսերական պահանորդք մոլեգին թափով մտան բերդը, ուր գերի մնաց Ահմէտ Հիֆզի փաշա 2000 զինուորօք: Զօրավարն Գուրգօ որ գրեթէ յուսահատած կը մեկնէր պատնէշներէն, դարձաւ կրկին յաղթութեան լրոյն վրայ, ուզեց տեսնել զԱհմէտ Հիֆզի փաշա, որ շատ տխուր էր, ձեռք կարկառեց և ըսաւ. «Կը պատուեմ ի ձեզ քաջ հակառակորդ մը»:

Կորնի Դուբնիքի պատերազմին մէջ, Թուրքերը կորսընցուցին 3500 զինուորէն աւելի բաց ի 2289 գերիներէ, յորս փաշա մը և 33 սպայք: Մնացեալ զօրքը յրուեցաւ և մաս մը ապաւինեցաւ ի Պլէֆնա: Ռուսք կորսնցուցին 3195 անձինք յորս 117 սպայք և զօրավարն Լաբոֆ: Վիրաւորուած էին ուրիշ երկու զօրավարք և 14 գնդապետք: Բայց Կորնի Դուբնիքի առմամբ Պլէֆնայէն կը կտրուէր Սոֆիայի ճամբան: Այսու հանդերձ ի թիկանց թշնամի բանակ չունենալու համար, հարկ էր տրել Տէլիշի, ուր Շէֆքէթ փաշա հրամանատար զրած էր Ահմէտ Հիֆզի փաշայի հրամանաց ներքեւ, յանկարծ զինուորականութեան բարձր աստիճաններուն հասած՝ Հակքի փաշայն. զոր զինուորք,

անշուշտ պատճառաւ մը, Սարխոշ Հակոբի փաշա կը կոչէին: Հոկտեմբեր 28ի զօրավարն Գուրգօ հագիւ սկսեք էր ոմրակոծել զՏէլիշ, Հակոբի փաշա նուիրակ մը զրկեց և անձնատուր եղաւ¹: Բաշիրոզուքները ամենն ալ փախան: Սաման փաշա Տէլիշի անպատերազմ անձնատրութեան վրայ մեծապէս զայրացաւ և տագնապեցաւ: Եւ որովհետեւ Վիդի հեղեղատէն ունէր տակաւին անցք մը փախստեան դէպ ի Օրխանիէ, հեռագրեց ի Կ. Պօլիս հրաման ուզելով. բայց պատասխան ընդունեցաւ մնալու ի Պլէշնա, ուր զինքը ազատելու պիտի գային Մէհէմէտ Ալի և Սուլէյման փաշաները:

Արդէն զօրավարն Գուրգօ կասկածելով յարձակում մը Բալկաններուն և Վիտինի կողմանէ, զզօրավարն Օրլոֆ գունդով մը զրկեց Տէղէքէնի վրայ, որ առնուեցաւ գուպարածով մը Նոյեմբեր 1ին: Զօրավարն Լէոնով որ այնքան լաւ հրամայած էր Հասանբէօյի պատերազմին, Նոյեմբեր 7ին տիրեց Վրացայի: Կը մնար առնուլ Ռահովայի ճամբան: Վրկուեցան ռումանիացի զունդեր, որոց կը հրամայէր հազարապետն Սլանիչէանօ, և քաջարար կոուելով միարան ռուս ուհլաններուն Ռահովայի թուրք պահանորդին դէմ, տիրեցին քաղըին. զոցելով և այս ճամբան:

3. - Այսպէս զօրավարն Տոտլէրէն յետ կտրելու Պլէշնայի ամեն հաղորդակցութիւնքը հեռաւորաց հետ, սաստկացուց Պլէշնայի պաշարումը: Ամբողջ պաշարման շրջանակին երկայնութիւնը 75 քիլոմէտր էր, բաժնուած վեց մասի: Առաջին մասը՝ Բիվորարէ մինչեւ կրէվիցա բերդը, յանձնուած էր ռումանիացի զունդերուն, որոց կը հրամայէր զօրավարն Չէռնատ, Ռումանիոյ պատերազմի պաշտօնեայն: Երկրորդ մասին՝ կը հրամայէր

Պլէշնա պաշարում:

1. Հակոբի փաշա, զրեթէ ուրախ ներկայացաւ ռուս բանակին. Գուրգօ մտածեց զերի բռնուած զինուորքը, որոնք քանի մը հազար կային, զրկել առ Սաման փաշա, այսպէս քաղըին պաշարը նուազեցնելու համար: Սակայն Սաման փաշա, կ'ըսեն, պատասխան զրկած ըլլալ որ թէ այդ չկոտոր զինուորք գան, հրացանի կը բռնէ. իսկ զՀակոբի պիտի կախէ: Գուրգօ չզրկեց:

զօրավարն Քրիստնէր. Երրորդին՝ զօրավարն Կոտոֆ. Չորրորդին՝ զօրավարն Քատալէյ: Հինգերորդին՝ զօրավարն Կանէցքի և Վեցերորդին՝ զօրավարն Աքորէլէֆ՝ որդի: Եւրաքանչիւր հրամանատար իր մասը կազմեր էր պատնէշներով և հողակոյտներով, որոց մէջ դրուած էին թնդանօթք: Թուամանիացիք որ Առաջին մասը կը կազմէին, վստահ երբեմն կրէվիցայի վրայ ունեցած յաջողութեամբ մը, փառաց անուան տենչանօք, Սեպտեմբեր 11ին Պլէշնայի վրայ առանձին յարձակում մը փորձեցին. սակայն Սաման փաշայի հրացանաձիգք յանկարծ ճամբուն գլուխը երեւնալով, ահաւոր կրակով մը վանեցին զիրենք և այն եռանդուն երիտասարդք դարձան գլխիկոր իրենց դիրքերը, թողլով պարսպաց ներքեւ հազարէն աւելի մեռեալք. յորս և Գանէսքօ գնդապետը և շատ սպայք: Բայց յաջող գտնուեցաւ զօրավարն Աքորէլէֆ, որ Նոյեմբեր 11ին յարձակմամբ տիրեց Վիդգեսին բարձունքներուն, որուն մէկ հեղեղատը կրնար ճամբու տեղ ծառայել Սաման փաշայի դէպ ի Օրխանիէ: Աքորէլէֆ յարձակման միջոց թէպէտ վիրաւորուած, շարունակեր էր հրամայելու: Սաման փաշա որուն միակ յոյսն էր այդ անցքը, վեց անգամ դուրս ելաւ կրկին ձեռք բերելու զայն. բայց չկրցաւ վանել զԱքորէլէֆ, որ Նոյեմբեր 15ի կուոյ մը մէջ ուրիշ վէրք մ'ալ առնլով, շարունակեց հրամայելու. և տեղաւորուեցաւ հրանօթներով Վիդի բարձունքներուն վրայ: Այսպէս Պլէշնա բոլորովին պաշարուած կը մնար, առանց որ և է հաղորդակցութեան կամ լրոյ դրսէն: Միայն զօրավարն Գուրգօ այլ և այլ միջոցներով հասցուց Սաման փաշայի ձեռքը: Թայմս և Դէյլի Նիւս լրագրաց այն թիւերը, որոնք կը խօսէին Մուխթար փաշայի պարտութեանց և կամ Սիւլէյման փաշայի անյաջողութեանց վրայ: Հոկտեմբեր 23ին կէսօրէն վերջը սկսաւ ոմրակոծումը որ անկէ վերջը ամեն օր շարունակեց կանոնաւորապէս առաւօտ, կէսօր, երեկոյ:

(Սաման փաշա կը վազէր ամեն կողմ տեսնելու եղած փնասքը և անմիջապէս դարման տանելու իրեն հետ

ունէր միշտ նաեւ գիւէվֆիք փաշա: Պլէվնայի պաշարման հինգ ամիսներուն մէջ, Օսման փաշա միայն երեք անգամ քաղաք իջաւ, և այն՝ պաշտպանութեանց խնդրով մը: Երբ քաղաքին մէջ Ռուսաց ուժերու մէջ սկսան աւերմունքները և հրդեհները, բուլղար ժողովուրդը ձգեց իր տունները և քաշուեցաւ եկեղեցիներուն մէջ, զորս կը զանազանէր և կը յարգէր թշնամին և հոն փոխադրեց իր հիւանդները և վիրաւորները: Պատերազմի նեղութեանց վրայ աւելցաւ նաեւ սաստիկ ձմեռ մը. բնաւ փայտ չկար. քաղաքին չորս կողմը կը պտտէին և կը փորէին հողը, արմատներ հանել, վառելու համար. պակսեցաւ քիչ քիչ նաեւ ուտելիքը և եղածին ալ զինը բարձրացաւ: Քրիստոնեայ ժողովուրդը թէպէտ անհամբեր կը սպասէր Ռուսաց, բայց և չէր կարող չ'ըմբռնել և չյարգել Օսման փաշայի կացութիւնը. հարկ էր սպասել վերջին կէտին. և Օսման փաշա միշտ կը յուսար որ այդ կէտը չհասած, անշուշտ պիտի գային զինքը ազատելու կամ Մէհէմէտ Ալի փաշա կամ Սիւլէյման փաշա և կամ միւրքան. կը համարէր որ անշուշտ ի կ. Պօլիս կը մտածուէր և կը հոգացուէր օր մը առաջ հասցնելու այս օգնութիւնը:

4. — Սակայն ի կ. Պօլիս չկար կանխատես եւրպութեամբ գործելու զինուորական կարողութիւն մը: Երբ հասան ի մայրաքաղաքը Կորնի Դուրնիքի և Տէլիշի պարտութեանց լուրերը, վարչութիւնը այն ատեն միայն հրաման զրկեր էր առ Մէհէմէտ Ալի փաշա՝ դառնալու Թոնիոյ և Հէրցէքի ճամբէն, և փութով չուելու յՕրխանիէ, ուր ապաւիններ էր նաեւ Շէֆքէթ փաշա: Մէհէմէտ Ալի Դոյնմբեր Ծին հասաւ ի Սոֆիա, ջանաց կազմելու մեծ բանակ մը, բայց չկրցաւ 25,000էն աւելի զինուոր ժողովելու. որոնցմով մօտեցաւ Օրխանիէի: Ռուս ընդհանուր հրամանատարութիւնը տազնապեցաւ Պլէվնայէ 75 քիլոմէտր հեռու բազմաթիւ բանակ մը ձեւանալուն վրայ: Անմիջապէս այլ և այլ գունդերէ նոր զօրաբաժին մը կազմեց զոր յանձնեց Գուրգօ զօրավարին և որուն նպատակը պիտի ըլլար փճացնելու

Մէհէմէտ Ալի
զէպ ի Օրխանի
նիէ:

(Որխանիէի բանակը և առնուլ զՈրխանիէ: Զօրավարն Գուրգօ հասաւ Կարլոնիցա և իմացաւ որ թուրք բանակին յառաջապահը, որուն կը հրամայէր Շաքիր փաշա, կը գտնուէր ի Պրէվէզ: Կար ուրիշ բանակ մը 1() քիլոմէտր հեռու յԷտրոպոլ. նոր, գեղեցիկ և վաճառաշահ քաղաք մը, որ Բալկաններու բանալի համարուած է, զոր շէնցուց Միտհատ փաշա իր կուսակալութեան ժամանակ: Մօտ էր նաեւ Հեծելազօր գունդ մը, որուն կը հրամայէր Մուսղաֆա փաշա: Զօրավարն Գուրգօ իր զօրաբաժինը երկու սին բաժնեց, որոց մին յանձնեց զօրավար կոմս Շուվալոֆի որ պիտի տիրէր Պրէվէզի և միւսը Դանդըվիլ զօրավարին որ նպատակ ունէր տիրելու Էտրոպոլի: Միանգամայն ուրիշ գունդեր ալ Ռաւի և Սէմոնովսքի զօրավարաց առաջնորդութեամբ պիտի օգնէին այդ բաղախումներուն: Թուրք Նոյեմբեր 22ին հասան Պրէվէզի դիմաց, որուն տիրեցին յարձակմամբ, արդէն պահանջողը մեկնած ըլլալով: Սակայն հեծելազօրը Աքրիվէնայի քով մեծապէս հարուածուեցաւ թուրք գունդորէ և կորսընցուց 14 սպայք և 5()էն աւելի զինուորք. ունեցած հրանօթներէն մաս մ'ալ գլորեցուց անդունդներու մէջ, թշնամեաց չձգելու համար:

Իսկ զօրավարն Դանդըվիլ Էտրոպոլի վրայ դիմած էր երկու սինակով, որոց միոյն կը հրամայէր Ուտէնբուրկ իշխանը և միւսոյն Ռիտցէվսքի հազարապետը: Ասոնք Նոյեմբեր 23ին բաղխեցին քաղաքը և երկրորդ օրը թուրքերը քաշուած ըլլալով, մտան ներս: Հասաւ և զօրավարն Գուրգօ և քրիստոնեայ ժողովուրդը խնդալից ընդունելութիւն ըրաւ Ռուսաց:

Իսկ Շաքիր փաշայի բանակը քաշուեցաւ դէպ ի Բալկանները՝ Բարաքոնսքի կրճին մուտքը, Ռուսաց դէպ ի Սոֆիա ընթացքը խափանելու համար: Թուրք յառաջելով բռնեցին զՈրխանիէ, ուր գտան ամբաւ պաշար և մթերք. որոնք (սման փաշայի պիտի զրկուէին: 5). — Իսկ Սիւլէյման փաշա որ Շումլայի բանակին հրամանատար եղած ժամանակ ձեռքին տակ ունէր

80,000) զինուոր, որոց կը հրամայէին Ասաֆ և Ֆրուատ փաշաները, Պլէվնայի օգնութեան ղիմելէ աւելի, զրազեցաւ Լումի վրայ գուպարածներով, որոց մէկուն մէջ սպաննուեցաւ 29ամեայ դուքսն Սերգէյ Լէօստէմբերկի, քեռորդի Աղեքսանդր Բ Չարին: Նոյեմբերի մէջ երբ արդէն ի Պլէվնա ամենաքիչ պաշար մնացեր էր, այն ստենն ի. Գուոր վճռեց հրամայելու Սիւլէյման փաշայի, փութով օգնութեան ղիմելու Օսման փաշայի, և զինքը ազատելու որոգայթէն, որուն մէջ ինքը ձգեր էր: Սիւլէյման փաշա յառաջեց դէպ ի Պլէվնա. բայց ոչ այն երազութեամբ որ կարեւոր էր. զրազեցաւ դարձեալ կողմնակի կոխներով: Ըսուած է որ փաշաները նախանձով մը կը խորշէին մէկմէկու ձեռք տալէ, որ պատճառ եղաւ ամենուն ալ յաղթուելուն: Նոյեմբեր 26ին Ասաֆ փաշա անցաւ Լումր Յ(1),000 զինուորօք, երեք սին բաժնած. Աջին կը հրամայէր Սէլիմ փաշա որ պիտի բաղտէր զՊիրզոս. Իբրահիմ փաշա կը հրամայէր կիզրոնին և պիտի տիրէր Մէչքայի. իսկ Չախը Օսման բէյ հազարապետին հրամանաց ներքեւ պիտի բաղտէր զՏրէստէնիք: Պահեստի գունդերուն կը հրամայէր Հասան փաշա: Այս գործողութիւնները կարեւոր համարած էր Սիւլէյման փաշա, ճամբայ բանալու համար:

Նախ Սէլիմ փաշա բուռն յարձակմամբ մը տիրեց Պիրզոսի. ապա յառաջեց դէպ ի Մէչքա: Թուս բանակը որ Մէչքայի քով կը գտնուէր ընդ հրամանատարութեամբ Ջիլիատտէվ զօրավարին, վանեց բաղխումը, բայց թողուց զՄէչքա, ուր մտաւ թշնամին: Նոր օգնութիւնք հասան Թուսաց, որոնք սուրինի կոռուով վանեցին զթուրքս թէ Պիրզոսէ և թէ Մէչքայէ, և ղիմեցին օգնելու ռուս գունդերուն ի Տրէստէնիք, ուր յաջողութիւն ունեցեր էր Օսման բէյ: Թուսը և թուրքերը հաւասար քաջութեամբ կռուեցան. հասաւ երեկոյ և Ասաֆ փաշա անխոհեմութիւն համարելով մնալ Թուսաց նոր հասած թարմ գունդերուն առջեւ, հրամայեց զօրաց կրկին անցնելու Լումր: Նոյն օրը թուրքերը կորսնցուցեր էին 1700 հոգի. Թուսը 700 անձինք:

Մէչքայի պատերազմը:

Այս ընդհարումները պատճառ տուին Սիւլէյման փառաշայի յանդուգն զաղափար մը յղանալու Պլէշնայի օգնելու համար։ Ռուսաց ջաղխելու Լլէնա քաղքին ռուս զունդերը, հասնիլ Տիրնովա, բռնադատել զՌադէցքի թողուլ զՋրայգա, հոն եղած զինուորքն ալ առնուլ միարան, փոխիլ յանկարծ պատերազմին ճակատը. ուրով իր վրայ դարձնել ռուս ընդհանուր հրամանատարութեան ուշադրութիւնը. և սլատեհ տալ Օսման փառաշայի բունն ելք մը Պլէշնայէն։ Լուր զրկեց նաև Մէհէմէտ Ալիի որ ինքն ալ բաղիւէ զԳուրգօ և յառաջէ Լովացի կողմանէ։ Եթէ այս ծրագիրը ունէր յաջողութեան մը հաւանականութիւն, բայց շատ ուշ էր. որովհետեւ Պլէշնա հազիւ քանի մը օրուան ուտելիք ունէր։

Լլէնայի բոլ
յաղթութիւնը։

6. — Սիւլէյման փառաշայ, իր ծրագրին համեմատ Դեկտեմբեր 3ին, 20,000 զինուորօք, 8000 չէրքէզնեւրով և բաշիրզուքներով և 20 թնդանօթովք, յանկարծ հասաւ յԱհմէտլի՝ Լլէնայէ 17 քիլոմէտր հեռու։ Գոմբրովսքի զօրավարը, հրամանատար Լլէնայի, փութով լուր զրկեց առ զօրավարն Սվիատոպոլսք Միրսքի հրամանատար Խններորդ զօրաբաժնին, օգնութիւնք զրկելու։ Թուրքերը Դեկտեմբեր 4ին սկսան ռմշակոծել ռուս զիրքերը։ Գոմբրովսքի բազմաթիւ զունդերով քաղքէն ելաւ և յարձակմամբ փորձեց վանել զթշնամին. բայց շատ անձինք կորսնցուց։ Գրէվէսալ հազարապետը հեծելոց ամբողջ ջոկատով մը պաշարուեցաւ չէրքէզ ձիաւորներէն. և հազիւ քանի մը հոգի ապրեցան վիրաւորք, յորս նոյն ինքը հազարապետը։ Ռուսք իրենց ամեն զիրքերը կորսնցուցին և Գոմբրովսքի հրամայեց նահանջել դէպ ի քաղաքը։ Այն ատեն Սիւլէյման փառաշայ, որ այս պատերազմին մէջ ցըցուց ռազմագիտական հմուտ ուսումնասիրութիւն մը, պատուիրեց իր Ջախ թեւին, մօտենալու Լլէնայի և բռնելու Լլէնայէ Տիրնովա զացող ճամբան, և ի յետուստ պաշարելու զՌուսսայսպէս բաղխելու զթշնամին և տիրելու Լլէնայի։ Մուլեգին և աննկարագրելի կռիւ մը ծագեցաւ ընդ մէջ յարձակողաց և պաշտպանողաց։ Երկու կողմանէ սրով և

սուիսով իրրեւ ի սպանդանոցի, այնպէս մէկզմէկ կը մորթէին. անհամար ծաղիկ կեանքեր, յոյս բազմաթիւ ընտանիքներու, հոն դիակնացեալ կը փոռուէին: Ժամը երեքին թուրքերը մտան յիշէնա. սակայն կոխը փողոցներուն մէջ տեւեց մինչեւ ժամը ութ, յորում չմնաց ոռւս մը քաղըին մէջ: Ազատած զինուորը մեծաւ նեղութեամբ կըրցան նահանջել, որովհետեւ չէրքէզ ձիաւորաց գունդ մը զիրենք կը հալածէր: Զօրավարն Գոմբրովսքի հեծելոց վաշտ մը զրկեց, որոնք պաշտպանեցին նահանջը և ապրողները ապաւինեցան ի Լազովց:

Թուսք նոյն օրը կորսնցուցին 1807 զինուոր. 87 սպայ, 200 ձի, 11 թնդանօթ և շատ մը պատերազմական մթերք: Սիւլէյման փաշայի կորուստը համարուեցաւ ընդ մեռեալ և ընդ վիրաւոր 2000 անձինք. Լիէնայի յաղթութիւնը, յետ Պլէշնայի երեք պատերազմներուն, ամբողջ թուրք-ոռւս յեւրոպա պատերազմին մէջ ամենէն փայլուն և ռազմագիտական յաղթութիւնն էր: Սակայն Սիւլէյման փաշա չօգտուեցաւ: Այս յաղթութենէն վերջը, կ'ըսեն ռազմագէտք, պէտք չէր զբաղիլ ուրիշ տեղերու ալ տիրելու համար. պէտք էր ամփոփել ամեն զօրարածիները, նոյն իսկ անոնք որ Չրպաա էին, և քալել դէպ ի Պլէշնա: Ի սկզբան Տիրնովայի վրայ չուելը այդպէս կարծեցնել տուաւ. բայց յանկարծ թողոց այդ ուղղութիւնը և դարձաւ ջանալու կտրել Չարէվիչի հաղորդակցութիւնը Դանուբէն, և բաղխելու նորէն զՄէչքաւ:

7. — Այս նպատակաւ զօրաւոր բանակ մը ձեւացուց 40,000 անձանց, զԱսաֆ փաշա զրկեց հրամանատարութենէն, Նոյեմբեր 26ի նահանջի համար. և տեղը անուանեց զՊազլը փաշա, որ Սոխումքալէի արշաւանքէն դարձեր էր: Դեկտեմբեր 10ին, թուրք հետեւակը Լոմը անցաւ Չիֆթլիքի և Քրասնոյի վրայէն. նոր գունդեր ալ հասան Թուսուբէն. և Սիւլէյման փաշա անձամբ առաւ հրամանատարութիւնը: Դեկտեմբեր 12ին առաւօտ թուրք բանակը սկսաւ ոմբակոծել Մէչքայի մօտ Թուսաց բանակը: Պատերազմին տեղը հա-

Մէչքայի երկրորդ պատերազմը.

սաւ մեծ դուքսն Վլադիմիր, ինքնին կառավարելու գործողութիւնները. և Չարէվիչը մօտ բարձունքներէն կը դիտէր և կը հսկէր ամենայնիւ Վլադիմիր մեծ դուքսը սահմանեց թուրք գունդերուն յարձակման ժամանակ չթողուլ. և հրամայեց որ ոռւս գունդերը սկսին յարձակումը: Սակայն թուրքերը այս բաղխման այնպիսի կրակով մը պատասխանեցին, որ Վլադիմիրի մօտն իսկ ինկան հարուածներէ՝ իր սպայիցմէ երկուքը: Այսու հանդերձ Ռուսը չթողուցին որ թուրքերը կարենան Մէչքայի ժայռերուն վրայ ելլել. և զանոնք միշտ վանելով դէպ ի ստոր եղած հեղեղատը, նախ զարհուրելի կրակով, ապա սուինի յարձակմամբ մեծապէս կոտորեցին: Այն ատեն թուրքերը սկսան վարանիլ, վախը տիրեց մնացողաց, որոնք սկսան փախչիլ և իրենց փախուստը՝ կը հալածէր նաեւ Նիկոպօլսէն մարտանաւով մը, մեծ դուքսն Ալէքսիս, երրորդ որդի Աղբասանդը Չարին: Սիւլէյման փաշա այս պատերազմով բաց ի 3000 զինուորաց կորստէ ընդ մեռեալ և ընդ վիրաւոր, կը կորսնցնէր նաեւ իր շարժմանց նպատակը. անկէ վերջը անկարելի էր իրեն չուել ազատելու զՊէլէմնա:

Ի Պէլէմնա պաշարին սպասուումը:

8. — Նոյեմբերի առաջին օրերուն մէջ մեծ դուքսն Նիկոլա գուշակելով պաշարուց գրեթէ լմննալը ի Պէլէմնա, նամակ մը գրեց առ (Սաման փաշա և զայն զրկեց երեք թուրք գերիներու ձեռքով, առաջարկելով Պէլէմնայի անձնատուութիւնը դիւանական բանակցութեամբ: (Սաման փաշա ծանոյց որ չէր ըլլար անձնատուր՝ Գիշ

1. «Ի՞նչ սպայակոյտը միշտ զարմացած էր որ Նոյեմբերի վսեմութիւն (Սաման փաշա երբէք անձամբ չ'ընդունեցաւ կրկնորոյց զրկուած պատգամաւորներ, իչ յիբարի երկու բանակաց ամեն ինչորոց մէջ թուրք սպարակետը երբէք ուզողի չմիջամտեց: Ս) որ մը քիչ մնաց պիտի պատահէր այդ Պրորոգիմի ընդհանուր հրամանատարութիւնը հրաման ինչորեց (Սաման փաշայէ թագիւր 1500 մեռեալքը, որոնք երեք շարքէ ի վեր ընդ մէջ կրկնփոխայի և թորաց առաջին բերդին, մնացեր էին. և այս ասիւր ուզեց բանակցութիւն մը: Նոյեմբերի վսեմութիւնը (Սաման փաշա իր ձեռն թամբը գնել տուաւ հազար ամենէն աւելի շքեղ համագեղեցուք. զրաւ ձեռնոցները և կրկնօք»

օր վերջը զօրավարն Գուրգօ իրեն զրկեց թայմզ լրագրին կարսի առման թիւերը. ծրարին վրայ գրելով «Զօրավարն Գուրգօ առ Նորին Վսեմութիւն, (Սման փաշա» : Արիասիրտ փաշայն պատասխան մը չտուաւ : Նոյեմբեր 13ին Մեծ Գուրգսը ուրիշ պատգամաւոր մը զրկեց, բացատրելով որ արդէն ամեն կողմանէ պաշարուած, կը խնդրէր «յանուն մարդկութեան ետ կենալ ընդդիմութենէ և արիւնհեղութենէ» : (Սման փաշա պատասխանեց անմիջապէս «կ'ըմբռնեմ այո՛ որ մարդասիրական զգացմունքէ կը զրէք զայդ. բայց կը համարիմ որ իմ պաշտամանս և պարտուցս հրամայած ընդդիմութեան, դեռ ամեն միջոցը չեն սպառած» : Անցան քանի մը օր եւս. (Սման փաշա յուսացած ոչ մի օգնութիւնը ունեցաւ Մէհէմէտ Ալի և Սիւլէյման փաշաներէ. և պաշարը կը լինար : Այն ատեն Նոյեմբեր 19ին, պատգամաւոր ինքը զրկեց յանձն առնելով թողուլ զՊլէֆնա, միայն թէ սպայք և զինուորը առանց զինուց քաշուին ի Սոֆիա կամ ի Վիտին : Անմիջապէս ռուս հրամանատարութիւնը ժողովրդի գումարուեցաւ. բայց չ'ընդունուեցան (Սման փաշայի առաջարկութիւնքը. որովհետեւ գիտէր պաշարին լինցած ըլլալը, լսած ըլլալով թուրք փախստականներէ որ օրը 50 կրամ հաց կը տրուէր զինուորի, որով անհրաժեշտ մօտալուտ էր անձնատրութիւնը : Սակայն ի նշան յարգանաց առ դիւցազնական պաշտպանողն Պլէֆնայի, պատգամաւորին հետ զրկեցին նաեւ գումարմանը մէջ եղած պատճառարանութիւնք : (Սման փաշա որոշեց զիմանալ մինչեւ հացի վերջին պատառը : Բայց որովհետեւ (Սման փաշայի արիութենէն

մեկնելու վրայ էր, յանկարծ մտքն ըստ մը անցաւ : Իջաւ միւր, մտաւ զրանին տակ և իրեն տեղ զրկեց գթելիքից ըլլալ (սպայակուտին զուտը) : Ն. Վ. : (Սման փաշա մտածեց որ թէ յանկարծ առանձին տեսակցութիւն մը ունենար թշնամի զօրավարի մը հետ, ի Ստամբուլ պիտի կարծուէր, որ շահեղու կամ կաշտակերութեան համար էր : Զուգեց կասկածի անգամ տեղի տալ) : (Սիվիէ Պէն. (Ստամբուլ պատգամաւորի մը : Այս (Սիվիէ Պէն Կարգիոյ 1871ի Հասարակութեան անդամներէն էր. ի Պլէֆնա թղթակից Բիւն Պիւրիի լրագրին :

կրնար վերջին գերագոյն փորձ մ'ալ սպասուիլ. զօրավարն Տոտլէրէն, ոչ միայն կանխաւ ամեն հրահանգներ տուած էր, այլ և պատերազմական փորձ մը կատարել տուեր էր, թէ յանկարծ (Սաման փաշա եւր մը փորձէր: Իեկտեմբեր 9ին բուլղար մը փախչելով Պլէվնայէ, իմացուց կարող իշխանին որ թուրք բանակը կը պատրաստուէր վերջին ճիգով մը դուրս ելլել քաղքէն և փորձել կտրել անցնելու ոռւս բանակը: Զօրավարն Տոտլէրէն այլ և այլ բացատրութիւններէ զուշակեց որ (Սաման փաշա այս եւրը պիտի փորձէր կանչեցրի զօրավարին պատկանող մասէն. և անմիջապէս հեռագրեց պէտք եղած հրամանները: Զօրավար կանչեցրի ամբողջ զօրաբաժինը նոյն գիշերը անցուց յարթնութեան. և յիւրաւի կը լսուէր ի Պլէվնա զունդերու և սայլերու զոտոր մը: Առաւօտեան ձմեռնային ցուրտ և թանձր մառախուղը ընդերկար ծածկեց Ռուսաց տեսութենէն թրքաց շարժումները: Երբ ժամը 8ին փարատեցաւ քիչ մը մոայլը, այն ատեն տեսնուեցաւ լայնատարր սև գիծ մը, որ Պլէվնայի պատուարներէն դուրս, կը յառաջէր դէպ ի Ռուսաց պատնէշները:

(Սաման փաշա իր 40,000 զինուորը երկու մասի բաժնած էր, 20,000 զինուոր որոց կ'առաջնորդէր ինքը, խստերախ ձիու մը վրայ, ընծայ Սուլթանին, պիտի յառաջէր ոռւս պատնէշները, զայն պիտի բաղխէր, և ճեղքելով պիտի անցնէր: Ետեւէն կուգային 500 պաշարարերձ սայլեր և ապա Պլէվնայի թուրք բնակչաց հարիւրաւոր սայլեր, կառքեր: Ուրիշ 20,000 զինուորը վիտի վրայ պիտի կենային Ատիլ փաշայի հրամանին ներքեւ և պիտի յառաջէին իր ետեւէն ճիշդ երկու ժամ վերջը:

(Սաման փաշայի
հետը:

9. — Զօրավարն կանչեցրի թուրք զօրաց յայտնուելուն, անմիջապէս նշան տուաւ հրանոթներուն և հրացաններուն կրակ թափելու: Թուրք զինուորը այն ահաւոր կրակին ներքեւ որ մահ կը փոէր ամեն կողմ, յառաջեցին հրացաններն ձեռքերնին, չորս քիւլմէղր տեղ. և ապա հրաման ընդունեցան յարձկելու առաջին կարգի

պատնէշներուն վրայ, զորս կը պաշտպանէր սիրերեան գունդը. որ մեծաւ մասամբ ինկաւ հոն: ժամը 8¹/₂ էր և թուրք զինուորը տիրեցին առաջին հողաբլուրներուն և թնդանօթներուն. և յառաջեցին նոյնպէս անխռով դէպ ի երկրորդ կարգ պատնէշները: Բայց կանէցքի զօրաբաժնին ետեւէ ետեւ հասած օգնութիւնը, փոխեցին պատերազմին կերպարանքը, և նոր գունդերը յարձակելով թուրքերուն տիրած դրից վրայ, զիրենք վանեցին. և առին նորէն սիրերեան գունդին թնդանօթները: Թրքացի ետ վանուելով, պատերազմը կտոր մը ժամանակ կեցաւ. երկու բանակը մէկմէկէ 300 մէդը հեռու կեցեր էին: (Սաման փաշա թարմ գունդերուն պէտք ունէր: Այն ստեն զգաց, ինչպէս ինքը յետոյ ըսած է, իր վրիպակ պատուէրը առ Վիտի վրայ եղած 20,000 զօրքերը. որոնք պէտք էին մեկնիլ ոչ երկու, այլ մէկ ժամ վերջը: (Սաման փաշա անհամբեր կը սպասէր ժամացոյցը ձեռքը, երբ յանկարձ գնդակ մը գլորեց դիակնացեալ իր ձին և ուրիշ գնդակ մը անցաւ իր ձախ ոլոքը մէկ կողմանէ միւս կողմը: Իր գետին ինկնալուն վրայ, անմիջապէս լուր տարածուեցաւ որ (Սաման փաշա մահացու վիրաւորուեւր է. թէպէտ վէրքը ծանր չէր: Սակայն զարհուրելի երկիւղ մը ծագեցաւ թուրք գունդերուն մէջ, որոնք ետ քաշուեցան իրենց դիրքերէն և ամփոփուեցան: Կանէցքի բանակը օգտուելով այս շփոթէն, սկսաւ յարձակողականը: Նոյն միջոցին զօրավարն Նոտոֆ, բարոն Քրիւտնէր և Քատալէյ, զօրավարն Շնիտնիքով և ռումանիացի զօրավարն Չէնատ, առանց մեծ ընդդիմութեան կը տիրէին արեւելեան, հիւսիսային և արեւմտեան ամրոցներուն: Մեծ Դուքսն Նիկոլա որ հանդիսատես էր ամեն գործողութեանց, լուր ղրկած էր ի կորնի Շոլուտէն առ Աղեքսանդր կայսրը որ փութացեր էր գալու. և Ռատիսէվոյ գիւղի մօտ լեռնէ մը կը դիտէր իր զօրաց յառաջելը և ապա անպատասպար թողուած Պլէֆնա՝ յանկարծական ստեղծուած, հոյակապ բերդաքաղաքը, որ իր անկմամբը հանդերձ, մեծ անուն կը թողուր Չինուորական պատ-

Վիրաւորուեւր
Ը՛՛՛

մուլթեան մէջ, մեծ պատիւ բերելով զայն ստեղծող և պաշտպանող (Սման փաշայի, իր սպայակուտին և բուլոր զինուորաց: Բերդերուն մէջ մնացած սակաւաթիւ զինուորք, անօգուտ տեսնելով կոուիլը, ամենն ալ անձնատուր եղեր էին:

Սման փաշայի
և բանակին
անձնատուր
ըլլալը:

10). — Ժամը կէսօրուան մէկն էր և թուրք բանակը չէր կրցած ճամբայ մը բանալ թշնամին ճեղքելով. իր ետեւ առնուած էր Պլէշնա, առնուած էին բոլոր շրջակայ բերդերը, մղուեր էր Վիտի եզերքը, կոուելով անյարմար տեղոյ մը վրայ. և իր սպարապետը վիրաւորուած էր: Այն ատեն միայն (Սման փաշա, ընդդէմ մարդկութեան համարեցաւ արիւնահեղութիւնը, քանի որ չկար նպատակ մը, չկար յոյս մը. ոչ իսկ միջոց կոուելու և այն ատեն հրամայեց պարզել բանակին վրայ սպիտակ դրօշը, զոր ողջունեցին հեռուանց բիրաւոր ոռւս զօրաց կեցցէներ. և դադրեցան հրացանի հարուածք: Թուրք պատգամաւոր սպայ մը յառաջեց դէպ ի ոռւս բանակը և աչքերը կապուած տարուեցաւ առ Կանէցքի զօրավարը: Սա թղթով մը առ (Սման փաշա խնդրեց զրկել այնպիսի անձ մը որ «զՁեզ ներկայացնէ. որովհետեւ, կ'ըսէր, գիտենք Ձեր վիրաւորուած ըլլալը»: (Սման փաշա զրկեց սպայակուտի զլուխ՝ Թէվֆիք փաշա, որ վշտացեալ կերպով ծանոյց առ Կանէցքի (Սման փաշայի վիրաւորուած ըլլալը և խնդրեց բարձրաստիճան սպայ մը, անձնատուրութեան վրայ միարան (Սման փաշայի խօսելու համար:

Զօրավարն Կանէցքի անմիջապէս զրկեց զՊրորոքով զօրավարը, որ գտաւ զ(Սման փաշա փոքր տան խեղճ սենեկի մը մէջ, ընկողմանեալ անկողնոյ վրայ, ուր զինուորական ծեր վիրաբոյժ մը՝ վէրքը կը կապէր. սենեկին շուրջը լուռ և տխուր շարուած էին Աղիլ փաշա, Թէվֆիք փաշա, Աքիֆ, Հիւսէյին, Սատրգ, Լդէմ փաշայք և ուրիշ բարձրաստիճան սպայք: Թուս զօրավարը ի պատիւ ընդհանուր հրամանատար (Սման փաշայի, խօսեցաւ յոտնկայս: Դախ Կանէցքի զօրավարին կողմանէ յայտնեց հիացումը այսքան արի և

փայլուն յարձակման համար, յետոյ ցաւը՝ վիրաւորուելուն պատճառաւ. միանգամայն Նիկոլա Մեծ Դերասին հրամանը, որ անձնատրուութիւնը կ'ընդունէր միայն անպայման: Սաման փաշա տիրուր, գլխիկոր, յետ վայրկեան մը խորհելու և հառաչելու թուրք ճակատագրականութեամբ, իմացուց որ կը հպատակէր Մեծ Դերասին կամաց: Կէս ժամ վերջը հասաւ և զօրավարն կանչեցրի: Դեռ այս միջոցին գունդերէն ոմանք կը կոռէին, լուր մը չունենալով անձնատրուութեան: Թուս զօրավարը յետ յայտնելու իր հիացումը փայլուն ելքին վրայ, խնդրեց որ հրաման ղրկէ զինուորաց զաղրիլ կոռուէ: Այն ատեն Սաման փաշա լուռ և տխուր ակնարկով, հասկցուց Աղիլ փաշայի, տանելու այդ հրամանը. ապա յետ նայելու վայրկեան մը իր սրոյն վրայ, հառաչանօք հանեց զայն իր գօտիէն և յանձնեց կանչեցրի զօրավարին: Զօրավարն Սղրուքով առաջարկեց առ Սաման փաշա, լաւագոյն դարմանուելու համար, փոխադրուիլ ի Պէլէֆնա. և անմիջապէս երկձի գեղեցիկ կառաց մէջ ճամբայ ելաւ. քովէն հեծեալ ընկեր ունենալով զՍղրուքով զօրավարը և կառաց ետեւէն ամբողջ իր սպայակոյտը և ոռու ոռու մէն սպայք՝¹:

Մեծ Դուքան Նիկոլա յետ շրջելու պատերազմին դիրքերը և ինդակցելու գունդերուն, եկաւ տեսնելու զՍաման փաշա իր խրճիթին մէջ. և իմանալով որ մեկներ է դէպ ի Պէլէֆնա. ինքն ալ ուղեւորեցաւ հոն և ճամբան հանդիպելով, մօտեցաւ անոր կառաց և սեղմեց Սաման փաշայի ձեռքը, ինդակցելով որ Պէլէֆնայի պաշտպանութիւնը Պատմութեան ամենէն գեղեցիկ էջերէն մէկը պիտի ըլլար: Զօրավարն Սըրբէլէֆ՝ որդի, դիմեր էր տեսնելու զՍաման փաշա, հիացմամբ սեղմեր

1. Սաման փաշա երբէք չուզեց յարարերութիւն ունենալ ուսմանիցի սպայից հետ, գանտը ապտտամբ նկատելով: Կոր իշխանն կարող զնաց ձեռքը սեղմելու, Սաման փաշա ընդունեցաւ ցորս յարգանօք. մինչ ընտանի կերպ ունէր ոռու սպայից հետ:

էր նորա ձեռքերը, ըսելով քովիններուն որ (Սաման փաշա իր յաղթուելովն հանդերձ Պատմութեան մէջ միշտ Վազի (Յաղթող) պիտի մնար: (Սաման փաշա երկրորդ օրը գնաց առ Աղբըսազը Բ, որ եկած էր է Պլէշնա: Կայսրը ընդունեցաւ զինքը յարգանօք, նուիրեց իրեն սուրը և հրաման տուաւ կրելու զայն նաեւ Ռուսիոյ մէջ: (Սաման փաշա հինգ օր վերջը Պլէշնայէն մեկնեցաւ ի Բոզոտ, ուսկից հեռագրեց ի կ. Պօլիս առ քարտուղարն մեծ Վէզերին, որ ի Պլէշնա պաշարը լմնցած ըլլալով, մտածեւ էր ելքով մը փորձել ճամբայ բանալու. բայց չկարենալով յաջողիլ, իր բանակին հետ գերի ինկեր էր և մեծ հոգածութիւն գտեր էր Թէ Չարէն և Թէ Մեծ Դըքէն: Սուլթան Սըդիւլ Համիտ՝ Բուզրէշտի անգղիական հիւպատին ձեռքով զրկեց ողջոյններ և մաղթանքներ առողջութեանը համար, միանգամայն օսմանեան հազար լիրա իրբեւ ուղւոյ ծախք. դարձեալ նուէրներ ըրաւ իր զաւակաց: (Սաման փաշա գրեց առ Սուլթանը իր երախագիտութիւնը: Մաճառք ոսկի բունով ոսկի տառերով արծաթնայ դափնի պսակ մը նուիրեցին իրեն: Դեկտեմբեր 16ին (Սաման փաշա ձգեց զԲոզոտ և կարմիր խուշի մասնաւոր երկաթուղւոյ կառախմբով մը զրկուեցաւ ի խարքով¹:

1. (Սաման փաշա ի խարքով բոլոր քաղաքացւոց յարգանաց և ձեռագրութեան նիւթն եղաւ. Հոնկէ նամակով մը առ Ռոյոս լրագիրը, մերձեց այն ամբաստանութիւնը որ ի Պլէշնա ուղջ թաղած ըլլալ 1500 ուս զինուորը: Զինուորապար կնքուելուն ազատութիւն ստացաւ ուս պե. սուլթանէն դանալու ի կ. Պօլիս. ուր շքեղ ընդունելութիւն ըրաւ իրեն Սուլթանը և ժողովուրդը: Զինքը մինչև Տւլմա Բաշէի նաւամատոյցին դիտաւ բերաւ ուս Չարեկիտ մարտանաւը: Անկէ մտաւ շոգեմակոյղ մը Բէուֆ և Թէվֆիք փաշաներուն հետ: Արդիւ Համիդ ընդունեցաւ Պլէշնայի պաշտպանոցը մեծպէս յուզեալ և լուս իրեն «Իտն (Սամանեան զներբըր փառաւորեցիր և մեր զինուորական պատիւր բարձրացուցիր. Ե՛կ իմ դիւցազնս, ես ուխտ ըրիւք էի Աստուծոյ առջև, որ զքեզ տեննելուս աչքերդ համբուրիմ»): և համբուրեց (Սաման փաշայի աչքերը: Գետոյ նուիրեց իրեն (Սամանիէի մեծ ժապաւէնը ականակուս բոլորակով և ոսկեպատեան սուր մը: Մտախ: Գետոյ անուանուեցաւ պաշտօննայ պատերազմի և յանձնուեցաւ իրեն բանակը կարգի դնելու: Ապա ունեցաւ զանազան բարձր պաշտօններ և սիննէն վերջը հազարապետ Պալատան: Միշտ մեծ եղաւ իր ազդեցութիւնը Սուլթանին վրայ, որ իրեն փեսայացուց (Սաման փաշայի որդւոց մին:

Պլէֆնայի անկմամբ Ռուսաց ձեռքը գերի կ'իյնային 1() փաշայք, 13() բարձրաստիճան սպայք, 2000/ւ մօտ սպայք և 30,000էն աւելի զինուորք: Նոյն աւուր մեռեալք կը համարուին մօտ 6000 և 4000 վիրաւորք: Ռուսաց անկեալքն էին 2000է աւելի: Պլէֆնայի մէջ կային միայն գործածելի 77 թնդանօթք. մինչ պաշարող բանակն ունէր 600¹:

11. — Հազարապետն Պանիուզին հրամանատար անուանուեցաւ Պլէֆնայի որ անկէ վերջը պիտի չունենար կարեւորութիւն մը. և բոլոր գերիները Ռուսաստանի այլ և այլ քաղաքներ ցրուեցան:

Ռուս բանակն ի Պլէֆնայ:

Գեկտեմբեր 11ին հանդիսաւոր գոհարանական աղօթք կատարուեցան ներկայութեամբ բոլոր բանակին: Չարը ի տես ամենեցուն զրկուեցաւ և համբուրեց իր եղբայրը մեծ դուքսն Նիկոլա և ձեռքովը դրաւ անոր կուրծքին վրայ Ս. Գէորգի Առաջին կարգի ժապաւէնը: Նոյն կարգին երկրորդ աստիճանը շնորհեց Աղեքսանդր Չարէվիչի և ոսկեայ սուր մը իւր միւս զաւակին, վլադիմիր մեծ դքսին: Ապա Չարը միաբան Մեծ Գուքս Նիկոլայի և Ռումանիոյ կարող իշխանին, անցաւ ժողովրդեան մէջէն, որ կը գոչէր խնդութեամբ և ծաղիկ կը նետէր. և մտաւ յեկեղեցի ուր կատարուեցան գոհարանական աղօթքներ:

1. Իրագրացմէ ոմանք մինչև 4(0) թնդանօթ դրած են ի Պլէֆնայ որ չէր կարելի: Մենք յայտմ հետեւեցանք Ալեքսանդրովիչի Բեկերուրեան պաշտօնական տեղեկագրոց:



Գ Լ ՈՒ Ն Ի Գ .

ԹՈՒՐԲԻ ԽՕՍԱՐԱՆԻՆ ԵՐԿՐՈՐԿ ԵՐՋԱՆԸ

1. Օսմանեան երեսփոխանական խօսարանը. — 2. Պաշտօնէից փոփոխութիւնը. — 3. Պետութեան հայ պաշտօնեայք. — 3. Երեսփոխանական ընտրութիւնը երկրորդ շրջանին. — Խօսարանին բացումը Սուլթանէն. — 4. Ոչ քրիստոնեայ ազգաց զինուորագրութեան խնդիրը. — Զինուորագրութեան խնդիրը Հայոց Խան ժողովոյ մէջ. — 5. Խօսարանին մէջ զինուորական և քաղաքային կացութեան մասին. — 6. Փաւառաց մէջ կեդեքէչ պաշտօնատէրաց նկատմամբ. — 7. Հայ երեսփոխաններուն խնդիրը որ Հայաստանէն հող չտրուի Ռուսաստանի. — 8. Փաւառաց պաշտօնեաներու ընտրութեան և քննութեան մասին. — 9. Տպագրութեան ազատութեան վրայ. — 10. Պաշտօնարանին հրատարակ. — Ահմատ Վէլիբիբ փաշա՝ նախագահ պաշտօնարանին. — 11. Խօսարանը ընդդէմ Չէրքէզներուն աւարտութեանց. — 12. Պատերազմին ձախողելու պատասխանատուութեան քննութիւն. — Խօսարանին փակումը:

Օսմանեան երեսփոխանական խօսարանը:

1. — Պատերազմը սկսած ժամանակ, տակաւին բաց էր օսմանեան խօսարանը, որ կը շարունակէր մերթ քանի մը երեսփոխանաց ազատախօս առեւտրանութիւններով և մերթ քանադատ շողորորթութիւններով առ բանակը և առ վարչութիւնը: Պատերազմին յառաջելովը սահմանադրական ազատութիւնը սեղմուեցան, մանաւանդ Արտահանի առմանէն վերջը, երբ մայրաքաղաքը պատերազմական վիճակի մէջ դրուեցաւ: Հետզհետէ աւելցան խստութիւնը: Լրագիրներու արգիլուեցան՝ խօսարանի բեմախօսութիւնըը տպագրել, պաշ-

տօնական տեղեկագիրը չ'ելած: Յունիս 7ի հրաման մը պատուիրեց, որ երեսփոխանաց գումարումները անկէ վերջը դռնփակ ըլլան. համարելով այսպէս զսպել և սահմանափակել երեսփոխաններէն ոմանց «համարձակախօսութիւնը» ընդդէմ վարիչներուն, ընդդէմ երկրին բարոյական և նիւթական կացութեան:

Յունիս 9ի գումարման, որ դռնփակ կատարուեցաւ, երեսփոխաններէն ոմանք հաշիւ պահանջեցին Գանձին պաշտօնեայ, Երևուֆ փաշայէ, որ 6(X) միլիոն զուրուշի ներքին փոխառութիւն մը կ'առաջարկէր, առանց խոստովանելու որ Եւրոպոյ պետութիւնք զայն ժխտել էին անվստահութեամբ: Եւ սակայն այդ դրամը ամենակարեւոր էր և հարկ էր քուէարկել: Վիճարանութեան ժամանակ զաւառաց երեսփոխանք յաջորդեցին մէկմէկու. և Խարաճեան Դանիէլ էֆէնտի յաջողեցաւ քուէարկել տալ, որ՝ կարնոյ և վանայ զաւառներէն չ'ըլլըցուի փոխառութիւն. և այդ դրամին տեղ համարուին բանակին տրուած ցորինոյ և պաշարի մուրհակներ: Գիտէր Դանիէլ էֆէնտի որ այդ առնելիքները քաջըռելով երբէք պիտի չվճարուէին կամ առ նուազն կիսով:

Նիստերուն շրջանը աւարտելու համար, դեռ կային տասն գումարումէ աւելի, բայց Յունիս 19ին յանկարծ իմացուց նախագահը որ այն օրուան գումարումը վերջինն էր: Ազատախօս երեսփոխանք բողոքեցին և զիմեցին առ Սուլթանը, որ դեռ տասն օր ուշացուց խօսարանին փակումը. բայց երկու գումարումներ միայն եղան:

Խօսարանը ցրուելէն առաջ սահմանեց, որ պարապութեան ժամանակ, ըլլայ ի կ. Պօլիս մնայուն զիւան մը խօսարանական, Ալլահվէրտի Յովհաննէս էֆէնտի տնօրէնութեան ներքեւ: Յունիս 28ին Ահմէտ վէֆիր փաշա ծանոյց ժողովոյն որ կը փակուէր գումարմանց առաջին շրջանը. բայց երեսփոխանք կը մնային իրենց պաշտօնով մինչեւ ցնոր ընտրութիւն՝ որոնք պիտի ըլլային երեք ամիսէն: Նախագահը յիշեց այս քիչ ժամանակուան մէջ ժողովոյն կատարածները և յուսով յա-

պագային աւելի յառաջադէմ արդիւնքներու, լմնցուց խօսքը մաղթանօք մը վասն կենաց Սուլթանին, որուն պատասխանեցին ամէնքը համաձայն. և փակուեցաւ Խօսարանին առաջին շրջանը: Կատարացի երեսփոխանը գրեթէ ամենն ալ դարձան իրենց երկիրները, ուր մանաւանդ պատերազմը կարեւոր կ'ընէր իրենց ներկայութիւնը:

Պաշտօնէից
փոփոխութիւնը:

2. — Պարապութեան միջոց եղան պաշտօնարանական փոփոխութիւնը, Խօսարանին նախագահը՝ Ահմէտ վէֆիր փաշա, Անգղիոյ դրդամամբ, կուսակալ զրկուեցաւ յԱղլրիանուպօլիս, ինչպէս տեսանք ուրիշ տեղ. որով խօսարանը նոր նախագահ մը պիտի ընտրէր: (Գոստոս 30)ի պաշտօնարանական փոփոխութեանց ժամանակ Չամիչ Բովհաննէս էֆէնտի մնաց դարձեալ պաշտօնեայ վաճառականութեան և առ ժամս նաեւ Հասարակաց Շինութեանց, որուն փոխան պաշտօնէի էր Գրիգոր էֆէնտի ()տեան, որ քիչ վերջը դառնալով Պարիսէն, ուզեց հրաժարիլ պաշտօնէն. սակայն Արդիւ Համիդ չ'ընդունեցաւ հրաժարականը, որով մնաց ի պաշտաման:

Պետութեան
հայ պաշտօնեայը:

Այս առթիւ արդար պարտք մը կը համարիմ վկայելու որ երբէք հայ ազգը այնքան պաշտօնեայք ունեցած չէ թուրք սուլթանաց ժամանակ, ինչպէս Արդիւ Ազիզի ամբողջ թագաւորութեան և Սուլթան Արդիւ Համիտի գակակալութեան առաջին տասնեւ հինգ տարիներուն մէջ: Պաշտօնարանաց, դեսպանատանց, հիւպատոսարանաց, քաղաքական պաշտամանց մէջ, միշտ անհամեմատ բազմաթիւ էր հայութիւնը: Պատմութեանս սահմանափակ ծրագրէն դուրս կ'ելլէի, թէ ուզէի յիշել նոյն իսկ ամենէն նշանաւորքը պետական և քաղաքական խորհրդոց մէջ, բայց և չեմ կրնար լռել Միհրան բէյի, Աբրահամ փաշայի, Մաքսուտ Սեպուհ բէյի, Գուլումմեան Պետրոս էֆէնտիի, Ալլահվէրտի Բովհաննէս բէյի, Թընկըր Եավէր փաշայի, Սէր Վիչէնի, Նուրեան էֆէնտիի անուանքը: Ինչպէս Ելեւմտական և մաքսային մատակարարութեանց մէջ փորթուգալ Միքայէլ էֆէնտիի, Գազէգեան Ռակոպի էֆէն-

տրի անուանըը: Սբինական ինդրոց մէջ մեծ հեղինակութիւն մ'էր Գարրիէլէ Էֆէնտի Նորատունկեան, ուրիշներով միարան. և համալսարանական Սոսոցչութեանց մէջ Տնտեսագիտական ճիւղերով կը փայլէին Սագրգ Յովհաննէս Էֆէնտի և Գարագաշեան Կարապետ Էֆէնտի: Ասոնք ամենն ալ ծանօթ և յարգուած էին եթէ թուրք և եթէ օտար պետութիւններէ: Չեմ ուզեր յիշել ճարտարապետական, փաստարանական, երկրագործական, բժշկական ճիւղերը, Պալիանները, Ազնաւորեան մը, Մէրիէմգուլի մը, Ամասեան մը. Ստեփան փաշայ մը, Քեաթիպեան մը, Խորասանճեան մը. յետինքս բժշկութեամբ մրցեցան Եւրոպիոյ ուսուցչապետաց հետ: Բայց եթէ կար մասնաւոր ճիւղ մը յորում Հայք մեծագոյն ծառայութիւն մը մատուցին օսմանեան պետութեան, և մանաւանդ թէ նեցուկ եղան և բռնեցին զայն պատուով Եւրոպիոյ դիւանագիտութեան առջեւ, Արտաքին Գործոց պաշտօնարանն էր. յորում շատ անգամ տխրոսաւոր պաշտօնեայքը, անուն էին, և թուրքիոյ նուրբ և ճարտարամիտ քաղաքականութիւնը, էր միշտ Հայոց ձեռքը, թէ ընդ մայրաքաղաքին և թէ օտար մայրաքաղաքաց մէջ: Փոխուեցան պաշտօնեայք, բայց, չփոխուեցաւ ուղղութիւնը. որովհետեւ իրենց պաշտաման մէջ մնացին միշտ Համամճեան մը, Տատեան մը, ()տեան Խաչիկ Էֆէնտին, Սէֆէրեան Նշան Էֆէնտի, Չայեան Իլիաս, Թոգաթլեան Գասպար Էֆէնտի և դեռ բազումք, ինչպէս և Մեծ Գեսպանատանց հայ քարտուղարք և բազմաթիւ հիւպատոսք: Եւ որոց անձնանուէր և իմացական ծառայութիւնըր զնահատեցին և յարգեցին միշտ Սուլթանները: Չարմանք չէ որ այսօրինակ մտաւոր և նիւթական յառաջադիմութիւն մը ունենայ իր բարոյական ազդեցութիւնը, որով և հայ տարրը համեմատութեամբ փոքր, առաջին շրջանի երեսփոխանական ընտրութեանց մէջ ուրիշներու բաղդատութեամբ աւելի ներկայացուցիչք ունեցաւ:

3. — Սեպտեմբեր 6ին Բ. Գուռը յատուկ շրջաբերականով մը իմացուց որ երեսփոխանական ընտրու-

նական ընտրութիւնք Երկրորդ Շրջանին:

Թիւնք պէտք էին կատարուիլ Նոյեմբեր 13ին: Փաւառները պիտի ընտրէին 107 երեսփոխանք, յորոց 60ը իսլամ և 47ը ոչ իսլամ. ըստ Թուահամարոյ ժողովրդոց: Իսկ մայրաքաղաքը պիտի ընտրէր 10 երեսփոխանք:

Ընտրութիւնք կատարուեցան ժամանակին և շատերը առաջին շրջանին երեսփոխաններն էին. այս անգամ ալ համեմատութեամբ աւելի էր հայ տարրը, քանի մը փոփոխութեամբ: Ի Սերաստիա փոխանակ Շիրինեանի, ընտրուեւր էր Փափագեան Գէորգ էֆէնտի, Տրապիզոն զրկեց զ(Յովհաննէս էֆէնտի կիրեղեան. կարինէն փոխանակ խարաճեան և Պալլարեան էֆէնտինեբու, զրկուեցան Խան խաչատուր էֆէնտի Ներսիսեանց և Լըզնկացի կիրակոս էֆէնտի Գազանճեան: Կ. Պոլսոյ տասն երեսփոխաններէն վեցը թուրք էին, մէկը յոյն և երեքը հայազգիք՝ Ալլահվէրտի (Յովհաննէս էֆէնտի, Սագայեան Ալեքսան էֆէնտի և Գազէգեան Յակոբ էֆէնտի: Գանուրեան զաւառներն ալ այս անգամ հայազգի մը զրկեցին՝ Գազանճեան Յակոբ էֆէնտի: Ընտրուեցան կըկին Ռուրէն էֆէնտի Աղբրանուպօլսոյ, Խարաճեան էֆէնտի՝ Հալէպի, Երվրուեան էֆէնտի Պրուսայի, Սպարթալեան Յակոբ էֆէնտի՝ Ալտրնի, Ատանայի՝ Պոտիկեան էֆէնտի:

Խօսարանին
բացումը Սուլ-
թանն:

Խօսարանը բացաւ ինքնին Սուլթանը: Յետ յիշելու անցեալ շրջանին մէջ ելեւտական, քաղաքային օրինաց, տպագրութեան նկատմամբ բարեկարգութիւնքը, պատերազմական կացութիւրը, որ արգելք կ'ըլլար երկրին հանդարտ յառաջելուն, յետ շեշտելու որ «կայսրութեան փրկութիւնը Սահմանադրութեան անկեղծ և անթերի գործադրութեանը մէջ կը կայանայ, վերջացուց խօսքը բարձր իմաստով մը որ «Վիճարանութեան կատարեալ ազատութեամբ է որ օրէնսդրական և քաղաքական գործոց մէջ ճշմարտութեան կրնանք հասնիլ, և հանրական շահերը պաշտպանել: Սահմանադրութիւնը պարտք կը դնէ զայս Ձեր վրայ, և ես չեմ կարծեր որ այն մասին ուրիշ հրամաններ կամ քաջալերութիւններ Ձեզ տալու պէտք ունենամ: Բարձրեալին Աստուած, օրհնէ՛ մեր ամեննուս ջանքը»:

Խօսարանը յետ ընտրութիւնքը քննելու և վաւե-
րացնելու, առաջին անգամ հաւաքուեցաւ Գեկտեմբեր
18ին, Իիւանի ընտրութեան համար, և նախագահ ըն-
տրուեցաւ Կ. Պօլսոյ երեսփոխան՝ Հասան Ֆէհմի էֆէն-
տի. և երկու փոխան—նախագահք՝ Բրուսայի երեսփո-
խան շէյխ Պէհաէտտին և Ալլահվէրտի Յովհաննէս էֆէն-
տի: Գունարումները սկսան Յունուար 3ին, և առաջին
նիստին՝ խօսարանի կարեւորագոյն նիւթն եղաւ ոչ—մահ-
մէտական ազգաց զինուորագրութեան խնդիրը: Երեսփո-
խաններէն ոմանք թագի խօսից պատասխանին առթիւ
կ'ուզէին որ այդ խնդիրը շտապով քուէարկուի: Այս
ստիպող երազութեան դէմ խօսեցաւ Գազէզեան Յա-
կովբ էֆէնտի, որուն ատենարանութեան մէջ նշանաւոր
էր այն դիտողութիւնը «որ եթէ զինուորութիւնը պարտք
մ'է հպատակաց հաւասարութեան, այն ատեն պէտք
է ըլլայ նաեւ իրաւանց»: Գազէզեան Յակովբ էֆէնտի
առաջարկեց շտալ մղումն խնդրոյն, այլ թողուլ զայն
բնական ընթացքին և այսպէս ալ քուէարկուեցաւ առա-
ջարկը: Որով թագի խօսից պատասխանին մէջ յայտ-
արարուեցաւ միայն, որ Խորհրդարանը կը սպասէ այդ
նիւթին վերաբերեալ կանոնադրութեանը:

4. — Խօսարանին մէջ զինուորագրութեան նկատ-
մամբ այդ վիճարանութիւնը, ազօտ արձագանգ մ'էր
միայն, մայրաքաղաքին և զաւառաց մէջ եղած յուզմա-
նը: ոչ—մահմէտական ազգաց զինուորագրութեան հրո-
վարտակին նկատմամբ: Նոյեմբեր 27ի պաշտօնական ծա-
նուցում մը, քանի մը յօդուածներով կիմացնէր, որ ըստ
Սահմանադրութեան, զինուորութեան ծառայութիւնը
պարտաւորիչ ըլլալով բոլոր հպատակաց, «Նորին Կայ-
սերական վեհափառութիւնը իր բոլոր հպատակաց վայե-
լած կատարեալ հաւասարութեան զօրութեամբ, հաճե-
ցաւ հրամայել որ ոչ—մահմէտական հպատակները, որք
յատուկ կանոնադրութեան տրամադրած տարիքն ու-
նին, Կ. Պօլսոյ մէջ կազմուելիք քաղաքային զի-
նուորութեան անդամակցին»: Թէպէտ Բ. Գրան այդ
տրամադրութիւնը նոր բան մը չ'էր, այլ արդէն հաս-

Ոչ քրիստո-
նէայ ազգաց
զինուորագրու-
թեան խնդիրը:

տատուած 1856ի Խաղով: Բայց ինչպէս այն ժամանակ քրիստոնեայք հակառակեր էին, այս անգամ եւս յուզուեցան և ընդդիմացան. մանաւանդ որ ծանր էին հանգամանքները, պատերազմին պատճառաւ: Արդէն անցեալ տարուան առաջին խօսարանին մէջ ալ խնդիրք բացուեր էր. բայց երեսփոխանք ելից ճամբայ մը գտեր էին, պատճառարանելով որ ոչ-մահմէտական ազգերը, արդէն նոյն տարուան զինուորութեան զխահարկը վճարեր էին. որով խնդիրը կը թողուէր երկրորդ տարուան:

Սակայն դեռ տարին չ'աւարտած Բ. Գուռը իր բովը ոչ-մահմէտական երիտասարդ պաշտօնատէրները, քաղաքային զինուոր գրեց. և անոնց տուաւ սպայի համազգեստքը: Միանգամայն յանձնաժողով մը կազմեց յորում կային Հայոցմէ՝ Աէրվիչէն էֆէնտի, Գրիգոր Ատեան էֆէնտի, Միքայէլ Փորթուզալ էֆէնտի, Մաքսուտ Սեպուհ բէյ և Բակովըր էֆէնտի Գազէզեան, ու սումնասիրելու գործադրութեան եղանակը. և այս յանձնաժողովոյն նախագահ էր Ղալիպ փաշա, Կ. Պօլսոյ քաղաքապետը:

Եթէ հայ ազգը տագնապեցաւ այս զինուորագրութեան համար, շատ աւելի յուզուեցաւ յոյն ազգը, մանաւանդ Ռուսիոյ դէմ պատերազմի մը ժամանակ հրատարակուած ըլլալով տրամադրութիւնը: Դողովուրդը եկեղեցիներուն մէջ փորձեց արգիլելու հրովարտական ընթերցումը, և մինչեւ սպառնացաւ պատրիարքին զինքը գահընկէց ընելու թէ ընդունէր հրամանը¹:

Իսկ Հայ հասարակութեան խառն ժողովքը Դեկտեմբեր 18ին հաւաքուեցաւ ի Փում Գափու. նախագահն էր Նուրեան էֆէնտի, անդամ Պետական Խորհրդոյ. ներկայ էր նաեւ Ներսէս պատրիարքը: Վիճարա-

Զինուորագրութեան խնդիրը Հայոց Խառն ժողովոյ մէջ:

1. Թէպէտ Բ. Գուռը չէր դիմած պատրիարքարանաց: Արովհետեւ Սամանեան Սահմանադրութեան հրատարակուելէն վերջը, որով հաստատութիւն պիտի ըլլար հպատակաց, Բ. Գուռը ո՞ր և է ազգի մը չէր ճանչնար պատրիարքական առանձնաշնորհութիւններ:

նութիւնը սկսուելուն աւելի եռանդուն խօսողը եկեղեցական տարրը եղաւ. նախ խորէն Նարբէյ, և ապա Իգմիրլեան Մատթէոս Եպիսկոպոս, որ ուզեց ցուցնել թէ Բ. Դրան զինուորագրութեան համար քարոզած օրէնքի առջեւ հաւասարութիւնը, «չկայ ոչ կրօնքի և ոչ վտանգի առջեւ», և յիշեց շէյխ ճէլալէտտինի և ուրիշ քիւրտ բէյերու անպատիժ մնալը: Ուրիշները խղճերնին յայտնեցին որ այս անգամ «զինուորագրութիւնը անտեղի է. քանի որ պատերազմը Ռուսիոյ դէմ է, որ ոտք ելած է քրիստոնեաները պաշտպանելու մտքով՝»: Յանձնաժողով մը անուանուեցաւ Բ. Դրան տեղեկագրին պատասխան մը տալու. և Յանձնաժողովոյն անդամքն էին Խրիմեան Հայրիկ, Խորէն Եպիսկոպոս Նարբէյ և Մատթէոս Եպիսկոպոս Իգմիրլեան: Յանձնաժողովը կազմող անձնաւորութեան իմաստը յայտնի էր. որով և Բ. Դուռը իր բնածին խոհեմութեամբ, նկատի առնելով նաեւ Յունաց ընդդիմութիւնը, լռեց ոչ-մահամէտականաց զինուորագրութեան խնդիրը²:

Ծ. — Միանգամայն քրիստոնեայ և մանաւանդ հայ ազգին վրայ շատ տխուր տպաւորութիւն բրած էր որ Հայաստանի բոլոր յափշտակող, մարդասպան քիւրտ ցեղերու Էմիրները, պատուով կ. Պօլիս եկեր և հիւր եղեր էին Հաֆրզ փաշայի և ուրիշ մեծամեծներու, և պատուանշաններ եւս ընդուներ էին: Այս գրգռել էր հայ ազգը: Արդէն նոյն խկ թուրք երեսփոխաններ անկեղծ-

Խօսարանին մէջ զինուորական և քաղաքական կացութեան մասին:

1. Ազգասէր վարդապետին մէկը մինչև համարձակեցաւ ըսել որ «Քուրբերն իրենց աչքերն յառած են մեր վանքի և մշցի հայ երիտասարդներուն, ինչպէս նաեւ կ. Պօլսոյ ուսեալ երիտասարդութեան վրայ»: Մշակ 1878. թիւ 4.

2. Այս ժամանակիս լրագրութեան և մանաւանդ ոռուսահայ լրագրութեան մէջ զանազան կարծիքներ յայտնուեցան ի նպաստ և կամ հակառակ զինուորագրութեան: Զինուորագրութիւնը ունէր իր օգուտները ինքնապաշտպանութեան համար՝ ընդդէմ Հայաստանի ասպատակ ցեղերու: Զինուորութիւնը միշտ կրթութիւն մ'է. գայս կր տեսնենք այն երկիրներու մէջ ուր զինուոր կ'առնըցուի և ի Հայոց, ինչպէս ի Ռուսահայս, ինչպէս և ի Մասսաչուսէտս: Նպաստաւոր և հակառակ կարծիքները ի կշիռ դնելով, մեզ կ'երեւայ որ աւելի բազմաթիւ էին օգուտները. բայց յայտնի է ոչ այս պարագային մէջ:

օրէն եկեր էին բողոքելու պատերազմին կերպին և գլխաւորաց ոմանց դէմ: Հաճի իմին էֆէնտի միջադէպ մը յարուցանել տուաւ խօսելով «Թուրքիոյ զինուորական ծանր կացութեան վրայ». մինչեւ Քեանի փաշա, Մարաստան պաշտօնեայն, արգիւց վիճարանութիւնը, պատերազմի ժամանակ վտանգաւոր համարելով այսպիսի նիւթոյ մը վրայ վիճարանելը:

Յունուար 12ի գումարման մէջ, գաւառաց քաղաքային իշխանութեանց դէմ բողոքն սկսաւ Եէնիշէհիրլիզատէ Ահմէտ էֆէնտի, որուն ձայնակցեցաւ Հալէպի երեսփոխան՝ Խարաճեան Մանուկ էֆէնտի: Բեանոյս ատենարանութիւնը ծափահարուեցաւ ամենէն. բայց այսչափ միայն. գործադրութիւնը կը մնար Պետական խորհրդոյն և պաշտօնարանին:

Պաշտօնարանը տագնապեցաւ. և քիչ օր վերջը լսուեցաւ որ Էտէմ փաշա՝ հրաժարեր էր վէզիրութենէն և Սուլթանը նոր պաշտօնարանին վէզիր անուաներ էր զՀամտի փաշա, որուն օգնական եղեր էր Սային փաշա Ներքին գործոց մասին և Ահմէտ Վէֆիք փաշա՝ Հանրային կրթութեան:

Գաւառաց կե-
ղերիչ պաշտ-
նատիրաց
նկատմամբ:

6. — Նոր պաշտօնարանը առաջին անգամ ներկայացաւ խօսարանին Յունուար 17ին, յորում պետական խորհրդոյ անդամ՝ Իքիատէս էֆէնտի, ուզեց պաշտպանել զվարչութիւնը և զՊետական խորհուրդը, որոնք անգործ չէին կենար կատարելու իրենց օրէնադրական և գործադրական պարտքերը. «Ուստի Մանուկ էֆէնտիի և Յակովբ էֆէնտիի Պետական խորհրդոյ դէմ ուղղուած մեղադրանքներն, ըսաւ, իրաւացի չեն: Անցեալ օրը Եէնիշէհիրլիզատէ Ահմէտ էֆէնտին իր սովորական պերճախօսութեամբ սաստկապէս պարսաւեց Տէրութեան պաշտօնատէրները առ հասարակ. ըսաւ թէ ամենն ալ գող են և կաշառակեր: Արդարեւ գէշեր կան անոնց մէջ, կը խոստովանիմ. բայց բացառութիւններն ընդհանուր կանոն չեն: Կառավարութիւնը մեծ խզմտութեամբ կ'ընտրէ պաշտօնատէրները, բայց ժամանակը միայն ներկայ վիճակը կրնայ բարւոքել: Դպրոցներ պէտք են

մեզ. ամեն տեղ կրթութիւն պէտք է տարածել. ասկէց
գատ լաւ թողակ պէտք է վճարել պաշտօնատեսարց, որ-
պէս զի ուղղութեամբ ծառայեն: Անցեալ տարի Նիւրքին
գործոց Պաշտօնարանի ծախքերը մեծապէս պակսեցու-
ցիք, և այս տարի ելեր կը գանգտիք պաշտօնատեսարց
դէմ»:

Իրիատէս էֆէնտիի պատասխանեց Եէնիշէհիրլիզա-
տէ Ահմէտ էֆէնտի «Եթէ ժողովս խստութեամբ խօսե-
ցաւ Պետական ժողովոյն նկատմամբ, յանցանքը հոս իր
ներկայացուցիչներունն է: Անցեալ օր Պետական խոր-
հրդոյ անդամ մը ըսաւ մեզ, թէ իրենք շուտ շուտ օ-
րէնքներ շինելու համար գործարան մը չունէին, և թէ
օրինաց խմբագրութիւնը կամ մանաւանդ գործադրու-
թիւնը ժամանակ կը պահանջէ: Այսօր ալ կու գան մեզ
կ'ըսեն թէ տասնութիւն ամսուան մէջ ՅՅ օրէնք շինած
են, այսինքն ամեն տասն օրը, օրէնք մը: Ինչո՞ւ հա-
մար այս բանն անցեալ օր չ'ըսին մեզ, որպէս զի մենք
ալ Պետական խորհրդոյ գերբնական ձիրքերուն վրայ
սրանչանայինք:

«Իրիատէս էֆէնտին կառավարութեան պաշտօնա-
տարաց դէմ ըրած խօսքերս ալ հերքելու ելաւ: Բայց
ինքն հիմա խոստովանեցաւ իմ իրաւունք ունենալս՝
երբոր հաւաստեց թէ քիչ թողակով ուղիղ և անկաշառ
պաշտօնատէրներ չեն կրնար գտնուիլ:

Արդ ես կը հաստատեմ թէ կան: Չեմ ուզեր ուրիշ
գաւառաց մէջ անցած իրողութեանց վրայ խօսիլ: Իմ
պաշտօնակիցներէս իւրաքանչիւրը կրնայ իւր գաւա-
ռին վրայ խօսիլ. բայց ես Այտընի Վիլայէթին վրայ
կը խօսիմ քաջ ծանոթութեամբ: Կ'ուզէք որ ճշմարտու-
թիւնը զրուցեմ. իմ գաւառիս մէջ կառավարութեան
պաշտօնատէրները խոշտանգանք ի գործ կը դնեն. դա-
տարանաց մէջ յանձնուած աւանդները պաշտօնեայք կը
գողնան. ոստիկանութեան զինուորք ժողովուրդը կը
կողոպտեն: Ահա այս է մեր պաշտօնատարաց վիճակը:
Ասկէ զատ՝ ժողովոյս բռնելիք ընթացքը սովորեցնելու
և մեզի դաս տալու կու գան: Չենք կրնար ներել ազոր»:

Ելենիշէհիրլիզատէի խօսքը ողջունուեցաւ մեծաձայն հասարակաց ծափահարութեամբք: Կաւառաց մէջ եղած անկարգութիւնը, զայրացուցեր էին հաւասարապէս թէ քրիստոնեայ և թէ թուրք ժողովուրդները: Չանազան երեսփոխանք բողոքեցին որ իքիատէս էֆէնտիի խօսակցութիւնը արհամարհանք մ'էր խօսարանին. և Ռուբէն էֆէնտի գոչեց որ «Արդէն անցեալ օր ըսի Չեզ որ Պետական խորհուրդը կը ծիծաղի միշտ երեսփոխանական խորհրդոյն վրայ»: Պահանջուեցաւ որ իքիատէս էֆէնտի խօսքերը ետ առնու և ինքզինքը արդարացնէ: Չայդ պնդեց և նախագահը և իքիատէս էֆէնտի մեկնաբանեց իր ըսածները, թէ ընաւ դիտումն չ'ունէր արհամարհելու ժողովքը, որով փակուեցաւ միջադէպը:

Նորէն խնդիրը դարձաւ պատերազմին և անոր վերաբերեալ մատակարարութեանց վրայ, և երբ կ. Պօլսոյ երեսփոխան Լամին էֆէնտի, քննադատեց նաեւ ծովային զօրութեան պաշտօնարանին բռնած ընթացքը, խարաճեան Մանուկ էֆէնտի գոչեց որ «Արդեօք աղորհամար էր որ Կովային Չօրութեան պաշտօնէին ամսականը 25,000 ղուրուշի բարձրացաւ¹»:

Ապա ժողովը զբաղեցաւ Բանձնաժողով մը կազմելու երեսփոխաններէ, մայրաքաղաքը դիմող գաղթականներուն օգնելու համար. և Հայաստանի ու Պալկաններու երեսփոխանք աւելի սաստկապէս կը զգային այս Բանձնաժողովոյն կարեւորութիւնը: Սուլթանը մասնաւոր հաճութեամբ Պալատը հրաւիրեց Բանձնաժողովը և մինչև խոստացաւ ինքնին նախագահելու: Արդէն զանազան անգամ անձնական գանձէն մեծամեծ գումարներ տուեր էր այդ նպատակին:

Խօսարանը բարեկարգութեան և գաւառաց մէջ պաշտօնատեսարան զեղծումներուն դէմն առնելու եռանդով, ձեռնհաս իշխանութեանց ուշանալը անտարբերութիւն համարելով, ինքնին ուզեց թեւակոխել պատժական աս-

1. Ձր. 5040.

պարիզին մէջ: Յունուար 23ի գումարման մէջ կարողացաւ աղերսագիր մը բազմաթիւ ստորագրութեամբ Պուրտուր քաղաքէն, Ղոնիայի վիլայէթին մէջ, որ կը պատմէր կառավարչին անիրաւութիւններն և զօջաքաղութիւնները և կը խնդրէր պաշտօնանկութիւնը: Երեսփոխանացմէ ոմանք յիշեցուցին որ անցեալ տարի ալ այս օրինակ բողոքներ անլուր մնացեր էին. «Միթէ անցեալ տարի, զոչեց Ռուբէն էֆէնտի, երեսփոխան Աղրիանուպօլսոյ, չորոշեցինք Սելանիկի Տէֆտէրտար էֆէնտիի պաշտօնանկութիւնը, գործած զեղծումներուն և զինուորական մատակարարութեան մէջ ըրած գողութիւններուն համար. զորս հաստատեց նոյն իսկ Հասան փաշա՝ Նախագահ Տարի-Շուրայի: Եւ սակայն մինչեւ այսօր պաշտօնին վրայ կեցած է»: Ռուբէն էֆէնտիի բողոքին ձայնակցեցան շատ մը երեսփոխաններ, որոնք պատրաստած էին շարք մը ամբաստանութեանց և պաշտօնընկէցութեանց:

Լնկիւրիի երեսփոխան Մելգոն էֆէնտի ծանր յայտնութիւններ ըրաւ Լնկիւրիի պետական հաշիւներու խարդախման: Նախագահը Հասան Ֆէհմի փաշա, դիտեց որ ժողովը պաշտօնատեարց պաշտօնընկէցութիւնը պահանջելով, իր սահմանէն դուրս կ'ելլէր: Բայց ուրիշ երեսփոխանք յորս և Գազէզեան Յակովբ էֆէնտի, յայտարարեցին որ «ձեռնհաս իշխանութեանց անհոգութեան առջեւ ուրիշ միջոց չեն գտներ»: Բաջորդեցին ուրիշ ատենախօսք: Բէյրութի երեսփոխան Պետրան էֆէնտի պատմեց թուրքիոյ այդ նշանաւոր նաւահանգստին մէջ եղած գողութիւնքը 20 տարիներէ ի վեր: Եւ դառնալով Պուրտուրի կառավարչին խնդրոյն «Մեր ժողովուրդներն, ըսաւ, երկչոտ են. դիւրաւ ձայն հանելու չեն համարձակիր իրենց կառավարչաց դէմ: Երբոր ձայն կը հանեն, ապացոյց է որ այդ կառավարիչներուն անիրաւութիւնները և կեղեքումները չափն անցուցած են»:

Իզմիրի երեսփոխան Մինա էֆէնտի հաստատեց Եէնիէնհրիլիզատէ Ահմէտ երեսփոխանին Ալտընի կուսակալութեան նկատմամբ անցեալ գումարման մէջ ըրած ծանր

ամբաստանութիւնները: «Մ'եր նահանգին մէջ, ըսաւ, այո՛ տանջանք ի գործ կը դրուին. պաշտօնատարք գողութիւն կ'ընեն, ոստիկանութեան գործակալը ժողովուրդը կը կողոպտեն»: Իր խօսքը լմնցուց բողոքելով կառավարութեան անհոգութեան դէմ:

Աղբիւրանուազլսոյ երեսփոխան Հիլմի էֆէնտի բողոքեց չէրքէզ զինուորներուն դէմ, որոնք կը կեղեքէին պատերազմէն իրենց ունեցածներով փախչող աղքատ ժողովուրդը: Նոյն բողոքը ըրաւ նաեւ Ռոտոսթոյի յոյն երեսփոխանը, առաջարկելով որ «Այդ վայրագ աւարառուններ Ասիա դրկուին»: Աղաղակներ մը լսուեցան և Կազէզեան Յակովբ էֆէնտի գոչեց. «Այդ չարութիւնները Ասիա՞ ընելու համար»: Ժողովքը որոշեց որ այդ խնդիրը դիւաններուն մէջ քննուի:

7. — Եւ որովհետեւ սկսեւ էին պատերազմի, նկատմամբ հաշտութեան մը ձայներ, Խարաճեան Մանուկ էֆէնտի, յանուն 500,000 Հայոց, որոնք, ըսաւ կը գտնուին Հայաստանի մէջ, և որոց նախնիքը 500 տարիէ ի վեր այնքան հաւատարմութեամբ ծառայեան օսմանեան պետութեան. յանուն և երեսփոխանական ժողովոյն մէջ գտնուած իր ընկերներուն, խնդրեց որ՝ «Էթէ Ռուսոյ Տէրութեան պատերազմական ծախք հարկ ըլլայ վճարել, կը խնդրենք վեհափառ Սուլթանէն, որ Հայաստանէն երկիր չտրուի, տեղը դրամ վճարուի. և եթէ այս անհնար ըլլայ. մեր բողոքն յանուն ազգին՝ բարեկամ տէրութեանց ուշադրութեանը ներկայացուի: Իսկ թէ Ռուսաց անպատճառ հող պիտի տրուի, կը խնդրինք որ չտրուի Հայաստանէն. Տէրութեան ամեն ժամանակ տազնապ բերող կողմերէն տրուի»: Մանուկ էֆէնտի խօսքերը հայրենասէր քաղաքագիտութեան մը հետ կը զգուէին նաեւ թուրք անձնասիրութիւնը: Սահմանեց ժողովքը որ իր առաջարկը նկատողութեան առնուելով՝ դրկուի կայսերական վարչութեան:

Եւ որովհետեւ այն օրերը քաղքին որմոց վրայ դաւաճանական յեղափոխական այլ և այլ գրգիռներ կրպցուած էին. Հալէպի երեսփոխաններէն՝ Քատրի բէյ,

Հայ երեսփոխանաց խնդիրը որ Հայաստանէն հող չտրուի Ռուսաստանի:

բողոքեց այդ ծածուկ խռովիչներուն դէմ, որուն համա-
ձայնեցան բոլոր երեսփոխանք և ծափահարութեամբ
կնքուեցաւ այն աւուր գումարումը:

Տ. — Սակայն վարչութիւնը բնաւ խոստում մը
չ'ըրաւ երեսփոխանաց ժողովոյն, նկատմամբ գաւառաց
մէջ կուսակալաց և կառավարչաց զեղծումներուն և ե-
րեսփոխանք չլոցելին: Յունուար 28ի գումարման մէջ
Խարաճեան Մանուկ էֆէնտի առաջարկեց որ վերնայ
աւարի հաւաքման դրութիւնը, որով պաշտօնատեարք
այնքան կը կեղեքէին աղքատ գիւղացին. և արդար,
հաստատուն տուրք մը դրուի հողերու վրայ, ըստ ի-
րենց աստիճանին, ինչպէս քաղաքականացեալ երկիր-
ներու մէջ: Մեծամասնութիւնը համաձայնեցաւ և որո-
շեց որ առաջարկը զրկուի դիւաններուն: Այն ատեն
կարնոյ երեսփոխան կիրակոս էֆէնտի առաւ խօսքը
անցեալ անգամուան Պուրտուրի կառավարչին նկատ-
մամբ ամբաստանութիւններուն մասին ընդհանուր կու-
սակալին հարցուած ըլլալուն համար. համարձակ քսաւ
որ սխալ է այդ ոճ քննութիւնը: «Եւ որովհետեւ ժո-
ղովոյ նախագահը ուզած էր որ առաջարկս գրով տամ, ես
ալ այնպէս կ'ընեմ: Կ'ըսուի թէ պաշտօնատիրաց զեղծ-
մանց վրայ շատ կը խօսինք. ըստ իմ կարծեաց՝ շատ
քիչ կը խօսուի. որովհետեւ մեր կրած չարեաց ամենն
ալ պաշտօնէից զեղծմանց հետեւանքն են: Միայն թէ
պարտիմք առաւել զեղծման պատճառներն երեւան հա-
նել և անոնց դարման տանել»: Յետոյ յօդուած, յօ-
դուած շարայարեց զեղծմանց պատճառներն և դարման-
ները. պահանջեց որ տեղւոյն մեծին միայն հարցնելու
դրութիւնը ջնջուի. «Մինչեւ այսօր մեծ կամ փոքր
պաշտօնէի մը վրայ, ըսաւ, գանգատ ըլլալու պատճա-
ռաւ պաշտօնանկ ըլլալն եթէ տեսնող կայ, թո՛ղ ըսէ»: Համարձակօրէն ըսաւ որ ոչ միայն պաշտօնանկ չէին
ըլլար այդ գէշ պաշտօնատարք, այլ գուշակելով և իմա-
նալով իրենց արարքներուն դէմ բողոքողքը, կը սկսէին
զանոնք հալածել և փճացնել, այսպէս լաւերը կը լմնային
և կը մնային անխիղճերը: Ապա յարեց որ երկրին վաճա-

Վարձեալ գա-
ւառաց պաշտօ-
նեաներու բն-
տրութեան և
քննութեան
համար:

ուսկանութեան, արհեստից, գիտութեանց, օգտակար գործոց ետ մնալուն պատճառ այդ պաշտօնատեսարբ էին և կարգաւ շարեց այդ պաշտօնատեսարց պատերազմի ժամանակ, Հայաստանի մէջ, Պետութեան մթերքներէն, թնդանօթներէն, ձիերէն և ամեն բանէ ըրած գուութիւնները և բնաւ բանի մը փոյթ չունենալը. որով այնքան անձնանուէր ժողովուրդներ ունենալով հանդերձ, պատերազմը այսօրինակ ձախող վախճան մը ունեցաւ: «Ժողովրդեան 1000, 2000, 3000 ղուրուշի գնած և կամ պատերազմին նպաստ տուած ձիերն ու ջորիները, մանաւանդ Սերաստիայէն, Գաղատիայէն, Ղոնիայէն, Աւարիայէն, կամ այլ կողմերէ եկած և մինչեւ 10.000 ղուրուշի արժէք ունեցող ձիերուն և ջորիներուն մէկ մասը աներեւութանալուն, մէկ մասին ալ 70ական ղուրուշի ստորին պաշտօնէից ձեռքով ծախուելուն կը հաւատամք. կը հաւատամք եթէ ըսեմ ձեզ թէ խիստ հեռաւոր տեղերէ կարին արմտիք փոխադրող գիւղացիք, 20–30 օր ճամբայ քալելէ ետեւ, 30–40 օր ալ կարնոյ փողոցներուն մէջ թափառելու հարկադրեցան, որպէս զի կարող ըլլան պաշտօնատեսարաց ձեռքէն անդորրագիր մը ստանալու, թէ սայլով բերած արմտիքնին յանձնեցին»: Կիրակոս էֆէնտի կը խօսէր յուզեալ և երբ ատենարանութիւնը վերջացնելով պահանջեց խիստ քննութիւն Պուրտուրի կառավարչին, և ամենայն խստութեամբ պատիժ մը, թէ ստուգուին գանգատները, բոլոր երեսփոխանք ծափահարեցին:

Կարգաւ ուրիշ երեսփոխաններ ալ պատմեցին իրենց գաւառներուն մէջ գործուած աւարառութիւնը և անօրէնութիւնը: Բուրկազի երեսփոխանը պատմեց մահմէտական ալքանիացիներուն աւազակութիւնը: Քրիստոնեայ ժողովրդեան 800 հոգոց եկեղեցի ապաւինիլը, յորոց 200 միայն ապրեցան և «600 հոգի կանայք և մանկունք, զոհ գնացին այդ հրէշներուն խժովութեան»: Ժողովըրը յուզուեցաւ մանաւանդ լսելով ահաւոր մանրամասնութիւններ, քուէարկեց որ փութով քննուի և դարման տարուի. բայց իր ազդեցութիւնը ոչինչ էր ժողովարանի որմերէն դուրս:

Գ. — Յունուար 29ի նիստը աւելի յուզեալ եղաւ։ Նախ Սազայեան Ալեքսան էֆէնտի, երեսփոխան կ. Պօլսոյ, բողոքեց որ մինչդեռ քաղաքին մէջ հազիւ մէկ ամուսն մը ցորեն կայ, շատ մը շահադէտներ ի վառնա, Սիլիստրի, Օսման Բազար, անբաւ ցորեն պահած էին, որոնք ապա Ռուսաց ձեռքը ինկան։ Ալեքսան էֆէնտի ժողովոյ ուշադրութիւնը հրաւիրեց այս նիւթոյն վրայ, և ժողովը որոշեց միաձայնութեամբ գրել առ Բ. Դուռը։ Ժողովը յետոյ անցաւ իր պատուոյն վերաբերեալ խնդրոյ մը. վազրք լրագիրը կծու ըննադատութիւններ ըրեր էր երեսփոխանաց Խօսարանին նկատմամբ և լրագրական դիւանին տնօրէն՝ Մաճիտ բէյ, որ Պետական խորհրդին ալ անդամ էր, նամակով մը առ վազրք, յայտներ էր իր գոհութիւնը։ Արդ Եաննայի երեսփոխան Մէհէմէտ Ալի կը պահանջէր որ Մաճիտ բէյ ամբաստանութեան տակ ձգուի։

Տպագրութեան ազատութեան վեճեր։

Ալեհավէրտի Յովհաննէս էֆէնտի պաշտպանեց տպագրութեան ազատութիւնը «Քանի որ գումարումները բաց են, ազատ է ամենայն ոք ըննադատելու» ըսաւ։ Նոյնպէս պատճառարանեց Գազէզեան Յակովբ էֆէնտի, աւելցնելով որ «Մամուլն է ազգաց դաստիարակը. ըննադատութիւնը ազատ պէտք է ըլլայ»։ Եէնիշէհիրլիզատէ երեսփոխանը խօսեցաւ որ լրագրաց կարեւորութիւն մը պէտք չէ տալ «Ես օտար լեզու չեմ գիտեր, ըսաւ, որ օտար լրագիր կարդամ. բայց թուրք լրագիրներէն մէկն ալ կարդալու բան չէ. անտեղութենէ զատ ուրիշ բան չեն գրել, և սուտէն զատ ուրիշ բան չեն հրատարակել»։ Նախագահը խնդրոյն վերջ մը տալու համար ըսաւ առ Մէհէմէտ Ալի, որ իր առաջարկը գրով պէտք էր տայ, այն ատեն կը ղրկէր դիւաններուն ըննութեան։

Յետոյ խօսուեցաւ պաշտօնատեսարց թոշակներուն վրայ, որոց սակաւութիւնը, ըստ ոմանց, պատճառ կ'ըլլար կեղեքմունքներու և զողութեան։ Բայց կարնոյ երեսփոխան Կիրակոս էֆէնտի, յայտարարեց որ 100,000 դուրուշ թոշակ ստացող անհաւատարիմ պաշտօնեաներ տեսեր է, ինչպէս նաեւ խիստ հաւատարիմ պաշտօնեայ

որ 500 զուրուշ կը ստանայ: «Լաւագոյն միջոցն է, լաւ ընտրութիւնն ընել»: Նոյն իմաստով խօսեցաւ երկար ատենաբանութիւն մը Արդիւլ բէյ, երեսփոխան Լանսայի, և խնդիրը զիւաններուն զրկուեցաւ:

Պաշտօնարար-
նին հրատարակ-
ւր. — Ահմէտ
Վէֆիբ փաշա
նախագահ
պաշտօնարար-
նին:

10. — Այս ամեն ազատախօս և թերեւս զիւանա-
կան սահմանէ քիչ մը անդին ատենախօսութիւնը, բու-
լղրովին նոր՝ թէ Բ. Գրան և թէ Թուրքիոյ համար, և
մանաւանդ զաւաններու պաշտօնատիրաց համար, որոց
պատասխանատուն էր ինքնին պաշտօնարարներ, և որ չէր
զգար կարողութիւն զարման տանելու, տազնապեցոց
զվարչութիւնը. մանաւանդ որ քննադատութիւնը և ամ-
բաստանութիւնը, յայտնի հրապարակաւ էին. և զումար-
մանց մէջի ատենախօսութիւնը ամենայն ոք կը կարդար
երկրորդ օրը լրագիրներուն մէջ: Համտի փաշա մեծ
վէզիրը, տուաւ հրատարականը և Սուլթանը պատեհ հա-
մարեցաւ վարչութեան զլուիս կանչելու զԱհմէտ Վէֆիբ
փաշա, որ երբեմն նախագահ խօսարանին, կրցել էր
սանձելու երեսփոխանաց եռանդը: Ահմէտ Վէֆիբ փաշա
յանձն առաւ Սուլթանի փափագը, պայմանաւ որ վեր-
նայ մեծ վէզիրութեան անունը և անկէ վերջը այդ պաշ-
տօն կրողը, կոչուի նախագահ: Պաշտօնարանին, որ ա-
նենայ թէ հաւաքական և թէ անհատական պատասխա-
նատուութիւն: Արդիւլ Համիդ յանձն առաւ. և Ահմէտ Վէ-
ֆիբ փաշա կազմեց պաշտօնարարներ, յորում մտաւ դար-
ձեալ Չամիչ Ռովհաննէս էֆէնտի՝ պաշտօնեայ Հա-
սարակաց շինութեանց և Առեւտրական գործոց: Քիչ օր
վերջը մտաւ Պաշտօնարանին մէջ իբրեւ Արտարին գոր-
ծոց պաշտօնեայ՝ Սալֆէթ փաշա, հանրաժանօթ իր
արդարակորով և սուր դատողութեամբ, որուն համար
մեծ զոհութիւն յայտնեցին բոլոր Էւրոպիոյ պաշտօնա-
րանը ¹:

1. Ահմէտ փաշա վերցոց այն սովորութիւնը, բոս որում մեծ վէզիրի
առաջնէ համագրեւոտով կ'երթային ոտտիկանութեան պաշապանը: Ինքը կ'եր-
թար պալատ և պաշտօնարան, փողոցի կողքով մը: Թէպէւ Սուլթանը լսե-
լով գայտ, իրեն նուէր զրկեց երկձի կառք մը:

11. — Խօսարանին մէջ շարունակեցին ատենա-
խօսութիւնը երկրին թշուառութեանց նկատմամբ և մա-
նաւանդ չէրքէզներուն և քիւրտներուն ըրած աւարա-
ռութեանց, և ատոնց ըրած գերեվաճառութեան դէմ,
նոյն իսկ մայրաքաղաքին փողոցներուն մէջ, Սերաստիոյ
երեսփոխան՝ Փափազեան Դէորզ էֆէնտի երկար ճառ
մը կարդաց դատարանաց մէջ գործուած անկարգու-
թեանց դէմ: Խօսարանը զրկեց ճառը ղիւանական քննու-
թեան: Ահմէտ Վէֆիք փաշա որ նոյն օրը ներկայացեր
էր Խորհրդարանին, խօսեցաւ նոր պաշտօնարանին ծրա-
գրին վրայ և ծափահարուեցաւ: Երանօթ էր ամենուն
Ահմէտ Վէֆիք փաշայի խիստ կանոնասիրութիւնը թէ
իր անձին և թէ ուրիշ պաշտօնատէրներու համար, որով
և իր բացատրութիւնքը առ հասարակ ծափահարուեցան:

Հետեւեալ գումարումները բարձրաձայն բողոք մ'էին
երեսփոխանաց ընդդէմ վարչութեան, որ դեռ կը թողուր
չէրքէզներուն ամեն տեսակ անօրէնութիւն: Կ. Պօլսոյ
փողոցներուն մէջ կը վաճառուէին քրիստոնեայ եկեղե-
ցիներէ գողցուած սրբազան անօթք, զգեստեղէնք. դար-
ձեալ յափշտակուած եզներ, ոչխարներ: «Կ. Պօլիս քա-
ղաքը, գոչեց Սուսնուքի երեսփոխան Պաւլաքի էֆէնտի,
Կ. Պօլիս քաղաքը ընդարձակ սպանդանոց մը դարձեր
է: Ամեն փողոցներու մէջ եզներ և կովեր կը մորթուին
և օխան մինչեւ շ զուրուշի կը ծախուին: Կամուրջէն
մինչեւ այս ժողովարան՝ յիսունէն աւելի եզ տեսայ
մորթուած: Վաճառումը կը շարունակէ: Չեր ըսածնե-
րէն ոչ մին եղած է:

«Ուրիշ աւելի կարեւոր խնդիր մ'ալ կայ, որ ժո-
ղովիս խորին ուշադրութիւնը պէտք է գրաւէ: Այդ ա-
ւազակները, այդ բարբարոսները, այդ դաւաճան չէր-
քէզները, անլուր խժոժութիւններ ընելէ ետեւ, Կ. Պօ-
լիս եկած ժամանակնին հազարաւոր մանչ և աղջիկ
ողայք յափշտակած են, զորս այսօր փողոցներուն մէջ
իրրի գերի կը վաճառեն: Հայոց և Բունաց հասարա-
կութիւններն իրենց պատրիարքարաններուն միջոցաւ
գնեցին այդ դժբաղդ էակներէն մի քանին. բայց յափշ-

Խօսարանը
ընդդէմ Չէր-
քէզներուն ա-
ւարառու-
թեանց:
Փետրուար 2:

Փետր. 5:

տակողաց ձեռքը տակաւին 3000էն աւելի տղայք կան, արու և էգ: Չինկեանէ ազգէն այ կան որ այդ առու տուրով կը գրադին: Ոստիկանութիւնը եթէ անոնց թաղերուն մէջ խուզարկութիւն մ'ընէ, 500էն աւելի քրիստոնեայ տղայք կը գտնէ, զորս յափշտակիչները վաճառելու սահմանած են»: Ապա առաջարկեց անմիջապէս զիր մը գրուելով Ռ. Դրան, խնդրուի այդ թշուառներուն ազատումը և յափշտակողաց խստիւ պատժուիլը: Պաւլաքի էֆէնտի ըսածներն հաստատեց նաև Յակոբ էֆէնտի Գազէզեան և յուզուեցաւ բոլոր խօսարարներ: Երկար վիճուեցաւ ուր զրկել բնակութեամբ այդ չէրքէզները, ի Տրիպօլիս թէ Պաղտատ: Բայց ամեն գաւառի երեսփոխան կը բողոքէր սաստկապէս, երբ իր երկրին անունը կը լսէր, որով և ժողովը կնքուեցաւ առանց որոշողութեան մը՝: Վիճարանութեան մէջ քանի մը թուրք երեսփոխանը միայն, ուզեր էին պաշտպանել զչէրքէզս, որ պատմութեանը չափազանցութիւնը են և այդ պաշտպանողաց թիւէն էր նաև Եէնիշէհիր լիզատէ երեսփոխանը:

Ահմէտ Վէֆիք փաշա, յետ խիստ հրամաններու գերեզմանութեան նկատմամբ, իմաստուն փափկանկատողութեամբ մը, երկրորդ օրը այց ելաւ պատրիարքարանաց և ի մասնաւորի Հայոց պատրիարքին, ուսկից իմանալով որ յիրաւի չէրքէզներուն քով կային բազմաթիւ մանչ և աղջիկ տղայք, խնդրեց որ յարմար անձ մը սահմանէ, որպէս զի Ոստիկանութեան գաղտնի խուզարկուաց հետ, գտնեն թագստեան տեղերը և առնուն զանոնք չէրքէզներուն ձեռքէն:

12. — Այս ատենարանութեան ժամանակ ուսրանակը յառաջելով հասեր և տիրեր էր Ռոտոսդոյի, և կը սպառնար իսկ մայրաքաղաքին: Երեսփոխանը որ

Պատերազմին
ձախողելուն
պատասխանա-
տուութեանը
քննութիւն:

1. Ի սակայն պատերազմն վերջը այդ բարբարոսները մեծա մասամբ զրկուեցան ի Հայաստան և Փոքր Ասիա, որոնք հարիւրաւոր հայ զիւղեր կողոպտեցին և այրեցին:

արդէն կանխապէս բողոքեր էին պատերազմի պաշտօնարանին գործելու եղանակին դէմ. այս անգամ պահանջեցին որ խօսարանը քննէ և իմանայ պատերազմին ձախող ելլից պատասխանատուութիւնը: Պահանջեց որ Պատերազմի պաշտօնեայ Ռէուֆ փաշա ներկայանայ խօսարանին և բացատրութիւններ տայ շատ մը հրամանատարներու տուած հրամաններու վրայ. պահանջեց որ զիտնայ նաեւ Չինադադարման պայմանները: Բայց Ահմէտ Վէֆիք փաշա չէր կարող ըսել հրապարակաւ, և ելաւ խօսարանէն նեղացած¹:

Փետրուար 28ին Ոստիկանութեան զլուխը Մէհմէտ փաշա իր մօտ հրաւիրեց թուրք երեսփոխաններէն տասը անձինք յորս նաեւ Իզմիրի նշանաւոր երեսփոխան Էջնիշէհիրլիզատէ և իմաց տուաւ որ խօսարանը փակուած ըլլալով, իրենց ներկայութեան պէտք չկար մայրաքաղաքին մէջ. ուստի անմիջապէս վերադառնան իրենց տեղերը: Իսկ Ազրիանուպօլսոյ երեսփոխան Բասիմ բէյ, Բրուսա պիտի երթար: Այսպէս կը փակուէր և կը վերջանար թուրք խօսարանը. շատ մը ճշմարտութիւններ աներկիւզ ըսելով գաւառաց նկատմամբ, բայց զգալով միանգամայն որ իր ըսածները էին «ձայն յանապատի»: ձայն մը զոր խեղդեց Բ. Դուրը, ոչ առ չկամութեան բարեկարգութեանց, այլ իր անկարողութիւնը ամեն օր չլսելու համար:

Խօսարանին
փակումը:

1. Քեոյեթի ցայրուեկ Կոլոնիոյ լաւ տեղեակ լրագիրը հրատարակեց որ Ահմէտ Վէֆիք փաշա խօսարանէն ելլալով նեղացած, ըսած ըլլայ որ «Ասանկ ժողովով չեմ կրնար կառավարել»: և Սուլթանին առաջարկեր է փակումը. նկատի առնելով պատերազմին կացութիւնը: Բայց ընդհանուր կարծիք է որ յեղափոխական դաւ մը եւս կասկած .եցաւ մայրաքաղաքին մէջ, որուն մասնակից եղած ըլլան և երեսփոխաններէ ոմանք: — Ինչ ալ ըլլայ ժողովը ցրուեցաւ ազատախօսութեանը համար, յորում աւելի փայլեցան բրիտոնեայ մանաւանդ հայ երեսփոխանը. որոնք ցըցուցին իրենց յարմարութիւնը խօսարանական վարչութեան:

Գ Լ ՈՒ Խ Ի Դ .

ՈՒՒՄՔ Ի ՏԻՒԹՊՊԷ-ՅԱԿԻՒԱՆՈՒՊՈՒՄ

1. Պէլճիայի անկմանն փերջը երկու կողմի բանակները. —
2. Ի Կ. Պոլիս հաշտութեան փափագներ. — 3. Սերբիա պատե-
րագի կը հրատարակ թուրքիոյ. — 3. Նիշի առումը Սերբերէն. —
4. Ռուսը կ'անցնին Բալկանները. — 9. Զորավարն Գուրգո կը տիրէ
Սոֆիայի. — 5. Զրպգայի թուրք բանակին անձնատուր ըլլալը.
— 6. Ռուսը ի Ռումէլի. — Կը տիրեն թաթար թագաւորքի,
Տիւրիպլէի և Ալբանուպոլսոյ. — 7. Զորավարն Աքորէլէֆ կը
չուէ ի Կէլիպոլու. — 8. Զարէփիչի և Միսմէրմանի բանակները.
— Թագաւորքի կոտոր. — 9. 1877ի և 1878ի նաւական պատե-
րագիներ. — 10. Մոնաէնկերոյի պատերազմներ. — 11. Յոնաու-
տանի յուզմունքը. — 12. Ապստամբութիւնք ի Թեսաղիա, Կպի-
րոս, Մակեդոնիա. — 13. Արեւելի ապստամբութիւնք և տեղական
վարչութիւնք. — 14. Ռուսը ի Կարին. — Շէկիսֆիքսի գորս-
վարին մահը:

Պէլճիայի անկ-
մանն փերջը
երկու կողմի
բանակները:

1877

1. — Արդէն Կարսի առումը և Հայաստանի թուրք
բանակին մեծաւ մասամբ անձնատուր ըլլալը, տկարա-
ցուցեր էր յայտնապէս թուրքիոյ զինուորական կացու-
թիւնը Ռուսիոյ բաղաւորմամբ: Վրայ գալով Իեկտեմ-
բերի մէջ Պէլճիայի անկումը և Օսման փաշայի բնախ
բանակին անձնատուր ըլլալը, թուրքիոյ վարչութիւնը
ընթանց որ չէր կարելի պատերազմը շարունակել թէ
ոչ առաւելագոյն, և ոչ իսկ հաւասար բաղադրով: Ի Կա-
րին, Տրապիզոն և Բաթում եղած բանակները, հազար
35,000 զինուորաց կը հասնէին: Եւրոպայի մէջ ընդ
ամենը կային զրեթէ 200,000 զինուորք, որոց մեծ

մասը սակայն ցրուած էր քաղաքներու պահանորդութեան: Սոֆիա ունէր 30,000 զինուոր, Չրպցայի անցքին մէջ կային ուրիշ 30,000. Վիտինի և Նիշի ըով կային 35,000 զինուորք. Դանուբի բանակն էր 60,000: Դարձեալ Շումլայի Սիլիստրիի, Ռուսնուքի և Վառնայի պահանորդք կրնային 35,000 համրուիլ, որոց վրայ աւելցնելու է 16,000 եգիպտացիները Դորրուճայի մէջ:

Իսկ Ռուսիոյ, արդէն ստուար բանակին վրայ՝ Պլէվնայի անկմամբ, կ'աւելնար 150,000 զինուորաց տրամադրելի բանակ մը եւս:

Պլէվնայի առմանէն վերջը Աղեքսանդր կայսրը և Ռուսմանիոյ կարող իշխանը՝ բարձրագոյն հրամանատարաց հետ ժողուելով, սահմանեցին անցնիլ Բալկանները Արար Քոնսաքի մինչեւ Տվարտիցա կիրճերէն, չուել Ֆիլիպպէի և Աղրիանուպօլսոյ վրայ և թուրքիոյ նոր բանակներ կազմելու ժամանակ չթողուլ: Բնտոյ թէ Աղեքսանդր կայսրը և թէ կարող իշխանը մեկնեցան իրենց մայրաքաղաքները, յորս եռանդագին և նկարագրութենէ վեր ընդունելութիւններ գտան, իբրեւ արդէն պատերազմը յաղթական կերպով աւարտած:

2. Բարձրագոյն Դուռը Ռուսիոյ դէմ պատերազմ հրատարակած ժամանակ, միշտ լիովին յոյս մը ունէր Անգլիոյ կողմանէ օգնութեան և միջամտութեան մը. և Անգլիոյ ներկայացուցիչք այլ և այլ պարագաներու մէջ խրախուսեր էին պատերազմին շարունակութիւնը. գրեթէ յուսացնելով որ բացարձակապէս Ռուսիոյ պիտի չթողուր աշխարհակալութիւն մը. և ինքը պատրաստ էր իր նաւատորմով խօսք հասկցնել Ռուսիոյ: Ի Կ. Պօլիս սիր Լայարդ անգղիական դեսպանը, շատ լաւ տեսնուած բարձր շրջանակաց մէջ¹, յայտնի կերպով կը քարոզէր որ աննպատակ չէին Անգլիոյ համակրութիւնքը առ թուրք-

Ի Կ. Պօլիս հաշտութեան փափագներ:

1. Սիր Լայարտ, սիրող էր հասասարակէս արեւելեան ամեն ազգաց. ունէր մեծ համակրութիւն նաեւ առ Հայս, ինչպէս գանազան առիթներով տեսած եմ ի Վենետիկ ուր կը բնակէր տարւոյն մեծ մասը, ունենալով

քրիա և Պալատան մէջ կը խորախուսէր պատերազմին շարունակութեան կողմնակիցքը:

Սակայն երբ նախ Կարսի և ապա Պլէշնայի անկումներէն վերջը, Թուրքիա չտեսաւ Անգղիոյ կողմանէ յուսացած շարժումը, այն ատեն ըմբռնեց որ միայնակ կոուեր էր և պիտի կոուէր ասկէ վերջն ալ. և խարուեր էր յոյսը Անգղիոյ վրայ դնելով: Այն ատեն Կ. Պօլսոյ բարձր շրջանակաց մէջ ծնաւ անվստահութիւն. և մինչեւ ատելութիւն մը նկատմամբ Անգղիոյ. և հակամիտում մը հաշտութեան և բարեկամական դաշնակցութեան Ռուսիոյ հետ: Անգղիա արթուն իր շահերուն համար, ջանաց որ գոնէ այդ հաշտութիւնը Թուրքիա ուղղակի չկատարէ Ռուսիոյ հետ, այլ պետութեանց միջոցով, որով Անգղիա կարենայ միջամտել Թուրքիոյ և Ռուսիոյ կնքելիք պայմաններուն մէջ:

Պլէշնայի անկումէն երկու օր վերջը, Թուրք վարչութեան Արտաքին Գործոց պաշտօնեայն, շրջաբերականով մը առ իւր դեսպանս, յետ արդարացնելու Թուրքիոյ պատերազմը ընդունելուն պարագայքը. «որովհետեւ Թուրքիա ուզեր էր՝ հաւասար իր ամեն գաւառաց տալ բարեկարգութիւնը և չխտրել ազգ ազգէ». յետ ըսելու որ Կ. Պօլսոյ Դեսպանաժողովոյն մէջ խոստացուած բարեկարգութիւնը խղճիւ պիտի կատարուէին, յետ յիշելու Սահմանադրութեան տրուելը, դարձեալ Աղեքսանդր Բ կայսեր հրատարակութիւնը պատերազմը սկսելուն՝ «որ բնաւ աշխարհակալութեան մը համար չէր». յետ երկու բանակներուն քաջաբար և փառօք պատերազմելուն, ինչո՞ւ այլ եւս շարունակել արիւնահեղութիւններ: Եւ կը խնդրէր Լյուբլիոյ պետութեանց միջնորդութիւնը Ռուսիոյ հետ հաշտութեան մը համար:

սեպհական պալատ, որ ցարդ կը կենայ իր ազնուական և ուսեալ Տիկինը, այցելուած թագաւորագուններէ և իշխաններէ: Մահուընէ վերջը տիկինը անձամբ բերաւ երկու հայ ընտիր ձեռագիրք, իր ամուսնէն յանձնարարուած Մխիթարեան Զեռագրատան ի վէնետիկ:

Սակայն այս շրջաբերականը բնաւ արդիւնք մը չունեցաւ. ոչ ոք բաց յԱնգղիոյ յանձն առաւ միջամտելու և երաշխատոր ըլլալու որ թուրքիա հպատակ գաւառաց մէջ պիտի կրնար գործադրել ուզած բարեկարգութիւնքը : Ի կ. Պօլիս Պալատան մէջ երկու էին կարծիքները : Մաս մը, Գերմանիոյ դեսպանին, իշխան Ռէյսի խորհրդին համեմատ, կ'ուզէր ուղղակի դիմել ռուս վարչութեան՝ Սակայն յաղթեց այն կարծիքը՝ չվշտացնել զԱնգղիա, որ ինքնարբերաբար այնքան յօժար էր միջամտելու. և Մուսուրուս փաշա, դեսպան ի Լոնտրա, հրաման ընդունեցաւ առաջարկելու Անգղիոյ վարչութեան, միջնորդութիւն մը Ռուսիոյ հետ հաշտութեան : Լորդ Գէրրի անմիջապէս ծանոյց առ բրիտանական դեսպանը ի Պետերբուրգ և նա առ իշխանն Գորչաքով որ «ամենայն ազնուութեամբ» պատասխանեց թէ Ռուսիա եւս կը ցանկար հաշտութեան, բայց առ այդ հարկ էր որ Բ. Գուռը ուղղակի դիմէ Ասիոյ և Եւրոպիոյ ռուս ընդհանուր հրամանատարաց, «որոնք միայն կարող կին որոշել Զինարարարման մը պայմանքը»¹ : Այս պատասխանին վրայ Անգղիա չուզեց բաշտուիլ ինչորոշ մէջէն և յետ խորհրդակցելու թուրքիոյ հետ, առաջարկեց զինադադար մը առ իշխանն Գորչաքով : Սա կըրկնեց իր առաջին պատասխանը : Այս բանակցութիւնք տեւեցին մօտ երեք եօթնեակ, յորս աւելի վատացեր էր թուրքիոյ զինուորական կացութիւնը : Սերբիոյ պատեւրազմ հրատարակելովը, Գուրգոյի խալկանները անցնելով և Սոֆիայի տանուելով : Բրիտանական վարչութիւնը Գորչաքով իշխանին երկրորդ անգամ մերժումին վրայ, ծանոյց թուրքիոյ որ ինքը բան մը չէր կարող ընելու թուրքիոյ համար : Իմացուց նաեւ առ իշխանն Գորչաքով որ Բ. Գուռը զինադադարման մը համար հրա-

1. Պատերազմի ժամանակ ռուսական շահերը Գերմանիոյ դեսպանին յանձնուած էին :

2. Կապույտ գիրք 1877 Գեկա. 29 :

հանգնե՛ր զրկե՛ր է՛ր ի՛ր սպարապետաց: Սակայն ոուս բանակին յաջողութիւնք, զինքը աւելի պահանջող կացութեան մէջ զրբեր էին, ընդհակառակն աւելցե՛ր էին Բ. Դրան տազնապնները նաեւ Սերբերուն ապստամբելովը:

Սերբիա պատերազմ կը հրատարակէ թուրքիոյ դէմ. — Նիշի ատու՛մը:

Յ. — Տեսանք կանխապէս որ Կ. Պոլսոյ Դեսպանաժողովէն քիչ վերջը, Սերբիա ստիպուե՛ր էր հաշտութիւն խնդրելու և իր բանակը խաղաղութեան ժամանակի թուոյն վերածելու: 1876ի թուրքիոյ դէմ պատերազմներով սերբ զինուորականութիւնը ըմբռնե՛ր էր իր թերի մասունքը, և նոր պատերազմի պաշտօնեայ Սավա Կրուիչ՝ անմիջապէս գրադե՛ր և յաջողե՛ր էր հիմնական բարեկարգութեամբք, սակաւաթիւ, բայց ընտիր բանակ մը ունենալ քիչ ժամանակուան մէջ: Երբ թուրք-ուս պատերազմը սկսաւ, Սերբիա իր չէզոքութիւնը պաշտպանելու համար սահմանազլուխներու մօտ բանակներ ձեւացուց: Սակայն Ռումանիոյ յաջող օրինակը և մանաւանդ սլաւական գաղտ յորդորները և խրախոյսները, նոյն իսկ ոուս ազգէն, արծարծեցին իր սրտին մէջ նախկին եռանդը, և յոյսը: Յունիսի վերջերը իշխանն Միլան գնաց ի Պոլսէստի տեսնելու զԱղեքսանդր կայսրը, և Յուլիս Չին բանալով զխօսարանը յայտնեց որ սերբ ժողովրդեան թափած արիւնը ի զուր պիտի չ'երթար և պիտի ունենար իր արդիւնքը. «արդէն Ազատարար Չարը իր դիւցազնական բանակով շատ հեռու չէ մեր սահմաններէն»: Այս հրատարակութեան յաջորդեցին գաղտ պատրաստութիւնք և նոր զինուորագրութիւնք: Պաշտօնարանը նախկին ձախողութիւններէն խրատուած, Ռուսիոյ յայտնի յաղթութիւնները չտեսած, չէր համարձակե՛ր տակաւին պատերազմ հրատարակելու թուրքիոյ դէմ: Այդ պատճառաւ մինչեւ Նոյեմբեր ամիս ոչ ոք կրցաւ գուշակել սերբ վարչութեան միտքը. որ ըստ իւր բացատրութեանց, կ'աւելցնէր գունդերը «իւր ապահովութեանը համար»: Կազմեց նաեւ կամաւորաց բանակ մը, որուն մէջ մտան հին Սերբեր, Բոսնիացիք, Սլաւոնք Աւստրիոյ և Բուլղարք:

Բարձրագոյն Դուռը յուզեցաւ և մանաւանդ զայրացաւ որ իրեն հարկատու երկիր մը, զոր տարի մը առաջ ջախջախեր էր, և առ որ ապա այնքան ներողամիտ գտնուեր էր հաշտութեան ժամանակ, հիմա այսպէս շուտ ամեն բան մոռնալով, պատերազմի կը պատրաստուէր. և Սէրվէր փաշա, պաշտօնեայ Արտաքին Գործոց, խիստ տեսակցութեան մը ժամանակ Պ. Քրիստիչի հետ, որ Սերբիոյ գործակատարն էր ի կ. Պօլիս, սպառնացաւ որ եթէ Միլան իշխանը շարունակէ Բ. Դրան դէմ այսօրինակ ընթացքը, վտանգի մէջ կը դնէր Օբրէնովիչ ցեղին ապագայն. որուն դէմ արդէն դաւեր յայտնուեր էին Վարաճէորճէվիչ ցեղին կուսակիցներէն¹ :

Միլան իշխանը գիտէր որ Սերբիոյ զինուց տարի մը առաջ կրած ձախողութիւնը խախտեր էին իր գահը և յաջող պատերազմ մը միայն կրնար զայն ժողովրդական ընել. որով հազիւ լսեց Պլէշնայի անկումը և Ռուսաց լիովին յաղթութիւնը, անմիջապէս ծանոյց առ Պ. Քրիստիչ, ի կ. Պօլիս, երթալ առ Սէրվէր փաշա և ծանուցանել, որ ըստ Փետրուար 16ի դաշանց, լիովին ներումն շնորհուած էր ամեն սերբիացոյ որ Թուրքիոյ դէմ զէնք առած էր. և ազատութեամբ իրենց տները դառնալու: Բայց այս դարձողներուն ամեն նեղութիւնը կը տրուէին: Դարձեալ Բ. Դուռը գաղտ կ'օգնէր արտաքին դաւաճաններու, «որոնք կ'աշխատէին վրդովելու Սերբիոյ խաղաղութիւնը»: Այս պատճառաւ կ. Պօլսէն կը կանչէ իր գործակատարը և ինքզինքը պատերազմական կացութեան մէջ կը հրատարակէ Թուրքիոյ դէմ: Պ. Քրիստիչ փութով գկ. Պօլիս թողուցած ըլլալով, առ

1. Միլան իշխանը 1876ի պատերազմներուն ձախող ելից համար անժողովրդական եղեր էր. և բանակին մէջ գաղտ դաւ մը պատրաստուեր էր: Երբ Իսկոնմերերի սկիզբը նոր գունդերը պիտի երդնուին ազգային դրօշի վրայ, Վարաճէորճէվիչներուն ծննդավայր՝ Տոպոլայի երկու վաշտ զինուկիրք ապստամբեցան: Սակայն անմիջապէս քանի մը սպանութիւնը ընկճեցին դաւը: Մահուան դատապարտուեցան ուրիշ 75 բարձրաստիճան անձինք, որոց պատիժը յետոյ փոխեց Միլան իշխանը:

Սկզբէն փաշա նուիրակութիւնը կատարեց գործակատարութեան առաջին թարգման Պ. Թերխանեան: Սկզբէն փաշա բնաւ չ'այլայլեցաւ և «Արդէն կը գուշակէինք», ըսաւ. և անմիջապէս իմացուց առ Սուլթանը որ հրատարակութեամբ մը առ Սերբիայիս, զՄիլան իշխանը գահէն անկեալ հրատարակեց «Իր անհաւատարմութեանը համար»: Իսկ Միլան իշխանը հրովարտակով մը առ իւր ազգը, յետ պախարակելու թուրք վարչութեան բռնած ընթացքը նկատմամբ 16 Փետրուարի դաշանց, յետ յայտնելու որ Սերբիա քիչ ժամանակուան մէջ կազմակերպուել էր, յետ ծանուցանելու որ այս անգամ միայնակ չէին, այլ պատերազմի դաշտին վրայ պիտի գտնային «դիւցազն և փառօք պսակեալ ռուս. նակը, Մոստէնէգրոյի իրենց անվկանդ եղբարքը և Թուսէն արի դրացին», կը հռչակէր որ չորրորդ Օրքէնովիչի դրօշը երկրորդ անգամ կը պարգուէր. որուն վրայ գրուած են ազատութիւն և անկախութիւն: «Արեմն յառաջ մարտիկներ, ազատարար կայսեր յաղթական արծիւներուն քովէն, վստահ յԱմենակարողն՝ պաշտպան արդարութեան: Բառաջ յանուն ազատութեան մեր սիրելի հայրենեաց»:

Որչափ որ Սերբիա թուրքիոյ դէմ պատերազմ հրատարակելով կը միանար Ռուսիոյ և Ռումանիոյ, բայց իր մտացը մէջ դրած էր առանձին ծրագիր մը. այն է պատերազմական ամեն գործողութիւնքը կատարել Հին Սերբիոյ մէջ, որպէս զի տիրելով անոր, միացնէ իր երկրին: Ունէր բանակ մը 70,000 հետեւակաց և 3000 հեծեակներու, և 250 թնդանօթ: Այս բանակը հինգ մաս բաժնեց. Տիմոքի բանակին պիտի հրամայէր Հորվատովիչ հազարապետը. Մորավայի բանակին՝ Լէսժանին հազարապետը. Երավորի բանակին՝ հազարապետն Նիկոլիչ. Գրինայի բանակին՝ հազարապետն Ալիմպիչ և Շումատիայի բանակին՝ հազարապետն Բէլիմարքովիչ: Այս բանակները պատասպարելով իսկ Գուրգօ զօրավարը ի թիկանց, երբ նա յառաջէր Ֆիլիպպէի և Ալբրիանուպօլսոյ վրայ, պիտի ջանային միանգամայն տիրելու Հին Սերբիոյ մայրաքաղաքին՝ Նիշի, և ուրիշ քաղաքացի

Կ. Պօլսոյ պատերազմի պաշտօնարանը որ փետրուարի դաշինքէն վերջը կը համարէր կասկածի տեղ մը չունենալ Սերբիայէն, սահմանագլխոյ և քաղաքներու պահանջորդներէն մեծ մասը քաշեր էր, պատերազմի դաշտը զրկելու համար. այնպէս որ Հին Սերբիոյ պաշտպանութեան համար մնացեր էին միայն 25,000 զինուորք, որոց կը հրամայէր Հաֆըզ փաշա. կային Գրինայի մօտ ուրիշ սակաւ զունդեր ալ Պազըզ փաշայի հրամանատարութեան ներքեւ. և Իիֆաադ փաշա նոր զինուորներ հաւաքելով Քոստովայի վիլայէթէն՝ ամրացաւ Դովի Բազարի մօտ, ուր քիչ վերջը զինքը փակեց Երավորի սերբ բանակը:

Սերբիոյ վարչութեան նպատակն էր տիրել Նախ Դիշի, և հինգ բանակներուն ամեն շարժում այդ նպատակն ունէր. արգիլելով թշնամոյն որ և է օգնութիւն մը Հին Սերբիոյ մայրաքաղաքին: Գեկտեմբեր 13ի պատերազմին հրատարակուելու օրը, արդէն զունդերը մտեր էին թուրք հողը. և Տիմոքի բանակը քիչ օրուան մէջ տիրեց Ս. Նիկոլայի և Բարինա Գլավայի. յետոյ չուեց Պիրոտի վրայ. զոր կողմնակի արդէն պաշարներ էր Բէլլիմարքովիչ հազարապետը, յետ տիրելու Աք Պալանքայի ութը ժամ կոուէ մը վերջը: Երկու հազարապետները յարձակեցան Գեկտեմբեր 26ին և 27ին բայց չկրցան տիրել: Թուրքերը 28ին Սերբերուն ահաւոր եռանդեանը չղիմացան և թողուցին զՊիրոտ, ուր մտան կէսօրին Սերբերը և ձեռք բերին 24 թնդանօթը, շատ մը պաշար և մթերք: Թրքաց կողմանէ ինկեր էին 900 հոգի, զրեթէ նոյնչափ մ'ալ Սերբիոյ զունդերէն. պատերազմէ ապրողք եռանդագին ընդունելութիւն գտան իրենց արենակից եղբայրներէն:

Իսկ Մորավայի բանակը, որուն կը հրամայէր հազարապետն Լէստանին և որուն յանձնուած էր Նիշի առումը, Գեկտեմբեր 18ին տիրեց Մրամորի որ Նիշէն եօթը քիլոմէտր հեռու է: Երկրորդ օրը տիրեց Պրոքոպլիէի և 23ին բաղխեց զԹուրքումիէ, զոր կը պաշտպանէին 400 կանոնաւոր թուրք զինուորներ և 1200էն

աւելի բաշխողութեանը. որոնք ամենն ալ փախան, թողով թշնամուտն ձեռքը, պաշար, մթերք և զէնք: Երկու օր վերջը Լէսըովայի ժողովուրդը վանեց սակաւաթիւ թուրք զօրքը և դռները բացաւ սերբ բանակին: Եւստորի բանակը յաջողութեամբ տիրեց Քլատնիցայի և Նիկուիչ հազարապետը ամրացուց Ռաշխայի և Եուքովոյի բարձունքը: Սերբ բանակը ամեն կողմ զէնք բաժնեց տեղացուց, որոնք վանեցին իրենց քաղաքներուն և աւաններուն սակաւաթիւ պահանջները: Ասոնք ապաւինեցան Նովի Բազարի, Սիլնիցայի և Նովավարոսի ամրոցները. և Նիշ մնաց կղզիացեալ, առանց հազարդակցութեան մը թուրք բանակներու: Բէլիմարքովիչ հազարապետը այն ատեն սաստկացուց Հին Սերբիոյ մայրաքաղաքին պաշարումը և Միլան իշխանը բանակը հասնելով, աւելի եռանդնաւորեց զինուորաց ուզին: Յունուար 4ին Սերբիացիք սկսան յարձակումները Նիշի շրջակայ ամրոցներուն տիրելու համար: Կոլունքը շարունակեցին 5ին և 6ին: Յունուար 7ին Սերբ բանակը տիրեց Մարքովոքալէի և Վլասարօ Բէշտոյի և Յունուար 8ին սկսաւ ուրակոծել Կորիցա նշանաւոր բերդը, որուն տիրեց երկրորդ օրը ինչպէս նաեւ Վիինիք և Արդի փաշա բերդերուն: Անկէ վերջը յայտնի էր Նիշի առումը:

Խալիլ և Ռաշխ փաշաները երկրորդ օր նուիրակ դրկեցին և առաջարկեցին անձնատուր ըլլալու: Լէստանին հազարապետին յանձնուեցաւ բանակցելու պայմանաց վրայ, և սահմանուեցաւ որ թուրք բանակը զՆիշ թողուի ամեն պաշտպանութիւններով. զինուորք զինաթափ ըլլային, բայց ոչ գերի պատերազմի. իսկ սպայք պահէին իրենց սուրը: Միլան իշխանը հրաման տուաւ նաեւ որ քաղքին մահմէտական երեւելի անձինքը պահեն իրենց սովորական կրած զէնքերնին: Սերբիացիք աճապարեցին որ և է կերպով կնքելու անձնատուրութեան պայմանքը, որովհետեւ գիտէին Հաֆիզ փաշայի մտեւնալը զէպ ի Նիշ, որ արդէն տիրեք էր Քուրչումլիէի, խորտակելով պահանջողը և կը յառաջէր փութանակի:

Այն վեց օրուան կոիւններուն մէջ Նիշի դիմաց Սերբիացիք կորսնցուցեր էին 1500 զինուոր. իսկ քաղքին մէջ գտան 200 թնդանօթք, 20,000 հրացան և շատ մթերք: Բայց ուրախութիւննին չափ չունէր, ձեռք բերելով իրենց այնքան անձկացեալ հին մայրաքաղաքը:

Միւս իշխանը յաղթական շքեղ հանդիսով մտաւ ի Նիշ և ժողովուրդը 16,000 հոգի, մեծաւ մասամբ բրիտանեայ, եռանդուն կեցցէներով ընդունեցաւ զինքը: Իշխանը զինուորաց ռուսական նշաններ բաշխեց հանդերձ կէցցէներով «Ազատարար Չարին» Նիկոլա մեծ դքսին և ռուս դաշնակից բանակին: Բոլոր Եւրոպա գովեց Սերբիոյ բանակին այսքան երազ և այսքան յաջող գործողութիւնքը և աշխարհակալութիւնքը:

Նիշի առմանէն վերջը Լէսթանինի և Շումատիայի բանակներէն մաս մը դիմեց Քուրշումլիէի վրայ, վերջստին առաւ զայն, բռնեց նաեւ զՔոսսովոպոլիէ: Շումատիայի բանակին միւս մասը և Հորվատովիչինէն մաս մը, նպատակ ունենալով պաշարելու Հաֆըզ փաշայի բանակը, չուեց վրանիայի վրայ, Եովանիչ հազարապետին հրամանատարութեան ներքեւ, առաւ զայն յետ քանի մը ժամ մոլեգին կռուոյ, յորում թուրքերէն գերի բռնուցան 1730 զինուորք, 48 սպայք և Ռասսիմ փաշա: Այս միջոցին Հորվատովիչ անցնելով լեռանց դժուարին անցքերէն Իւսքիւրի և Պրիստինայի մէջերը, տիրեց Քազանիքի, որ Ալէանիկի երկաթուղոյն կեդրոնական կայարան մ'է և յառաջեց դէպ ի Պրիցրէտ: Սերբիացիք յաջող դրութեան մէջ էին և Հաֆըզ փաշայի բանակը ամեն կողմանէ պաշարուած մնալու վտանգի մէջ էր, երբ հեռագիր եկաւ առ Միւս իշխանը որ Չինապոլսոյ ստորագրուեալ էր և հարկ էր դադրեցնել կոիւնները: Բ. Դուռը ստիպուեալ էր հաշտութիւնը աճապարեցնելու, զթշնամին յաղթական տեսնելով մայրաքաղաքին մօտ:

4. — Պէլէվայի առմանէն վերջը ռուս ընդհանուր հրամանատարութիւնը չուեց օր մը անգամ կորսնցնել և Նիկոլա մեծ դուքսը յետ յանձնելու Չարէվիչի, միաբան Տոտլէքէն զօրավարին պաշարելու զՌուսնուք,

Ռուսը կ'անցնին Բալկանները: Զօրավարն Գուրգուկը տիրէ Սոփիայի:

ինքը բանակը կարգաւորեց, անմիջապէս անցնելու Ռալկանները և զինադադար մը չստորագրած, որչափ կարելի էր աւելի երկիրներ գրաւելու. յետոյ առաւելագոյն պահանջներ ունենալու համար: Բազմաթիւ գունդեր ճամբայ ելան և հազարաւոր բուլղարք զրկուեցան Սոփիայի ճամբան հարթելու համար: Կարգի զրուեցան երկաթուղեաց, հեռագրատանց վարչութիւնքը. միտերըները և պաշարները ամեն տեղ առատ պատրաստուեցան և փութով տրուեցան հրամանները: Գուրգօ և Ռատէցքի զօրավարաց բանակները պիտի անցնէին Բալկանները և իրենց գործողութեանց կեդրոն պիտի նկատէին, առաջինը զ(Ռ)րիանիէ, և երկրորդը զՏիրնովա: Ետոյ այս երկու բանակները յաղթական չուելով, պիտի միանային Ալրիանուպօլսոյ բով. և մեծ պատերազմով մը պիտի ապառնային օսմանեան կայսրութեան նախանձելի մայրաքաղաքին:

Սակայն այս ամեն պատրաստութիւնք և չուեր, կատարուելով ցրտասառոյց և բքալից ձմեռուան մը մէջ, բնական է չունեցան այն երազութիւնը, զոր կը կարծէր գործադրել Նիկոլա մեծ դուքսը: Նրա մանաւանդ Գեկտեմբեր 15էն վերջը անընդհատ եօթը օր ձիւն մը, եղանակը ցրտացուց զրոյէն 21 աստիճան վար. և ճամբաները գոցուեցան, տեղ տեղ երկու մէդը ձիւնով: Ահաւոր ցուրտէն և սառերէն մեռան հարիւրաւոր զինուորք. որոնք բաց ի չուելէ, բռնաղատուած էին պահանորդ սպասելու բացօդեայ, թշնամուտն յանկարծական շարժմանց տեղեակ ըլլալու համար:

Այս բռնի դադարին ժամանակ, Գուրգօ զօրավարը անկարելի դատելով մեծ ճամբաներէ դիմել Սոփիայի վրայ, որովհետեւ թուրք սպայակոյտը թէ Ալար Գոնարի և թէ ուրիշ կողմեր բերդեր բարձրացուցեր էր, մտածեց իր սովորական յանդգնութեամբը, չուել կողմնակի և գաղտ ճամբաներէ: Գրամական վարձատրութեամբ բուլղար հովիւներէ տեղեկացաւ որ կային Բալկանները անցնելու համար նեղ և այծեմանց ճամբաներ, որոնք կրնային հասցնել մինչեւ Սոփիայի դաշտը. և նախ իր

ապահովութեանը համար այդ ճամբաները փորձել տալով Ստավրոսըի հազարապետէն, Գեկտեմբեր 25ին առաւօտ իւրաքանչիւր զինուորի վեց օրուան ապրուստ տալով, ապա իւրախուսական յորդորով, զանոնք ճամբայ դրաւ. տալով նաեւ լեռնային թնդանօթներ, գորս պիտի քարշէին իրենք: Երկայն կ'ըլլար թէ համառօտի իսկ ուզէինք պատմել ոուս բանակին, ձեանց կոյտերու մէջէն, սառնային եղանակով մը, հինգ օրուան չուն լերանց բարձունքներու նեղ ճամբաներէ: Շատ մը ոուս զրիչք Բալկաններուն այս անցքը համեմատած են Աննիրազայ Ալբանըը անցնելու յանդգնութեանը: Յիրաւի այս չուն ոուս զինուորական պատմութեան ամենափայլուն էջերէն մէկն է. բայց Աննիրազայ անցքին հաւասարեցնելու համար, պէտք էր առջեւն ունենալ հոովմէական արթուն և զօրաւոր Հասարակապետութիւն մը, կարքեղոնացի բանակ մը ամիսներով և ծովով հեռու հայրենիքէ, առանց ո՛ր և է զինուորական յեմարանի մը:

Թուրք հրամանատարք որ այդ եղանակին այդօրինակ կլիմայով, չէին կրնար կասկածել ո՛ր և է անցքէ մը Ռուսաց կողմանէ յարձակում մը, զարհուրեցան երբ Գեկտեմբեր 27ին երեկոյ Դանտրվիլ զօրավարին յառաջապահըը, որոց առջեւէն քանի մը հարիւր բուլղարք միակերպ ձիւնը նետելով ճամբայ կը բանային, յանկարծ սկսան ուրակոծել Բունովայի և Միրքովոյի շրջապատող ամրոցըը: Սակայն երկրորդ օրը բուլքին սաստկութեանը մէջ պաշարուած, տեսնելով զինուորաց ոմանց սառիլը, հրամայեց զօրավարն Դանտրվիլ բարձունքներէ իջնել յերկրպօլ, ուր մտաւ Գեկտեմբեր 30ին: Այս չուին միջոց եւս 13 սպայք և 810 զինուորք ցրտէն կորանցուցեր էին իրենց անդամներէն գոմանս: Սակայն Դանտրվիլ զօրավարին Պէտրիզէվոյէն Սոֆիա գացող ճամբուն վրայ երեւնալը, սարսափեցուցեր էր Շաքիր և Բաքիր փաշաներուն գունդերը, որոնք սկսան փախչիլ դէպ ի Սոֆիա, կողերէն զիրենք հալածող ունենալով մինչեւ Դաշքէսէնի մօտ, Գուրգոյի գունդերը, որոնք անցնելով Բալկանները Արար ֆոնաքի և Շանտոռնիքի դիրքերէն, կը ջանային

միանալու Դանդրվիլի գունդերուն, թրքաց նահանջը կտրելու համար: Սակայն Դանդրվիլի յեղորոպօլ քաշուելով, թուրքերը կրցան ապաւինիլ ի Սոփիա, թողով ձիւներուն վրայ 1500էն աւելի մեռեալք և վիրաւորք, որոնք կերակուր եղան գայլերուն, անգոյներուն և ագռաւներու: Բաքիր փաշայի բանակը Պէտրիչէվոյի ճամբուն վրայ մըրցեր էր յամառ քաջութեամբ. հոն գնդակի հարուածէ մը ինկաւ Վաղալէ ռուս զօրավարը և մահացու վիրաւորուեցաւ զօրավարն Ֆիլոսոփով: Վէլիամինոֆ զօրավարը կորնի Բուրգարովոյի մօտ բաղխեց թուրք գունդէրը, որոց օգնութեան դիմեր էր նաեւ Սոփիայի հրամանատար (յաման փաշա, սակայն շարունակ հասնող ռուս բանակներուն առջեւ, թուրք գունդերը բռնադատուեր էին քաշուիլ Սոփիա:

Չօրավարն Կուրգօ, որպէս զի ժամանակ չտայ թուրք գունդերուն ամբանալու Սոփիայի կամ (Ռբանիէի մէջ, ուր կային անբաւ մթերք և սլաշարք, որոնք Պէլլնայի սահմանուած էին, Յունուար 21ին յառաջեցող դէպ ի Սոփիա, կայսերական պահապանաց սինակ մը, ուրիշ հետեակ և հեծեալ գունդերով: (յաման փաշա բազմաթիւ ջոկատներով բռնած էր Սոփիայի մօտ գետին վրայէն անցնելու կամուրջը. բայց Ռուսք գտան հուն մը և սկսան անցնիլ դիմաց. այսպէս ի թիկանց սպառնալով թուրք գունդերուն, որոնք կրակ տալով կամրջին և աւերելով ամեն բան, ապաւինեցան ի Սոփիա: Ռուսք դիմեցին կրակին վրայ և զայն մարելով անցան դիմաց: Արդէն գիշերը կոխեր էր և Ռուսք մնացին մօտակայ վրակտէջնա մօտաւոր գիւղը և երկրորդ օրը Կուրգօ զօրավարը հրամայեց Վէլիամինօֆ զօրավարին, յառաջել քաղքին վրայ, կտրել անոր հաղորդակցութիւնը Ֆիլիպպէի հետ և գերելու թուրք պահանորդը:

Սոփիա՝ եւրոպական թուրքիոյ վաճառականական նշանաւոր կեդրոններէն մին, ունէր յինքեան 50,000էն աւելի բնակիչ, որուն երրորդ մասը մահմէտական էր, միւս երկուքը առաւելութեամբ բուլղար: Եւ որովհետեւ չէր կարծուէր որ Ռուսք ձմեռուան մէջ փորձեն տի-

ընդունողը, հոն բերուած էին ամեն պատերազմներէն վիրաւորք և հիւանդք, որոց թիւը 6000էն աւելի էր: Ռուսաց մտենալու լրոյն վրայ, կուսակալը հրամայեց սյգ հիւանդները սայլերով փոխադրել. յորոց շատերը մեռան ճամբան: Միանգամայն մահմէտական տարրը սկսաւ փախչիլ Ռադոմիրի ճամբով և քաղքին մէջ տիրեց յետին խառնակութիւն մը և անիշխանութիւն: Եւրոպական հիւպատոսք պահանջեցին կուսակալէն որ պաշտպանէ իրենց հպատակքը և քրիստոնեայքը. և բանակցի անձնատրութեան մը համար: (Սման փաշա ծանոյց որ մինչեւ յետին փամփուշտը պիտի կոռւէր. և խորհուրդ կու տար հիւպատոսաց և քրիստոնէից իրենց կենաց ապահովութեան համար ելլել քաղքէն: Սակայն չէին մնացեր կողք, սայլք և անասունք փոխադրութեան համար: Երբ Յունուար Յին լսուեցաւ ի Սոփիա որ Ռուսք կը տիրեն Ֆիլիպպէի ճամբուն, այն ատեն ինքն ալ (Սման փաշա աճապարեց դէպ ի հարաւ Ռադոմիրի ճամբով. և Սոփիա մնաց բաշխրոզութեան և չէրքէզներու ձեռք, որոնք աւրեցին կողոպտեցին քաղաքը և չմնաց զազանային անօրէնութիւն որ չգործեն: Նոյնը փոխադարձ ըրին քրիստոնեայ բուլղարները. և հիւպատոսաց իրենց հպատակներով կազմած պահապանութիւնը, անկարող եղաւ անլուր վայրենութեան դիմացն առնելու: Երբ ոռւս բանակը և Գուրգո զօրավարը Յունուար 4ին առաւօտ մտան ի Սոփիա, այն ատեն միայն բաշխուողութեան և մարդասպանք փախան քաղքէն կամ պահուրտեցան: Զօրավարն Գուրգո անմիջապէս զԱրնոլտի զօրավարը զինուորական կառավարիչ անուանեց Սոփիայի. ուր ոռւս բանակը գտաւ անհամար պատերազմական մթերք և պաշար:

5. — Գուրգո զօրավարին այս յաջողութեանց ժամանակ, զօրավարն Քարբոզ կրցեր էր անցնիլ Բալկաններուն ամենարարձր կէտէն, Տրոյանի կիրճէն, և Յունուար 8ին բռներ էր զՍոպոտ և զՔարլովօ, այսպէս Բալկաններէն հաղորդակցութիւն հաստատելով Գուրգոյի և Ռատեցքիի բանակաց մէջ:

Զօրգայի
Թուրք բանակին
անձնատրութեան
տուր ԲԱՍԱՐԷ

Զօրավարն Ռատէցքի կը գտնուէր միշտ Չրպգայի դիմաց, ուր ամրացած էր թուրք բանակ մը, որուն հրամանատարութիւնը Սիւլէյման փաշայի փոխուելէն վերջը, յանձնուած էր զօրաբաժնի զօրավար՝ Վէյսէլ փաշայի: Ռուս բանակին համար անհրաժեշտ կարեւոր էր վանել Չրպգայէ թուրք բանակը և տիրել ամբողջովին այդ անցքին, ի թիկանց սպառնալիք մը չունենալու համար: Զօրավարն Ռատէցքի Յունուար 6ին հրամայեց Աքոբէլէֆ զօրավարին և Սվիատոբոլուք Միրսքի իշխանին, իրենց զօրաբաժիններով ձիւներու կոյտերու մէջէն ցրտասատոյց եղանակին, շրջանով մը բռնել թուրք բանակին կողերը և թնդանօթներ տեղաւորել զատիվայրերուն վրայ, մինչ ինքը Ռատէցքի, պիտի բաղիւնէր ճակատէն թուրք բանակը: Այս կարգադրութիւնը հազու երեք օրուան մէջ կատարուեցան: Յունուար 9ին առաւօտ Վէյսէլ փաշա ինքզինքը շրջապատուած տեսնելով, սկսաւ շարունակ ուրակոծում մը իշխան Սվիատոբոլուք Միրսքի զօրաբաժնին վրայ. որուն պատասխանեցին ռուս հրանօթը նոյնպէս եռանդեամբ: Կէսօրին զօրավարն Ռատէցքի բռնեց բաղիւնում մը սկսաւ ճակատէն, որուն յաջորդեց թուրք պատնէշներուն վրայ աղաղակաւ մուկելին յարձակում մը: Հոն ցրտասատոյց մատախուղի մը ներքեւ, դիւցազնական մենամարտ մը սկսաւ սուրով և սուրինով և հազարաւորք տապալեցան երկու կողմանէ: Ռուսաց միշտ նոր օգնութիւնք կը հասնէին. իսկ Վէյսէլ փաշա թշնամուոյն կացութեանը ճշգրիտ տեղեկութիւն չունենալով, իր բանակին կէսը հրանօթներով անգործ թողուցեր էր ի Ս. Նիկողա: Ռուս յարձակողը մէկ ժամուան մէջ արդէն տիրեր էին երկու կարգ թուրք պատնէշներու, երբ Աքոբէլէֆ զօրավարը դիտեց թուրք գունդերուն դէպ ի Քըզանլըքի ճամբան նահանջելը: Այն ատեն հծծելոց շուկատ մը զրկեց բռնելու ճամբան. և Միրսքի իշխանը գունդ մը զրկեց և բռնեց գՔըզանլըք, այսպէս կտրելով թուրք բանակին նահանջելու ամեն յոյսը: Վէյսէլ փաշա, որուն կը պակսէր իր նախորդաց յանդգնութիւնը և խրախոյսը, ինքզինքը բոլորովին

լնցած համարելով, մինչ ունէր տակաւին 12,000էն աւելի թարմ բանակ մը իրեն հրանօթներովը, որոնցմով կարող էր կտրել անցնիլ Քրզանլըքի ճամբուն վրայի սակաւ և խոնջ ջրկատները, անմիջապէս բարձրացնել տուաւ սպիտակ դրօշը և լուր դրկեց առ Արորէլէֆ, զալ ստանալու իր սուրբ: Թուրք զունդերը կը կոռէին Ռատէցքիի զօրաց դէմ և մեծ բողոքներով ընդունեցան իրենց հրամանատարին զինաթափութեան հրամանը: Երբն աւուր Արորէլէֆի յանդգնութիւնը և արութիւնը ձինսպատ լերանց մէջ, հասեր էր զիւցազնութեան կէտին և սարսափեցուցեր էր զՎէյսէլ փաշա որ ռազմագիտական բռնադատութենէ աւելի, անձնատուր եղեր էր շուարումէն, իր բազմաթիւ բանակովը: Վասն զի Չրպայի առմամբ գերի կ'ըլլային 31,500 թուրք զինուորք, յորս 4 փաշայք և 80 բարձրաստիճան սպայք, 100էն աւելի հրանօթք, շատ մը մթերքներով և պաշարով: Թուրք բանակին կորուստն էր ընդ մեռեալ և ընդ վիրաւոր 6000ի մօտ. իսկ Ռուսացը 5464, յորս Գոմրովսքի զօրավարը: Բայց որչափ ալ ծանրագին եղած էր Ռուսերուն համար այս յաղթութիւնը, սակայն Չրպայի անկումը վերջին մեծ հարուածն էր թուրք բանակին. և չկար ուրիշ ստուար բանակ մը մինչեւ Աղրիանուպօլիս, մինչեւ ի Վ. Պօլիս. չկար ռազմական ո՛ր և է յենարան մը և բաց էր ռուս բանակին առջեւ դիւրնթաց ճամբայ մը: Թունուար 12ին մեծ դուքսն իկիլա Բոգոդէն հասաւ ի Քրզանլըք, Չրպայէն անցնելով. և հոն հաստատեց իր բանակատեղին: Անմիջապէս կարգադրեց երազ չու մը դէպ ի Ֆիլիպպէ և Աղրիանուպօլիս, դեռ զինադադարման խնդիրը հաստատութիւն մը չ'առած:

Չօրավարքն Գուրգօ և Քարցոյով իրենց հետեւակ և հեծեալ զունդերով, ամենն ալ տարբեր ճամբաներէ, պիտի չուէին դէպ ի Ֆիլիպպէ և Աղրիանուպօլիս. ուր պիտի միանային Արորէլէֆ և Ռատէցքի զօրավարաց:

Ռուսը ի Ռուս-
մէլի. — Կը
տիրեն թաթար
Բազարճըքի,
Ֆիլիպպէի,
Աղբիւնու-
պոսոյ:

6. — Սակայն այս երկու քաղաքաց ճամբան բա-
նալու համար, հարկ էր նախ տիրել թաթար Բազար-
ճըքի, զլուխ Աղբիւնուպոսոյ երկաթուղոյն, ուր ամ-
փոփուեր էր Սիւլէյման փաշա Դաշքէսէնի կոուէն վեր-
ջը. ամրացնելով մանաւանդ Սամաքովոյն եկող ճամ-
բան: Հոն հասաւ Յունուար Տին նաեւ Շարիր փաշա իր
քովը մնացած զինուորներով:

Զօրավարն Գուրգօ իր բանակը զանազան սինակ
րաժնելով, որոց կը հրամայէին զօրավարքն Վէլիամի-
նօֆ, Շուվալօֆ, Շիլտնէր Շուլտնէր, բարոն Վրիւտնէր
և Քոմարովսքի, Յունուար 10ին հրամայեց ամենուն
յառաջելու այլ և այլ ուղղութիւններով. միշտ առջեւն էն
հալածելով թուրք գունդերը, որոց ամեն մէկ թողուցած
աւան կամ զիւղ հրդեհէ կը միային բանակին ետեւն
եկող բաշիրոզուքներէն և չէրքէզներէն: Երբ ոռւս սի-
նակները մօտեցան թաթար Բազարճըքի, Սիւլէյման
փաշա արդէն լսած ըլլալով որ Քարցով զօրավարը
անցեր էր Տրայան կիրճը և կը չուէր դէպ ի Ֆիլիպպէ
թողուցեր էր զթաթար Բազարճըք և դիմեր էր պաշտ-
պանելու զՖիլիպպէ որ իր զինուորական գործողութեանց
յենարանն էր: Յունուար 14ին կոմսն Շուվալօֆ մտաւ
ի թաթար Բազարճըք, քաղքին հարիւրաւոր տանց
հրդեհին բոցովը լուսաւորուած. որովհետեւ Պուստ փաշա
կրակ տուեր էր նաեւ մթերքներուն և պաշարներուն,
որպէս զի թշնամոյն ձեռքը չ'իյնկնան: Կոմսն Շուվա-
լօֆ աւերակ դարձած քաղաքին սակաւ պահանորդը
ղնելով, յառաջեց դէպ ի Ֆիլիպպէ, ուր կը դիմէր նաեւ
Վէլիամինօֆի սինակը: Ռուս հետեւակը որուն կը հրա-
մայէր Քովալեսքի զօրավարը, առաջին անգամ բաղ-
խեցաւ չէրքէզ հեծեալներու հետ ի Չէփէրլի. և երբ
հեծեալը, զօրավար բարոն Կլոտի առաջնորդութեամբ
մօտեցաւ Ֆիլիպպէի կէսօրէն վերջը, թուրք հրանօթները
կրակ սկսան թափել հեծեալագնդին վրայ, որ պրտուտակ
շրջանով բոլորեց քաղաքը, Աղբիւնուպոսոյ ճամբուն
տիրելու համար: Այն ատեն Սիւլէյման փաշա հրա-
մայեց թողուլ նաեւ զՖիլիպպէ: Պուստ փաշա տեղեկու-

Թիւն մը չունենալով ինքն եւս յետ զուպարածներու ի Քատըքէոյ և յԱլլրանլը կը դիմէր ի Ֆիլիպպէ իր 15,000 զինուորքը միացնելու Սիւլէյման փաշայի 20,000 զօրաց, որոցմով պիտի ընդդիմանային Գուրգօ զօրավարին 70,000 զինուորներուն :

Ֆիլիպպէ կամ Ֆիլիպպոպօլիս 14,000 բնակչօք, գեղեցիկ, ծառազարդ և բարձր դիրքով, Բուլղարիոյ ազգային հայրենասիրական ամենէն աւելի յատկանիշ կրող քաղաքն էր յետ Սոֆիայի. և ռազմագիտական տեսակէտով շատ աւելի կարեւոր : Թուսը Ֆիլիպպէի տիրելէն վերջը կրնային իրենք զիրենք համարել արդէն յԱղլրիանուպօլիս և եթէ դիւանագիտական կնճիռներ չյառնէին, նաեւ կ. Պօլսոյ դուռը : Թունուար 15ին երբ Նուվարօֆ և Վէլիամինօֆ զօրավարաց սիւնակները հասան Ֆիլիպպէի դիմաց, չէրքէզք և բաշիրոզուքները արդէն կրակը տուեր էին Քէշիաքա արուարձանին, զոր Մարիցա գետը կը բաժնէ բուն քաղաքէն : Քաղաքը հրդեհէն և աւարառութենէն պահպանելու համար, պետութեանց հիւպատոսները ներքին զինուորութիւն մը ձեւացուցին և զէնք տուին հազարէն աւելի կաթոլիկ բուլղարներու և կարգը պահելու տենչացող քաղաքացիներու. այնպէս որ երբ ռուս զնդապետն Բուրազօ Բունուար 15էն 16ի գիշերը հասաւ Ֆիլիպպէի երկաթուղոյն կայարանը, ուսկից կը փախչէին բոլոր թուրք զինուորք, յորս նաեւ Սիւլէյման փաշայ, բուն քաղաքը օտարազգի պաշտպանութեան ներքեւ էր. և Թուսը մտան առանց ընդդիմութեան : Երկրորդ օրը իր յաղթական մուտքն ըրաւ զօրավարն Գուրգօ :

Այս պահուն արդէն Վէլիամինօֆի սիւնակը յառաջեր էր ի Դէէրմէնդէրէ, Ֆուատ փաշայի նահանջը կտրելու համար : Հոն ռուս և թուրք զունդերը զարնուեցան մէկմէկու և թուրքերը թողուցին դաշտին վրայ 600 դիակունք, և կրկին ամրացան Դէէրմէնդէրէի մէջ. և Ֆուատ փաշա իր յամառ քաջութեամբ կրցաւ երկու օր ընդդիմանալ Թուսաց հեղեղօրէն յարձակման :

Թունուար 16ի երեկոյ Քրազնօֆ զօրավարը բուն

յարձակմամբ փաշա Մահալլէի վրայ, տիրեց թրքաց 18 թնդանօթներու, զորս յետոյ ձեռք բերելու համար, երկու անգամ մոլեգին բաղխմամբ յարձակեցան թուրքերը և վանեցան լերանց մէջ: Յունուար 16ին գիշերը Ռուսը կրցան բռնել Քարաաղաճ և փաշա Մահալլէ գիւղերը: Այս կոհններուն մէջ զիւցազնական արութիւն ցըցուցեր էր Ֆուատ փաշա, մինչ անըմբռնելի երեւցեր էր Սիւլէյման փաշայի ծրագիրը, որ հոգ չ'ընելով պաշտպանելու զԹաթար Բազարճըք, յետոյ նահանջներուն մէջ միշտ յառաջապահներուն հետ էր, և պատերազմելու առիթներէ խորշող:

Յունուար 17ին առաւօտ զօրավարն Գուրգօ իմանալով որ զիմացէն փախչող բանակը, ամբողջ Ռուս մէլիի բանակն էր, ղրկեց Աքորէլէֆ (հայր՝) և Քրազնոֆ զօրավարները, որ Աքորէլէֆ (որդի՝) զօրավարին հեծելոց հետ բռնեն Ֆիլիպպէէն դէպ ի Ստանիմաքի և Աղբիանուպօլիս ճամբան. մինչ Շիլտնէր Շուլանէրի, Վէլիամինոֆի և Դանդըվիլի բանակները զիմեցին Քարաաղաճի վրայ, և տիրելով Դէսպոտտաղի, հոն զետեղեցին թնդանօթներ: Ֆուատ փաշա ժողովեց ցրուած գունդերը և յետին ճիգը թափեց ազատելու զՔարաաղաճ. սակայն Շուվալոֆ զօրավարին ղրկած թարմ 30,000 զինուորքը, ահաւոր բաղխմամբ վանեցին թուրք յոգնած գունդերը, որոնք Բէշէսնիցայի կիրճէն սկսան փախչիլ լեռներուն մէջ. իրենց ետեւէն մինչև մութը կոխելուն հալածող ունենալով ոռու հետեւակը. և անցքերուն վրայ թողով 2000էն աւելի մեռեալներու դիակուներ: Ռուսաց կողմանէ ինկեր էին 400 անձինք: Բայց Յունուար 17ի կոհիւր Ռուսաց զիմացէն կը վերցնէր վերջին պատուարը. և Սիւլէյման փաշա հապճեպ ընթացքով ապաւիներ էր նախ Եռմուրճուքի մէջ, ուսկից անցաւ Քավալա բոլոր մնացած զօրքովը, մտիկ չ'ընելով Ֆուատ փաշայի թախանձանաց՝ յետին ընդդիմութիւն մը փորձելու: Սիւլէյման փաշա ի Քավալա պատրաստ գտաւ մարտանաւ մը, իւր զօրքերով կ. Պօլիս փոխադրուելու: Բայց երբ հասան ի Դարդանէլ, Սիւլէյման փաշա նաւուն վրայ

կալանաւորուեցաւ իրր մատնիչ, զինուորական ատենով դատուելու համար¹ :

Այս միջոցիս ոռւս երեք բանակք, ընդ հրամանատարութեամբ Արորէլէֆ, Ռատէցքի և Կանէցքի զօրավարաց կը յառաջէին դէպ ի Ադրիանուպօլիս, որ թէպէտ ունէր զօրաւոր բերդեր, բայց Ահմէտ էյուբ փաշա զանոնք պաշտպանելու համար, ունէր միայն 6000 զինուորք և 60 թնդանօթք: Զօրավարն Սարուքով, Արորէլէֆի զօրաբաժնէն, Յունուար 13ին հրաման ստացաւ հեծեալ գունդերով երազ հասնիլ յԱդրիանուպօլիս. և Սարուքով յանդուզն և դիւցազնական ընթացքով մը տիրեց նախ Սէյմէնլիի, յորում արիական դեր մը կատարեց Ամասով գնդապետը: Ադրուքով անցաւ Մարիցա գետը: Ալէքսիէվ հազարապետը յաջողեցաւ կտրել՝ Ֆիլիպպէի և Ադրիանուպօլսոյ մէջ եղած հաղորդակցութիւնը և հասնիլ ի Տիրնոփ. ուսկից անցաւ Հարմանլի, ուր հասեր էին Սէրվէր և Նամըք փաշաները, որոնք զինադադարման մը բանակցութեան նպատակաւ կ'երթային ի Քըզանլըք առ մեծ դուքսը. և որոց աչքին առջեւ Ռուսք տիրեցին Հարմանլիի, ահաւոր և արիւնահեղ կռուով մը. բռնեցին Ֆիլիպպէ և Ադրիանուպօլիս տանող երկաթուղւոյ գծերը և Յունուար 18ին հեծելոց վաշտ մը բռնեց զՄուդաֆս փաշա: Հոն հասաւ նաեւ Ադրուքով զօրավարը որ շարունակեց դէպ ի Ադրիանուպօլիս և մօտեցաւ քաղաքին. ընդունեցաւ նաեւ նուիրակութիւն մը քաղքին նշանաւորներէն, որ կ'աղաչէր փութով հասնիլ, և քաղաքը ազատել հրդեհէ և աւարառութենէ: Որովհետեւ Ռուսաց բանակին մերձեւնալովը Ահմէտ էյուբ փաշա իր 6000 զինուորքը և

1. Հարցաքննութիւնները տեւեցին չորս ամիս մինչեւ 1878ի Գեկտեմբերը: Միւլէյման փաշա անմամբ, հանդարտ կերպով պաշտպանեց իր դատը որ շատ կէտերու մէջ հմուտ և զեղեցիկ դասախօսութիւն մ'էր ուսմազիտական, և զոր հետաքրքրութեամբ կ'ընթեանուին ամեն աշխարհաց զօրավարք: Զրկուեցաւ մարաջխտութենէն և 15 տարի բերդարգելութեան դատապարտուեցաւ. և տարուեցաւ ի Բաղդատ, ուր մեռաւ քիչ տարի վերջը:

60 թնդանօթքը ճամբայ հաներ էր դէպ ի Կ. Պօլիս, իսկ կուսակալը ճէմիւ փաշա պալատը կոչեց յոյն, հայ, հրեայ հասարակութեանց գլխաւորքը, և իմացոց որ մայրաքաղաքէն ստացած հրահանգին համեմատ, մինչեւ Ռուսաց մտնելու ժամանակ քաղաքին պահպանու.

Յունուար 17.

Թեան յանձնաժողով մը ընտրել տուած էր, զոր կը կազմէին երկու հայ, երկու յոյն, երկու հրեայ և մէկ մահմէտական. այդ վարչութեան նախագահ դրաւ զՊասսօ էֆէնտի, պետութեան թարգմանը: Ասոնք էին որ Յունուար 18ին նուիրակութիւն զրկած էին առ ոռու զօրավարն Սղրուքով, որ մեկնեցաւ նուիրակութեան հետ դէպ ի Աղրիանուպօլիս, ճամբան հանդիպելով բազմաթիւ բուլղար քրիստոնեայ խումբերու, որոնք ընդատաջ կը դիմէին ոռու բանակին: Եկեր էին նաեւ Յունաց արքեպիսկոպոսը, և Աւստրիոյ հիւպատոսը: Սղրուքով Յունուար 20ին մտաւ յԱղրիանուպօլիս, թուրքիոյ երկրորդ մայրաքաղաքը, որ ունէր 120,000 բնակիչ: Յունուար 22ին հասաւ նաեւ Աքօբէլէֆ զօրավարը:

Սթրեւէֆ կը
չուի ի կէտ-
պօլուս:

7. — Անկէ վերջը Ռուսաց բաց էր կէլիպօլուի և Կ. Պօլսոյ ճամբան. և ապահով փութով պիտի ընթանային մինչեւ հոն, եթէ Անգղիոյ պետութիւնը ծանուցած չ'ըլլար որ դէպ ի Կ. Պօլիս ընթացք մը, պատերազմի արկած կը նկատէր: Այսու հանդերձ տասնեւհինգ օրէ ի վեր վիճուած զինադադարը ստորագրուած չ'ըլլալով, մեծ դուքսն Նիկոլա հրամայեց Ստրուքով զօրավարին, իր հեծեալ գունդերով յառաջել դէպ ի Քրքը Քիլիսէ և Լիւլէ Բուրկաս, մինչ Շնիտնիքոր զօրավարը կը զըրկուէր կէլիպօլուի վրայ, Դիմէտոքայի և Ուզուն Քէօփրիւի կողմէն. որոց դիւրաւ տիրեց ոռու զօրավարը: Իսկ Ստրուքով տիրեց Բարա Լսքիսի աւանին. ուսկից մեկնելով Քուտէյնիքով հազարապետը, տիրեց Լիւլէ Բուրկասի: Այսպէս ոռու բանակը առանց մեծ ընդդիմութեան մը տարածուեցաւ ամեն կողմ. եղան միայն փոքր զուպարածներ: Չոռուի քով Դոնդուքով Գորսաքով երկտասարդ իշխանը, թէպէտ վիրաւորուած, շարունակեց կռուելու. և Չոռու մնաց Ռուսաց ձեռքը, ուր Սղրուքով

գորավարը գտաւ առատ մթերք և պաշար: Հոն ընդունեցաւ Ռոտոսդոյի քրիստոնեայ բնակչաց նուիրակութիւն մը, որ զինքը կը հրաւիրէր անապարելու հասնելու իրենց քաղաքը, զայն հրդեհէ և յափշտակութենէն ազատելու համար: Ստրուքով մտաւ Ռոտոսդո ուսկից անցաւ Սիլիվրիի դիմաց: Հոն լուր ստացաւ զինադադարման ստորագրուելուն, որուն մէկ յօդուածին համեմատ, Սիլիվրի եւս Ռուսաց պիտի յանձնուէր: Թուրք հրամանատարը պատճառելով որ ինքը դեռ լուր առած չէր, դանդաղեցաւ յանձնելու քաղաքը. և Ստրուքով մտաւ բռնութեամբ ի Սիլիվրի, նոյնը ըրաւ նաեւ ի Չաթալճա: Այսպէս ռուս բանակը կանգ առաւ Կ. Պօլսէն 50 քիլոմէտր հեռու:

8. — Քանի որ Պէտլեա կանգուն կ'ընդդիմանար և Բալկաններուն անցքերը ապահովուած չէին, Աղեքսանդր կայսրորդոյն բանակը, ի թիկանց իրրեւ ապաւէն մը կեցած էր ռուս բանակներուն, Դանուբի ճամբուն վրայ. և Միմմէրման գորավարին գունդերը Դորրուճայի անցքերը կը պահպանէին. խափանելով Թրքաց դէպ ի Ռումանիա արշաւանք մը: Պէտլեայի անկումէն վերջը, երբ Չարէվիչի բանակը ազատ էր յառաջելու, դիմեց դէպ ի վէրբիցա և կոիւ մը երթէք չ'ունեցաւ մինչեւ զինադադարման ստորագրուիլը:

Չարէվիչի և Միմմէրմանի բանակները. — Բազարճըքի կոիւ:

Իսկ Միմմէրման գորավարին բանակը Յունուարի մէջ յառաջեց դէպ ի Բազարճըք, ուր կային մօտ 16,000 եգիպտացի զինուորք, 4000 թուրք հետեւակը, 1500 հեծեալը և 42 թնդանօթք: Ընդհանուր հրամանատարն էր Ռէշիտ փաշա որ բազմաթիւ թշնամոյն յառաջելուն վրայ, Յունուար 26ին քաղքէն ելք մը փորձեց և զօրաւոր բաղխումով մը, յորում Ռուսաց կողմանէ շատ քաջացաւ իզմայլով հազարապետը, կրցաւ քաղքին մօտ բլրան մը վրայ գետեղել թնդանօթները: Միմմէրման գորավարին անհրաժեշտ էր Բազարճըքի տիրելու Դէլլինկհաւզէն գորավարին բանակին հետ միանալու համար: Նիւսոն հրամանատարը 10 թնդանօթովք յարձկեցաւ բլրան վրայ և վանեց եգիպտացի գունդերը: Սակայն Ռէշիտ փաշայի հասած նոր օգնութիւններ, ռուս գուն-

1878

դերը վտանգի մէջ դրին. և յետ մոլեգին կուռյ մը երկու կողմանէ Է՛յլէնճիք գիւղին ըով, որուն տիրեցին Ռուսք, Թուրքերը սկսան ետ քաշուիլ, Թողլով պատերազմի դաշտին վրայ մօտ 600 մեռեալք: Ռէշիտ փաշա զԲազարճըք պաշտպանելը անկարելի դատելով, բանակովը նահանջեց ի վառնա, հոնկէ գունդերը ծովով կ'. Պօլիս ղրկելու համար: Իսկ զօրավարն Միմմէրման Յունուար 27ին յաղթանակաւ մտաւ ի Բազարճըք. ուսկից Թուրքերը ելլելու ժամանակ կրակ տուած էին այլ և այլ հասարակաց շէնքերու. և հոն Թողուցքը էին զինուորական հիւանդները և վիրաւորները:

Յունուար 31ին Ռուսք տիրեցին նաեւ Հէյրէճի կայարանին. և Փետրուար 3ին Մոնսէ զօրավարը հասնելով Քոտլուրէյ գիւղը, բռնեց Շումլայէ դէպ ի վառնա ճամբան, կտրեց վառնայի հեռագիրը և մտաւ ի Պրավտի. որուն ժողովուրդը ընդառաջ եկաւ իրեն ընծայելով հաց և աղ: Զօրավարն Մոնսէ կը յառաջէր ի Դէրբէնտքէօյ, երբ լուր առաւ որ զինադադարը ստորագրուեր էր Յունուար 31ին:

1877 և 1878
Նաւական պատերազմներ:

9. — Օսմանեան նաւատորմին, բաղդատմամբ Ռուսիոյ ծովային զօրութեան, անհամեմատ առաւելութիւնը, մեծամեծ յոյսեր տուեր էր Թուրքիոյ յաջողութեան՝ օգնականութեամբ զրահաւորաց: Սակայն այդ նաւերը, ինչպէս տեսանք պատերազմին սկիզբէն, բնաւ չունեցան յուսացեալ արդիւնքը: Միայն Բաթումի նաւահագիստն էր որ ընդերկար ընդդիմացաւ Ռուսաց յարձակումնը ներուն: 1877ի Մայիսի սկիզբները, Բարձրագոյն Գուռը շրջաբերականով մը, պաշարման վիճակի մէջ դրեր էր Սեւ Միւրվուն ամրոցը ռուսական եզերքները: Բայց այս պաշարումը ոչ ազդեցութիւն ունեցաւ և ոչ պահուեցաւ. այնպէս որ Արքաս ռուս ծովակալին մարտանաւք ազատ կը շրջէին. և վաճառականական երթեւեկը շարունակեցին Օտեսսայի, Քերսոնի, Նիկոլայէվի և Ելպաթորի մէջ: Եթէ բռնուէին օտար նաւեր, օսմանեան ծովային հրամանատարութիւնը բերել կուտար Վոսփորի բերանը: Անկէ վերջը պետութեանց դեպպաններուն

Թարգմանաց ճարպիկութենէն կախուցն ունէր զանոնք երազ կամ ուշ ազատել՝ և կ'ազատէին: Ռուս ծովակալութիւնը եւս նաւեր հանեց արշաւելու Սեւ Մոզուն վրայ. և կոստանդիւն մեծ դռքս մարտանաւը բռնեց Սինոպի դիմաց առագաստաւոր նաւեր: Բայց Գոսստանցայի վրայ Բարանոֆ նաւապետին վէստա մարտանաւով յարձակումը Ֆէրհի Բոչեկտ զրահաւորին վրայ, ծովային պատերազմաց մէջ նշանաւոր տեղի մը կը բռնէ. յորում մեծ արութիւն ցըցուց Չէրնոֆ հազարապետը որ հարուածեալ գնդակէ մը, մեռնելու ժամանակ «Մնա՛ք բարեաւ, կը գոչէր, կրակը աջ կողմի թնդանօթէն ուղղեցէք»: Իրեն տեղը անցաւ Ռոճէստվէնսքի տեղապահ նաւապետը. և Ֆէրհի Բոչեկտ հակայական կոտուով մը մեծապէս հարուածեալ վէստա նաւէն, բոլորովին փնատուած, հազիւ ապաւինեցաւ ի Սուլինա:

Անկէ վերջը ոռու մարտանաւը ազատարար սկսան շրջիլ Սեւ Մոզուն վրայ: Մոզակալն Բարանոֆ ոռու մարտանաւով մը Դեկտեմբեր 23ին յարձկեցաւ Մերսին շոգենաւին վրայ, որ Տրապիզոնէ կու գար ի կ. Պօլիս, բերելով մօտ 800 զինուորագրեալք և կամաւորք և զայն կալանաւորեց: Մերսինի բռնուիլը մեծ շառաչ ունեցաւ ի կ. Պօլիս: Թուրք խօսարանին մէջ Ռէուֆ փաշա, պաշտօնեայ պատերազմի, ուզեց փոքրկացնել կարեւորութիւնը: Սակայն աւելցաւ յամենուստ Հորարդ փաշայի դէմ տօգոհութիւնը, որ լրագրաց մէջ ջանաց ինքզինքը արդարացնել ամեն յանցանք ձգելով մարտանաւերուն խեղճ վիճակներուն վրայ: Չյիշեց սակայն որ հրամանատարութեան մէջ չկար միակ ուղղութիւն մը, և հակառակընդդէմ կը գործէին ինքը և Հասսան փաշա: Թունուար 11ին թուրք մարտանաւը աննպատակ ուժակոծեցին զԵւպատորիա, անկէ անցան ի Թէդոսիա¹ և յԱնափա. յետոյ քաշուեցան:

1877

1878

1. Թէդոսիայի այս ուրակոծմանէ փասուած շէնքերուն մէջ էր նաեւ Հոլականոն հայ պատկերահան, Ալվազովսքի տունը, և հայ-կաթոլիկաց կեդեցին:

Մակարով նաւապետը կոստանտին փոքր մարտա- նաւով կրցաւ մօտենալ Բաթումի և ումրակոծել թրքաց հոն հաւաքած եօթը մարտանաւերը: Այսու հանդիժ թուրք նաւերը կրցան պահպանել զԲաթում, և ծովային կռիւները, թուրք—ռուս պատերազ ին վրայ որոշիչ ազդեցութիւն մը չունեցան:

Մոնտէնէ-
գրոյի պատե-
նագրիս:

10. — Մոնտէնէգրոյ նիկոլա իշխանը նիքսիչի առմանէն վերջը, պատրաստուեցաւ մօտ երեք ամիս իր երկիրը ընդարձակելու դէպ ի հարաւ և ձեռք բերելու Անտիվարիի և Դուլչինիոյի նաւահանգիստները, զորս ամենակարեւոր կը համարէր իր երկրին անկախութեան և վաճառականութեան համար: Յետ միանգամ ազոնց տիրելու, յուսով էր որ խաղաղութեան դաշանց ժամա- նակ իրեն թողուին: Հոկտեմբեր 30ին անցաւ սահմա- նազուտիւր դէպ ի Աւրանիա, ուր թուրքերը թուղուցած էին զԱլի Սայիբ փաշա քիչ գունդերով, և Մոնտէնէ- գրոյիներէն աւելի նուազ հրանօթովք: Մարկօ Միլիա- նով վոյվոտան 12 ջոկատներով բաժնեց նախ Շքո- տրայէն¹, ուր կար թուրք բանակ մը, զՍպոյ և զՊոկկո- րիցա. տիրեց Անտիվարի քաղաքին և Դուլորէտօ բեր- դին: Թրքաց ձեռքը մնաց սակայն Անտիվարիի յար կոչուած միջնաբերդը և Դուլչինիօ: Նոյեմբեր 18ին Պլամէնաց վոյվոտան 600 հոգով յարձկեցաւ Անա- մալիտի վրայ ուր բանակած էր քիչ պահանորդով Հակքի փաշա, որ կուոյն մէջ կորսնցնելով հարիւրի մօտ ան- ձինք, ինքն ալ քաշուեցաւ դէպ ի Շքոտրա: Մոնտէնէ- գրոյիք յետոյ պաշարեցին Անտիվարիի նշանաւոր միջ- նաբերդը, վննետկեցիւններէն շինուած, որու կը հրա- մայէր թուրք կտրիճ հազարապետն քիւրտ իբրահիմ բէյ: Բոճտար Պետրովիչ վոյվոտան եւս յետ բաղիւ- լու Հակքի փաշայի բանակը, Նոյեմբեր 26ին տիրեց Դուլչինիոյի, զոր ի զուր ջանացեր էին պաշտպանել երկու օսմանեան մարտանաւք. և միացաւ Անտիվարիի

1877

1. Շքոտրա կամ Սկուտարի:

միջնաբերդին պաշարողաց: Իբրահիմ բէյ տեսնելով որ անկարելի էր ընդդիմանալ և կը պակսէր պաշարը, Աւստրիոյ հիւպատոսին առաջարկեց որ ընդունի միջնաբերդը. երբ նա հրաժարեցաւ, այն ատեն Յունուար 10ին անձնատուր եղաւ Նիկոլա իշխանին, որ ամենայն պատուով վարուեցաւ թուրք պահանորդին և քաղաքացւոց հետ: Մոնտէնէզրո իր մեծագոյն նպատակին հասնելէն վերջը, կարգաւ տիրեց Գրմոյար, Լէոսէնտրա և Վրանինա կղզիներուն բերդորէից. և մինչդեռ հետամուտ էր Սպուլ և Շարլիաք քաղաքներուն անձնատուութեան պայմանաց, լուր առաւ զինադադարման, յորում կար նաեւ Մոնտէնէզրո:

11. — Բայց Մոնտէնէզրո զէնքը վար դրած ժամանակ, Յունաստան, խիստ ուշ, ապագայ օգտի մը յուսով, սկսաւ յուզուիլ և զինուորական հանդերձանքներով և զրգուութիւններով յոյն թրքահպատակ գաւառաց մէջ, յայտնապէս ցուցնել իր թշնամութիւնը օսմանեան պետութեան: Մանաւանդ որ 1871 գաղղիագերման պատերազմէն վերջը, երբ Գաղղիա կորսնցուց իր ազդեցութիւնը և Ռուսիա ամենազօր դառնալով Կ. Պօլսոյ մէջ, 1872ի Ապրիլ 24ին Բուլղարաց տրուեր էր յոյն ընդհանրական պատրիարզէն անկախ նուիրապետութիւն մը, այն ատենէն յոյն ազգը յուզուեր էր մեծապէս. բայց կղզիացեալ և փոքր, չկրցաւ սպառնական պահանջ մը ընել. և չունէր իսկ յարմար առիթ մը: Երբ լորդ Սոլզբրի կը դառնար Կ. Պօլիս դեսպանաժողովէն, յԱթէնս նուիրակութիւն մը ընդունելով, ըսեր էր անոր «Տեսարք, յունական խնդիր չկայ: Բուլղարք, ապստամբեցան և ջարդուեցան»: Ըսել ուզելով թերեւս որ եթէ դուք ալ ապստամբէիք և ջարդուէիք, այն ատեն Եւրոպա Ձեզ համար ալ հարց մը կը յարուցանէր: Սակայն ի Յունաստան չկար վարչութիւն մը, որ ունենար ծրագիր մը և չկար համաձայնութիւն մը իօսարանին մէջ: Թուրքոս պատերազմը հրատարակուելուն ժամանակ, երբ ժողովուրդը եռանդնաւորած կ'ուզէր թշնամական ընթացք մը բռնել թուրքիայի դէմ, կը տապալէր Մայիս 7ին Դէ-

Յունաստանի
յուզմունքը:

A

C

,

լիճորճիս պաշտօնարանը և Գէորգ Թագաւորը կը բռնադատուէր նոր պաշտօնարան մը կազմելու, որուն զուլի կ'ըլլար ծովակալն Կոստանդին Կանարիս, Յունաստանի ազատութեան հինաւուրց դիւցազնը, և որ կ'ըլլար միանգամայն պաշտօնեայ Մովսիսի զօրութեան: Իրեն ընկերքը կ'ըլլային Աղեքսանդր Կոմունդուրոս՝ պաշտօնեայ Ներքին Գործոց, Տրիքուրիս՝ Արտաքին Գործոց, Դէլիճորճիս՝ Ելեւմտից, Չայիմիս՝ Արդարութեան, Դէլիյանի՝ Հանրային կրթութեան և կրօնից, Խարաւամբոս Չիմբրաքաքի՝ Պատերազմի: Բաց ի երկուքէ ամենն ալ երբեմն զուլիք պաշտօնաբանաց տարրեր ծրագիրներով. և հիմա վարչութեան մասնակցած ժամանակնին, չէին հրաժարած իրենց ծրագիրներէն. նա մանաւանդ որ գրեթէ ամեն երեսփոխան ինքնին առանձին կուսակցութիւն մը կը կազմէր: Այսօրինակ վարչութեան ներքեւ կազմուեցաւ, պատերազմի մը գաղափարով, 25,000 զօրաց բանակ մը, որուն կազմութեանը ղէմ բողոքեց անմիջապէս Բ. Գուռը: Անգղիային ատեն կէս պաշտօնապէս ազդարարեց յունական վարչութեան հանդարտ կենալու. և Ռուսաստան իմացուց Յունաստանի չյուսալ ո՛ր և է հողային յաւելուած մը թէ պատերազմին և թէ վերջնական դաշնաց ժամանակ: Յունաստանի վարչութիւնը ըմբռնեց ազդարարութիւնը և նոյն իսկ Քորֆուի դիմաց կալանաւորած օսմանեան դրօշով նաւ մը, բռնադատուեցաւ զրկել ի Տրեստ, համազգային խնդրէ մը ազատելու համար:

Երբ 1878ի Յունուարի մէջ լսուեցան զինադադարման ձայները, այն ատեն յոյն ժողովուրդը և լրագիրք զայրացան մեծապէս պաշտօնարանին շուարեալ և երկչոտ ընթացքին վրայ, որ բռնադատուեցաւ հրաժարիլ, և Յունուար 24ին նոր պաշտօնարան կը կազմեց Կոմունտուրոս, յորում հին պաշտօնէիցմէ կը մնար միայն Արտաքին Գործոց պաշտօնեայն Դէլիյանի:

Սակայն պատերազմէն օգտուելու ժամանակը անցեր էր. և երբ 26ին լսուեցաւ որ Յունաստան բնաւ կտոր մը հողի իսկ պէտք չէր յուսալ յունական թրքահպա-

տակ գաւառներէն, Աթէնքի ժողովուրդը յուզուեցաւ . վազեց բազմութեամբ փողոցները, և նախկին պաշտօնէից տներուն դռները քարկոծեց, գոչելով « կեցցէ՛ պատե՛րազմ և կորսուին մատնիչք »: Չինակիրք դիմեցին ամբոխին վրայ, երկու կողմանէ թռան ատրճանակի հարուածք և ինկան վիրաւորք: Նուիրակութիւն մը ուզեց ներկայանալ առ թագաւորը որ չ'ընդունեցաւ. և գիշերը վրայ գալով, ցրուեցաւ ցոյց ընող ամբոխը: Երկրորդ օրը նորոգուեցան նոյն տեսարանք. վարչութիւնը բռնադատուեցաւ զինուորներով բռնել փողոցները. և պատե՛րազմի պաշտօնեայն անձամբ դիմեց ամեն կողմ անկարգութեանց դիմացն առնելու: Ամբոխը կը գոչէր որ հրաման տրուի մեկնելու թրքահպատակ արենակցաց գաւառները պաշտպանելու . նոյն փափազը կ'արտայայտէր պաշտօնարանին նախագահը կոմունդուրոս . և խօսարանը յետ երկու օր վիճելու, խրախոյս չ'ընելով պատերազմ հրատարակելու, Յունուար 30ին վստահութեան միայն քուէ մը տուաւ առ պաշտօնարանը, որ այսպէս չկրցաւ զէնքի դիմելու:

12. — Բայց բազմաթիւ կամաւորք գաղտ կամ յայտնի դիմեցին թրքահպատակ եղբայրակից գաւառները, յորս ապստամբութիւնը սկսեր էր: Ֆիէրէս գաւառը հրատարակեց իր միութիւնը Յունաստանի հետ. նոյնը ըրին հետեւեալ օրերուն մէջ Պէլիոն, Արմիրօ և Վօլօ գաւառները, որոց հետեւեցան Եպիրոս և կրետէ: կոմունդուրոս Փետրուար 2ին հրամայեց Սկարլատօ Սուցօ զօրավարին որ բանակած էր ի Ֆիդիոդիդ, մտնելու իր գունդերով թրքահպատակ յոյն գաւառները, իբրեւ միայն « կարգ պահել տալու նպատակաւ »: Պաշտօնարանը չէր համարձակեր թուրքիոյ դէմ պատերազմ հրատարակելու. մանաւանդ որ սա, զինադադարման ստորագրուելովը, իր բովանդակ բանակով կրնար ինկնալ Յունաստանի վրայ. և Արտաքին Գործոց պաշտօնեայն Դէլիյանի՝ յԱթէնս թուրքիոյ դեսպանին, Գոթիատէս Բէյի այցելութեան կ'երթար բացատրելու համար, որ յոյն գունդերուն թրքահպատակ գաւառաց մէջ մտնելը, թուր-

Ապստամբութիւնք ի թեւսպիտ, Եպիրոս, Մակեդոնիա:

քիոյ դէմ պատերազմ հրատարակել չէր. բնական է առանց համոզելու զթուրք դեսպանը:

Սուցօ զօրավարը 12,000 հոգևով չուեց ի Գոմոքօ և ուրիշ սիւնակ մը մտաւ յԵպիրոս, ամեն կողմ խանդավառ ընդունելութիւն գտնելով: Եպիրոսի և Թեսաղիոյ զանազան աւաններ ապստամբեցան, քանի մը հազար անձինք զինեալ տիրեցին Պիլաֆթէփէի և կտրեցին Վոլոյի և Լարիսսայի մէջ հաղորդակցութիւնքը: Եւրոպիոյ ամեն կողմէն փութով յոյն ուսանողք և եւրիտասարդք դիմեցին ի հայրենիս, համարելով որ ստուգապէս պատերազմը կը սկսէր ընդդէմ Թուրքիոյ: Պութիատէս բէյի ազդարարութեան վրայ, Հորադօ փաշայի վարչութենէն հրաման ստացաւ զրահաւոր նաւերով ծեծելու յունական ծովեզերեայ քաղաքները: Եւրոպիոյ պետութիւնք յուզուեցան և միջամտեցին առ Բ. Գուրու: Միանգամայն յունական վարչութեան խոհեմութիւն քարոզեցին, խոստանալով որ մեծ պետութիւնք կը ստանձնէին թրքահպատակ յունական գաւառաց խնդիրը:

Այսպէս Աթէնքի վարչութիւնը հրամայեց Սուցօ զօրավարին ետ դառնալու և սահմաններէն ներս մտնելու: Ժողովուրդը ի սկզբան զայրացաւ այս լրոյն վրայ, Սուցօ զօրավարը տուաւ իր հրաժարականը. բայց կոմունզուրոսի բացատրութիւնը խօսարանին մէջ ըմբռնել տուաւ ամենուն, որ այդ խոհեմութեամբ միայն կարելի էր յուսալ օգտուելու խաղաղութեան վճռական դաշինքներուն ժամանակ: Սակայն յունական բանակին քաշուելովը, թրքահպատակ յոյն գաւառները չհանդարտեցան և շարունակեցին ապստամբութիւնը: Թեսաղիոյ մէջ 80) ապստամբք Փետրուար 15ի տիրեցին Պլատանոսի: Ուրիշները առին զկարտիցա: Մակրինիցայի քով հաւաքուած էին 500 ապստամբք: Թուրքերը 4000 զինուորօք յետ եօթը ժամ պատերազմելու, զանոնք վանեցին լերանց մէջ: Ուրիշ զանազան կողմեր ալ ձեւացեր էին ապստամբ խումբեր, ամենն ալ մէկմէկէ անկախ, սեպհական առաջնորդի մը հնազանդելով: Սակայն երբ Հորադօ փաշայ Վոլոյի ծոցին բերանը տորթիլներ դրաւ և խաքէնտէր ու

Ռէճէր փաշաները գունդերով կտրեցին Պէլիոնի ապստամբաց յարաբերութիւնը Յունաստանի հետ, այն ատեն ապստամբը փակուած մնացին: Այսու հանդերձ Մարտ 15ին և 20ին փորձեցին կտրելու պաշարողաց բանակը և ձեռք բերին իսկ երկու թնդանօթք և ամրացան Հայիայի մէջ: Հոն 10,000 զօրաց թուրք բանակ մը եկաւ զիրենք ուժակոծելու Մարտ 18ին՝ ծովէն ու ցամաքէն, տիրեց Մակրինիցայի, կողոպտեց ինչ որ գտաւ, այրեց բնակութիւնները և ահաւոր, անխնայ ջարդերէ վերջը մտաւ ի վալօ: Մակրինիցայի անկումը վերջ տուաւ Պէլիոնի, այսպէս և թեսաղիոյ ապստամբութեան:

Մակեդոնիոյ մէջի ապստամբ խումբերն ալ որոնց զուգի կեցեր էր Գուրիստիս և տիրեր էր Լիտոխորի, կատէրինա, Պերտո, կոքինոպլուս և ուրիշ աւաններու, Ապրիլի սկիզբները Հորարդ փաշայի գալստեան լրոյն վրայ ցրուեցան:

Իսկ Եպիրոսի մէջ ապստամբութեան զուգի կեցած էր Գէորգ Ստէֆանոս, որ Փետրուարի մէջ Քորֆուէն հետը բերած էր հազարաւոր զինեալ անձինք: Սակայն Ապրիլ 28ին Ստէֆանոս պաշարուեցաւ թուրք բազմաթիւ գունդերէ Լիկոմէսի քով, իր խումբերը ցրուեցան և ինքը 50 հոգով ապաւինեցաւ Խիկուրոսի վանքը: Այն ատեն բաշխողուցները ցրուեցան ամեն կողմ, այրեցին զիւղերը, կողոպտեցին բնակիչքը և սպաննեցին արք և կանայք, յորոց ոմանք բարբարոսաց ձեռքը չ'ինկնալու համար, իրենք զիրենք գետ նետեցին և խեղդուեցան: Շատ քիչերը ապրեցան:

Այսպէս ապստամբութիւնը լմեցած կը համարուէր, երբ Անգղիա իր Սէլանիկի հիւպատոսին, Սըր Բլունդի միջոցաւ ստացաւ որ՝ Բ. Գուռը ընդհանուր ներուձն շնորհէ ապստամբաց և երկու տարի ժողովուրդը ազատ ըլլայ տուրքերէ: Անգղիոյ ստիպելովը նաեւ յունական վարչութիւնը հրատարակեց որ ապստամբը բնաւ յոյս մը չունենան Յունաստանէն: Այսպէս կը լմնար առանց արդեանց յոյն թրքահպատակ գաւառաց ազատութեան համար ապստամբութիւնն: Կը մնար միայն

Անզգիայէն տրուած յոյս մը, որ իրենց նկատմամբ պիտի մտածուէր հաւաքուելիք դաշնաժողովոյն մէջ:

Կրօնի
ապստամբու-
թիւնը և տեղա-
կոծ վարչու-
թիւնը:

13. — Իսկ ի կրօնէ, ուր երբէք տժգոհութիւնը ընդդէմ թուրքիոյ վերցուած չէին, ապստամբութիւնը աւելի լուրջ կերպարանք առաւ: Երբ 1876ի հրատարակուեր էր օսմանեան Սահմանադրութիւնը, որով թուրքիոյ պետութեան գաւառք հաւասար օրինաց և կարգաց ներքեւ կը դրուէին, և կը վերնային կղզւոյն առանձնաշնորհութիւնքը, քրիստոնեայ ժողովուրդը բողոքեց. և 1877ի Մայիսի մէջ պահանջեց ինքնիշխան վարչութիւն մը կամ տեսակ մը հասարակապետութիւն, Սուլթանին գերիշխանութեան ներքեւ: Բարձրագոյն Գուռը դրկեց ի կրօնէ զՔիստրի բէյ, որ յունարէն լեզուին և կղզւոյն ծանօթ, համոզէ զիրենք յետս կալու այդ առաջարկութեանէն: Քրիստոնեայ երեսփոխանք չուզեցին մտիկ ընել և ուղղակի դիմեցին առ Սուլթանը, որ երբ պատասխան չտուաւ, Օգոստոս 10ին Ապոկրոնա գաւառին Քլիմա աւանին մէջ Մշտամնաց վարչական յանձնաժողով մը դրին, և ծանուցին կղզւոյն կառավարիչ Սամի փաշայի որ՝ մինչև Կ. Պօլսէն գոհացուցիչ պատասխան մը չ'առնուն, չեն ճանչնար թուրք իշխանութիւնը: Միանգամայն հրատարակութեամբ մը յորդորեցին իրենց թուրք հայրենակիցքը, միանալու իրենց հետ. «Արդէն դուք մեր եղբայրներն էք, կ'ըսէին. ձեր պապերը քրիստոնեայ էին, և ամեննիս մէկ հայրենեաց զաւակներ ենք»: Սամի փաշա շատ անգամ նոր գունդեր խնդրեց Բ. Դոնէն, սակայն Պլէշնայի շուրջը պատերազմին պատճառաւ, իր ունեցածներէն ալ զրկուեցաւ:

Քլիմայի յանձնաժողովը ձայն տուաւ կղզւոյն ամեն կողմ: Թուրքերը բնաւ չշարժեցան, այսու հանդերձ հաւաքուեցան մօտ 8000 զինեալ անձինք, յորս կային 1866ի ապստամբութեան գլխաւորներէն կրիարիս, Հանի Միխալի, Միլոնայաքի և Պլումի: Արդէն Յունաստանէն ալ շատ կամաւորներ և զէնքեր հասէր էին. ապրտամբք դիմեցին և տիրեցին Սֆաքիա քաղաքին, որ Ապոկրոնայի գլխաւոր տեղին է: Կրէտէի շատ աւաններ

և գիւղորէք ինքնօրէն վարչութիւններ կազմեցին, քանի որ թուրք բանակ մը չկար. և իրենք իրենց սկսան կառավարուիլ: Բ. Դուռը արտասովոր նուիրակ զրկեց զկոստաքի Առոստիտէս, արդէն երբեմն ենթաքաղաքապետ ի կրետէ և սիրելի կղզեցոց, ըլլալով ազգաւ յոյն Սակայն գլխաւորներէն ոչ ոք մտիկ ըրաւ և ինքնագլուխ առաջնորդները Հաճի Միխալի, կրիարիս և կորկիտիս, Մարտ 26ին բաղխուելով թուրք 6000 զինուորաց հետ, որոց կը հրամայէր Կուրի փաշա, Լիքիանոյի քով, մեծ յաղթութիւն մը կատարեցին: Բ. Դուռը կը պատրաստուէր նոր գունդեր զրկելու, երբ Անգղիա ինչպէս յունական գաւառաց, այսպէս միջամտեց նաեւ կրէտէի համար: Կ. Պոլսոյ դեսպանը սըր Լայարդ, կանէայի ապստամբաց զրկեց զսըր Սանտվիթ, անգղիացի հիւպատոսը, ընդհանուր ներուձն խոստանալով, եթէ կղզեցիք զէնքերնին վար դնեն: Փլինայի վարչական յանձնաժողովը և զինուորական գլխաւորք գրութիւն մը յանձնեցին առ Սանտվիթ, որով կը ծանուցանէին կղզւոյն մէջ թուրք իշխանութեան անկումը, առժամանակեայ վարչութեան մը կազմուիլը, մինչեւ որ կրետէ միանայ Բունաստանի հետ: Այս էր կղզւոյ վիճակը զինադադարմանէն վերջն ալ և զայս պիտի պահանջէին կրետացիք ի Բէռլին հաւաքուելիք ժողովէն:

14. — ՅԵՆՐՈՒԿԱ թուրք գաւառներն կամովին ոտք ելած էին ապագայ բարիքներ ձեռք բերելու համար: Իսկ Ասիոյ, կամ ճշդագոյն ըսենք, Հայաստանի գաւառները, Հայաստանի բնակիչքը, կրեցին ամեն տեսակ աղէտք, առանց պատճառ ըլլալու, առանց պահանջելու և առանց յուսալու:

Մուխթար փաշայի պաշարեալ կարնէն մեկնելէ վերջը, անկարելի էր այնքան քիչ պահանջորդով դիմանալ երկար պաշարման մը, և միայն անաւոր ձմեռն էր որ կը խափանէր Ռուսաց ընդհանուր յարձակում մը: Պատերազմին և պաշարման պատճառաւ նուազեցաւ ապրուստը. սուղ էր ամեն բան և սկսան պակասիլ կարեւորքը, մանաւանդ վաճառականաց ոմանց շահա-

Ռուսք ի կարին. - Ե՛կէ-կրֆիքով զօրովարին մա-հը:

1877 Դեկտ. 24.

դիտութեան պատճառաւ: Յուրտէն և դրսէն եկած ժողովրդեան անմաքրութենէն առաջ եկաւ և վարակեցաւ տիֆօ հիւանդութիւնը որ բազմաթիւ կեանքեր հնձեց ի կարին և շրջակայքը: Միայն կարնոյ մէջ մեռան 14,000 անձինք. հիւանդութիւնը քաղաքներէն անցաւ նաեւ գիւղօրէից մէջ: Յունուարի մէջ Տփղիսէն բժիշկ մը դրկուելով 5000 հիւանդ գտաւ ի կարս, 7000 ի Հասանքալէ, 12,000 կարնոյ շրջակայ գիւղօրէից մէջ: Շատ անձինք մեռան նաեւ սպայակուտէն և գրեթէ պատերազմին բոլոր դիւցազունքը. յորս քաջ զօրավարն Հայման. զօրավարքն Սոլովիէֆ, Գուբսքի՝ թնդանօթածիգ զօրաց հրամանատարն, Շէլկոֆիկով՝ և զօրավարն Վահան Լորիս Մէլիքով, ազգակից ընդհանուր հրամանատարին: Նոյն իսկ ընդհանուր հրամանատարը բռնուեցաւ հիւանդութենէն ծանր կերպով և հրամանատարութիւնը յանձնեց Հայման զօրավարին. սա եւս բռնուելով, ուսկից մեռաւ, իր տեղն անցաւ զօրավարն Լազարէվ: Կովկասի բանակը պատերազմներուն մէջ ունեցաւ 3,909 մեռեալք, իսկ տիֆոս խլեց իրմէն 1877ի Ապրիլ 1էն մինչեւ 1878 Փետրուար, 9871 անձինք¹:

Իսմայիլ Հակքի փաշա գիտէր որ չկար օգնութեան ո՛ր և է յոյս պաշարմանէն ազատուելու. և երբ Լորիս

1. Ի Հասանքալէ տիֆօ հիւանդութեան զոհերէն մին եղաւ Փետրուար 10ին երիտասարդ հայ զօրավարն Շէլկոֆիկով: Մնած էր նա ի Նուիի յամին 1887, որով մեռած ժամանակ 41 տարեկան էր: «Ներկայ պատերազմի մէջ Շէլկոֆիքով յայտնեց իր բոլոր զինուորական տաղանդը և ամենքը համոզուեցան որ այդ մարդը ամեն արժանաւորութիւններ քնի՝ խեղք, քաջութիւն, գիտութիւն, բնատրութեան զօրութիւն, կառավարչական ոգի: Իր կառավարչական բոլոր ընդունակութիւնները Շէլկոֆիկով ցոյց տուեց Ջաքարթալեան զաւառը կառավարելու ժամանակ: Նա ոչ թէ միայն ծննդեամբ հայ էր, բայց և ոգով բուն հայ էր՝ նա օտարացած չէր շատերի պէս: Նա թողեց մի երիտասարդ կին իր երախաներով»: Մշակ 1878 Փետր. 14: մեծամեծ զովեստներ գրեցին նաեւ եւրոպական լրագիրքը:

Շէլկոֆիկով զօրավարին մարմինը Մարտ 8ին Տփղիս տարուելով, վտնուց մայր եկեղեցիին յատուկ տապանի մը մէջ դրուեցաւ: Յուզարկաւորութեանը ներկայ էին բիրտաւոր անձինք, յորս կովկասի փոխարքայն մեծ զուրն Միքայէլ, և քաղաքական և զինուորական իշխանութիւնք:

2. Տեղեկագիր կովկասու կայսերական բժշկական ընկերութեան:

Մէլիքով Հասանքալէ հասնելով, առաջարկեց անձնատրութիւն, ապա թէ ոչ պիտի ոմբակոծէր զկարին: Այն ատեն իսամայիլ Հակքի փաշա՝ Բ. Դրան հրամանին վրայ, զինադադարման յօդուածոց համեմատ, բանակացութեան մտաւ Լորիս Մէլիքովի հետ. և Փետրուար 21ին թուրք հրամանատարը իր վաշտերով քաշուեցաւ յԵրզնկա: Կոյն օրը ոռւս բանակը մտաւ ի կարին, ուր հասաւ երկրորդ օրը նաեւ Հայման զօրավարը և երրորդ օրը ընդհանուր հրամանատարն Լորիս Մէլիքով, որուն ընդ առաջ գնացին քաղքին նշանաւոր անձինք և պաշտօնեայք: Հայ զօրավարը թրքերէն լեզուաւ ողջունեց ընդ առաջ եկողքը, խօսեցաւ երկար հետերնին, ապա զՔիշմիշոֆ հայազգի զօրավարը կուսակալ անուանեց կարնոյ, որուն քիշ օր վերջը յաջորդեց Դուխովսքի զօրավարը: Լորիս Մէլիքով պատուիրեց քրիստոնէից, մեծ սիրով վարուիլ մահմէտականաց հետ, որպէս զի Ռուսաց յետոյ քաղաքը թողած ժամանակ տագնապներ չունենան և չստիպուին գաղթելու:

Կարնոյ առմամբ ոռւս ասիական բանակին ամբողջական ծրագիրը աւարտած կը համարուէր: Արդէն վրայ գալով զինադադարը, կը խափանուէր ո՛ր և է զինուորական գործողութիւն մը:



Գ Լ ՈՒՒ Ի Ե .

ՍԱՆ ԱՏԷՖԱՆՈՅԻ ԳԱՇԻՆՔ-ԲԷՌԻՆՈՒ ԺՈՂՈՎՔՐ

1. Թուրքիա կը դիմէ Ռուսիոյ, զինադադարման համար. —
2. Անգղիոյ նաւատորմիզը ի Գարդանէլ. — 9. Չինադադարման յօդուածքը. — 3. Հաշտութեան բանակցութիւնք յԱրիւստուպոլիս, ի Սան Ստէֆանօ. — 4. Սան Ստէֆանոյի Գաշանց յօդուածները. — 5. Ստորագրութիւնը. — 5. Մեծ դուքսն Նիկոլա ի Կ. Պոլիս. — Թուրք-ռուս պատերազմին վերջը. — 6. Սան Ստէֆանոյի Գաշանց սպաւորութիւնը Արեւելքի և Արեւմտքի մէջ. — 7. Անգղիոյ և Ռուսիոյ մէջ ընդհարման երկիւզ. — 8. Անգղիոյ և Թուրքիոյ Յունիս 4ի դաշինքը Կիպրոսի նկատմամբ. — 9. Բէլուիստ ժողովքը. — 10. Գաշանց յօդուածները. — 10. Բոսնիս և Հըրվոզովինս կը յանձնուին Աւստրիոյ. — Պատերազմին սուգանքը. — 11. Ռուսիոյ նոր սահմանքը Հայաստանի մէջ. — Խոստացեալ բարեկարգութիւնք. — 12. Բէլուիստ ժողովքին արգիւնքը:

Թուրքիա կը
դիմէ Ռուսիոյ
զինադադար-
ման համար:

1. — Բեւո որոյ Ռուսիոյ վարչութիւնը չ'ընդունեցաւ Անգղիոյ կողմանէ միջնորդութիւն զինադադարման մը պայմանաց համար, և ծանոյց որ Բ. Գուոր պէտք էր դիմել բանակաց ընդհանուր հրամանատարներուն. Ռէուֆ փաշա՝ պաշտօնեայ պատերազմի՝ նուիրակ մը զրկեց առ մեծ դուքսն Նիկոլա ի Լովաց, իմացնելով որ Ռուսիոյ բանակին սպարապետը, Մէհէմէտ Ալի փաշա, լիազօր իշխանութիւն ունէր զինադադար մը կնքելու: Անմիջապէս ոռւս ընդհանուր հրամանատարը պատասխան զրկեց որ Ռուսիա կ'ընդունէր զինադադար մը ստորագրելու, այն եղանակաւ միայն, որ ապագայ

հաշտութեան պայմանները բովանդակուին զինադադարման մէջ: Երբ Ռ. Գուոր խնդրեց գիտնալ այդ պայմանները, այն ատեն մեծ դուրսն Նիկոլա իմացուց որ զրկուին լիագոր նուիրակք ի Քրզանլըք, ուր ինքը պիտի մեկնէր, միարան խօսելու խաղաղութեան դաշանց հիմնական պայմաններուն վրայ և այնպէս կնքել զինադադար: Բարձրագոյն Գուոր փութով զրկեց իրրեւ քաղաքական նուիրակք՝ ութսունեւերկուամեայ Նամըք փաշայն, հին հայրենասէր մը և զՍէրվէր փաշա. իսկ իրր զինուորական նուիրակք՝ զԼէճիր փաշա և զ(սման փաշա, ո՛չ Պէլճնայինը: Ասոնց խորհրդական տրուեցան Պ. Թարէն իրրեւ. Թարգման, Ճէմիլ բէյ և Խաչիկ էֆէնտի (տեան): Նուիրակները Յունուար 16ին արդէն Հարմանլի կը գտնուէին, ուր յետ աչքովնին տեսնելու հոն եղած արխնահեղ կոիր, 19ին հասան ի Քրզանլըք: Մեծ դուրսը քանի մը օր ուշացուց բանակցութիւնքը սկսելու և ապա իմացուց որ դաշնախօսութեան տեղին նշանակուած էր Աղըրիանուպօլիս, ի յիշատակ նախկին ուրիշ դաշնակցութեան մը և թուրք նուիրակները հրաւիրեց միարան մեկնելու հոն: Բնական է թէ այս պատրուակ մէր ռուս բանակին ժամանակ տալու աւելի եւս տեղեր գրաւելու համար: Այսպէս ութ օրեր սահեցան առանց որոշողութեան մը և Ռուս բանակը կը յառաջէր դէպ ի կ. Պօլիս:

2. — Այս պատերազմական հնարքները, զայրացուցին մեծապէս Անգղիոյ ժողովուրդը և վարչութիւնը, որ արդէն կանխապէս Ռուսիոյ կողմանէ իր միջամտութեան մերժուիլը չէր կրցած անտարբեր աչքով դիտել. և երբ խօսարանին մէջ Պ. Գլադստոն հարցուց վարչութեան թէ Անգղիոյ իրաւանց համար փնաս մը չէ՞, որ հաշտութիւնը կատարուի, բրիտանական վարչութեան կանխապէս պայմանքը չծանուցուած. սրը Ստաֆֆորտ Նորթկոտ վարչութեան կողմանէ «Այո՛» պատասխանեց. և ի հաստատութիւն խօսքին, Յունուար 24ին հրաման զրկուեցաւ առ Նոովակալն Հորրի, հրամանատար Միջերկրականի նաւատորմին, անցնիլ Գարդանէլը և յա-

Անգղիոյ նաւատորմը ի Գարդանէլ:

ոաջել դէպ ի Կ. Պօլիս: Բովանդակ Եւրոպա պահ մը սրտի տրոփումն ունեցաւ, համարելով որ Անգղիոյ նաւատորմիդը իր զինացը պիտի գտնէր թուրք և ռուս նաւեր և անհրաժեշտ էր ընդհարումը: Սակայն Ռուսիա պատերազմով մը ստացած շահերը, չէր կրնար վտանգի մէջ դնել և ռուս զիւսնագիտութիւնը ի Պետերբուրգ աճապարեց հաղորդելու Անգղիոյ ղեսպանին հաշտութեան պայմանաց հիմունքը և նաւատորմիդը Դարդանէլի զինաց հասած ժամուն, հեռագիր ստացաւ դառնալ ի Բէսրեա:

Զինադադարման յօդուածը:

Յունուար 27ին մեծ զուրան Նիկիոյա և թուրք նուիրակները հասեր էին յԱզրիանուպօլիս, ուր վիճուեցան զինադադարման պայմաններու վրայ և Յունուար 31ին ստորագրուեցան: Բայտ այս պայմանաց, 1. Բուլղարիա ինքնավար, բայց Բ. Դրան հարկատու երկիր մը պիտի ըլլար, ունենալով ազգային ըրիտօնեայ վարչութիւն մը և տեղացի պահանորդ. 2. Մոնտէնէգրօ ինքնիշխան պիտի ըլլար և պիտի ստանար նոր հոյեր 3. Ռումանիա և Սերբիա անկախ երկիրներ պիտի ըլլային, առջինը պիտի ստանար նոր գաւառներ և երկրորդին սահմանները պիտի շտկուէին. 4. Բոսնիա և Հէրձէգովինա ինքնօրէն պիտի մատակարարուէին. և բարեկարգութիւնը պիտի մտցուէին եւրոպական թուրքիոյ ուրիշ գաւառաց մէջ. 5. Բ. Դուր պիտի վճարէր պատերազմի ծախք, և պիտի պահուէին Ռուսիոյ իրաւունքները Վոսփորի և Դարդանէլի նկատմամբ. 6. Օսմանեան վարչութիւնը պիտի հանէր իր զինուորքը Վիտինէ, Ռուսնուքէ, Սիւրիտորիէ և Կարինէն և զադոնք պիտի յանձնէր ռուս հրամանատարութեան, մինչեւ զաշանց կնքուիլը: Փութով պէտք էին սկսիլ և հաշտութեան բանակցութիւնը:

Զինադադարման զինուորական պայմանաց համար թիրքաց կողմանէ նուիրակ անուանուեցան Նէճճի փաշա և Օսման փաշա, ոչ Պլէֆնայինը. իսկ Ռուսաց կողմանէ Նէպոքոյիչիցքի և Լիվինսքի զօրավարները, որոնք սահմանեցին զինադադարման ժամանակ բանակներուն բոնելիք կէտերը: Անմիջապէս Բ. Դրան Սեւ Մովուն ռուս

ևզերաց վրայ դրուած պաշարման վիճակը վերցուեցաւ և ոռւս բանակը բռնեց զինուորականնապէս՝ նշանակեալ քաղաքները, յորս և զկարին Փետրուար 2ին: Լորիս Մէլիքով մեկնեցաւ անկէ ի Տփղիս, զուրի թողլով Ասիոյ բանակին զգորավարն Հայման:

Իսկ Եւրոպա Ռուսիոյ ընդհանուր հրամանատարութիւնը անմիջապէս չժանոյց Բ. Իրան զինադադարման գործադրութիւնը. որով Ռուսաց ղէպ ի կէլիբոլու յառաջելը, Կ. Պօլսոյ վրայ դիմում մը մեկնուեցաւ յԱնգղիա. և պատերազմի պաշտօնեայն հրաման զրկեց առ Հորնրի Նիովակալը բռնի մտնել ի Գարդանէլ և ի Կ. Պօլիս, և պաշտպանել անգղիացի հպատակըր: Փետրուար 14ին բրիտանական նաւատորմիղը մտաւ կիրճը առանց ուշ դնելու Սուլթանիէ բերդին հրամանատարին արգելքին և առանց կարեւորութիւն տալու թուրք վարչութեան բողոքին: Ռուսիա եւս յուզուեցաւ և իշխանն Գորչաքով իմացուց Եւրոպիոյ Պետութեանց դիւաննեւրուն որ՝ այն պատճառաց համար, որովք Անգղիոյ նաւատորմիղը կը մտնէր կիրճէն ներս, ինքն ալ պաշտպանելու համար բոլոր քրիստոնեայքը, հրաման ւրած էր որ իր բանակէն մաս մը մտնէ ի Կ. Պօլիս. և ոռւս ղեսպանատան առաջին թարգման, Պ. (Նուրի յանձնուեցաւ իմացնելու Սուլթանին, որ առ ժամանակեայ կերպով ոռւս զինուորը պիտի բռնէին իր մայրաքաղաքը: Ռուսիոյ և Անգղիոյ յարաբերութիւնը սպառնական դիրք մը առին և ամենայն ոք արդէն հակայական պատերազմ մը կը տեսնէր ընդհուպ:

Արդիւ Համիդ մեծապէս վշտացած և տագնապած, ժողովքի կանչեց բոլոր հին վեզիրները և զինուորական պետերը, միաբան խորհրդակցելու՝ թէ կարելի՞ էր ղէմ կենալ զօրութեամբ Ռուսաց իր մայրաքաղաքը մտնելուն. որով նոյնպէս արգելուլ Անգղիոյ նաւատորմիղին: Ժողովքին մէջ եղած զօրավարք յայտարարեցին որ անհնար էր Ռուսաց դիմաց նոր պատուար մը հանել. և սահմանուեցաւ որ Սուլթանը անձնականապէս դիմէ առ Չարը, որպէս զի գոնէ միայն արուարձաններուն մէջ

բնակի ռուս բանակը: Իսկ Անգղիոյ ընթացքին դէմ որչափ որ մեծամեծ բողոքներ լսուեցան խորհրդին մէջ, բայց անոնք բաւական չէին բրիտանական նաւատորմիդ մը կեցնելու: Թուսայ գալստեան ենթադրութեան մը լուրը, մեծ յուզումն պատճառեց Պալատան բարձր և ընտանեկան ամեն շրջանակաց. մինչեւ պահ մը ձայն տարածուեցաւ որ Արդիւ Համիդ բոլոր արքունիքով պիտի մեկնէր ի Բրուսա: Եւ սակայն նա իր սուր քաղաքագէտ մտքովը, լաւագոյն համարեցաւ մնալ մայրաքաղաքին մէջ և ժողովրդեան վստահութիւն շնչել: Նրամը ծերունի փաշան զրկուեցաւ առ մեծ դուքան Նիկոլա, խնդրելու որ ռուս բանակը չմտնէ ի կ. Պօլիս. Թուսիոյ դիւանագիտութիւնը խոհեմագոյն համարեցաւ և օգտակար, գոհացնելու զՍուլթանը և թուրք ժողովուրդը, քան մահացնել: Իսկ Անգղիոյ նաւատորմիդը առանց միտ դնելու բողոքին, եկաւ խարսխեց Պրինքիպօ կղզեաց մօտ. այսպէս յայտնելով իր կամքը որ կ'ուզէր գիտնալ վերջնական հաշտութեան պայմանքը թուրքաց և Թուսայ մէջ:

Հաշտութեան բանակցութիւնը յԱրիւստուպօլիս և ի Սան Ստեֆանօ:

3. — Նոյն ոգով ուրիշ կերպ շարժում մը ըրած էր նաեւ Աւստրիա և առաջարկած էր պետութեանց խորհրդակցութիւն մը ի վեննա, սակայն տեղիք չունեցաւ, որովհետեւ Թուսիոյ դիւանագիտութիւնը ջանաց ամեն բան վերջացնել դեռ պետութիւնը չհամաձայնած: Պաշտօնական բանակցութիւնը սկսան Փետրուար 14ին: Թուսիոյ ներկայացուցիչքն էին զօրավարն Իգնատիէվ, դեսպան ի կ. Պօլիս և դեսպանատան ատենադպիրը՝ Նէլիդօֆ: Իսկ թուրքաց ներկայացուցիչքն էին Սավֆէթ փաշա և Բէռլինու դեսպան Սադուլլահ բէյ: Իրենց խորհրդակցական էին Համամճեան Սարգիս էֆէնտի, ընդհանուր ատենադպիր Արտաքին Գործոց պաշտօնարանին՝ (տեան Խաչիկ էֆէնտի, նոյն պաշտօնարանին Արտաքին յարաբերութեանց տեսուչը և Պ. Թարէն, Թարգման նոյն պաշտօնէութեան: Թուրք դիւանը որ փութկոտ երեւցեր էր զինադադարման դաշինքներուն համար, հիմա հաշտութեան նկատմամբ դանդաղ էր, յուսալով յամեց-

մամբ շահիւ ինչ: Ռուս բանակը պիտի չմտնէր ի կ. Պօլխա, բայց պիտի բռնէր Քիւչիւք Չէքմէճէի գիծը. և հաշտութեան դաշնախօսութիւնք փոխանակ Աղբրիանու. Պօլսոյ՝ պիտի կատարուէին ի Սան Ստէֆանօ, կ. Պօլսէն հինգ թլումէզը հեռու, Մարմարայի ափանց վրայ: Հոն փետրուար 26ին հասաւ մեծ դուքսն Նիկոլա. զինքը ընդունեցան Րէուֆ և Մէհմէտ Ալի փաշաները՝: Բարձրագոյն Գուռը մահմէտական բուռն զգացմանց յուզուելուն դէմն առնելու համար, մայրաքաղաքին որմոյց վրայ Յայտարարութիւն մը կ'պցնել տուաւ, որով իրեն կամաց և թոյլատուութեան կը վերագրէր թէ՛ Անգղիոյ նաւատորմին մուտքը ի կ. Պօլխա և թէ՛ Նիկոլա մեծ դքսին ի Սան Ստէֆանօ հաստատուելը: Թուրք և ռուս զինուորական հրամանատարութեանց մէջ, սահմանք գծուած էին և խիստ կանոնադրութիւնք, բայց հազիւ քանի մը օր անցան, ռուս սպաներով ողողեցաւ կ. Պօլխա. և պէտք է ըսել որ երկու կողմանէ անմիջապէս մոռցուեցան թշնամական զգացումներ. և ռուս զինուորականք հիանալով չնաշխարհիկ մայրաքաղաքին վրայ, զմայլեցան նաեւ գտնելով ամեն կողմ համակիր ընդունելութիւն մը:

4. — Իսկ հաշտութեան բանակցութիւնք երազապէս կը յառաջէին, որովհետեւ Ռուսք ծանուցած էին, որ կ'ուզէին հրատարակել դաշինքը Մարտ 3ին, Չարին գահակալութեան տարեդարձին. և Սալֆէթ փաշա որուն ազնուական զգացումները հանրաժանօթ էին, փափուկ նկատողութեամբ մը, կ'ուզէր յայսմ գոհացնել ռուս սպայակոյտը: Սակայն վերջին աւուր Ռուսիոյ մէկ պահանջը, թիչ մնաց վեր ի վայր տապալէր ամեն բարի կամը: Ռուս զիւանագիտութիւնը կը պահանջէր որ թուր-

Սան Ստէֆանոյի դաշանց Յօդուածները. — Ստորագրուելը:

1. Մեծ դուքսն Նիկոլա ի Սան Ստէֆանօ, բնակեցաւ Տատեան Առաքել բէյի սպարանքը:
Ի Սան Ստէֆանօ ռուս զօրավարաց մէջ կը հայազգի Մուրատօֆ զօրավարը:

քիա չբաժնուի Ռուսիոյ համաձայնութենէն, նկատմամբ Անգղիոյ և Աւստրիոյ, դաշանց վերջնական հաստատութեան համար թէ ժողովք մը առաջարկուի: Իզնատիէֆ զօրավարը կը սպառնար ոուս բանակը մտցնել ի կ. Պօլիս՝ եթէ չ'ընդունուէր իր առաջարկը: Արդիւ Համիդ պատասխանեց վստահութեամբ որ ոուս բանակը կ'ընդունուի ի կ. Պօլիս առանց ընդդիմութեան մը: Բայց մայրաքաղաքին գրաւումը յետոյ ինչ հետեւանքներ պիտի ունենար, անոնց պատասխանատու չէր: Ռուսը նուիրակը հրաժարեցան պնդելէ, և Մարտ 2ին երեկոյեան ժամը 5ին ստորագրուեցաւ Սան Ստէֆանոյի 29 յօդուածներէ բաղկացեալ 'Իաշինքը:

Առաջին յօդուածը կը գծէր Մոնտէնէզոյի նոր սահմանքը և կը յիշէր ստացած հողերը, յորս կային Նիքսիչ, Գացքօ, Սպույ, Պոտկորիցա, Եսբլիսք և Անտիվարի: Երկրորդ յօդուածով կը ճանչցուէր Մոնտէնէզոյի ինքնիշխանութիւնը և անկէ յառաջ եկած բնական համազգային հետեւանքները: Երրորդ յօդուածը կը հաստատէր Սերբիոյ անկախութիւնը և կը գծէր իր նոր սահմանները նոր յաւելուածներով: Հինգերորդ յօդուածով կը հրատարակուէր Ռումանիոյ անկախութիւնը, որուն պիտի վճարուէր նաեւ պատերազմի տուգանք մը, համաձայնութեամբ երկու կողմերուն: Վեցերորդ յօդուածով Բուլղարիոյ կը տրուէր ինքնավար հարկատու իշխանութիւն մը քրիստոնեայ կառավարչով: Կը համրուէին մի առ մի այդ իշխանութիւնը կազմող քաղաքները, աւանները և գիւղերը: Բուլղարիոյ իշխանը պիտի ընտրուէր ի Բուլղարաց և պիտի հաստատուէր բարձրագոյն 'Իոնէն տէրութեանց հաւանութեամբ. պիտի չըպատկանէր յերոպա թագաւորոց Տանց: Բուլղարիոյ ըլլալիք բարեկարգութեանց գործադրութեան, պիտի հսկէր երկու տարի ոուս գործակատար մը: Ութերորդ յօդուածին համաձայն թուրքիա իր բանակը պիտի քաշէր Բուլղարիայէն. բայց մինչեւ որ տեղացի զինուորութիւնը կազմուէր, 50,000 ոուսաց բանակ մը պիտի մնար հոն, որ ազատ էր հազորակցութիւն ունենալ

Սեւ ծովով կամ Թուամանիայէն, իր հայրենեացը հետ: Ինչ ներորդ յօդուածը կը կարգադրէր հարկատուութեան կերպը, և տասներորդ յօդուածը կը հաստատէր թուրքիոյ իրաւունքը Ռուլդարիոյ ճամբաներու նկատմամբ: Երկու տասներորդ յօդուածով կը պատուիրուէր հիմնայատակ ընելու Դանուբի վրայ բերդերը: Չորեքտասներորդ յօդուածով կը խոստացուէր մտցնել ի փոսնիա և ի Հէրձէգովինա տէրութեանց մէջ համաձայնուած բարեկարգութեանց ծրագիր մը: Հնգետասներորդ յօդուածը սեպհական կազմակերպութիւններ կը խոստանար Լիպրոսի, Թեասալիոյ, և Կրետէի մէջ 1868ի կանոնաց խղճիւ գործադրութիւնը: Տասնուվեցերորդ յօդուածը կ'ըսէր. «Որովհետեւ ոռւս գունդերուն Հայաստանի մէջ բռնած երկիրները պարպելը, որոնք պիտի դարձուին թուրքիոյ, կրնան յարուցանել ընդհարմունքներ և երկու աշխարհաց մէջ բարի յարաբերութեանց վնասարեւ կնճիռներ, Բարձրագոյն Դուռը կը խոստանայ, անյապաղ, գործադրել տալ, տեղական պիտոյից պահանջած բարւոքումները և բարեկարգութիւններն այն գաւառաց մէջ, յորս կը բնակին Հայերը. և երաշխաւորել անոնց ապահովութիւնը ընդդէմ քիւրտերուն և չէրքէզներուն՝»:

1. Թէ ինչպէս այս յօդուածը մտցուեցաւ Սան Ստեֆանոյի Կաշանց մէջ, շատ տեսակ գրուած կայ լրագրաց, Պրակաց և Պատմութեանց մէջ. «Կերտէս վարժապետեան արժանաւոր կերպով գրաւած էր Պոլսոյ պատրիարքական գահը: Երբ տեսաւ որ իադադութեան պատրաստական դաշինքի մէջ Հայաստանի անունն անգամ չկայ, թէ և պատրաստի դաշտն ուլլաով, Հայերը մեծապէս ֆասուած էին, ամեն պատասխանատուութիւն և վտանգ յանձն անելով, անձամբ գնաց Սան Ստեֆանո Ռուսիոյ բանակը, և ներկայանալով Կիևոյա մեծ դքսին, ինչրեց որ Հայոց համար ալ յօդուած մը գրուի: Մեծ դուքսը պատասխանեց թէ ոչ է, արդէն դաշինքը լինցած է և վաղը պիտի ստորագրուի: Պատրիարքը շատ ազաչելուն և կոմս Խզնատիւնի և բարոն Կէլիտովի ալ բարեխօսելով, մեծ դուքսը՝ Խզնատիւնի յանձնեց Հայոց համար յօդուած մը գրել: Խզնատիւնի ալ յօդուած մը իմքարեց որ եղաւ Սան Ստեֆանոյի 16րդ յօդուածը:

Հետեւեալ որք թուրքիոյ ներկայացուցիչը կը գարմանան թէ Ռուսները Հայոց համար ալ յօդուած կ'ուզեն. և կը բողոքեն թէ Հայոց ինչոր չկայ: Բայց մեծ դուքսը կը պնդէ յայտարարելով թէ այդ մասին Չարէն յատուկ հրահանգ ստացած է: Թուրքերը կը ստիպուին զիջանիլ»: Բրոֆ. Թումանյան, Պատմ. Արեւել. Խեղոյ, Գլ. ԻԶ:

Տասնրեօթներորդ յօդուածը ներուձն կը շնորհէր այն թրքահպատակներուն, որոնք մաս մը ունեցած են այս պատերազմին մէջ. և թէ աքսոր դրկուած էին, անմիջապէս պիտի ազատուէին : Տասնրութերորդ յօդուածով Բարձրագոյն Դուռը կը հաւանէր թրքա—պարսիկ սահմանագլխոյն գծուիլը : Տասնեւիններորդ յօդուածով կը սահմանուէր պատերազմի տուգանք 1 միլիար և 410 միլիոն ռուպլը : Բայց որովհետեւ օսմաննան Գանձը տազնապի մէջ գտնուելով չէր կարող վճարել, անոր համար փոխարէնին մաս մը պիտի տրուէր քաղաքներով, զորս կը յիշէր : Այսպէս յԱսիա պիտի տրուէր Ռուսիոյ իբր պատերազմի տուգանք՝ Արդահան, Կարս, Բաթում, Բայազետ՝ մինչեւ Սողանլուի գիծը : Հողային այս փոխարինութեանց պատճառաւ, տունգանքը վերածուեցաւ 300 միլիոն ռուպլի : Դարձեալ 10 սիլիոն ռուպլի ռուս հաստատութեանց և հպատակաց կրած վնասներուն համար : Քսանեւմէկերորդ յօդուածը ազատութիւն կու տար Ռուսիոյ ստացած հողերուն բնակչացը՝ գաղթելու : Քսանեւերկուերորդ յօդուածը ռուս եկեղեցականքը, կրօնաւորքը, ուխտաւորքը ի Սուրբ Երկիր կը հաւասարեցնէր ուրիշ ազգաց եկեղեցականաց. և Աթոս լեւրան կրօնաւորներուն առանձնաշնորհութիւնքը կը պահէր : Քսանեւչորրորդ յօդուածը ազատ կը բանար վաճառական նաւերու զՎոսփոր և զԴարդանէլ : Մնացեալ յօդուածները բանակաց զինուորական շարժմանց վերաբերեալը էին, նոյնպէս երկու կողման գերեաց փոփոխութեան, որոնք պիտի գործադրուէին դաշանց հրատարակուելէն անմիջապէս վերջը :

Մեծ դուռն
Նեկուա Ի Կ.
Պոլիս :
Վերջ թուրք—
ռուս պատե-
րազմին :

5. — Սան Ստէֆանոյի Դաշինքին ստորագրողը եղան Ռուսաց կողմանէ՝ կոմսն Իզնատիէֆ և Նէլլետոֆ, թուրքաց կողմանէ Սալֆէթ փաշա և Սաղուլահ բէյ : Մեծ դեր ունեցեր էր վիճաբանութեանց հաշտ ընթանալուն նաեւ Ահմէտ Վէֆիք փաշա, գլուխ թուրք պաշտօնարանին : Մարտ 3ին, արդէն տարեդարձ գահակալութեան Աղեքսանդր Զարին, անհամար բազմումութիւն մը դիմեր էր ի Սան Ստէֆանօ : Երբ դաշինքը

ստորագրուած, իզնատիէֆ կոմսը բերաւ զայն առ մեծ դուքսն Նիկոլա զօրահանդէսին ժամանակ, նա գրկախառն համբուրեց զկոմսը 20,000 զօրաց խանդավառ կեցցէններուն մէջ և ապա դառնալով առ զինուորս ըսաւ. «Որդեակը, Աստուծոյ օգնութեամբ, խաղաղութիւնը կնքեցինք Կ. Պօլսոյ դիմաց»։ Յետոյ անմիջապէս գոհարանական աղօթքներ կատարուեցան դաշտին վրայ, ուր խառն միաբան ծնրադրեցին զօրավարը և զինուորը։ Նոյն երեկոյ Սուլթան Աբդիւլ Համիդ մաղթանաց հեռագիր մը կ'ուղղէր առ Աղեքսանդր Բ. որուն փոխադարձ կ'ընդունէր սիրալիւր պատասխան։ Եւ այս մաղթանքները աւելի հաստատուեցան ապագայ բարեկամական յարաբերութեամբք։

Մարտ 26ին մեծ դուքսն Նիկոլա կայսերագուն իշխաններով և շքեղ սպայակուտով մը, իր Լիվաւտիս շոգենաւով կը հասնէր ի Դոլմաբահէէ։ Կովապը ընդունեցան զինքը Ահմէտ Վէֆիք փաշա զլուխ պաշտօնարանին և Սալֆէթ փաշա, որոնք զինքը տարին դէպ ի Պալատ, որուն պատուոյ սանդխոց վրայ կը սպասէր Սուլթանը արքայագուն իշխաններով։ Նուազարանք հնչեցին ռուսական երգը և Աբդիւլ Համիդ ընտանի սիրով ընդունեցաւ զմեծ դուքսը, որուն հետ մնաց տեսակցութեամբ երեք քառորդի չափ։ Ապա մեծ դուքսը մեկնեցաւ Բէյլէրբէյի պալատը, զոր Սուլթանը անոր տրամալլութեան ներքեւ դրած էր իբր բնակութիւն. և ուր քիչ վերջը գնաց Աբդիւլ Համիդ փոխադարձ այցելութեան։

Կայսերական տեսակցութենէն վերջը մեծ դուքսն Նիկոլա այցելութեան գնաց Գերմանիոյ դեսպան Ռէւս իշխանին, որուն յանձնուած էին պատերազմին ժամանակ ռուսահպատակ անձանց և շահուոց պաշտպանութիւնը, յետոյ անցաւ Ռուսիոյ դեսպանատունը։ Վանդակադռնէն ներս մտած ժամանակ, վրայի արծիւները որոնք լաթով ծածկուած էին պատերազմի հրատարակուելու օրէն, անմիջապէս քացուեցան. պաշտօնական նշան թուրք-ռուս պատերազմին վերջանալուն։

Նոյն երեկոյ Եւրտրզի պալատան մէջ Սուլթանը արեւելեան շքեղ խնջոյցով մը պատուեց զմեծ դուքսը, որ երկրորդ օրը նորէն մեկնեցաւ ի Սան Ստէֆանօ :

Սան Ստէֆանոյի Իսաշանց տպաւորութիւնը ազգաց վրայ :

Ե. — Սակայն եթէ ընդհանուր էր ոուս բանակին և թուրք մայրաքաղաքին մէջ պատերազմին վերջանալուն գոհութիւնը, չէր նոյնպէս միաբան կուռղ և կամ հեռաւոր հպատակ ժողովրդոց համար, զանազան և հակառակընդէմ պատճառներով : Ռուսմանիացիք կը բողոքէին որ Բեսարարիայի մաս մը ոուսը առ ինքն պիտի գրաւէր : Սերբերը ստացածներէն շատ աւելի մեծագոյն յոյսեր ունէին : Բոսնիացիք և Հէրձէգովինացիք ինքնիշխանութիւն կ'ուզէին : Հայք պատերազմէ մը այնքան կրելէ և աւերելէ վերջը, տխրագոյն կը նկատէին իրենց թողուած անորոշ վիճակը և դարձեալ յանձնուած ի. Դրան պաշտօնէից քմահաճութեանը : Ալբանիացիք զայրացած էին որ ըստ իրաւանց չնկատուեցան. Բուլղարիոյ մահմէտականը յուզուած, կը պատրաստուէին ապստամբութեան. իսկ Բաթումի լազ բէյերը, յետ նախնապէս ժողուելու ի Տրապիզոն, հաստատեցին զինուրդ դէմ կենալու որ Բաթում չյանձնուի ոուս տէրութեան, և պատրաստեցին 30,000էն աւելի կտրիճ զինեալ երիտասարդք, պաշտպանելու հայրենիքին քրիստոնէայ իշխանութեան դէմ : Հեռագրեցին նաեւ առ Սրբ լայարդ, առ լորդ Սուլզբրի և առ իոսարանն Անգլիոյ, որ վստահ բրիտանական արդարադատութեան վրայ, կը յուսային որ իրենց քաղաքը պիտի չտրուի Ռուսաց և թէ քանի որ Բաթում տուգանքի տեղ պիտի ըլլար, ժողովուրդը պատրաստ էր իր տուգանքի մասը վճարելու : Իշու ժամանակ մը որ բէյերը որոշեցին անգղիական դրօշակ պարգել. և լորդ Սուլզբրի դիմեց Բաթումի ազդեցիկ անձանց, ջանալ համոզել զբէյերը հանդարտ մնալ և արգելք չ'ըլլալ համազգային որոշողութեանց, որոնք անհրաժեշտ էին : Ռուսը արդէն յառաջեր և բռներ էին զԱրդուին և Բ. Դուրը կը բռնադատէր իր ենթարկեալը պարպելու զԲաթում ինչպէս նաեւ զՇումսա և զՎառնա :

Ամեն կողմէն եկած մահմէտական ժողովրդոց տրժգոհութիւնը որ այսպէս դրամի տեղ կը թողուէին քրիստոնեայ պետութեան ձեռք, շատ վայրագոյց զաւատաց բոլոր մահմէտական ժողովուրդք. և պահ մը Բարձրագոյն Գուօր տազնապեցաւ ընդհանուր ապստամբութեան մը երկիւղէ: Այս դժուարին կացութեան մէջ տեսնուեցաւ իսլամ տարրին վրայ Արդիւլ Համիդի ազդեցիկ քաղաքականութիւնը, որով ժողովրդոց կրօնամոլ յուզմունքները չ'ունեցան աղետալի հետեւանքներ կայսրութեան և կամ նոյն իսկ թագաւորոջ անձին համար, նա մանաւանդ տեսան հպատակը որ զիտցաւ նա փութով ստանալ ամեն ազգաց բարեկամութիւնը, իւրաքանչիւրին իրայծ մը դնելով ի թուրքիա վայելիլը սին ազդեցութիւն մը և կամ վաճառականական շահ մը:

Արդէն 1856ի Պարիսու դաշանց ստորագրող պետութիւններէն Անգղիա և Աւստրիա տժգոհ էին Սան Ստէֆանոյի յօդուածներուն համար: Իտալիա և Գաղղիա հոգ մը չըրցուցին. իսկ Գերմանիա, կամ լաւ եւս իշխանն Բիսմարք՝ կանխապէս ծանուցած էր որ Գերմանիոյ Արեւելքի մէջ ունեցած շահերը «փոմերանիացի հրացանակրի մը ոսկորներուն արժէքը չ'ունէին»: Գեոզէր հասած Գուլիէլմոս Բի ժամանակը, յորում երիտասարդ կայսրը, ամեն ճիգն պիտի թափէր Սուլթանին ամենամտերիմ բարեկամութեան հետ ստանալ Գերմանիոյ համար վաճառականական ամեն կապերը և շահերը: Բիսմարք իշխանը Փետրուար 19ի նշանաւոր բեմախօսութեամբ, սիրալիր չէզոքութիւն մը կը ցուցնէր առ Ռուսիա: Արդէն Չարին ազգակցական յարաբերութիւնը Գուլիէլմոս կայսեր և գերմանական իշխող շատ մը Տանց հետ, ապարդիւն պիտի ընէին ո՛ր և է հակառակ քաղաքականութիւն մը. որովհետեւ անկարելի էր ո՛ր և է թշնամական ընդհարումն:

Այսպէս կը մնային միայն երկու պետութիւնը, ուրոց համար մեծ կարեւորութիւն ունէր Սան Ստէֆանոյի դաշինքը: Բազմաթիւ էին Աւստրիոյ շահերը նկատմամբ Բալկանեան Աղբրականի ափանց գաւառներուն. այնպէս

որ ամենուն անըմբռնելի կ'երեւար ամբողջ պատերազմին ժամանակ Աւստրիոյ անհոգ և պաղարիւն չէզոքութիւնը. և որ ըմբռնելի եղաւ միայն երբ ի Բէռլին տրուեցան իրեն Բոսնիա և Հէրձէգովինա, անշուշտ տարիով առաջ սակարկուած զին իր բարեկամ չէզոքութեան: Փրանկիսկոս Բովսէփ, որ իր գահակալութեան օրերուն մէջ կորսնցուցեր էր զանազան զաւառներ, բնական զոհութիւն մը պիտի զգար, եթէ առանց պատերազմի ձեռք բերէր երկու նոր զաւառներ. և այդ մտածութիւնը իրեն անհոգ չէզոքութիւն մը շնչեր էր թորք—ոտս պատերազմին ժամանակ: Միայն իշխողաց զաւառները միացնելու տենչը, համապատասխան չէր իշխեցելոց զգացմանը, որոց սրտին մէջէն անհնար էր քնջել անձնիշխանութեան բնատուր զգացումը:

7. — Իսկ Անգղիա երբէք չէր կրնար հանդուրժել որ Ռուսիա մտենայ կ. Պոլսոյ, և ի Փոքրն Ասիա բռնէ կշիւրատի հովիտով Պարսից Վրոցին և Հնդկաստանի ճամբան: Իրեն համար թորքական խնդիր մը, բրիտանական և կենսական խնդիր մ'էր. և աներկիւզ յայտնեց իր հակառակութիւնը Սան Ստէֆանոյի դաշանց նկատմամբ. և երբ կոմսն Բայստ, ատենապետ Աւստրիոյ, շրջաբերականով մը առ պետութիւնս, հրաւիրեց զանոնք միարան մտածելու եւրոպական մէջ տեղ եղած «ծանր խնդիրներու» վրայ, և առաջարկեց դեսպանաժողով մը ի Բէռլին, լորդ Դէրրի իր պատասխանին մէջ առ կոմսն Բայստ, ծանոյց որ կ'ընդունէր դեսպանաժողով մը այն պայմանաւ, եթէ թուրքիոյ և Ռուսիոյ մէջ կատարուած Սան Ստէֆանոյի յօդուածներն ալ վիճելու նիւթ ըլլան. և առանց հաւանութեան պետութեանց չփոխուի ո՛ր և է կանխաւ եղած դաշինք մը. որուն լիովին համաձայնեցաւ Աւստրիա. մինչ Ռուսիոյ դիւանը բողոքեց որ միայն հանրազգային քաղաքականութեան վերաբերեալ յօդուածները կրնային վիճարանութեան ենթարկուիլ:

ԹԱՆՔՈՒՄ Կարծիքները մեծապէս յուզուեցան. ժողովուրդը երկու մաս բաժնուեցաւ, անոնք որ իսպա-

Ռուսիոյ և
Անգղիոյ մէջ
պատերազմի
երկիւզ:

դուժին կ'ուզէին բացարձակապէս և անոնք որ պատե-
րազմ կը գոչէին: Ճատ մը ժողովրդական միտքներ
կազմուեցան, յորս ծագեցան կտիւներ: Վարչութիւնը
չէր ուզեր լռել մինչեւ որ Ռուսիա յանձն չ'առնու Սան
Ստէֆանոյի դաշինքը Լեւոպոլոյ վիճարանութեան են-
թարկել: Վուլփի, Չէթէմի, Պլիմրթի և Պորսմութի
նաւարանաց գործաւորը կրկնապատկեցան, և անկարծելի
երագութեամբ դէպ ի պատերազմ կ'ընթացուէր: Արդէն
Հնդկաստանէն զօրարածին մը հասեր էր ի Մալտա:
Լորդ Գէրրի՝ ոչ կողմնակից պատերազմի, հրաժարեցաւ
պաշտօնարանին նախագահութենէն և իրեն յաջորդեց
լորդ Բիքոնսֆիլդ. և մարզիզն Սոլզբրի, պաշտօնեայ եւ
զաւ Արտաքին Գործոց. որ անմիջապէս հրատարակեց
իր դատողութիւնքը Սան Ստէֆանոյի դաշանց նկատու-
մամբ թէ յԵւրոպա և թէ յԱսիա: Մարզիզն Սոլզբրի
կ'ըսէր որ «Հայաստանի բերդաքաղաքաց և Քիւրդիս-
տանի մէկ մասին Ռուսաց ձեռքն անցնելով, Ռուսաց
հնազանդութեան պիտի ենթարկուէին բոլոր այն ժողո-
վուրդքը. և Ռուսաց հրամանին ներքեւ պիտի բլլար
Տրապիզոնէն մինչեւ ի Պարսկաստան վաճառականու-
թիւնը»: Կը վերջացնէր իր շրջարերականը պնդելով որ
Սան Ստէֆանոյի Գաշինքը պէտք է վեհաժողովոյ մը
վիճելու նիւթ ըլլայ:

Իշխան Գորչաքով իր հանդարտ, ընտիր ոճովը պա-
տասխանեց մի առ մի Սոլզբրի մարզիզին դատողութեանց:
Յետ յիշելու նախ Բալկաններու մէջ եղած փոփոխու-
թիւնը, զորս ինքը ընտիր և ամենարնական կը գտնէր,
կ'անցնէր ասիակողման զբաւուած երկիրներուն. «Բա-
թում, կ'ըսէր, այն ափանց վրայ միակ նաւահանգիստն
է: Ռուսաստանի ապահովութեան և վաճառականութեան
համար մեծ կարեւորութիւն ունի: Ռուսաստան զայդ
միայն շահեցաւ պատերազմէ մը, զոր տարաւ միայնակ և
որ այնքան սուղի նստաւ իրեն: Ուրեմն այդ ձրի շնորհք
մը չէ. նա չհամապատասխաներ իրեն պատերազմական
տուգանքին: Իսկ Հայաստանի մէջ առած տեղերնիս,
միայն պաշտպանողական արժէք մը ունին: Թերեւս

Մեծն Բրիտանիա նախադաս կը համարէր որ այդ ա-
մուր զիրքերը թուրքիոյ ձեռքը մնային. բայց նոյն
պատճառներու համար, Ռուսիա զանոնք կ'ուզէր իր ա-
պահովութեան համար, որպէս զի ամեն պատերազմի
ժամանակ չրոնադատուի զանոնք պաշարելէ, ինչպէս
կարսի բերդը, որ կէս դարու միջոցի մէջ երեք անգամ
բռնադատուեցան պաշարել և առնուլ»։ Գորչաքով կը
լմնցնէր իր պատասխանը հարցնելով առ մարքիզն
Սուլզրբի թէ ինչ էր Անզղիոյ ուզածը և ինչո՞ւ չէր ւ-
սեր իր շրջաբերականին մէջ։

Եւ սակայն Սուլզրբի շրջաբերականը ստացեր էր
Եւրոպիոյ մեծ պետութեանց հաւանութիւնը. և նոյն իսկ
Իխամարը իշխանէն շնչուած լրագիրը կը քարոզէին որ
« Գերմանիա Ռուսիոյ հետ բարեկամութիւն անուցած
ժամանակ, չէր ուզեր վշտացնել բարեկամ ազգերը ».
և չափազանց կը գտնէին Ռուսիոյ մերժումը վեհաժո-
ղովոյ մը ենթարկելու Սան Ստէֆանոյի դաշինքը ։

Պայքարները դիւանական բարձր շրջանակներէն ի-
ջան ժողովրդական և լրագրական ասպարիզին մէջ բուռն
և ջերմ խօսքերով իրրել վիրաւորողը ազգային պատուոյ
և շահուց. ոգիները սաստկապէս զրգուեցան և Մայիսի
վերջերը այնքան ծանրացան կացութիւնը, որ երկու մեծ
ազգաց մէջ պատերազմը անխուսափելի կը համարուէր։
Սակայն ժամանակին երկարելովը սկսաւ հանդարտու-
թիւն մը երկու կողման վարիչներուն վրայ. նա մա-
նաւանդ որ Ռուսաստան յետ այնքան վնասներու դրա-
մով և կեանքով, չէր կրնար նետուիլ Անզղիոյ դէմ պա-
տերազմի մը մէջ. և նախ ինքը յայտնեց Անզղիոյ հետ
յարմարութեան մը գալու փափագը։

Մայիսի վերջերը հիւանդանալով Գորչաքով իշխա-
նը, Աղեքսանդր կայսրը կրցաւ աւելի ազդեցութիւն մը
ունենալ արտաքին պետութեանց յարաբերութիւններուն
մէջ. և ի Լոնդրա դեսպան, Շուվալով կոմսին միջոցաւ
ծանոյց բրիտանական պաշտօնարանին որ Ռուսիա չէր
հակառակեր Սան Ստէֆանոյի դաշանց քննութեան հա-
մար հաւաքուելիք ժողովոյն. բայց կ'ուզէր կանխապէս

գիտնալ Անգղիոյ փափագներուն սահմանը: Դեսպանը յետ բանակցելու Անգղիոյ վարչութեան հետ, անցաւ ի Պետրքուրգ. և այսպէս երկու պետութեանց մէջ նախնապէս ծրագրուեցան կարելի փոփոխութիւնք, զորս Ռուսիոյ վարչութիւնը գաղտ ծանոյց ուրիշ մեծ պետութեանց ղիւաններուն և առաւ անոնց հաւանութիւնը: Յետոյ Ռուսիա իմացուց որ կ'ընդունէր դեսպանաժողովոյ մը գումարումը, և Ռիսմարք ու Անտրաշի սահմանեցին որ գումարումը ըլլայ Յունիս 11ին ի Ռէտլին:

8. — Բայց լորդ Բիքնսֆիլտ որ յայտնապէս կը գուշակէր թէ այլ եւս չէր կարելի Ռուսաստանի ձեռքէն առնուլ Բաթում, Արտահան և Կարս, այն ատեն զՔուրքիա պահելու համար ի Կ. Պօլիս և ի Փոքր Ասիա, և այսպէս Հնդկաստանի ճամբան փրկելու համար, յղացաւ յանդուգն խորհուրդ մը. այն է ղնել Կ. Պօլսոյ և Փոքր Ասիոյ մօտ անզղխական զօրաւոր ամրոց մը: Եւ մինչ ոչ ոք կրնար կասկածիլ, Յունիս Կին գաղտ դաշինք մը կը ստորագրուէր սիր Լայարդի և Սալֆէթ փաշայի մէջ, որով Անգղիա կը յայտարարէր թէ «Յորքան Բաթում, Արտահան և Կարս քնան Ռուսիոյ ձեռքը, կամ անոնցմէ մին, կամ եթէ Ռուսաստան ո՛ր և է ժամանակ փորձէ նոր տեղեր գրաւելու՝ Սուլթանի Ասիոյ երկիրներէն, Անգղիա զինուրդ պիտի պաշտպանէ այդ երկիրները: Փոխադարձաբար Սուլթանը կը խոստանար Անգղիոյ, գործադրել ըրիստոնեայ հպատակաց համար սահմանեալ բարեկարգութիւնքը: Եւ որպէս զի Անգղիա եւս կարենայ պահել իր խոստումը, Սուլթանը կը հաճի որ նա գրաւէ և կառավարէ Կիպրոս կղզին»: Ուրիշ կից յայտարարութեամբ մը կը հաստատուէին ուրիշ պայմանք ալ, որոց համեմատ Կիպրոսի մէջ պիտի յարգուէին մահմէտական եկեղեցական դատաստանք և վաքըֆները: Անգղիա ամեն տարի եկամուտները և մաքսը երկրին մատակարարութեան գործածելէն վերջը, աւելցածը պիտի տար Բարձրագոյն Դրան: Եթէ օր մը Ռուսիա դարձնէր թուրքիոյ զկարս և Հայաստանի մէջ

Անգղիոյ և Քուրքիոյ Յունիս Կի դաշինքը Կիպրոսի նկատմամբ:

վերջին պատերազմով ստացած միւս երկիրները, այն ատեն Անգղիա ալ պիտի թողուր զկիպրոս:

Յայտնի է ըլլոր Եւրոպիոյ և աշխարհի վրայ այս անակնկալ ճարտար դաշանց լրոյն ըրած տպաւորութիւնը: Ամենայն ոք կ'ուզէր եղածին մեկնութիւն մը փնտոել կամ վիճարանել. սակայն դաշինքը կատարուած էր. և ոչ ոք կը համարձակէր աղոյր համար Անգղիոյ դէմ նաւատորմից մը ճամբայ հանել:

Արդիւ Համիդ եւս գոհ էր, որովհետեւ այսպէս զօրաւոր դաշնակից մը կ'ունենար իրեն մօտ. մանաւանդ որ դեռ ապագայն պայծառ չէր ռուս դիւանագիտութեան ձգտումներուն նկատմամբ, և ներքին հանդարտութիւնը պակաս էր: Մայիս 20ին Ալի Սուլթի անուամբ սոֆթա մը, ծննդեամբ բուխարացի, կէս զրազէտ, մեծապէս յանդուգն: Սա իր Միսիսիս լրագրին մէջ հակառակ խօսելով մեծանուն Ալի փաշայի, աքսորուել էր, և յետոյ ներումն ստանալով դարձեր էր. և Միդհատ փաշայէն դրուել էր դաստիարակ Սուլթանի որդւոց: Յետոյ տժգոհ այդ պաշտօնէն ձգուելուն. համոզելով Չոքո անձանց գաղթականներու կարօտ խումբ մը, յեղափոխութիւն մը ուզել էր փորձել ի նպաստ Մուրադ արքայեղբոր, որ կը բնակէր Չրահանի պալատան մէջ՝ և հոն դիմել էր դաւակնցնելով: Սակաւ զինուորք կրցել էին ընկճել դաւը և սպաններ էին խռովարարներուն զլուխը և Տոքո անուանակիցը, նոյն իսկ Չրահանի դիմաց. այսու հանդերձ այդ աննշան շարժումը ունեցաւ իր տպաւորութիւնը Պալատան վրայ, քանի որ թշնամին ալ մայրաքաղաքին ըրփն էր: Քաղաքացիք աճապարանօք խռովեալ՝ բնակութիւննին ապաւիններ էին: Արդիւ Համիդ կարեւոր տեսաւ յենուլ զօրաւոր դաշնակցութեան մը վրայ և Անգղիա պատրաստ գտնուեցաւ:

1. Ար պատմեն որ Մուրադ բացէ ի բաց մերժել էր Ալի Սուլթի անուանակր. և երբ յետինս կը սպաննար իշխանին, որովհետեւ չէր հնազանդել, Մուրադ եւս սպաննացաւ ատրճանակով: Քանի մը օր մայրաքաղաքը յուզեալ, ուրիշ նիւթ չունեցաւ խօսելու:

9. — Կիպրոսի դաշինքը ստորագրուելէն օր մը առաջ Յունիս Յին, գերմանական վարչութիւնը պաշտօնապէս Կը հրաւիրէր Պարիսու դաշինքը ստորագրող պետութիւնները, ղեսպանաժողովի մը ի Բէռլին: Յունիս 1 Յին արդէն եօթն պետութեանց ներկայացուցիչը հասեր էին ի Բէռլին: Գերմանիոյ երեք լիազօր ղեսպանքն էին՝ իշխանն Բիսմարք, Բիւլով և իշխանն Շիլլիկսֆիւրստ, որոնք ունէին իրենց խորհրդականները և քարտուղարները: Աւստրիա-Հունգարիա զրկեր էր զկոմսն Անտրաշի, զկոմսն Կարոլի և զբարոն Հայմէրլէ բազմաթիւ խորհրդականներով: Գաղղիոյ ներկայացուցիչքն էին Պ. Վատտինկոն՝ պաշտօնեայ Արտաքին Գործոց, Կոմսն Աէն Վալլիէ և Պ. Տէրրէ: Մեծին Բրիտանիոյ լիազօրքն էին լորդ Բիքոնսֆիլդ, մարզիզն Սոլզբրի, լորդ Օդո Ռոսսը՝ բազմաթիւ խորհրդականներով, քարտուղարներով և զինուորական կցորդներով: Ռուսիա զրկեց զիշխանն Գորչաքով, հազիւ հիւանդութենէ ելած, որ պատգարակով կու գար ի ժողով, զկոմսն Շուվալով և զբարոն Սարիլ, ուրիշ խորհրդականներով: Իտալիա զրկեց զկոմսն որտի, Կկցորդ խործրդականներով: Ք ուրքիոյ լիազօրքն էին Կարաթէոդորի փաշա, Սաղուլլահ բէյ, Մէհէմէտ Ալի փաշա. որոց խորհրդական տրուեցան Փաստնիկ էֆէնտի, Ֆէրիտուն բէյ, Օհան էֆէնտի Պաղտատլեան, Օտեան Խաչիկ էֆէնտի և Կասում էֆէնտի: Եթէ մեծ պետութիւններէն զատ ուրիշ տէրութիւններ ալ զրկեցին նուիրակներ, որոնք սակայն չմասնակցեցան պաշտօնական գումարմանց: Ռումանիա զրկեց զԲրատիանօ և Գորոլնիչէանօ, Սերբիա՝ զՌիստիչ, Մոնտէնէգրօ՝ զԲոյար Պետրովիչ և զՌատոնիչ, Յունաստան՝ զԻէլիյանի և զԻանգարէ: Եւ որովհետեւ Պարսկաստանի և Թուրքիոյ մէջ կար սահմանաց խնդիր մը, և Պարսկաստան կը յուսար Սան Ստէֆանոյի դաշանց վիճարանութեանց մէջ ի նպաստ իրեն նոր սահմանաց զիծ մը ունենալ, զրկեց ի Բէռլին իր ամենէն ծանօթ և համոզիչ քաղաքագէտը, զհայազգին Մալգում խան, որ այն ատեն Պարսկաստանի ղեսպան էր ի Լոնդրա և մտերմութեամբ կապուած ոչ միայն արքունական ըն-

Բէռլինու ժողովը:

տանհաց, այլ և լորդ Բիքոնսֆիլդի, մարզիզ Սուզբրիի և ուրիշ ազգաց դեսպանաց և քաղաքագետներու հետ: Թորքահայ էջմիածնական հասարակութիւնն եւս ուզեց խրախուսուեցաւ, և Կ. Պօլսոյ պատրիարքութեան ժողովքը՝ նուիրակութիւն մը դրկեց: Նուիրակըն էին Խրիմեան Հայրիկ և Նարրէյ արքեպիսկոպոսները. ունենալով զՄի. նաս Չէրազ և զՊ. Փափազեան աշխարհիկ նուիրակը: Այսպէս հայ ազգին մեծամասնութիւն մը առաջին անգամ եւրոպական դեսպանաժողովոյ մը կը ներկայանար ինքնավարական, Բ. Իւրան հարկատու, ծրագրով մը. ունենալով գլուխ կառավարիչ մը, զոր պիտի անուանէր Բարձրագոյն Դուռը և պիտի հաստատէին պետութիւնը, բազմաթիւ տեղական օրէնքներով և իսլամաց համար սեպհական դատավարութեամբը¹: Դարձեալ իտալական նուիրակ կոմս Կորտիի կը յանձնուէր տանիլ միաբանի Բէռլին Հայաստանի աշխարհագրական տեղեկագիր մը, պատրաստուած Հ. Ալիշանէն մասնաւորապէս այս պարագային համար մատնանիշ բարեկարգական դարմաններով, շատ մը մաղթանքներով և յոյսերով :

1. «Հայրենասէր Ներսէսը իր մի քանի ազգեցիկ համախոհներով թե և անուժ և հետեւելով զիւանագիտութեան այն սկզբունքին թէ՛ – ամեն մի. շոց ներքի է նպատակին հասնելու համար, – ծրագրում է Տաճկա-Հայաստանի ինքնավարութեան յատակադիճը՝ Բէրլինի վեհաժողովին ներկայացնելու համար: Իսկ թէ մի կողմից պիտի վշտանան և խռովուին Տաճիկները, միւս կողմից՝ զայրանան ու կատաղին Ռուսները, զրա մասին հոգ չէ անում Ներսէս Վարժապետեանը, յոյսը զնկելով եւրոպական արխայպետի աջակցութեան վրայ...»

Պատմական այս նշանաւոր բոլակին է, որ հնչում է Կարապետ Փանոսեանի ժայնը «Մանգուլի էֆֆեարի»ի և Ազգային ժողովի մէջ, ինչպէս վերաւորուած առիճի մը մոնչիւն. «Ի՞նչ էք անում, ո՞ւր էք տանում ազգը, սեւազուխ և ինքնակոչ զիւանագէտներ, զոչում է նա. ո՞վ կը տայ մեզ ինքնավարութիւն, որի՞ վրայ էք զնում ձեր յոյսը, — այն շահամոյ և նենգ Կարոպայի վրայ, որ ուզում է պահպանել Թիւրքիայի գոյութիւնը իր շահասիրական նպատակներին համար: Բէռլին պատուիրակութիւն ուղարկելով չէ՞ որ հայ ազգի կատաղի և անհաշտ թշնամի պիտի դարձնէք Թիւրքիան, որի մէջ մեր տկար տեղովը 4-5 դար լաւ թէ վատ կարողացել է պահել իր կրօնը, լեզուն և բոլոր յատկանիշները...»:

«Փանոսեանի գէպից շատ ժամանակ չ'անցած, Խրիմեան Հայրիկի և Մի. նաս Չէրազի հետ ուղեւորում է Բէռլին, թէլ յետոյ նաեւ Ստեփան Փա.

Լիազորք յետ նախնապէս սահմանելու ձեւակերպութեանց մասը, միաձայն ընտրեցին ժողովոյն նախագահելու զիշխանն Բիսմարք, իբր քարտուղար զՌատովից, Գերմանիոյ լիազորք յԱթէնս, և օգնական զԿոման Մույ, առաջին քարտուղար դեսպանատան Գաղղիոյ ի Բէռլին: Սահմանուեցաւ վիճարանութեան նիւթերը ընտրել ըստ կարեւորութեան և ոչ ըստ կարգաւորութեան Սան Ստէֆանոյի դաշանց: Բիսմարք փափագելով միշտ որ վճիռք այնպիսի ըլլան, որպիսի կարելի էր ընդունելի ընել Ռուսիոյ, ամբողջ ժողովոյն ժամանակ Ռուսաստանի ի նպաստ հակիլ երեւցաւ. և սակայն երբէք չտժգոհացուց և զլորդ Բիքոնսֆիլտ: Գումարումները ճիշտ օրին սկսան և յաջորդեցին մէկմէկու. ժողովքը կ'ընթանար երազապէս Բիսմարք իշխանին բարձր և կտրուկ ազդեցութեան ներքեւ. և ամենայն դեսպանը կը զարմանային Անգղիոյ համոզուող ընթացքին վրայ, երբ յանկարծ լրագիր մը ծանոյց Յունիս 4ի անգղիաթուրք դաշինքը կիպրոսի նկատմամբ: Ամեն լիազորք ապշեցան և վշտացան. բայց արդէն իրականութիւն մ'էր դաշինքը, և չէր կարելի ոչնչացնել:

Անկէ վերջը Բէռլինու ժողովքը կը կորսնցնէր իր մեծ կարեւորութիւնը և ապագայ ազդեցութիւնը: Ժողովականք աւելի երագել տուին վախճանը և Յուլիս 13ին,

փագեանր, իսկ Խորեն Կարբէյը՝ Պետերբուրգ: Սա աճապարում է ներկայանալ իշխան Գորչաքովին, որ խնդրէ հրահանգներ տալ՝ Ռուսաստանի ներկայացուցիչ վեհաժողովուն, կոմս Պաւէլ Դուվալովին, Հայոց դատը պաշտպանելու վերաբերմամբ: Իր սուտախրութեամբ յայտնի Կարբէյը, բնակի նրկայում թէ սիրալիբ ընդունելութիւն կը գտնէ Գորչաքովի կողմից. բայց մեծ է լինում հրաթափումը, երբ Գորչաքով ընդունում է խիստ թթու երեսով. «Monsieur» Ձեր պատրիարքը զրկել է Բէռլին իր մարդիկը, թող նրանք պաշտպանեն ձեր դատը Ռուսաստանի դիւերիմ թշնամիների ատեանի առաջ...»:

Հասնում է Բէռլին և մեր փառահեղ և պերճախոս Հայրիկ-Չանը, ներկայանում է Բիսմարքին, պատուասիրում է նաեւ Վիլհէլմ կայսեր կողմից, բայց նրա բոլոր պերճախոսութիւնը փշրում է Բիսմարքի պարզ Դեմոկրատիանին թէ՛ «ո՛ր և է քաղաքական իրաւունք պահանջելու համար պէտք է ներկայանալ դեսպանաժողովին, ոչ թէ խոնարհ աղերսագրով, այլ

յիտ քսան գումարմանց ժողովքը աւարտեց իր որոշողութիւնքը, 64 յօդուածի վերածելով զանոնք:

Դաշանց յօդուածները. —
Բոսնիա և Հէրզեգովինա կը
յանձնուին
Աւստրիոյ:

10. — Առաջին յօդուածով մը ծանուցուէր որ Բուլղարիա Սուլթանի գերիշխանութեան ներքեւ ինքնավար իշխանութիւն մը կ'ըլլար, ըրիստոնեայ կառավարչով և ազգային պահանորդով, կ'ըսուէր իշխանին ընտրութեան եղանակը, առ ժամս ոռս բարձր գործակատարի մը ձեռքով կառավարուիլը (ինչպէս սահմանուած էր Սան Ստէֆանոյի դաշանց մէջ) և Արեւելեան Ռումէլիէն բաժանման սահմանները: Մեծ պետութիւնք պիտի սահմանէին թէ Բուլղարիա որչափ գումարով պիտի մասնակցէր Բարձրագոյն Դրան փոխառութեանց: ()սմանեան բանակը պիտի ելլէր Բուլղարիայէն, բերդերը հարթայատակ պիտի ըլլային և չկար հրաման նոր բերդեր շինելու: Բալկաններուն հարաւակողմը գաւառ մը պիտի կազմուէր Արեւելեան Ռումէլի անուամբ, Սուլթանին քաղաքական և զինուորական իշխանութեան ներքեւ, մատակարարական ինքնավարութեամբ և ըրիստոնեայ կուսակալով, որ պիտի ընտրուէր Բ. Դոնէն, պետութեանց հաւանութեամբ, հինգ տարուան պաշտօնով: Դաշնագիրը մանր կ'անուանէր այդ գաւառը կազմող տեղերը, որոց վրայ Բ. Դոնուր պիտի պահէր լիովին իր վաճառականական և ելեւմտական իրաւունքները:

Կրէտէի համար նոյն խոստումը կ'ըլլուէր ինչ որ ի Սան Ստէֆանո: Իսկ Յունաստան իր սահմանաց համար թէ չկարենար համաձայնիլ թուրքիոյ հետ, այն ատեն մեծ պետութիւնք պիտի միջամտէին:

Աւստրիա—Հունգարիա պիտի գրաւէր Բոսնիա և Հէրզեգովինա գաւառները. բաց ի Նովի Բազար սան:

Մոնտէնէգրոյի ներկայացուցչի պէս յաղթական արի վրայ կրթնած...»: Խրիմեան Հայրիկը Բիսմարքի խօսքերը հալած իւղի տեղ ընդունելով՝ Բելուիսից գնում է Լոնդոն, Փարիզ, Հոովմ և վերադառնում է ի Պօլիս»: Մտրք 1907. Փետր. էջ 60: Այս նիւթոյն վրայ բազմաթիւ են գրութիւնք, որոնց կը յայտնեն որ Նիւրնբէր պատրիարքի արի ազգասիրութիւնը՝ հաւասար չէր Պետութեանց շահերուն նկատմամբ ունեցած տեղեկութեանցը:

ճազէն, որ է Սերբիոյ և Մոնտէնէգրոյի մէջ, որուն մատակարարութիւնն Աւստրիա պիտի թողուր Բ. Դրան։ Իսկ ճամբաներու և զանազան իրաւունքներու մասին պիտի բանակցէին Բ. Դուռը և Աւստրիա։

Եթէ Թուրքիա և եթէ պետութիւնը ճանչցան Մոնտէնէգրոյի ինքնիշխանութիւնը, որուն սահմանքը ընդարձակուեցան Սէրէյվոյի, Մոնասղիրի և Պրիցլնտի գաւառներուն այլ և այլ մասերով։

Սերբիա ինքնիշխան տէրութիւն մը ճանչցուեցաւ և իրեն սահմանքը ընդարձակուեցան. ինքն ալ պիտի ստանձնէր Բ. Դրան պարտքերէն մաս մը։ Առ ժամա պիտի յարգուէին նախնապէս պետութեանց հետ կնքուած ամեն վաճառականական դաշինք։

Ռուսներս եւս բոլորովին ազատ պետութիւն կը ճանչցուէր։ Յամին 1856ի Բէսարաբիայէ իրեն միացուած մասը, նորէն պիտի դարձուէր Ռուսիոյ։ Իրեն պիտի տրուէր Դորրուճայի մաս մը, Դանուբի Դելտան կազմող կղզիք, Օձից կղզիք, Դուլչայի սանճազը, յորում էին Քինիա, Սուլինա, Մահմուտիէ, Խաչա, Դուլչա, Մաչին, Բարատաղ, Հիրսովօ, Քիւստէնճէ և Մէճիտիէ։ Ժողովքը հաստատեց Դանուբեան նաւարկութեանց, վաճառականութեան, ճամբաներու, յանձնաժողովներու համար կանխապէս սահմանուածները։

11. — Յիսունեւութեան յօդուածով Բ. Դուռը կուտար Ռուսիոյ բաց յԱրտահանէ, կարս և Բաթում. և կը զօժէր սահմանները մինչեւ Մուրատ Սու. ինչպէս էր կանխապէս Սան Ստէֆանոյի դաշանց մէջ։

Ռուսիոյ նոր սահմանքը Հայաստանի մէջ. — Խոստացեալ բարեկարգութիւնը։

Յիսունեւիններորդ յօդուածը կը ծանուցանէր որ Ռուսիոյ կայսիւր մտադրութիւնն էր Բաթում վաճառականական ազատ նաւահանգիստ ընել։

Վաթաներորդ յօդուածով նորէն Թուրքիոյ կը դարձուէին Ալաշկերտի հովիտը և Բայազիտ. զորս Սան Ստէֆանոյի դաշինքը Ռուսաց տուեր էր։

Դարձեալ Բ. Դուռը անզլօ-ոուս Յանձնաժողովոյն սահմանած զօին համեմատ, Պարսկաստանի կը դարձնէր Խոտուրի գաւառը և քաղաքը։ Պարսիկ լիազօրը,

Մալզոմ խան, այն պարագային մէջ ցրցուցեր էր իր քաղաքագէտ բանակցող հանճարը, որով և Նյասարտին շահէն ի նշան գոհութեան ստացաւ Լուսափոյլ իշխան տիտղոսը¹ :

Վաթսուն և մէկերորդ յօդուածը կ'ըսէր. «Խարձրազոն ուր կը պարտաւորի անյապաղ իրագործելու, տեղական պետքերէ պահանջուած բարեկարգութիւնը, այն գաւառաց մէջ, յորս կը բնակին Հայք, երաշխաւորելով անոնց ապահովութիւն Չէրքէզներու և Քիւրդերու դէմ: Այս նպատակին համար ձեռք առած միջոցները պարբերաբար պիտի իմացնէ տէրութեանց. որոնք պիտի հսկեն անոնց գործադրութեան»² :

Մնացեալ յօդուածները են, ինչ որ շատ անգամ ըսուած է, Թուրքիոյ հպատակ քրիստոնեայ ժողովրդոց համար. որ բնաւ կրօնական խտրութիւն պիտի չ'ըլլար պաշտամանց և իրաւունքներու մէջ, ինչպէս նաեւ ոչմահմէտականաց երդումը հաւասար պիտի ընդունուէր: Կը թողուէր ժողովրդոց, առանց արգելքի մը, իրենց հոգեւոր պետերուն հետ ունեցած յարաբերութեանց կազմակերպութիւնը: Կը պատուիրուէր ամեն ազգի ուխտաւորաց պաշտպանութիւնը, կը ճանչցուէր ի վա-

1. Մալզոմ խան հայազգի նշանաւոր քաղաքագէտը ծնած է 1831 թուականին և ուսումն առած է ի Պարիս Մուրատեան վարժարանին մէջ յամին 1845էն սկսեալ: Իրեն պատուաբեր զգացմամբ, այս պատճառաւ, շարունակ սերտ յարաբերութիւնը և երախտագիտութիւնը ամեն առթի մէջ յայտնած է առ Մխիթարեան Հարս Վենետիոյ:

Պարսկաստանի Վերանորոգութեան մասին առաջնակարգ դերն ինքն կատարած ըլլալով, իր վրայ պիտի խօսինք յապագային:

Միանգամայն քաջ պարսկազէտ և քերական, բազմաթիւ զրքեր և պրակներ գրած է, որովք եւրոպական քաղաքականութիւնը ուզած է մտցնել ի Պարսկաստան. և նոյն իսկ աշխատած է զիւրրնթեանի տառերու զեւտին: Շատ տարիներ զնսպան Կլիւրպայի մեծ արքունիքներու մօտ, ընկերած է Շահերու ուղեւորութեանց յԵւրոպա: Մալզոմ խան ամուսնացած է ի Կ. Պօլի Տատեան Առաքել բէյի դստերաց միոյն հետ: Կենացը մէջ ունեցած է հակառակութիւնք և հալածանք պարսիկ հին մոլեռանդն կուսակցութեան:

2. Ազգային պատմիչներու և լրագիրներու վիճի մեծ նիւթ եղած է թէ արդեօք Սան Ստէֆանոյի զաշինքը ընտրելագոյն էր Հայաստանի բարե-

դուց Գաղղիոյ ունեցած իրաւասութիւնը II. Տեղեաց վրայ, Աթոս լերան կրօնաւորներուն իրաւանց պահպանութիւնը, ինչ ազգէ ալ ըլլային:

Վաթսուենեերորդ յօդուածը կը ծանուցանէր որ կը մնան անջինջ 1856ի Պարիսու և 1871ի Լոնդրայի դաշինքներուն այն մասերը, որոնք մասնաւոր կերպով վերցուած չէին:

12. — Բոլոր լիազօր դեսպանք, յօդուածները ստորագրելէ վերջը, Բիսամարք իշխանը փակեց փութով ժողովքը: Ամենայն ոք Բունիս Աի դաշանց տպաւորութեան ներքեւ էր. և որչափ որ ժողովոյն նախագահը Բիսամարք էր, սակայն բարոյապէս զայն կառավարողն Անգղիա եղաւ, որ երբ հասաւ իր նպատակին, անկէ վերջը կարեւորութիւն մը չկար ժողովքին երկարելուն:

Այսպէս այն ժողովքը որ պատգամ և ուղեցոյց պիտի ըլլար Էւրոպայի արեւելակողման ազգաց ապագայ կացութեանը, ցրուեցաւ առանց յայտնելու թէ ինչ սկզբան վրայ գործեր էր, և ինչ սկզբան վրայ պէտք էր շարունակել եւրոպական դիւանագիտութիւնը, իսկ դաշուցիւնը չվրդովելու և արիւնահեղութեանց առջեւ առնելու համար: Բէռլինու ժողովքը որ հաւաքուեցաւ փոքր ազգաց էութիւնը և կենցաղավարութիւնը պաշտպանելու և մէջերնին ընդհարումները արգիլելու նպատակաւ, ցաւալի է ըսել, որ ո՛չ միայն չկրցաւ առաջ բերել հանդարտութիւն մը, այլ նա մանաւանդ արհամարհելովը նախնապէս տուած յոյսերը, զայրացուց զգացումները. և արդէն թշուառները՝ մղեց ծայրայեղ միջոցներու, վասն զի անոնք առ ոտն կոխուած տեսան

Բէռլինու ժողովքին արդիւնքը:

կարգութեանց համար թէ Բէռլինու յօդուածը. — Սան Ստեֆանոյի դաշինքով ուս բանակը պիտի մնար Հայաստանի մէջ իր բռնած տեղերը, մինչեւ որ բարեկարգութիւնը կատարուէին: Անգղիա բնդդիմացաւ. Բէռլինու դաշինքը հսկողութիւն մը յանձնեց պետութեանց, որով ոչ ոք մասնաւորապէս կր տանձնէր գործադրութիւնը: Մանաւանդ Բունիս Աի դաշինքէն վերջը, ամենայն ինչ կը մնար Անգղիոյ ակնարկին, որ պիտի օգտուէր ըստ իւր շահուն:

ապրելու տարրական իրաւունքները: Ամեն պետութիւն միայն իր շահուն համար դիմեր էր ի Բէռլին, անոր համար ապագային մէջ ամեն պետութիւն միայն իր շահուն համար դիմեց անոր յօդուածներուն¹: Բալկանեան ազգաց ստացած ազատութիւնքը, ոչ ժողովոյն, այլ Աղեքսաղը Բ կայսեր վեհանձն և մարդասէր զգացմանց արդիւնք էին, և Բէռլինու ժողովքէն առաջ, ինչպէս ժողովքէն վերջը, այն ազգերը զինքը իրաւամբ ողջունեցին՝ «կայսր Ազատարար»:

1. Հանրածանօթ է Խրիմեան Հայրիկի այլաբանօրէն ճշգրիտ և ոգելից պատմութիւնը՝ Պետութեանց կատարած դերին նկատմամբ ի Բէռլին, որոնք սեղան բաղմեր էին երկաթեայ դրզալներով. մինչ հայք երկաթ լուրնեւանուն, թղթեայ դրզալով եկած էին:



Յ Ա Ն Կ

ԳԼՈՒԽ Ա.

ՊՐՈՒՍԻԱ ԵՒ ԳԵՐՄԱՆԻԱ ՍԱԿՈՎԱՅԷ ՎԵՐՋԸ

1. Պրուսիոյ խօսարանը Սազովայէ վերջը	1
2. Յաղթական բանակին դարձն ի Բէռլին	4
3. Գերմանիոյ Դաշնակցական Սահմանադրութիւնը. - Բիւսմարք՝ Ատենադպիր Դաշնակցութեան	6
4. Կոման Բիւսմարք և Նապոլէոն Գ. - Խնդիր Լիբստէմբուրկի	8
5. Պրուսիա կը հակառակի Լիբստէմբուրկի Գաղղոյ միացման. - Չէզոքացումն Լիբստէմբուրկի	10
6. Գերմանական Դաշնակցութիւն և Նապոլէոն Գ. - Տեսակցութիւն երկու կայսերաց ի Սալցբուրկ	13
7. Մաքսային ընդհանուր Գերմանական Դաշնակցութիւն	15
8. Հարաւային գաւառաց միութեան փափաքներ. - Բաաթն	15

ԳԼՈՒԽ Բ.

ԱՒՍՏՐԻԱ ՍԱԿՈՎԱՅԷ ՎԵՐՋԸ

1. Աւստրիա Սազովայէ վերջը	17
2. Պաշտօնեայ ֆոն Բալստ	20
3. Համաձայնութիւն Աւստրիա-հունգարական. - Երկաւորութիւն	22
4. Պարունակութիւն Համաձայնութեան	24
5. ՅԱւստրիա ազատական օրէնքներ. - Քաղաքական ամուսնութիւն. - Չինուորական օրէնք. - Կրթական վիճակ	26
6. Աւստրիոյ և Պրուսիոյ բարեկամական առնչութիւնք. - Պրուսիոյ Թագածառանգը ի Բէռլին	29
7. Հունգարիոյ հպատակ ժողովրդոց սոժոհութիւնք. - Սաւաք ընդդէմ Երկաւորութեան	30
8. Բոհեմիերուն Յայտարարութիւնը	31
9. Լեհք, Կալիքիացիք և Ռուսիք	33
10. Խուտաք, Սերքք. - Ապստամբութիւն ի Բոկկա զէ Կաւտաւրօ. - Դաշինք Խրուտաւաց	34

ԳԼՈՒԽ Գ.

ԱՆԳՂԻԱ. ԴԻՋՐԱԷԼԻ ԵՒ ԳԼԱԳՍՏՈՆ

1. Պաշտօնարան շոն Ռոսսըլ. Գլաղստոն պաշտօնեայ ելեւմտից. - Լորդ Ռորրը Սիսիլ (Սուլզրի) երեսփոխանը	35
2. Ընտրական նոր օրինաց առաջարկութիւն. - Անկումն պաշտօնարանին. - Երզման օրէնք	38

3. Ֆենեանք յիռլանդա. Յուզմունք և ցրուումն	40
4. Պաշտօնարան 'Իէրբի. - 'Իրգրաւէի պաշտօնեայ Իլեւմտից. - Նոր ընարական օրէնք. - 'Իրգրաւէի յաղթութիւնը	42
5. 'Իրգրաւէի պաշտօնարան	45
6. Աբխաճեա. - Թէնդոր Թագաւորը և անզդիացի կալանաւորք	45
7. Անզդիոյ կ. Պօլսոյ 'Իեսպանը Հայոց Պատրիարքին միջնորդու թեան կը դիմէ. - Հայ նուիրակութիւն յԱբխաճեա	48
8. Պատերազմ Թէնդորի դէմ, Լորդ Նաբիէրի յաղթութիւնը. - Մահ Թէնդորի	49
9. Գլադստօն կ'առաջարկէ յիռլանդա պաշտօնական Եկեղեցւոյն ջնջումը	51
10. Նախնական քուէարկութիւնը հակառակ պաշտօնարանին. - Նոր ընարութիւնք. - Անկումն 'Իրգրաւէի պաշտօնարանին	53
11. Գլադստօն պաշտօնարան. վերջնական քուէարկութիւն յիռլանդա պաշտօնական Եկեղեցւոյ ջնջուելուն. - Մահ Լորդ 'Իէրբիի	56

Գ Լ Ո Ւ Ի Թ.

Հ Ռ Ո Վ Մ Ա Յ Վ Ի Հ Ա Ա Կ Ե Ի Գ Ա Ր Ի Յ Ա Լ Գ Ի

1. Իտալիոյ միութիւնը. Հակառակ յուզմունքներ ի Սիկիլիա. - Նյուսճումն	60
2. Գարիբալդեանց և ազատականաց դիտմունքը Հռովմայ նկատմամբ	62
3. Ռիկազուլի պաշտօնարանին հակառակութիւնը. Խօսարանին լու ծուիլը. նոր ընարութիւնք. - Ոստատացցի պաշտօնարան	63
4. Գարիբալդի կը շրջի յուզելու գիտաւիտ, ընդդէմ Հռովմայ. - կալանաւորումը. - փախուստը	65
5. Մոնտէնոտոնդոյի գուպարածը. Հռովմայ մէջ փորձ մը	67
6. Գաղղիոյ միջամտութիւնը	68
7 Մենտանայի պատերազմը. Գարիբալդեանց յաղթուիլը. - Գարի բալդի կալանաւորուիլը	70
8. Գաղղիացի զօրքը ի Չիվիտա Վէկկիա	72
9. Թագաւորազուն իշխանաց ամուսնութիւնքը	72

Գ Լ Ո Ւ Ի Ե.

Ն Ա Պ Ո Լ Է Ո Ն Գ Ի Ա Ջ Ա Տ Ա Կ Ա Ն Կ Ա Յ Մ Ր Ո Ի Թ Ի Ի Ն Ը

1. 1867ի Որէնդիր ժողովքը. - Գերմանիոյ նկատմամբ իօսք	74
2. Յուցահանդէս համաշխարհական. - Թագաւորք և իշխանք ի Պարիս	77
3. 'Կաւ ընդդէմ Աղեքսանդր Բ կայսեր	78
4. Սուլթան Աբդուլ Ազիզ ի Պարիս	80
5. Յուցահանդէսի փակումը. - կայսրութեան վեճակը 1868ին	81
6. Որէնդիր՝ ժողովք 1868. - Հռովմէական և Գերմանական խնդիրք	83
7. Գաւառիակութիւն երկրորդակարգ ազլկանց համար	85
8. Որէնդիր ժողովք 1869ի. - Նոր ընտրութիւնք երեսփոխանական	86
9. Ազատական կայսրութիւն. - Էմիլ Օլիվիէ պաշտօնարան	87
10. Պիէր Բոնապարտի դատը	89
11. Մերակուտի Ասենսովճիոքը. - Ժողովրդախումբ քուէարկութեամբ կայսրութիւն	90

ԳԼՈՒԻ Զ.

Գ Ա Ղ Ղ Ի Ա - Գ Ե Ր Մ Ա Ն Պ Ա Տ Ե Ր Ա Ջ Մ Ը

1.	Հոհեմնձուլերն իշխանին Սպանիոյ գահուն թիկնածութիւնը . - Յու- զումն Գաղղիոյ վարչութեան . - Պահանջը	98
2	Բունն վիճարանութիւնը Գաղղիոյ Օրէնսդիր ժողովոյն մէջ . - Թիէր և ազատականը հակառակ պատերազմին	97
3.	Հրատարակութիւն պատերազմին	102
4.	Պրուսիա	103
5.	Գերմանական պետութիւնը և պատերազմը	104
6.	Երրոպիոյ պետութեանց բոնած դիրքը	106
7.	Թշնամութեանց սկսիւք . - Նապոլէոն բանակին մէջ . - Սաար- բրուքի զաղղիական փոքր յաջողութիւնը	107
8.	Պատերազմունքը ի Ֆորթա և Ռայխենֆէն	110

ԳԼՈՒԻ Է.

ԿԱՅՈՐՈՒԹԵԱՆ ՎԵՐՋԻՆ ՕՐԵՐԸ. ՍԷՌԱՆ

1.	Պատերազմին առաջին արձագանգները ի Պարիս	119
2.	Պարիս պաշարման վիճակի մէջ	121
3.	Օրէնսդիր ժողովքը . - Անկումն Էմիլ Օւիվիէ պաշտօնարանին . - Իք Պալիկաս պաշտօնարան	123
4.	Գերմանացի բանակը ի Լորէն . - Պատերազմունքը ի Բէռնի, Ռո- զէնվիլ կամ Մարզլաթուր, Գրավըլթ	126
5.	Բազմնի բանակը պաշարուած Մէցի մէջ . - Պատերազմունքը ի Սէն Պրիվա . - Ս. Բարր	135
6.	Պատերազմին արձագանգը ի Բէռլին և ի Գերմանիա	137
7.	Մակ Մահնի բանակը	140
8.	Սէզան . - Մակ Մահնի վերաւորուիւք . - Զորավարն Վէնֆէն հրամանատար բանակին	143
9.	Յանզուգն պաշտպանութիւն . - Անճատարութիւն զաղղիական բա- նակին	145
10.	Նապոլէոն Գ.ի զերութիւնը	146

ԳԼՈՒԻ Ը.

ԵՐՐՈՐԻ ՀԱՍԱՐԱԿԱՊԵՏՈՒԹԻՒՆ

1.	Սէզանի պատերազմին լուրը ի Պարիս	152
2.	Սեպտեմբեր 4	154
3.	Անկումն կայսրութեան. կայսրուհոյն փախուստը յԱնզղիա . - Գ. Հասարակապետութիւն	159
4.	Պարիսի զինուորական պատրաստութիւնը	161
5.	Խաղաղութեան փորձեր. Ժիւլ Ֆալքը. Թիէր	163
6.	Պրուսիացիք կը յառաջեն . - Պարիս կը պաշարուի	165
7.	Լուստի բանակը . - Պրուսիացիք կը տիրեն Ռուլանի . - Ուրիշ պա- տերազմունք	167
8.	Ստրազբուրկի անճատարը ըլլալը	169
9.	Գամբէտտա ի Տուր . - Նոր բանակը . - Գարիբուալդի ի Գաղղիա .	173
10.	Մէցի անճատարը ըլլալը	176

ԳԼՈՒԻ Թ.

Պ Ա Ր Ի Ծ ՈՒ Պ Ա Շ Ա Ր ՈՒ Մ Ը

1. Պարիս պաշարման ժամանակ	179
2. Հեկտեմբեր 31	181
3. Ժողովրդական քույրերի թիւը. — Հասարակութեան յառաջադրանքներ	188
4. Գաղղիական զինուց յաջողութիւնը Ռուսների դիմաց. — Պատեւարագմունք ի կուլմիէ, Դամպիւնի	184
5. Գաղղիոյ Արեւմտեան, Հիւսիսային և Արեւելեան բանակը. Գարիբալդիանցի քաջութիւնները	187
6. Լուստի բանակին յաղթուիլը. — Պրուսիացիք կրկին կ'առնուն զՌուսներն	189
7. Բելուսի առումը. — Տուրի Կուրիակութեան Բորդո փոխադրուիլը	191
8. Պարիսու վիճակը. — Յուրաք և անօթութիւն	193

ԳԼՈՒԻ Ժ.

ԳԵՐՄԱՆ ԿԱՑՈՐՈՒԹԻՒՆ ՆԻ ԿԱՇԻՆՔ ՊԱՐԻՍՈՒ

1. Գուլիէլմոս Թագաւորը կայսր կը հռչակուի ի վէրսայլ	194
2. Պարիսու ոմբակոծուիլը. — Վէրջին կէք. — Բիւզէնվալ	198
3. Վարչական փոփոխութիւնը	201
4. Զինաշարքում. — Դաշինք Պարիսու	202
5. Կոմիսիոն պատերազմունք	204
6. Գաղղիոյ Արեւելեան բանակը. Հէրիկուր	285
7. Գաղղիացի բանակը Զուիցերի կը քաշուի	207
8. Բնարութիւնը — Տարածայնութիւնը Պարիսու և Բորդոյի մէջ. — Գամբէտտա կը քաշուի	209
9. Խաղաղութեան Գաշնագրոյն ստորագրուիլը	211
10. Վերմանացոց մուտքը ի Պարիս	213
11. Վերմանական զերիշխանութիւնը	216
12. Հասարակութիւնը	217
13. Վէրսայլի վարչութիւնը. — Հասարակութեան հետ պատերազմները	223
14. Պատանդներուն սպաննութիւնը. — Պարիսու հրդեհը	223
15. Հասարակութեան անկումը. — Մակ Մահոն մարաշխտք կը տրի ի Պարիսու	225

ԳԼՈՒԻ ԺԱ.

ԻՏԱԼԻՈՑ ՎԱՐՉՈՒԹԻՒՆԸ Ի ՀՈՌՎՄ

1. Տիեզերական ժողովը Վատիկանի	226
2. Անտալուսիական վարչապետութիւնը	230
3. Իտալիա՝ Գաղղիա-գերման պատերազմի ժամանակ. — Գաղղիացի պահանջողը կը մեկնի Եկեղեցւոյ Վիճակէն	231
4. Բանակցութեան փորձեր Ս. Գահուն հետ. — Իտալացոց Եկեղեցւոյ վիճակը մտնելը	233
5. Հոռվմայ առումը	235
6. Արքունիք և պաշտօնարանք ի Հոռվմ	238

7. Խօսարանական վարչութիւնը 1872էն վերջը. - Մինչևտարի պաշտօնարան. - Մահ Մանճոնի	240
8. Վիկտոր Էմմանուէլի Վաննա, ի Բէռլին. - Փոխադարձ այցելութիւնը կայսերաց	241
9. Աջակողմեան պաշտօնարանաց անկումը. - Զախակողմեանը	244
10. Մահ Վիկտոր Էմմանուէլի	245
11. Ումբերտո Ա	247
12. Մահ Պիոս Թի	248
13. Ընտրութիւն Լեւոն ԺԳի	250

ԳԼՈՒԻ ԺԲ.

Ի ՍՊԱՆԻԱ ԱՄԷԼԻՍ Ա. ԵՒ ՀԱՍԱՐԿԱԿԱՅՏՈՒԹԻՒՆ

1. Իշխանն Ամէղէօ Սափոյիոյ՝ կ'ընտրուի թագաւոր Սպանիոյ	252
2. Ամէղէօ ի Սպանիա. Սպանում Պրիմ մարշալախի	254
3. Խորհրդարանի բացումը. - Կասդէլար. - Կորթիլլա պաշտօնարան.	256
4. Մալկոմպօ պաշտօնարան. - Խորհրդարանը ընդդէմ Հաերագգայիճ Բեկերսթեան	258
5. Սագասցա պաշտօնարան	260
6. Դոն Կարլոս՝ Դուքս Մադրիդի և Կարլոսեան կոնքերը	262
7. Անկումն Սագասցա պաշտօնարանին. - Սերբանօ-Կորթիլլա պաշտօնարան	265
8. Դաւ ընդդէմ Ամէղէոյի. Այցելութիւն գաւառաց	265
9. Ամէղէօ կը հրաժարի Սպանիոյ գահէն	268

ԳԼՈՒԻ ԺԳ.

ԴՈՆ ԿԱՐԼՈՍ ԵՒ ՔԱՂԱՔԱԿԱՆ ՊԱՏԵՐԱՅԻՐ

1. Դաշնակցական Հասարակապետութիւն	270
2. Դոն Կարլոս ի Սպանիա. - Ի կուէրնիքս թագաւոր հռչակուիլը	273
3. Մայրաքաղաք Հասարակապետականը ի կարթագինէ. - Դոն Կարլոս կը տիրէ Էստէլլայի և Հիւսիսային միջին գաւառաց	274
4. Մադրիդի վարչութիւնը. կասդէլար զլուի՝ Գործադիր իշխանութեան	277
5. կուրայի սպառնալուծութիւնը. - Միացեալ Նաշանցաց սպանալիքը	278
6. կասդէլար պաշտօնարանին անկումը. - Պետական հարուած. - Սերբանօ մարշալախը զլուի վարչութեան. - կարթագինէի առումը	281
7. Բիլբաոյի զիմաց կարլոսեանց յաղթութիւնը. - Քոնքա զօրավարին մահը	283
8. Հասարակապետութիւնը և եւրոպական պետութիւնը	287
9. Սերբանօ բանակը կը մեկնի	290
10. Զինուորական Արտայայտութեան մը զԴոն Ալֆոնսոս բուրբոնեան թագաւոր կը հրատարակէ	291
11. Դոն Ալֆոնսոս ի Սպանիա. - կանոմա ղէ կասդիլլօ պաշտօնարան. - Ալֆոնսոս ԺԲի բանակը, Պետութեանց ընդունիլը	292
12. Դոն Կարլոսի հրատարակութիւնը. - Յաղթութիւնը. - Զօրավարաց ոմանց հեռանալը	294
13. Թագաւորական բանակին յաղթութիւնը. - Ուրճէլի առումը. Յովելար կուրս կը զրկուի	296
14. Ընտրութիւնը. Խորհրդարանի բացումը. - Ալֆոնսոս ԺԲ բանակին զլուի. Էստէլլայի անձնատուր ըլլալը. Դոն Կարլոս կ'անցնի ի Գազդիս	299

ԳԼՈՒԽ ԺԴ.

ԱՐԳԻՒՆԻ Լ ԱՋԻՋ ԵՒ ԱԱԼԻ Ժ Փ Ա Շ Ա

1. Արդիւ Ազիզ	302
2. Վաքըֆներու ժառանգութիւնը . - (Ստարագգեաց կայուած ունենալու իրաւունքը	304
3. Արդիւ Ազիզի երթը Պարսու Յուցահանդիսին . - Աալի փաշա Քազապահ ի Կ. Պօլիս	306
4. Արդիւ Ազիզ ի Պարսս	308
5. Արդիւ Ազիզ յԱնգղիա և Լոնդրա	310
6. Արդիւ Ազիզ ի Վեննա և Մաճառասան . - Անցք զանուրեան զաւաններէն	311
7. Կարժը ի Կ. Պօլիս և ուղեւորութենէն յուսացուած արդիւնքներ	313
8. Պետութեան և Արդարութեան Ատեանները . - Կրթական Հաստա- տութիւնք . - Ներքին զաւեթ	315
9. Աղաթոն էֆէնտի և իւր մահը . - Յովհաննէս ամիրա Տատեան	317
10. Եւթնի կայսրուհին ի Կ. Պօլիս . - Ուրիշ Քազաւորագուն այցե- լութիւնք	320
11. Եզիզտոսի Թուրքիոյ Հետ յարաբերութեանց վատնալը	323
12. Աալի փաշայի մահը . - Վարչութեան տկարանալը . - Մաճմուտ Նեղիմ փաշա	325
13. Արդիւ Ազիզ կ'ուզէ փոխել ժառանգութեան կարգը ի նպաստ իւր որդւոյն	332

ԳԼՈՒԽ ԺԵ.

**ԲԱԿԱՆԵԱՆ ԱՋԿԱՑ ԱՊԱՏԱՄԱՐՈՒԹԻՒՆ ԵՄԷԱՓՈՒՈՒԹԻՒՆ Ի Կ. ՊՕԼԻՍ
ՄՈՒՐԱԳ Ե. ԱՐԳԻՒՆԻ Լ ԱՋԻՋ ԵՒ ԱԱԼԻ Ժ Փ Ա Շ Ա**

1. Պալկանեան ժողովրդոց տժգուճ վիճակը . - Ինքնիշխանութեան ձգտումը	328
2. Հէրձէզովինայի ապստամբութիւնը	330
3. Բուլղարիոյ շարդերը	332
4. Յեզափոխութիւն ի Կ. Պօլիս	335
5. Արդիւ Ազիզի զահրնկէցութիւնը և մահը	337
6. Սուլթան Մուրադ Ի, և զահրնկէցութիւնը	337
7. Սուլթան Արդիւ Համիդ Բ	339
8. Սերրիացիք կ'ուզեն օգնել Հէրձէզովինայի . - Միւան իշխանին հրատարակութիւնը	340
9. Մոնտենէկրոյի բանակը . - Նիկոլա իշխանը	341
10. Արդիւ Քէրիմ փաշա իւր յաղթութիւնքը Սերրիացոց դէմ . - Պեղզրաղ չուիւր	342
11. Բանակցութիւնք Մեծ պետութեանց . - Բնդահուր մաճմտական ոգույն զարթումը	346
12. Ճիւնիսի յաղթութիւնը . - Ռուսիոյ վերջնագիրը	349

ԳԼՈՒԽ ԺԶ.

Կ. ՊՕԼՍՈՅ ԴԵՍՊԱՆԱԺՈՂՈՎՐ. ԹՈՒՐԲ ՍԱՀՄԱՆԱԴՐՈՒԹԻՒՆԸ

1. Կ. ՊՕԼՍՈՅ ղեկավարած ժողովը	351
2. Դաւ Աբղիւ Համիդի դէմ. - Միդհադ փաշա մեծ վեզիր	353
3. Թուրք սահմանադրութիւն	355
4. Մահառք Թուր մը կը նուիրեն Աբղիւ Քէրիմի	358
5. Դեկտեմբերական ժողովոյն բուռն վիճարանութիւնը	359
6. Օսմանեան մեծ ժողովը. - Պետութեանց պահանջներուն մերժումը. - Դեկտեմբերական ժողովոյն ցրուումը	360
7. Պալատան մէջ Միդհադ փաշայի դէմ ամբաստանութիւնը. - Միդհադ փաշայի պաշտօնընկէցութիւնը և աքսորը	363
8. Էդէմ փաշա պաշտօնարան	365
9. Աբրիտի հետ հաշտութեան դաշինք. - Բանակցութիւնը Մոնտենէգրոյի հետ	366
10. Աբղիւ Համիդ Թուրք Խորհրդարանը հանդիսաւոր կերպով կը բանայ	367
11. Լոնդրայի Դիւանագիրը	369
12. Բ. Գուրը կը մերժէ դիւանագիրը. - Ռուսիոյ և Թուրքիոյ յարաբերութեանց խզումը	370
13. Պատերազմին ծայրը օսմանեան խորհրդարանին մէջ	372

ԳԼՈՒԽ ԺԷ.

ՌՈՒՍԱՍՏԱՆ ԱՍՒՈՅ ԿԵԴՐՈՆԻՆ ՄԷՋ ԵՒ ՅԵՒՐՈՊԱ, 1866-1878

1. Ռուսաստան և Անգղիա	376
2. Ռուսաստանի աշխարհակալութիւնը Ասիոյ կեդրոնը	374
3. Չէնայէֆ զորավարը կը տիրէ Թուրքաստանի և Տաշկէնտի	379
4. Ռուսը կը տիրեն Բուխարայի և Խիվայի	380
5. Ռուսաստան և Չինաստան ի փաշկար	383
6. ԱՂՈՒԱՆՍԱՆ. Մրցումն Ռուսիոյ և Անգղիոյ. - Դատամարտի Դաշինքը. - Անգղիոյ զորձակատարին սպանութիւնը	383
7. Սիր Տրեդերիկ Խորբրտս կը տիրէ Քապուլի. Կ'ազատէ զԳանատաւար	385
8. Աքորէլէֆ զորավարը կը տիրէ Կէօք Թէպէի. - Մէրժանձնատուր կ'ըլլայ	388
9. Ռուսաց դաշինքը Պարսից, Ճարոնի և Միացեալ Նահանգաց հետ	389
10. Անգղիական երկաթուղոյն զաղափարը	389
11. Ռուս թաղբարկանութիւնը յիշրոպա Թուրք-ռուս պատերազմէն առաջ. - Իշխանն Գորչաքով	391
12. Վազդիտ-ռուս դաշնակցութեան մը պատճառը	393

ԳԼՈՒԽ ԺԸ.

ՌՈՒՍ ՐԱՆԱԿԸ Կ'ԱՆՑՆԻ ԳԱՆՈՒՐ ԵՒ ՐԱԿԱՆՆԵՐԸ

1. Ռուս և Թուրք բանակները	396
2. Պատերազմի հրատարակումը. - Իշրոպական Պետութիւնը	398

3. Ռուս-Ռուսին Համաձայնութիւնը	400
4. Թուրք բանակին կացութիւնը և Կ. Պօլսոյ վարչութիւնը	401
5. Իսնուրի վրայ առաջին կռիւնները. — Երկու թուրք մարտանասր կ'ընկղմին	404
6. Ռուսահա պատերազմ կը հրատարակէ Թուրքիոյ դէմ	406
7. Մոնաէնէզրոյի պատերազմը	409
8. Աղեքսանդրի Ռուսահա. — Ռուսք Իսնուրը կ'անցնին	410
9. Սիֆիցայի անցքը. — Ռուսք ի Բուլղարիա	412
10. Աղեքսանդր ի. առ Բուլղարս. Բուլղարիոյ վարչական կազմակերպութիւնը	415
11. Ռուսք կը տիրեն Տերնովայի և Նիկոպօլսոյ	416
12. Զորավարն Գուրգօ կը տիրէ Խայնի Քէօյի. Քըզանլըքի և կ'անցնի Զըպզըայ կիրճը	417
13. Ի Կ. Պօլիս ազդեցութիւնը. — Արդիւլ Քէրիմ և Ռէզիֆ փաշայք պաշտօնանկ կ'ըլլան	420
14. Մէհմէտ Ալի ընդհանուր հրամանատար. — Սիւլէյման փաշա Զըպզա կը զրկուի	422

ԳԼՈՒԻ ԺԹ.

ՀԱՅԱՍՏԱՆԻ ՄԷՋ ԹՈՒՐԳ-ՌՈՒՍ ՊԱՏԵՐԱԶՄԸ

1. Ատրական ոռս բանակը. — զօրավարն Լորիս Մէլեքով	424
2. Թուրք բանակը. — Ահմէտ Մուխթար փաշա	427
3. Տէր Ղուկասով զօրավարը. — Տէր Ղուկասով կը տիրէ Բայազիտի, Իւչքիլիսէի և Աւաշկերտի	428
4. Աղեքսանդրուպօլի բանակը. — Հայոց սիրալիք ընդունելութիւնը	430
5. Ախլցխայի բանակը. — Կը դիմէ դէպ յԱրտաշան	432
6. Արտաշանի առումը	433
7. Արտաշանի առման լուրը ի Կ. Պօլիս	436
8. Ռուսք կը չունեն կարսի վրայ. — Մուխթար փաշա կը թողուզ կարս. — Բէնքլի Ահմէտի կռիւր	438
9. Ռիոնի բանակը	439
10. Ռուսք կը տիրեն Ալեքուայի եզերքներուն	441
11. Ռուսք դէպ ի Բաթում	443
12. Թուրքաց արշաւանքը ի Սոխում Քալէ	443
13. Թուրքիոյ յաղթութիւնքը և յաղթութիւնքը	445
14. Շէկոֆիկով հազարապետը կը վանէ Թուրքերը. — Թուրքերը կը մեկնին Սոխում Քալէ	446
15. Հայաստանի թուրք բանակին կացութիւնը. — Կը յաղթուի ի Տրոմ Տաղ	447
16. Թոփ Տաղըի յաղթութիւնը. — Յաղթութիւն ի Միւլի Տեւզ	449
17. Տէր Ղուկասովի նահանջը դէպ ի Երեւան. — Քիւրդերու անօրէնութիւնք	451
18. Բայազիտի պաշարումը ի Թուրքաց. — Տէր Ղուկասով կ'ազատէ, բայց կը թողու	454

ԳԼՈՒԻ Ի.

ՊԼԻՎՆԱՅԻ ԵՒ ԶԸՊԳԱՅԻ ՇՈՒՐՋԸ

1. Անգղիոյ նաւատորմը Կ. Պօլսոյ ձօռ	459
2. Օսման փաշա և իր բանակը ի Պէլլեա. — Պէլլեայի առաջին պատերազմը	459

3. Ռուսներն—Ռուս Դաշնակցութիւն. — Պէլճիայի երկրորդ պատերազմը և հետեւանքները	462
4. Գուրգո զօրավարը. — Էսքի Զաղրայի կոտորածը. Թուրք և քրիս- տոնեայ զաղթականութիւնը	468
5. Մոնտենէզրոյի Նեկուա իշխանին յաջողութիւնը	471
6. Միւլէյման փաշա ի Զրպպա. — Յարձակումը, նահանջը	471
7. Երկու կողման բանակաց կացութիւնը Պէլճիայի զիմաց	475
8. Պէլճիայի երրորդ պատերազմը	472
9. Պէլճիայի պաշարուածը	482
10. Մէհմէտ Աւի ի Շուսիւ. — Քարահասանի յաղթութիւնը	483
11. Գուլտէլիէվացի պարտութիւնը. — Մէհմէտ Աւի կը կանչուի ի Կ. Պօլիս	485
12. Միւլէյման փաշա ընդհանուր հրամանատար. — Զրպպայի վրայ յարձակումը և անյաջողութիւնը	487

Գ Լ Ո Ւ Ի Ի Ա .

Կ Ա Ր Ս Ի Ա Ռ Ո Ի Մ Ը Ի Ռ Ո Ի Ս Ա Յ

1. Տէր Ղուկասով զօրավարը և իսմայէլ Հակոբ փաշա ի զդէրի զիմաց	490
2. Լորիս Մէլիքով և Մուխթար փաշա Ախուրեանի եզրերները. — Մուխթար փաշա կը տիրէ Քըզըլ Թէփէի	493
3. Ռուսը կը սկսին յարձակումը Կահնիլէրի վրայ	496
4. Լազարէվ զօրավարը և Աւան Տաղի պատերազմը. — Թուրք բա- նակը անձնատուր կ'ըլլայ	498
5. Տէվէ Բոյնուի պատերազմը. — Ռուսաց յաղթութիւնը	503
6. Կարնոյ վիճակը	506
7. Թուրք կը յաղթեն ի Թոփ Տաղը	508
8. Լազարէվ հրամանատար Կարսի բռնակցիւն. — Պաշարուած	509
9. Կարսի ընդհանուր յարձակումը	510
10. Կարսի առումը ի Ռուսաց	516
11. Հետեւանքը մահմէտական ցեղերու վրայ	517
12. Մուխթար փաշա ի Կարսին. կը կոչուի ի Կ. Պօլիս	519
13. Դերվիշ փաշայի բանակը ի Բաթում	519

Գ Լ Ո Ւ Ի Ի Բ .

Պ Լ Է Վ Ն Ա Յ Ի Ա Ն Կ Ո Ի Մ Ը

1. Պէլճիայի զիմաց Ռուսաց մեծ բանակը. — Զօրավարն Տոտլէրէն հրամանատար պաշարման	520
2. Կորնի Դուբնիքի և Տէլիշի պատերազմները	522
3. Պէլճիա պաշարուած	525
4. Մէհմէտ Աւի զէպ ի Օրխանիէ	527
5. Միւլէյման փաշա զէպ ի Պէլճիա. — Մէլքայի պատերազմը	528
6. Յիւլէնայ Միւլէյման փաշայի յաղթութիւնը	530
7. Մէլքայի քով երկրորդ պատերազմ և պարտութիւն	531
8. Ի Պէլճիա պաշարին սպառումը. — Մեծ Դուբնի Նեկուա կ'առա- ջարկէ անձնատուր ըլլալ	532
9. Օսման փաշայի հԼՔԸ. — Վերաւորուիլը	534
10. Օսման փաշայի և բանակին անձնատուր ըլլալը	536
11. Ռուս բանակը ի Պէլճիա	539

ԳԼՈՒԽ ԻԳ.

ԹՈՒՐԳ ԽՕՍԱՐԱՆԻՆ ԵՐԿՐՈՐԻ ՇՐՋԱՆԸ

1. Օսմանեան երեսփոխանական իօսարանը	540
2. Պաշտօնէից փոփոխութիւնը. — Պետութեան Հայ պաշտօնեայք .	542
3. Երեսփոխանական ընտրութիւնը երկրորդ շրջանին. — Խօսարանին բացումը Սուլթանէն	543
4. Ուլ-քրիստոնեայ ազգաց զինուորագրութեան խնդիրը. — Զինուորագրութեան խնդիրը Հայոց Խառն ժողովոյ մէջ	545
5. Խօսարանին մէջ զինուորական և քաղաքային կացութեան մասին.	547
6. Գաւառաց մէջ կեդեցիլ պաշտօնատէրաց Նկատմամբ	548
7. Հայ երեսփոխաններուն խնդիրը որ Հայաստանէն հող չտրուէ Ռուսաստանի	552
8. Գաւառաց պաշտօններու ընտրութեան և քննութեան մասին	555
9. Տպագրութեան ազատութեան վրայ	555
10. Պաշտօնարանին հրաժարիլը. — Ահմէտ Վէֆիը փաշա՝ նախագահ պաշտօնարանին	556
11. Խօսարանը ընդդէմ Զէրքէզներուն աւարտութեանց	557
12. Պատերազմին ժախողելուն պատասխանատուութեան քննութիւն. — Խօսարանին փակումը	558

ԳԼՈՒԽ ԻԴ.

ՌՈՒՍԳ Ի ՖԻԼԻՊՊԷ-ՅԱՆՐԻԱՆՈՒՊՕԼԻՍ

1. Պէլճեայի անկմանէն վերջը երկու կողմի բանակները	560
2. Ի Կ. Պօլիս Հաշտութեան փափագներ	561
3. Սերբիա պատերազմ կը հրատարակէ Թուրքիոյ. — Ներշի առումը Սերբիէն	564
4. Ռուսը կ'անցնին Բալկանները. — Զօրավարն Գուրգօ կը տիրէ Սֆիայի	569
5. Զըպպայի Թուրք բանակին անձնատուր ըլլալը.	573
6. Ռուսը ի Ռումէլի. — կը տիրեն Թաթար Բազարճըքի, Ֆիլիպպէի և Աղրիանուպօլսոյ	576
7. Զօրավարն Սթրէլէֆ կը չուէ ի կէլիպօլու	580
8. Զորէվիչի և Միմմերմանի բանակները. — Բազարճըքի կոտորածը 1877ի և 1878ի նաւական պատերազմներ	582
10. Մոնտէնէգրոյի պատերազմները	580
11. Յունաստանի յուզումները	581
12. Ապստամբութիւնը ի Թեսաղիա, Եպիրոս, Մակեդոնիա	584
13. Կրեաէի ապստամբութիւնը և տեղական վարչաբիւրօ	595
14. Ռուսը ի կարին. — Շէկոփիցով զօրավարին մահը	597

ԳԼՈՒԽ ԻԵ.

ՍԱՆ ՍՏԷՖԱՆՈՅԻ ԴԱՇԻՆՔԸ-ԲԷՌԼԻՆՈՒ ԺՈՂՈՎՔԸ

1. Թուրքիա կը դիմէ Ռուսիոյ, զինադադարման համար.	594
2. Անգղիոյ նաւատորմիչը ի Գարդանէլ. — Զինադադարման յօդուածը	595
3. Հաշտութեան բանակցութիւնը յԱղրիանուպօլիս, ի Սան Ստէֆանօ.	598

4. Սան Սաէֆանոյի Դաշանց յօդուածները. - Ստորագրութիւնը	593
5. Մեծ դուքսն Նիկոլա ի Կ. Պօլիս. - Թուրք-ռուս պատերազմին վերջանալը	602
6. Սան Սաէֆանոյ Դաշանց տպաւորութիւնը Արեւելքի, Արեւմուտքի մէջ	604
7. Անգղիոյ և Ռուսիոյ մէջ ընդհարման երկիւղ	606
8. Անգղիոյ և Թուրքիոյ Յունիս Էի դաշինքը Կիւպրոսի նկատմամբ.	609
9. Բէռլինու ժողովքը.	611
11. Ռուսիոյ նոր սահմանքը Հայաստանի մէջ	614
12. Խոստացեալ բարեկարգութիւնք. - Բէռլինու ժողովքին արդիւնքը.	617

